

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第三五〇冊



責任編輯：孫言誠 賀 偉

ISBN 7-5333-0615-5



四庫全書存目叢書·集部三五〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

徐壇古籍精裝印務有限公司印製

787×1092 毫米 16 開本 50.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三五〇冊目次

集部・總集類

啓雋類函一百七卷目錄九卷(二)

〔明〕俞安期等編
遼寧大學圖書館藏明萬曆刻本

.....一

啓雋類函一百七卷目錄九

卷(二)

〔明〕俞安期等編

遼寧大學圖書館藏明萬曆刻本

啓雋近體卷三十三

類函四十五

東吳俞安期美長彙編

上饒王嗣經曰常同輯

莆中游子騰勿馬訂定

地官部三

管倉差

賀王倉使啓

宋王邁

輟班郎省司庾輔畿太平宰相之家聲青璫猶舊皇
華使臣之風采翠節維新嶽后前驅江靈起舞切謂
將指於三輔莫重常平之一司與自近年置爲遠達
東南之力竭矣帑藏焦熬西土之事紛然符核旁午

啓雋類函

卷三十三

一

況當水潦饑饉之後居多溝壑流離之憂觀風而得
偉人未春而有和氣恭惟某官童蒙天奎璧鎮地嵩衡
八龍競躍於雲津俱稱相種一鳳獨儀於天表見謂
人豪垂陞舍選以策勛力遜孤寒而歛步游戲文章
之三昧呈露政事之一斑赤子字民河潤均京師之
福屏星照郡海康奏邦國之功入綴周行不趨捷徑
朱轡出守追還樂職之歡誼白鹿崇儒喚起鑪亭之
舊夢無何奏最有詔召歸鷄舌之香方熏豹尾之班
在邇人皆爲之從吏公獨付之笑談一節請行六丁
莫挽四牡載馳少駕輕車於熟路三槐無恙歸留一

柱於明堂伏念其家也軍士性天蒙眷三載身依於
綠水一朝望斷於白雲壯氣索然親榮已矣幕府戎
期之已及書生室譜之未開慶符笑單敷陳罔既

賀留倉使啓

宋李 劉

擢從需嘗任重使閩斯殿促朝認乘輅之風采康臺
恢建帶銜袖之天香上歎賈以欣然吏聞滂而凜若
有光臨遺幸甚同寅恭惟某官浮石清流爛柯仙品
傳家遠業皆自出於機緘蓋世通才獨善藏於芒刃
糧審迭更於中外農祥妙著於勾稽半竹攸分甘棠
勿翦帝興懷於先正民未遠於去思爰昇所臨庶幾

啓雋類函卷三十三

二

是以雖曰股肱之郡聊爲衣鉢之符然而治劇剗繁
已彰殊効孰若觀風問俗庸廣周咨固不待於沈宅
浮家則全藉之摘然煮水睠惟南嶠微遠尺天生齒
寔蕃官箴少弛皇華風動俗預想於澄清宣室夜闌
旨親承於密勿送之禮樂于彼隰原移今日之留中
爲後來之入侍某昨經崇開獲際高標殷如金石之
聲茲猶夢想幸甚襟樗之質更得因依慚馳傳之甫
寧正飛芻之未達出多於入見不逮聞况如誠民核
部之難又在通楮規鹽之外王事靡盬儻惠顧於同
舟德音不遐願拱聞於避席

賀曾倉使啓

宋洪 适

恭審詞綸渙寵庚節升華鳴屨而上星辰夙仰望郎
之宿衣繡而立霄漢聳觀膚使之風民皆歎聲物有
生意恭惟某官學問正大典刑老成襲南豐之箕裘
宜益大於數世之後傳東萊之衣鉢早權高於諸公
之間建安卓犖之才名正始風流之人物翛然自得
澹若無營利足飭人競嗜刀頭之密術能醫國獨藏
肘後之方一飲武於粉闥久寄情於綠野手弄鑑湖
之明月曾吞禹穴之晴雲琴本無絃句常有眼固可
傲造物於靜中之地然豈置蒼生於度外之時風駕

啓雋類函卷三十三

三

起家薄言問俗乃騰江東之故國方移河內之窮民
奪路殍於烏鵲雖識仁人之志空窖藏於雀鼠奈多
黠吏之奸惟能正一道之利權斯可壽群生之命脉
皇華攬轡姑馳四牡之閑閑禁角鳴鞘卽扈六飛之
耳耳某蟲冰見解螢雪生涯歲月消磨影墮羣飛之
末襟期傾倒氣衰耳鼓之餘獨冷自甘一寒誰念不
圖采藻之樂遽托愬棠之陰俗客不來刮目對芝山
之曉兒童相約歸心詠沂水之春

賀潘分司新任啓

賀九

明諸葛昇

晉陟清班捧梓乍辭楓陛升華計省寒帷正喜菊天
歌已矢於澤鴻賀方抒於厦燕着楊此日齒及何時
恭惟某官秀建羊城名懸鴈塔舒翹刀試花明植柳
之濱錄異錦城棠滿產芝之境即宜曳履星辰上以
喉舌司衡乃暫持籌風露中而股肱分任良以興龍
重地每戒於二東則此集鳳名區常資其九扈者也
其爲儒既拙八仕難工執掌荒城無裨牛羊之牧棲
身法字有懷鷄犬之仙瞻紫氣於關前已幸樓臺近
月儼祥光於座上還欣花木逢春敬和蟻忱用申雀
啓雋類函卷三十三

喜謗謂白衣同獻實惟朱紱方來

賀分司元旦

賀潘分司啓

明王德乾

斗杓東指春光繞映於台垣籌畫中持歲計滋流於
泉府欣遇坤乾之泰倍增川阜之休華序端臨頌言
虔致恭惟某官荆南間氣斗北名宗清閥干霄以忠
義爲傳家之學崇名揭日於謀猷見憂國之心倦倦
於水火之民急急乎饑溺由已乃二署更直內陪從
於大微而九計司衡外分節於少府職任昔分而今
合事權滋重以有加六府時修聿布堯文之渙千倉
高峙用昭漢道之登樞運百千艘粟恍如於雨注壺
啓雋類函卷三十三

賀清江浦閫分司啓

元旦

明陳克任

陽回玉律乾坤喜泰運之交春轉金湯淮海慶仁流
之及惟忠猷素孚于天府故倚毗獨重乎地曹起草
名高含香續懋欽惟某官才空汝上望盛天中桂籍
蚤登里閭有神童之譽幸園高會風雲際明聖之朝

河洛演圖書兩地開龍門之學中原樹旗鼓一時主
牛耳之盟東南財賦借分貳會計憂紆宵旰外內攘
安歸轉運度支慮切縹緲清江湛玉壺臘轉一天星
斗朗月懸金鏡春消五夜冰霜佇名姓覆平金甌親
勦業調平玉燭如某一介丘民自慚孤生之竹廿年
斗仰誰非再履之天華袞久被于青山藻翰增光乎
白屋謹修土貢伏覲冥涵

啓雋類函卷三十三

六

上官君

上詹使啓

宋李劉

鐵硯關心莫續盤洲之地脉繡衣具眼好開泮水之
天荒雖離奇了無先事之容而啐啄或有同時之理
不孤此志端係其逢昔者東坡之門卓然北斗之望
惟斯文之崇主盡在是故當世之豪傑皆歸之陳后
山之在徐嘗賦稻田待公秧之句黃山谷之游魏亦
哦小草有遠志之詩皆由郡文學之臣自負墨客卿
之列品題一出聲價倍增遂令四學士之名等華岳
而俱重以至六君子之選與星日以並乘此風無傳
啓雋類函卷三十三

七

吾道誰屬必宗正鉅儒之繼作則文人才士之爭趨
軒輊係於一言榮辱著於萬世賜之許可得所歸依
伏念某骨相郊寒性資參魯付悲歌於長缺每思看
劍之文成甘活計於編纂自喜牀頭之易在重親白
髮一第青衫將盤跚於簞楚之塵又長轉於蠶鹽之
壑兩需瓜熟七見梅春訪三洪之謀於故國之中拜
一範之像於公堂之上枕湖光而醒夢何嫌書懶望
之嘲餐山色以療饑敢爲飯不足之嘆顧此游之不
惡知其命之將通道日中明使星下燭宗武精文選
之奧體寬於綵衣潤朗讀山海之經俾顯言於春

酒凡博我以文之意皆教之爲善之思矧當行部見
學官之時得與樞衣侍先主之教權輿有主料理無
難雖殷奔策馬之不前然是彈求鸚之貴早畫驅窮
鬼坐待東君伏過某官盛世模稜清朝柱石探邃詰
之丘索異心洙泗之間紬秘府之圖書步武蓬萊之
頂斜飛背日夙駕觀風以胃中之鏡而照世吏之百
奸以肘後之方而起疲氓於九殞且力扶於公議毋
樂得於英髦已多桃李之芬芳肯使茅芹之冷落遂
忘躍冶有覲賞育能爲點頭收作侯邦之下客想應
藉手追隨相館之翹材禱懇惟深鋪陳莫既

啓雋類函卷三十三

通管倉

通王倉使啓

宋方岳

占使者之星聚魁躔於斗北愧郎官之宿分凋邑於
江東瞻言出岫之雲共飲入閩之水聞里老父私相
語矣謂鄉先生其必憐之恭惟某官妙擢玉兔之毫
幾跨金鼇之背方賜對於蓬萊殿雖阿房賦第五而
名益高如起草於明光宮則詞林世少雙而又有體
當其呈琅玕而翼閭闔謂已朝閭風而夕崑崙胡爲
勇去於筍班迺宵平放於粟庚意者皇華之遺簡於
清燕之間若曰欲聚民毋聚財何俗吏之念不到此
自昔有獎人無獎法惟通儒則仁在其中切嘗竊蕭
平原詳試之才真不負賈太傅治安之策民豈無嘆
公其有瘳某技止黔鹽計如鄭鼠每賦澁勒枳柳之
霧雨偶脫蕭條茅葦之瘴煙迄班引於嚴宸復驅來
於僻縣至則數家聚矣坐想吾民之窮知者幾何人
哉誰憐作邑之苦幸粉榆之相望豈桃李之不言乎
彼高崗而鳳凰鳴雖迥殊於寥寞旣成大厦而燕雀
賀將自樂於棲遲仰黷盛心不任覲面

通徐倉使啓

宋林豈塵

藩屏疇庸頒綵從天而下庾臺將指持節被江以東

茲九重引近之有光且一道平頒之攸頽風聲戾止
觀聽翕然恭惟某官雙溪權秀六館蜚英煌煌華國
之文科第直俯拾爾磊磊濟時之略州縣豈足留之
姓名果徹於凝旒步武頓開於亨軌擢由金耀式是
璧而給札玉堂織天孫之雲錦讐書天祿登道家之
蓬萊屬九虎之啓扉俄三刀之入夢淮邦草木已稔
識於威名江國生靈慨每罹於乾溢界之英蕩被以
光華廩粟腐紅茲暫司於歛散橐荷持紫俯入侍於
邃嚴某才下亡庸命竒寡偶運泛莫裨於寸畫瓜時
已上於更書劃聆需轡之來正值倣裝之際願承約
啓雋類函卷三十三

東樓燕幕以奚安或假賓綠登龍門其自始

送管倉司官

送袁督倉還朝啓

明汪若水

庚節凌霄籌畫懋持衡之績重書耀日經綸弘裕國
之謨借資公輔鴻才管飭度支駿業方勤仰止條動
離思恭惟臺下玉壘文衡錦渠上乘龍翔甲榜聲傳
御殿之臚覽振名曹妙入瓊臺之選曳履聯班平僊
籍贊翊廷猷握籌分署夫儲司會通國計彭城駐節
恢大厦以佐巖廊洪水持衡積厚藏而扶社稷歆陳
紅于萬石上應天倉主橐紫于千楹下裨地部某夙
欽斗仰莫遂風趨爰及瓜期起秋風之別緒肅將芹
啓雋類函卷三十三

獻申旦曝之微忱伏冀台慈俯垂鑒照

回答管倉

回趙監倉啓

宋趙南塘

千枝分若木之輝幸聯譜玉百里效問梅之隱喜近
鳴珂愧汗竹之未遑感駢花之先墜恭惟某官諸姬
爲近大雅不羣浩氣摩空淬鏢干而未試英猷蓋世
策騏驥以將馳惟聲稱唇衆正之前宜步武絕諸臣
之右胡爲倉貯之富顧資鞭算之長雖華次之少需
恐特招之立至法行自近詠麟已應於闕睚立愛惟
親愛馬佇看於晉用某宗萃晚出儒級繼登初試吏
於南昌適依仁於通德擬致緘藤之敬遽傳存勞之
啓雋類函卷三十三

主

音味謙挹以難勝拊疎庸而增惕豈無他人不如同
姓誠臭味之不殊既見君子實慰我心覲本根之攸
莛寸衷所嚮尺楮莫酬

賀邊儲初差

代賀新儲郎啓

邊儲

宋周必大

陞班省闈董賦轅門內倚重於名郎外增華於虜使
除書一布與頌四傳恭惟某官蹈德冲和摘文敏贍
屢紀循良之績獨高簡要之稱輟自周行往臨禹會
既澄清之効著亦欽散之政修陟明將遣於從班錫
寵更膺於劇寄仍文昌之峻職調武旅之餘糧士飽
而歌益壯軍聲之十萬人圖其舊佇觀海運之三千

賀都總領啓

即今邊郎

宋方岳

伏審分職地官時衡天塹九霄觀象使星郎宿之交
啓雋類函卷三十三

十三

輝十道披圖江表淮壖之並總選除甚重倚信可知
恭惟某官學粹而才雄色餘而氣勁棲遲遠郡如鳴
鶴之處陰凌厲周行若蜚鴻之漸陸授田中率既首
應於褒書放績及期更誕頒於寵命內幹左曹之賦
外司土壘之儲錦帳過都諒膺書接綉衣誇里寧歡
夜行方將宜渴口之威何止實關中之粟某熟誼聲
於士論聆政術於官塗惟今臺治之所臨實許校官
之所睹王人在諸侯之上行覲多儀談士輕萬戶之
風幸符風志其爲闡懌未易數云

賀李儲郎啓

明楊泰毓

含香覆錦名早著于爲郎秉軸持衡器已周于當路
歡深倚玉感切報瓊恭惟某官蘊藉汪洋吞雲夢者
八九丰神峻特振弱水者三千楊白眉之家聲樹赤
幟于藝苑夙上計臺之最久分使版之權眷此西河
實爲要地民惟雲漢之虐蓋已數年軍擁貔貅之師
何止萬計自非轉輸之有術孰能供億之不窮蕭何
運關內而漢業以興充國屯湟中而羌夷坐困方之
今日實爲一揆某結約無奇支離是偶竊附同舟之
義幸當屬韉之從依燕厦而幷幪置身地近望龍門
啓雋類函卷三十三

五

而搖曳引睇天高謹修不腆之儀肅致有孚之敬倘
惠蒙于發藥豈感止于投醪煦育久當下風濡沫更
施今雨

賀祝儲郎啓

無壽

明周宗智

長庚有爛早托秀于龍門大造無私喜添籌于海屋
共瞻名世爲賀昌期恭惟某官珠庭日角玉質金聲
巖巖衡岳之英皜皜江漢以濯名列圖書之府官總
食貨之權使節光華晃映朝霞綯采倉庾浩穰尤含
瑞露飛聲飛輓而佐軍興豺狼屏跡節縮而紆民困
鴻鴈矢歌瞻玄青鳥之來儀正協蒼龍而啓運景遲

化日瑞應元精百嘉邕而氣蔚西池五福臻而光纏
南極椿綿八百驗長年之于莊桃熟三千知歲星之
在楚蓋蕭侯九尺業盛轉輸實兆精于星昂而李公
數語聲隆骨鯁遂進位于文昌振古如茲殆所天授
某瞻依紫氣近日蘭皋縹緲彩雲遠從蓬海敢金甌
之遙獻恨綵祝之末由尚領手持雨露遍洒窮閭錫
九有無疆之福身依日月早踐沙堤佐一人有道之
長

啓雋類函卷三十三

五

謝邊儲

謝顏戶郎啓

邊儲

明周光鎬

仰惟其官學本家乘材稱國器振藻則芳同楚湘之
蘭芷比德則美實廟廊之珪璋起草含香六署擅司
徒大計持籌運餉三邊藉經國宏猷某案枕無能兵
戎執役幸望光塵于倌馭更辱臭味以甄收乃者微
惠叨移猥辱隆眷長城高閣飲餞浥天上之河流綴
錦摘文光寵輝邊頭之岳色揣此薄劣何以克堪敬
肅短絨恭陳謝悃感戢則彌遠彌深企思每伊朝伊
夕望臯蘭而拜使借片藻以輸誠

啓雋類函

卷三十三

十六

回答

答督儲李戶郎啓

明林世吉

盍簪畫省幸叨臭味之投把袂珠林良切睽違之感
每望碧雲而引領輒歌黃鳥以興懷忽承錦字之貽
足仍綈袍之戀迴環捧誦銘鏤難鳴顧地重邊陲夙
倚糧儲之寄而名高石畫特資管轄之司聞玉節甫
臨條章風肅金輶覺指膏澤旁流大紆當宁宵旰之
憂深慰主計經綸之念此實彼方之福豈特同舍之
光吉樗櫟之材麋鹿之性一病近如摩詰知支度以
無裨寸思常類老萊將斑斕而乞養苟微私之鄙遂
則晤言之未期顧縹緲風煙雖琳瑯之莫接而續紛
魚鴈冀金玉之母忘茲因星使之告旋敢拂霜毫而
附訊緘題心結翹跂神馳

啓雋類函

卷三十三

十七

監允差

賀浙漕程郎中啓

若今之監兌

宋趙巽齋

恭審升聯邃閣王計崇臺雖皇華爲原隰之馳已同
列部然繡衣當霄漢而立猶在長安蓋其旁贊於謀
謨亦以外宣於風力教條甫下民意俱春竊以二浙
置漕之權異乎諸道觀風之任奉承輦轂應千廬萬
徼之須表裏江湖總七郡八州之廣按臨既遠調度
寔繁倘非攬轡之公曷稱臨軒之遣恭惟某官神襟
超豁天韻清宏獻廷深得於重輕園府洞明於本末
洎升遷於錦省益簡記於宸旒眷此日邊誰當庸使
啓雋類函卷三十三

求之天上莫若望郎遂輟近班晉膺隆委既典將輸
之任亦勞綬撫之心漕十萬石以給中都恢乎餘地
通三十年而制國用卽此其階青氈目前黃閣足下
其幸居末屬彌激慶悰孤杵逢春私動向陽之喜渴
泔希雨乞垂借潤之慈并躍惟深染濡靡竟

賀夏禹麓戶部啓

監兌

明何三畏

恭惟某官挺秀隱山毓靈涓水游戲文章之三昧上
第登金發揮政事之千長清時振玉詣倉視事河南
追河內以齊聲滅火止風江右與江陵而並譽擢領
周家之會計權司唐世之度支玉筍班行著霜操於
民部皇華使節分星象於益州監臨自江以南坐鎮
素絲之望馳驟從天而下行稽紅粟之陳惟聖明加
惠于草萊故賢哲留情于芻牧雖多黍多稌偶逢今
歲之豐年乃恒雨恒陽應念累年之疾苦塞淵心筭
將攬轡以澄清競業地官寧按圖而出納某身叨民
啓雋類函卷三十三

社職忝農乘當大夫叱馭遂行一路普雲霓之澤而
小吏荷戈遙候九山迎鸞鳳之輝聊托文陳略撫賀
臆惟祈鑒在極荷優容

賀潘戶部監兌啓

明鄭懷魁

漢署風清職掌農臣之奏越江日麗任專軍國之儲
睴寵命之方新幸華皇之在邇恭惟某官乾坤間氣
鍾岳山靈袍笏相望家世聯子甲第箕裘紹美父子
擅平魁名鵠石騰祥姓字高登虎榜鷄香入直經綸
蚤著鳩司成賦壤於中邦流泉貨於內帑分猷澤國
直泛博望之槎崇望天朝光借文成之著計曹之重

攸寄公輔之器已隆某守枯無能識荆有素昔曾同
尚書之筆札今廼觀會府之旂常未遂息趨聊申燕
賀芹儀莫罄其筐篚燕牘敬候乎台衡使節星高臨
甌越而色正仙都雲映望霄漢以神馳

啓雋類函卷三十三

二十

賀監允令節

賀監允王政啓元旦

明吳國倫

玄臘盡而星回青陽舒而水泮轉輪漕粟既隨漲浪
捷馳積貯儲金且並流泉盈溢事事皆欣其如願人
人共美夫得時偶托深交彌懸隆想雖年催遲暮似
雖附耀于望郎乃景逼融和亦欲追歡于知己姑駢
下介舊醪與新菜俱將直挽中消短札因長箋畢達
惟願養神于除夜不負勞農放吏之期更期乘興于
發春無虛問柳尋花之約憑茲豫訂佇即重逢

賀江南漕使啓中秋

明

啓雋類函卷三十三

三

玉律方中令節欣逢三五銀蟾正滿清輝共挹重輪
緩帶軒堂清澈近公門之水乘桂河漢光華動使者
之星雅稱賞心瞻言懷德恭惟某官象輿異稟龍輔
至珎搏羊角於青蘋名題于佛微雉馴于赤縣頌起
四郊版部升華進禱望郎之被吳門轉餉出塞膚使
之帷飛芻神運于木牛攬轡驪騰于竹馬雙清此夜
動汎渚之豪吟一碧當空稱登樓之雅興佳辰若爾
勝事倍之某恪遵常秩敢儀物之偕將忝竊代庖豈
上交之可廢盈盈白露下懷託于蕙葭冉冉素光微
緒借傾葵藿

賀監允重陽啓

明丁啓濟

玉宇瑩瑩天上清光肅穆金宮飄飄人習樂事羅客
詩成戲馬之臺寧止風沍落帽賦就高騰之錦豈徒
霜降授衣追憶昔賢懷德共逢佳節修動下情
伏惟某官風神冠世經畧名彰騁駕初臨適屆樂場
之候輕車甫至卽聞省歛之詔某志勤嚮往耳聞撫
字許謨心跡遠躬逢領催科良策敬陳野歎奚充黃
菊之餐聊獻村醪愧比白衣之釀止暴情于九日祈
鑒宥于二天

舊唐書卷三十三

三

送監允

送監允張戶部啓

明王地雲

駿惠旁敷聲望已隆於楚甸虹旌榮邁歡騰遍溢於
江臯爰盟手以具函敢齋心而展敬恭惟台臺命世
偉才明時碩彥懷奇萬狀鼓學海之波濤組織百家
煥筆端之雲錦遂奏金泥之捷獨超玉笋之班頃微
江漢之靈得借鬲鉉之重總九職以生財坐見南薰
之阜俗度三楚而計賦益高北闕之聲華凡此髦倪
正戴綬怙之澤詎知冠蓋倏當邁往之期某秉梓後
生簿書俗吏荷二天之覆庇銘感實深覩千里之征
輪攀留無計聊伸竿牘之私薄代杯棊之獻伏惟溟
渤俯涵庶俾涓埃得達

舊唐書卷三十三

三

請監兌

會請監兌游同年啓

明樊王家

使節遙臨積貯重中邦之寄福星宏照軒輶瞻法座之尊望擬龍門情深燕喜恭惟某官五岳儲精七閭挺秀敲金戛玉文超漢代而前翠柏蒼松人似羲皇以上蓋當金臺驥駿之日已高山斗之望於雲霄嗣今粉署含香之餘立展經綸之猷於歲月一見知爲同器衆謂司會有人九邊特重軍儲帝曰咨汝以往惟我江省夙稱凋敝之地况乃頻年更值水旱之災所嗟剝肉醫瘡民亦勞止自匪流膏布澤誰與見休

啓馬類函

卷三十三

西

此來知調度之得宜且佇看灌輸之不匱暫借洪都之色遠駐幃帷立開南浦之雲親承芝宇其等忝附一時之籍敢云鳥同翼而並飛共分百里之符竊恐負且乘而致寇茲獲執鞭而從事寧忘策蹇以爭驅幸甚至哉得荷照臨之水月心乎愛矣願昭明信於溪毛倘其不棄微忱垂之寵賁將勝王之勝會千古在茲而俗吏之塵容一朝生色

回答監兌

答魯監兌啓

明林繼志

恭惟某官帝簡戶曹督茲江賦望匡廬而攬轡南國羽儀度彭澤以飛旌中朝膏雨周咨六轡合十三群以俱春時若五風集千萬艘而畢貢豈特動江山之喜氣由此樹經國之殊功者也某猥以通家叨茲破格謙光下逮馳四六之佳章鼎貺遙加荷丹三之遠意敢同弁雀略吐意於鳴春自謂寒蟬竊銜恩於飲露意隨俘而共遠儀托物以相將伏冀海涵俯垂洞照

啓馬類函

卷三十三

並

答監兌元旦啓

明

恭惟某官道逢乾始堯筭呈祥慶值履端箕箒歛福正欲尅期肅副於臺下忽承重使照臨於道中儀輿爛然登嘉愧爾緬思漕糧之事奉令風行業於芻輓之間盡輸露積祇緣溪淺三日不行一程或已濱行已完未爲報部大約青帝之首將半必能餘皇之尾相銜錦帆璀璨夾江淮欣茲托始仙旆踟躕依日月喜奏佳期

復廖監兌

湖廣

明

恭惟某官玉壘名豪璇宮哲匠駕朱軒而舜輦載分

玉節以佐軍儲權筭連湘澤以七三每見多多益善
計謨吞雲夢千八九豈惟陳陳相因拓長沙理道之
平均六轡而就日護洞庭風波之險幹萬艘以連雲
行奏計于甘泉即立班于文石忽鳴謙之先辱寧載
復之敢稽王事孔殷期漕艦飛馳于淮水遐心無隔
望錦帆懸掛于武昌積貯壯三楚樓臺波濤順萬年
江漢勞實履於當軸義且濟於同舟敬托魚箋仰祈
鳳覽

復阮監允啓

浙江差

明

恭惟某官文源羽浪學海驚濤嗣有家風世族繼北
啓雋類函卷三十三

廿六

南獨盛蔚為國器大名等瑚璉並珍惟茲直北全儲
畫倚越南半壁甫金科於監運共誇下濟舟航攄石
畫於轉輸自任中流砥柱允藉老成開濟何憂國計
動勦其濫則觀風無能樹歲蒙瑤函之寵音驚寶翰
之昭回聊歌小雅皇華式領大昭清絕敢將魚素遙
叩龍光

復蔡監允

江南差

明周仲士

恭惟門下丰猷凝遠雅韻宏深幾年會感風雲振詞
林之萼一日名喧宇宙搖筆苑之花惟西北全儲諸
道並給獨東南半壁三吳實先爰綴凝香森戟之司

來督輓粟飛芻之節擎天捧日共賴舟航吸海吞江
誰當柱石假便宜而從事持心計以輸將地下錢流
欲暫煩于供筭日邊入至即遄上於橐班其繆監償
運思牽輓以何勞濫寄簡書効涓涓而無補幸秉軸
得賢者仗同舟有故人遺我雙魚莫酬繆繆駕被四
牡願悲馳驅敢具蕪函用酬瑤札

復閻監允

河南山東差

明

恭惟某官天府崇英金臺國器玉瑩不染濯從秋風
之塵冰鑑無私照入寒潭之澈捧絲綸之半札實東
北之全儲惟梁齊近翼神京冀漕粟早輸上谷航海
啓雋類函卷三十三

毛

以進河濟並衍地脉四維梯山而來岱嵩共峙天門
一柱陳廩庾而支九載國計無憂盛囊橐以衛三邊
軍興有賴策同文靖澄清天下不疎功等鄧侯漕運
關中常足某瞻五雲而獨切緘雙鯉以無繇驚使翰
之遙臨媿匪頒之先及莫非王事寧辭兩地之難無
有遐心行歌四牡之勤恪修蕪牘聊侑芹將

管鈔關差

賀南戶郎督淮關啓

明楊洵

雲移仙署久騰南省之聲名星煥郎官載掌東方之會計欣傳仰止想切遙臨恭惟某官嶺外鍾文南中擢秀清切含香之署譽滿朝紳紆籌握筭之長謨關國課爾乃旋上軫國蒞事郊關彤幃生淮浦陽春星旆帶秣稜佳氣佐度支於天府誰興仰屋之嗟安佑客於時艱共起出途之願某幸叨聯事喜奉剖檄漸鴻之翮本高暫依遵渚躍雀之心曷已敢效馳緘祗述賀忱伏祈崇鑒

啓雋類函卷三十三

三

賀南戶部分司啓

管淮安關

明史鴻修

粉署凝華握計綜金籌之重丹綸煥寵膺符隆玉版之司朝宁輝揚使垣色動萬邦爲憲八表欽承恭惟某官清涵月鑑粹蘊天球鳳覽輝來煥九苞而振采麟爲聖出標一角以舒祥蚤奏賦於明光聲高魏闕旋含香於畫省望震陪京禁闥分榮縹緲近翔龍之闕度支贊計高華聯振鷺之班惟茲豐芑之邦允關國本况彼京坻之積總是民天爰藉經世宏猷特總儲胥重任車隨甘雨海康奏邦國之功榮映福星河潤均京師之賴曰足兵曰足食三軍騰投石超距之

歡乃斯倉乃斯箱九府羨賈朽粟紅之效頃覩力排閭闔直聲侃侃以鳴陽毅然忠奮天潢勁節稜稜而貫日黼展眷注圭縉欽崇某學愧操刀寄叨綰墨廁洪帡於大厦寔同燕雀之歡竊末蔭於新亭自覺鳥魚之悅奈拮据平吏事致尚歉於躬承敬庇寅丹代陳子墨惟冀二天之廣冒大垂九海之汪涵

賀孫民部啓

管揚州鈔關無謝

明諸葛昇

華升版部情峰岳峙於三山節控邦關惠澤泉飛於百道懸臆每瞻卿月揚睂復近使天燕喜從前鳬趨媿後恭惟某官星精間值斗望崢嶸鳳鑰居留三輔啓雋類函卷三十三

三

奏雄馴之異虎符刺郡九年應鹿夾之徵聽履星辰含鷄舌於南國持籌風露權鶴首於東都以度支綰譏察之權璽書霞爛以司會展澄清之志號令霜嚴洵爲挈國舟航允作承天柱石某一同濫粟三載及瓜頃脫兔於計條誰爲之地且續貂於薦牘實藉如山秦鏡無私物在遠而必照鄒吹有意谷縱寒而可溫飲水遡源敬瀝片丹之萬一憑風賀厦更祈益白於初終無數名言未央企矚

候管關

候劉南漢工部啓時管夏 明樊王家

鳩署分猷班列高懸漢關龍津駐節恩波過徹秦淮
遐陬傍一路以瞻星下吏帶三江而望澤恭惟某官
家學淵源文章山斗經傳子政夜嗟太乙之藜治紀
劉琨風反江陵之火憶分齊於京兆手持三尺已清
畿輔妖氛旋晉秩於水衡天生五才盡入工師冶鑄
乃移重鎮特掌司關窮漢代之河源浮槎星度問沛
上之亭長擊筑雲飛千年如帶長流未繞高皇湯沐
之邑一道鳴榔共濟不絕神京飛輓之途信是通商

啓雋類函卷三十三

三

惠工從如歸市夫豈告緡權貨利析秋毫其猥以庸
庸承茲若君誤分百里已力銳於風塵比及三年知
過叢千歲月所恃左提右挈敢云吏習民安紀虞室
之幽明何以謝斯主者操汝南之月旦能無畏此公
評敬束身以待殿最之條聊將函而申縉綬之念既
其名未既其實空慙資格於待年以此始亦以此終
願借栽培於化雨

謝管關

代謝權關蘇王政啓九江 明劉曰衡

恭惟某官玉樹騰輝金葩散彩五百年名世之具真
從間氣生來九萬里垂天之雲先自扶搖奮出觀神
龍之五色職曰尊邦權飛鷁于九關續稱上理以此
洗心於密潯陽江上清風因茲嘉佑我邦匡嶽峰頭
化雨用爲舟楫是中流一派慈航決若江河豈渴轍
半卮潦水好音在耳雀喜何任某性僻一隅業專五
枚螺豐案牘舉手處總屬玄都海澗是非着脚地便
稱蜀道馬牛爭走難隨天上麒麟臬鵠對談羞看雲
啓雋類函卷三十三

三

謝淮關計部啓行獎 明史鴻修

日星輝矚睽夙微陽煦於丹霄雨露廣栽培更沐春
滋於玄野恩波泳于鯨海巖石瞻彼鰲山華衮增榮
瓊瑤曷報恭惟某官心涵萬有道鑄群生對玉陛以
陳謨耿耿精忠貫日持金籌而綜計津津愷澤流雲
惠露弘濡八表詠緇衣之政使星燭耀千京羨紅粟
之徵雅欣裕國勲崇聿親登台龍茂彤幃晉陟方將

補袞闕於朝堂夾袋徵才猶欲廣甄收于賢路穆清
風于淮甸孰不由權衡度量之中懸慧月于楚天自
獨出牝牡驪黃之外詎期曠典謬及庸流某超超蹇
足愧百里之非才繡澀鉛刀曾一割之罔效職業有
慚乎保障拮据無裨於民品方懷鯨鱓之虞乃荷寵
嘉之錫愧茲魚目夜光飾照于驪淵慚匪龍泉紫氣
空占平牛斗豈孫陽過冀北卽驚駘增一顧之榮將
和氏在荆南雖片石重連城之價奚能載德祗切銘
心敢不身檢自將官箴克愆力圖學製仰酬大造于
陽春勉效烹鮮少答隆施于月旦肅三薰而陳謝惟
啓雋類函卷三十三

百頓以申悰野雀懷恩靡罄涓塵之報稱銅龍注盼

三十一

長依慶屋之幃幪

謝許墅關李

啓平又不諧

明成於思

潘條視草度支兼議客
志渚花汀鳥迎僊嶠於雲霄碧水丹青鮑福星於閭
闔瑞應一門之五董祥符十歲之七劉堯叟以蚤歲
爲堯咨爲之接武子由以弱冠弟子瞻至於聯芳
孫何齊孫僅之名宋祁遜宋郊之榜韓家閭閻吳氏
簪纓或纏綿於童科輝煌簡而或摩肩於青監維查
衣冠負前人之箕裘山搖而嶽立成一代之謨烈斗

轉而星移恭惟某官瑞派清流負鴻才而鳴世班聯
玉笋秉翹望以匡時遠岫飛雲不種狄門之李晴雯
映綬惟調商鼎之梅石渠東觀之書包藏肺腑天球
河圖之瑞照曜山河整頓乾坤共屹江流之砥柱吞
吐日月迴旋斗極之樞機有嚴君焉曾究詞林墨譜
若二難者增輝石室青瑣家有旂常籍甚東山之名
姪身雖朱紫依然太學之儒生早騰駿馬於雲霄遂
主神螺於風月吟詩自得允懷元亮之清音設榻親
仁遠紹陳蕃之令跡某想瑶林之清峻望丹壁以凌
兢不識麒麟鸞鷟之靈孰訂亥豕魯魚之謬幼承家

啓雋類函卷三十三

三十一

庭庠序之訓動欲行其素心然而山林村野之資終
無裨於聖世生而骯髒分也嶽嶠飲蘭露而殄菊英
伴承有味披荷裳而剪菱葉夢鹿何心每爲梁父之
吟有愧長沙之句交不由於識面事真可以語人曾
無顯者之先容乃羣清塗之不棄孺棲寒女得窺懸
藜垂棘之光老圃枯桐猶奮柯亭夜月之響輒裁記
牘仰答鴻猷筆舌單踈衷旌搖曳

回答管關

答楊州樞關使者中秋啓

明董應舉

三百六十光陰幾如秋色二十四橋明月坐聽簫聲
况凌虛駕萬馬之濤而挾羽下雙城之鶴水晶濯魄
那知庾亮之樓天漢乘流忽問君平之斗遠煩信使
慰我陳人絃管開雲驚破晏君之夢廣寒度曲如同
公遠之遊感不勝情晤其何日

答吳樞部啓

荆州

明蔡復一

萬鵠乘流波臣仰江關而受檄一星作使才子嘉水
部之能詩已重分華何當投貶恭惟某官晁旒二浙

卷三十三

三十四

澤國持衡蜀楚之交寬一分以予民榜人有詠平群
材而得職木客無吟荆壁燭天霞抱連城之瑞氣沙
市若雪風傳載道之歡聲典刑詎止弓車人倫即歸
藻鏡方餘楚波之潤惠及守臣豈有漕蘭之香勞思
公子某焦桐發響殊愧中郎之琴傾蓋如新遽貽延
陵之綈銜孟而聽春雨猶夢綺筵開篋而發夜光敬
藏錦字惟木瓜之可賦願玉案以難酬

答九江鈔關韓公啓

明樊王家

恭惟某官沆瀣仙姿渥洼神種仰文章之山斗名軼

昌黎司積貯於倉箱猷超韓滉杼柚兵農而厯念

腔渾是葵忱金刀泉布以交流萬姓幾無菜色惟是

江分九派號東南財賦之區特茲簡自一人借軍國

儲胥之寄門如市而心如水牛渚風清近者說而遠

者來錦帆雲集收天下扼塞於指掌允追轉餉之蕭

何言民間利事折秋毫不齒持籌之孔僅國可使治

賦也豈繫筐篋之藏民尚亦有利哉佇俟出鉉之任

某薇垣待罪芝宇勤思潯陽向上不通潮莫達麻姑

之信西山朝來有爽氣欣逢關尹之占愧展候之未

能乃殊頒之遠逮拜而知感得之若驚何時幸識荆

卷三十三

三五

州不羨封侯於萬戶此日叨隨計吏仰祈藉庇于二
天書不盡言懼深於愧肅函申謝臨楮神馳

啓雋近體卷三十四

類函四十六

東吳俞安期羨長彙編

上饒王嗣經曰常同輯

建武張紹謙道益訂定

春官部

賀尚書初拜

賀禮部費尚書啓

宋李廷忠

渙號揚庭春官正位有能典禮久勤夙夜之論思稱職爲真增煥星辰之步武一頒除目四達歡聲恭惟某官學統聖真文窺天巧堂間氣偉岷山巴水之所鍾卓卓奇才陋東箭南金而不數談經而冠華選

啓雋類函卷三十四

奉詔而寅周行以忠嘉之言開廣上聰以正大之道發明後覺瓊闡批勅勇可回天銓部掄材清知止水結九重之異眷疊四組於華塗宗伯之諧萬民居然試可文昌之列八座咸以爲宜俄驚綸綍之頒大愜紳綏之望雅猷宏闡熙典彌新見此漢官之威儀初未多于綿絕叔孫通傳爲編巖野外習之文以周公之制作尚克正於鈞衡某嘗厠朝聯適歷更執聽鵲傳之古語動螽躍之私情近如社稷之臣裁加潤色達而原濕之使預有光華

賀禮部費尚書啓

宋李廷忠

日觀疏恩春卿正位三禮之能已試復何讓於夔龍八座之職爲真信無慙於元愷師虞允穆儒効加多恭惟某官貫穿九流標準百世岷精垂東井之曜鍾此奇才魁星應北斗之樞冠乎華選仁義之塗肩丘而袂旦篇章之囿超馬而躡劉介珪來朝鳴珂入侍對君直二史之筆拔入公一字之題朝說金華之書夕批青瑣之詔便蕃寵數凌厲周行容臺觀藻色之新久厯管攝禁路聽履聲之舊益峻班聯且繼商周者損益可知歷漢唐則廢興靡定故賈誼舒向皆爲之發憤董仲舒劉向雖魏徵房杜未免於有慙今資鴻碩

啓雋類函卷三十四

之討論乃備燕閒之顧問佇蒐曠典增賁昌辰移斟酌元氣之工居垓圯大鈞之任某棲棲冷舍落落窮途曾未掃先生之門遽蒙推長者之轂迭聞顯拜倍激懦衷斯文仰何幸與此生亦不孤矣刺六經作王制允籍洽聞徵諸生起朝儀終歸汲引其爲闡澤未易敷云

賀禮部葉尚書啓

宋李廷忠

九重錫命八座登賢風采聳聞士方憚陽城之爲諫議禮典未備帝乃咨伯夷而作秩宗位峻班行事關機要恭惟某官名隨日起氣與天高以文章之瑞取

唐儒之甲科以道德之英窺老氏之藏室九牧之金鑄夏鼎魑魅潛形夏方有德貢金九牧鑄鼎象物使民知神奸魑魅潛形五色之線補舜裳山龍增耀民知神奸魑魅潛形幸遇可忠言之聖主詎容有顓制之姦臣雖臯陶與共鯨而同朝每切去凶之念及孔子歸鄆謹之故地竟成偃伯之功猶懷治世之隱憂屢上明朝之封事用蕃書接進長春曹聖治更新既已闢四門達四聰而明四目皇猷大闡又將舞八佾節八音而行八風黼黻乎琬戈之容漢書郊祀志賜兩旂鸞冠帶乎璚裘之俗楊雄傳旂表之郊祀志熙泰賴我直清讀夫倚相之典墳仍有光於帝學文啓雋類函卷三十四

以周公之禮樂宜即正於台司其曳尾窮途搖心崇祀聽出綸而滋喜望鳴履以無從顧方託鄉曲之榮且將脫縣同之責錦衣行書聿新漢三輔之觀瞻綿絕在郊或與魯諸生之徵召情之所系言莫能宣

賀禮部章尚書啓

宋李劉

申命秩宗正班宰相春官六十立之長以維專曲禮三千待其人而後舉有隆固任茲遂真除恭惟某官重德鎮淳清規厲俗中流砥柱百壬夙避其鋒野水孤舟六丁莫措其手偉雲山之舒卷關天下之重輕追茲改絃復此持橐堅車大旆安徐而後進光風霽

月愈久而益明粵從二卿實典三禮振自古寅清之職還斯民子諒之心不惟和上下而洽神人蓋將經國家而定社稷茲引星辰而上益高日月之依武德間有謹言忠無不報貞觀初踐台斗理有固然某阻作鳬趨但深鰲抃小草有遠志懷哉並世之醫和大厦無棄材蓋以與聞於匠石

賀史尚書啓

宋播芳集

四頒顯寵疊拜異恩上帝簡知既峻秩宗之任前星肇正式兼端尹之榮典禮樂文章之司妙道德輔導之選總此二職煥乎一時若昔師垣逮事高廟權登啓雋類函卷三十四

禁甬有如獻納之勞晉掌諸闈允開揖遜之美位繼登於鈞軸勳用勒於鼎彝事掩前聞慶垂後裔天欲裨今日以紹興淳熙之治時則以夫子燕喜座宮寮之崇開于宗祧若合符節恭惟某官道尊而德備器博而量宏雅望具乎隱然故國之喬木大疑立决信若格人之元龜比緣二卿獨資秘策振主勢以去君側之惡立國本以安天下之心使愉人懷沮而散群召故老謀事而補闕不哉此舉誰歟之功爰率屬於南宮仍簡僚於東邸今周雅雖備而邦儀未肅參府既闢而賓筵尚虛是以軍法威嚴之不行正人左右

之或缺在于羽有解圍之理而莊獄戒傳語之咻言之若迂理不可緩矧惟先正綽有成規其在擇利行之勿謂姑徐云爾必有成績要將大書於旂常從此登庸可作親傳於衣鉢其受資皆厥步世濶踈辛勤半生乃玷奉常之第在再十載甫脫步兵之厨揚雄方借於吹噓絳侯乃肆其譏毀退省羈單之跡已頽榮進之心會明時杜群枉之門而執事成萬間之屢倘舍此而不告將持是以安歸顧於論思調護之時賜以提撕振拔之力如其不採何傷幽谷之芝蘭孰有無言能作恩門之桃李

啓雋類函卷三十四

五

賀游禮書啓

宋方岳

恭審疏恩曉殿正位春曹蜀第一人重見器能之諸葛舜十六相最推典禮之伯夷朝有儒宗世知治象恭惟某官藻籍五采之古作簫韶九成之正音言合稷契謨合臯夔久罄忠嘉之沃窮則孔顏達則周召曾微夷險之分自抱膝於隆中已傾心于天下乃班朝著乃殿帥藩聲名隨風而流式慶明良之會議論决江而下無非仁義之言丕俟國華屹爲時棟宗伯掌邦禮諒新治世之彌文聖主得賢臣誕播鄉人之嘉頌某欣聞綸綍相賀縉紳言觀孤鳳之暉敢贊雙

魚之素意之所屬言莫能殫

賀禮部叟尚書啓

宋李廷忠

紫宸疏渥陞春卿紫橐之班青禁聯華仍夕郎青瑣之直一時寵數四海公言恭惟某官聚精神以強本朝出言語而妙天下平時自潔晚節尤香凜凜霜稜聞者爲之膽落温温泥榆讀者至於涕流載起洛英復從雍侍整星辰之濶步依日月之重光塗歸無友汗之嫌執議盡匪躬之節權居宗伯增耀文昌三千儀待人而行肇興周典二百載中天之運復覩漢容此儒者所優爲當今世其可舍大人繼明長子出震啓雋類函卷三十四

六

賀黃尚書兼侍讀啓

林下

宋陳耆卿

簡自大君升之常伯儀曹清切出先鴻碩之討論經幄森嚴入預燕閒之啓沃熒煌疊組鼓舞垂紳竊以夷夔不生禮樂之事幾廢褚馬間出講論之名始尊作新四海之人文緝熙九重之聖學是爲妙選豈屬凡才倣觀大老之攀龍已卜中興之有象恭惟某官

著龜先見松栢後凋轉懿文鍾三光五岳之氣本
原正學靡諸子百家之流自其袞袞以登臺謂可駸
駿而托國能於衆醉保此獨醒杖藜歸去之田園咳
唾倘來之冠冕曲高寡和道大難容追明聖而改弦
引耆英而入彀甫陪獻納又屈藩宣雖共知試外之
材終不若居中之耀惟公用國如珠在淵不矜其迹
而有無限之輝不顯其庸而有弗知之潤公所樹立
世之表儀佇培大用之規模以究晚成之勛業某問
影林杪攀頭雲間不知鵲喜之何頻盡說鴻飛之方
健三已三仕豈足爲公意之重輕一歲一圻蓋亦係
啓雋類函卷三十四 七

賀鄒尚書啓

宋朱湛盧

十行屢詔一節始趨居禮樂之司對揚休命論唐虞
之際克廣德心尚有典刑以定社稷恭惟某官集殿
倫魁之舊正元朝士之英技斷斷倚無他心怍怍兮
諒直迺者訪落之始嘗從招隱之求爲主留行深惜
鳳鸞之去與波俱出遽尋鷗鷺之閒雖蘭茝以逍遙
亦桂山而僚隸變而更化群髦士以響臻問諸在朝
獨侍臣之零落猶以一譽而一毀至煩三沐以三薰
奏篇盡長太息之忱前席與久不見之歎喜其未老

惠然肯來明堂九筵方嚴恭而自度秩宗三禮貫幽
顯以相通竊原降福之由多自尚賢之佑今則朋比
消長議論嚶聲干戈未解于淮襄輶傳難憑于沙漠
衆所屬望莫若耆英夙夜惟寅是爲燮理之本春秋
具對豈徒災異之陳某舊托門闌今乘邊障城吹回
角已厭聽于少陵人老玉關諒興憐于定遠

賀曹尚書兼給事啓

宋文天祥

選高春伯光映夕郎劍履摩雲煥清朝之文物簪裾
照日侈丹地之恩輝鼓舞風雷動搖鸞鷟恭惟某官
名高二陸才備百參風雲上下之交橋呵龍虎天日

啓雋類函卷三十四 八

清明之瑞鞭駕鳳凰春行霄漢之三麾星煥江湖之
四節蘭臺壁水安定龜山彤管青蒲歐陽司馬出袖
磨霜之鉞浩吟捲雨之簾階轉松陰旗翻柳色白馬
盤陀之觀日紫囊筆橐之生風矧批敕瑣闥任朝廷
之綱紀而侍言經幄啓帝學之光明用頌一命再命
三命之榮是懋大書特書屢書之績卻高麗使止西
蕃馬讀青史而猶香還諫臣敕繳內侍官稟清遊其
未達必兼廣中公之十論必紀陳溫國之五規要其
久達之功名盡展平生之經濟某濫巾遠服望屬
霄星度文昌遙想蓬萊宮之氣雲行石鏡尚磨蛟龍

字之碑心曲葵葵毫端草草

啓雋類函卷三十四

九

賀范尚書除禮部兼內翰啓 明汪國楠

金蓮炯照榮登白玉之堂丹鳳翹飛光捧紫泥之詔
帝衷簡在民望咸孚恭惟其官氣涵天粹學味道真
全才力解于千牛刃有餘利絕識洗空于群馬廐之
留良揚允文允武之休著立德立功之譽講唐虞于
璽上頑民聽命于舞干居頗牧于禁中悍卒回心于
詔讀茲膺典選實始奮庸文章垂象寔爲上將上相
之躋武帳前龜行有爲保爲師之命進階則仰馮日
月出地三千曳履而直上星辰離天尺五芳聲有永
偉績無前其望北徒殷落南寢久蟠木爲萬乘之器
啓雋類函卷三十四

申燕賀微聲蟻忱

賀姜鳳阿擢大宗伯啓

田間召起
燕子登第

明林世吉

星辰曳履夙高八座之班霄漢纓綸尤重三禮之寄
蓋宗伯素稱乎清選故聖皇特簡乎醇儒慶溢門墻
光生簪紱恭惟其官天下達尊江南間氣道德接千
年之統緒文車爲百代之宗工魁占春闈四海羨麟
經獨步名垂翰苑九霄誇鳳羽高騫出司閩蜀之文
衡入掌成均之禮樂士崇山斗朝仰儀刑偶動興於

尊鱸暫言旋於桑梓縣車栗里正圖黃菊之娛情飛
詔楓宸仍爲蒼生而強起惟宸衷之簡在乃新命之
薦膺司寇清班方倚臯陶而執法春卿峻秩復資彤
伯以寅清五色耀金泥寵命特分鳩鵲觀三台懸水
鏡恩光遙錫鳳凰臺多士彈冠百僚欽式况青漢復
聯飛乎驚驚看彤墀行接武乎鸞龍誇作述以重光
仰箕裘之克紹其學企囊螢才慚夢鳥向遊璧水徒
厘化雨之栽培昨客金陵復荷春風之披拂感深頌
玖報乏銜環頃快觀乎鸞遷敢微申乎燕賀伏願金
甌早覆獨流鼎鼐之芳玉署聯輝世掌絲綸之美

啓雋類函

卷三十四

士

賀沈大宗伯啓

轉官

明郭子章

官聯八座清華崇曳履之班次次三垣峻秩重絲綸
之寄事關宗社慶洽寰區歡抃有懷戀依曷旣恭惟
某官天才卓越斗望高華咽喉九州鍾汴梁之秀氣
提封萬井淪河洛之真精心上有經綸自任以天下
重胸中皆錦繡問學爲帝者師名允重于金鑾聲雅
蜚乎玉署宸衷簡注穹蒼海膺銓部清銜永鑑業懸
于左席樞機妙選芝函又煥乎南宮總典禮以率群
僚欽承天子洽神人而和上下儼直廟堂更日直對
况金馬仙蹤燕讀圖書於秘府乃玉螭要地且奉蒙

筆于甘泉極儒臣稽古之榮播聖主得賢之誦宗伯
暫茲養重宰相行矣登庸踐雲氣于蓬萊龍顏日覲
上星辰于閭闔鳳彩躬承凡屬幘幘咸切焜耀如某
者章縫小學鉛槧末流附千里之神駒雖忝追蹤于
驥北慙一枝之斥鷃徒爾偃蹇于閩南日藉二天監
登左轄榮旣生干分外感實切于由中望台斗而盤
桓鳬趨莫効想雲霄而瞻企驚悃頻懸爲此肅布賀
忱兼申謝臆伏祈電矚無任永兢

賀陳大宗伯啓

明沈位

鳩鵲五雲端淑氣光浮于八座鳳凰千仞上清輝日
啓雋類函

卷三十四

士

近乎三台喉舌是司屹若擎天一柱腹心有托隱然
負海六鰲歡洽華夷慶貽宗社恭惟某官鐘鼎名家
珪璋德器傳神蓬海精英自九鯉飛來講業壺山學
問從三峽探出建旗南國樹幟中原衣鉢自青箱累
世文章獨步箕裘紹黃紙歷朝風雅孤騰戲翫翠於
蘭若射策紅橋第一集鵲鸞於梧竹橫經虎觀無雙
名久重于金鑾聲雅蜚于玉署帝心簡在龍命存膺
銓境清銜紅藥翻風于左席承華妙選黃麻煥彩于
東宮踐雲氣于瑤階鳳重絲綸之寄上星辰於瓊闕
日升曳履之班惟是春官獨推時望禮樂自天子出

左右欽承遵豆則有司存賓僚贊相况金蓮夜燭遨
遊帝所于蓬萊乃彩筆春暉無憶綸音于翰苑宗伯
暫茲養重宰相行矣登庸四百年相業重光競道甫
陽之勝數十傳家聲克振獨誇閩海之雄忽閱新書
天慰積抱肅將燕賀聊效蛩鳴伏願天眷日增崇禧
益迓王鉉金馬長隨仙籙之春風翠閣黃扉共沐雲
天之湛露仰承鴻庇實切驚衷

賀宋宗伯啓

燕日講

明舒曰敬

皇路清夷碩彥擁文昌之座帝心簡畀秩宗資元老
之謨縣寓分光門墻借色恭惟某官蛟螭地仙直上
啓雋類函卷三十四

十三

蓬萊瀛洲之島影縷神策編儀承明天祿之庭妙簡
前旒儼躋上衮西垣蕪直舊哦紅藥之翻東觀齊登
首挹青藜之照人倫師表民幹國楨論思先講幄之
班共說青錢學士潤色備明時之制獨稱黑頭尚書
鬯彩旭于華羹兆孚取穗燦明霞於袖履符應夢松
卿月高懸瑞藹春官玉府輔星遠映祥披儲相金甌
某猥以草茅繆稱桃李側聞晉秩占世運之泰來私
切豫鳴快士林之鼎重一官如旅祗深燕賀之歡第
盖成陰莫展龍門之拜肅函抒悃叩闕問禧

賀余雲衢權宗伯啓

明萬世德

八座權輿總典儀于宗伯六曹分掌重華于空臺
喜聞出綍以升班竊欲彈冠而稱賀恭惟某官爲學
者師員聖人任文章獨步遠追三代之典謨道德燕
全狹小累朝之事業乃一人之簡注晉三禮以專司
上軌虞夏已協神人而和邦國下陋漢世將安社稷
以正朝廷某叨寄師中遠從海外慶君子之進無能
依常伯之光幸遠人之疎尚可在洪陶之化恪申燕
啓遙寄蓬萊代喉舌以應斗魁暫倚論思于四屬作
股肱而專國秉大敷經濟于三階僅節不虔爰函

賀余雲衢大宗伯啓

明馬朴

啓雋類函卷三十四

十四

帝命納言北闕依股肱之重岳容典禮南宮司喉舌
之尊歡動九埏榮生八座恭惟某官冠冕人豪衡
公輔丞掄國秀蜚玉樹之英聲穎出朝賢擅金闈之
妙譽詞垣畫永含毫散紅藥之光書觀夜清披帙映
青藜之色直鈐索而視草口代絲綸登旃屨以談經
心弘啓沃文衡天下程材得雋于陪京師範日邊教
胄升華于儲幄茂著東宮之望副參南省之儀卓冠
人倫彌歷帝春行下卜廐之詔先躋踐斗之階咨女
秩宗贊中和而典禮樂佐王保國秉寅直以協神人
文昌尚麗九天九鼎贊廟堂之重輔弼仰承六極六

符增象緯之輝有美榮名無窮今問其簿書俗吏
治衰宗通家幸廁于龍門晉秩喜聞于鳳掖且地隣
仁里夙敷賀厦之忱但天遠容臺莫遂掃門之悃敬
裁竹簡附玆片儀仰冀尊慈俯弘涵鑒如山如阜願
膺周雅之純禧作礪作舟祈建商衡之大業

賀馮宗伯啓

明王家屏

門下性苞九德道滙三才承明著作之庭揆國華而
黼藻施厦論思之地導聖學于組熙奏對若陸敬輿
庶務炳著龜之先見貢舉則歐永叔明經黜軋茁之
淫詞佐銓而痛抑私交濟濟庶僚罔窺蹊徑振鐸而
啓雋類函卷三十四 十五

肅端師範藹藹吉士盡列宮墻衷然巖石之瞻展也
阿衡之望萬人之愛選相久協輿情六官之長曰卿
適孚帝眷乃渙音于中禁俾正席于文昌汝作秋宗
贊禮樂中和之化官燕學士預樞機密勿之司况震
器有歸維城之基永固而泰符肇啓升階之慶方來
定策勛高拜麻事近神人共快朝野同歡某忝托平
生倍欣盛際蟠泥尺蠖可紆天墜之憂來日五龍允
竊雲垂之庇偶乘便翼附寄無絨不腆溪澗之忱非
能備物有容廟廊之度尚冀苞荒

賀馮宗伯啓

以少宰擢

明連繼芳

九流資品騰朝宰無踰仲卿一代典惇庸邦禮寔命
宗伯六曹簡懋八座華升恭惟閣下金鉉人望玉署
主盟孕龜蒙鳬繹之靈際魚水龍雲之會吹藜光于
丙夜振詞藻于陽秋手摠君符刁尺周官群吏口銜
王爵準繩昭代百工爰從銓衡用典禮樂薛稷召禁
庭決事豈俟他時蘇軾諍言麗市書適當今日某攬
轡羈身楊綸羅手捧李絳之制詮權大僚誦燕許之
詞仰瞻洪穎翔翔禮路極吾儒稽古之榮舉榮文衡
秩宗周同倫之盛鷄翹欲曉惟專聽履星辰鳳詔方
春佇看依光日月

啓雋類函卷三十四

十六

賀范宗伯啓

明李國祥

詞林夙顯仙蹤居寂上鰲峰講幄階崇清品占無雙
鸞殿行動八磚之影光搖萬玉之班斗北騰輝江南
託重恭惟閣下承天柱石瑞世鳳麟手玉尺以量材
躬衮衣而下士相知擅漢出妙語以驚人吉甫興周
布壯猷而幹運亟應引麻先識暫應揮棘喬遷載筆
殊榮顯槐伊邇某分符得郡媿莫展於一籌奏札有
懷跡竟縻於五斗題尺素謹馳下走布寸赤用達中
涓葵心向日而傾信在五雲多處松夢從天以叶豈
稽八宿叢中

賀于大宗伯啓

林下初起
掌詹無壽

明謝廷諒

象緯斌騰產靈和而表瑞風雲玄感昭景貺以禎符
福祚豐融門已容乎駟馬聲華灼茂堂復兆於三鱣
慶溢東丘春迴北闕恭惟某官冲襟霽宇現節霜明
調神鼎之氤氲蘭芬自馥播朱絃之愷悌筠抱彌鮮
鼓吹詞垣叶宮商之正律甄提道業析微眇之真詮
摘鳳藻而吐瓊葩綸章炳煥排龍姿而標槐袞峻局
整夷典握文衡月旦高品題之目揆留皇鑒陰陽資
燮理之能泰乾步於丹霄始離光於青殿蓋章飾具
禮樂詞興方紆紫而正己巖廊普思玄而韜精泉石
啓雋類函卷三十四 七

神䟽採練溜香膏于麋鹿之顛意樹扶疎徵石髓于
蛟龍之窟行吟青猷九天日月爭光刪述緇帷一代
陽秋再覩冥懷隱見世比鳳麟滿腹精神人推龍馬
當日二䟽供祖帳雲集東都此時三老祝華封星懸
南極堯年毓秀倚歟白虎之祥殷帝登良展也蒼龍
之傑五百年玄樞幹運萃海岱奇英三千歲朱實盈
筐雜蓬萊仙液几筵矜契歌月露於尊前宇宙神交
卷煙霞於物表其翹瞻山斗型範楷模欲叩擊乎鳬
鍾邈追攀于麟趾南山豹隱緬韻宇之高褰東國人
倫借齒牙之餘論每深感激無路趨陪喜國事之更

新慶君子之道長鳳衡丹詔竚趣舍人之裝鸞繞
扉坐晉上公之綬含情勸駕引領彈冠

賀南京王宗伯啓

明王家屏

初起田間再塵朝序三年禮樂適當崩壞之餘九列
縉紳忝與趨跼之末瞻承未洽擢拜維新蓋昭代之
典章定自皇祖乃舊京之文獻領在春官周道中
興將復岐豐之治漢儀雜就寧奮齊魯之儒惟謀猷
夙契于上心斯簡命特專于南省乘積德百年之運
踐文昌八座之司君子經綸應聲雷而展采大人制
作炳天地以爲昭汝作秩宗林薈中和之極吾從先
啓雋類函卷三十四 六

進佇觀渾噩之風聽履馳情奉書動色玄黃爛若深
慙及物之儀素綯茫然奚有成章之報肅申謝悃并
布賀忱伏冀鑒涵可勝銘戴

賀南京大宗伯啓

明吳守道

憲昔峻秩三年丹筆稱平儀部清階一日黃麻兆拜
歡騰畿甸喜溢門牆恭惟某官赫奕魁名文藻探奇
五緯巍我台登丰神耀彩九苞太平策獻竊切中秘
書緇鸞掖經綸夙著聲譽爾亨當至禮大樂之朝虞
華省容臺之席作求先德紹述伯夷寅清績述前修
嗣美尚父敬義允宜典禮行作秩宗誓崇制作於南

都輝煌帝治遠代絲綸于中禁黼黻皇猷其昔業戶
宮坐春風之三載今爲化縣望夜宿於一方自在山
城心懸函丈欣聞鳳詔朗誦聖主得賢翹仰龍門敬
賀吾師輔世明良交會慶勅于虞歌君臣同遊詠
卷阿于周雅

賀南京李大宗伯啓

明吳之鵬

八座屬鴻儒直拔儀曹而履正兩都需碩輔暫遷留
省以升華矧鏤金之談全銷斯完璧之珍益顯名騰
海內聲震朝端某日瞻北斗祗興歎於爾高身寓南
畿方假緣于孔邇奈連月奔勾稽之役且即辰促齋
啓雋類函卷三十四

九

捧之行展謂無從姑叩聞人以通尺牘布陳匪謾尚
憐郡掾而鑒寸忱又伊昔路河之發棹難追乃迄今
燕邸之候箋未達併求登徹更致祝私願恢績業于
寅清闔甸歸百年之禮樂行協謨猷于密勿巖廊表
萬國之儀刑

賀南宗伯韓公之任啓

明成於思

祥應五雲瑞通三泰新鹵秩以昭天子之尊儀文有
象稽典籍而肅明堂之制功德無涯伏惟某官儀天
聳清連玄牝以契神機地開源溯太始以定律緝總
章之舊文衍臯夔之故事筆底蛟龍泛崇光於連

字中科斗追感興於擬金橋貞觀以握圖崇紫微而
立極水鏡呈祥炫矣金波靈沼冰心澄徹朗然玉燭
蓬壺中和樂職熙皞駢臻清江帶地擬吳會於星津
白雲在天望長安於帝里加以分庭愛士虎席親賢
好古博聞編纂不倦清裁妙製述作彌精忠恪符於
遽瑗而蕪季札之多才端勁同於史魚而邁公綽之
不欲才益高而心益下祿愈厚而家愈貧師表一時
折衝萬里其巖居韋帶下走桑樞投竿垂餌晦幽質
於渭濱抱甕灌園絕機心於漢水一晤弱齡便覺全
消鄙吝再逢暮景驚看萬國清寧別求風景已隔星
啓雋類函卷三十四

三十

賀尹宗伯啓

明林 燠

恭審榮膺膺眷寵拜恩綸專重寄于南宮踐崇階於
北斗允孚衆望雅愜士心伏惟某官學蔚儒宗才優
王佐山川間氣鍾匡廬彭蠡之英館閣大名冠天祿
石渠之彥結知自昔簡畀方新惟盛時崇禮樂之司
而留省奠本根之地爰章燦矣儼備朝廷之儀制度
森然悉遵祖宗之舊實資降典用贊化中伊吉甫興

周世已仰瑤華之盛茲伯夷相舜人益占玉曆之昌
和上下洽神人固知游刃惟鹽梅作舟楫即佇追鋒
某幸忝通家緣大人之交誼慶均寰宇仰君子之道
亨頃未申簡牘之殷勤乃先辱門墻之紀錄末由晉
謁祇荷謙光用修不腆之儀少答非常之願伏祈台
鑒無任巖瞻

賀陳大宗伯啓

明張一棟

位晉秩宗鴻碩踐衣冠之選班聯常伯燕閒資夙夜
之謨豐組煥煌垂紳林蹈恭惟某官孕祥女牛蘊彩
壺蘭樹孔壁以起家探索丘而入室榮躋耄耋久陪
啓雋類函卷三十四

三十一

宥府之壽視直鑾坡獨擅詞林之冠繼熙九重之聖
學經幄日臨興居四海之人文棘園屢典帝心簡在
衆望推先果玉泉之新頒遂南宮之進陟有能典朕
三禮寅直惟清爾尚弼予一人眷命用懋渙新寵於
溫綽佇大拜於嗣音言念某樗櫟才疎粉榆影近托
雲天之庇價重龍門蒙陶鑄之恩品淹繩格一官嶺
表三載天涯墮在簿書鹽米之中阻以雲泥關山之
達伏覩除目喜溢寸心顧抒賀以末由乃瑄司之忽
換腸迴水曲盤積山多是用雪手陳詞炷薰曳繭下
申燕懶上玃台閣

賀尚書林下

賀華亭陸大宗伯啓

林下

明林世吉

秩尊北斗夙瞻曳履之班心戀東山早遂懸車之樂
身雖遊于綠野望實係乎蒼生恭惟某官清時元老
曠世達尊射策龍墀獨冠五千賢俊橫經虎觀共推
百代儒宗聲華雅重于三朝勲業懋隆于八座時每
覲名賢之出處而人恒占世道之安危丹詔優徵竟
難挽高尚之志金宮纔入復已陳乞老之章播清風
于四表聳高節于千秋天眷德門慶鍾令子鳳毛五
色誇接羽以高翔麟閣千尋佇聯輝而列某學慚
啓雋類函卷三十四

三十一

賀鄒宗伯啓

林下

明

集殿倫魁之彥正元朝士之英爲主留行深惜鳳鸞
之去與波俱逝遽尋鷗鷺之遊雖蘭漿以逍遙亦桂
山而憭慄前席興久不見之嘆奏篇盡長太息之忱
明堂九筵方嚴恭而自度秩宗三禮貫幽顯以相通
夙夜惟寅是爲燮理之本春秋具對豈徒災異之陳
某舊托門墻今依邊塞城吹雪角已厭聽於拾遺人
老玉關說與憐乎定遠

賀尚書存問

代賀陸大宗伯存問啓

明董應舉

造德降時惟天純佑引年憲老近古曠儀矧夫紫谷
流祥夏謳答響彤庭單慶傳史告存表南極之離光
接東溟之盛事邦基保艾詔問起居非夫獨鍾問氣
卓然達天下之尊三安得坐享太平遂爾備旣醉之
福五緬惟六字如此幾人恭惟某官降精奎壁比峻
嵩衡生爲堯舜之夔龍老作唐虞之巢許五湖煙水
笑范伯以猶遲百歲鼎樞嗤羅公之未達項緣慶典
特賜禮存恩渥自天見尚年之盛治清高表俗接敦
啓雋類函卷三十四
三

鄙之流風凡同幘幘孰不欽馳其早從伯兄久傾宿
德景懷更老尚想見漢帝之隆風望氣關門或可爲
老聃之下役敬將賀悃上冀鑒存

賀尚書考滿

賀禮部費尚書考滿啓

宋李廷忠

明廷字令常伯升班時禮文之闕猶多聊煩共治
儒者之効已試宜即真除國有正人士無異論恭惟
某官賦才宏瞻履德清方惟卓爾而不群故夏然而
爲首一鄉雋譽與雪山雲峽以爭雄萬里修程墜金
馬石渠而平步左右書其言動朝夕罄乎論思直哉
批勅之風公矣掄才之鑒能讀倚相之八索勒成太
史之一家凡數器以身而燕之豈諸公可跂而及者
吾從先進具知宗伯之能何以假爲就正文昌之任
啓雋類函卷三十四
三

蓋將蒐舉百王之墜典發揚三代之餘風黼黻太平
肅清群慝更尚書之履已素熟於帝聰秉師尹之鈞
將益昌乎相業某久依崇祀喜聽嘉音想野外綿絕
之儀斯文有賴旅門下高冠之士厥路無繇蹈沐惟
深染濡奚旣

賀尚書壽

賀董宗伯壽啓

明申時行

仰惟臺下鶴算已升鴻禧天錫七十欣于國更曆三
暮八百歲爲秋行膺百祉神明有相五黨咸欣竊聞
昌熙有道之期乃生純德不二之老出爲世用若祥
麟瑞鳳之儀于明庭退而里居如大呂黃鍾之藏于
清廟縉紳仰其風采鄉邦率其典刑人稱遠尊帝祉
元吉昔所聞者今乃見之伏惟門下道德積躬文章
名世忠納人主之知而不盡行其志身任天下之重
而不見容于時歛其精華臻于壽考碧瞳玄髮望而

啓雋類函

卷三十四

三十五

疑其山澤之癯能經鳥申默而契乎神仙之術登山
躡屨不假扶筇對客命觴常聞繼炬援筆萬言而不
經思揮塵累日而無倦容翩然若少壯之年時乎有
嬰兒之色知精神獨得於內而體力無變於初其爲
壽徵可以理決此朝野所共稱慕而在門墻尤切歡
抃者也茲屬澄秋恭逢華旦星輝南極瞻紫氣之常
浮雲臥東山知蒼生之共祝祇緣忝竊未遂樞趨曳
組垂紳敢忘受恩之所自稱觴進履其如上壽之無
從聊具蕪穢敬修芹泖尚祈台鑒不任瞻馳

賀董大宗伯壽啓

林下

明屠隆

經世雄文會日月星辰之運匡時上宰調陰陽風雨
之和簡德業于帝心發英靈于嶽降恭惟某官天目
奇姿文心鉅匠名成三策少年籍才子之稱賦就兩
都一日冒長安之紙碧雞金馬崇班清映乎水壺威
鳳祥麟藻思光主乎彩筆遂登講幄佐威德于青宮
爰正秩宗掌邦禮于紫禁久勞廊廟上民仰北斗之
尊暫夢煙霞遠近係東山之望時屬三秋欣逢嘉節
大高八月適誕偉人借桂輪以代華燭朱顏照見桃
花取天樂以張瓊筵綠髮明于黛色交梨火棗供自
西池仙曲雲謠傳來金母蓋皇明之運祚有赫知元

啓雋類函

卷三十四

三十六

老之壽考無疆其昔承人乏作牧名邦朱門清燕數
奉音徽綠野逍遙時陪杖履仰德星之曜里契洽椒
蘭荷甘露之灑心義存金石逮自移官以來嘗不敢
忘疇昔陟香山之高標停雲而憶白傅望澄江之如
練臨風以懷謝公伏惟壽並嵩高芳流竹素名齊綺
皓位比伊周

賀大宗伯李老師壽啓

林下

明王在晉

名世協箕疇五福天開壽域元臣臻泰社三多衆效
華封望北斗以纏輝去天尺五瞻南山而進頌歷歲
八千絳甲如環白庚長映恭惟某官蜀山間氣昭代

名流太乙藜光玉音掌絲綸之重棘闈朱黥冰堂操
衡鑒之清桃李盡屬公門雨露偏沾南國廷瞻版石
崇躋秩宗帝重寅清特頒簡命歸來三賦行藏動紫
蒼生高引十年枚卜久虛台鉉歲甲適周六泰華辰
政值高秋李下仙源姓氏原從丹籙榜中甲第標題
首唱臚傳地啓靈符宿世金泥玉檢洞開蒼篆三生
秘訣玄文鶴算無疆海籌初握西極騁周王之馭蹕
桃三佐震鷗浮丘來子晉之笙仙掌高搏玉屑丹書
勤召命洛中司馬名高黃閣藉論思江左夷吾望重
德優輔世瞻切抃時念其幸廁門墻夙叨陶鑄悵一

啓雋類函卷三十四

二十七

官之馬守茂遂是趨感兩地之音稀徒殷燕喜度陳
僖頌聊當彭觴伏願天與壽祺人欽耆碩畢公之相
四世延年豈藉能經尚父之佐三朝扶老不須鳩杖

賀大宗伯于老師壽啓

林下

明王在晉

八座重師臣遐算值申生之會三台開泰象長庚協
帝賚之祥柱石擎天多多效封人之祝羽儀風世赫
赫繫師尹之瞻慶幸嘉辰欣逢勝事恭惟其官岱宗
間氣齊魯偉人天祿石渠手搦上方之管金泥玉檢
藜分太乙之光輝鳳翥于詞壇噓氣賞寒北斗觀龍
顏于講幄鍊石以補青天迨敷歷乎卿階遂登崇平

宗伯啓億萬載文明之盛勛猷大著寅清集二百年
禮樂之成敘秩允孚邦典帝心簡在寵眷攸隆密勿
正藉論思庶廊獨高尚志一辭即退廷推疊見公評
三賦思歸巖處大關物望淪十年之歸里適六泰之
週元白露秋高玉屑飛揚仙掌銀河夜炯月華燦爛
瑤階插西國之紫萸醉東籬之黃菊元老喜臻鶴筭
蒼生欣祝天長某叨列門墻僻居海澨持觴稱壽不
及躬親西母之謠展指綴詞猶能遠述僖公之頌伏
願遐齡天啓介福日新周家八百餘年起祚于磻溪
之隱中書二十四考追蹤于汾水之清

啓雋類函卷三十四

二十六

賀馮琢吾生辰啓

明于慎行

節屆一陽星躔初度桑弧六矢欣傳嶽降之辰繡線
五紋正協日長之慶年四十曰強仕將登九命之階
歲八千以爲春始受三山之紀聊伸華祝仰介松齡
與馮琢吾互賀生辰啓

明于慎行

歲忽忽其不待懸蓬又屆于初辰芳菲其彌彰餐
菊方懷乎舊好鼎來寶翰貴錫珍儀知多病之所須
特分大藥念一寒之如此爲解綿袍惟臭味之相符
有佩服之無數披緘感藉對使登嘉幸值折梅無能
報李預計侵晨之誕先將獻壽之忱日月光天世運

祇憑黃閣老江湖滿地生涯亦有白頭翁互伸三祝之詞共薦百嘉之祉

賀范宗伯壽啓

明周弘祖

帝里回春鳳曆報增莫之八葉容臺瑞藹鶴書來海島之三山家承文正之風華光門第業紹玄成之素丕振箕裘閭里分榮朝野胥慶恭惟某官匡彭毓秀牛斗孕靈視草北門彩筆炫金蓮之燭檄詞東觀雄文搖玉筍之班斂方伯連帥之章纍纍如斗旋策府瀛洲之翼衍衍于磐甫及夢松之辰命慶典樂載丁懸弧之日咨伯秩宗清階仍賀監之冰雅詠陋明河啓雋類函卷三十四

之賦黑頭葱珮人疑紫海神仙鉉席槐垣帝倚金鑾柱石大拜已徵於銀信長年永護於紗籠賓從盈庭念禮絕之敬生於座上岡陵奠位慶鼎盛之時擬於日中計朞月以還肝蟹旋轉乾坤之手俟百川方至樂觀汗青竹帛之勲其樛櫟散材駑駘下乘宣風國色徒勤保障之憂占緯台符願進華封之祝惟其物不惟其儀愧無當於千贄矜其愚不錄其罪祈俯鑒於一誠

賀姜大宗伯壽啓

林下

明孔四可

聖曆靈長正壽域弘開之會歲星光朗肇碩人益算

之祥瑞溢煙霞歡騰紳笏恭惟某官東山養重北固望高麟閣勒名相業昭懸于日月鴻達振羽仙儀光表于寰區露渥金璽經籍以成醴酪波生雲錦綴絲綸以補衮衣爲傳爲師美東南世家名世是父是子稱大小宗伯文宗時屬離明慶逢初度三朝元老正太公興渭之年八袞上齡匹潞國平章之日華封有祝多福多壽多男天下達尊爵一齒一德一洵太平之盛事欽祐命之駢申揚風聲于上方彩鳳將昇綸而炳燦薦蟠桃于瑤海青鸞馭紫氣以翱翔某早廁門墻備蒙陶鑄羈棲燕北未由稱兕于華筵拜望啓雋類函卷三十四

三十終

啓雋類函卷三十四

江南遙致束箋而展祝伏祈崇鑒曷勝仰瞻

啓雋近體卷三十五

類函四十七

東吳俞安期美長彙編

上饒王嗣經曰常同輯

春官部二

建武張紹謙道益訂定

上尚書

上禮部章尚書啓

唐羅隱

某啓某月日以所著讒書一通寓于關吏退量僭越伏積憂惶其聞樊子昭之處屠沽發光輝於許劭郭林宗之游輦洛振聲價於苻融其後物態乖訛風流委敗下有自媒之謂上無相及之由某由是反袂興

啓雋類函卷三十五

懷捫心注恨又安得不屬耳於輿人之論傾懷於長者之談而尚書以盛名鎮乎當時以盛德傳乎奕世不超超於關茸不浮泛於姦回動則致聖主而活蒼生以爲已任靜則導冲襟而養和氣以守家聲恭惟大朝屬在吾道若某者燎薪就學擲楮攻文一則以神氣低凡不足動王侯之瞻視一則以家門寒賤不足辱卿相之搜揚十年索米於京都六舉隨波而上下永言浮世堪比多岐所以覽嵇叔夜之書則伏膺戶外讀張季鷹之傳則大嚼窓間長恐一旦月桂情衰江蘋思起不得揖充國山庭之相不得窺漢朝王

佐之才是以重拂塵衣聊希藻鑑倘尚書以孺子可教則隨洛下之書生倘尚書以斯人若狂則訪江東之釣叟靈著神蔡惟禱所從

上禮部楊尚書啓

唐羅隱

某啓某聞足歷屠門尚能大嚼力疲吳坂亦解長鳴而况覩棠陰教化之原入忝谷暄和之景苟不能自提由瑟直犯丘墻則其人生爲無益之徒死作無知之鬼某譙鄉賤族釣瀨遺氓鉅下二卿索非朋執於陵一叟或與交遊偶然蒙郭泰之言歛爾厲蘇秦之志遂得來漂風雨門長蒿萊旋慕題橋因吟入洛三

啓雋類函卷三十五

秋旅寓身居計吏之先萬里徒行家匪大夫之後孰謂九街浪濶雙闕雲浮姜維之膽有破時李陽之拳無下處由是潛傷鮒轍暗泣牛衣賈誼長纓雖猶自運張儀健舌亦擬何爲前窺而四海清平內顧而一身流落輒復徘徊鄭驛睥睨秦賢敢言畫虎之勤但有傷蛇之望

上沈宗伯啓

明蘇濬

某竊祿三年巨訶萬狀過冀北之野不辨驪黃入都林之墟莫知尺寸覩顏尸素揣分黜幽恭惟某官凡几其容休休而受采蘋扈正既沐蘭茝之芬藏垢匿瑕更戴嵩高之德層巒莫報寸結難名顧念侍側之時如對石師而兢兢自守一從索居之後若離詔相而俛俛何之焦火疑冰每叢生而靡定流金鑠石媿欲爲而未能伏惟時錫誨音俾寬罪罟

上范大宗伯啓

明吳恢

帝簡秩宗秀德樹儀刑于舜日世崇風教脩容昔揖啓雋類函卷三十五

讓于堯天中外權衡華夷矩矱恭惟某官文章價重山斗名高奉丹陛以譚經蘭膏馥郁群青衿而講德虎座崔嵬恩光荷天上絲綸腴潤肅明時禮樂會見化成宇內慶流後昆矣某猥以樗櫟之材置諸荆榛之地無能表樹有負鈞陶藉非入穀於當時安得巨臣于今日萍踪浪跡孤身千里朔陞麓念東一日遊門下

擬上田宗伯啓

明趙世顯

明玉御寓戴隆宗伯之司聖世登賢式重禁林之選自非舊德曷稱崇階恭惟某官龍津擢秀鸞掖馳聲詞學淵源爲時珪璋瑚璉謨謀宏裕作帝耳目股肱

近師館閣之英鎮鄒悉歸于鎔鑄昔司胄子之教桃李咸屬其栽培某忝附同鄉曾叨末屬分猷江郡幸聯五馬之班報政清朝寔賴二天之庇敢申芹曝少效涓埃第願溟渤洪濤真細流于不棄泰山喬嶽合土壤而蕪容

上袁大宗伯啓

明林世吉

尚書尊北斗夙稱斟酌之司宗伯典南宮雅重寅清之寄共喜名賢之簡用式占世道之將亨恭惟閣下百代宗工三朝元老經術發杏壇之精與文章塞藝之芳華騰翬翠于蘭若名冠鹿鳴第一集鵷鸞于啓雋類函卷三十五

梧竹才雄虎觀無雙崇勲歷著于嚴廊偉望懋隆于中外向爲尊鱸而啓興暫依松菊以娛情惟舊德之欽承寔宸衷之簡在稽山詔安石多士彈冠洛社起溫公八紘引領纔晉登乎總憲遂擢長乎春曹顧惟昭代之典儀寔賴宗儒之製作頃覩十箴之大疏尤垂百代之芳名和上下洽神人暫倚伯夷而典禮調鹽梅作霖雨竚咨傳說以持衡其鑒壁腐儒通家末學誇龍門之獲御曾被華風荷鳳閣之吐哺深叨覆露徒懷八頌媿乏三行三行便以狃忱聊托魚箋而上謝統祈崇炤不任具瞻

上敖宗伯田間

明

蟻宇氤氲血氣倫盡成花實鴻爐鑄瓦礫類化就
丹砂大鈞無垠小子有造恭惟閣下金馬粉牆隔人
間之風雨銅龍玉署近天上之星辰領袖清班威儀
上國韶光八載江湖結廊廟雲龍精白一心聖主授
賢臣魚水儀曹為禮源自出得君子繩糾世風太學
係賢樞所關奉正人幹旋文運他年之薪之標兩咏
芄芄極樸之才今日宗伯宗師兼收種種參苓之品
回首聽金甌之卜展足近沙堤之行某方侍宮墻遂
遣型範振溺于坎深之下何殊景耀萊城回陽于剝
啓雋類函卷三五

極之餘有類寒翔忝谷

代上大宗伯馮琢菴啓

平仄不

明王兆雲

紫禁宣麻三禮重寅清之寄黃扉虛席兩儀需調燮
之猷蓋宗伯夙高北斗之班故聖皇特重南宮之選
慶溢簪紳光生桃李恭惟老師閣下命世鉅公熙朝
良弼山川間氣鍾泰岱洙泗之英宇宙元精承鄒魯
孔孟之統射策龍墀獨冠五千賢儒談經虎觀共推
百代儒宗雖海涵春育人欣其吐握之不遺而玉粟
永凝世凜其庶隅之難犯乃因人望遂陟天曹陶金
汰礫權衡四海之縉紳絀濁揚清凜鏡三銓之人物

秉公心而造多士遠超啓事之山濤勵介節以肅群
僚實並敝車之毛玠惟宸衷之益眷爰綸命之游膺
龍顏咫尺陳禮樂於廣廈細旃鸞掖清嚴和神人於
明堂清廟為帝師為王佐已占上下交而其志同作
舟楫作鹽梅行見陰陽和而庶績理其學疎刻錫技
媿屠龍蒙垂盼於一朝獲分符於三楚茲喜高閣之
鶯遷敢伸下走之燕賀敬修尺楮用展寸忱莫罄葑
菲之私難効涓埃之報

上大宗伯于公啓

明林世吉

官崇八座夙高曳履之班位應三台特倚縝綸之寄
啓雋類函卷三五

慶貽宗社光耀簪紳恭惟閣下命世真儒先朝舊德
山川間氣鍾龜蒙洙泗之英星緯元精冠天祿石渠
之彥早結知于聖主遂簡在乎帝心眷昇方新清華
游陟尚書尊北斗共喜延登宗伯典南宮特茲委任
龍顏咫尺日侍講幄以談經釐禁清嚴兼綜綸樞而
草制播聖主得賢之頌拯儒臣稽古之榮伊吉甫興
周世已仰瑤華之盛茲伯夷相舜人益占玉曆之昌
其學愧面墻身羈奉節披春風于紫閣誼通家沐
朝露于璇霄恩叨推轂茲附飛鴻而布候敬操柔翰
以狃忱伏願聖眷日新繁禧駢集和上下洽神人禮

樂特資于畫省為鹽梅作舟楫姓名佇覆于金甌

上董宗伯啓

林下

明

恭惟某官昭陽度履早騰北斗祥光神武掛冠仍係
東山雅望表丰姿于海鶴振儀羽于雲鴻傳業一經
舟桂靈椿並茂聯科三世綠蘭淇景俱鮮典刑擅故
國之聲祚胄挺名家之派其躬蒙甄錄戴恩獨倍群
情輒阻奔馳修禮常懸寸念士選清標律度雖生徒
之餽難通仲舒遂學淵源詎師弟之交可廢佇俟蒲
輪赴闕還卿座而進陟公台載觀槐蔭垂階躡父班
而重宣祖烈

啓雋類函

卷三

七

奉尚書永文

奉口太宗伯啓

求賀撫臺

明許以忠

彤伯堂清朝之禮樂久壯皇猷晉公開綠野之樓臺
暫投國政係萬姓瞻依最重為九重眷注獨隆元化
待調和欲啓金甌而大拜殊恩垂顧問親揮玉札以
頻頒喜動冠裳榮分桑梓某么膺後學瓊尾微員叨
竊宦途夙仰南宮之望乏承仙郡幸依東壁之光心
慰遐思躬聆玄教頃賀中丞公滿最敢求大宗伯颺
言蓋聖主得賢臣雅重王東之頌若文昌揚武烈益
增魏關之靈預呈駢四俚言倦致再三懇意伏冀俯
啓雋類函

卷三

八

垂金諾慨賜錦裁筆焰吐霞映匡廬而耀彩詞源倒
映溢彭蠡以流香匪惟求而得者籍展愚懷且俾拜
而受者傳為至寶

奉陸大宗伯啓

求墓

明陳功

運轉泰期八表被維新之化望隆耆德九重溯求舊
之圖黃閣具瞻蒼生胥慶恭惟調干雲間符瑞天上
星精孔麟叶繡紱以開祥張燕應玉文而荐祉泰山
北斗卓哉百代儒宗商鼎周彝展也三朝碩輔早堂
麻于天祿遂綴履于容臺夷典禮慶典樂煥然治具
之張召為保固為師行矣世宣之踐鳳皇翔于千仞

覽德輝而下之鵬鵬徙于南溟搏扶搖而上者蓋惟
太平理學之儒獨高他選故非道德詞章之望不在
此官乃知文昌八座之策勲寔爲泰階六符之張本
煙霞松菊雖雅高果里之風而舟楫鹽梅必行簡楓
宸之眷某伏塊餘生倚閭殘喘龍門翹首未酌爲御
之懷雁幣狂忱敢布通名之狀謹祈一語特慰九京

啓雋類函

卷三十五

九

通尚書

代通易尚書啓

宋朱湛盧

候長沙之星慚叨分闔望尚書之斗喜在鳴珂已脂
轄以首塗亟壁牋而抒敬恭惟某官輪囷與識絢爛
高文紅錦賜袍登仙仗鑾坡之上紫荷持橐在屬車
豹尾之中頡頏飛霞欺弄明月方欲作郊祀之歌以
粉飾禮樂抑且規帝王之制而裁成典墳忽觀滄海
之浮雲盡付黃梁於昨夢詩書之教鵠舌天令變於
姬姬吟詠之落鳥蠻人競傳於欵乃騎鯨故去跨鶴
俄還竊惟平生討論述作之工實得前日寂寞開寬
啓雋類函 卷三十五 十
之力崑崙崑石細箋禹貢之山川鄉遂井田增釋周
官之制度已驟騰於紙價頗傳習於經生向使黃扉
紫闥而益顯其身安得玉佩瓊琚以大爲不朽殆天
心之有屬豈世俗所能知舒卷隨時寧久篋中之闕
扇論思有詔卽還坐上之青蓮其猥以庸才荐膺重
寄繼常侍湖南之詠自顧非才聽任公戶下之規願
安承教

候尚書

候林太宗伯啓

林下

明許以忠

彤伯升華獨對丹墀之禮樂晉公歸政弘開綠野之樓臺快靚一時榮分四境恭惟台臺望隆北斗彩映南閨吞九鯉於胸中氣雄霄漢駕六鰲于海上步舞風雲蚤傳鼎甲之名首占瀛洲之勝九重資講讀參法從于甘泉萬國藉甄陶育英才於璧水寵膺溫詔晉掌容臺大典昭垂上應文昌之宿讜言敷奏遠追武德之風餘期論道于槐陰詎謂投閒于梓里三春花柳雖堪載酒而遊九鼎鹽梅准待和羹之用台垣

啓馬類函卷三十五

士

虛席寰宇懸眸其管窺愚生求芻俗吏上林高聳夙瞻甲第凌雲下冠卑棲幸竊午橋覆露恩深燕寢候歎鳬趨敬修咫尺之函仰叩尊嚴之衛伏願純禧滂至介祉日新鶴表出塵埃天上賜環來早暮龜齡長歲月朝端鳴佩幾春秋

候吳宗伯啓

明林 熈

恭惟某官暫釋鈞持親承鼎養三公厚祿追燕喜于魯侯千歲脩齡受介福于王母展台庭之盛事光冊之美談獨擅隆名備膺純嘏不肖念惟往日敢在下風登進門牆每蒙善誘吹噓館閣猥荷曲成滄河

嗣以銘心想履歷而企踵伏希頌時頌衛卜世泰亨雲霄佇赤鳥之旋海宇副蒼生之望

啓馬類函卷三十五

士

送尚書禮

送朱大宗伯別禮啓

明王在晉

黼座崇儒耆德繫兩朝之重望青宮弼德師臣超八座之尊榮樹隆棟于中朝峻維嚴于下土某官越中間氣昭代名臣玉管調雲名擅三千之譽金磚遲日行瞻尺五之天氣節振頽風松栢可知特秀文章回末造桃李下自成蹊館閣絳綸多士贊襄鴻烈廟廷禮樂萬年黼黻皇猷部曹藉重春卿清品躋秩宗之貴承明仰資學士兼官極翰苑之榮天爲社稷而生巨公終協夢枚之上帝資良臣而興大業自來物色啓雋類函卷三十五

士

請尚書宴

請顧未齋宗伯宴啓

明胡松

炎帝乘離衡執朱明之景祀融布今日居東井之躔律中蕤賓筵陳夏屋飈留桂棟遠嚴當昭朗之亭日麗雲林高樹倚清華之省朝旻澄霽曉旭清暉艾葉蔓晴絲萬象屬光昭之候葵花移晝景三靈盛長養之情文物葳蕤聲明葱蘢蘭薰綺席榴拂瓊樽年華將令序俱流天文並韶光共轉宜稱高宴以樂榮途恭惟某官讀書豐潤學道謙冲早冠等倫裒然諸大夫之上末躋無仕巍乎加卿相之行器上白雲韻同啓雋類函卷三十五

古

明月官宜人象學爲士師顧榮擅江左之宗方斯隘矣裴儵總秘中之秩殆或近焉簡在一人乎於庶尹名魁多士固後先學士之有同教典二科蓋今昔儒臣之未有顧茲寵遇寔號輝光某等職雖異守義切同僚不腆蕪葭幸依玉樹有才驚蹇獲附良駟當茲令辰觀斯盛美爰馳寸翰用速同盟燕寢親深光動尚書之履省廬近密華流學士之袍彩殿晴臨五色遙分于四屋文軒晝敞千巖隱映於中庭四美翕臻群英趨約階紛組綬盡東西南北之人席遮瑤簪集臺省公孤之客委蛇尊俎春生几鳥之間曼擊鍾球

道在壺觴之下開襟濯寒水炎燄斯除輕扇動涼颼
肅陰戾止禮登繼饋物具儀成疊鼓送杯縉雲競彩
凝笳翼蓋新月含輝幸諾金以惠臨早移玉而肯貺
請沈宗伯宴啓

明羅棟

金鑾抽草鳳隆山斗之瞻粉署摘華更贊鵠鉉之重
慶遭逢而思舊賴陶鑄以斬成師座宏開賓筵敬秩
恭惟座下名高廷老望愜人師振春藻于詞林挹夜
藜于講幄班清仙陞職峻宮端仰藉聖明簡模範于
碩德令茲髦士受繩墨于宗工時雨零落之蘭長秀
春風鼓煦槐棘敷榮敬卜某日淑氣催而好鳥鳴韶
啓雋類函卷三十五

五

請于宗伯宴啓

明羅棟

凌翅紫虛寵益縷紳之遇步趨玄軌榮希衣鉢之傳
敢沿蓬省舊儀敬舉瀛洲盛事挹光儀于八座造口
英躔資師表于一堂擎觴函丈共分矚有懷依暇
恭惟座下彪炳人豪龍光天士詞源逸發吐吞河瀆
之奇道範高標攬結泰嵩之秀劭雋聲于玉署升華
貫於金閨穆穆典禮惟叙肅肅喉舌是司紫宸聽履

方殷黃扉經緯攸賴魚水歡同房杜龍雲會血臯夔
某夜雨螢窓幸釋躋于薄仕春風鸞掖過溫竿于清
華蓬蓬遊小有之天閭闔近矣爰吹太乙之火世
界超然恐玷後塵致思先進用上仲商之月載簪其
日之辰秋宇滌雲歷歷星辰垂象涼風滌氣溶溶月
露流清敬潔兪觥恭迎鵠乘文昌見曜移來道院增
輝華蓋紛披借就蘭臺發焰薄言燕喜少荅鴻臚願
執策以前驅祈鳴鑣而左顧紫垣碩老高會玉林之
間絳府通仙曲宴瑤池之上奏鈞天之樂聳聚皆聞
燃赤城之燈迷方悉照

啓雋類函卷三十五

五

請大宗伯宴啓

明羅棟

序紀元功燮理沃三春之露時當利見經綸備九德
之司惟青陽用意宮牆栽培桃李顧白屋通名奎冊
榮溢草萊師師寔藉虞卿藹藹敢多周士恭惟座下
夷曩上列周召殊猷瞻仰南山式作萬邦之憲文章
北斗允起八代之景又範留都眷言春伯新徵魏闕
夙駕秋風示多士以嘉賓威儀陋漢宋一人之顯綽
道德鑄頌卓哉先進芳踪展矣後生懿縉某章縉素
位結束玄齡抱砥礪燕石之疑敢謂荆山獻璞出牝
牡驥黃之外咸資冀野空群入木天簪鬼神馳瞻望

薇垣薦魴心切謹訂平秋之吉用申分敬之悰敬清
譙于詞林豈曰大烹之享觀龍光於秘府祇聆初筵
之歲伏願鑒環草之私情儼駟于上路萋萋嗟嗟
令末學愚生常瞻梧竹之輝噦噦鏘鏘與五更三老
共著珪璋之懿

啓雋類函

卷三十五

十七

謝尚書

謝李尚書啓代

宋方岳

將指軺軒殊負錦游之愧露章橐座有華袞字之褒
其知我哉莫累公否若稽前哲深感盛心介爲時論
所喧雅見推於永叔軼蹈深文之允獨受薦於景仁
蓋深知從古之爲難而衆惡非賢之莫察豈特接連
於氣類固將扶植於孤危伏念其質弱氣卑才凡識
闇少也處鄉黨之際但見恂恂老而仕朝廷之間亦
非謬謬徒以處得言之職冒而犯不韙之愆並游吐
舌以相驚旁觀揺手以爲諱天王明聖何難亮佛骨
之忌人言沸騰皆欲抵鬼薪之罰一朝沙汰四署山
凶兢兢然畏威敢怒之懷孳孳焉省躬補過之義雖
石猶生我何所病諸而臆能汚人誰與比者曾謂近
臣之薦口顧先遠士之危蹤力不勝衣目爲剛毅學
僅識字品以深醇乃若忠賢之褒尤非鄙拙所稱尚
衆議之未息何時論之交歸欲俎豆予可謂取人之
勇不暇疵汝得無乖俗之嫌誦妙語之吹噓起懦衷
之激烈茲蓋代遇某官道先民覺學道聖涯緒綸微
言衣鉢闡河之派高文大冊篋裏蘭室之儲慨念時
賢誰同心事向來論建惟閩蜀之人多爾後擢排幾

嶺海之福作特借妄言之士用彰不諱之仁論思之
選清華安用此物春秋之志微顯是懷我心其既入
品題數求攀附未應泯然若一之銅人尚願飭修
望南都之鐵漢過此以往莫知所裁

卷三十五

十九

謝陸平泉宗伯啓

明唐堯欽

士人之用世獨有去就之兩途就則尊主而庇民去
以庶頑而立懦凡皆有功于人國孰能脫屣于當年
榮名奪其心利祿櫻於慮况當大用伊始之際尤爲
眷戀難決之時自非矯故其強安能爾然不滓恭惟
臺下三朝耆舊百代儒臣夷夏知名則洛陽之司馬
國家係望實江左之夷吾正使越百歲而爲春秋猶
宜令五日一議政事而未老辭位絕無遲疑之私屢
疏乞身期于獲請而止品則加人數等功則繫國一
絲蓋在聖世固不宜以名位屈高尚之賢而在賢者
亦不能以終隱辭師錫之譽渥恩三錫存問特頒寵
之宮保之尊益之夫廩之養彼蒼且以未盡之用片
之後人長公亦以步武之才策之天府是父是子美
萬石之里門有君有臣誇三老之几杖某幸辱座師
之衣鉢夙觀台揆之芝眉違門墻者十七年亡繇趨
侍望雲霓于三千里惟有懸思不謂鼎翰先施方且
珍貺駢至非孺子尚可教也敢覲接引之榮惟个臣
寔能容之俯推陶鑄之愛鹿鹿何有卽之短長之效
圖報師門兢兢自惟未肯甘心不肖貽羞善類伏惟
憐其藥籠之舊物惠之砭頑之奇方謝不以言間徒

淋漓于紙筆服之勿失庶幾尋繹于書紳

謝大宗伯朱公啓

撰德政碑文

明王在晉

位極三台椽筆珍同琬琰才高八斗文章價重球琳
百代繫儒紳之望片言增草莽之光載德同天措躬
無地恭惟某官匡時學術命世詞華館閣論文議論
遠推山岳殿庭秉筆正氣上掩星辰是非取法于聖
門褒貶折衷于當代其抱關析史瀕海鰥生品刻衡
茅戶素寔慚匏繫材同樸櫟曠鰥方切冰兢居官未
見寸長竟歲曾無一善深虞過擯乃辱洪慈俯徇行
旅之求肆聞大方之筆掩瑕匿垢信宏大之兼容棄
啓雋類函

卷三十五

廿一

短錄長卽纖微而必採家傳枕壁楚瑜寶似連城文
落珠璣明月光生合浦自茲石枯墨跡碑文同黃絹
以爭輝假令苔蘚蒼書製作自青雲而不朽俾其汗
流浹頽感激浚鑿肝膽忱僅展于一絲荷德難酬于百
叩伏願旃幃噓植常如大造之因材誘掖勞來益擴
將來之與善下乘不貲跑于末路敢忘鞭笞之仁鈍
金得型范于洪鑪永被陶鎔之賜

代謝大宗伯啓

明王兆雲

經綸近帝座將爰立而會際風雲桃李在公門幸瞻
依而涵濡雨露謹齋心而展候敢沐丰以具函恭惟

臺下儲衡岳之精英爲明時之柱石鵬圖學海奮九

萬以高搏鳳者詞林冠三千而獨步絀書然天祿之

藝載筆振石渠之草比門之尊學士誰居班馬之先

西掖之代王言未許錢劉之讓逮聯儲貳之班益躋

清華之秩翠幢雍容能養成乎聖德青宮優暇恒禮

重乎師臣蓋惟篤恭之有加是以簡眷之益茂官崇

宗伯禮之備而樂之和教逮庶常聖爲模而贊爲範

是君是臣已千載慶明良之遇格天格地將兩間成

熙洽之隆伏念某門墻登進曾叨汲引之恩霄漢吹

噓更荷栽培之澤誦木瓜而增媿託楮葉以將忱伏

啓雋類函

卷三十五

廿一

願覆金甌之姓字位首百揆調玉燭之樞機功高元
老

謝馮宗伯賀生日啓

明王家屏

天地之大德曰生不遺枯朽河洛之至文復出渙發
昏朦澤醲湛露之滑瑞炳瑤光之曜晷軀頃竦老眼
爲新門下學富縑緗才雄黼黻絲綸掌制追典謨訓
誥之風旃屢說經闡仁義道德之興精忠默運袞闕
賴以彌縫正氣孤騫明堂侍爲砥柱肆帝心簡在曰
伯夷汝作秩宗蓋神器有歸惟絳侯可屬大事三命
而升華南省且瞻台座之星浹旬而定策東朝竟取

虞淵之日與國基於盤石世共傳其高勲削罪籍於
丹書其更私其末庇十年病骨如知安枕之期一息
游魂敢憶懸弧之旦乃歲廬德念逮寵類齡走使冰
雪之中委貺蒿萊之下琅函璀璨託仙官之符籙齊
自蓬瀛錦軸焜煌疑天女之機絲墮從霄漢三薰三
沐拜嘉莫喻其欣榮一字一珠莊誦曷勝其珍重攻
玉軫他山之用曾何益於瑕瑜徙薪錄曲突之謀寧
足程其功過褒揚踰溢惠錫駢蕃粉滌備極其情又
慙悚寔浮於感激淮南雞犬永違飴鼎之思冀北驚
駘良負加鞭之意惟願機庭蚤入配四象以調元佇
啓雋類函卷三十五 廿三 章少

見壽域弘開兆六符而啓泰言宣罔既心祝殊殷

尚書回答

除禮書兼內翰回外路賀啓 明周必大

綴星辰之履驟被優遷窺雲霧之窓仍兼舊直謂寵
靈之有赫揆庸妄以無堪恭惟某官踐履配乎先民
抑揚持平公論好謙爲德行賢每戒於自賢獎善存
心欲達常思於人達迄繇借譽馴致增華知章兩命
之榮正慚非據韋陟五雲之體過辱先施在悚感以
交深豈喻言之能究

啓雋類函卷三十五 廿四

回答尚書

回馮宗伯互賀生辰啓

明于慎行

伏惟上考承恩崇階進位未伸燕賀但有鳬馳乃勞
天上之音書數問山中之歲月此交遊所曠覩於禮
俗爲倒施何德以堪無辭可謝感歲華之冉冉每驚
弧六之辰思遠道之綿綿但仰魁三之象計茲仲月
序屬元陽適當立說之期正值生申之日慶星占之
得歲先華祝以祈年敢云桃投李報之文庶伸栢茂
松悅之悃

啓高類函

卷三十五

廿五

賀侍郎初任

賀周禮侍啓

宋播芳集

親簡嗣皇真除亞旅中臺典禮既咨儒者之宗內禁
代言仍屬辭人之伯朝紳倚重從蒙增光竊以稽古
禮文莫清於是職爲時輔相多進於此途若司馬公
之定典儀如歐陽子之掌誥命卓爾異時之冠蔚爲
大用之階邈前後以相望曠古今而僅有恭惟某官
妙宗道壺雄帥文壇節獨貫於陰夷塗兩更於榮滯
西垣兼直舊哦紅藥之翻東觀並遊首挹青藜之照
已預裁於七制乃登踐於六聯豈徒綿叢於漢儀正
啓雋類函卷三十五

三六

賀禮部孫侍郎啓

初轉禮部

宋周必大

敷綸內史進位春官輟九寺之卿聯參六曹之法從
當仁之慶有職所同恭惟某官秀毓岷峨聲馳京洛
高文大冊笑屑玉之盈車博物洽聞辨青騶之綸簡
早策集英之第久隆宣室之知以二十年儒館之英
才名籍甚歷一萬里蜀川之守政譽藹然旣詳試於

外庸宜趣還於中禁典銓文部貳職容臺茲回北道
之轅遂挈南宮之橐禮樂自天子出正資獻納之猷
遵豆則有司存更賴總提之力其泌聞成命倍微歡
棕省戶爲郎念夙依于宇蔭和門總賦悵莫造于賓
延氣序暄和禁途清暇翼慎寢養之節即參廊廟之
崇頌詠于中敷陳罔既

賀邵侍郎啓

禮侍

宋曾鞏

右輦竊審祗被明綰進陞寵秩伏惟慶慰恭遇某官
材經世務文擅國華攀日月之高衢踐機衡之要地
方兼榮於秘殿用均逸於休藩屬時靖嘉維上豫動
啓雋類函卷三十五

廿七

訪昔遊於博望懷舊學於甘盤廼陞宗伯之聯居貳
卿曹之重惟隆名異數之錫已絕當時固元勳盛德
之殊豈稽圖任佇還柄用式允輿情馳慶末由依歸
滋劇

賀何少宗伯啓

宋人

誕播明綸榮躋法從駕錦車于甸服結璫佩于朝班
恭惟某官紫極騰輝歡並弧南曜彩丹屏疑祉喜偕
春首花榮履名姓于金甌丁松入夢調太平于玉燭
宋柱承天榮隱築沙望高耆艾槐音遞響同奏曲于
南飛梅實和羹共稱觴而上壽黑頭掌部三台掩映

五雲黃髮作朋八座昭回六宿其短材末秩奇數孤
操掃舍人之門曾受知于特達開大卿之籠末獻祝
于殷勤伏願海不揚波見蓬萊之沙屢淺功崇略世
著天柱之符長明

賀禮部李侍郎兼侍講啓

宋韓無咎

伏審光奉綸言歸侍經幄久矣去國其何以慰蒼生
之心幡然賜環稍足以生善類之氣蓋公論乃今而
後定殆揆路繼此而延登側聞除書幾至曲踊恭惟
某官統傳洙泗秀出岷峨聖人一生豈在乎弟子之
列大雅既熄當求之古人之中盡緝金匱之藏有光
啓雋類函卷三十五

廿八

玉振之響氣直養而無害材何施而不宜頃由簡知
入躋禁近有能典朕三禮是資寅直之誠尚爾弼予
一人綽有論思之益曲高難和道大不容納履星房
之間把麾江湖之外顯曹僻郡未嘗于喜愠之懷細
帙縹囊初不廢校讐之課淵乎於道而益進淡然與
世以相忘其如治狀之上聞不容造物之我舍錫以
芝檢歸諸荀班奉琳宮之緣宛在上清虛皇之側勸
邇英之講迪以合官衛室之初行將登庸太慰念屬
某爲品甚下辱知獨深墮在塵埃之中限以雲泥之
隔伏讀贊命喜倍等倫郵置相望喜連意紆辭之易

達戍瓜伊邇將考德論業之有期頌詠滋深科條莫究

賀劉侍郎被召啓

宋毛敏

茂膺芝檢促覲楓宸大冊高文即踐鰲峰之峻贊元經體佇觀鳳沼之澄聳動縉紳計安社稷竊以國家垂萬年之統業儒術爲一代之規模號令教條意悉歸於忠厚公卿侍從選咸自於詞章用能跨虞夏之彌文陋漢唐之雜霸恭惟某官景行先哲博極群書窮游夏之淵源煥卿雲之黼黻閣中肆外茹古今虎鳳蛟龍炳炳韓公之翰墨煙霞草木雄李白之篇章啓雋類函卷三十五

卷三十五

廿九

參韶濩之皦純配商周之渾噩橫經東序久聞孔道之明視草西垣坐見堯言之布至於激昂萬乘經營四方引詩書之格言陳宗社之大計開陳切至見玉坐之動容成効著明宜金匱之注記倘從曲突徙薪之計當無逆坂轉圜之艱是膺宣室之恩再錫翹車之寵討論潤色裨復古之大猷獻替論思訂禦戎之上策遂膺贊列光踐階符陳伊訓說命之篇繼烝民崧高之什某用緣薄枝誤辱隆知摘句分章又服樞衣之訓歌功頌德願操銘鼎之辭情動於中言之不足

賀禮部曾侍郎啓

宋陸游

筆彙陸華資論思於禁路絲綸出令蕪潤色於皇猷共知儒術之益尊執謂太平之無象恭惟某官好是正直擇乎中庸大冊高文固已寫之琬琰崇言鉉議皆可質於鬼神殆將與日月而爭先奚止當雷霆而獨立惟上聖克勤於聰鑑察群臣各盡於才能謂其代予言旣又煩於鴻碩求能典朕禮宜無易於老成况以南省之要司仍寓西垣之舊直惟時異數寔冠清途然而文闕國之盛衰官以人而輕重顧俊尊上帝豈止在玉帛鐘鼓之間歟福錫庶民其必有典謨訓誥之盛視古無愧非公而誰所冀復如三代禮樂大備之時抑亦追還兩漢文辭爾雅之體顧雖老矣尚及見之

啓雋類函卷三十五

三十

賀禮部曾侍郎啓

宋洪邁

晉貳春官仍躋內史紫荷望處光搖萬玉之班紅藥翻時風動五花之判有國所重斯文之榮恭惟某官晁董聲名伊臯事業得三光五嶽未分之氣務養其源讀八索九丘以前之書莫窮所學自出入東北之萬里即周旋左右之兩藩澹若無營安於平進天子毗以壯行之未艾國人恨其大用之猶遲方聞批勅

尾之風又見還詞頭之舉新人文之制作妙儲德之
調娛况紫微閣下之黃昏正瑞柳庭前之春色命自
天而三錫材與地以雙清詔下山東人自投兵而太
息禮行長樂土無擊柱以紛拏少重禁途即登沙路
某夙依霄蔭簪擢冰銜身到鳳凰池喜動十年之詠
志在麒麟閣願扶萬世之功

啓雋類函

卷三十五

三十三

賀韓少宗伯啓

明成於思

祥應五雲稽典籍而肅明堂之訓瑞通三脊新鹵秩
以昭天子之尊功德無涯太平有象恭惟某官儀天
聳構浸地開源緝總章之舊文衍臯夔之故事字中
糾糾追盛典于擬金筆底虬龍泛崇光於連日炫矣
瑤波靈沼朗然玉燭蓬壺擬吳會于星津清江帶地
望長安于帝里白雲在天師表一時儀刑萬世某岩
居葦帶下走桑樞晦幽質于渭濱絕機心于漢水別
來風景已隔星泥會晤清談如同夙昔伏願仰三墳
之止沛甘雨于堯雲朝九流之宗播薰風于舜海九
啓雋類函卷三十五 三十三

州一轍六合同春幸爲擊壤豈勝舞手

賀趙少宗伯啓

無同

明王家屏

門下人倫楷式吾道南車正師席於兩雅茂衍菁莪
之澤迪英髦於四學蔚興薪樞之材信愷悌可以作
人非寅清疇能典禮肆疏宸綽簡宿學以升華俾貳
春卿敷皇猷而潤色文中子之周禮嚮不廢於家居
武德間之讜言今且酬之台席乘積德百年之運綜
憲章三代之規肄綿絕於諸生豈須來野端章甫爲
小相安見非邦會佐皇極於中和允錫詞林之光寵
阻趨賀而是愧辱音貺以彌慚敬附謝函蕪抒私悃

伏希麾頭曷任瞻馳

代賀劉公遷左侍郎兼侍講啓

明汪國楠

班聯八座天朝重黃閣之才位接三台元老膺紫泥之詔福貽宗社慶洽華夷恭惟某官靈鍾湘漢秀毓衡廬闢百聖千寸心不惠不夷而願孔子之學掃千軍于獨筆非韓非孟而成歐陽之文共窓培大用之規模藝苑擴不凡之識見怒鵬既擊凡馬皆空駘骨地仙直上蓬萊瀛洲之島影縷天策徧儀承明金馬之門堯釀舜醴最宜爲誥班香宋艷安敢比材日有獻月有納非道不陳于前年無除歲無遷在庭無出

啓雋類函卷三十五

三十五

其右掌六典之貳更追裴馬之蹤遂萬物之宜即接夔龍之武從而補袞用以迓衡某夙蒙推挽竟自願擠鐵羽秋風墮江湖而莫返鳴琴夜月賞山水者何人然蓬戶雪邊十暑碎杜陵之葛在玉堂天上一寒望范叔之袍

賀少宗伯韓公之任南京啓

明成於思

祥應五雲瑞通三脊新鹵秩以昭天子之尊儀文有象稽典籍而肅明堂之制功德無涯伏惟某官儀天聳構運玄牝以凝神浸地開源涵泰始以定律緝總章之舊文衍臯夔之故事筆底虬龍泛崇光於連石

字中科斗追盛典於擬金橋貞觀以握圖崇紫微而

立極水鏡呈祥炫矣金波靈沼冰心澄澈朗然玉燭蓬壺中和樂職熙皞駢臻清江帶地擬吳會於星津白雲在天望長安於帝里加以分庭愛士虛席親賢好古博聞編纂不倦清裁妙製述作彌精忠恪符於遽瑗而蕪季札之多才端勁同於史魚而邁公綽之不欲才益高而心益下祿愈厚而家愈貧師表二時折衝萬里某也若居葦帶下走桑樞授竿垂餌晦幽質於涓濱抱甕灌園絕機心於漢水一晤弱齡便覺全消鄙吝再逢暮景驚看萬國清寧別來風景已隔

啓雋類函卷三十五

三十五

星泥會日清言如同旦夕伏願仰三墳之止沛其雨於堯雲朝九流之宗播薰風於舜海六合同春九州一轍幸爲擊壤豈勝雀躍

賀子登科

賀林少宗伯啓子登科

明李多見

上林分異種早成凝露之桂枝比梓結清陰新映戛
雲之橋樹嘉捷遙傳鄉籍榮光共詫朝紳某叨辱通
家偶羈遠署無由跬步面陳贊喜之詞特用寄聲手
勒輪忱之狀搜銖金于垂橐代東帛于承筐物具雖
涼衷懷頗懇佇即日文聯奎壁世科擅一甲以彌高
期他年武接斗台門第俾三山而極盛

賀林壁翁禮侍啓子登科兼

賀元旦

明唐文燦

頃聞詰嗣鄉闈之信得雋聯芳嘗托親明朝列之班
啓雋類函卷三十五

三王終

隨群贊喜特禮未申私懷猶鬱乃蒙榮錫於賢書無
被寵存於尊劄光生幽谷暖入寒齋茲節值嘉平冬
日已周夫北陸且年開亨泰春陽方煦乎南宮寶舊
績增崇之期允新禧繼盛之會若稽專候曷展積懷
敬獻銖貲代凍醪而充椒栢粗陳寸悃攀喬木以附
藤蘿三台位屬鴻儒尚願金甌之早卜一甲名傳驥
子仍誇玉署之連登

啓雋近體卷三十六

類函四十八

東吳俞安期美長彙編

上饒王嗣經曰常同輯

春官部三

建武黃鍾彝孝先訂定

上侍郎

上禮部劉侍郎啓

唐顧雲

其聞皎鏡當懸無疲屢照華鐘在虞不阻頻鏗其有
飾貌前來橫庭直進思投朗鑑願聽洪音孔室高深
前遠伸由之懇羊門峻阻難傳趙壹之懷所以載託
牋毫用爲紹介某吳門釣者闕里儒徒拾簷何獨爾
啓雋類函卷三十六

之綸學羊子雕蟲之技慕顓孫之于祿効車子之聚
螢西過許昌空吟景福東遊鄒魯欲擬靈光時或風
入楚臺雪飛梁苑偶然成詠忽爾盈篇是用歷韓鄭
之門庭學楊衡之刺謁刻舟琢木未擬迂踈鑿枘攻
堅難方齟齬以致兩臨文陣俱挫筆鋒東郭先生將
逃濫吹步兵校尉欲泣窮途然亦默聽時謠頗開通
論以爲蔡中郎之未顧則竹葉柯亭張司空之見知
則劍辭園室以時方際會物有窮通須因甄藻之時
冀別沉淪之所求諸作者不在他人是以某月日輒
貢菲詞上下英盼以侍郎學士作時儀鳳爲國元龜

學海波瀾常駐沅壑情由壘畝曾檢耕耘屬詞則屬藻恒春視草則文星鎮動言能振蟄勢可燃灰儻蒙垂一顧之恩出陸沉之所平生進退決在指縱干犯清嚴無任惶懼企望之至

啟雋類函卷三十六

二

上翁少宗伯無學士啓 明林世吉

渙渥龍宸特簡寅清乎典禮升華聲禁蕪資潤色平皇猷欣瞻二命之駢膺實出九重之異寵光生綬冕福被葭莩恭惟某官天府琳球巖廊柱石萃扶輿五百年之間氣瑞誕儒宗闢貞元數千載之靈符期逢聖作文章命世舉丹書綠字之菁華學術經天扶魯壁孔壇之奧秘校書虎觀案披仙掌之晴霞僊真麟臺衣挹御爐之香霽鳳墀日麗時依翠幄以談經鶴籙風清尋陟青宮而綰篆品高輿望忠簡帝心謂秩宗綜禮樂之司特晉清卿而佐理學士號珪璋之選

啟雋類函卷三十六

三

仰咨彥詰以蕪襄堂誥鸞坡代言綱陞極儒臣稽古之榮慶明良際遇之盛某縉蕭末品震古餘生望并禁之清光莫遂緘魚而上候聞琅霄之盛事敬修賀燕以狂忱更陳苦懇于表義惠微鴻恩于槐棘統祈電鑒曷任巖瞻

上少常伯啓

明史鴻修

粉署疑華典銓衡而燦台星之曜丹宸懋寵載旂常而冠卿月之班績茲揆聯千官動色命隆霄錫五老輝騰恭惟某官玄宇儲英清朝振采高標玉映瑩然姑射之神人邃學金聲卓爾汾河之正脉腹笥錯七

裹之錦挾雲漢而分天章彩毫呈五色之花飲虹霓
而輝日極金闕射策雄飛振鴻漸之儀玉筍聯班清
嚮鳴鳳池之佩爰推高于綸省遂特晉乎銓闈秉朗
鑑于寰中盡龍虎群英悉歸品藻握神機于掌上舉
驪黃逸足咸荷甄收弘猷茂著於通明特寵華隆千
晉擢拂桃花之綬清卿之秩望彌崇隣列棘之班奉
常之高華日重圖陳王會輯玉瑞而協萬邦典在容
臺秉寅清而秩三禮榮增鷺序龍溢螭頭某自慚祿
陋承乏沮洳駸羽枋榆竊仰垂雲之翼分榮桃李謬
徵旭日之輝欽新渥之榮煌寔私衷之忭躍肅緘燕
啓雋類函卷三十六

賀申候龍光賜上笏而行赤車願接夔龍之武履泰
階而扶日轂載看鸞鳳之翔莫聲巖瞻惟祈台囑

上禮部劉侍郎啓

本官

明主兆雲

金甌久注靜依紫禁絲綸玉曆將新遙蔭青堤桃李
沐手颺言齋心展候恭惟某官以百代之儒宗爲兩
朝之碩輔蚤看花于皇路九苞翔閭鳳毛暨視草
于木天五色織天孫鸞錦爲帝師爲王佐已上下交
而其志同作舟楫作鹽梅將陰陽和而庶績理其夙
叨衡鑑得荷甄收更辱栽培寔深銘鏤茲因考績之
期少伸奉訊之敬伏希原鑒曷任主臣

上于少宗伯啓

明成於思代

軋化式昭慎重儀文之署炎明於穆聿嚴郊祀之規
玉府之圖孔彰金匱之書斯在酌古準今論道莫先
於姬旦崇文協律匡時每賴於相如期成折衝尊祖
之功惟勤伯夷后夔之選恭惟某官握重望而晉參
卿貳協清譽以右弼文昌鴻詞俊乂久著於東臺玉
振金聲增貫乎西掖芝蓋拂雲則鈞陳吐氣霜戈疑
日則輦道生輝瀛洲獨步誰云擅美志寧華要盈門
須信敢方于勁嚴義利之辯則允允之雅尚可嘉蕪
美相之權則定國之風流稱最疏越宜諸宗廟華蟲
啓雋類函卷三十六

五

傍乎衣裳黼黻恩深至夜分而秉燭禮文嚴重每日
盥以合香錦詒游嘉情殊深於青鳥玉墀宴喜事已
適於羔羊靈貺孔昭綢繆顧問駢蕃錫賚特詔殊恩
某等榜櫟匪才均霑桃李江湖弱質亦荷甄陶仰觀
宣室之宏猷徒增健羨上觀中臺之履泰濫竊揄揚
伏望禮備樂和共祝山河生紫氣仁涵義畜爭看符
瑞起宏綱郊祀山川望千秋而祗肅園丘方岳越百
神而允釐外睹官階豈勝欣忭

通侍郎

代通胡侍郎啓

宋呂祖謙

避蓋公之舍夙願趨承倚韓公之門尚虞麾斥敢陳
尺牘恪布寸誠恭惟其官名冠倫魁學窮根柢貫大
忠於日月際浩氣於堪輿早抗危言力扶正論帝臣
蹇蹇豈容藜藿之干王道平平忍使荆榛之塞風波
萬里金石一心逮鼎鬯之承克首弓旌而聘尹屹中
流之砥柱坐閱頽波澹欲曉之長庚獨高衆宿浸勞
侍從久即燕閒起汲直於淮陽未孚輿論見賈生於
宣室庸東宸衷共期三接之餘亟奉四鄰之拜某素
啓雋類函卷三十六

深慕用茲幸瞻依秣馬膏車已邇風於墻屏墨筆操
牘先展敬於緘滕

侯侍郎

侯少宗伯啓

明史鴻修

典禮樂于南宮雅重槐階之峻振聲華于北斗親承
楓陛之知芳名久覆于金甌特簡佇登手玉鉉百僚
欽戴八表具瞻恭惟閣下天縱真儒星鍾碩輔經術
闡千秋之秘紹芳躅于杏壇文章擅百代之宗翔英
聲于莢苑奮青霄而登上第名高天祿無雙列禁苑
而儲相才品冠承明第一譚經講幄非先舜之道則
不陳草制綸樞輓輓典誥之章而無魏由詞壇而歷宮
冢久隆校文抽史之聲自端伊以晉春卿益懋迪德
啓雋類函卷三十六

沃心之助格天格帝精神布濩于兩間是君是臣喜
起聿隆于千載當疇疇咨允愜滿朝師錫咸孚紫禁
宣麻佇象應台符兩兩黃扉秉軸益重增神鼎二三
其維桑末品窺管庸資昔遂樞承幸挹春風于台座
茲焉忝竊徒瞻紅日于長安鳳閣五雲高幸有下
怙冒龍門千里隔恨無地以趨踰敬申一介微忱敢
候萬年景福和上下洽神人已播聖主賢臣之頌位
天地贊化育祈弘帝師王佐之猷

侯宗伯翁侍郎啓

明諸葛昇代兵

紫禁宣麻三禮重黃清之宰黃扉虛席兩儀需調燮

之勲宗社榮懷冠紳胥豫恭惟某官三山威鳳八閩
天雞學廣而聞多萃八索九丘之秘器全而道備發
三老五岳之靈射策楓廷獨冠一時薈籍談經藜閣
共推百代鴻儒題材得僑于神京文衡天下教胃升
莘于儲幄師範日邊咨汝亞宗贊中和而典禮樂佐
王保國弼直亮以洽神人行超持橐之班卽正秉鈞
之位某沾沾易盡碌碌無奇職典戎兵謬領封疆之
寄術慚方畧何裨屏翰之司猶然尸素以罔功况且
突黔之未暇疾嬰犬馬箋乏鱗鴻幸微大庇以餘生
肅庇短牋而奏記如山如阜願臻周雅之純禧作礪
啓雋類函卷三十六

作舟早建傳巖之大業寸衷所鬱尺牋難宣

候孫淇澳少宗伯啓

明蔡復一

南宮虛長貳官卽彤伯之司東壁觀文兩命極賀公
之選若虞周之制專典神人以房魏之才猶慚禮樂
自昔通右僕之職熙朝爲入輔之途重何間于介卿
艱適逢于今日石渠稱制既莫得而聞聲噴室發言
每相持如聚訟欲陳古誼非誠無以格神明難穆師
虞惟平可以化君子彼晉蒐之皆讓遂讓太和况商
頌之靡爭宜歌駿倣果得君重能以國尊明堂九筵
顯相先嚴于正位蓬山三篇論思尤藉于沃心此

十率屬之未兼而三千得人以有待者也恭惟某官
器推魁碩論極崇閣體伯夷之直清凜然有玉鑑冰
弦之氣掌春官之和洽穆乎如金鑪寶瑟之風秩敘
而天地開惟寅夙夜緝熙而日月朗力戒暴寒凡所
誦之前言皆已行之能事顧業都天下之望非徒侈
儒者之榮高皇之法卽天而事惟意師動易搖乎
成憲夫婦之知曰聖而言以勢衆慨難見其初心譬
凌雲之臺因柱支而速壞如傳響之谷尋清濁以誰
明典三禮爲王制之宗司五常乃公議之主當使倬
庸自天子出豈云遽豆則有司存正色立朝靡改周
啓雋類函卷三十九

啓雋類函卷三十九

九

官之矩矱和羹調鼎行歸殷相之鹽梅某得交其深
稱賀已晚蠻烟瘴雨但深欸段之思輔義懷仁無待
羊裘之祝別如秋意緒莫春融

代候座師黃少宗伯啓

慰憂

明王德乾

秩宗儼望夙齊北斗之尊譽髦清掄特寄南宮之選
感叨采非請釋觀我恭惟老師由兩司馬發祥爲六
乘龍名世文章聖于木天壓視草之班藻鑑澄心棘
地攬空群之技晉儀卿而典禮樂陶貯相而作範模
且也韋陟知長人才能罄所不罄鮑防舉直主上得
聞所未聞盈路頌其美聲虛席登斯良弼夫何風不

寧而臯魚泣雷欲迅而王哀奔宸眷不可留行寅恭
隨之助悼凡有觀者罔弗潸然禁春穀監儒朗陵賤
士黃金易盡將凋洛下之衰白玉難投始售荆陽之
石幸逢仲父肯存倦馬于櫪間不遇中郎誰斲焦桐
于爨後列前茅而轉愧附看花以至榮自不肖領青
霞之備員末由御李而吾師抱白雲之長慟正憶摧
萱暫謁倉皇遙違哽咽嗣此乏通一介極知擢髮之
愆今茲馳問七閩聊慰斷腸之惻蓋聞毀不滅性孝
宜作忠度玄漠之精靈必願永垂于竹帛卽蒼生之
仰望亦期蚤出于苦蘆幸善珍願以襄玉鼎

啓雋類函卷三十六

候張禮侍啓

明黃汝良

北斗具瞻羽儀之刑斯在東山高卧台鼎之望攸歸
海內傾心朝端側席况茲門墻之內尤切模範之依
恭惟某官翼星誕命廬嶽降精道德爲百代師經綸
爲名世出氣節干青雲而直上文章度白雪以蜚聲
蚤歲登壇擅長菰苑中年抗志托興衡門既而感鳴
鶴之在陰迴白駒于空谷南宮典禮不著寅清東觀
論思尤弘啓沃闕閤正茂譽望方隆爰立已叶于夢
中遜心還結乎方外超然遠舉夏爾孤騫樂道棲真
耽玄寂其若素難進易退介纓組以如遺顧玉韞珠

含雖能光輝于流峙而黃鐘大呂終宜登薦于廟堂
避彼漸遠之冥鴻未如儀廷之瑞鳳似章江雲壑當
暫緩卜居而西山辟蘿誠未應久戀者也某等希唾
咳于絳帳夙荷眄睐幸陶鑄于法門敢忘趨步用申
薄悃敬訊台安南睇遙天可勝軫結

候禮部吳侍郎啓

明許以忠

北斗望尊允贊璣璇之化南宮峻秩總持禮樂之權
範圍天下儀文振肅朝端雅度恭惟台臺匡嶽鐘靈
延陵襲瑞清姿凝沆瀣何須披五月之裘高誼薄雲
天雅勝挂千金之劍太史寵陞于當宁秩宗卿貳于

啓雋類函卷三十六

容臺總典禮以率群僚欽承帝命洽神人而和上下

表正朝儀顧鼎論文桃李侈滿城之頌論夷申信日
星揚異域之輝陶融萬國于中和調燮三台于上理

候禮部通用啓

守令免觀者可采

明許以忠

北斗望高佇看調元之業南宮秩峻式隆典禮之權
九重勤顧問以隆恩萬國仰文衡而歸化恭惟台臺
生本同申賚還似傳魁名臚唱輝騰兩榜之先皇鑒
揆留象應三台之上懋績業題于御柱崇階晉陟于
容臺蓋宗伯權尊兼攝圖書于秘府而穆清地密常
陪法從于甘泉陋漢世之奉常羞稱綈綈最倣唐之

華選職典宣麻具誇班馬之文行接夔龍之武其質
本下遺分其外遺謬蒙推轂一麾承乏于名邦勉力
就途千里頃違乎光範念維梓維桑之代守恩固勤
加愧采葑采菲之不遺才難克副顧席未溫于三月
而例免覲夫九天末由躬對須臾祇切神馳左右伏
惟台鑒庶慰遐思

侯宗伯郭公啓

林下

明謝廷諒

分曹市駿涓人蒙特達之知倚棹登龍國士感綢繆
之眷迴春雲于几席契托濠川映明月于襟懷芳盈
楚澤自牽塵鞅迫赴尚書之期曠逸徽音徒切真人
啓雋類函

卷三十六

十二

之想舍鄭郊之怡悅驚蜀道之峻嶒訪楊子雲寂寞
之廬傷心同病就嚴君平沉冥之肆回首殊方敬寄
便鴻喜逢遷鳥館下稟冲天之氣膺命世之靈標舉
俊神奮南溟之鵬翮領鑒玄達表東海之人倫受律
文樞吸精微而潛附提衡道業漸軌物以甄陶祖魯
狩以獲麟八書爰創反楚騷而吐鳳九辨尤高百年
之禮樂肇興揆留皇鑒一代之經綸茂著簡在帝心
汲長孺淮南寢謀宜居禁闕張李膺江東思歸遽赴
扁舟營營蒼蠅止于藩兮止于棘翩翩彩鳳翔于霄
兮棲于梧喜國事之更新慶君子之道長北闕危言

盈白簡剖玉璞以鳴冤東山雅望重蒼生啓金騰而
寤主僉同枚卜翹跂台衡庶士傾風萬流仰鏡其資
才寒劣規操迂踈自甘越俎之誅敢蹈積薪之嘆一
麾出守走俗狀而抗塵顏九折棲皇怖潢池而憂赤
地幸禱祈立應免視良之自燼雨壇而捕緝多方愧
龔遂之親馳海島倘拮据乎三載仰覆露于二天借
群吏以星奔影迴東閣召四子而日課歌徹上台

代侯侍郎范公啓

慰憂

明諸葛昇代

揆留自帝精忠朗徹丹霄予告及親純德殷孚玄造
東山之望繫矣無解白雲北斗之尊企焉有懷皎日
啓雋類函

卷三十六

十三

踈違問道愧切負牆恭惟某官丹稜鳳德赤水龍文
藜火燃青五色光馮日月案香篆綠八磚影護雲霞
當主棘以掄才卽歐韓瞠乎其後迨升華而教胃非
走舜不以陳前允宜正笏宣猷雍容內禁乃假板輿
行樂依戀慈闈晉貳儀曹都人士翕聆聲振訂盟仙
籍太師翁遽厭塵囂離風木之思竊恨同乎夫子而
蓼莪之誦亦悲切于門人芝砌蒸祥共詫免駟玄席
蕙帷叶夢式占鳥曳金碑寵錫泉壤有以哉游膺綸
綍何如也龍章象服郵筒邈而莫考覃恩沼沚溪毛
几奠陳而無從唁祝子所致于親者歎甚師所得于

第者缺然伏念某誼等生三恩同難再長安市上佩
玄纆之自今新樂道中接慈顏而如昨江淮槎泛乖
同面壁之九年牛馬羈羈馳企心旌于萬里寒溫苦
次失瞻山月于峨眉音問隴頭莫繫淮雲于鴈足雖
更塵之執掌實踈節之違心刺若負芒罪難罄竹是
以寅修尺素申布寸冊用瀆台函併昭濶歉伏願先
憂後樂移孝作忠出慰蒼生先覺以任天下之重入
告我后至誠而結主上之知

候禮部侍郎啓

明唐文燦

竊念其甫謫居而觸閱農之例覺新績未周將爲制
啓雋類函卷三十六

十四

使所撫拾旋遷秩而逢計吏之期恐舊轍尚積必作
廢人以顛隲幸被恩私叨垂福庇既贊言于典選早
獲量移兼推力于司功竟逃汰黜感深刻腑歡溢伸
眉顧援上之禁方嚴且赴官之程甚迫未能陳謝徒
切戀懷茲旬已抵池陽防稍寬而事稍暇每夕遙瞻
奎壁禮宜講而情宜通專遣家僮直干門掾片疏略
披其丹赤銖貲聊代夫玄纆是用引忱非云報德拙
宦頻年外甸猶期底後効于亨途名卿指日中台更
望分餘光于輿滯

候禮部楊老師啓

明李文濬

粵自理學久湮性道大晦金絲藏孔壁誰識寶子連
牛荊棘滿尼山莫辨光于亂馬非人心之古實啓
教之無機恭惟老師毓秀海南蜚聲薊北書破萬卷
廟賈壘而短劉牆文成一家薰班香而摘宋艷襟懷
落落不俗翰墨字字有香職居臺鼎坦夷奮至德之
光望重斗山平易發大道之蘊入謁者何苦于登龍
進講者且欣于附驥大闢羅氏之真傳雖瞽瞍而與
見宏敷明德之至教令聾聵亦咸知茲固度渺滄溟
之水氣溫陽谷之春者也如某者生逢聖世叨列程
門自分塵埃獲通名于絳帳弘濡雨露渥分灌以瓊
漿第執鞭未久忽云歲暮而端歸乃瞻斗惟勤竟爾
幅幘之遠隔所阻者雖馬牛之不可及所通者尚鱗
羽之有可傳尺素將忱寸心懸仰

啓雋類函卷三十六

十五

迎侍郎

迎范少宗伯啓

明劉國緒

商鼎調元三禮繫鹽梅之偉望虞門登俊九重徵嚴
穴之真儒卜世道之將亨知帝心之簡在恭惟某官
百代文宗兩間人瑞映雪山之皎潔發與義于韋編
濯錦水之漣漪擷芳蕤于鈴閣歐陽得士人人自許
千和璧隋珠司馬抽毫字字堪藏于金匱石室名高
山斗風載筆以宣猷地切台衡蚤懷琛而善息草玄
揚子飛花半撰于琴書著屐謝公積想素勤于朝野
茲者揆留皇鑒詔超巖阿懋典制于寅清肅具瞻于

啓雋類函卷三十六

十六

豐芑蓋春曹六十久虛長伯之司而曲禮三千實待
修凝之傑洽神人和上下群僚何以承之登鼎鉉佐
山龍先生自此升矣某等欣同得御望切依仁佇鶴
駕于符文風雲助其脂轄挹龍光于蘭省禮樂藉以
提綱伏願三峽順流發南紀魚龍之棹六朝遺跡瞻
中天奎壁之輝師表羽儀鈞無垠而指物經綸燮理
鼎有足以承君銀信促鄰侯之覲自此權輿金甌覆
崔相之名賢于夢卜

請侍郎宴

請禮部侍郎啓

明羅棟

序紀元功燮理沃三春之露時當利見經緯備九德
之司惟青陽之用意官牆栽培桃李頤白屋之通名
奎冊榮滋草萊三物備而典庸實與庶馬錫而禮隆
晝接參苓衷聚叨寵已荷兼收金玉清虛入殼更履
萬選霽霽敢多于周士師寔藉于虞卿恭惟太師
相堂翁夷夔上列周召殊猶起八代之衰文章北斗
作萬邦之憲瞻仰南山久范留都乃蒼言乎春伯新
徵魏闕爰夙駕于秋風示多士以嘉賓步亦步趨亦
啓雋類函卷三十六

十七

趨威儀陋漢奉一人之綸綍筆則筆削則削道德鑄
顏誠哉先進之文質得宜允矣後學之儀刑末賴也
某等章縫素位結束玄齡抱砭砭燕石之疑敢謂荆
山之獻璞出牝牡驪黃之外咸資冀野之空群入木
天而簪兔神瞻望紫微而薦魴心切謹訂平秋之穀
用申合敬之悰敝清讌于詞林敢曰大烹之享覲龍
光于秘府祗聆初筵之箴伏願鑒環草之私情儼駢
駢于上路噦噦鏘鏘與三老五更共著圭璋之懿冀
萋嗟嗟令後生小子常瞻梧竹之輝

謝侍郎

謝林侍郎啓

薦舉

宋真德秀

月評甚下愧南州名士之稱路奏忽騰辱西清近臣之薦竊以大賢之題品宜爲當世之觀瞻凡其汲引人物之間要必深爲風俗之慮呂正獻口口口口則歐陽子首薦其賢范太史靜退自將故司馬公力揚其善于以抑鶯浮之習庶幾得真實之材比年以來斯道交喪舉孝廉而奪貴戚之命嗟請謁之交馳見相君而掃舍人之門曾彝趨之莫耻其或稍嚴于出處退然不急于知聞非以踈狂傲世而招尤則以詭啓雋類函卷三十六

十八

激近名而獲譽人材圯陋士氣摧頽伊欲挽回流弊之源莫若深獎廉隅之操使之持身重于奎璧則其衛國隱若金湯諒非我公誰識此意伏念某自知甚審所挾太迂早歲科名似未忘于祿仕平生志願端不在干輕肥願嘗安窮達之天其敢作清華之夢閉門讀書吏方加涵養之功低顏奉君侯肯事囁嚅之態縱舉世不知而何損惟鉅賢見遇以爲榮猥霑一字之褒奚翅千金之重茲蓋恭遇某官孤忠自許直道不回栢臺彈奏之公若判白黑荷橐論思之益如炳丹青屬紆丈二組以爲州適奉尺一書而薦士不

緣造請首及羈單孔丞相恐人之知于今復見魏獻子惟善所在顧我何堪某敢不敬佩殊知誓堅素尚雖舉賢才于報國初非種桃李之私然盡折節以酬恩尚益勵松筠之節

謝禮部胡侍郎啓

宋劉克莊

夔龍之選國之英華游夏之科士所歆艷忽承異獎寧允衆言自前世多篇翰之才至本朝重性命之學談經者幾欲廢史窮理者罕能修辭蘇程往日之繫深朱呂末年之論異有如哲匠方融液于胸中何取設儒亦招徠于門下伏念某闇于見事病在信書每啓雋類函卷三十六

十九

言世教之中自有樂地及處利祿之際則如怯夫驗世變之推移攷人文之合散風鸞雪虐常爲守其所聞巖居川觀頗自鳴其不遇管是窮愁幽憂之作達于言語侍從之臣品狷介爲潔修目枯乾爲清潤固知先達欲士子之成名終恐後生議我公之沉愛旁觀莫掩內省亦疑茲蓋伏遇某官研極幾深接扶統緒當氣節頽靡之後鳳鳴朝陽于耆舊凋零之餘玉振江表謂微言之幾熄至小技而並汝某敢不佩服新知切偲舊學雖居顏巷尚自勉于聖賢倘畔寒門豈不慙于師友

謝禮部王侍郎啓

宋劉克莊

登賢禁彙有大勲勞引類公車不遺故舊吹噓所及
晚暮奚堪歷觀昔賢有處高位雖得輿而無愧猶推
較而不休或評陸遜之才名宜爲已代或表錢微之
年輩謂在臣前遐哉遺風盛矣茲舉伏念某入山林
而不密迫鐘漏而猶行好事傳訛記三五少年之作
傍觀責備笑六十老翁所爲不能埋輪而立聲名蓋
嘗上疏而乞骸骨惟論交之再世况受業之同門聽
輔嗣之金聲親陪麈尾得右軍之蘭紙常珞篋中車
笠之勢久分膠漆之情不改屬者寵嘉榮舊舊陳論
啓雋類函卷三十六

廿

思運流馬以餉邊扈屬軍而上雍仰盛世樂龍之選
必允僉諧先平生管鮑之交懼非確論茲蓋伏遇某
官提老師之文印傳召父之心燈謂人物眇然深起
乏材之歎憫朋友缺矣眷歌伐木之章既信復疑以
榮爲愧某摧頽暮齒感慨盛心尼父人吾豈果不如
干農馬退之東野願爲相逐之雲龍

謝葉少宗伯

摘錄

宋李廷忠

西清學士建崇名出而分虎東阿大夫無善政許以
續貂虞廷揖遜風多故讓契讓讓虎漢室公清日
著孰如廣如暢如膺一昨增榮九殞訓德

侍郎答賀

遷禮侍回外路啓

貳圖書之府久愧空餐聯筆彙之班更叨虛授自知
過矣誰則使然此蓋伏遇某官以揚善爲心推達人
之志靈河滋液助成濡涸之功和氣薰蒸陰假嗟枯
之惠遂容叢品亦點高門修謝牘以未遑昇華絨之
先逮其爲愧感豈易敷言

回謝賀轉禮侍啓

明王家屏

某并代賤儒京朝散吏裴回史局效靡見其短長供
奉經帷勞何裨于殿最猥更久次荐躋清班服案端
啓雋類函卷三十六

廿一

闡謬廁正人之選授書中秘虛塵吉士之遊小器易
盈方自甘于知足湛恩滋渥乃履瀾于除音維是春
省之亞卿寔佐秩宗之三禮謂宜妙簡名碩詎圖誤
及虛庸邊豆則存有司雖俯循于執事章甫願爲小
相敢自任以周旋所賴老成爲典刑明習朝章之舊
庶從先進之禮樂一還世道之淳稟埃方殷惠慈過
布一言一衣飾糞壤以增華五服五章麗雲霞而垂
貺與其進也識仁人接引之心何以酬之愧國士捐
糜之義肅茲控謝不盡敷宣

賀司官初任

賀禮部王郎中啓狀元

宋李廷忠

北闕疏恩南宮寓直召從州刺史熟知公範之才唐孟容字公範為濠州刺史徵禮部員外郎公主子請補弘文館諸生孟容執奏不許遷本曹郎中用作尚書郎高壓馮唐之老恭惟某官斗間異氣海內大名憲六學統聖直富矣潛心之業挫萬物籠天地超然獨步之文屬興運之半千居儒科之第一脩程方展雅操不移弱水片帆乘風引去東方千騎奉詔來歸對揚曩謨之居進陟聲香之署述禮文于三代之上舍我誰哉掌制誥于百日之間待其小耳某坐啓雋類函卷三十六

賀蘇禮部啓

宋秦少游

伏審光膺睿命入拜儀曹凡有識知所同欣抃竊以大儒之出處實為當世之重輕三仁去而商寢微二老歸而周始大長孺仕漢諸侯寢謀中立相唐列藩聽命殆亦天時之有數豈伊人力之能為伏惟某官道貫神明智周事物決科射策亟聞董相之風逆指犯顏屢奪史魚之節蓋好仁無以尚之故特立有如此者斯文未喪果蒙日月之照臨吾道將興更屬風

雲之威會既補郡守俄遷侍郎雖未厭于人情漸當陪于國論昔神龍失水幾為螻蟻之所侵今猛虎在山將見藜藿之不采某久操箋箋獲侍門墻歎刻鵠之未成念攀鴻而莫敢聞之不寐知告于人現見日消頗動雪雲之態屢成相賀獨申燕雀之私

啓雋類函卷三十六

廿三

代賀徐武部轉春官啓

明劉大受

帝心特簡黃麻端貢千陪京天寵維新冊誥遙頒于
魏闕斗山增重桃李含榮恭惟老師門下胤紹南州
精鍾東宛五載英聲蜚于騎省千秋妙選冠彼蘭臺
馥郁僊班幸接襲龍之武青葱粉署欣聯台岳之階
其一介顓蒙十年淪落顧昔也叨駿盼于櫪下乃茲
焉獲賴脫于囊中微品荷其曲成隆恩埒手再造政
銜私之有日期報德以無繇驚聆鳳詔欲効鵬搏未
遂鯉趨祇動雀躍煙裊瑤京百二徒瞻函丈巍峩露
涵錦浪三千第覺王程遼邈敬剪魚牋遙塵虎視仰
啓雋類函 卷三十六 十四

希葑采俯鑒葵傾

賀儀制郎啓

明陳克任

文命新承光動春卿之選儀曹碩望聲蜚國士之英
薄海知名數天應制欽惟台臺鍾靈光嶽毓秀扶輿
闕詞與揚馬爭雄偉績將伊周比烈一王禮制財成
心上之經綸千聖典章允當窾中之肯綮萬邦作憲
百世爲師接武夷襲展也金聲玉振希音姬孔恢乎
清廟明堂如其猥以駕才仰承鴻庇如迷津之望寶
筏得一葦而道岸可登若暗室之仰金燈借餘光而
宵行不昧茲惟履端伊邇政鴻鈞初轉之時適值臘

仕方殷廼泰運方亨之會謹修薄貢代申芹曝之私
伏冀崇嚴俯賜滄溟之納

賀禮部朱石門啓

明林世吉

三陽交泰新生瓊琯之春五福開禧茂衍銓衡之慶
惟忠貞之世篤故麻社以時膺恭惟某官鴻漸高班
蟬聯望閣識造璿璣之妙氣涵玉燭之和蘭署題才
已懋濟美象賢之譽楓墀起草益徵經文緯武之猷
茲逢鳳紀之履端宜迓龍光之鼎至某久依夏屋倏
觀春規敢映雪以抽毫聊停雲而致頌永椒泛栢雖
阻賀于稱觴連茹拔茅望曲成于推轂

啓雋類函 卷三十六

十五

上司官

上禮部鄭員外啓

唐羅隱

某啓其前月十八日輒以所薦惡文上干嚴重尋嬰疾劣遂曠門墻伏以皎鏡無私難容屢舉賢門多病應倦施功忍隨翔鳥之姿更望不龜之術其滄州捨釣紫陌迷塵徒欲信書不能知命道薄而魚鰓易曝計疎而鳬脰難加所以甯戚叩歌不惟長夜魏舒對策近至中年丹霄無獨上之期雙鬢有相輕之色而員外芝田養秀桂死摘華口裏雌黃旋成典故座中薤白早避風流敢因誘善之初仰冀嘘枯之便倘一啓雋類函卷三十六

掬華陰之土聊拭龍文則數升涇水之泥永依清濟

候司官

候禮部郎啓

明史鴻修

紫極翔輝台省荷含春之重彤闈振采清朝振典禮之華斗山且望于陪京柱石推高于寰宇鈞衡虛席簪笏彈冠恭惟台臺桂晚含英芝田毓秀蛟翔茗水聳閥閱于雲霄鳳翥吳山震聲華于日月蚤零芳于秋圃筆花入夢當年旋植幟于詞林雲瑞協占太史爰被楓宸之命暫鳴花縣之琴百里洽仁風淑氣藹雲林之麓幾年濡惠露清輝徹蠶水之濱歌興來莫碑有去思履閭閻而上星辰特應金鑾之寵召迎蓬啓雋類函卷三十六

萊而踐雲氣榮躋玉笋之清班瑞應文昌已典壘龍

禮樂光分天祿直須班馬衙官豈惟振鷺南宮樂離

光而羽儀上國即看翔鸞左掖敷貢文而斧藻太平

某誼忝編氓夙荷雲天之庇乏承畿邑幸依台斗之

輝祇緣軼掌于史塵竟致疏稽乎台候紅雲雉尾每

瞻仙闥以縈懷明月無磯聊誌荒函而申臆望星標

于碧漢莫罄遙忱借日影于昭陽尚期台囑

代候鄭祠部啓

本官

明王焯

畫省含香已隔鴻音于數畔明光視草時瞻龍袞于日邊職典禮以正秩宗有倫有序矢忠良而酬帝眷

如水如魚恭惟某官竹箭貞姿天球美質氣凌燕趙
文染煙雲筮仕而爲理官庭無冤牘尋遷而麗祠部
心矢直清蓋明刑以弼敷教之衰降典因爲新民之
助兩權總夷臯之寄雖聖主之知人一身歷法禮之
場寔人倫之勝業某擬拾補苴自許一官傳舍而車
書玉帛難希三禮宗工顧夙蒙滋植之恩屬當攷績
僅免曠瘼之議寧敢貪功茲者秋色平分翹首長安
之片月春曹清遠聊馮短疏以臨風

候洪儀部啓

明金璋

天子建中和觀會通而定制秩宗司典禮簡儒碩以

啓雋類函

卷三十六

廿八

樹標榮侈錦窠秩稱高選自非一人之俊彥孰付千
古之儀文恭惟某官扶孔壁之玄扃接晦菴之正脉
公侍玉皇香案宜陪尺五之天帝思清吏冰壺暫借
一同之地翱翔乎禮樂詩書之圃怒上青冥頡頏乎
屢箴獨誦之英群空仙闥樺燼既飄于朝路蘭馨更
縱于儀曹辭藻自名彬彬足回末造論議無屈侶侶
力振頽風滌藩濫而歸重報生螺贏文信之奸聞皆
奪魄飭輔司而驅除負乘連類覽輝之輩莫不誓心
是將刀尺乎九流寧直準繩于三禮僉曰萬人之秀
預占一个之休某蟠木難容遷喬絕望昔嘗羸糧學

步歸刑范于隣封乃者休甃持頤耻寒暄于知己顧
夫子之墻數仞業許龍登而宗元之縷千尋幸逢烏
獲豈閣下之難一引手也遂階前之不使揚眉哉更
有請者睠茲金枝玉葉任狐鼠之殫殘所賴惡莠亂
苗惟螻蟻之蕩掃庶子子孫孫勿替引而君君臣臣
亦咸休矣

啓雋類函

卷三十六

廿九

奉司官

奉祠祭鮑中素啓

明林世吉

建禮清班夙簡珪璋之碩彦春卿峻秩特資經緯之宏才光溢簪紳慶貽宗社恭惟某官星緯元精山川異氣胸羅象緯詞場高繡虎之名操茹冰霜朝宁茂懸魚之譽德器儼璫金鉉高標挺翠壁丹山早翮彩于丹青遂影縷于粉署司農綜錢穀之寄方資簪筆以綏猷秩宗爲禮樂之司復擢含香而亮采朱紱北直每高難進易退之風水鑑伴清蔚繁康世保民之望品益高于中外眷彌重于巖廊特召起而渙芝

啓雋類函卷三十六

泥俾橫經而直桂苑彤庭起草華裾炫仙掌之晴霞紫殿升班艾綬披御爐之香霽屹爾熙朝之柱石巍然士類之斗山想藻品九流佇簡持衡于銓部平章三事行咨調鼎于台司不孝某寢苫苦生緯蕭末品憶聯班蘭署曾叨賸馥之霑迨投効榕城遂阻餘輝之映企門牆而引領每切攀鱗削竿牘以孤忱聊庸繫鴈更抒哀悰于集蓼惠徽仁念以噓枯渙黃紙于楓宸顧錫予雖由黼宸青紫泥于薤里而裁成實屬鈞衡仰慈庇于二天倘蒙鴻造戴殊恩于九地矢效蛇銜

請司官宴

請陳儀部宴啓

教習 駙馬

明謝廷諒代

楓宸握節揚達路而瞻使星蘭署含香燮台曜而懸卿月影縷北闕歡騰鸞鷟之班聽展南宮望重夔龍之列情深栢悅悰獻葵忱恭惟門下炳曜醇暉資神粹液風標特遠戢玉穎于淵翹雲藻飛揚振瓊葩于執晚科名不愧文章魁棘院之雄譽望日隆公輔許槐庭之彥綜人倫而熙帝載世挹鴻芬勞王事而賦皇華人瞻鳳舉明懷煙湧江山探禹穴之奇雅度春融倚盼深鄭郊之契陽春和寡庶士傾風旦評高萬

啓雋類函卷三十六

流仰鏡掖需狐白恢皇綱以星羅辨識驪黃駕天衢而奔電爭看喬木瑤閣鶯遷詎意積薪迴迴獲屈頃綠江敷之抗章逃窳外論謹詳妙選休源之識見清通朝儀整肅教成胄子誦得賢臣晉秩春官適陽回于青殿亮工天府知道契于紫宸出則陳詩入而典禮揆留皇鑒藉甚朝紳其栖息遐陬賴吹噓以成六翮奔馳長坂希眄睞而策三驅使職披雲得追陪于麟趾私懷立雪頻叩擎于虬鐘咫尺龍門徘徊馬帳笙歌曼隔尊俎欲陳孔室四科煥清言而結課鄭門六藝更大雅以扶輪

禮部觀政合請諸曹長啓 明謝廷諒

蘭署披雲渥丹滋而染馥葵樽裏露汎紫歛以分幸
賞洽簪裾先生几席恭惟臺下醇輝毓社英液禎符
鬯彩旭千章彞學探帝載祭明霞于麗藻業綜人倫
北闕飛纓青殿垢離光之爍南宮聽履紫宸燮台曜
之和趨畫漏而侍鵷班淵渟模楷職春曹而分鷺序
翼贊洪鈞大禮三千聲名葱蒨祥嚙十二文物葳蕤
瑞吐槐庭曳桃花而結綬芳連桂幄引茅茹以彈冠
爰搜縫掖之群並沐旌蒲之典某等投竿挾策舍簪
擔簦希_時以策三驅借吹噓而成六翮名占太史猥
啓雋類函卷三十六

蒙焦鴈之榮期赴尚書忝侍夷夔之列接龍光于雅
坐瓊樹遙瞻盼鳳舉于菲筵美片欲獻榴花浮酌西
可尋葛蔓調絃北牖之風徽尚在

謝司官

謝林員外啓_{省試送行有存}

宋王邁

升堂拜知已之恩綈袍已敝入邸辱贈言之寵華袞
非榮竦觀揮灑于雲煙深懼取將于雷電書紳起敬
藏笥爲珍切以遇合之難古今所嘆必大人君子喜
士素根于天性故後生晚進委身願出于門牆况有
如師生名位之絕嚴鮮能略世俗禮文而相接如某
者地寒無媒天賦不腆少而有志耻隨餘子以浮沉
壯不如人安得名公之印可曩緣行役得拜宗師甫
爾摳衣便蒙倒屣畀以名章之獎借增其行色之光
啓雋類函卷三十六

輝得此于常人不足誇受知于名世何其幸韓昌黎
送牛堪登第之序至忘師道之尊蘇東坡謝范公校
文之書咸動鄉人之喜久無此事今在我公恭惟某
官前輩典刑斯文宗匠流落人間之述作特泰山一
毫芒之微提携天下之孤寒有大厦千萬間之庇致
令某么麼下噐尋在品題敢不尊其所聞勤乎未學
文章末技粗承交臂之傳節誼大開當勵之身之成

謝湯若士禮部啓

求族譜叙

明程可中代

恭惟明公龍章鳳彩極纂組之神情玉韻金聲妙宮商于口吻騁虞暫出非追仰秣之踈驚驚適歸固讓伏棲之翼蓋不大笑不足稱至玄之道亦必屢則而後徵寡耦之珍面豫江以濯清凡匡嶽而廓處真丹可就酌日月以抽添副墨攸藏勅鬼神而呵護門闢仙真之徑窓閒筆研之床布誦者略刊勸懲之詞佐譴者旁禱傳奇之劇固已窮天人之致而軼叔季之倫矣某代麓鯁生海濱稗類薄慚祖德之承偶快人文之會安些窳之弗振少寡知名撫鑿枘以難諧老啓雋類函卷三十六

世四

忱可掬

回答司官

回交代除郎官啓

宋周必大

代郡守

比叨郡寄實踵英猷瞻之在前方歎所立之卓爾瞻乎其後遂將交臂而失之欽惟一節之趨已奉九門之對神明所相戢穀來宜恭惟某官麗藻瓊敷英規玉立高文大冊早決殊科亮節貴名久儀要路方報桐川之政俄歸蘭省之班詠甫閱于歲陰卽進參于法從眷言朽鈍久濶風標雖合符許續于銅魚而騎氣已登于金馬不圖華翰先賁孤蹤聽清廟之朱絃但知三歎闕二都之正義請誦終身

啓雋類函卷三十六

世五

回馮儀部啓

明吳明郊

日近長安佇曳星辰之華履雲飛東海遠頒桑梓之郵簡欣慰下懷難酬上德恭惟台臺越海珠胎天池鵬翼精金璞玉潤寶器而獻朝端杞梓豫章作棟梁而撐清廟一時歡得人之慶千秋爲經國之貞旋運北斗璣璇榮掌南宮禮樂著寅清于夙夜寵冠六曹昭盛典于熙朝儀刑百辟蓋班聯負宸喜見上下之洽和而化贊垂衣卽看後先之疏附枚卜而吉從著蔡崇登而彩映鄉邦某簿書乍試光範夙瞻仕本爲貧寧惜折腰于五斗情惟懷德徒塵翹首于三台歲

月推移幸轉鴻鈞于天外煙雲縹緲欣來鴈帛于上
林言言褒袞之榮物物投瓊之錫七襄莫覓報自愧
手一札將酬頽增報矣幸拓汪洋之量希寬踈畧之
愆莫罄長思敬申遙拜

回李正郎啓

明

恭惟某官雅度川冲英標山峙文章光焰千尋吐氣
于雲霄譽望飛揚一日齊名于宇宙獻明光之賦鳳
閣先登稱上谷之聲牛刀小試豈第方淪花雨寅清
遂贊槐階郁馥仙班重引星辰而上蒞青粉署益高
日月之依某淮河方渡遽使倏臨玉屑玄談披春風

啓雋類函卷三十六

世六 終

于滿座錦箋金幣燦曉日于行篋九頃未將一函何
息

啓雋近體卷三十七

類函四十九

春官部 四貢舉一

東吳俞安期差長東編
上饒王嗣經曰常同
建武黃鍾彝孝先訂定

賀考官 監臨附

賀主考官啓

宋李 劉

獻賢能之書有嚴春貢登文章之錄來主夏盟恭惟
某官學探宏奧味別澠淄夜几跋紅寧慮三條之燭
盡寒窓穿碧豈容五色之眼迷提玉尺以裁雲倒珠
胎之貫月搜阿房之賦料亦焦心論石渠之經諒多

啓雋類函卷三十七

援用春秋十二已歸此日之權衡禮樂三千何惜當
年之衣鉢某茲承撤棘幸遂識荆思饑饉蝕葉之聲
悵當尋干舊夢寫饗蟲濕新之景尚願聽于新篇

賀沈相公主試啓

明周家棟

擁金鑾而撫五辰共贊皇圖于萬曆調玉燭而重四
序昭垂相業于千年惟新命之日膺實帝心之簡在
事隔宗社慶洽華夷恭惟某官天上星精人間真宰
鴻臚三唱獨看花於瓊林鳳閣千尋再宣麻乎玉殿
任天下重一身久係安危爲帝者師平生志壯溫飽
與情允協朝政更新夙夜以事一人小心翼翼吐握
以延多士恭德溫溫棘院掄材炫金波於靈府楓宸
奏籍朗玉燭於神機帝曰得人僉云玄鑑誠曠古僅
聞之碩輔實天朝創見之純臣也其沐化雨于門墻
啓雋類函卷三十七

恩沾百世坐春風于函丈緣締三生出司海國之刑
書千里蒼生何補仰藉雲天之覆庇九重丹詔飛來
如此生成銘之腸肺可勝祝頌竟罄揄揚伏願益懋
綵綸長爲柱石胡人不敢牧馬威名重百二之秦關
國士願欲登龍賢俊遍五千之禹服毘社稷山河千
永固享祿位名壽于無疆

賀李集虛太史主考啓

明蔡復一

鵬翮健秋展期而風積逾厚龍門宗李相士則霞蔚
知歸張楚在茲寧周派昔恭惟某官長庚孕魄太乙
吹光胸中三萬軸懸籤星辰二酉筆下五千言秘笈

雷電六丁惟南國占衡聚奎倍燦乎離位乃上台司
命揭斗韋觀乎肯文蓋江漢多士思皇陋杞梓之維
伯而聖王作人壽考重棫樸之求賢宋法之試宏詞
曾聞改月漢臣無如太史終遺浮湘班荆以論卿材
爲壇而觀楚寶既收百中之葉兼甄三品之金廣樂
張湖審音宜逢季札湛盧入夢評價詎爽風胡雖鷄
吹有初何雲夢之網羅翻成再舉然驥經獨授則天
機之滅沒默察權奇定知必有非常之人以光如不
得已之命賢書一出卽擅乎荆南錄文相傳果妙乎
天下凡歸藻鏡皆喻李蹊其誦辨璞之恒言發紉蘭
啓雋類函卷三十七

之舊詠覺已贅矣靜而思之以屈子之騷而僅鳴孔
後以謝羅之獄而弗顯唐前靈傑自雄遭逢難合若
乃天窺熬火地貢菁茅道化際四十載之隆人倫極
第一流之選如此壬子可曰熙辰石非后變無以儀
群鳳釣非龍伯不能致六鼇叨後論秀之邦竊續得
賢之頌喬松之在霄漢懷執御以無階焦桐之發宮
商冀聞聲而見采

賀沈太史主考啓

明夏 爾

側陋明揚鵬薦重寶興之典嚴廊妙選麟臺膺主試
之司愧傳鉢之無緣欣就斤之有自恭惟某官珪璋

德器黼黻才華離筆迴瀾清九流于心鏡開談捲霧
關四照于辭林撥科聯冠畿闈鸞鳳同時矯翮倫品
蚤儲禁苑群英交遜瞻趨述王言有則有章價重燃
熬之閣討國史維詳核光搖群王之峯削錄妙而
見者皆驚張樂高而聞者自失矧然師表展也宗工
頃因顯俊之期特慎內臣之選聖情南顧謂賢才不
擇地而生文運中興惟試事以得人而盛必學該流
畧斯可稱乎品題非望重京華難克堪乎藻鑑欲惟
師譽簡在帝心鴛鴦清班喜見玉堂風靜夢龍特注
遂承天語春溫爰藉尊嚴用司宗匠拜命彤庭異政

啓雋類函

卷三十七

四

素隆于階錫驅車紫陌官袍香帶平爐煙奎壁當空
華植滿門桃李斗山各世柄專萬里權衡鄂渚敷猷
榮給尚方之筆札鑾坡辭直猶懷秘閣之絲綸太岳
荆巫喜色動搖山岳蘭臺石室先聲駭震關河曠古
恩榮全荆模範探策命題獨出匠心之妙即碩宿靡
用揣摩緣神定鑑直超尺幅之粗雖眉鬚不差毫末
瑤環瑜珥隋侯評價于連城駟驥驪伯樂程能于
千里鬼神罔測機緘一息難通筆削親裁游夏片詞
莫贊風簷寸晷不苛白璧微瑕秋月水壺豈待朱衣
暗點書登天府文明獨壓神州策奏皇堦俊士應偕

大對若歐陽貢舉正文體以維風邁仁傑存賢客公
門而爲國信熙朝之盛事誠士類之福緣

賀官詹主試啓

明

閱閱登雲霄千古並槐陰振彩聲名題日月九重資
藻鑑論文點綴珠璣允備上方彤管輝纏錦繡遙分
太乙青藜賦就八叉辨溫庭筠之才思文成五色知
皇言提之英華從官九人允見韓絳明鑑禮闈三主
式侈裴臯盛名縱目天閑牝牡驪黃具在持衡清廣
臺萊杞梓兼收素愛不私歸家草凌雲之賦舊交有
感就簾獻著麻之詩絳樸增榮奎裏動色某莊轍枯
啓雋類函卷三十七

五

鱗吳山腐草走卒兒童亦識昔聞司馬相公不知何
處得來今有歐陽夫子品藻收三千桃李文章重百
二山河

賀姚司諫主考啓

明蔡復一

漢殿朱衣借補天之筆色禹峯金簡綠柳地之賦聲
藁章日月一新玄感風雲倍合士歸司命楚得異材
恭惟某官斗氣燭龍練光辨馬玄譚勃窣太常著理
窟之名目論崇茲司諫生瑣闥之氣離服蕙蕢之貴
賤樹畹自分抑揚騷辯之源流升堂直入共推東箭
宜揀南金上念豐芑之遺特難其事嘉藻鏡之選莫

易其人姚鉉鑑精尚隲唐詞三變下和璞在立收荆
寶連城星析校警疑直垣之宵漏晴窓點檢恍禁掖
之曉籤蓋問虞淵以上林方可成雲夢校獵之賦而
聘歐冶於東越實使鑄龍泉太阿之鐔獻此楚琛篤
爲周祜國士之遇必國士之報豈小斲以負工師事
君以言兼事君以人期速肖而忠天子桂天漸成於
桂實槐月猶接於槐黃露重菊披招屈屈堪盟芳潔風
高鷄擊薦欄誰假羽毛某聽車馬之音何其久也結
鳳麟之網知子來之我有嘉賓雖隔食苹之宴王多
吉士願矢卷阿之章仰六轡以如絲折九莖而寄佩
啓雋類函卷三十七

賀主試典浙闈啓

明鄭懷魁

文昌北斗光指牛女之分午運中天明啓風雲之會
南金東箭盡屬掄材左江右湖爭歸學海瞻求賢之
鉅典必蓋世之偉人伏惟某官伊訓說命之文章遷
史班書之紀載歲當大比命典首藩維河漢之明秋
值壁奎之耀夜木天記事暫輟仙室之班棘院衡文
雄觀霸國之氣名世五百肇啓昌期君子六千遶登
天府想游乎驪黃牝牡之外器程於規矩準繩之中
遂令越絕之山川咸識閩中之文獻榮施梓里貴及
枯州某夙親翰墨之林學莫窺於四部行作簿書之

吏教無聞乎七經小雅肄三官士歌鹿鳴之始乾元
筮九文明仰龍見之期

賀主試副典浙闈啓

明鄭懷魁

星垣日直官槐催入棘之旌月路秋清仙桂惹握蘭
之袖始邦畿之髦俊分屬提衡今海國之英雄全收
入彀必得浙東西之士宜在帝左右之臣恭惟某官
奏議則烈日秋霜詩歌乃陽春白雪班高漢陛近切
竊頭詔下燕臺旁求駿足任臣兼股肱耳目相士豈
筋骨形容正湖海之名區有文章之司命此地六千
君子越國之霸氣猶存百二都城宋世之儒風尚在
啓雋類函卷三十七

家絃戶誦獨甲諸藩方矩員規宜申多士瞻今日之
貢舉係斯世之法程鄉榜初開士習與朝常並振賢
書甫上錄文將諫草俱傳惟侍從罔非正人故品題
便多佳士邦之司直文實在茲某門同玉筍之班歌
每從於燕市社傍金莖之氣賦最憶乎倚臺魏典郡
之無能喜文衡之在望鳳麟洲近仰共羽毛之宗鯤
鵬風高快觀鱗翼之化

賀任侍御監臨啓

明王家屏

門下文章宗匠綱紀清班攬轡荆襄提衡鎖院肅僚
貞度威稜飛繡斧之霜顧俊蒐奇識鑑徹冰壺之月

矢公矢慎謹擇可者於閭中其賢甚良籍而獻之於
闕下惟善爲實信楚國之多材以禮爲羅慶明廷之
得士詎惟桃李之植出自公門將同茅茹之升光於
泰道

啓雋類函

卷三十七

聘試官

代直指峇山西直指聘試官啓

明馬朴

公家籲俊弘開射策之科使節徵賢雅重持衡之命
恭觀翩翩明翰仰窺翼翼合衷敢仗龍光敬成鴻典
恭惟門下人倫冠冕士類權衡抗節激揚三晉驚埋
輪之威力勞心鼓鑄四方仰簪筆之
茲際賓興
特嚴主校茹茅拔士行空冀野之逸群棧樸作人猶
眷西周之遐想遙移玉牒下聘珍儒巽命適遵禮幣
駢來栢府鼎函莊誦情辭眷念棘闈顧其典重探珠
啓雋類函卷三十七
遴選久懷夫精白識非懸鑑品題殊愧於雌黃祗拜
徵書勉修勸駕聊裁尺素先布寸丹繡斧旁求爲鳳
麟而張帝網朱衣共事收龍虎以壯賢書斯台慈爲
國之心庶幾仰慰卽不佞矢公之念亦藉少伸罔旣
寅衷伏惟丙鑒

請入簾宴附監臨請試官

請主考入簾宴啓

明謝廷諒

鳳池藻鑑光分太乙之垣鸞掖玄旌續揆文昌之府
絢槐林而綰綬揚桂籍以彈冠寵渥雲臺蔽騰天路
恭惟某官璇源濬止璫岫翔輝挺淵角之殊姿精微
瑜指朗靈臺之懿曲妙善解願業綜九流詞林望而
踴景譽高一代談士依以揚聲藉甚南都揮毫振藻
袞然北闕射策稱雄卿雲舉首學已富於天人繁露
瑤篇人咸咀其英藻始燦離光泰亨乾步燦明霞於
履袖豔彩旭於童叟民幹國禎已隆公輔之望人倫
啓雋類函卷三十七

師表尤高月旦之評士挹吹噓願生羽翮人希助聯
動飾光儀瞻此豫章之材宿霑樞樸之化帝心簡在
申棘序以張羅皇鑒揆留毘蘭臺而握紀輔軒駐南
斗輝生紫曜之符文章落上台色借青衿之潤鄭門
六藝曳大雅以扶輪孔室四科渙清言而結課楊懸
仲舉寧無待於高人劍佩張華終有遇於神物其等
搜揚篋庫方憂岩釣之遺瞻疎蒲旌欣逢夢卜之舉
先鹿鳴而飭事樽俎肅陳駝虎視以求賢替裾畢集
清氛且捲天開黃道之辰勝引星奔人企朱輪之會
請給諫主考入簾宴啓
明謝廷諒

珥筆侍皇闈上苑光分藝苑秉輶辭帝闕瑣闥各重
棘闥鴛鴦排雲快覩長安之日鵬擊水高搏渤海
之風驤首騰軟揚眉煥彩恭惟某官鴻芬錫祉璫榆
標華啓七畧之明禎含咀英藻暢八埏之奇秘纂組
紛綸韶氣冲夷甄提道業環詞麗則掌握經籤摘藻
艷于天庭鏘鏘光于月緒珠盤盟載聿成運臂之風
寶牒科程頻滌文身之俗綴貂璫而陪紫闥芳軌繡
揚鳴鳳律以煥青郊瓊敷綺合腋分狐白言摧堅白
之鋒昉飾驪黃口定雌黃之品英規夙誕寵命新銜
詔起東山搖玉佩而趨丹陛望高北斗捧金函以下
啓雋類函卷三十七

赤墀紫曜玄符豫識干將之氣洪崖綠水遙連孺子
之居驚夜柝以搜揚猶疑禁漏之徹對晴牕而校曆
還思侍從之嚴慰籍名流褒嘉盛典其傾風仰鏡瞻
麟趾以迴皇拭霧韜文引羔旌而扶躍使星曉燦光
映紫微之垣卿月宵懸影徹朱華之館虔趨簪綬拱
候軒與萬戶千門簾捲西山之爽五申三令筵開東
壁之祥

代請主考入簾宴啓

明張應泰

聖世儲材載關聯奎景運上臣捧命俄瞻入斗文光
瑞動湖山歡騰衿佩恭惟某官騷壇士鳳麟砌八龍

瑤閣黎懸錦帶同牙籤交映花磚影散璫標共彩筆
爭妍明主揆衷斯文藉手何來物色揮鞭則萬馬齊
空悉與羅收舉釣而六鼇並致其等躬逢寵蒞幸奉
周旋當棘院之初開酌桂醕而夙獻扶搖九萬且看
此日鵬鵬禮樂三千總屬公門桃李方同鵠待惟望
賜臨

代請分考入簾宴啓

明張應泰

雲五成以絢日載睹光華士三捷而趨風冒名踴躍
恭惟某官蘊九苞之采襲八索之奇朗鑒當懸一顧
驂駟長價平衡在握片言豪傑歸心總道術之殊流
啓雋類函卷三十七

作文章之司命幸茲藉手助我揚眉敬緣棘闈之初
開夙戒桂醕以始事七十郡英雄入彀惟待明公幾
千年文運中天正逢此日

請主考入簾宴啓

陝西鄉場

明趙欽湯

歲德在庚天休集于京右文星臨酉人傑會于關西
選雋三千增輝百二恭惟某官名高閩域望重燕都
文章起士類之宗月旦作人倫之鑒乃者北庭銜命
西土掄英同日月之精明無私普照合山川之靈異
有美兼收辟雍之貢材球琳瑯玕之畢至方歎之相
馬牝牡驪黃之弗知自殫爲國之忠僉賀得人之盛

某等祇修盛典式燕嘉賓願瞻嚶嚶之聲降聽呦呦
之鹿天香飄神俱爲月殿之人瑞靄映座盡是雲衢
之客絃歌節奏文雅縱橫伏願如蛟龍門儼臨虎座
威儀維則群英觀有道之刑德音孔昭庶衆覩周行
之示

請周座師分考入簾宴啓

應天鄉試

明許成器

官牆迤隔久疎立雪之儀銜鑑高臨獲假坐春之便
竊伺掄文之清宴敬申獻壽之赤忱恭惟某官當代
大儒斯文直學蓬萊誕秀原種仙骨而具仙才禁苑
儲英實潤皇猷而翊皇運兩司南省之品題咸推得
啓雋類函卷三十七

士一典北雍之教育雅稱成賢過士風文體之奇裁
厘部議宸音之諄復念舊都之首善環四海而共望
爲標簡近侍之元僚總五經而特示以軌眼高泰岱
睥匹練于吳門精徹斗牛識雙龍于豐嶽諸引禪玄
必斥壹惟孔孟爲程第取實不取華斷當世用寧失
才不失體力挽時趨方楓陛之宣綸士皆倬志迄棘
闈之放榜人有頌聲景星慶雲聲綬紳而爭先快觀
光風化日豈弟子而敢後肅將其等共荷憐持未效
生三之報忽承色笑敢微問一之閒矧賢書飛捷之
時正秋實薦成之候慰上臣事君之願可奉慶賜

志士酬知之懷姑虔祝爵爰取月九口口口奉御
絳帷少修省觀之曠言隨赤舄實切步趨之思仰
慈俞俯垂善誘片言九野庶幾請事于服膺一日
秋何幸披襟于侍側其爲抃躍莫旣敷陳

代請翰林正考入簾宴啓

湖廣明鄧原岳

文苑持衡夙仰人倫之鑒明庭籲俊共驚帝簡之難
寧慎重而擇官故逡巡而降命均瞻北斗肅拜下風
恭惟臺下河嶽炳靈文章司命家傳忠孝世擅勳名
惟茲荆楚之邦實曰湯沐之地恭承明詔廣取真才
不辭水陸跋涉之勞毋廢朝廷寤寐之典幸子大夫
啓雋類函卷三十七

代請吏部副考入簾宴啓

湖廣明鄧原岳

帝簡天曹式重銓衡之寄地嚴材館實推藻鑑之司
降命匪輕遭時非偶恭惟臺下天真朗徹位望高華
起造化于毫端握星辰于掌上蓋衆意獨嚴弓旌之
使而上心尤注湯沐之鄉故屢請而乃俞竟兼程而
赴命雙旌閃電萬里馳風不辭七尺之奔勞用慰諸
生之饑渴璠璵是寶何煩三獻之勞杞梓可材豈靳

千金之價湘潭借色江漢生輝對大別以開筵望洞
庭而張樂萬惟臨况曷任光榮

代請按臺入簾宴啓

湖廣明鄧原岳

栢臺霜肅風行械櫟之鄉桂苑秋高化啓鵬鵬之路
單敷文命獨朗奎光恭惟臺下大猷經遠正氣匡時
允中朝執法之班適南國多材之地金衡廣度元資
師匠之功玉鑑高懸並受王明之福宿簾載赫天綱
斯張開四照于文林導百源于學海澄空璧月光含
柱後之冠拂漢商颺氣雲間之仗敢藉紀綱之寵
仰承貞肅之儀所望儼然不辭賁只

啓雋類函卷三十七

監試請考試官宴啓

宋方岳

思皇多士偉制詔之寶賢作者七人實文章之司命
甫矣微棘幸茲識荆敢敬奉于壺觴竊願聞其衡鑒
恭惟其座師胸羅斗宿手挾天章五經紛綸取青紫
而芥拾地八韻畧刻補造化而聲摩空乃持玉界尺
以裁量無復古戰場之遺矢其與聞選事獲並英遊
煩彈壓于秋風諒屬厭于春藻日五色而不迷過眼
酒一尊而細與論心尚有黃華可無清句

下有七言律詩一首

請顧按臺入簾宴啓

明樊王家

多繡飛霜法曜芒寒北極龍光射斗奎縷色映西江
喜極樸之雲蒸充豫章之岳貢恭惟某官清朝間氣
當代偉人劍門擅千古之奇秀毓百年豪傑錦水冠
三都之勝波翻一代文章馴野雉于桑陰鳬鳥霄騰
南國愛留蔽芾燦金鷄于栢署辭冠壁立西臺望肅
剛方旋分北闕之綸特擁西吳之節帝曰代余一人
乘傳往賸茲劇地汝其觀風問俗若朕親行公念自
天子所謂我來畏此簡書孰是剔蠹釐奸匡吾不逮
覽轡有澄清天下之志上車先訪問大姓之名環瞻
綱紀維新更無文章司命飭百寮之濟濟若簾內若
啓雋類函卷三十七

十六

鹿鳴宴

請鹿鳴宴啓

宋葉潤

侯邦貢士共登天府之賢書上帝燕喜遇春官之
座主秩初筵之俎豆侈盛事于衣冠共惟諸省元經
富總龜賦工校獵淵源問學腴載考亭之書藻火文
章神授山房之筆踏槐花而程藝穿楊葉以奏功蚤
孤先登一人當百鶚書中雋八十加三合計闕學館
之英群胄子宗枝之秀衆科盛矣一舉斐然主考某
官天下達尊國中元老進爲伊呂功社稷以澤生民
退友松喬身江湖而心魏闕四海覘其出處九重想

啓雋類函卷三十七

十七

其過歸平地神仙聊作紫微之引領翹材人物終期
黃閣之轉鈞同考某官有遷固才傳朱李學平岩領
嘯不妨飲山綠以哦詩禁闥賜環行見佩水蒼而入
侍某官受齋賢子省戶望郎諫笏猶存上記名臣之
風烈深衣獨樂士知前輩之典刑某官才美碩膚襟
懷光霽虎符龍節所至有良吏之聲官錦漁簑非晚
歸侍臣之列某官九秋直幹千頃澄波舟薄蓬萊平
上玉溪之月騎宜竹馬催頒壺嶠之春某官松節高
寒棣華競爽訪麻源之三谷聊復拂衣橫野渡之孤
舟正須作楫某官北平梧竹東序鐘鏞公休侍溫國

之旁從容洛社晦叔社呂家之美大小申公某官慶
層丞相之家皇華使臣之節太牛給餉已高諸葛之
勲名金馬直廬行踵二蘇之步武某官諸儒北斗一
道福星義實仁聲兼有春生秋肅之氣直言正色宜
在朝論夕思之班某官筆橐從臣詞章岳牧冰壺秋
月鎔爲西澗之清魁極台符下照東甌之分爲諸賢
之勸駕食上佐以禮賓繡衣紫綬之相輝藍袖銀袍
之交映指沙圓之佳識送天上之飛翰鼓瑟吹笙此
日升歌於莘野傳衣付鉢明年同宴於瓊林輒獻伶
歌以鋪吉語下有七言律一首不載

啓雋類函卷三十七

大

請按臺赴鹿鳴宴啓

陝西

明傅新德

人文貫萃九天聯奎壁之光名世臨千載慶冠裳
之會選盛辰而張讌俎豆生華肅上德以來遊風雲
動色榮延命戴喜溢有懷恭惟某官民推先覺世仰
通儒秉德粹精蚤凝公輔之望受才宏遠蔚爲梁棟
之資雄名直擬岱嵩巖巖並立正氣迥凌霄漢譽譽
自持鳳翥臺端奪紫電青霜之色龍窺柱下麗金山
玉海之標承簡在之新恩揚清激濁舉賓興之盛典
崇雅熙浮金範平臨大造擴鑪錘之化冰壺在鑑群
材荷品識之精闢棘院以施羅千有百輩藉桂書而
啓雋類函卷三十七

入穀六十五人遂使其等桃李微芳濟濟列公門之
選參苓細品穰穰充藥籠之收質遠謝于瑤琳貢同
天府聲僅參于甕缶奏獻天庭已聽鹿鳴之歌載聯
伐木之宴舉岐豐之丹檠誼講同心合泰隴之青矜
分均序齒金風薦爽天時與人事偕亨玉露飄香樂
事共賞心俱暢瑤華紛其炫耀綴奏競以闐駟禦師
道之尊嚴作爲盟主仰風裁之貞肅奉以周旋藩臬
僧遊斗山相望簪裾豈豈光生几席之間談笑雍雍
道在壺觴之下信人生之希遇宣大化之兼成花映
曉光敢附曲江之盛事雁涵秋影豈云塔寺之舊題

伏祈玉趾之遙臨奚勝葵衷之欣藉

請按院赴鹿鳴宴啓

江西

明鄧光祚

攬轡江邦掄英桂籍龍驤學海人才際明哲之難鴻
漸天庭世道幸泰征之盛恭惟某官宣風方岳秉直
蘭臺璧奎行世本金縷玉壘之精英麟鳳遊庭信清
廟明堂之瓌傑家紹雕龍之慶國華黼黻之文百度
權衡群材藻鑑茲拔南州之藝苑允惟一境之俊良
占相譜遂滿于公門快賢書早登于秘府某等敬遵
典禮僭舉壺觴文筵歌小雅祈俯聽夫鹿鳴章水代
南溟冀坐觀夫鵬運仰承不外即賜光臨

啓雋類函

卷三十七

二十

代請正考鹿鳴宴啓

明鄧原岳

玉堂承詔詞臣稽古之榮金鑑掄材聖主得賢之慶
力追大雅再見淳風士欣遇合之奇人嘆文章之盛
恭惟臺下金書玉簡家臨禹穴以探奇天祿石渠世
際堯階而抽秘新銜綸綍會剖璠璣文星適度于江
津奎宿正臨乎郢甸竊喜拔茅之會恭逢椒棘之辰
潔彼芳樽儼然珠鳥肅候鳴鸞之馭祗聆祝嘏之音
請看三楚之梗楠盡屬一時之桃李

代請各院鹿鳴宴啓

明鄧原岳

文當啓運於昭大國之風道重作人式侈嘉賓之頌

惟龍光之遠照適燕喜之分臨幸際昌期聿觀盛典
恭惟台臺中和合德文武兼材節緊凜冰霜士歸欽
式風猷光日月人懾威嚴卽樽俎而功成信鼎鉉之
望重梗楠杞梓慶匠石之兼收琰琬璠璣多方城之
作貢子大夫之權衡不爽都人士之意氣方新共聽
鹿鳴喜看鴻漸遙借干旄之指恍瞻榮戟之臨不腆
承筐戒幣祗將乎明德有懷駐節乞言更切于周行

請鹿鳴宴啓

明趙世顯

皇圖日麗群工叨錫命之榮泰運天開多士慶彙征
之會蓋畿闈夙稱首善矧留都尤盛人文自非主試
啓雋類函

卷三十七

三十一

得人曷稱賓興盛典恭惟典試二公簪紱名家文章
華國多士咸望其丰采九重特廣乎恩波惟聖主在
得賢臣屬兩公出司文柄方舟共濟何殊李郭同登
並轡齊驅僉謂歐曾復出與其進也五千二百多士
擇而取之一百三十五人建業雲開見驂騑之着步
秣陵風好看鵬鷲之高飛消茲吉辰肅開芳宴鹿鳴
歌動鏘鏗聽金玉之相宣鳳彩光臨遐邇慶冠裳之
畢集伏望風施膏沐期聯二駿於天衢並御樽罍快
覩雙龍于斗極英才濟濟方欽乎詞臣報主之忠僚
案師師行且爲聖世得人之賀

請主考張給諫鹿鳴宴啓 明樊王家

奎躔布彩際五星炳曜于西江天網張羅喜多士升
華于上國泰茅如拔晉錫收隆鳳毛畢集三
翹瞻四座恭惟某官靈鍾三晉秀毓雙星執牛耳於
中原天下文章豈特貴洛陽之紙傳鳳綸于萬國王
之喉舌不誇乘博望之槎公忠久著於軒輶眷注特
隆于禁闥繁當校垣陟列之日即是袞衣無缺之時
天子有爭臣者七人比闕重糾繩之寄國家之舉士
以三載西吳分藻鑑之司朝取一焉拔其尤暮取一
焉拔其尤群無留良盡入公門之桃李才過千人謂
啓雋類函卷三十七

之英才過萬人謂之傑士罔攸伏咸充王國之球瑯
二百餘年之育成天寶物華快覩貞元會合九十五
人之簡拔雲蒸龍變欣逢衆正彙征蓋事君以言者
不若事君以人此行藉手以復朝廷益重諫台之氣
而待以國士者亦必報以國士他日比肩而酌知遇
預徵賢藉之輝某分曹師帥庸庸忝附多賢之國祗
役掄材凜凜叨隨共事之班緡俊乂于賢書公不負
所舉矣藉光榮於主者臣何力之有焉茲當撤棘之
期爰慶食萍之宴鳳飛而戾天噦噦王多吉士孰非
爲則之英鹿鳴而在野叨叨我有嘉賓願聽周行之

示肅祈鴻賓曷已鵠瞻

請主考鹿鳴宴啓

明江騰鯨

鄉士薦公車若鳳苞而出之枳棘廷臣知貢舉即太
乙而秉之青藜此非天下第一等人烏能爲天下第一
等事茲值塲事甫畢宴典斯張謹涓吉而歌鹿鳴
期得士而登龍首某職忝監臨誼沾桑梓萬里來司
棘院啓夜郎以天下文章一網打盡英賢識名公爲
空中樓閣度役滌塗恭俟命駕

啓雋類函卷三十七

送鹿鳴宴

送衛撫臺鹿鳴宴啓

明樊王家

節鉞鎮中臺萬里樹画熊之績奎纒輝上象九秋際
薦鷄之辰睹泰運之文明知化工之浩蕩肅敞燕喜
仰瀆虎帷恭惟某官魚鳬挺瑞麟鳳蜚聲山川標劍
閣之奇共仰兩朝元老圭壁攬淇園之秀夙稱一代
文章由郡縣以掌法曹掇科而躋撫任其榮勿翦以
伐人留既去之思桃李不言成蹊衆感中孚之信爰
承帝簡特撫江城兩年水旱焦勞爲萬姓請命于天
若嗟枯而潤朽列職冠裳肅穆統百官總攝于已成

啓雋類函卷三十七

五

大法而小蕪匪惟敦禮樂而悅詩書抑且弘菁莪而
收棫樸當此桂粟颺金之日正值鯢鱗擊水之秋試
觀十三列郡之蒐羅合廡內廡外而慈教同心孰匪
稟承於幕府快覩九十五人之入彀舉成大成小而
甄陶咸得誰非樂育於公門其等仰藉鴻庥欣逢駿
典有武備者有文事台臺恭已以受成分職要者爲
職詳諸臣何力之與有茲當撤棘聿獻採芹豈徒昭
明信於溪澗沼沚之毛實以慶樂成于梗枏杞梓之
貢歌鹿呦而勸駕金臺價重鳳凰鳴矣而梧桐以生
遡麟角於張羅油幕功高元首明哉而股肱是賴仰

祈鑒炤曷已飛鳴

送南贛牛軍門鹿鳴宴啓

明樊王家代

玉節宣猷萬里壯元戎之績金臺招士百年際豪傑
之期張天網以爲羅望星輶而獻瑞恭惟某官毓秀
秦關承恩漢殿百里應郎官之列宿桃花豔滿河陽
幾年披閭闔于五雲柏院望隆柱史中外仰爲祥麟
威鳳朝廷倚若喬嶽泰山三尺法持天下之平民自
不免已感鵲巢於法署數萬兵富胸中之略帝是用
簡爰分虎帳於江州惟章貢控四道之咽喉若吳楚
若甌閩其間狐兔潛踪允重一方保障乃明公寔三

啓雋類函卷三十七

五

秦之豪傑爲安輯爲經略坐使貔貅吐氣頓清萬里
金湯旣樽俎以談兵且薪想而作士賢人國之大寶
黃金遣使正逢三載賓興師尹民具爾瞻白玉聯班
共羨多才群集百職天心天日按圖於牝牡驪黃之
外總皆稟仰明威諸士奮翼扶搖得意於雲龍風虎
之交孰匪涵濡化育某等欣逢盛典仰藉成猷籤鎖
院以肅內外之簾成事依人僅備紀綱之役喜應書
而繙甲乙之籍得賢爲國曷勝舞蹈之悰茲當龍見
之期爰慶鹿鳴之宴司橐籥而功成不宰豫章貢王
國之棟梁咏菁莪而樂且有儀沼沚獻野人之芹藻

統祈丙炁昌已寅誠

送益府鹿鳴宴啓

明樊王家代

桐葉肇藩封千古龍光射斗薪
糴收國士九秋鶚翻凌霄敬采
鹿苹瀆嗽苑恭惟殿下慶衍鳳
圖祥鍾龍種國有長君社稷福
泰山如礪黃河如帶億萬年固
磐石之基周之宗盟同姓先懷
德維寧宗子維城千百國仰箕
裘之望問處家以何事最樂天
王眷好善之賢雖有國而居上
不驕俊又挹吐哺之度敏而好
學質有其文適逢鵬徙於西江
環聽鹿鳴於南國昌時翩得駿
共高築旣自燕臺王國預爲楨
遙祝上啓雋類函卷三十七

啓雋類函卷三十七

辛六

試官撤棘

賀按院羅公撤棘啓

廣東

明梁有年

栢府天高一氣轉鴻鈞之運棘闌日麗群英蒙大造之恩文場校士金榜稱奇開卷得人
是科爲盛恭惟某官才鍾川嶽擢翠萼于詞林學貴天人窺玄英于藝圃風行炎海望驄馬而草木回光化洽青衿仰爲袍而蓬茅增慶幸逢大比聿觀厥成肅令甲于群工有嚴有翼求真才于五嶺至再至三日月無私光昭宿儒之寶雪霄霄有路高張賢士之梯喜俊彥之旁羅詎曰珠遺滄海起英雄而入殼誰云玉泣荆山卓哉啓雋類函卷三十七

啓雋類函卷三十七

辛七

永鑑之品題赫矣人文之宣朗蓋時當選舉其惟大人乎柄茲盛典而士際賓興必有名世者出應昌期爲張齡爲余靖爲崔湜可齊芳于異代曰丘曰梁儲曰霍今再見于熙朝自新南粵之譽髦悉作中朝之楨幹裴行儉知人之鑑當在後塵狄梁公爲國之忠豈容獨步某濫有安攘之寄慚無贊助之勞想鋼範于三城冀申寸臆覩珪璋于多士叨藉餘輝聽工席歌鹿鳴寸丹歡同雀躍向台閎馳燕賀尺素敬托鴻飛

賀兩司出簾啓

明蔡復一

車馬既開求賢雖隆于專使鳳麟入設得士必慶于諸侯藻鑑兼旬取諸一日之合紀綱累月本之數載之培法固相成功果孰倍在楚有故取譬可知辯淵阿之劍者風胡而鑄則區冶獲雲夢之禽者校獵而囿則澤虞兕乃謹三物之興過時無息逢六察之缺貞度彌虔惟岳牧懷以人事君之忠肆江漢誇多士寧王之盛鵬運兼厚於風積鸚擊益健於秋高蓋上

啓雋類函

卷三十七

三

卜得異人四表化成堪邁西京之棧樸三湘論秀果燕南國之菁莪允矣勞求居然獻適某欣司命持衡之竣想主者鎖棘之勤雖都試展期異日應書壬子然多才照榜是科必曰楚邦誰實爲之展可賀也瑋璋出璞筮叶漸鴻之繇蘭芷充穀禾佐鳴鹿之宴占上賞之方懋愧中貺以莫將

座主戴愚齋主試還朝公啓 明唐文燦

恭惟兩載佐成均教澤尚流于樸棧三秋臨試院藝林方集夫梗楠欣逢祝聖之辰巧會生賢之月時非偶爾事有由然蓋慶典樂龍納言德業連扶乎帝日故樞搖精虹呈象光華早映乎輔星其雅蒙知已洪恩恒抱隆師微悃慨一方鑪後阻候門墻欣千里歸

程過臻京闕巨觴夙具恭寓進以追補賀儀圖軸新成強標題而盡摠懷臆焚香拜送捧牘叩祈仰嵩嶽之鍾英作誦雖慚肆好占斗垣之應瑞陳謨更願惟諸

主考給諫撤棘回京啓 明吳國倫

恭惟某官推朝著之準繩運鄉閭之鑑衡及期撤棘品題盡協公評隨地拔茅登進大揚明試濟濟群雄入穀駢駢四牡旋鑣鶴向高空鴻遵遠渚想畫遊仙里暫披錦繡之華計春到皇都重補袞袍之闕耳目與股肱交展聲名緣功實並騰猥以腐儒漫爲冗吏啓雋類函 卷三十七 五

送試錄附答

解試卷上申相公啓

明蘇滄

盛世之文章每開國運末流之波靡易蕩人心仰承功令之頒特重詞林之選表章經籍廢黜異端辨真儒於隻字之間復太古於狂瀾之際凡屬作人之寄敢忘反樸之功某賈續腐儒彫蟲末品曾習糟粕之緒型範猶存况兼咳唾之餘羹若對三墳五典曾未測其藩籬二氏百家亦頗聞其紕繆每申邪正之辨時黜軋茁之譚顧才謝方臯莫辨驪黃之外識慚雷煥安知牛斗之光欲正士風自詒奔蜂之難化欲端啓雋類函卷三十七

送試錄上申瑤泉啓

明唐堯欽

穆穆思賢適新掄才之制休休樂善謬叨藻士之司敬獻先資祗告成事竊惟國家設科目以羅嚴穴豈藉虛文後世飾文詞而獵替紳無裨實用盖其始也有司求勝于士略庸言庸行而責所不知故其卒也士亦求勝有司合可知可出而效所未見詞愈新而慙勝道彌似而彌非自昔孔孟之傳心幾爲莊老之

無有誠誘進之術異致嚮往之途殊反之惟難弊也已久恭惟某官文起八代望重三朝吐握匡時懋膺勅天之佐鹽梅輔德允符養帝之良升臣撰于公朝械櫟菁莪皆爲澤豹求匠石于臣室蔬薺與漈咸眞雲龍謂國是先正人心惟文章最關士行爰主科臣之議肇復京考之規宜有賢能廼稱任使某迂疎成癖黤何知竿濫省垣絲毫無裨于衮職塵荒筆硯糟粕尚昧于古人竭心智文字語言之間力可能也辨神品毛骨色相之外知何易哉崇雅黜浮俛守台訓蒐遺拔滯備列賢書握彤管鑒裁敢曰文章司命嗟啓雋類函卷三十七

送漕運軍門試錄啓

明樊王家

使節星臨萬里著熊羆之績賢書日麗九秋奮鵬鶚之程士慶茅茹輝騰竹簡恭惟某官光含秦鏡利擬吳鉤應五百年名世之期共仰祥麟威鳳振九萬里圖南之翮欣逢風虎雲龍才何施而不宜運德禮政刑於指掌望以久而並著合朝野中外以傾心旋邀殿陛之寵靈特握淮漕之兵食惟南都是帝湯沐邑

龍蟠虎踞千年拱王氣於關中若比斗爲天喉舌司
熊軾隼興此日燦福星於白下豈特恩無遠不暨舉
吳西之十三列郡熙熙在宥盡皆沐浴洪庥抑且士
有待而興惟江右之九十五人濟濟同升孰匪涵濡
化澤屬賓興之竣事喜泰運之開天冀野群空已拔
尤於朝暮之取明光上獻隨授成于甲乙之篇爰藉
雲章用塵電覽碧油幕下共言敦禮樂而說詩書青
玉案頭或可振朝華而啓夕秀其待罪微垣隨班棘
院因人成事聊將藉手以報朝廷敷奏以言謹用齋
心而陳法座倘其清宴之暇或加披閱之功即不敢

啓雋類函卷三十七

三十二

謂麟角鳳毛畢入三驅之選或庶幾太羹玄酒聿還
一代之淳稽首拜函俯躬待命

答各省送試錄啓

明于慎行

棘闈論秀已登天府之材楓闕升賢遠致星垣之使
殊寶不脛而自至群情快覩以爭先是承琬刻之頒
更枉琅函之問南宮代奏光分桃李之榮東序先陳
色溢球琳之瑞拜書欣杼報札屏營并修完壁之忱
少代報瓊之禮

附

答龔按院送校士錄啓

明焦竑

伏諗奉符行部馳傳逵顧此閭閻已稔風聲而胥
服有如矜佩亦依雲陰以自新媿馳問之未能荷良
書之逮及恭惟某官清標嶽峙與學淵洄鶚立臺端
議論動關乎大節鳳儀詞苑文章無讓於昔人凜然
形譽諤之風藉甚得中和之譽頃以澄清之餘刃運
其興起之妙機鼓舞羣才俄頃悉霑乎春雨銓衡衆
藝重輕不謬於秋毫追窺入彀之詞英幾欲相傳而
紙貴揭聲華於白日開塗轍於青雲豈徒回軋茁之
奇陶鎔文體實以冀棟梁之出匠石國材其晚接緒
言早欽夙望掄文銀管已幸觀北海之端接武金鸞
即規造西清之席其餘瞻向莫旣揆裁

啓雋類函卷三十七

三十三

上座主

登第上大司空鎮山朱師啓 明于慎行

絳節遙開東省憶傳經之地碧衣新試南宮叨擢第
之榮微名久荷于陶埏大造真同手燾載恭惟老師
一代宗臣兩朝碩輔神惟嶽降廬山鍾五老之英文
擬河懸彭蠡倒三江之勢播芳猷於中外四十年姓
覆金甌應應運於明良五百載名符玉籙光膺寵綽
特借漕臺重臨懷保之民變齊至於魯變魯至於道
茂建平成之績自汶達於濟自濟達於河已崇三少
以升階行列四隣而輔化伏念其稟資閑味際運孤

啓雋類函卷三十七

三十四

寒冉冉橋椿但棲遲於墨綬森森棠棣皆偃蹇於青
袍自其斤鶚之蹤奚有漸鴻之望幸從髫髻即荷甄
收拔之驪黃牝牡之中納之蘭沚瓊枝之列薇堂春
永三年披座主之風相府宵寒之夜立門前之雲韻
軒轅之律呂官商變下焦桐揮郢匠之斧斤黼黻清
中斷木遂成旣植方田不假於逢年自入門牆總角
忽觀乎戴弁天高地厚鏤丹素以何窮日居月諸感
蹉跎之已久更屢軫念誨深提耳之言復荷栽培名
與黜頭之選拜綸音於鳳闕自知身出裁成披緇帙
於鑿坡正恐學漸造就酬恩何地屏營桃李之蹊感

德終天徒倚瓊瑤之詠敬陳蕪啓聊布私衷伏冀昭
涵可勝企望

上劉座師啓

明周仲士

彤輪顯俊畢收七十子之奇赤社分符雅重二千石
之望埒乾父坤母而並大並親生君治以稱三恭惟
其官麟鳳毓精英胸吞八九雲夢龜鏤瑞氣背摩
十萬天風番樹幟于詞壇名高燕許海蜚聲于仕路
望重馬班當芳旌選士之初持藻鑑掄材之柄青天
萬里不辭蜀道之難白雪一聲誰和郢人之曲懸文
林朗鑒迴秬海倒瀾收有用文章言言可昭經濟秉

啓雋類函卷三十七

卅五

無私日月人人共戴高明其編帙蠡蠹蓬蒿斤鶚何
人薦馬無殊孔氏鑄額有志依劉魏負徐公舉首桃
李陰初合誰云陸氏荒涼芝蘭晚競抽益見于門高
大

上主試官

下第上主試官啓

明李循義

鴻飛豹隱之賢爭謁元老龍蟠鳳逸之士願識朝宗
夫抱道孤高舉足皆避塵之地探華自見在眼盡操
筆之門何諸子抗靜守之操于二公涉競進之途齊
雲趙勝嫌鑒採之未明黃祖曹瞞若親愛之未篤惟
大人君子之具美斯天下賢士之歸心盧狗悲號於
韓國之前不吠外客駟延頸於孫陽之側熟視庸
駑物亦有靈人顧無覺恭惟執事八閩人豪九牧家
學盛年擢第顯重慶于高堂筮仕讞刑活楚囚于永
啓雋類函卷三十七

三十六

巷爲天子執法獨去亢 當齊民履休累淹外任祥
符熊軾歛大患于一方玉鑑冰壺壓清名于十郡制
夷使索求之橫敵美蘇公抑宦官貿易之貪賂芳韓
絳罪躬禱雨來仁會父子之歌勦惡安民起劉敬神
明之號行不待照天之蠟蠟身自是水晶之燈籠修
學常山北州多伏氏之學移風蜀郡齊魯有文翁之
風英俊來歸知宋博之好士奇才就舉感張詠之崇
文故某慚列儒者之末流思出大賢之門下正謂無
鹽醜女願侍王宮敢謂莫邪銛鋒欲克相佩然竊亦
有自負者質頗異於凡兒志不混於俗輩越階而進

壯橫渠之希聖人出位而思誼文正之憂天下縱觀
學海愁萬頃之文瀾深入詞場驚百恠之筆陣銳氣
期功名之立就迂言恐富貴之逼身詎意卬角登場
還見壯年在泮邇者槐黃逼眼桂馥薰心梧葉秋高
塞鳥奮搏風之翮桃花春暖江鱗揚觸浪之鬣三載
練精之兵行將盡發一朝決勝之捷事在必成誰謂
居康了之中我又出孫山之外梯山短履阻平巒之
棘籬浮渡小舟恨中流之鐵鎖失會于安之閣重登
王粲之樓坐咄咄以書空行匆匆而迷路夫惟宗主
先生奉旻天之公覆揚秋月之明輝衆皆得人豈獨
啓雋類函卷三十七

三十七

遺我蓋書生薄命有儒能誤身之悲詩人多窮觸卿
自棄朕之怒紅顏累體老栢苦心天下長者屬孟舒
得免官於尚德之主匈奴飛將號李廣不封侯于好
武之君是故以宣公之衡昌黎賈齊魯之第雖東
坡之藻鑑方叔負劉蕡之稱降刑賞之論於過疑黜
彩霓之音於偶誤固非應舉者之無其具亦豈知貢
者之失其評時來則頭點朱衣運去則眼迷日色王
俊氏之號先播市謠大山軍之名預形夢寐數由天
定事借人爲其所以不利主曹遠慕孝標之行益求
在我仰成齊暉之風且欲待才老而成時至而起焉

卧東山之舊石長嘯南陽之遺墟但貧無卓錫窮已極骨繩樞席戶羨玉川子之廬毳褐鴉衣耻東方士之服未仙而穀已辟非廉而饒自無奉菽水而泣斑斕淚滴和氏飯糟糠而鼓琴瑟知憶鍾期昔羅友家貧跪柳榆而泣郡周盤母老喟汝墳而舉廉唐佐覓官仲由仕不擇祿之屈毛義奉檄曾參養必及親之歡是變出無何皆權以有濟然機不適會則勢亦難圖守令伯之孝聞名非驟得更汾陽之武舉學未兩全寄迹南陽以發身德彰之儀文羞比易名他州以取解君行之垂訓忍遺念章句之腐儒進無他道假

啓雋類函卷三十七

卅八

文墨爲贅禮頤有此途見出吏部者三上宰相之書不第茂才者五貢內翰之啓流落楚漢者文章歷抵公侯餓走九州者詩律偏干卿相逃讒于楚者談附民之兵解嘲于漢者獻河東之賦况持平譏淺之小技敢侮于高明之大家往哲指南後主守轍敬伸寸楮僭假謁詞白屋寒微逢趙武而軒冕筦庫隱滯遇文子而廟廊君實弗言安世私懷國寶得意未薦茂林暗吐天葩以故真宗慮志士之隨亡常令起白仁祖患古學之難進每詔上聞想謝泌之焚香而餘馨尚存看陳襄之屬草而遺墨有濕若夫開庫專城之

任左在招賢進能之術工居其那命由其造揚之出層霄之上抑之涵九土之中濟南郡侯偉終軍之壯節并州牧伯奏子淵之逸才賈生鍾愛於吳公蘇鱗受知於范老楊洪授何祗於寸策陳寵招王渙之能名慈明人龍子師首辟景仁世傑薛金專稱間有刺史不迎賓邵卿無食客下彤闈而忘布衣者與楊貫之辭泛潁湖而恠求舉者服程子之義惟執事居今世而追古道振士氣而歸人心拾遺珍于道傍羅逸翰于天表大奇趙氏後舉博學之科首擢孝先復冠春闈之榜誠所謂有才德者知才德也某妄應駿圖

啓雋類函卷三十七

三十九

之求謬承蛙楫之待不耐紅爐之再煉竟掩白日之方明正左車不得稱勇之時何項籍尤謂非戰之罪豈兵家無常勝之理暫蹶孟明將才有益勵之強終伸曹沫苟敬侯之舉善不進不休呂聖功之選才弗用弗止伏願執事無懈申公好賢之心重補韓王奏上之牘則宗主先生亦將喜共成之助未必恨相忤之私彼陸相得人從補闕之先舉公權取士從祠部之轉稱裴垕外聞吉甫盡收善類王堪旁贊田歆乃獲名流蓋握權而冗者或有未及經事而識者若在所言如某一鶚勝百鳥固不任孔融之褒野鶴在群

鷄亦未備嵇紹之實特幸與並足之情勝容人之量宏
叔向降迎取其自語麗紋稱述過其真才發穠花于
朽株綴豐肌于枯骨如李迪下第得子明而重升王
復不魁見永叔而更取則其將觸刃而進橫戈而前
淮陰追亡之餘連却齊趙鵬舉釋縛之後直擣燕幽
雖懷英不青報于桃李之春在孺子敢忘本原之地
未望超足登臺閣空美山公之名願效披腹呈琅玕
不辱太守之薦冒瀆尊嚴不勝戰慄

啓雋類函

卷三十七

平

請座主宴

請許座師宴啓

明焦竑

寅亮而弼一人望高槐棘吐握而求多士拔及茹茅
士知元氣之還人慶儒風之盛欲載修于燕喜敢仰
賓于鴻慈惟國家設科以來于前代得人爲最頃自
學疎于根柢浸令文尚于浮佻修詞者獵異而莫探
其源談經者鈎深而實謬于理蓋知文詞浮薄之際
實係世道升降之機方海內如波斯頽必達者知風
之自並受王明之福允資師匠之功恭惟某官厚德
鎮浮大猷經遠泰山喬嶽無運動之跡人蒙潤而不

啓雋類函

卷三十七

四十一

知甘雨和風以長養爲能物有生而咸遂至於文學
之委又皆充養之餘謂八索九丘之書期于適治黜
諸子百家之說意在尊經將廻文海之倒瀾坐握士
林之朗鑒念鑿乎粟帛之用斯謂其才况炳然日星
之垂有如明詔體裁痛排於軋出議論務承其崇深
散木輪囷必歸繩墨祥金踴躍悉入陶鎔蓋元老廟
廊夙秉中行之尚故文章寰海漸還大雅之風師門
成就之恩深化冶幹旋之功重冀終領乎大誨敢預
秩乎初筵某日南呂知秋北平選勝金飈璆廊當煙
霞召我之時玉鉉燕開又文酒啓予之會下高群之

鸞鶴發和奏之笙鏞榴花浮酌盃搖日月之光景
調絃座擁神仙之氣豈獨鮮願于清曠之地抑將喻
指于道術之門伏願早賜鳴騶下舜曳履五雲縹緲
庶瞻躋極之三台六合紛紜再睹殿庭之重席其為
榮幸莫既敷陳

請范座師啓

明焦 竑

文苑持衡夙仰人倫之鑒賢書奏士幸歸師匠之模
自知報稱之難人歎遭逢之盛樽俎載修於燕喜消
塵仰瀆乎鴻慈恭惟某官天真朗徹地望高華體大
雅以成文蹈中庸之為德毓兩川之秀共推相如楊

啓雋類函卷三十七

四十二

子雲之善鳴志三代之英行與閔天散宜生而爭烈
蓋蒼生待為霖雨而學者仰如泰山爰輟朝聯傳之
文炳以專門易學而旁抽疏通通知遠之書以絡井儒
英而縱覽南北東西之士璫璣博采非但為一時宗
廟之輝祀梓兼收固欲作異日棟梁之用遂致溝中
之斷咸為席上之珍鵬搏冥海之風九萬餘里士占
瀛洲之數一十八人愧糠粃之在前喜葑菲之無下
此上臣事主不以已而以人乃志士酬知在立功而
立德冀祗承於大誨敢預秩乎初筵敬諏月日候爽
氣於層霄置清觴於別院鳳城西敞雲屢起而帶山

虎座南臨風時來而度水間關巧囀覺林鳥之能言
荏苒盈條觀海榴之弄色一曲寫無邊之恩紀千鍾
汎不盡之情瀾所望儼然不辭賁止豈獨鮮願引坐
得分雙燭之餘光抑亦問字質疑共閱八經之過影
其為榮幸莫既敷宣

會請座主學士啓

明唐文燦

竊惟鴈塔附名倖仗品題之雲庇龍門借步驟膺接
引之台慈旣深荷於生成宜飫承乎訓誨雖班非玉
筍登庸慚衣鉢之傳顧器出金模造就仰鑪錘之鍛
特筆念三之良日共輸百一之悃忱汎洒門堂肅陳

啓雋類函卷三十七

四十三

筵几移蓬瀛於咫尺對山斗於斯瀕庶淺澗微潢會
滄海而旋生波浪使新桃細李迎薰風而倍長精神
樂莫大焉榮斯極矣伏祈鼎允俯應蒙求

請座主宴啓

明宋堯俞

香入杏園喜均飄于紅雪先生華楊幸同附于青雲
斗奎熠燿其文明寰宇遭逢于熙泰恭惟某官鈞深
學海囊括詞林借箸以為帝者師冒言而作人主傳
補山龍之華袞沛旱火之甘霖當世推功生民被澤
秉大始洪鈞之德垂披沙剖璞之仁掄多士以貢金

鑿引群仙而升玉陛龍虎悉歸于乙榜鳳鸞舉集于
丁年其等獲中文衡叨承藻鑒豈敢嗣登庸之衣鉢
亦惟憑接翅之階梯春風初長其羽毛霽雨驟生平
頭角感恩無地酬報猶天茲者暑潦霽于新秋涼颼
生乎長日端居多暇門館常閒由窮壤以際台垣就
中書而應座主所期沿集宴續慈恩候道左之鳴珂
望塵中之環珮仰藉金鉉之重俯爲玉筍之榮黃繖
下自西清繡裳來從北極月傍九霄而徹俎星臨萬
戶以停樽佇迓高車預陳短札

請座師全玄洲啓

明謝廷讚

啓雋類函卷三十七

四十四

帝簡師臣吹萬拱麒麟之象士榮里選壘百載鳳皇
之將鉞雖曲而沾慈器使絲綸之用草卽腐而榮珎
化成熠燿之輝泰茹深慚千鹿鳴需雲載修乎燕喜
恭惟老師雲安月步玉相霞標鵬角應星昂麗文昌
之府岐嶷對日斗懸上相之魁孕四明之坤靈旁通
日月星辰之耀窮二酉于石簣博綜甲乙丙丁之書
誦玉堂青瑣之文鳳裁五色瞻華蓋紫垣之象龍躍
九淵佇看釋筆硯而操化權具見司喉舌而藻上命
喁喁公輔之望步咫尺以卿雲斷斷洙泗之間豈尋
常之月旦屬者環橋之秀孝磨至叢輔之茂異雲蒸

雖匪鼂采夜光各抱春華秋實綸音簡筵珪璋特達
之知無俚兼收瓦缶鏘鳴之遇此牡驪黃之外神識
自具國能輪囷離奇之姿先容無勤師匠固將脫西
山而度函谷是以出富水而就華陰敢謂應五百之
昌期謬得班百五之姓字原非露種豈湏桃李之言
自是秋江一任芙蓉之怨蓋上臣事主不以已而以
人故公門薦賢非爲私而爲國旣采菲封于初筵敢
蕭瀟藻于初筵敬諏月日熙登臺之泰運敬負牆以
蒙求披雲霧而覩天坐春風而醉月美調雋永印藉
鹽梅之和座挹芬芳親炙芝蘭之室上期臯比下貺

啓雋類函卷三十七

四十五

絕樞洵鵠立而歧予豈鴻蒙之忘朕弟子非獻酬之
主借翰林以爲主人明師佇高軒之過將樂餌誰非
過客一介子佩青青簇楊柳之旌方丈賓筵蕭蕭警
雲霞之蹕其爲寵錫莫旣敷陳

請余老師啓

兵部

明于慎行

夏官之屬六十特高列棘之班魯國之士三千夙佩
菁莪之教化雨幸沾於闕里卿雲快覩于台垣式肆
初筵恭申下悃恭惟某官三朝碩彥一代偉人鍾五
嶺百粵之奇靈珠在握總七畧九流之要朗鏡澄襟
鹿洞鵝湖文采風行於海表多冠鵲印妖氛波偃於

江南天下翕然而宗之廷中無出其右者乃旋臥龍
之駕即看司馬之來當安危注意之時須文武兼資
之畧乃從泉右入贊樞機黃石韜鈴胸隱甲兵之富
青霜武庫坐窮蕭輔之元豈但予王之爪牙具瞻圻
父亦且公門之桃李常對嚴師吹萬不同有三如一
在晉二十年之離合望粵嶺有若尼山即今五六人
之從遊侍燕臺恍如沂水爭喜德星之聚况當湛露
之初謹詹某日爰披絳帷恭迎赤舄卿省惟月同登
樞密之堂士從如雲共擁臯比之坐枉簪紳于一日
柱下彈冠落珠玉于九天席前借箸不獨趨步爲諸
生之模範

啓雋類函

卷三十七

四十六

公宴致語

明周炳謨

平格持衡天祐際奎躔之會先知秉鐸賓筵依斗極
之光拔泰茅以彙征鳴豫朋而簪蓋五色雲環鳩鵲
地近蓬山一時風動夔龍班聯璧府工歌天保世洽
人文恭惟內閣元老相公道包萬有忠貫三精密勿
陳謨格君心永保萬億年之尊榮宏富端揆輔政調
元化丕昭十一朝之禮樂文章上憂國下憂民抱感
時憫事之誠而心獨苦內以修外以履運安邦濟世
之畧而功不居巨靈獨障而巨浸消可是四維鎮地

鼎足共承而鼎實冀欣瞻八柱擎天猶謂藝文關國
家之盛衰人材藉培養而成就以天下璇璣而頓八
埏之網以人倫稱量而空一顧之群沿冊府之規薦
賢以爲杜稷修玉堂之典開閣而引諸生總鼎甲之
員若二十八宿之經天僅少其一合庶常之彥准二
十四候之成歲恰合其符兩陛雲從一堂星聚上方
以出綽爲謹而薪樗獨廣于造士堪誇三館奇逢直
方以連茹爲慶而師濟稱最于詞林快覩百年盛際
君父陶甄之力大矣臣子稱塞之忠謂何羽鏃成風
洞革允資于利器鑪錘造化躍冶尤戒于祥金亦步
啓雋類函

卷三十七

四十七

亦趨如追如琢紫微攀附寧工肇悅風雲碧落騰驤
須砥汗青日月庶酬知遇不負生平方今時屆授衣
吉蠲鼓篋月明河宿爛直可乘槎以問津風高天氣
清共喜披雲而見日鰲頭韻遠鸞車盼上相之臨
尾影移魚佩儼群真之集度金商于簫管共九霄玄
屑俱清斟玉河于尊疊比千頃汪波並澈某等望三
山于海畔鼇戴奚堪捫列宿于天階蟬聯胥慶敬酌
黃流而進竿聊抒丹素以騰歡詞曰風高微省秩初
筵勝會今年異昔年文運重陽方轉泰師模北斗更
多賢露凝片玉邀瓊鳥菊散叢金映木天共祝皇明

膺永命仰酬霄漢主恩

請座主啓

平反不詰
稍爲格改

明屠隆

吐納靈潮屬神龍之變化酌量元氣在斗極之平衡
大鵬鼓垂天之翼必借力于風雲八駿騁逐電之蹄
亦取資于銜轡都人士之意氣鳴張寧逃王者子大
夫之文章鵠起爾何能爲彼鎖棘闥而入實驅司命
而來走造化于筆端片言寵辱握星辰于掌上萬里
升沈之玉之石一顧盼而已分爲龍爲蛇不斯須而
遂定揚之則昂藏干霄漢抑之則淪落于泥塗似此
鈞衡之司可忘水木之自恭惟某官東海鉅儒南宮
啓雋類函卷三十七

清德石帆秦望競秀于會稽玉簡金書探奇于禹穴
碑枕蘭亭墨妙右軍之筆波涵鏡水文馳賀監之聲
天祿校讐星臨太乙甘泉扈從賦擬凌雲暫違侍從
之班來况掄材之地目分蒼素口辨淄澠象罔之求
玄珠去喫詬離朱之迹伯樂之相神馬觀存亡咸沒
之機設天網以該賢類八紘而掩雋提之汨沒起迹
羊豕之間出之風塵共赴雲龍之會雖甚盛德茂以
加諸何以報之如彼罔極敬申燕喜爰治具于庖人
聊叙雅懷用徵寵于執事伏惟不鄙諸生惠然臨已

請座主宴啓

明

道協明良際風虎雲龍之會業隆敷錫慶彙征茅拔
之秋戴日月之清光自今伊始荷鑪錘之鼓鑄其克
有紿俯鑒燕私仰希鴻造恭惟某官問氣清寧元精
昂畢崧高維嶽甫申鍾天授之奇圖出於河經緯紹
人文之統金閨通籍四十年價重斗山玉宇調元億
萬載績流天壤人情賢於夢卜儼仁考之得鄭公雅
望鎮乎裔夷知中國已相司馬躬握髮吐哺之節大
虛髦士以春風開集思廣益之門厚植忠賢之正氣
羣流响澤庶品蒙庥如某等登屨遐踪覽繩繼質九
啓雋類函卷三十七

霄結慕徒懸就日之忱三采承溫遽辱移陰之庇謂
上臣事君以人側陋明揚成資翕受而養士若金在
治方圓銳鈍惟所凝成既屬熙薪爰勤斧藻欽哉時
亮數盈舜命之一人彰厥有常名重臯謨之庶士豈
直披文相質闢妍於月露風雲固令學古通今宣力
在股肱耳目擴經術以經世務期正心而正朝廷規
造就之若斯愧報酬其何自敢不端蒙學海邁晉爲
山日近瑤華顧鈍頑而增玉潤時霑薰露振枯朽以
發天葩謹詹某日式布橋衡祗承著蔡木天薦爽珮
環響動秋風瀛海澄虛放嗤芬浮霽月將一味一觴

而靡非至教俾以趨以步而羣屬後塵用昭密地之
榮觀共紀熙朝之盛事豈勝鰲林敬藉寵光

啓雋類函卷三十七

五十

啓雋近體卷三十八

類函五十

東吳俞安期美長彙編

上饒王嗣經曰常同輯

春官部五貢舉二

會稽劉楨興宗訂定

謝座主

代新及第人謝試官啓

唐顧雲

其學慙辭豹業媿藏螢且乏智囊况無經筭雖水盤
凍筋素所牽懷而長笛短簫亦嘗關慮豈謂攻堅少
益雕朽難能劉子駿之警甌屢蒙相誚陸士衡之酒
甕每沐見嘲內揣龍鍾深甘棄置去年因收敗卒决

啓雋類函卷三十六

戰文場奮藻儒林爭衡筆陣方憂殿騎忽擢丙科姓
名遽接於英髦骨肉初違於凍餒懷仁空極欲報無
由徒銘効死之心未得殺身之地近見某官說竊知
侍郎以沈淪軫念汲引開懷欲廣薦衡遂先始隗訖
使變商爲角化慘成舒備雅奏於文弦偃和光於暖
谷遐沾厚惠咸出深仁今也周渭告祥殷嚴叶夢前
籌待運鏤鼎思調明主繫心蒼生企踵某幸將微恥
預託鈞衡願居擁篲之先獲廁掃門之末庶因灰粉
少措毫芒

謝同知舉王中書啓

宋周必大

恭惟某官道關百聖氣蓋諸公黼黻之詞主盟吾道
淵源之學砥柱頽波以西垣視草之臣專南省持衡
之柄先收駑緩用徠汗血之駒不棄中珉將致截肪
之寶第慚庸陋有玷品題流聞道路之言嘗有愛憎
之論既求瘼而責備幾用足以包羞非宗工力賜於
主張在小醜難逃於汰斥念得失士夫之常理而去
留水鑑之何心所欣獲遇於已知豈曰自矜於幸得
其敢不云

謝制科啓

宋蘇軾

臨軒策士方搜絕異之材隨問獻言誤占久虛之等
啓雋類函卷三十八

忽從佐縣擢典平刑內自顧於無堪凜不知其所措
恭惟至治之要惟有取人之難用法者畏有司之不
公故捨其平生而論其一日通變者恐人才之未盡
故詳於採聽而略於臨時茲二者之相形顧兩全而
未有一之於考試而掩之於倉卒所以爲無私也然
而才行之迹無由而深知委之於察舉而要之於久
長所以爲無失也然而請屬之風或因而滋長此隋
唐進士之所以爲有獎魏晉中正之所以爲多姦惟
是賢良茂異之科兼用考試察舉之法每中年輒下
明詔使兩制各舉所聞在家者能孝而恭在官者能

廉而慎臨之以患難而能不變邀之以寵利而能不
回既已得其行已之大方然後責其當世之要用學
博者又須守約而後取文麗者或以用寡而見尤特
於萬人之中求其百全之美凡與中書之召命已爲
天下之選人而又有不可知測之論以觀其默識之
能無所不問之策以攷其博通之實至於此而不去
則其人之可知然猶使御史得以求其疵諫官得以
考其素一陷清議輒爲廢人是以始由察舉而無請
謁公行之私終用考試而無倉卒不審之患蓋其取
人也如此之密則夫不肖者安得而容其才不迫人
啓雋類函卷三十八

少而自信治經獨傳於家學爲文不願於世知特以
饑寒之憂出求斗升之祿不謂諸公之過聽使與群
豪而並遊始不自量欲行其志遂竊俊良之舉不知
氣力之微論事迂濶而不能動人讀書疎略而無以
應敵取之甚愧得而益慙此蓋伏遇其官德爲世之
望人位爲時之顯處聲稱所被四方莫不奔趨議論
一加多士以爲進退致茲庸末亦與甄收然而志卑
處高德薄寵厚歷觀前輩由此爲致君之資敢以微
軀自今爲許國之始過此以往未知所裁

宗室謝狀元及第啓

宋汪藻

襲慶璇源幸備維城之列陞榮桂籍俄先入彀之英
廣陞臚傳諸儒環視共欣千載之嘉會親值一人之
至公嘗謂朝廷設科目以致英豪學者用文章而取
富貴故自來布韋之士有終身訟繫之問既登鴈塔
之標題至比龍門之變化豈有恩隆於帝胃更令名
玷於賢書班聯玉笋之華光動金枝之秀由威德曲
成於大小視人材無間於親疎慮汨沒於膏粱特甄
陶於翰墨肆垂高擢猥及孱蹤仰慚德化之深雖能
僅綴俯揆天資之陋終愧無奇甫上奏篇遠塵殊等
鵬擊天潢之浪鸞遷帝苑之春伏遇某官長育群才

啓雋類函卷三十八

四

并包衆美謂秦之士賤由前人教養之衰方周以宗
強宜近屬獎成之急倘不俯同於寒賤孰爲自致於
亨衢昔慚假寵於分茅今喜成名於拾芥繫君父義
方之素致邦家儒術之尊臣敢不敦尚詩書勉思忠
孝既與在庭之多士同值文興將令就傳之百男悉
從隗始

謝中制科啓

宋蘇轍

轍以薄材親承大問論議群起予奪相乘不意聖恩
之曲加猶獲從吏之殊寵伏讀告命重積震惶嘉其
愛君之心期以克終之譽辭不獲命媿無以堪某生

於遠方有似愚直幼承父兄之餘訓教以疆已而力
行雖爲朝廷之直臣常欲挺身而許國位卑力薄自
許過高言發譴生事勢宜爾迫尋策問之微意實皆
安危之大端自謂不及則曰志勤道遠開其不諱則
曰無悼後害切以制策之及此又念利目之謂何罄
其平生之所懷猶懼不足以仰對言多迂闊罪豈容
誅伏以國家取人之科惟是剛柔適中之士太剛則
惡其猖狂不審太柔則畏其巽懦不勝將求二者之
中屬之以事固非一介之賤所或能當轍之不才過
乃由此然而許切憤悱爲知士之所不許因循國莽

啓雋類函卷三十八

五

又有國之所樂聞使舉世將以從容而自居則天下
誰當奮發而爲意此蓋某官羽翼威時冠冕多士思
盡芻蕘之議以明寬厚之風羈危之所恃以爲無憂
紛紜之所恃以爲定論顧惟無似尚辱甄收感恩至
深求報無所昔者西漢之盛莫如文景孝武之賢制
策所興世稱晁董公孫之對然而數子者頌詠德美
而不及其譏刺故三帝者好愛文字而無聞於寬容
豈其時君不可爲之深言抑其群臣亦將有所不悅
轍才雖不逮時或見容非懷爵祿之榮竊喜幸會之
至

中兩科謝主司啓

宋呂祖謙

問津鄒魯未知經術之源源學步班揚詎識詞章之統紀揣已初無於一可逢辰乃幸於蕪收得之昔驚榮不盖愧竊以自昔廣招賢之路若時開入仕之門衆俊朋來丞髦輻集略於始進罔拘流品之濁清考以終身徐待是非之堅定故上無甚重甚輕之弊而下無必貴必賤之人氣俗敦龐風聲醇厚高弗以此自滿卑弗以此自慚道降質衰辭繁用寡執筆操牘闕視承明之廬躡躡檐簷平步高明之地一升俊造之列卽爲騰躍之階指日而須若僕所負雖懷經濟啓雋類函卷三十八

之蘊墮在冗散之流抗顏議事爲病在刺口論文爲犯分仰望雲漢邈無津涯異意者方痛詆而力排知己者特熟視而竊歎彼此之勢旣激怨隙之萌遂形間生英豪大振頽靡鄧攸在晉不去王官而舉孝廉德裕仕唐恥與諸生而從鄉賦夫豈厭清華之選又非避博雅之名察其所存則亦有說蓋欲安常業於夸詡之際抑流風於奔競之餘示以不爭固將自反惟國朝發進士之舉肆紹聖立宏詞之科屈宋比肩淵塞接袂然觀抑揚之深意少知闔闢之微權柳崇儀素號儒宗晚紆武弁韓黃門奮由世祿嘗主文闈

俾於陟降之間莫見厚薄之迹凡名爲士當識此心如其者章句諛聞其衷衰緒信書帶固幾類魯人之臯涉世舒遲始同齊俗之緩安晡晚輒輒造詞場千里驅馳變星霜於郵傳連年膠擾付編簡於塵埃以椎魯僻陋之資加廢忘扞格之久應敵類夏侯之疏略序事多馬遷之繁無敢夢寐於未行矧覬覦於中壘顧淺繆如此其極猶且得之謂奇傑必出於斯亦以疎矣論科目之難尙至鄙賤而益明獨慙驚蹇之蹤上致權衡之誤此蓋伏遇某官典司文柄培養化源爲桶爲釜坐致群才之用采葑采菲每思下體之啓雋類函卷三十八

遺旁及屏愚亦容忝冒某謹當服膺古訓尙志前修書子張之紳力行篤敬鋤不疑之色深戒驕矜

代狀元及第謝相府啓

宋趙南塘

蓋玉質之旣粹則金聲之迺遐凡以言揚繇其教染故郡國舉茂異之等而鄉閭獻賢能之書多士以爲得人爲感允賴元良之匹聿來黎獻之共茲錫第於彤墀宜薦誠於青禁伏念某等材奚足算技亦無他徒知馴駘之愛君遂欲草茅而言事荷兩朝之率育丁三歲之比與輒妄試于有司不自量其無學見聞甚陋烏親朝廷之宜惴惴則忠庶盡臣子之義方懼

猥塵於宸覽豈期僉預於臚傳寵冒實多拜嘉敢後
雅崇經術敬接儒宗講就將於閒燕之清贊涵泳於
雍熙之洽振洊雷之隆響有焉皆飛揚少海之餘波
何鯤不化遂令尋品亦玷賢科某等謹當允蹈初言
篤持 晚節射天門之策得之若驚望甲觀之光
敢不重拜

謝及第啓

宋史天秩

程文秘禁上塵乙夜之觀唱第明庭幸預內科之選
寵光被體愧汗溢顏竊以士欲得志而澤民儒以席
珍而待聘所學者立已立人之事所明者治家治國
之經畏炊不繼而有贍足一切之心短褐不完而有

啓雋類函卷三十八

八

衣披萬物之願立廣居而泰定養衆體以曲全浩氣
塞乎兩間汪量極乎萬頃義之所在一介不以取人
寄若儻來萬鍾何加於我以禮動以義止不榮通不
愧窮守一性之宮庭斥小夫之禽犢簞瓢如在處卽
顏巷之貧版築可捐出應傳綬之夢此爲士者所以
行已而有國者於是歟才翩然遷谷之鶯振若充庭
之鷺謀王體而斷國是於以吐胸中之奇登金門而
上玉堂故能任天下之重歷古有作用儒爲先洪惟
治朝崇尚儒道備成禮樂煥有文章主上以經術造
士而人不讀非聖之書左右以儒雅飾吏而世皆知

啓雋類函卷三十八

九

王佐之學治具修舉人才作興處賢關者不厭龔鹽
游鄉校者競紆衿佩山東山西有將相之器水南水
北無釣耕之徒科詔一頒鄉書四集父子懷歆向之
學兄弟擅機雲之名揮袂如雲退毫似垓高飛魚躍
悉歸鼓舞之神車度馬閑盡入鞭馳之手試業以三
年之遠攷言於一日之長宜得絕倫博習之才以應
不席詳延之意如某者武皇遺種西蜀鯨生聞詩饋
鯉之庭受教啖猪之手襲青氈之舊物對黃卷之聖
人不辭一字之師謾習三冬之學兩登鄉舉旋試京
闈驅馳危棧之中踐履畏塗之上往復萬里猶嘗騰
之苦跂仰一第若登天之難抱負塵編棲遲故國釣
魚無計而信守不移畫虎未成而柳榆者衆間遇改
元之赦中宣免舉之文傷弓之羽已怯於虛弦獻璞
之趾又愁於再刖踟躕中路荏苒六期更開四壁之
琴書屢變一窓之螢雪秋侵潘鬢臨鑑生悲愁入庾
懷向風流悵賞音難必顧影自憐固嘗欲問舍求田
又不忍裂冠毀冕感桑榆之晚景想場屋之舊遊旣
叨耳叙之恩願吐自鳴之氣省額六百儒冠萬千偶
於沙汰之中亦在招延之內南宮奏籍北闕宣題策
以道化而求設施之宜質之象數而驗通貫之學仰

聖詢之微妙顧素業之空疎思苦言艱幾於閣筆夜
漁旦獵僅獲終篇方俊又宜在於旁招巧拙猥容於
雜進有如庸下亦備數中其敢不激昂圖惟稱塞有
吏才更世事愧非臨川老子之倫絕當世追古人敢
忘眉山端明之薦

謝及第啓

宋唐庚

射策楓宸已甘退黜第名桂籍尚獲采收叨被寵榮
惟知感槩切以文章君子之餘事忠義天下之大閑
方天子臨軒而策士豈徒求槁藻之華而諸儒充賦
以在庭蓋亦取切時之論欲考終身之節必觀簞仕
啓雋類函卷三十八

之初宜有譙言少裨睿聽如某者少不好學老方讀
書左右圖史者十年涉獵經傳者萬卷杜心寢寐實
性成癡雖古今成敗之原粗知其略而篆刻雕蟲之
學本非所長妄意棟金謾來市璞青天萬里堪嗟蜀
道之難白雪一聲難和郢中之曲笙竽與好水石難
投自知與世不諧幾欲拂衣而去因緣附驥僥倖化
鵬入瞻天日之光親奉絲綸之詔周詢要務與獲至
言顧爲學之荒疎愧然無補若與時而高下誠所不
爲姑盡節以惓惓寧抱關而碌碌夫何獻白亦預拾
青伏遇某官匠石群材鈞鎔衆竄與人而不求備嘉

善而矜不能苟有寸長未加尺退謂其辭雖鄙訥論
不將迎棄在邊庭必能褻尸於馬革置之言路必能
碎首於龍墀薄示甄收或堪器使其敢不冰霜志操
金石肝腸獄訟簿書豈容辭於今日功名事業將有
望於他年庶免小人之歸求爲國士之報

謝試中宏詞啓

宋方雲翼

楓宸射策舊聯邠桂之名蘭省奏篇復冒齊竽之列
叨榮過矣揣分歉然竊以取士雖本於辭章論人莫
先於器識臯朔以俳諧自詆悔不通經王楊以眩瞶
相矜類難致遠攻片言於紙上得大槩於胸中惟純
啓雋類函卷三十八

儒含潤色之英聲諸韶濩而正士蘊懷水之標句挾
風霜何詞旨之無瑕蓋淵源之有自施諸實用號曰
通才觀歷朝選任之規見今日揄揚之意法始稽於
紹聖建此一科事茲重於中興逮今五舉影華纓而
接武絜大筆以爭輝播告多方擅燕許絲綸之手形
容威德掩卿雲黼黻之工善序者辨其華記事者提
其要勒成功於砥柱草木聞風述畫像於凌煙丹青
動色陋跛僂之露布小虞人之官箴暢皇靈於諭蜀
之詞揭大義於出師之表試所長於一日責其效於
終身宜得異流以光前躅如某者凡資不韻憤學無

方究繁露於一經未識懷蛟之夢效甘泉於四賦終
慚吐鳳之材陪多士以造庭竊下科而試吏念希驥
之馬追十駕以何難而向晨之雞肯一鳴而遂已誓
殫綿力勉習殊科人共笑其材疎已獨憐其志拙焚
膏繼晷親細字於短檠安步當車拚悲歌於長鋏成
期未至卒業可營每虞類鶩之羞復起雕蟲之悔泛
桃花之新浪尚認前津指楊葉之舊穿敢圖後矢非
藉噓枯之素曷收貫札之功伏遇某官受天鉅才為
國隆棟主張儒道障百川而東之儀羽天朝見一鶚
之直上執經帷幄避寵樞機宸衷資借飭之謀士類
啓雋類函卷三十八

謝試中宏詞啓

宋呂敏若

戰當孰勝羞提大敵之戈予才有所長不負平生之
筆墨色與寵變汗逐魂飛切評古今之偉觀盡是乾
坤之英物瓊盃玉斚輝煌希世之榮觀陣馬風檣灑
落驚人之粹語峭心胸之山岳鏗咳唾之珠璣張膽
揚眉寫成和氣書牒點翰收入太平儻不爲楮紳望
封禪書是必作聖主得賢臣頌烜赫淮夷之雅鏗鉤

郊廟之歌此李唐開博士之途雖韓愈有中書之黜
獨當一面豈不成大丈夫連中八科真可謂奇男子
故紹聖右文之際使紛袍揭節而來風蕩而鳴虎角
而翼填胸學海震百川吞浪之聲破竹辭鋒森萬丈
倚天之劍多多益善凜凜大奇盡搜天下之奇才不
到孤生之名姓如某者羈酸牢落勃窣盤跚窺豹一
斑戰蝸兩角頑顏鈍頰有窮鄉冰雪之容濁胃枯腸
無春草池塘之夢綠蕪安在黃卷相憐漫變楊葉之
孤低躍桃花之浪謂薰醢文史者不可奪其志而沈
迷丹墨者異乎吾所聞三復斯言名教之中自有樂
啓雋類函卷三十八

三

一從作吏州縣之職徒勞人歸棲得助之江山再託
可親之燈火浩歎傷弓之鳥動輒驚弦其如葦食之
蟲未能忘苦比趨文陣強則俊遊麗鼠五技而窮鋤
刀一割而鈍雖臨邛之詞客欲飄飄然奈江左之參
軍但平平爾望不及此得之若驚伏遇某官有猷有
爲可愕可駭氣撼八極此必神仙中人心雄萬夫自
是風塵表物特挈互鄉之童子收爲吏部之門生某
敢不增益所不能敬修其可願輒馳窘步望毫釐尺
寸之功名誓覽塵編老三萬六千之日月

謝吳侍郎舉著述科啓

宋汪儀鳳

持囊簪筆薦揚匪輕弄翰操觚豈過許不由媒介
之請可謂特達之知嘗聞春秋交之公定于一字
游夏文學之取列在四科蓋簡厥修簡厥不修者激
勸之微機而觀所主觀所爲主者考覈之要法揆以
宗臣十科之建參諸家宰八柄之司雖索駿未必按
圖然存乎尚能愛禮況夫君還至重尤非疎淺所宜
必有本本原原殫洽之胸始擅表偉偉雄巨之手
傳作毛穎猶議類俳經續孔聲或譏失借顧惟庸妄
曷副品題伏念某出言無計刻志徒苦習場屋之破
碎安得風行之漣漪事筆硯之雕鏤頗識霜降之涯

啓雋類函卷三十八

十五

涖每歎漱芳無潤幾回結柳送窮間於飲墨之餘嘗
效抽黃之對自漸骭骭竊啣啾過蒙蒸菌以出芝
徒覺引蘿而附柏以端凝而旌其資稟以敏贍而勵
其詞章調八音于啞鐘粲八珍於隨簋若爲稱塞但
切凌兢此蓋恭遇某官秀孕于台望高乎斗論思符
勿龍燁引聽履之星師表尊嚴鶴禁導重離之日爲
善類立繩準爲人才開鑪鑄錘在拔茅遂叨采菲其
敢不激昂自力增益未能仰佩淑私顧文章之小技
脩殫誓報守節誼之大閑飯啻之沈鋪茶其槩

謝制置劉閣學舉十科啓

宋王格齋

聞師友之談公未嘗不在鉅鹿之下分科目而舉士
今乃獲入薦鶚之中貌是周年饗此遐福伏念某讀
書有限涉世全疎取友兩周每勤伐木之夢從師千
里恐孤斷臂之傳顧雖有意於爲文祇以自鳴其不
幸老冉冉其將至曾未有於微功芳菲非其彌章亦
何裨於世用莫知庸陋之藁品何自微聞於諸公捐
微官以乞之俾遐征而至此筋力盡於跋涉精神汨
於應酬少不如人况已寢忘其故步老而無述恐猶
未免於鄉人不圖一世之宗師忽假片言之華褒雖
撫心自歎若爲可稱於品題然藉手而歸亦可有辭

啓雋類函卷三十八

十五

於朋友茲蓋伏遇某官德尊一代望冠諸儒心休休
其有容不遺一介人猶循其善誘思竭兩端肆憐賤
跡之萍蓬曾侍故人之杖屨思元賓而不見遂收所
與之徒見子張而問交頗訂拒人之異肆加嗟拂以
慰羈窮某敢不激昂懦衷紬繹舊學雖仲尼春秋之
作游夏不能措詞然昌黎指教之傳籍湜焉敢叛去

謝座主中書舍人啓

宋李劉

五芒色正夙瞻柱史之纏一刺字漫始見舍人之樣
仰高山而景行感流水之知音由其願一識之未償
是以身十返而不悔竊惟去民就吏牛堪未始謝於

門負業歸家齊皞亦不非其上惟是筆硯荒涼之業
實受鑪錘特達之知說戰場文人還迷於五色讀刑
賞論公放出於一頭若探門生座主之常當辨國士
衆人之報伏念其學未至古年不後人少也好修強
記輒數千字長而無述覓舉凡二十年雖有道則耻
賤貧亦無心於圖富貴可堪親老又着儒冠而忍羞
靈試有司不願君門之徑入冒陳三策略吐寸衷自
知明主可爲忠言特恐貴人不喜生語頭顱自揣口
吻益悲卒猛吐其狂愚竟僥說于得失不謂暗中之
摸索遂蒙送上之吹噓既有詞意皆精妙之褒復加

啓雋類函卷三十八

十七

筆力可敬服之語喘竹筒以儕輩增紙價以京朝人
亦有言衣鉢恐成於故事我則無勇鼓旗空譟於後
塵既經品題敢自暴棄遺音不補十科任韓子之窮
名節苟全一第真魯山之溷身未可許人也猶欲與
後死之斯文子亦來見我乎政恐事先生之有罪伏
遇其官求士爲國事君以人言動必書今立二螭頭
而和墨汁榮進素定靈止四龍首之至黃扉竊聞滿
籠之參芝豈少一株之桃李然屬相國家之業自旁
招俊乂而基公求士甚士之求公會須連茹子絕長
非長者絕子自合負荆其一莊未荒萬間是庇向來

辦香之敬直爲南豐此去翹材之延願觀東閣

謝程內翰座主啓

宋鄭厚

滴露研朱尚作蠅頭之注磨煤書淡忽聯鼇首之名
雖弗利於好竿抑無虞於按劍蓋難莫難於遇主樂
莫樂於知音如是際逢若何報稱竊以馬圖出而文
字見蠹簡煩而科目興不謂上世開物之書反爲後
來干祿之具自世更三古人更三聖厄秦猶見於全
經奈師自一說學自一家涉漢交持於異議天開我
宋時生鉅儒自開基首訪於孔堂故命講爰先於義
畫探索贖隱鈞窮淵深義理會其精微辭章佳其奇
啓雋類函卷三十八

十七

法蓋有關於世教豈徒擅於文場況六陽御乾之時
正重明麗離之始不惟祖元德以保合又將觀人文
而化成雖當玄默思治之朝不廢選舉揚言之典必
務得文體之厚實斯克反古樸之胚臚苟非其人有
負此意如某者韋編未絕鐵硯欲穿旅食京華微誅
杜少陵辛酸之句足遍天下曾無太史公高邁之風
奇奇似怪非求人知落落難合不與時偶戶外之屨
雖滿甕中之塵自如兩掇月以得蟾復遇風而退鷁
有來問學得吾道以能東反欲移文訪故山之在北
已自甘於草芥豈望收於桑榆未嘗有一日之長何

以次群英之冠慊然懷媿得之若驚茲者伏遇某官
名重泰山脚踏實地潛虛太玄論造微妙於象數之
先皇極經世書得旨趣於筌蹄之外文章自爲一家
法道德卓爲諸儒宗風節回衆流而獨航議論爲四
方而立的當宁欲新於士檢詔公仍付於文衡宋奉
常再領省闈取王元之等皆知名士歐內翰兼知貢
籍降蘇子瞻亞疑是門生固知無明月之暗投自恐
乏陽春之寡和肆蒙采取倍切凌兢其敢不味坤爻
直內之辭酬泰道包荒之量上期不負於天子下將
無叛於師門改箕子爲芟茲寧冀專門之陋因周象
啓雋類函卷三十八

識典禮庶通治國之方一經品題末以銘刻

謝參詳周司業啓

宋鄭厚

誦先生進學之規願爲籍董聽吾榜得人之語媿在
盧前進以公衡榮幸華袞敢因展敬庸謹修辭切以
師道立而善人多教法備而英才出斯文非自爲之
高下君子誠默提其重輕胡安定之掌成均始識體
用之政歐陽公之司禮部痛排險怪之非風日清晏
而鳳凰和鳴雷霆震驚而狐鼠警伏唐文至正元而
三變漢化逮建元而一新道不虛行人爲宗主上規
姚姒之混混下摩韓柳之蒼蒼以乘百年興起之機

盡掃積習委靡之弊庶光首選無忝言揚如某者羣
編一書鐵檠三尺青衿受業或馳藉甚之聲皓首窮
經自起紛如之歎抱荆山之璞自儕於泣下彈空桑
之瑟不工於求齊魯無元譚奇所作以流行但有馮
宿見其文而歎息方將從鹿豕於天台泉石之下安
望化鵬鵬於霄漢風雲之間豈謂彩筆之吹生亦許
枯根之向暖過眼無五色之可取點頭有一字以爲
褒未知性學而蒙理致之稱素乏風骨而辱雄健之
予胡忝師誨以爲已榮茲蓋伏遇某官心學精微性
資衝粹以舊遊之冠蓋逢於樂之鼓鐘沃之周情孔

啓雋類函卷三十八

十九

思之文盡露騰馥賡以文王虞氏之操默動真機道
足以爲諸儒宗言足爲當世則轉移三光五嶽之氣
剖斷諸子百家之偏欽以鑄顏喟然予點繩墨既定
楹桷兼收致使瓠虛亦能穎出某老當益壯凜然不
彫耻爲溫飽之圖勉竭忠孝之節經品題作佳士監
居舉子之先懷仁義事吾君願罄平生之學以茲銘
德罔既銘辭

及第謝座主啓

宋人

射策楓宸已甘退黜第名桂籍尚獲采收叨被寵榮
惟知感慙竊以國之休戚不係於文章士之進退莫

先於忠義方天子臨軒而策士豈徒求摘藻之華而諸儒充賦以在庭蓋亦取切時之論欲考終身之節必觀莖仕之初宜有謙言少裨睿聽如某者少不好學老方讀書雖古今成敗之原粗知其略而篆刻雕蟲之學本非所長入瞻天日之光親奉絲綸之詔周詢要務冀獲至言願爲學之荒疎愧乎無補若與時而高下誠所不爲姑盡節以惓惓盡抱關而碌碌夫何獻白亦預拾青此蓋伏遇某官匠石群材鈞鑠衆竄與而不求備嘉善而矜不能苟有寸長未知尺退謂其辭雖鄙訥論不將迎棄在邊庭必能裹尸於馬

啓雋類函卷三十八

十一

革置之言路必能碎首於龍墀薄示甄收或堪器使敢不冰霜志操金石肝腸獄訟簿書豈辭勞於今日功名事業將有望於他年庶免小人之歸永爲國士之報

及第謝座主啓

宋陳同父

光靈遽被愧幸特深竊以聖神臨御之初實惟祖宗熙洽之後戈兵收偃經藝著明風俗莫榮於爲儒材能咸耻乎未仕園冠方屢求自試者幾千萬馬血指汗顏獲見收者纔四百耳旣甚嚴其程度宜盡得於豪英如某者淮海孤生衣冠末系志在流水當辱子

期之知因於鹽車頗爲伯樂之顧徒以爲養而求仕故雖被黜以忘慙懲於棄者吹蓬自知其妄不量鑒而正衲人指爲狂豈意方田而逢年亦稱長袖而善舞大羹焉用以貴本而不遺昌歆甚微緣嗜偏而見取方賢書之上獻俄吏議之旁連竊鈇致疑事非在我解駮見贖世鮮其人尚賴平反卒蒙昭雪折劍旣以重鑄死灰因而復燃究其倚伏之難常益信窮通之有定屬皇明之繼照推睿澤以橫流特免試言徑躋仕版技能莫効初如不戰而屈人名宦亟成更類無功而受祿退而省察殆有寅緣此蓋伏遇某官誘

啓雋類函卷三十八

十一

進人材主張士類離奇蟠木素爲左右之先璫璆餘光復自比鄰之借致茲寒陋亦預採收敢不慎操修之方明出處之致庶期末路獲報明恩過此以還未知所措

及第謝座主啓

宋張耒代

困瑕疵於指玉獻已過三收奔敗以誓師戰猶惜一僅能無辱豈足言勞伏念某受才枵疎趨世迂闊拙無它技幼刻意於藝文家有遺風世知名於科級童子習雕蟲之技已屢試於鄉邦專門尚經術之科嘗再遊於禮部一行作吏終日坐曹几研已積於埃塵

詩書錯陳於朱墨人耳人耳頗羞請鑄之金時哉時哉思樂無求之維屬大明之統繼仰衆正之來同耻窮有道之邦願列思皇之士隨茲錄錄僅乃有成半世遑遑所得如此惟其無似已合知榮茲蓋伏遇某宮左右太平設張治具收才能於無間本選舉於至公刈楚旁及於艾蕭涪川下通於溝澮羞愧平津之策絕意上游庶幾毛遂之奇收功下客

謝葉校書中宏博科啓

宋周必大

科目宏開適在彌文之旦雋髦並進猥收極陋之姿惟名實之未孚宜兢慚之併集伏念某少知勵業長啓雋類函

卷三十八

三十二

昧通方意甚廣而才疎力雖多而效寡今竊世擢漢庭之第而百年傳韋氏之經竊末第以承家省微躬而知幸搏扶搖而上九萬里望絕飛騰舉筦庫之士七十家誰爲推較旋值融風之阨莫施嘆雨之功馳驅駕駕之追淬礪鉛刀之割畫不成而類狗幾貽下執事之羞墨誤點而爲蠅實賴良有司之鑒茲蓋伏遇某官名冠文章之錄望隆德行之科杖對青藜姑校文於東觀增翻紅藥竚演誥於西臺親承黃屋之知參預文闡之柄去取莫逃於絕識是非舉合於與言夫何未至之暇亦免冰歸之憂某敢不愈勤聚斲

小補荒蕪牧羊不廢於讀書奚恤亡羊之患得馬靡矜於爲福更思失馬之時

謝秋賦試官啓

以下

宋蘇軾

聖人設文章之教本以御民君子在野田之間亦學爲政故知禮樂者可與言化通春秋者長於治人蓋三代之所常行於六經可以備見事爲之制曲爲之防使學者皆能明其心則天下可以運諸掌降及近世析爲二塗凡王政皆出於刑書故儒術不通於吏事惟其所以治民者固不本於學而其所以爲學者亦無施於民遊庠校者忘朝廷讀法律者捐詩賦場

啓雋類函

卷三十八

三十三

屋後進挾聲技以相夸王公大人顧雕蟲而自笑舊學無用古風遂忘終始之意曾不相洽貴賤之間亦因遂濶下之士有學古之志而無學古之功上之人有用儒之名而無用儒之實顧茲煥獎常竊憫嗟苟非當世之大賢孰拯先王之墜典伏惟某官才出閭世志存生民曩在布衣能通天下之務旋居要職又爲儒者之宗明習政事而皆有本原守持經術而不爲迂濶世之系望上所深知輒自朝聯付之文柄命題甚易而不肖者無所兼容用法至寬而犯令者未嘗苟免觀其發問於策足以盡人之材欲聞先聖之

心考其詩義深悲古學之廢訊以歷書條任子之便
宜訪成均之故事不泥於古不牽於今非有奇碎難
知之文將觀焉落不羈之士使天下知文章誠可以
制治知聲律不足以入官失之者固因而自新得之
者不至於相舊平昔所歎於今遂忘其才無他長學
以自守為文病拙不能當世俗之心奏籍有名大懼
辱賢人之舉翻然如界之羽翼追逸翮以並遊沛然
如假之舟航臨長川而獲濟偶緣大庇粗遂一名方
將區區於簿書米鹽之間碌碌於塵埃蕪楚之地雖
識恩之所自顧力報之末由感懼之懷不知所措

啓雋類函

卷三十八

三十四

代謝解啓

宋周必大

上踐阼之七年正切新田之采詔求賢於三載豈徒
舊貫之仍惟江右之多才而廬陵為稱首既有司勞
於考閱故不肖得以叨塵雖曰幸焉亦云愧矣竊惟
科舉非以待英傑而名卿以為仕進之階試程豈所
為文章而前輩或觀公輔之器自西漢以來未能易
此雖仲舒之學亦必由之逮本朝博問以旁詢歷諸
老深思而熟講雖規模歲月間有更革而經術詞章
要無等差上以是求下以是應故糊名圖棘非禮也
而不敢以為薄裹飯擔簠非高也而不敢以為嫌惟

其舉出於公心是亦何傷於直道譬之索馬市駿骨

則千里之足來如彼披沙得金鑛則百鍊之精在倘

由此聖賢之相遇則自然世道之交興如必厚必大

之非才豈斯文之敢議徒以少失先人之緒訓莫承

奕葉之清芬僅嘗屈首以受書終愧強心而為智雕

鳳自笑況在它人畫虎不成果為何物雖已無心於

利祿顧慚有道之賤貧方旅進於八十人之中僅逃

曳白俄同升於七十子之內大類奪朱既非出於素

期宜甚慙於公論此蓋伏遇某官心潛聖哲名震華

戎以孤忠亮節儀禁塗以崇論宏旨侍宸座云

啓雋類函

卷三十八

三十五

發漕解謝游寺丞啓

宋說漕科其事
見此篇竊謂下

宋鄧林

覓舉救絞拂拭曾經於象管較文漕棘吹噓偶玷於
鵷書茲鄧仲華之得效寸名皆游伯始之不為曲筆
足未登於畫戟身已在於洪鈞竊謂漕舉以收鄉曲
之遺才登仕以待門館之佳士故祖宗官之為宰相
之客在乾淳階此得名儒者流自我皇大開進取之
門而吾黨競借功名之徑雖富民居多以貴而入然
貧士亦或假詔以鳴三年大比之興賢數路得人之
為感如某者學徒泥古好每悖今幼看諸父之擢科

芥如拾地長試有司而求舉梯若登天亦嘗反觀其
失意之文未始大矣於中程之作時未來而姑順定
有知高山流水之音志愈益堅終不改上林甘
泉之技獲落半生之憂字情歐萬里之東書俗人笑
其享獎第之千金識者知其懷連城之雙璧脫迹東
華之軟士犯身南粵之瘴雲梅花雪片之冬深偶逢
青眼桂子天香之秋老其奈白身盡傾十餘歲之筆
料以取三尺綾之試具艱難圖此庶幾解額之稍寬
僥覲得之聊奉慈顏之一笑既得護身符而旅試必
須大手筆之標題適方依仁道院之州遂獲問字籤

啓雋類函卷三十八

二十六

房之舍幸造物諒其窮之久俾假塗繇此選而升餘
甘齒頰之同已輸崖蜜高飛羽翮之舉莫禦海瀉茲
蓋伏遇某官盛世故家清門偉望一麾作守樵川星
渚之去思再轉為丞農扈夏卿之分替未厭竹符之
界而為芝瑞之來遂令客寓之蹤亦拜主盟之力其
敢不益勵鈍足隨試別頭集英斜日之丹墀倘叨賜
對高安朝天之舊路願看歸班感激維深敷宣罔既
發漕舉謝游寺丞啓

宋簡應和

摸索暗中幸與西江之進士吹噓送上敢忘北道之
主人由大鈞搭物無垠而數路得人為感謹裁四六

祇謝萬分切惟聖朝所以開公選之途士子所以應
奉試之舉公卿大夫多由是出寒畯下士宜向此求
然鄉郡之額每甚狹而難升雖豪傑之士有不能以
自見不失荆山之璞則遺滄海之珠幸九天寬雨露
之恩而平地有雲霄之步學優登仕千取百不為不
多名玷薦賢十其數惟精惟一非謂藉龔黃之多貲
而紓國計正欲得乾淳之名士以應時需上方以是
而招徠下亦由之而進取如應和者頗自卓然每欲
以古心而讀古書不肯為時文以媚時好夜燈對簡
方寸聖賢晚鏡覽顏少年勲業念綾紙敕文偶倖以

啓雋類函卷三十八

二十七

探籌而得則黃鐘大呂或可維濫竽之吹方酣蟻戰
於棘闌果薦鸚書於菊榜况三兄三舉既發軔於巴
西之科一漕一鄉復聯芳於壬子之歲鴈序等秋風
之賜馬頭同雪絮之春初匪偶然有自來矣某官受
天間氣為世真儒身考亭夫子之鄉家定夫先生之
學早榮階於計吏即晉陟於華津幙泛蓮紅密勿簪
惟之遂橐持荷紫雍容府寺之班盍徑位於公槐尚
屈分於符竹士揖澗堂之潤人知道院之文化未及
暮政已成頌乃當紫詔興賢之際而降黃堂勸駕之
忱遂令溝中之棄才亦收爨下之焦尾某敢不着鞭

逸駕礪鐸新硯精八吟义手之文厲三日別頭之戰
姓名題鴈塔魁標映堂吏之書兄弟躡龍津同榜皆
狀元之選

代汪表姪謝解啓

宋方岳

聖天子新端平之政飭士習者丹三卿大夫登賢能
之書推禮經於第一凜有盧前之愧喜無牛後之嘲
何德堪之爲倖多矣試嘗謂士生堯舜之世誰不欲
身致晁董之科矧惟琴瑟之更張豈復笙芋之雜襲
風飛雷厲漢北十行地開天開唐文一變迺酌計偕
之額丰回儒學之心隄然而來卓乎其傑猶共逐中

卷三十八

三十八

原之鹿人人自謂得之至獨爲前列之龜區區祗有
慙耳顧如某者僅若而人結髮從諸公遊切攻太平
之典束書有四方志願爲君子之儒雖極知文舉之
才疎未易詆洛陽之年少一燈夜雪兩戰秋風思昔
故家起魚龍而洗日繁我季父有鵬鶚之在天家乎
相業之無傳幸而書種之不絕賈子餘勇與衆先登
孰云揚秕之前或嘆穿楊之巧邑有故事人多誦言
謂疇昔當甲午之元嘗魁北斗以春秋無已亥之誤
過冠南宮意其氣數之循環俾此功名之破的茲蓋
恭遇蜀文公之教化今韓愈之聲光扶雲漢分天章

涵浸詩書之澤呈琅玕叫閭闔薰染翰墨之香言觀
才屈宋而道義黃將使家臯夔而人稷契玉我文明
之治將然熙洽之朝有喜燕凝不知齷齪迄致遼東
之獻亦空冀北之群某敢不連茅拔之征乘破竹之
勢鳥之驚累百數而不如鶚已先雌伏之卑鯢之大
幾千里而化爲鵬過借雄風之便丹衷所屬赤牘奚
彈

代趙丞謝解啓

宋方岳

哦竹笑丞哉之負幾羞溢於父書踏槐隨舉子之忙
或抑榆其兒戲敢意鵠頭之選偶分麟趾之暉竊伏
啓雋類函卷三十八

三十九

思惟適有僥倖昔我皇祖篤叙宗盟迺賡箕裘易染
膏粱之習俾同韋布自取翰墨之功此豈直角無用
之文亦因以觀平生之蘊如曰志於得耳則吾夫何
嫌哉蓋場屋所以假塗寧忝有唐之科目謂辭章特
其餘事况復神堯之子孫凡我銀潢無忘鐵硯如某
者襟靈不韻骨相最凡雨寒幾落於簷花所未傳者
家學衫老半枯於荷葉亦多鄙其世恩澤祖笏以未
甘彈儒冠而良苦雖枝止雕蟲之巧然功慙畫虎之
難意者丹成而九返其魂胡爲璞獻而三刖其足場
屋恍驚於昨夢詔書又逼於秋風戰豈屢北耶雲案

之燈故在吾亦欲東耳雲衢之興甚高勇於請行幸而得雋此蓋恭遇金玉右文之化丹青左戚之儒德裕不喜決科肯為詭論王結欲除任子深厭庸流迺從吏於棘園監吹噓於竿奏其敢不挈菟舊葉就緒初心擊水而搏扶搖如借鵬程之翼排雲而叫閭闔敢嬰驪頤之鱗

發辭謝座主啓

宋羅公壽

祖孫三世俱橫牛角之經父子十年兩占龍頭之選榮則過甚得之甚難伏念其最爾弱齡謗焉末學狀嬰孩而談性命覩顏涑水之言事科舉而背聖賢刻

啓雋類函卷三十八

三十

意象山之戒離微資稟敢廢工夫自十五六歲來已深慕聖人之學生十有九年矣亦頗能奇氣之文懼世業之未昌輒苦心而自勵侍慈親於精舍躋聖之真從季父於黌宮窮經之興但求以學古人而行古道敢便謂工時文而要時官漫浪詞場之游薄言觀者僥倖賢書之獻非曰能之敢圖小生新學之無庸乃誤執事大人之見賞洛陽年少之賈誼姓名雖薦於吳公大名學子之張軍文行蓋先於冠準乃積新之居上若楊桃之在前顧揣分以奚堪祇為親而自喜椿一株之未老桂已重芳梨百果之所宗祖何敢

比歲令方更於十暑魁驪竟萃於一門庭砌有羣聖間共慶先生驚嘆而避路謂有此郎小子談笑而覓封端在茲舉詎無僥倖耳央有遭逢茲蓋恭遇某官昭代儒真清時魁傑河壺派泳聿為程氏之光泰北聲名誰似韓公之威凜凜廊之器洋洋雅頌之音自凌厲於宮華即蜚騰於英茂民庸甚偉賸遺愛於甘棠朝蹟尤高早陞班於玉筍合從碧落徑啓黃扉乃分錦水之符來續涪翁之賦慈祥一意政化雙行護善類如護璧圭愛人材如愛桐梓主盟吾道增重斯文振揚舉子之精神扶植倫魁之氣數遂令晚宋亦

啓雋類函卷三十八

三十一

代族弟謝鄉舉啓

宋方雲翼

家庭課學不殊同隊之魚鄉里掄材遂與嘉賓之鹿駭所罕見得之若驚切惟自有三載之科程老盡四方之豪傑升沉一誘之命得失似制乎天故觀前輩遠大之功名率皆早歲奮飛於場屋七歲神童者賈丞相十八歲狀頭者汪端明卓乎偉哉噫其鮮矣伏念原夫初學吾小生蘭茁其芽人頗憐其秀華

荀根雖稚衆皆意其抽萌蓋自大父闢家塾以教兒孫伯祖有園池以接賓友三世推爲善人長者一里稱以聞家鉅宗嚴君兩預於薦書群從聯登於監學乃如孺子亦有家風眼看舉子之路槐興動少年之折桂立萬蟻之障畧無怖容捧一鶚之書未是差事靖言僥冒誰實作成茲蓋伏遇其官西州儒宗廣延魁彥士曰時哉遇司馬誰無願休之心誰其主之有歐陽足想育材之樂懇懇焚香之拜溫溫勸駕之言方計吏之與偕至小子而有造其敢不志其遠者學以成之曲江題名敢遽動心於榮進互鄉絜已方將

啓雋類函

卷三十八

三十二

聽命於樞趨不知所裁非以爲謝

得解謝權郡陳通判座主啓 宋文天祥

是邦大夫賢者聿新道藝之賓興吾黨小子斐然得遇功名之主宰僧彌出法護之右越石居楚金之先人羨二難已叢百媿竊惟奎開我宋箕壽斯文堯叟以壯歲掣魁堯咨爲之接武子由以弱冠登第子瞻至於聯芳孫何齊孫僅之名宋祁遜宋郊之榜韓家開閣吳氏簪纓皆一時兄弟之傑然乃我朝科目之盛者甲於江右未若廬陵名耀帖金以一門而五董筆香瓊墨不十歲而七劉或踵接於童科或肩摩於

胄監輝煌簡冊雜還衣冠至今文水仁山猶想流風遺俗雖巫步亦期似禹然賜賢何敢望同如某者校等飛龍才長縮蜥故家喬木借祇歸舊峽之陰宦錄雲萍分白鷺餘波之潤勘皇祐榜帖久寒石室青瑣閱癸丑狀頭曾入本心墨譜恐負前人之弓冶勉爲今日之箕裘有嚴君焉唾棄萬年之諛味難爲弟者誓齊兩到之英聲故唯諾怡愉之間皆切磋琢磨之地晨窓花露滴乾硯眼之鵠夜帳木油剔盡按頭之蠹以孝弟忠信爲實地以功名富貴爲飄風非六六餘子之儔有飄飄凌雲之氣自染指時文之鼎卽梯

啓雋類函

卷三十八

三十三

身季考之階愈出愈奇頗類黃絹外孫之藎曰屢選屢中幾成翰林學士之葫蘆遂令伯氏吹填仲氏吹篴過辱庖人繼肉廩人繼粟方嗟離伏未遂雄飛適槐栗之採黃偕棣華而拈采擲番骰子同拏喝六之籌響起弓弦共上中紅之梁天開雙眼地放一頭渴睡漢平白解嘲柳榆鬼分明束手二旬賜第皆以沈內翰相期十八奏名僉謂劉學士可繼使小子自此升矣皆先生進而教之茲蓋恭遇某官秀孕天台英蜚帝學萬乘器可擎唐柱五色線要補舜裳器古疊於盆盎之中韻黃鍾於雜優之地一從分刺名雖沂

郡之王祥兩屆護謄實則穎川之黃霸斯民廣廈吾道泰山螺川醉多旨之春風燕寢樂近民之暇日政安赤子解弄挺之亂繩兵撫清人敢懷釵之橫藥雖借我二天之有幸恐尹京五日以趣還茲以題輿委之勸駕至若豆箕之巧質亦該花帖之榮恩是宜拂楮雪以牋誠候屏星而布謝誓當鞭策不負榆楊諒大賢何所不容知孺子尚或可教晉公得一十二俊才士不無汗楮前修古靈薦三十餘人尚冀牙緋後進

縣補魁中謝縣令啓 春秋 宋李 劉

啓雋類函 卷三十八

三十四

聖經賢傳旨未究於數千遂序黨庠首辱推於第一其細已甚不足乎楊然累土乃九層之階故積律自一黍而起况是萬家之縣利用百篇之書由鄉校以發聲榮仕途之接武至如直筆見謂孤經前輩罕用此以下帷後學遂束之於高閣豈知數百世盛衰之監且在萬八千褒貶之言孫弘慙而謝鄉人丈夫淺矣仲舒褒然為舉首吾道非耶甲志無奇丁年逾邁無端讀書已墮左計登高能賦更負悔心手縱敏於八父眼易迷於五色造化無功於筆補瑕玼皆得而毛吹用是息黥倦於取削憲書叢只麟史在焉遂因

白日之閑竊考素王之旨筆則筆削則削頗知齊魯正譎之情信傳信疑傳疑仍見公穀婉裁之趣亦創通於大義豈盡達於微言長恐畫虎而不成必至屠龍之無用自為鑄錯孰與訂頑屬聞君子之絃歌將興春誦咸謂有司之衡鑑莫遯秋毫聊爾逢場豈其定霸萋菲貝錦果聞其後播揚糠粃不意在前謂我不堪於公何有伏遇某官以魯禽父作楚縣公妙割無雞牛民自得於析楊之外空弦落狐兔士亦慙於櫟楚之威有懷桑椹之好音還舉棘闌之故事且從隗始以善鄭來其敢徂近功遂忘遠業玉川破屋而

啓雋類函 卷三十八

三十五

已矣蓋益抱於遺經武城得人焉耳乎請僭陳於故事西府先生之在吾洋賸有菁莪東閣郎君之稱其家可無桃李胡不招諸生而立館下從而養弟子以教國中盡拔十得五之功必有濟以上酬以一當千之夢盜謂秦無人

謝座主宗縣尉啓

宋李 劉

薦書下士微君子之異知奏記中涓缺門生之庸敬抑馬周實淹於逆旅非牛堪敢傲於有司未知負荆遐不削牘恭惟其官眼高四海筆落九天緒十二經尤有取太平之典對三千字謂當冠秀士之群馬小

殿於及門釐固安於戴石孜孜甘旨屈爲孟東野之窮懇懇忠精方抱梅南昌之節淒其風木越在塊苦諒朝祥之琴成聲則暮召之蓋相望其頃偕鄉計嘗累公知由庶士而登司徒不知恩者非人也去民畝而就吏錄豈進謝則爲私乎顧迷京洛之塵實隔蓬萊之水故者無失爲故乃不知儼然衰絰之中誅之不可勝誅自當卽麾諸門墻之外顧勤一介先枉雙魚旣倒植之可慙復暗投而失報青衫短笏漸從矮屋以著身紫磨真金尚負洪鑪之定價然已長伯樂之廐敢遂荒陸氏之莊其無以報恩期於強學其行啓雋類函卷三十八

三十六

已若有愧於道何以文爲雖無報而不辱其門請從今始

登第後謝舅汪公啓

宋王炎

纔知丁字詎能起于儒家濫玷乙科實借輝于母黨未及造門而謝遽屢飛翰之頒靜言思之得罪多矣重念某天資陋甚生計蕭然無負郭五十畝之收烏能糊口雖挿架三萬軸之富何足謀身自傷偃蹇之蹤敢有飛鳴之望偶緣天幸獲廁時髦茲蓋伏遇母舅學探根源識精藻鑑謂生子必過其父固誤深知然非舅安有此甥亦由餘庇炎敢不銘心自勵銜德

無忘題進士科名已躋僥榮於此日成外家宅相敢期振跡于他時過此以還未知攸措

發舉謝鄉帥啓

宋孫應時代

上公作牧亦躬勸駕之勞時士應書僅齒登名之末羗衆儒之所笑抑有司之至明矧惟巖石之素瞻而使宮牆之自託是爲微倖敢不知榮嘗攷周家致太平之端深識先王命鄉老之意夫貴爲師保本非一職之可名而分總郊圻使董三年之大比出偕群吏而舉賓興之禮入見天子而獻賢能之書蓋道隆德駿旣足以使人才之向風事重禮尊尤所以示朝廷啓雋類函卷三十八

三十七

之敬邈中古之旣降喟此道之莫追郡之選舉幾於具文主者好惡或其私意禰鸛抱卑飛之歎齊竽多濫吹之譏孰如今茲適有幸會屈衮衣繡裳之重爲國求才使華門圭竇之人逢時自奮仰大公之在上知小善之必收如某者生長窮鄉抱持樸學雖少而有志初非富貴溫飽之謀而壯且益貧實有父兄門戶之責三年之鳴未振再鼓之氣不衰忽驚鉛槧之生光不作陶鈞之棄物顧雕蟲篆刻之技亦何足言然攀鱗附翼之途或由茲始蓋伏遇某官三朝公輔一代宗師衣鉢文章五世襲爲儒之貴鼎彝事業九

重深求助之思方虛左以迎歸豈居東之淹久興懷
場屋之際垂意權衡之間曾是妄庸及於甄錄其敢
不益加砥礪仰稱作成與計吏偕雖曰肩衆人之下
見大敵勇或能策第一勲

謝鄉舉啓

宋劉宰代姪

秋闈獻賦慙無擲地之聲天府登名猥玷鑄金之列
矧先鶚表更屬鴈行榮萃一門感深六府切以法制
雖曰由舊人心貴在作新自文體變於歐蘇以來里
選詳於熙豐而後人物之盛古昔所無習久而訛或
者折言而破律事久而玩居然廢法而徇情其在於
啓雋類函卷三十八

今深懲厥弊屬當大比申飭攸司擇雄深雅健之文
以爲標準選公正聰明之士以肅紀綱既伐柯之則
在前而亂苗之莠已去冒濫者削迹浮靡者華心宜
得實能以副公選如某者雕蟲是習刻鵠未成生理
索然僅歎短檠之在親年老矣豈忘三釜之營結髮
雞窓剗心蠹簡固嘗終夜不寐蓋亦靡日不思時當
天日之清明令若雷風之鼓舞相連茅茹有韡棣華
三人行雖悵一人之失前車之覆亦幸後車之收
敢云難爲弟難爲兄共喜升於鄉升於學重愧填簞
之末至乃參律呂之前陳茲蓋伏遇某官霽月英姿

陽春淑氣文采中郎之嗣風流伯始之家歛縣飛鳧
已喜雲霄之近治中展驥俯從風月之分適周鄉老
之獻書佐漢郡之勸駕以致么麼亦預甄收其敢
不仰體誤知益堅素履擢禮闈之桂儻少慰於雙親
看長安之花肯但同於餘子過此以往未知所裁

謝解啓

宋曾鞏

伏覩解文首蒙舉選伏念鞏才非卓越識匪該通素
志慕乎古人故時情之所背虛名聞於當世故衆忌
之所排患難艱危流離頓挫孰有至孤之迹敢萌希
進之心顧生理之難周迫私衷之可念舉而干祿誠
啓雋類函卷三十八

匪素懷仕以爲貧竊將自比是以聞詔之出負笈以
來豈意片文首塵高選以至天倫之薄陋于黨之空
疎皆自單平業收齒退惟會合亦有端原此蓋伏遇
某官崇獎士倫助成世教以虹蜺之光而被飾以律
呂之氣而吹噓致此屯窮階於振發敢不勉增素學
益勵前修庶全必勝之名以答至公之賜

謝座主葉給諫啓

明許實

絲綸命重斗牛之寶劍增輝岱岳名高斧鉞之輜軒
並茂佐德驚薰於玉翰臣時疊秀於瑤臺張泰來之
運也開衆正之途焉枯朽成藉吹噓駕駘盡成剪拂
恩同怙恃感並生成恭惟某官吳會鍾英漢廷繼美
澄德水于千年照文星于萬里宏詞俊乂名耀中臺
公議正言威孚西掖載韻則金聲片片摘藻而玉屑
霏霏素蘭階包羅協天人之望持衡棘院校讐懸
日月之明某柴桑弱羽蠹勺纖鱗觸雲漢以翩躚濯
波濤而悠逝才無張冠謬登程殿學之門識匪蘇王
啓雋類函卷三十八

代謝座主包給諫啓

明管志道

化雨無私桃李歸恩於春色扳龍有地鯢鵬借翼於
秋風感物類之如斯頌仁聲而曷旣恭惟某官天朝
名閣宇內雄才家寶琳瑯傳寫幾爲之紙貴士宗山
斗品題或重乎衡平魯直抱忠閭山借耀孝肅政先
於列辟文忠鑑徹于秋闈校文若劉更生青藜俯照

得士如歐陽子紅勒無偏顧空冀北之群灼盡水中
之怪如乃某者曷足稱哉騰蛟無力叨承黃絹之題
夢驚何因乃冠青錢之選坐使魁三應象從容而步
層霄何異巽二生風扶搖以搏萬里恐煩厨傳未候
興居北望門牆短札敬傳乎鴈信遠看雲靄夢魂頻
到乎雄堂天一方今懷人斗牛虛近情千種而圖報
蛇雀心懸謹獻溪毛仰祈海納

謝元座師啓

代郭鮮元

明陳宏已

洪鈞鑄物能祥躍冶之金大塊植材不擇曲輅之木
人顧仁於天地士遂振乎雲泥造就恩深瞻依情切
啓雋類函卷三十八

恭惟師臺西河正派東海名流孕秀齊青色奪秦松
漢柏探奇梁父腹窮玉管瑤函冠登朝詘終軍問左
華顛變業陋伏勝里中風颯乎大國之風詩稱齊魯
藉藉然小民之頌被江淮道可作人重令海濱不
變文堪傳世壽與岱嶽同宗望疋練於吳門光知是
馬求雙鈎於劍水質恐非龍鑒誠有夫人倫薦獨多
於士籍元濟南人兩爲江
淮郡理來典閩試某等材慚箭選技辱弓招
五色詞呈免遇李程之迷日十年賦就得逢揚意以
凌雲櫪下驚駘價頓增於一顧籠中烏菟品偶備乎
兼收列名愧居王前致士笑從隗始茹連茅拔喜甚

彙征蕭並艾榮耻同競進少陸贊之知貢舉不得門
生薄却說之擢左丞便糾至主推雄相泣敢期拂拭
以酬恩牝壯都忘誰識馳驅能報主方寸尚存熱腔
之血七尺皆為知己之身茲辰敬布所懷異日忍負
所舉

啓雋類函

卷三十八

四二終

啓雋近體卷三十九

類函五十一

東吳俞安期奏長彙編

上饒王嗣經曰常同輯

建武羅振世結璘訂定

春官部六貢舉三

賀及第人鄉舉附

賀鄭狀元啓

宋真德秀

臚傳玉陛名冠璇魁自慶元屢策大廷孰若今日四
門之闢雖長樂每多首登未聞同時三俊之登輒論
獲伸鵬行相慶恭惟某官正學傳心本洙泗之舊妙
齡發聞有楊晏之風適九重側席以思賢乃千里彈
啓雋類函卷三十九

冠而應詔歷陳偉論深究大原謂治亂安危之勢不
常要致察于圖回之始而便嬖昵近之私易惑當預
防于未兆之先惓惓殫憂國之忠鑒鑒抱適時之用
昌言天下之事無諱有司親結人主之知哀為舉首
夫既擅儒林之榮觀政湏踵前輩之高風昔呂文穆
之事熙陵若王沂公之相仁廟科名岌業既獨步于
一時功業光明復可傳于萬世伊誰儼美允屬當仁
身到黃扉自是榮塗之素定名標青史要觀威烈于
無窮其學本空疎識非超卓群多士而試以藝選掄
雖預于司存取一人焉拔其尤裁擇端由于上意第

深斷望之念莫既敷陳之衷

賀孫榜眼啓

宋真德秀

璧水蜚英夙高士望玉階上對果亞倫魁新六館之榮觀壯七閩之盛事恭惟某官清標絕俗勁氣橫秋學探精微期造聖人之奧而身居窮約常懷天下之心飭躬允蹈于規繩抗志弗渝于金石比承清問獨罄丹衷鋪陳主德隆替之由力辨國論是非之正雖明白峭直不爲媚俗之言而渾厚深醇自得告君之體衆共稱于卓偉公特出于緒餘夫既都儒者之至榮要必慕古人之盛節昔仁皇帝旁搜于多士若韓啓雋類函卷三十九

魏公擢選在二人顧科第之相同不知其幾而勲名之有爛獨到于今願恢他日之遠圖罔俾前修之專美其濫陪較藝欽誦奏篇以直言取人蓋當宁留心之方切得名士報國在有司何力之足云直諒素辱于心期規箴敢忘于古誼

賀馬探花啓

宋真德秀

錫第彤墀陞華鼎甲馬名千里軒昂御榻之前鼇戴三山縹緲僊蓬之上輔畿得雋士族稱榮恭惟某官筆鼓風雷胸吞雲夢居鄉必擇宛然一鶚之清風得姓最華籍甚雄虹之嘉頌日未東而薦書屢上冀以

北而聲價推高乃于再駕以成功坐使群英之禮氣屬宮初政尤重臨軒帝王輔治之書方垂咨問聖賢實理之用獨善敷陳發西洛之正傳繹考亭之大義識微見遠憂治危明僉謂劉蕡空臆之言出于董子潛心之業龍津一躍三十喜骨骼之成鵬程高鶩九萬搏扶搖而上翼日報泥金之帖雙親傾藥玉之杯一經教子以有功群兒視身而願學探花姓字已開浮石之嘉祥汗竹功名更看伏波之大節某竦觀偉對深嘆忠言當年之射鵰頭笑我班隨于龍尾一舉而登虎榜期公身到于鳳池

啓雋類函卷三十九

賀第三人及第啓

宋吳叔玉

賜第宸廷聯名鼎甲傳玉音而申論藹桂籍以生光恭惟某官經史淹該文辭瞻尉卓爾功名之志見于議論之英以賢爲郎欲獻相如之賦隨計詣關果蒙漢武之知殊科收摘領之功絕技有中眉之恨左傳志在日而高名始唱實居季孟之間故事攸拘遂處王楊之後昭聲華于白日開途轍于青雲某頃預攸司獲觀大對拔象犀之寶本自因人標龍虎之稱徒欣得士

賀人及第啓

宋李守真

奏藝明庭策名上第喧前驕于廣路觀者肩摩落餘
蒙于四方傳之紙貴望高時俊光動儒林乃太平養
士之功亦諸生稽古之力恭惟某官天姿峻澈學術
粹深璧水升堂七年並席金鑾通籍一唱驚人蓋志
大而氣豪故實修而名至落落高騫于日下錚錚獨
韻于穀中御史直聲固遺風之自許平津相業不數
歲而可期某夙仰英遊阻聞緒論方欲效李邕之識
面慕盧仝之下交奉詔殿廬幸觀落筆曳裾公府復
枉過門惠然授我以夜光何以報君之王案載懷深
厚但極感藏通衢在望絕足方適陽春白雪之音一
啓雋類函卷三十九

四

時寡和金馬玉堂之步指日可期某猥預盛時喜聞
榮捷雖仰洛中之價未親麈尾之談

賀王省元及第啓

宋李 劉

觀春秋之林潛心久矣賢文章之錄爲首褒然足懣
公言何勤私謝恭惟某官深于蓄德餘以積文束五
傳而抱遺經獨明大義外四夷而內中夏洞究微言
果有海內寡二之才出當天下第一之選義則竊取
矣可道有司之不明求亦樂于更幸斯文之未衰
至如榮進之素定何侍抗聲而自陳某偶綴縣官預
窺麟筆求珠而徑寸先得自賀其遭跂織而七襄不

成未知所報

賀何大圭及第啓

宋李 劉

中的璇魁解韋璧省十九年無全牛之刃頃見異材
九萬里運化鵬之程實開遠業恭惟某官學有源委
行無瑕疵曲禮三千富春誦夏紘之學園橋億萬高
月書李故之功果收傑出之科亟被龍常之握榮進
素定無負明天子之殊知要路在前自有鄉先生之
近比自敘

賀劉省元及第啓

宋文天祥

蘭宮拔穎甲第傳臚過千日俊過萬日英人間健筆
啓雋類函卷三十九

五

第一爲魁第九爲弼斗北修名柯峰翠濕于飛纓泮
水清搖于振鐸行微羣比之席卽歸鸞翮之班某正
僻耕寬遂稽箋賀賦雲山之紅樹焉得往從摩石室
之蒼苔不堪持贈

賀葉文慰啓

宋戴文宗

橫空之鶴無雙久矣知名于文舉立市之騶不偶俄
然長價于孫陽帝里喧傳儒林聳動聊致賀詞而贊
喜附將佳禮以輸誠桂綻深秋已詫一枝獨艷梅開
早歲豈隨百草爭妍尚聞首唱之洪音重見先登之
逸躅

賀解元啓

宋方岳

籍甚文名老熊當道衰然舉首凡馬空群得聖人筆削之心重鄉老賓與之選恭惟解元妙探絕學獨抱遺經誰不黜黜而尊王是陳言耳或者褒子而貶父如名義何放出一頭了無衆手以此戰何不克得臣將寓目焉誰不矜莫與爭晉霸在此行矣

賀第二名舉人啓

宋方岳

衆人逐鹿何有何亡老手射鵰每發每中雖曹參之第二知李廣之無雙恭惟經元熟講中庸卓爲茂異許孟容有禮學典章多所裁之公孫弘舉賢良郡國

啓雋類函卷三十九

六

無以易也迄援抱而再鼓又拔幟以先登鹿洞古而聘君來莫如之子驪洲圓而狀元出其在此行

賀第三名舉人啓

宋方岳

項羽敵萬不亦壯哉荀伯在三幾少屈矣歎伏老蒼之筆驚嗟英妙之年恭惟經元賦聲摩空詩才論斗文章有氣意其與廬山高學問藏身乃亦如椰子大於此見士之秀何必曰老而成勉旃此行遂免斫廣寒之桂母曰得意躍馬看長安之花

賀第八名舉人啓

宋方岳

太冲妙思賦必十年荀鶴異才名高第八要是摩空

之手不孤擲地之聲恭惟文元脩水之英弘齊之學垂髫穎異孟母之賢可知落筆老蒼何蕃之歸慶別果鏘文響勇拔薦書有客點頭不負平生之燈火爲君燒尾頃驚一夕之風雷

賀第十三名舉人啓

宋方岳

名登薦書勲在翰府十三卦之取象正與異才二千石之觀光亦驚老眼恭惟文元秀出玉峽鏘爲金聲永石地靈况是鹿眠之諸子文字天巧難稽鯢化之脩程維其勉旃在此行矣文惠公之衣鉢母曰遙遙臚句傳之姓名自當表表

啓雋類函卷三十九

七

賀張狀元啓

明朱錦

星輝聯壁既獨朗于斗南駟駕空群更拔尤于冀北
書奏玉鉉之舊業名先金陛之臚傳喜慰龍顏榮生
鼇首恭惟門下淵源家學藻繪國華江夏信是無雙
海宇固應獨步咸平放榜肆今加盛于兩係璧章獻
序倫竄用更端于大宋此日四門之關鵬運鵬飛他
時三宅之登鴻聯鵠序如伊尹之有伊陟若召穆之
于召康四世五公不失嘉貞之故物一門萬石依然
文瓊之芳聲生乎儒者之榮懸知不在溫飽儲養師
臣之重亦云不受郊迎顧惟傾注之心實切寵光之
啓雋類函卷三十九

賀史蓮岳榜眼啓

明郭元愷

恭惟閣下華藻奎輝入穀播泥金之帖奇葩春艷傳
臚聯荀玉之班揮灑字三千皇堦亞對點綴名第二
御筆親題項畱而瑞夢徵聲唱而卿雲現大岳伯墳
虎迭奏鴻飛不數夫二難新郎君橋梓聯芳駿迅奚
誇于三捷杏花香十里舉眼看花詔草設八駟披衷
視草宦門競爽朋輩騰歡其學類堅匏質同瓦礫寧

昧迷乎秬圃祗躑躅于公車追思把臂盟鷄雖有玷
大方之造私念論心從鳳尚無嫌小技之投

閱三年并分題亦更兩社叨末契而躬逢盛事曷
罄揄揚忍厚顏以步叩嚴閣竟違光霽謹致菲儀于
燕賀聊陳短札而鵲鳴于今堂握絲綸夾道策少年
學士從此典司台鼎滿朝頌里頭相公

寄賀新科孫會元

明唐文燦

禮闈宣捷桂林首占夫一枝華閱發祥棣樹增成乎
四萼忠烈公之遺蔭茲大文恪老之素訓益彰事訖
薦紳名勝縫掖其僻居散署叨列通家昔追驥尾于
啓雋類函卷三十九

九

難兄獲窺東閣今望龍顏于尊文果應南宮欣泥金
之信已傳慨篋鐵之司方糾難充賀客徒注想而傾
心特選走倅用齋持以代面顧惟衰老之薄具實出
懇懇之微忱仰仗契緣俯垂涵納他年恢相業尚期
遠軼韋玄成此日奮儒科奚啻近倅曾子固

寄賀同府十一位新進士啓

明唐文燦

聖作握乾世運啓風雲之會彙征應泰奎壁聯星宿
之躔偕三百士以競雄合十一賢而鳴威聲騰海內
氣振漳南其辱附里人猥遷邊吏接榜題于途次不
任心歡想臚唱于朝端難申面賀特修竿牘聊代籛

僅會館聚迎頗幸賤名之獲綴分曹初履良慙空札
之靡將姑稍待夫嗣圖惟懇祈平垂亮

賀晉進士啓

明葉永威

離文闡瑞光騰牛斗之墟泰運當陽慶洽風雲之會
山川生色桑梓增輝恭惟執事執圃文芳禮闈書種
探玄珠于學海擅毛穎于詞壇蜚聲有年發軔茲始
名既震于籍奏恩再沐于臚傳蓮燈將彩旆齊紅柳
色共宮袍競綠足侈鄉邦盛事豈徒京國勝遊某等
幸挹天香僭爲地主拾杏園之舊話陪瓊宴之餘歡
侑此車徒乘春明而至止願言廊廟歌湛露以同賡
啓雋類函卷三十九

賀新進士啓

明史鴻脩

熙世臨軒勝選慶風雲之會英雄入彀文光燦斗牛
之墟桂闕揚輝梓邦動色恭惟台臺蛟騰蠡水弘探
學海之玄珠鳳翥龍岡早建詞壇之赤幟籍通丹桂
高披蟾窟之天香兆應芙蓉事見酉陽雜俎喜躍龍津之春
碧軒墀對而光依聖日適當名世之期臚傳唱而瑞
繞卿雲預慶彙征之盛瓊林宴啓蒞榜與鴈塔爭輝
闌苑仙遊杏錦偕宮袍並燦不振高門之世業有光
吾郡之文昌身到鳳池喜動十年佳詠志在麟閣佇
宏百世芳猷某枌社情聯菊交誼洽星躔奎壁策佳

祥濬發乎西江鬱繁淮封愧慶忱莫申于燕闕敬修
尺牘聊致賀悰用旌鵲起之歡曷罄鳳鳴之頌

賀樊棠軒進士啓

明許以忠

景運弘開明聖啓臨軒之試重瞳朗鑒英雄蒙入彀
之榮慶溢朝端歡騰宇內恭惟門下才超三楚望重
八埏上黨名家馬氏白眉讓彩藍田佳種燕山丹桂
齊芳兩試喜聯登爭羨青錢之選五雲驚奏見更增
黃榜之光應知家學弘宣信是科名不愧籍已哀通
子金闕名當首選乎玉堂伏願喬梓並榮寰宇藉清
陰而覆庇填篋迭奏國家鳴盛治于雍熙俾功書魏
啓雋類函卷三十九

闕之旂常而光被楚郊之草木自敘

賀汪進士啓

明許以忠

聖日中天龍虎際風雲之會明時賜第鯢鵬翔宇宙
之高朝野歡騰山川慶謁恭惟執事奎婁挺秀嵩嶽
降靈際五百春秋祥符傳夢對三千禮樂瑞見韓雲
袍裁宮錦繡章巧出天孫宴列禁珍玉瓚香分尚食
名與春雷共震恩隨雨露均沾輿望允孚物華頃政
行將尺五晉天階首入蘭臺之選魁三持斗杓巍登
槐閣之班自敘

賀彭子木鄉薦啓

明喻世卿

桂殿傳香棘闥奏捷秋橫鶚表幾著祖生之鞭歌聽
鹿鳴果勸彭君之駕誰謂登科之不早共稱到手而
非遲恭惟執事材國美姿閥家奇種探幽玄于典籍
特妙義經發雄藻于詞章且工詩賦氣骨如許定非
常調之流具眼相逢認是魁文之標胡因頃而倦遊
在苒歲逾于強仕乃怒激而酣戰軒昂勇賈于先登
當年識誰鳳忽聽秋陽之鳴今日信是龍又驚春雷
之奮固人事之既盡亦天意之復還某韋編未絕鐵
硯欲銷屢捉月以求蟾輒遇風而退鵲踏槐隨舉子
之忙徒爾愧色折桂聞吾兄之喜猶可信心決策焚
啓雋類函卷三十九

士

舟我當勵之以借一乘勢破竹君其由此而捷三

賀林從吾經魁啓

明唐文燦

獻藝京闈璞玉之珍已剖登名天府泥金之信俄傳
聯三捷以同升占一魁而獨冠燕臺價倍冀野群空
非徒震動于山中且即宣揚于海內遙瞻鄉館雖難
充賀客之行近計驛程尚足赴迎僊之會假順郵以
通疏記分微俸而代醪牽動翻冲霄喜得意初逢秋
日神鱗躍浪期翻身早聽春雷

賀杭州童孝廉啓

明連繼芳

詞敵射奎臚早擬高騫翺翺文名馨月旦時來方聽

呦呦羊角既搏蹠蹄復烈恭惟門下精大小戴之經
負兄弟童之望雲橫鴈翅搏漆園九萬之鵬風健鶴
披騰北海一雙之鶚孫繩祖武棣輝萼樓閣閱崢嶸
到處卽教三舍避墮篋韜何人不識二方名其曩
屬締袍之交相知非淺頃聞朱衣之點胥慶何深相
期爲石鼓爲景鐘比官商于明堂清廟君及掌哉若
鸞迴若鳳翥翔羽儀于日下雲邊吾拭目矣

賀大兄中明經啓

明連繼芳

恭惟伯兄才華詩賦文章父子兄弟師友晨窓花露
滴乾硯眼之鵲夜帳木油剔盡案頭之蠹字中斟酌
啓雋類函卷三十九

士

競落文河筆下蛟龍爭拔學海當海潤星輝之會奮
昂霄聳壑之姿非可大行端良小試惟是囊中脫穎
匣內發硃敵壓萬人冀空群馬泥金帖播洵吾儒稽
古之榮沽玉價逢實吾兄來今之事

賀弟明鰲聯登啓

明李右謨

世運維新豪傑際千年之遇祖宗積德子孫發百世
之祥雖曰地靈實由人傑恭惟賢弟茂年秀質朗識
紆才一舉而南都告捷再舉而北甸聯登三千禮樂
對丹墀而一掃風雷五百英雄首鴻臚而連唱姓字
名高天下業播人間喜溢縉紳光生族黨昔稱食牛

之駒翔四海之鵠真無負矣不肖瓦缶微器樗櫟下
材潦倒江湖莫作廟廊物色棲遲巖谷難煥天地文
章不足齒錄烏可言揚伏願賢弟受若職供若事掌
翰院出文章以華衮天下登臺諫發忠貞以是非人
主務建不世之奇勲必作當代之循吏雖槓枘枵
大匠自有經綸而瑚璉璋玉工自能措置何待不
肖之惓惓而賢弟自當注意者也都下滿目風塵移
人習俗願言珍護以膺上除

賀萬去智孝廉得雋啓

明瞿九思

儲學淵精負才英卓出而領第發揮皆濟世丹鉛喜

啓雋類函卷三十九

十四

見登壇剗割盡補天文石岫嶠彩炫雲夢晴蒸由此
入明光擬取彤墀之大物自今朝建極預收紫禁之
高名論歎不減神飛聞捷豈徒色動西來遣賀飾江
湖涉遠之思東望臨風寫骨肉相關之義願乘時而
建忠展志遇河清海晏之朝卽當官而立德著功收
外懷內安之効

賀陳上卿孝廉登第啓

明瞿九思

登龍變豹炳昭一代之文出鳳呈蛟輝映三湘之盛
朝經練悉學力精醇執此上公車真可利時澤物乘
時登禁署不徒曳珮趨班屬疆場多事之秋適輦轂

徵賢之日公如勇往北風清道前門僕甚歡愉西國
瞻星雲萬象馳魚字捷望泥金喜應蛛絲北期鳴玉

賀劉洛書孝廉得雋啓

門人

明瞿九思

淵學殊才高標遠器登場取上第詞成五彩補天射
策值清朝奏到九重動色風雲鼓鑄琬琰新鮮此真
伊水之靈會奇今日自是嵩山之秘誕瑞高門况策
名與圖書之秘同符又傳業得河洛之源共里再占
佳夢定收玉署之巍科還擬高名合借瓊林之上座
聞捷豈徒屐折扣吟不覺壺穿便翼西翔素帛寫相
關之義浮雲東望江湖勞涉遠之思願由今釋褐登
啓雋類函卷三十九

十五

朝爲世道補偏揀弊冀從此匡時利物代天家緯武
經文著績當官建忠定業不勝祈幸煩寄聲太少山
靈葛任歡愉遙佇立關河夜月

賀周天逸孝廉得雋啓

明瞿九思

盛事方今尊門擅美少年品價久當琬琰稱奇昌世
遭逢喜見文章光國况策名小阮既聯阿叔同升共
努力中原還擬尊公並駕計偕伊邇恐遲宜雀躍之
衷道往非遙敬先走魚牋之賀人從此醉碧桃天上
絢映春闈我自茲浮綠酒山中煥聆佳捷

迎及第人

迎新狀元啓

明錢拱宸

天啓文明際五百載昌期之運地鍾靈秀毓千萬人
豪傑之英適當聲應氣求遂爾風從雲合不惟重廊
廟明良之遇抑且增鄉邦山水之光其等敬涓某日
聊陳旌彩薄治豆觴特迓龍標共舒燕慶快觀杏紅
十里錦奪隋機爭看梅實三陽美調商鼎屆期頻道
佇目尊臨

迎同科進士啓

明王士龍

奎聯上國文星肇東壁之光輝映宛陵恩遇擅南宮
啓雋類函卷三十九

之盛况景運正當熙洽而明良尤幸遭逢適承清問
臨軒更喜英雄入轂高門家學世爲宦籍流芳執事
才猷久係儒林屬望一朝簡拔萬口稱揚某等敬涓
某日聊懸旌彩薄治豆觴奉迓公車用陳私慶經綸
呈黼黻爭誇有用文章俎豆藉鹽梅載見相投氣味
慨垂臨鑒實慰瞻依

請及第人宴

宴黃狀元啓

宋史權府

金榜新狀元獨賞瓊林花市繡衣舊使者相逢碧水
丹山魁星交映福星今夕不知何夕百年盛事一郡
驪聲恭惟某官天馬風標雲飛器局筆下五十絃錦
瑟胸中三萬軸牙籤出武夷之仙峰盤空雲氣接金
華之嫡派滿壑風聲明經卑左氏公梁射策壓公孫
晁董驪髯爭摘鷄口先鳴姓名千佛塔頭步武三神
仙頂飄然遡紫拖青之客可是依紅泛綠之人五色
雲香已驗倫魁之符識三台星見好恢公相之規模
啓雋類函卷三十九

我知府某官劍外陳人湖邊隱士晚得一衫而出蜀
星馳兩節以落南回首少年二五時也曾効東塗西
抹舉目青雲九萬里豈思北運南圖幸逢蓬島神仙
細說杏園舊話玉壺漱灑翠袖踰躔我輩非偶相逢
這會莫辭一醉楊柳樓心吹夜月試問海棠沈香亭
角醉春風催吟芍藥強裁俚語上有清歡辭日月色
花光正可人笙歌會處喜津津跨鰲海上文章客攬
轡天隅禮樂臣丹碧屏間三月暮坡瓊杯裏一團春
暫聽紫燕黃鸝語更捧紅雲侍玉宸

請新狀元啓

明焦竑

南宮薦士觀天府之先登上席邀賓喜故人之盈座
秩初筵之俎豆侈盛事于鄉閭恭惟某官天韻沈雄
器資凝重學優而瞻抽揚大問之數條意婉且忠仿
佛清衷之獨契月旦夙推其文學聲名果歷于英髦
價彌重于鳳池會可徵于燕賀特涓廿一之吉日敬
偕三五之同心繼萍野以升歌比櫻桃而開宴名先
鴈塔佇觀他日之朱書花滿杏園共醉一時之紅雪
其爲顙望莫既揆裁

請翁殿元啓

明謝廷諒

啓雋類函卷三十九

十八

黃扉曉闢煥葵影而翼朱明絳幘宵懸爛藜光而分
太乙丹滋染幄賞洽簪裾紫微凝華春生几席恭惟
館下暉符毓祉慶緒騰斌挺淵角之殊姿精微喻指
朗靈臺之懿曲妙善解頤繡奄文昌詞鋒與夏雲爭
長練縈星紀情源共秋水揚波策射天人庭推片玉
書懸日月市閭千金真無愧于科名聿甄提乎道業
明霞挹袖瑩黼藻于人倫朝旭標襟振楷模于天下
十六相登庸之會資耀畧以回天五百年名世之英
感精靈而夢帝時看調燮想望太平借籌以沃神襟
負戾而翼皇極垂紳正色朝紳濯質亂之流端委持

衡輦轂息羣塵之鞅其等春官奏牘希盼睽以策三
驅月旦題評借吹噓而成六翮趨陪北闕宴喜西京
曳大雅以扶輪煥清言而結課公門桃李垂朱實以
成陰幽谷蘋萍捧玄水而欲獻榴花浮酌批鳳藻而
掛卿雲葛蔓調鉉接龍光而臨綺月

請同鄉新進士啓

明王家屏

奎文炳曜光騰昂畢之墟泰運啓熙慶洽風雲之會
中青錢于萬選售白璧以連城鄭驛宵馳動歡聲于
梓里燕臺春敞瞻瑞藹于蓬壺恭惟執事黼藻雄文
圭璋粹質太行恒霍鍾三晉之晶英禮樂詩書漱六

啓雋類函卷三十九

十九

經之芳潤標驪珠于學海陋矣吹竽戰毛穎于詞壇
壯哉拔幟自龍門過砥柱撼鼇極以縱巨鱗吸汾澮
簞桑乾軼鵬程而毓健翻奉王言于玉陛策奏天人
列仙籍于金閨勝題甲乙垂鞭御陌賡花開得意之
詩釋褐類宮憶柳下聞聲之兆處囊而脫穎盡慰平
生拔茅以連茹式參元化某等聆許生之月旦少已
知名想荆公之風裁今方識面師師善讓猶存晉問
之遺瞿瞿深思不改陶唐之舊擬同時登雋未能或
先慶吾黨得人于斯爲盛乃諏穀旦戒念日以夙陳
用迓德星象周天而衆聚建干旌之子子執策前驅

如東昂之袞袞舉觥左辟願鴻儀其貢止貽我籩豆
之光接燕笑以攀如敦此粉榆之誼

請南直乙未進士啓

明孫繼皋

留都重地繼周家菁莪棧樸之歌南國多材侈漢室
方正賢良之對美匪竹箭寵踰粉榆敬秩初筵樂觀
盛事恭惟執事簪纓望族同季札之賞音禮樂名家
嗣言游而振響剖綠字丹書之秘掩二陸于雲間抽
玉函金簡之藏駕八公于淮上圖南奮翼早知月旦
蜚聲冀北空群今見雲霄發跡天廷拔藻洋洋經緯
之章甲榜題名濟濟圭璋之彥蓋分符者一十四郡

啓雋類函卷三十九

二十

而八教者六十七人總制額三百英雄奚止十而得
二計國家十五屏翰豈徒一以當二馬蹄忽遍長安
紙價填高洛下雖玉山珠海固百年孕毓之頌而風
虎雲龍實一旦遭逢之盛其等均爲吳產欣逢比室
芝蘭共際名時快覩滿城桃李日臨癸巳星黃奎躔
敢修梓里之同盟需雲布彩用續瓊林之勝典湛露
分香雍容閒雅以取市憐豈君素志正直忠厚以成
國是實我同心仰止龍光聯翩鳳翥

請新解元啓

明唐文燦

鸚薦名標百人中推首選鵬搏程啓九重天表見

孤鸞頃空冀北之群增重漳南之望振芳聲于翰林
舊里紹逸躅于解元新坊旅邸接佳音情既均乎雀
躍賓筵修盛典禮宜附于鹿鳴季月三秋登高期逼
初旬五日卜吉事諧板魁駕而奉迎盍朋簪以會集
承筐交賀喜開海角之荒執爵豫祈願聽狀頭之捷

請同鄉舉人啓

明王家屏

五星耀彩炳奎壁于中天雙鳳呈祥振羽儀于上國
文極一時之選才稱三晉之奇恭惟執事圭璋俊器
檀蚤譽于譽宮金石雄編蜚英聲于胃監游神學海
已探驪而得珠買勇詞壇終處囊而脫穎豐城二劍

啓雋類函卷三十九

二十五

當並躍于延津燕市千金信空群于冀北上書天府
身依日月之光待詔公車遇感風雲之會光生巖穴
名振京師某等喜鄉國之有人幸朝廷之得儒敬涓
某日用展群情月桂分香集冠紳于帝里露槐垂蔭
導珂佩于天衢冀觀鸚薦之榮重賦鹿鳴之叶

同鄉宴請新京舉啓

明唐文燦

三俊萃漳南聯占京闈之舉首千群空冀北競推雲
路之捷蹄色動上林聲騰帝闕仰惟三位執事山海
鍾英邦家應瑞早列譽宮高第輝燁才華嗣成胃監
醇儒彬彬行業席上之懷珍既久囊中之脫穎自殊

茲龍飛御極之初正鯉化躍津之際遂使穿揚之巧
皆爲入穀之雄虎榜畢開鴻名攸揭百餘人前第一
士孤鶉離塵五經魁後添兩君雙鴻接翼李蕭及趙
孰非異日綸誥之儲唐薛併袁俱是同年筍班之選
赫爾換藍于壁水超然奪錦于都城沽玉價逢見者
謂有真之必售泥金帖報聞者知無爵之不伸矧僻
壤破荒古解元由今復起且華宗競爽新舉子與舊
比聯尤云希濶之奇奚但尋常之喜書登天府諸藩
所薦莫先焉策對皇堦首甲之膺已決矣行即醉歸
御宴並舒意氣于看花又將榮侍宸居倍顯文章于
啓雋類函

卷三十九

三十一

請吳舉人啓

明吳德修

虎榜標十四名巧入王凝之品第龍墀灑三千字定
追吳育之倫魁况舉子出于宦家兼用賓興于王國
館庭增耀鄉曲共欣乃朔後五日之期月殿初生夫
桂魄維闕東列邸之處天街近逼乎杏園肅迓文驂
弘被彩幃酌金樽而上馬循綺陌以看花拱揖彬彬

咸謂我有嘉客旁觀嘖嘖競稱人似神僊秋香既挹
於茲辰春色即占於早歲

饒春元會試啓

明史鴻修

天香披桂晚之芬蚤蜚英於仙籍峯曜動蘭臺之色
旋奏賦於明光矧此龍蟠虎踞之靈竭來鳳翥麟遊
之瑞五百年會隆名世雲浮太史先占三千字策對
大廷風動天顏有喜長安日近輝輝彩旆翻紅閭闔
星臨藹藹宮袍映綠此際梅開在百華之上識狀元
宰相已安排他時杏發度千里之春喜玉京仙子曾
期許文旌于邁祖道宜陳爰從著吉於六辰觀觀芝
啓雋類函

卷三十九

三十一

光於二酉清談霏玉屑依稀會閨苑神仙秀色映水
壺縹緲近南宮風月汗樽式御預期燒尾之榮魚躍
龍門
有雷燒其尾乃化龍故
士人登第宴謂之燒尾大呂新調快聽泥金之報鳴
騶肅候倒屣欣承

答及第人

答特奏趙狀元啓

宋呂祖謙

黃髮陳篇已快先鳴之聽青衫行卷乃修後進之恭其賜則隆於禮爲過法有特奏國之舊章謂三歲科選不足以盡天下之才故九重咨詢常欲多得老成之論靖言其始豈專爲恩仰惟執事入紆淵謀仰奉大對述先儒之訓故固後學之罕觀陳前輩之典刑亦近年之未有以是首選可見上心其有職殿廡無勞衡石項在父兄之側粗聞耆舊之餘每思南渡以前恍如天外不意北方之學復到眼邊

啓雋類函卷三十九

五

答許狀元啓

宋蘇軾

賢俊之士固將有以挾持富貴之來豈能爲之損益昔者在貧賤之辱所有無以異於今一朝居豪傑之先而人然後知其貴伏惟狀元執事以粹美之質負傑異之才自遠方而遊上都以一日而蓋天下士既望風而知不敵人皆歛衽而謂當然苟非素與交遊之流安敢輕爲賀問之禮不期謙抑過錄庸虛忽承賤牘之臨皆自聽聞之誤禮非所稱媿靡自任先皇帝未明求衣久已格於至治洮盥憑几尚不忘於選賢庸登哲民以遺後聖雖喜車旌之召旋與弓劍之

悲臣子之心達邇若一卽日承已拜命計將就塗念展謁之何時徒向風而求望

回鄭狀元啓

宋真德秀

恭審臚傳玉陛名冠璇魁自慶元屢策大廷孰若今日四門之闢雖長樂昔多首選未聞同時三俊之登鯁論獲伸鵷行相慶恭惟狀元執事正學傳心卒洙泗之舊妙齡發聞有楊晏之風適九重側席以思賢乃千里彈冠而應詔歷陳偉論深究大原謂治亂安危之勢不常要致察乎已回之始而便嬖昵近之私易惑當預防于未兆之先惓惓殫憂國之思鑿鑿盡啓雋類函卷三十九

五

適時之用昌言天下之事無諱有司親結人主之知褒爲舉首夫旣擅儒林之榮觀政須踵前輩之高風昔呂文穆之事熙陵若王沂公之相仁廟科名發業旣獨步一時功業光明復可傳萬世伊誰儷美允屬當仁身到黃扉自是榮塗之素定名標青史要觀盛業于無窮其學本空疎識非超卓群多士而試以藝選掄雖預于司存取一人焉拔其尤裁擇端由于上意猥蒙枉駕辱况長綫第深斬望之情莫旣敷陳之素

回荊州士人得解啓

宋李廷忠

叨乘一障奉明詔以興賢妙選五材隨公車而上計
已美擅場之高作復驚銜袖之暗投韓文文恭惟某
官藏器于身得時則駕學為有用富海寶于胸中文
出自然祭天葩于筆下明有司固應具眼老太守亦
為點頭既以名聞尚須力勉觀鵬搏萬里而上者變
化何難歌鹿鳴三章以送之歡欣何限

回諸解元啓

宋方岳

茲審榮剡鸚鵡書聯登三榜群然校藝試有司一日之
長得者如仙加元士二人之數傳衣無預銜袖何為
伏惟解元先輩學海老龍詞林威鳳望高東粵豈惟
啓雋類函卷三十九

二十六

言語文字之宗家近西山當得師友淵源之正踐踏
槐花而充賦果穿楊葉以策動時來為之信富貴之
相逼道行命也况事業之無窮願辨肯心行需大對
某未遑取友何幸貢賢去去齊飛奚比倍錦鱗三十
六之數看看遠到會須搏溟鵬九萬里之程尚不一
書茲未多謝

回饒解元啓

宋方雲翼

以月旦評上秋風榜怒飛幾千里久矣為致遠之圖
訓解三萬言今始蒙稽古之力徒得君重何謝我為
恭維先輩口吐雄辭胸蟠奧義謂楚倚相讀九丘八

索豈不迂哉笑韓昌黎規五誥三盤空自苦耳踏槐
充賦拾芥成名見說古文已盡窺于孔壁勿云樸學
行即對于漢廷其愧冗不治徒愛莫助從令北望輦
看龍虎之榮觀尚俟南歸細問科斗之奇字第慚後
賀不稱先施

回葉解元啓

宋方岳

桂殿傳香棘闥奏捷所謂明素王之志惟春秋乎繇
此附青雲之名何富貴也鵠袍爭羨虎牘有光恭惟
先輩為今儒宗得古書法范甯解何休學外別出奇
功胡氏傳伊川序中默窺精意銳于再鼓奪此先籌

啓雋類函卷三十九

二十七

慶元鴻樞欣有功于同業熙寧龍首會之見于元宗
某無可傳衣曷厯銜袖自夸模索曩嘗見子之一班
敢祝飛騰慎勿避人之三舍

回建寧翁解頭啓

宋方岳

榮都虎榜高剡鸚鵡書久矣潛心究遺經之三傳哀然
舉首加元士之二人無預傳衣何為銜袖恭惟先輩
為春秋學異章句儒三萬六千言之用心務推研于
紙外二百四十年之行事多感慨于胸中鶚將擊則
伏深鵬久困則飛怒氣骨如許定非常調之流具眼
相逢當認魁文之樣前程萬里來歲雙元某取友未

能貢賢何幸遙認銀袍之立鵠侶穀梁家且看金榜之登龍必公孫子亟致多謝尚不一書

同游監元啓

宋方岳

得雋虎闈聯芳鶚刻名家文獻多生謝砌之蘭文苑聲華五折燕山之桂先生閭里慶溢堦庭有來銜袖之書想動彈冠之喜伏惟先輩箕裘粹學衣鉢高科爲游先生之聞孫典刑可想生朱文公之寓里趣操更高固當用力于聖賢尤欲策勳于名第諒其游戲觚墨之際固已凌跨統緒之流遠到詎可量哉一第直易事耳佇楓宸之大對伴荷橐以增輝其無預傳啓雋類函卷三十九 二六

衣胡勤投壁鵬程萬里幸相勉以脩名龍首三人定不輪于他手

同安慶發舉士人啓

宋鄭厚

薦士觀諸侯之能歲貢當從于鄉郡權時講大比之禮賓興乃屬于制垣正有規焉何勤謝也執事沐浴文翁之遺化生長周郎之比隣脫跡于兵戈之餘舉目有江山之異學書學劍深識三邊便宜于胸中習賦習經非弄斯文浮華于筆下是謂賢者能者誠宜爵之祿之扁舟往來于長江已聽雪絮馬前之曲聯騎遨遊于閬苑遂賦紅杏龍頭之詩其徒忝分符有

慚勸駕已知壁在秦城而名重將見玉出昆山而價高式微式微胡不歸寧久鴻鴈流離之所類我類戎久則肖速乘蒲蘆變化之機心之所期言不能盡

同宗子漕元啓

宋方岳

茲審流慶縣瓜策名瑣棘群然角一日之拔蓋是名駒偉乎于七人之中高飛薦鶚無功鑑別有嫺珍投恭惟先輩讀鴻寶書生麟趾世琅玕玉樹綽乎有神仙風竹簡螢燈蕭然無富貴氣謾酣蟻陣果捧鶚書固種骨之異人亦富貴之有命前程甚濶平登雲路之臨宮殿事堪誇又見天家之龍首某及與薦送敢啓雋類函卷三十九 二五

致祝規正道正言母作時人之俗學大忠大節須歸宗相之脩名

同漕舉傳夢登啓

宋方岳

邇江左右數路得人入洛弟兄一門盛事雖是漕闈之薦送亦增鄉守之光榮恭惟先輩特妙義經且工蟲篆文高霞鶩又飛捲浦之雲氣壓斗牛要作築岩之雨乃從借逕亟與計偕幾千仞廬山高孰傾三峽五百人進士第今見二難

同新發舉啓

宋戴雲翼

望重月評名登天府此舉得人多矣快哉五鳳之齊

飛謬令若已得之喜甚雙見之欲舞斯文之慶闔邑
所同恭惟省元羅斗心胸凌雲志氣幾年螢雪飽參
百官法度之書萬里鵬風果中三物賢能之選閭里
爲之動色庠序有以增光某濫宰鄉喜觀秋薦然
此特文章之小效將大施勲業之宏規且羣投珠若
爲報玳打鼓惟不去何強顏須待下來年衣錦早歸
來要拭目一觀于盛事甚爲慶拊罔既敷宣

同武岡蕭新舉啓

宋李 劉

詢鄉曲之譽未遂承顏獻賢能之書欣聞舉首有來
委質益仞鳴謙恭惟某官巫水之英斗山其秀深瀕
啓雋類函卷三十九

三十

瀨聖聖之學究明明穆穆之原呂侯之辟三千既知
奧義蕭何之功第一宜稱名家幸益窮上世之遺書
庶亟對皇帝之清問某濫叨涉筆何與提衡聞東海
生之名喜先鳴于鷄口養北宮黜之勇願拭目龍
頭

同類元唐正奏啓

宋李 劉

學者發凡言例多違舊章大夫精心致思哀爲舉首
公言惟允私喜特殷恭惟先輩大江炳靈通泉噴薄
能賦如勒風擅詞章學易于都更深經術究遺經于
獨抱會大義于創通文成數萬指數千首先鳴于鷄

口臣書第一無第二今徑躡於龍頭惟功名留久遠
之看即溫飽非平生之願察牛堪之意既不違俗而
取名知顧郎之恩更期蓄力而秉志某初微風鑒濫
佐星堂青袍白紵之糊名已多迷於方叔紫磨黃金
之定價願無負於長公

同趙狀元啓

宋魏了翁

恭審才推寡二名列魁三聳大庭臚何之傳啓盛世
風雲之會恭惟某官清姿邁俗敏識鄰幾浩養賢關
未嘆六年之遲久探聖域坐嗤百氏之支離借子大
夫而造于朝先諸先生而爲之對貫以堅凝之說參
啓雋類函卷三十九

三十

諸通變之方亟膺乙覽之榮擢眞甲科之右行隨言
著名與實俱其曩以庸虛謬當品目幸不迷李程之
目敢謂傳和凝之衣三人同行已喜師言之惟允一
第恩子更惟遠業之是圖

啓雋近體卷四十

類函五十五

東昌俞安期美長彙編

上饒王嗣經曰常同輯

建武張紹謙道益訂定

夏官部一

賀尚書初拜

代賀兵部楊尚書啓

宋周必大

誕敷明詔因任耆儒武部久居就正夏卿之職鑒坡
舊直併升內相之華疊二命以峻遷實一時之榮遇
恭惟某官業窺稷卨德並淵濶方其奮迹于西南固
已騰芳于中外逮陪與運偏歷要津以道事君蓋取
啓雋類函卷四十

同于嫵媚有猷告后每務竭于忠精比擢貳于司戎
仍兼官于視草世推洪禮蔚爲文武之全材帝眷章
公時訪國家之大事將付股肱之寄先登喉舌之司
挈八座之荷蒙駕班加重賜九重之蓮燭釐增崇
某夙幸瞻依欣逢進擢已知頗牧參議論于禁中行
慶蕭曹措治安于海內其爲忻躍豈易名言

賀許兵書啓

宋方岳

恭審煥敷周誥晉陟夏卿祈父王之爪牙蓋釐九法
尚書帝之喉舌式綜五兵國有人焉民胥悅矣恭惟
某官筆掃單于之萬騎胸吞禹貢之九河挹翰林主

入儼入花軌之直列文昌司馬書高荷蒙
多難屬望无切若曰用真儒而天下無敵其惟建
德而朝廷自尊得頗牧于禁中今何憂乎蛇豕玩
夷于掌上將自靖夫鯨鯢言觀偉績之無前咸曰褒
綸之已後某得之傳誦私以欣愉式遏孤鳳之暉敢
贊雙魚之素有言粗淺莫既精微

賀趙兵書啓

自邊類入

宋方岳

恭審誕摛制函峻班書殿真儒無敵于天下帝其寬
北顧之憂此虜已在于目中時則有東歸之喜於皇
王佐允穆宗王恭惟某官識際天人勲在社稷蜚聲
啓雋類函卷四十

轆轤于五緯有管夷吾則何患焉著書羽翼乎六經
皆孔安國所未到者繫股肱之寄在忠力當據坐論
之謨然道德之威成安強正賴折衝之略特異優崇
之典陞華禁遂之庭增重麟符貶儀鸞閣詞掖下綏
綸之制蓋一命再命三命而益恭太常兼鐘鼎之銘
其大書特書屬書而未已不視功載厥有彞章靈夏
未服而韓相行共倚琬戈之重貝州旣平而公入
遄觀几舄之還某嘉與斯人鋪時偉績藏存盟府夫
誰曰彭越之同功訊之司宗抑豈比汾陽之異姓氏
後介圭之覲其隆巖石之瞻聞邊吏之戒殘胡洗甲

兵而不用謂中國之相司馬讀制冊而可知仰斗之私與江俱下

代賀兵部尚書啓

宋方岳

伏審渙飈周誥晉陟夏卿圻父爲王爪牙增重留都之闔寄尚書乃天喉舌乃參督相之軍謀大張天聲聿宣地軸恭惟某官肝膽一劍精神五兵袖有太平之書真儒無敵於天下氣吞餘子之輩此虜已在干日中屹然爲國之藩垣久矣簡知於旒宸適旄頭之駭屑煩塵尾之指麾北有徽化西有昆夷孰分憂于丙枕出則股肱居則心膂過趣駕於庚牌於赫皇威

啓雋類函卷四十

賀王兵書啓

宋張九成

疇庸東掖率屬南宮常伯寵優佩錡成之寶劔司戎職暇偃泰乙之靈旗鄰宰鉉以平躋冠從塗而絕擬有識交頌不謀同辭竊以祈父王之爪牙周蓋顯於九伐尚書帝之喉舌漢實次于三公自開西府以本兵第列南宮而分職然裕陵肇修官制猶虛位於夏卿至哲廟博采師虞治新除於邦傑謫贊萬機之務

蔚爲千載之逢恭惟某官才備全能識覃衆妙蚤以淵源之蘊發爲經濟之圖擢貳憲臺絕震師之殄行越長諫省據告后之嘉猷譽益重於熙朝職遂專於武部曳星辰之履姑聯八座之班紀日月之常卽懋三階之績其晚遊京藪屢叩門墻疎傳新渥之頒實倍常情之喜

賀葉兵書啓

原作樞密○按宋制有樞密與宰相對掌武事名曰次相明無此官今兵部尚書相似此樞密語意可承者各改入之

宋陸游

顯膺明詔進貳鴻樞道大材全固視功名爲餘事任隆位重蓋倚精神之折衝衆志交孚太平可冀蓋

啓雋類函卷四十

舜尚無冠帶百蠻之理天地豈忍羶腥諸夏之區况以本朝積累而當荒陋崛起之小夷以吾皇神武而討衰弱僅存之孱虜茲以軍民之情切加之廟社之威靈僅一震於雷霆旋坐消於氛祲不煩民力大奮士心恭惟某官負沈雄邁往之略躬英發絕人之姿撫卷慨慷夙有四方之大志立朝開濟晚收九牧之重名果副簡求肆當柄任以元龍湖海之氣參子房帷幄之籌北斗以南一人誰其倫擬長安之西萬里行矣清夷某識面莫先託身最早側聽延登之渥自悲淪落之餘雖音氣難裁三夏佳爲繼風塵之望然

饑寒感迫猶懷焉馬戀棧豆之思敢敬布於微誠覬少回於曩聽

賀權兵書啓

原作
樞密

宋張綱

伏審光奉明綸進登樞府允協股肱之望獨當心膺之司無間邇遐同增忭喜竊以國體所繫兵柄爲先峻極西庭上應斗樞之象贊襄密命人籌帷幄之嚴方將委任而責成並注安危之意有能奮庸而熙載宜兼文武之資恭惟某官受天傑材爲國重器學海造域中之大孔孟同歸談鋒多堂上之奇孫吳暗合早飛騰于華近屢罄竭於忠嘉矧當四方負固之時啓雋類函卷四十

五

尤賴千里折衝之策果膺殊渥遂贊本兵王帳經綸既奠安於宗社槐庭密勿卽正位於公台仰觀君子之所爲期與天下而同慶某稟生疎拙夙荷眷知聞新命之初傳覺歡悰之倍集心同燕雀徒欣廣廈之成身繫匏瓜莫遂趨庭之謁其如頌詠曷究敷陳

賀呂兵書啓

原作
樞密

宋歐陽脩

顯膺寵典登進樞庭成命始行輿言僉允伏惟某官存誠直諒蹈道中和學臻三代之英世濟八人之美論思獻納已多補益之勤謨明弼諧久韞經綸之業三朝眷遇一德老成尚虛黃閣之居姑正紫樞之位

坐籌帷幄方資制勝之謀正席鈞台始慰具瞻之望頌惟衰朽早辱知憐維與蒼黔同深慶抃

賀虞兵書啓

原作
知院

宋洪适

帝懷舊弼國拜元樞乾坤清夷久息干戈之役夙夜有容當帷幄之籌播告邇遐疎動觀聽竊以馭戎有道本聖主之洪誓制勝無形賴真儒之奇策矧是槐庭之長寔均揆席之尊恭惟某官道關百聖功蓋兩朝持正論如執王之堅斷大謀若轉圜之易速運陪於鈞軸仍兼運於韜鈴果致要荒丹尋盟誓方具瞻於巖石俄勇退於急流亟與丹衷之思復佐清朝啓雋類函卷四十

六

之治暫本兵柄績成偃伯之休旋秉國鈞茂建格天之業某猥乘輶傳述望泰符茲聞成命之頒實倍常情之喜

賀施兵書啓

原作
知院

宋陸務觀

恭審誕布明綸進專籌幄用真儒而無敵翊扶宗社之基得大老以來歸開慰華夷之望恭惟某官英姿邁往精識造微居安資深韞六藝淵源之學任重道遠炳兩朝開濟之心明辨足以折遐衝果敢足以斷機事自初拔用迄此延登大節全名松栢挺歲寒之操同心一德風雲協聖作之期疆場清夷星緯明潤

致太平其自此將魁柄之焉歸曩暫入於都門竊有聞於行路謂明公之德政以人物為最先自降師尹南山之瞻復見平津東閣之盛揚庭薦拔造膝開陳凡人所難以身獨任今雖總本兵之地願益尸善類之盟公能以士而報國家士亦以身而歸門下某侵尋暮景憔悴偏州志氣已衰無復獻鷄鳴狗盜之技文辭自力尚能助裨官野史之傳過此以還未知所措

賀陳兵書啓

原作
樞密

宋李廷忠

嚴宸孚令樞府升班運天中而臨制四方獨總機衡

啓雋類函

卷四十

七

之政用人傑而決勝千里允資帷幄之籌疾置流聞列紳聳服恭惟某官文場元帥儒林丈人偉乎疑重之資養以中和之氣茹涵今古窺渾渾以無涯騰跨風雲摩蒼蒼而直上宜天子恨相見之晚在朝廷賴有德之尊不待九遷卽登四輔用為弘化之貳仍陪密命之基蓋庶政兼修已略見二三之策今一賢獨任自能當百萬之師魁柄有歸輿情允協魯用孔子安得削可坐制于殊隣晉有夷吾無復憂佇進登於真宰某猥叨召節行解守符荷鈞造之曲成聞詔除而滋喜數仞之墻在望尚阻鳬趨萬間之厦方新徙

歷燕賀

賀吳兵書啓

原作
樞密

宋方岳

伏觀邸函顯躋冊府二三謨典於皇繼序之傳百萬甲兵增重提綱之寄適通班於曳履殆舉國以彈冠抑人有言方時多事共慨四郊之多壘遺君父憂誰為萬里之長城衛行在所表裏正茲於外禦本根尤急於內窺顧今當艱難之時安可習承平之故乃陞延閣誕詰戎兵雖以文章鳴國家固吾君之親擢然而忠信為甲冑非真儒而孰歸行矣登庸式宏經濟某隔茲衣帶之水莫旅簪纓之塵不顯哉文王謨喜

啓雋類函

卷四十

峻直西清之遂歸來乎太公望豈久居北海之濱側耳思言馳心丈席

賀薛兵書啓

原作
樞密

宋李劉

顯席紫樞均茵黃閣仲虺居薛宜登左揆之虛皇陶矢謨還倚右平之重有常立武無競維人恭惟某官學可帝師材堪王佐智周萬物炳著龜先見之明節貫四時凜松栢後凋之操周旋三省兩省之掾練達一日二日之幾合文武以兼資佩安危而注意熙帝載宅百揆民具爾瞻掌邦政統六師君則誰與式端兵本專領使權匈奴款塞五原固出于羽之舞子房

決勝千里正須帷幄之籌帝曰欽哉相尊等耳山有木而工則度姑遜滕侯之先封河如帶而國未存實自薛公之上計佇膺帝眷徑位宰衡某夙累一陶尚驅六轡輓武功原上之粟覺心瘳而形勞聞文德殿下之麻嘆形留而神往

賀王兵書啓

原作
樞密

宋周必大

伏審廟筭成功機庭登冊帷幄決勝千里運籌專倚於子房文武爲憲萬邦受祉孰先於吉甫雖不移於兵本實增峻於民瞻恭惟某官潛心聖學篤志皇猷自參華於豹尾之中卽凜務於鴻樞之上助宣七德

啓書類函卷四十

九

坐閱累年借箸於前有謀猷而必告積新於後無喜愠之可窺建疇久次之庸始正通知之拜屬聖上擇人于絕幕繁忠誠憂國以忘家抗疏請行漢廷臣無出右者奉書歸報古庸使其猶劣諸將宅揆於元臺姑升班於右府使國人皆有所式豈惟中外之聳觀示天下弗復用兵蓋亦革戎之求賴某受恩殊厚聞命祇歡方局趣於片宮阻進趨於材館高山仰止幸再逢巖石之新一葦航之母使歎瀛洲之遠其爲欣懌實倍等夷

賀葉兵書啓

原作
樞密

宋周必大

紫誥誕頒黃樞對掌萬乘仰成于宥密四方屬望於安疆竊以周設六官司馬聯於冢宰漢分三府太尉列於公台正資元老協贊多盤恭惟某官道大才全器閭量遠錙銖鳴鳳覽德輝而下之濯濯祥麟爲聖人而出也名實素高於中外眷知特異於臣隣方其居副端橫榻之時固已有貳政秉鈞之望小紆軌轍大振銓衡至於攝八座之崇資修三朝之信史旣踐更之略徧在登用以何疑遂自甘泉進儀樞府武有七德莫先禁暴豈惟逆折於遐衝天生五材安可去兵正賴坐恢於遠馭英髦大任軍國咸依某父辱領

啓書類函卷四十

十

存欣聞冊拜漢得子房而勝千里疎聽運籌嘗用仲尼而歸侵疆固知奠枕其爲扶躍未易敷云

賀陳禮侍除兵書啓

原作
樞密

宋周必大

簡求八座延拜四鄰用掌禮之鴻儒付本兵之大柄蓋六藝成於夫子可辟萊倖而一編授於留侯卒籌漢幄何嘗弗聞軍旅之事夫豈不全智勇之名必維其人乃振斯道恭惟某官沈謀先物古學造微令問施諸身多士之所楷式嘉猷告于后近臣以爲表儀演絲綸於掖垣成羽翼於望苑逮茲圖任翕爾僉諧正卿五世之昌已昭祖烈丞相六奇之計行闡家聲

某託契有初辱知良厚屬充員于郡國昉依庇於廟堂欣幸攸深敷陳罔究

代賀葉兵書啓

原作樞密

宋周必大

誕頒宸綽登進機庭光動斗宮映泰階之兩兩威行夷裔知四海之皇皇恭惟某官氣和貌粹而濟以剛學瞻詞精而貫於道凜然松栢靡容霜雪之欺粹若琮璜宜備郊丘之薦結綬即持於正論影纓久歷於要津比逢公道之開連錫召音之寵朱繩勁直振兩院之威稜金鑑清明澄三銓之流品細圖書於石室替講讀於金華時譽益隆主知彌厚謂安危注意冀啓雋類

卷四十

上

先樞管之權惟文武憲邦可補廟堂之缺是資一德進本萬兵既望實之素孚宜邇遐之歸重用孔子而無敵天下古有成名得留侯而運籌幄中今觀顯効某充員外計託跡大鈞瞻蔽芾之棠陰敢忘封植想深嚴之槐位正賴陶鑄欣幸居多指陳曷喻

賀袁兵書啓

原作同知

宋李廷忠

端宸渙號宥府升班妙東儒紳八座仰文昌之峻參籌帝幄五兵占太白之閒國以尊安人其慶懷恭惟某官學該丘索氣塞堪輿善刃而藏膾千牛而不頓先鞭能著洗凡馬以皆空特達主知雍容朝著入則

羽儀於法從出則掌握於帥權漢京前後之可稱誰如明府蜀山輕重之所係獨在鉅公步趨上切於星矢獻納深多於日月亟頒溫綽進翊洪樞注安危之急者方深全文武之才者蓋寡惟用孔子則真無敵故舉伊尹以遠不仁制勝於兩楹之間式資廟算庸於百揆之上佇慰嚴瞻某素乏吏聲謬共侯度聞速郵而距躍望翹館以心馳仰測神機務清邊瑣障庭沈燧幸無奔命之虞厦屋運雲霜有庇身之喜

代賀許兵書啓

宋方岳

伏審於皇周誥之章就正夏卿之位維上所倚社稷

卷四十

上

攸關恭惟某官太嶽之宗神山之秀議論度越諸子蔚爲當世之典刑文章自成一家負絕尋常之哇逕輿代言於禁苑滋簡眷於宸襟乃躋甘泉法從之班誕緝周公司馬之政蓋文事必有武備烏可岐而二之今內寧猶多外憂孰能定于一者坐制此虜端在吾儒興言邊陲之日騷竊憤胡星之未實惟士大夫毀家而紓楚國之難俾聖天子制挺而撻秦人之兵則吾免於魚乎不然憂未歇也厥有廟筭以張皇綱某敢誦所聞恃以自壯真儒用而天下無敵言觀帷幄之籌有德進而朝廷益尊端正鈞衡之柄其爲期

齊莫勝繼綜

賀兵部張尚書啓

宋黃中

恭審祗奉贊書峻陞常伯官儀如舊詰修禹迹之兵
風采聿新傾聽漢庭之履郵傳所暨慶抃惟均恭惟
某官職判眇綿氣涵剛大蘊三代廊廟之具負兩朝
開濟之資行夏乘商而放鄭聲得爲邦之禮樂降周
迄孔而成王道具今日之經綸自登名躋休有華問
持甘泉扈從之橐非舜不陳立延英諫諍之班如遵
迺勇果膺眷命首昇纂章瓜牙居析父之司喉舌總
漢官之重峻文昌之八座聊少偃於靈旗占泰階之
啓雋類函卷中

六符卽進參於嚴假其逸聞成命竊借容光傾聽壯
猷讀諸葛出師之表亟符善頌歌武公入相之詩

賀陳大司馬啓

宋李廷忠

樞機典政運天極以制四方帷幄調元參乾綱而安
八表顯拜未踰月簪崇班已列星階翰脫青萍千里
威風凜凜鷹揮白羽一身膽氣堂堂黃枕歸疆允建
孔周事業彙方偃伯豈多管晏權謀

賀方公陸兵部尚書啓

明吳國倫

恭惟門下荆楚奇珍廟堂重器才兼將相望肅率夷
鎖鑰北門屢奏無前之捷金湯石地彌旬不戰之威
旃裘交臂以乞降轡載塗而輸款息烽煙於沙漠
疇窺元老壯猷惜幾輔於泰山益廣聖朝文德露布
馳而歡生展陞綸音播而功被旂常匪茲三錫之榮
曷表萬全之畫由蘭臺而陟樞府八座階崇披賜錦
而臨轅門九邊輝映象天喉舌鳩司之統紀攸專作
帝股肱麟閣之丹青何忝行且入參帷幄夾輔機衡
扶二曜以常明戢五兵而不用勳勞藏之盟府文武
啓雋類函卷四十

憲于萬邦社稷靈長寔承昭貺蓬麻桑梓敢藉末光
敬介書郵薄言展賀

賀鄭大司馬啓

明王家屏

遠塞荒陬久淹台履忠猷勞績爲契上心協將相以
交歡合華夷而輯睦威行異域允惟折衝千里之才
功在本朝復見舞羽兩階之世情眷倚卽股肱未
喻其推心而疆事動勳乃啓處積勞于鞅掌肆膺內
召晉總中樞統七校之師上將實陪乎萬乘掌九伐
之法夏官特重于六卿喜溢行間歡騰輦下其也情
同瞻衮敢曰無以公歸時值彈冠庶幾復從僕御肅

崑牛馬之下走敬布燕雀之中忱伏冀鑒容曷勝忭躍

賀田大司馬啓

明王家屏

威震河西功高閫外有佳折首不數月收三捷之勲
迄用攻心以一麾制諸戎之命聲靈赫濯氣倍屬於
鷹揚恩數駢蕃祉更多於燕喜肆京觀旣築未銷青
海之氛乃樞筦久虛渙發彤庭之召候吏爭傳其歸
袞朝紳共切於瞻巖卽某朽廢之人預託高華之庇
尚稽鳴豫猥辱惠音雖皇悚而若驚固歡欣而欲舞
目今邊徼適逢多事之秋允賴廟堂蚤決先幾之策

啓雋類函

卷四十

五

幸紆石畫入贊宸旒用佐中興無煩固遜

賀鄧華溪晉大司馬啓

明孫鑛

夔龍位次三台八表仰羽儀之重司馬權專九伐六
師總籌略之雄威邇邇遐慶貽中外恭惟某官自天
生德維岳降神雙魚迢遞飛來獨鍾間氣九鯉淵源
流出遂毓真精心上有經綸半壁東南砥柱目中無
胡虜一麾陸海縱橫千里折衝萬邦爲憲頃握符於
嶺表兼持令于粵東虎帳魚書寒破犬戎之膽霓旌
雪刃坐銷鯨鱷之魂至仁無恩太平有象旣垂庥於
盛代遂晉秩乎崇階圻父掌王爪牙廷議得人乃可

尚書司天喉舌僉曰舍公其誰隆春特鍾於一人輿
望允孚于四海進階則仰憑日月出地三千曳履而
直上星辰離天尺五芳聲有永偉績無前其望北徒
殷洛南寢久蟠木爲萬乘之器必資根柢之容祥光
躍大冶之爐敢作鑄邪之想聊申燕賀微慶蟻忱

賀張尚書由戶書轉兵書啓 明余鍾英

伏審圻父爲王爪牙增重本兵之寄尚書實帝喉舌
寢高曳履之班惟吉士勵相我國家用真儒無敵於
天下有嘉王佐於赫聖謨恭惟閣下國之蓋臣今之
儒帥敦詩書悅禮樂窺聖域以探心安邊境立雄名

啓雋類函

卷四十

六

振軍容而奪氣自建牙以護諸將聲威久警平虜庭
迨折箠而下群夷勲伐舊銘於冊府有用之學無施
不能爰領度支載掌邦政繁華夏蠻貊罔不率孰其
使然今左右國人皆曰賢必能辦此行且有多多益
善之績微獨見陳陳相因之功士飽而嬉勇自百倍
虜歸相戒誓勿再來佇觀道德之威迄成安攘之烈
其屬觀綸綍如拜麾旄足食足兵皆祇受其陰賜可
耕可戰惟肅稟於成謨敢誦所聞恃以自狂想人情
具囑皆曰有夷吾而復何憂諒胡膽已驚且云相司
馬慎無生事有懷期嚮莫旣蘊悰

賀趙大司馬啓

明謝廷讚

紫誥恩頒總萬方之戎政亦符命下攬八面之威權
中閭增榮外疆抱懼恭惟某官井絡淪精岷峨挺粹
漢室凌雲之賦再見明時蜀江濯錦之文何慙前哲
由循良而登法從望峻郎星丞廷尉以佐邦刑光生
卿月仁流下國楚雲生江漢之陰秩晉中臺趙日肅
權豪之氣貳卿丹陟全浙是綏賜鉞鉞以臨戎波澄
海微職干戈而布德澤潤天隅自非命世之才曷副
擎天之柱尚書若天喉舌允穆宗工圻父爲王爪牙
式維兵本某夙推鄉曲久辱扶携聞元臣司將相之
啓雋類函卷四十 七

賀南大司馬邢公啓

時便道

明謝廷讚

地鴈天狼盡掃北門久藉鴻樞雲龍風虎相從南甸
遂登駿望乘夏省息肩之便遂晝行遠膝之歡國注
安危天全忠孝恭惟某官堪輿間氣社稷世臣筆架
文星雲門獨高萬仞胸羅武庫陽燾可萃千軍咸會
風雲名喧宇宙飛花上谷倏傳白簡才猷剖竹中州
兼勒丹青事業雄姿未遑推轂逸興暫爾懸車方起

卧于東山壯略式承專節原知名于北虜豪情且快
請纓泮樞未懷金屯尚結赤囊旁午紫殿命申長驅
滄海失千鯨布龍蛇于掌上一嘯玉關回萬馬運貔
虎于月中合蕭相國趙營平爲一人足兵食者數千
里鼎郭汾陽襄中立稱三傑係安危者幾十年鯨至
鷗來奪虎口以還箕子茅歸楷入滅兇皮以光周公
俾殿陪京便觴故里東海澄南海宴旂常特書丹青
將星朗壽星明金紫三命五命某無資贊畫有媿
鈴緯武經文信天生英傑男子敦詩悅禮喜國倚師
貞丈人麟閣神情駿烈適隆白下鳳臺風况雄威仍
啓雋類函卷四十 八

代賀殷大司馬啓

南京

明吳守道

踐北斗台階位崇八座參南都機務望冠六曹英聲
丕振於華夷光寵分榮於鄉國祗申燕賀敢藉魚傳
恭惟某官紫垣元精錦江間氣月宮擢桂宴鹿鳴之
先班天府看花題鴈塔之高第擅文儒於一代推碩
輔於三朝僉擬司空之功宜使百揆之宅顧南畿爲
皇家肇造而西樞秉軍國要機惟公啓武侯故鄉圖

精八陣惟公負尚父重望囊括六韜乃由冬曹特遷
夏部谷釐九伐統領五兵得頗牧於禁中隱有在山
虎豹寒羗戎於塞外曾無跳壘豺狼李勉用而朝廷
始尊仲淹登而士夫相賀某忝粉榆末學瓜葛夙姻
望履未遑彈冠竊屐伏願司天喉舌榮生劔舄於一
朝佇看作帝股肱勲勳勳勳於百世

代賀蕭大司馬答

明謝肇淛

帷幄運籌元老奏安攘之烈樞機錫命帝心屬杜稷
之臣廊廟得人華夷胥慶恭惟其官乾坤間氣文武
具瞻建肅北陲名姓落旃裘之瞻代樞西府經綸弘

啓雋類函卷四十

九

尊祖之猷最爾播州遙連楚道自唐而後割據幾三
十傳八閔以來羈縻亦二百載詎意野心之狼子終
逆執事之鴈行五月渡瀘諸葛定征蠻之策一人破
賊晉公主伐蔡之謀機運九天勝決千里金縢動地
鯨鯢服京觀之刑銅柱標雲鱗甲變冠裳之命南人
不復反矣西顧寧有憂乎雖伐罪吊民聖朝有兩階
之化而發縱指示相國實萬世之功顯席紫垣殊恩
丹券麒麟閣上不書第一之名鵷鷺班頭共仰魁三
之象知宰衡行虛左以俟卽寰宇且拭目而觀其夙
累一陶尚驅六轡食肉者鄙未諳黃石之神賴佐寬

而煬幸賸彤弓之盛事敢馳介使顯抒賀私芻蕘陳
人久注烟霞之夢槐龍新影佇看霖雨之施

賀南京兵部尚書舒公啓

明趙世顯

聖王治六師以平邦國特隆司馬之權清時崇九列
以奠民生尤慎鷹揚之選蓋本兵爲國家重寄而南
畿允天下要樞自匪鉅儒曷勝渥寵恭惟某官西粵
斗山中朝柱石自銓衡而晉藩翰人高召伯之風歷
開府而陟崇階世仰趙宣之日寵光薦被勛績彌隆
某猥以樗櫟之微幸聯桑梓之末附仲氏敢云驥尾
叙通家喜接龍門頃者獲拜前旌過辱俯垂未照茲

啓雋類函卷四十

十

敬少中燕賀無用仰答鴻私翼翼小心伏冀鑒茲下
悃爰爰束帛尤期有厥纖微

戎政尚書

賀張弘軒司馬啓

經略陞戎政

明唐堯欽

借寇薊門特崇鎖鑰之寄思賈宣室復升樞筦之班
天將大任於是人公故結知於明主旂常生色樽
俎增輝恭惟某官今吉甫臣古卻縠帥拔庭抗疏凜
虎豹之勢於山中制府籌兵正鯨鯢之誅於閭外適
西陲之經略屬大臣之遣行惟戎政最關安內攘外
之機而團營實繫居重馭輕之本疇克當此曰惟公
哉爰詔下於東郊用趣歸於北闕蓋虜無生事賴司
馬之重來而吾復何憂幸夷吾之尚在茲諸臣聽履
啓雋類函卷四十

聲而喜

賀王懷棘擢右都掌戎政啓 明萬世德

內臺端長近典五兵二府親臣衡提三帥方寄九重
之耳目更爲一人之爪牙光燭台垣風生禁衛恭惟
某官表儀群辟砥柱中朝雅量吞虛吞雲夢者八九
弘裁嶽立登太華以千尋蹇紆閭外之節旄宜預樞
中之籌畫冠烏府忽崇總憲之班魚鑰虎符又總
元戎之寄惟真儒無敵于天下故聖人制勝于朝廷
千廬萬旅以無諱何慮鞭笞乎群狄兩杜三台之屬
望行當冠冕乎諸侯伏念某宇下八年行間萬里操

持銖兩悉用大冶之鑪錘戰守機宜總是壯猷之指
顧際此延登之會式懷凜雪之私雖藉尺書豈申微
悃遙瞻兩臺之輿衛載揚鷺羽以前驅袞衣繡裳猶
自鴻樞而發軔金鉞黃鉞佇看上相之權衡祗深欣
抃不盡敷揚

唐雋類函卷四十

三

賀尚書考滿

賀塞司馬考滿啓

明

銅柯鐵幹元老歷歲月三千紫電清霜武庫橫甲兵
十萬當三載考績之會適九夷通道之秋帝注安危
朝虛端揆恭惟某官雲霄清閥日月高名策籍曾鴻
猷振纓隆駿業文紳武弁悉服人龍走卒兒童皆知
司馬天子重北門鎖鑰久寬東顧之憂胡人憚西府
威名誰縱南下之牧十乘劍寒龍井一戎弓掛天山
芒滅機槍烟消烽燧心成丹鬚成雪番番膺力忠猷
內則治外則嚴塞塞匪躬大節歷年多年四十二年

啓雋類函卷四十

又三

如一日一考再考二十四考弼三朝圻父作王爪牙
增重本兵之寄尚書司天喉舌震高天履之班恩極
崇褒慶延世及某罄丹衷而踴躍情隨賀燕差池望
紫氣以續紛心悵登龍阻隔恪修無牘薄侑芹將伏
願我來自東共訝軍中韓范王置諸左行看殿上夔
龍

賀尚書加恩

賀田大司馬進宮保啓

政西

明萬世德

中臺登顯大捷告成司馬九伐之權方崇常伯列棘
三孤之任忽奉明綸朝野聳觀變夷易慮竊以我國
家去樞密之地戎事悉在本兵諸賢哲當搶攘之時
庠績率由計定故西陲之出將入相前有京口而後
有太原洎北邊之外攘內安始以襄敏而繼以襄毅
然皆千蕃四國介爾弘猷式公折衝于萬里之阨丕
揚廟勝弼亮于亞師之秩有赫巖瞻曠古為榮于今
兼授恭惟某官風雷氣集淵獄規模隱然負海之六

啓雋類函卷四十

又三

鰲豈曰天下之重迅爾走原之萬馬何云關外之艱
緬昔河西屢罹兵革于今陝右累復土疆黃河玉塞
之間始悟弭番以資敵青海天山之際久安固圉以
維城膚功茂于百年極慮殫于七禩索弓卧鼓重鎮
紆肘腋之虞喪膽驚魂點虜抱頭顧之痛無用諱兵
之兩字豈憂謀國之數公幾以應而決成詭不鼓貔
貅之勇名非驕以制勝寬其容孤兔之窺關山無犬
羽之南飛河朔接三城之北拱敢不縷指以述安攘
之畫即使僕豈悉匡濟之猷帝念重臣爰咨喉舌
人歸元老荐卑股肱升班宅揆之尊尊掌樞機之重

油幢西邁不傳赤白之囊繡衣東歸爭獻玄黃之篋
伏念某久叨化治續奉軍麾奈何言人人殊此身若
在方賢忽倂之介誠使惟事事備衆論已落左戰右
款之偏遂以戈矛燧燧之馳驅竟作皮帛大馬之獻
納兩年漢節誰與驅除一炬秦灰猶云虛誑迨宣威
于遠略始追錄夫微功天日共鑒夫長城公既奏執
訊而獲醜風雨不搖于夏屋愚得附破斧以缺斨往
昔重臣始爲澤雪肆予小子更與提携望林馬于龍
堆豈直機宜之不來附飛鴻于燕市敢借頂踵之有
私如鄙言自訟以受知信常物豈稱而執賀抗旌微

啓集類函

卷四

語

外總不能策標柱之奇勛解組區中尚可以作磨崖
之韻語尺函竭矣兩端在茲

賀兵部尚書加恩啓

進太子太明余鍾英

決策樞庭萬里著折衝之略單恩宸極一時侈名器
之榮台垣之位彌尊節帑之藏並錫光生鼎鉉喜動
縉紳恭惟臺下才以百鍊愈堅節與五紘并素鑪錡
大化作傳嚴之礪金黼黻皇猷類仲山之補衮世詠
陶鎔之澤衆推挾纊之仁顧蠢動之么麼敢猖狂而
犯順用勤借誓安邊以立功名是賴運籌不留賊
以遺君父殊勲成於指日異數頒之自天眷旨異溫

更荷縉金之貺宮階再進兼承蟒玉之儀榮分太府
之藏掩映隋珠十璧綺散天孫之巧依稀蜀錦越裳
三錫光浮五章文綯共美恩綸之重曾誇指示之勲
某錙銖微器謬承鎖鑰之司尺寸常材忝荷藩屏之
寄尚賴斷金之論謝鼓鑄於範模載觀帷幄之謀睇
經綸於杼軸有符雅望無數慶思

賀鄭大司馬加恩啓

明王家屏

茲者西陲奏捷策府程勞主上追念舊勲特頒異渥
金吾貴胃恩延奕世之榮鼎鉉崇階詔俟起家之命
寵光燁煜朝野登觀慶祉駢繁華夷并仰其情殷舞
蹈跡阻樞趨猥蒙瑤札之詒謬辱袞言之藉撫奮爲
用尚記稟畫于當時振旅而歸直待收功於此且阻
趨陪于賓饗僭修祝乎仙齡願嚴石且瞻之身翊宗
杜無疆之運決維膏于蒼赤垂慈真于雲仍

賀張大司馬加恩啓

進官保張子賜金幣

明李言恭

伏審邊庭決策折衝著萬里之奇宸極重恩名數極
一時之盛台垣益峻世澤彌崇榮生金幣之輝喜溢
簪紳之會恭惟某官國之蓋臣今之儒師允矣北門
之鎖鑰巍然上國之長城顧茲蠢動之么麼用厪安
懷之計畫雖喜則人怒則默之軍方有小驚迨車如

棲馬如狗之來無何大定功亦偉矣賸露布而可知
帝曰都哉覺天顏之有喜乃盟勲于冊府遂簡眷于
宸襟宮保特加愈重褒崇之典廷僚載進懋隆世及
之恩更分太府之藏光浮三錫兼領在笥之賜文綯
五章其錙銖微器承乏金陵尺寸常材謬司南服尚
賴斷金之論謝鼓鑄千範模欣聞綸綍之宣睇裁成
于杼軸有懷傾注莫既頌言

賀塞司馬考滿加恩啓 應子 明

銅柯鐵幹元老歷歲月三千紫電清霜武庫橫甲兵
十萬當三載考績之會適九夷通道之秋帝注安危

啓雋類函 卷四十

王

朝虛端揆恭惟某官雲霄清閥日月高名策籍鴻
猷振綬隆駿業文紳武弁悉服人龍走卒兒童皆知
司馬天子重北門鎖鑰久寬東顧之憂胡人憚西府
威名誰縱南下之牧十乘劍寒龍井一戎弓掛天山
芒滅撓槍烟消烽燧心成丹髮成雪番番膺力忠猷
內則治外則嚴塞蹇匪躬大節歷年多年四十二年
如一日一考再考二十四考滿三朝圻父作王爪牙
增重本兵之寄尚書司天喉舌凌高曳履之坵恩極
崇褒慶延世及其罄丹衷而踴躍情隨賀燕差池望
紫氣以續紛心悵登龍阻隔恪修蕪牘薄侑芹將伏

願我來自東共訝軍中韓范王置諸左行看殿上夔
龍

賀邢司馬平倭加恩啓 加太子 明萬世德

膚功丕奏折衝樽俎之間慶典弘敷謨弼廟堂之上
懋賞未延後商策勛上掩前修藩籬益固與邦閔
大光師武寵來蕃蕪賀倍掄揚恭惟某官山岳比崇
風雲會妙功昭宗社居然萬里長城業滿邊陲豈直
兩朝元老遼人問司馬冰山不解低眉羌虜服子儀
砥柱益堅折股掃穴之功既奏盈庭之議不搖元戎
執訊以獻俘天子論功而行賞方重黃圖腹心之托

啓雋類函 卷四十

王

爰崇青宮保傅之班慶衍山河光生圭璧某續紹賤
品附驥下材幸充國之老成遂收河湟偉績喜徐勣
之英武卒成橫海大功竊慚小隊以莫前慶幸訐籌
之克捷剪豺狼騰虎豹奚取堅儒一斑焚鱗介走蛟
龍益窮鼉鼉五技篋篋不腆山澤可羞勒鼎窺石室
之藏磨崖作浯溪之頌瞻言休烈恩矣詞章

賀司馬功成加恩啓 明

勤有制官軍職無知黠虜玉關奏捷金闕加恩褒師
中之丈人信天生之名世徵八道而戰八克八威震
八紘進三品而金三紵三恩隆三錫出塞入塞臣子

塞上奇勲懋賞懋官朝廷懋下特典颶犀機咤聲尾
擎虎嚴半壁之天殪封豕斬長蛇光麟閣重輪之日
其登龍無自緘鯉有懷我所思兮白雲端望斗山於
咫尺何以報之青玉案燧片獻之澗踈假一絲一縷
尋常將必敬必恭方寸仰瞻高躅頓念微悰

啓雋類函卷四十

天

啓雋近體卷四十一

類函五十三

東吳俞安期美長電編

上饒王嗣經曰常同輯

建武羅應世觀如訂定

夏官部二

賀尚書壽

賀鄭大司馬壽啓

明王家屏

中興佐運勲標日月之旂南極呈祥光燭星辰之履
班依黼座宴敞瑤京百辟其刑四方來賀恭惟門下
貞元間氣泰岱精英學夙貫乎天人才兼綜夫王霸
輶軒敷歷黍苗浹陰雨之膏旄鉞指麾榆塞息風煙
啓雋類函卷四十

之警微管氏吾其夷狄功尤賴于一匡有李勉始成
朝廷望迄隆于九鼎志在安國家定杜稷曾寵辱不
動其心忠可格天地質神明乃險阻益伸其節手援
一世之困乾紘默恃以廻旋身兼四氣之和鼎寶特
資其調燮郊禩應候嶽降逢辰名世五百年信豪傑
挺生之不偶升朝四十載慶明良際會之非常作帝
股肱葆真精其益固司天喉舌參元化以同悠九重
注意乎老成四海傾心于耆碩田夫走卒愈知溫國
之姓名鞮譯象胥共訊晉公之年歲邇星弧而紀瑞
花正滿於春城環台席以稱觴壽紛添于海屋想風

雲之動色占日月以增華某夙忝恩私倍深欣忭奈
廢居于巖壑阻擊跼于堂階敬羞澗沚之毛用效岡
陵之祝願寵膺千宸眷以茂迓乎脩齡壽國壽民培
宗社無疆之祉卜年卜世綿聖明久道之符

壽蕭仰岱太保啓

明萬世德

南極一星光映三台之上東溟八柱祥鍾五福之先
既春月之載陽迺遐齡之錫筭恭惟臺下天篤良弼
帝倚世臣駐足萬馬之場安社稷不假于遽色定力
六鰲之地措天下無異乎泰山蓋其得之造化也委
和是以等之人羣乎獨厚經綸安攘豈特功業之非
啓雋類函卷四十一

常恬澹優閒實乃官職之太耐維茲三月適會五陽
值皇覺之揆初正清和之履序人間盛事衆胥頌元
老之誕膺天上嘉祥予竊效鴻蒙之頌述其荷鈞宇
下執戟海津愧小子載馳以載驅幸至人壽民而壽
國一函稱賀寸艸為將摩銅狄以問年幾見蓬萊之
清淺輦金甌而紀績未垂帶礪之崢嶸不盡願言但
多遐祝

賀石大司馬壽啓

明管志道

大呂司辰瑞氣滿雕鳩之署中樞明宿勝事值玉羊
之年武庫五兵安貽宇內天門八翼光近日旁恭惟

門下功參造物謀協先天摩霄垣碣之高標擬乎作
往納海洪河之雅量沛然成霖崇論讜言補帝衮而
煒燁五色沈機深略敵王愾而皇皇六師坐策銀州
一鼓而雲徹泮渙默籌滄海再舉而席卷虔劉鐵障
金城國家伏精神于元老蒼松翠柏夷夏瞻氣色于
長安初度筵開丁年無二毛之感千秋業富子夜有
四時之歌月既望而北落爭明星方迴而南斗獨燦
壯猷貞吉丈人之錫命惟三好德康寧師臣之歛福
有五竊念後學最慕前修兩塞驅馳夙奉幕中之畫
三垂坐鎮深懸閫外之推酌漢水以為漿天酬明德
啓雋類函卷四十一

望華峰而效祝莫罄私衷伏願恩與日新業隨年峻
雲龍風虎六符常見昭明地鴈天狼萬里永消氛祲
賀兵部尚書壽啓

明徐大化

子月陽回五郡滿春融之澤元公德布九天開壽域
之祥南極光浮西秦色動恭惟臺下邦家著蔡官府
神仙德覆邊陲戎狄問其年貌望隆槐棘兒童知其
姓名茲當荔色開挺之時正值申甫降神之日應黃
鍾於緹室挺白璧於燕臺千萬人而傑出英猷五百
歲而間生名世家居日月之近可謂地接蓬萊身膺
龍虎之符真是威揚朔漠階符同耀拱宸極以常尊

神岳比崇鎮坤輿而益固某躬逢穀旦雅觀繁禧塞
草生和願拂清風於幕府溪毛可薦敢鳴丹悃於瓊
筵跡阻披雲遙望三台紫氣心同傾日更期九轉丹
還伏願保合太和挈提元氣大椿難老佐有道於萬
年朱綬方來迓純嘏於百順

賀王春陵大司馬壽啓

明裴應章

文明運洽百年萃崧嶽之祥壽域天開九有慶華封
之祝籌添震海星耀離躔朝野交歡天人協吉恭惟
某官員命世之經綸淵涵海蓄擅宏天之學術玉潤
金精蓋惟玄昊篤生實五百年之名世故歛箕疇獨
啓雋類函卷四十一
厚翊億萬曆之皇圖茲者候應清商律當夷則適筦
樞之暇日正弧矢之懸辰瑞協三台南望壽星耿耿
塵清九塞西來佳氣葱蔥某久隔丰神欣逢美盛觀
丹霞之北爛莫遂稱觴瞻白鶴之南飛徒勤獻曲聊
陳不腆用祝無疆伏冀台慈俯垂鑒納

賀林下尚書壽

賀鄭範溪少保壽啓

明萬世德

震一索而得男始見乾坤之用始七日而來復適同
造化之機天有是時人擁其祉恭惟臺下朝野儀刑
將相勲業登麒麟之閣誰知身兼萬里之權集芙蓉
之裳獨神遊八極之表適維冬仲正屬化先仁人當
天地之權輿大造鍾乾坤之亭毒青山綠野方仰元
老之履巖石室丹臺已籍上仙之圖錄趣味轉深于
物外翹企愈切於人寰早褒德七十而封侯行年是
矣文路公九旬而榮隱於德劄焉某拔節微才馳驅
啓雋類函卷四十一
遠役馬因回首何嫌轅下之車桐遇知音迥出甕中
之壘十年謬登于臺憲半生侍庇于門墻喜際際初
悵從微外蓬萊作礪疑從芝木之可羞滄海爲池尚
想雲霞之作伴以斯稱賀不盡揄揚

賀鄭少保壽啓

明萬世德

五緯麗天見真元之必應七日來復知造物以開先
既有是時宜膺厥福恭惟臺下弘濶海涵崢嶸嶽立
身繫安危者三十多年手罕經綸乎八千餘里夷虜
服其綏靖國家賴以奠安綠野優遊青精厭飲園林
隱司馬如四十圍溜雨之銅柯朝著倚裴公真二千

尺參天之鐵幹惟茲初度適值陽回天地之德曰生
至人之福維壽其廿年襲庇身在忼懽之間十載承
恩名廁參苓之後既指揮于戎馬又顧盼于節旄鹿
鹿豎儒久尚羊于壽域徂徂小技但鼓舞于廐臺敢
投北海之門用作南山之頌如松如栢方侈乎瓊漿
右髓之陳采蘋采藻過附于碧藕水桃之薦

賀趙大司馬壽啓

明舒曰敬

天壽皇家平格自膺乎多祉人瞻大老精神永福於
羣生三台光飾萬邦南極星朝北斗仰觀象緯寔慰
中心恭惟臺下自天生德當五百名世之期維岳降
啓雋類函卷四十一

六

神作千里邦畿之彥以先知為已任自幼學而已然
策仕秋官既敬猷以長王國持衡全晉復倡道而壽
斯文有此元功自宜難老而況心存社稷其國家永
命之休謀切邊陲致聖主銷兵之福力扶正論獨斥
權豪處林泉而若在朝廷二十載而猶如一日順消
息盈虛之會得從容進退之宜起安石於東山蒼生
望重相司馬於中國胡騎心寒歷藩臬而晉中臺功
昭內外撫兵民而殲巨寇德備剛柔貳本兵寔培
元氣贊堯天而舒舜日涉禹迹以求周年其壽國已
如斯乃遐齡亦何媿惟茲復日載誕誕辰海隅咸致

其頌聲官守獨違於趙賀敬馳頌臆奉徵寔為
天下而壽公非特一人之私願伏祈台照無任榮輝

賀鄭大司馬壽啓

林下

明王家屏

台鼎凝禧梅信入調元之七星弧啓宴椒聲浮介壽
之觴慶洽庭闈歡均朝野恭惟門下扶輿間氣光猷
精英學綜丘索之微言才裕經綸之大業輶軒駸駸
轍幾偏于寰區蓬萊旬宣勞獨深於邊徼以尺組制
璫裘之命操縱曲當平機宜以左泥紫鎖鑰之防封
守倍增于形槩作師洛水九關肅虎豹之威略地河
湟五郡掃豺狼之跡予有禦侮宸衷方切於倚毗公
啓雋類函卷四十一

七

乃辭榮雅志暫圖於休沐功成名遂退尋黃石之高
蹤累釋天全坐進丹臺之大道時維覽揆景正迺長
七十杖朝之年端笏垂紳儼儀刑其山立一陽生子
之候連珠合璧綿氣序以規旋道應大來協天地泰
交之會祥開初度值春秋鼎盛之期迂公旦于周郊
風雷有待接嘯龍于舜殿日月增華其恭託鴻麻欣
逢令誕阻趨陪于寶殿修祀于仙齡願嶽石具瞻
之身翊宗社無疆之運浹維膏于蒼赤垂燕翼于雲
仍

賀元旦

賀南大司馬劉公啓

元旦

明唐鶴徵

日麗新冥玉律肇三微之始雲輝霽藻碧虛推八座
之榮恭惟某官廊廟鼎鉉寓震山斗家有周公之履
舄廷有山甫之藝常瑞日慶雲緝爲純嘏椒花梅萼
助此清芬冰鑑無心三載瑞鳥之象陽春有脚八埏
威鳳之祥正值孟陬履吉之時况復重申與命之候
藻旒深眷荷橐新榮環四履以歌聲顧百靈而動色
塵銷粵嶠帝曰無復朕憂憲東陪京僉曰無如公司
其分符瀕海特宵座之帡幪瞻拜轅門忽義舒之改
豐雉類函卷四十一

賀鄭範給少保啓

元旦

明萬世德

大一統于寰宇又覩新頒之鳳曆集百祥於闕闕遙
知夙介之鴻禧春光無間於遐陬熙祉益蕃於元老
恭惟臺下德鍾太和化同元氣樹長城而增鎖鑰遊
壽域者豈獨緩帶之邊民將上命而定擒攘懷惠綏
平幾徧改襟之羌種人久望希文于紫府地何偏謝
眺之青山忽回柳放以梅舒但喜竹苞而松茂伏念
某邊頭敝帚嬰下餘音謬享千金奚裨拂拭猥從一

木合奏宮商已擁左輔之節旄丹領東藩之帷帳
龍夜冷益深江海之馳驅桃李朝榮遐想門墻之屬
閣恪申椒頌擬祝椿齡動勦柳沐之勞敢謂銷氛于
震旦寂寞寬閑之適行將翊運于泰階

賀邢司馬啓

元旦

明萬世德

赤奮運遷風嚴虎帳青陽律轉春藹龍杓擁旗幟以
凝祥握璇臺而協吉恭惟某官贊鈞弘化推轂專征
大呂黃鍾備四時之全德吳鉤紫氣決千里之折衝
茂對昌辰欣逢介福虎符魚鑰暖回陽谷封疆犀甲
熊旗春到扶桑草木其跡疑塞馬身是波臣無能浮
馨雉類函卷四十一

賀邢司馬并東征文武啓

元旦

明萬世德

三陽迎鳳曆新頒箕服山川一氣轉鴻鈞獨布木皇
德澤福臻元老春溢遐陬恭惟某官青規應候躋萬
物于熙臺黃道開祥措八荒於壽域睠茲絕徽適會
太和聲名垂赤縣神州功業在句麗肅慎白旄東指
滄溟駭浪全消黃鉞西來鳥嶮妖氛盡掃某謬司專
闕幸濟同舟拜手霞觴遠聞梅邊臭味濡毫霜繭蚤
催花底朝班

賀尚書端午

賀李大同馬啓

明董應舉

五神定位祝融司日德之權九法正邦司馬總夏官之政况辰逢于地臘正柄博于天衡陽已極而陰生戒心於姤類不盡而明繼折首於離非夫佩社稷之安危妙陰陽之消息文經武緯消邪孽于未形東討西征廓乾坤于大寤安得威加委火氣壓炎風境無鳴夜之梟尸有射圃之粉材官無事而瞻柳士女競樂於飛鳧吏奉法而靜事無刑軍閉謀而息烽不聳光生赤緯瑞應縉雲信閣下之為功雖吾徒其被賜

卷四十一

者也其等叨塵南國望復北辰登冰玉之堂典刑如見想麒麟之閣瞻觀何時聊徂微忱用塵台座紉蘭沐蕙敢自遠於芳華致日歌薰願長宣於聖治

上尚書

上曾兵書啓

宋李劉

交鄰有道寢兵固帝王之功制勝無形銷患在廟堂之上今犬羊之交噬久鷸蚌以相持殘虜僮魁怒將移於水蟹新酋稍逼殃易及於池魚至如歸附之民亦是分爭之釁戰守和之未決難察察言兵食信之何先宜事事備今徒懲創已往之失遂至闊略方來之憂本惡張皇事反流于怠弛初求鎮靜弊乃至於蔽蒙最是民因易搖乃覺兵虛必瀆言之唇腐識者心寒城非不高池非不深險誰與守饑者欲食勞者欲息怨豈在明藉令有效死之民亦未見決勝之將外憂縱緩內蠹已多願察積薪厝火之形亟為徹桑末雨之計通民氣於士氣參天心於人心收拾群材恢張衆志戒牧守之伎刻斤將帥之驕殘亟厚邦儲速蒐軍實無非事者綱既舉則目張不早圖之枝未害而本撥恭惟其官恭懿而惠和弘深而肅括榮進素定夙瞻魁下之曰台昭晰無疑豈待日中之見斗信儒者有益於國見天之將任是人未嘗揚已以取名殆欲格王而正事自參宥密益懋弼諧古所謂鄰哉之臣人將責賢者之備誠能歸草茅之公議置在

卷四十一

本朝從而散廊廟之泰和達之薄海此真漢相矣豈
憂匈奴哉上將恨無官以酬公公亦可有辭於末世
其慙由氣稟拙不時宜頃因場屋之文特蒙偉視繼
修竿牘之敬又沐賞音回回州縣之塵落落功名之
夢本謂伯樂之既顧群馬皆空益知鳥獲之難逢匹
雛莫舉竊料黑頭之宰相亦憐白脚之門生然願廣
萬間以庇寒詎敢私斗升之活涸捲珠簾於耒老勿
疑驚燕之呢喃令江水今安流庶遂閑鷗之浩蕩

梧島類函 卷四十一



上楊大司馬

此篇在卷四十一

明成化

命渙九旅光生雙履姬公相周而東已肅銓衡之選
召保分陝而北又登屏翰之壇風清諸夏運際清時
作新牙纛之威再屹金湯之險橐鞬敵愾樽俎折衝
非扶內地之本根孰壯山川之保障星馳汗號雷動
歡音陳六月北伐之詩式歌几几刻萬年中興之頌
晉位巖巖恭惟臺下人物三代德業兩朝幃幄經綸
恢宏慶曆之峻德指揮談笑兼修將相之威權獨賢
於王事之勞自任以天下之重從容文武闢闢縱橫
峴山追太傅之經營江左奮夷吾之愷悌師垣制勝
虜氣全消儒將登壇神機頓發虎豹貔貅之凌厲朱
千玉戚之鏗鏘節鉞加而氣勢昌弓矛合而聲容壯
六飛之馬莊重而不馳萬斛之舟舒徐而漸進大開
玉帳觀三軍百姓之歡迎再築沙堤容一馬三童之
促召矧今聖哲馳騫之秋正切英雄將相之略加以
下堦引彥鑒識子之遺言側席親仁識王生之雅量
求小善於纖芥拔幽滯于沙泥同居里閭屢沐甄陶
方慶畏途之乞身得開老境之笑口寵辱俱廢以渚
花汀鳥爲依歸得喪雙忘與白蘋紅蓼爲隣友舍闌
闌而卽滄浪若將自老離市囂而襲清曠分外何求

豈知丹詔重頒軺車當戶一舉而肅銓選之班再展而督兵戈之署南薰解慍仰雲闕以翔魂東從變音叩轅門而脣頰倘蒙河陽之薦有愧石生若遇豫章之褒徒慚荀爽唾咳為恩願有望也顧盼成飾豈徒爾耶

代上大司馬田公啓

本官考績

明盧純臣

元輔樞衡未壯皇猷于萬國熙朝神武丕揚天紀十三辰合朝野而傾心揔華夷而悚息恭惟某官將相兼才公孤重任北門鎖鑰旃裘納款于邊沙右地金湯輟譯承風于內服鏡歌詠不戰之威麟閣紀無前啓雋類函卷四十一
之蹟天假絲綸之重特進師垣人瞻彝鼎之尊肩遷卿位寵高宸極快宇宙之清靈光遍寰區媿江淮之踈遠卑職茲逢考滿宜瀆聽聞敢攀八座之微容俯致一函之鄙臆仰惟澄筭曷已瞻依

候尚書

候李司馬啓

明

恭惟某官望冠斗樞威宣玉帳家學舊傳司馬指顧三邊師貞久藉卧龍吹噓四塞霜嚴谷戢樹漢死之南山花映旌旗開秦城之北斗千群電掃篋盡獻于玄黃百二風清囊不奔于赤白萬里獨舒夜嘯收梟鏡于掌中九關不動秋塵画麒麟于閣上某跡阻鴻傳情傾鰲戴向日觀風節上久欽塞上無雙邇來問俗秦中倍信軍中有一緣未諧于御李惠先施于校桃馬首指西遙憶朱幡耀采龍門虛左佇看繡衣來啓雋類函卷四十一
歸

候兵書通用啓

明許以忠

策決樞庭萬國藉折衝之略勲題御柱三台虛調燮之班欣瞻大拜於崇朝預慶永調乎元氣恭惟某官秀鍾五緯德憲萬邦早捷賢科著邁元之重望篤生名世兼將相之全才崇勲紀錄于夾螭華秩登庸于司馬威靈赫奕馮樽俎以作干城號令森嚴肅獫狝而閒刁斗不必金城圖覽虜形盡在目中無煩寶劍鋒摧神氣頓揚域外蓋兵提其本參謀萬衆之雄而帝渙其綸即應三台之象

候孫大司馬啓 兼官倉

明諸葛昇

形惟疏寵文昌聯八座之尊紫塞靈司會寄九關之命禁涂增重士論僉諧恭惟其官奎井星精豐鎬王氣承乾一柱障風會之如任駕海六鰲砥波流而不動自任以天下之重官府兼司獨賢於王事之勞兵農共寄經綸成掌上車書會而玉帛朝宗夷虜在目中樽俎陳而德喪落膽奕奕姬公之履舄直觀星辰韓韓山甫之彙常干昭雲漢麟遊赤水已看九命之功鳳至玄樓會際三留之拜羽儀中外模楷簪紳其款啓寡聞嬰珮可笑強持文墨取名於少年之場

卷四十一

七

敢負詩書置身於有過之地顧塞蹤難進而七骨多艱藩當子午之衝時值癸庚之急撫綏安集徒懷屏翰之思劑量調停茂有澄清之術懼同集木憂抱采薪幸微臣庇於台臺旋獲甦生於人境追惟京國綢繆教澤之歡遙阻階符踧踖情瀾之濶爰憑鯉素敬曝雀丹倘其在原炤之中猶然出造化之末占陳罔既傾嚮彌深

代候本兵李霖霖啓

明吳振英

筆籌帷幄爲皇家末固金甌星握河魁奉聖主宣威紫塞蓋禮樂斯文宗匠原載經緯無窮而翰鈴我武

自是風雲動色恭惟老師社稷孕靈以聖廟集乾坤朗耀以佐興王相古碩輔名卿惟克詰張皇恢萬世治安之遠略際此時河平海宴尤須壯猷元佐九天雨露之弘施爰溯我師釋褐登朝以來所在盡雷渥澤共羨戎樞保泰折衝非淺于今始建威弧木能揚藻千萬千姑舉崇標于一二逋臣授首車書通萬里巫黔巨浪安瀾漕輓狎長天淮濟卽展土開疆之烈無以逾茲佇助河矢彌之綸有加非遠如不肖某者夷門下士梁苑鯁生憶當年屈首青編安從振拔荷朽鈍受型玄造靡靳鑪錘是提撕獎借之恩等

卷四十一

七

生成而無量卽服勤銜展之服摩頂踵而難酬愧南國之溢竿遠從門之聽雪金謨石畫雖從郵報以潤淵涓福履龐虎額附魚書以旌葵藿漣蘭沅沚未昭明信之忱燕樹具雲頻繫論心之夢臨啓昌旣云云

候徐大司馬啓

明張應泰

一歲五遷龍溢滂紳雨露三朝八座名高曳屨星辰豪寓騰輝廟堂載色況辱葭莩之末與聯桑梓之邦附驥他時曾幸交歡令嗣登龍此日更欣奉教尊庭警效彌親恩施轉渥諄諄啓塞桑言面命耳提切切矜愚允是前推後挽奈才慙製錦而責重分符無三

善之堪稱何如李路標四知之可畏不負楊公心醉
德以翻驚足遵途而益戀風高易水望中吳樹偏遙
日遠長安夢裡燕雲自繞惟欣中台驟歷東閣弘開
願備樂籠是小子彈冠之日看銘墓鼎頌明公補衮
之年

侯邢崑田大司馬啓

明方大美

台懸八座榮增常伯之輝政統六師威肅本兵之重
猷壯一人于宥府望森萬里之長城業固金湯功歸
鉅輔恭惟其官仕膺股肱之寄才抱文武之全定策
籌邊掌上軒輅輅略折衝寢難胸中韓范甲兵名馳
聲雋類函卷四十一

六

四裔會觀麟閣圖勳烈播三朝共侯司馬入相其觀
光北闕夙叨培植之私銜命西江敢輟斗山之仰謹
勒短疏用布積悰願道體之常康佇天休之滋至伏
冀炤督俯切瞻依

代侯王大司馬啓

明劉仕義

側聞鳳鳴高岡之陽翬然羽附龍騰蒼溟之埃油爾
雲蒸然則薛邑懷賢得馮驩於彈鋏馬周代草穎常
何於拔茅伏惟某官毓英淦水發跡名邦龍簡琳琅
總軍民之重寄魚符森凜莫夷夏之大防姬周吉甫
匹休入文出趙求希又姬美後樂先憂天下幸甚崇

社幸甚某蒲柳之姿莫充任使鷹鷂之志徒切激揚
叨附梓鄉猥蒙知遇天朝著蔡時侍坐於清言熙世
典刑每承休於燕語心骨銘鏤夢寐懷存頃緣勾當
公遣於中京遂爾契闊芳模於上署斗山在望空懸
千里之神交銜結常懷莫效萬分之愚懷稅轅泗水
慕比立雪之誠翹首燕山心同望雲之想伏望嚴凝
候屆躬調以集天禧寧謚時承願養以臻國祉肅裁
尺素庸展寸忱乞賜台青光榮昌旣

侯兵部譚尚書啓

明易倣之

臺榭炫日肅清萬國妖氛海宇澄波掩映九天曙色
聲雋類函卷四十一

九

揔威權於重地赫靈德於遐方業固金湯功歸輔弼
恭惟閣下才兼文武學邃軒輅號虜塞之雄心掌上
驅馳輅略耀朝廷之爽氣胸中十萬甲兵坐幄運籌
却虜騎不敢南牧折衝寢難動天顏無勞外憂王朝
正倚方叔之壯猷遼人自畏司馬之入相某翔風栢
府持節戎臺行行楚國之雲涯傾心北闕昧昧燕門
之雨露翹首南天敬緘寸箋恭候萬福仰希明鑑俯
照鄙悰

侯戴大司馬啓

明張燮

恭惟明公業就千秋德施五嶺竹頭未屑陶士行之

苦心帶犢佩牛龔渤海之更始蓋就之者如冬日之
可愛而望之者如秋雲之可思况復比年以來長子
有禽奏師中之屢害康侯錫馬馳晉日之初蕃安不
忘危貴乃下賤雖少年喜事動生麟甲於片塵而元
老壯猷終固干城于萬里心動必明主之所亮身超
卽朝野之所瞻知明公之不得厭棄蒼生提提玄感
也某幸以孔李之通家獲締殷王之夙好嚮往五兵
乏武庫則瑣族易灰密邇萬石之家風則累心頓盡
自惟卞和之足斯別張儀之舌僅存而痼疾霞披逸
情雲上每欲縋馬七星抽珥五石顧茲遊倦但有夢
登雋類函卷四十一

子

思聊賡巴音用將曝獻少日御李荀葵之車猶導千
里詣劉張憑之舟尚遠倘值宏鑑良爲溢榮

候林下尚書

候大司馬劉凝齋啓

明魯光魯

台斗高懸夙願清光于漢闕春風久沐竟遠趨步于
程門南望有懷下情何極恭惟老師全德難名大才
不器昔司諫院敢言稱鳴鳳之朝陽歷晉京堂治事
如巨魚之縱壑一人嘉績群策推賢膺命而秩進中
丞銜音而專制閩省移符西粵益切撫綏躋要南臺
屢參謀議由司農而司馬善治賦以治兵號令震三
山壯哉鐘簫風聲傳九譯貌矣東南方際雲龍託五
百年名世遂盟洲鷺締六一堂著英棒日心閑知風
啓雋類函卷四十一

子

代候孫月峰大司馬啓

請告
家居

明王德乾

伏審久勞南甸暫沐東山掌九伐以糾邦旣倬龍

騰歡

之烈襄莫幾而在宥方殷司馬之宜爭歧新綸逾瞻
舊屬恭惟閣下精忠作述聖品文章身繫四十年之
安危道維五百歲之絕續惟 帝念金湯根本機宜
全倚夏卿而公覃華商威名樞密特從時望樽俎妙
六三韜略潛銷伏莽之戎帷籌壯數萬甲兵預殄美
潢之孽曾無亡矢遺鏃坐令卧鼓橐弓蟠踞搖搖以
復寧反側洄洄而旋定匪伏神武幾成潰形遠妥
高皇憑式之靈波不驚于銀海近紆 今上拊髀之
嘆國長輦于金甌膏情重憫夫拮据溫古勉俞其乞
假楓函慰勞相資稽山鏡水之間蒲藪徵求并升廣
啓雋類函卷四十一

厦細旆之上某猥以西江無數幸于東越有緣誦法
雄篇美登壇于大雅追隨欽騎欽尚幅于榮班自違
伏衛以星移每戀典型而日隔龍登不易蚊負何規
迨耆社慈溫公是賜執爰之會乃蒼生思謝傳非遙
曳履之期敢忘長者之垂青徒盼真人之度紫肅馳
尺牘薄展寸衷所祈天眷駢膺陟五兵于公輔春和
善攝齊萬笑于君王

通尚書

代通張魏公啓

兵部尚書題
鎮江淮承用

宋呂祖謙

仰夫子之門墻風有依歸之願瞻元戎之旌蕙獲承
節制之尊敢以丹誠寓之緇簡恭惟某官佐王碩輔
命世真儒先知覺後知傳斯文之正統小德役大德
爲善類之宗盟扶日轂於慶霄握斗樞於宥府入則
贊一日萬幾之務出則專五侯九伯之征震疊龍荒
焜煌麟閣處消息盈虛之變適行藏進退之宜肆琴
瑟之更張首輶車之聘召獻言申戒避寵就閑行機
交馳舊疏果符於龜東璽書仰至陪都載綰於麟符
啓雋類函卷四十一

代通致仕陳尚書啓

明陳王庭

魏公游畫錦之日商業有徒裴相居午橋之時及門

者衆况惟文章宿老豈非寰宇真儒共仰威光咸瞻
峻極恭惟師相閣下賦資肅括道履中庸長卿吞雲
夢之胸豈以八九而芥帶太白空岷峨之眼尚餘一
萬之琳瑯簡上帝心爲公室輔固已重清廟九九之
謂當應泰階兩兩之符乃甘松菊之主人暫作園
林之勝事等軒裳于物外鷗鷺同盟卷兵甲于胸中
漁樵共侶九塵不染曉行湘水之春一壑來歸暮捲
西山之雨雅意東山之行樂何心北闕之聯班閑擊
天之柱于匠林橫濟川之舟于野渡自謀則善人望
謂何五言吐藻雖云膺月下之歌一札塗芝竊恐未
啓雋類函卷四十

廿四

通王霽宇大司馬啓

明蔡復一

壯萬里之城歸而坐籌於帷幄本七兵之柄儼然戰
勝於朝廷立武有常用儒無敵恭惟某官述靈岱嶽
炳曜文昌喬木世臣動色大蒸之勲代采薇外治深
思小雅之經綸當其蟠萬甲於胸中蜚已說四夷於
掌上北門鎖鑰特簡冠公之忠西蜀綸巾羅下葛侯

之拜數萬金力爲議削虎背善管尺寸地不以假人
狼心芽折使繒市猶卑於漢餌而斧畫勿寢於宋圖
是謂百年之安能增九鼎之重游經東略入總元柜
決武吏之計重誅章自肅料邊庭之情實擅帳首驚
蓋命將出除書已知債帥之解且發金收超距立止
騎軍之萌戎狄爭問其起居兒童亦熟其名姓迫天
未雨時哉徹桑綱戶之功厝火將然賴有曲突徙薪
之策其讀佩刀之記宿翹領於龍門陪玉樹之遊兼
醉心於烏巷一移庫部兩玷藩符偶靖脫巾過式鼓
旗之律欲馴舞羽誰折樽俎之衝泛水雖隔於天谷
啓雋類函卷四十

廿五

芑山何殊於藜藿朝銜柱笏猶憶爽氣依人夏有談
兵能忘壯猷元老敢援馬曹之舊謬陳燕輟之言勒
三槐之銘質大蘇而無忝駿一字之拔依平子以自
慙伏惟鳳鳥方來仰冀軒皇於玄扈麒麟可象未辟
漢室之丹青

請尚書宴

鄉同榜請王大司馬宴啓 賀壽 明王家屏

九塞塵清日月炳旂常之績三朝望重星辰同劍履之光燕喜維新鷹揚未艾廟堂增色閭里騰歡恭惟台座猷養文武身繫安危仗天策以橫行先聲肅敵之魄抗霜旌而北指不戰屈人之兵梟獍懷我好音蛇豕寢其兇毒烏孫通譯解離結而被衣冠赤子謳歌不火而登衽席烟銷雁塞建千百年未有之勲春滿龍沙造億萬人更生之命淮夷大定晉公之歸闕有期鎬宴弘開吉甫之出車多日時方瞻象日適啓尚類函卷四十一

千六

懸弧華嶽降靈載衍生申之慶朱明應序正當紀甲之初得一爲貞壽身壽民而壽國持三不朽立言立德而立功將與畢召爲徒長佐太平之業豈假松喬作類斯膺難老之祥某等里閭後生年家猶子轅駒局趣未辨周行惆悵決飛敢希大翼領南仲于襄之績詞莫罄于榆揚賸方叔克壯之年情特深於慶抃謹涓是月某日肅陳几杖迎化日於萱階潔奉壺觴襲融風於蓬島惟先達作人師範風欽山斗之瞻惟老成爲國典刑爰効岡陵之祝伏願黃扉輟直廻顧盼於橋衡赤舄登依資光榮於俎豆

請座主余司馬宴啓

明馮琦

夏官之屬六十特高列赫之班曾國之士三千風佩著我之教化兩幸沾于闕里卿雲快覩于台垣式肆初筵恭申下悃恭惟閣下三朝碩彥一代偉人鍾五嶺百粵之奇靈珠在握總七略九流之要朗鏡澄襟鹿洞鵝湖文采風行于海表冠鵠印妖氛波偃于江天天下翕然而宗之廷中無出其右者方旋卧龍之駕卽看司馬之來當安危注意之時須文武兼資之略乃從泉石入贊樞機黃石韜鈴胸隱甲兵之富青霜武庫坐窮蕭轡之元豈但予王之爪牙具瞻圻啓尚類函卷四十一

千七

父亦具公門之衮李常對嚴師吹萬不同有三如一在二十年之離合望尊嶺有若尼山卽今五六人之從遊侍燕臺恍如沂水爭喜德星之聚况當湛露之初謹詹某日爰披絳帷恭迎赤舄卿省惟月同登樞密之堂士從如雲共擁臯比之坐枉簪紳于一日柱下彈冠落珠玉于九天席前借筋不獨趨步爲諸生之範行看精神折千里之衝不勝立雪之誠乃收順風以請

請邢司馬宴啓

明

拜塵鈴閣方嚴履事之時報捷轅門已屢榮勛之

敢修蘋藻傲狂旌旄恭惟某官勛業格天忠猷貫日
拯黔黎于滄海救赤子于潢池小子喜色揮書元老
勤煩飲膳遂消吉且敬迓祥光并新但可杼枕鼎烹
何嫌不腆黃河爲帶太山作礪庶朱君子之功嵩岳
化肉江漢投醪聊盡主人之獻預函致語蚤俟來軒

請大司馬劉凝齋安啓

明曾光魯

恭惟某官間世耆英熙朝碩輔聲名滿天下共云司
馬相公威望播邊陲自是維師尚父正懸五百年之
想廼締六一士之盟兩鬢未斑忍守江湖夙約餘心
更赤寧忘廊廟宵憂某傾情衡斗藉庇垂雲春日春

啓雋類函卷四十一

二十九

盤久已懷夫野曝采芹采藻茲適際乎風雪謙於某
日吉肅儻清觴薄申微悃伏乞蚤臨騶從俯賁幾筵
造膝聽清音樂筵設于洞庭之野開襟談勝事身若
從于南嶽之巔

謝尚書

謝俞兵書啓

除官○序
作世系

宋李劉

十年幕府公事未了于癡兒千里邦畿幹譽又思於
儉父不失依蓮之職足寬索米之憂一陶甚恩三沐
以謝恭惟某官基命夙夜勤相國家救靈武圖功茂
轉同寅之略任舊人共政共期先甲之平逐盜王遺
寶之休受匈奴奉珎之賀俾予從欲以治元圭何足
以告功惟公克成厥終大器益思于自治昆夷喙矣
烝徒輯之思無競之惟人圖有辭于末世伏念某官
無象似獨有驚庸已知咋舌以悔狂無敢刺口而論

啓雋類函卷四十一

二十九

事詎意贊木牛之運乃猶用芻狗之陳城南巷窮漫
曰去天之尺五江西轍迴亦惟乞水于斗升然或蒙
二三執政之知猶可備八百除吏之數小技卷曲而
不中詎應詰匠氏而杙楹大鈞塊北以無堪儻或陶
河濱之苦窳否則安倉庫之氏亦願甘盆盎之中客
燕差池曾辱捲簾之顧病駒局促更希膏肓之恩

謝胡大司馬啓

賜送行

明張尹

恭惟臺下早居台斗之垣勲猷自茂晚就德星之里
表式風高望固等于岱高量无涵夫淵海客人而枝
君已有推獎甚殷見客而官如素無接延加款遂令
下吏屢廁末賓迨當奉別之晨更被贈言之寵張揭
則瑤華滿軸納藏則寶燭隨囊已堪壯千里之行况
復隆百壺之饌醉心徹骨閱累舍猶覺餘酣回首凝
眸視重關漸遠遠耀舟次罕逢驛騎牘函姑寄過鴻
聊達謝忱併申候悃何能為報祇圖遵至教於青紳
不盡所懷尚願續芳聲于曳履

啓雋類函

卷四十一

手

謝張弘軒大司馬啓

明田一雋

文經武緯中朝仰昂軸之榮春育海涵下土歸陶型
之化詎期朽散亦被霑濡何德以堪非望所及恭惟
門下帝賚良弼天挺真儒愛在樂先雅自任以天下
誠與才合宜獨錫於師中維數年推轂之有人豈九
塞卧弓之無自頃輦車魚釜識者預方於折箠而烏
障雲營破之竟易於拉朽惟武德之有七薦之廟薦
之郊並功言而為三宜於將宜於相識帝心之簡
在矜揆席之來歸其也壯不如人况齒已過於半百
愚無知已獨公拔山於尋常忽辱藻斧之詞大愧還

孤之志銜深恩而因仍食息惟願奉一日東歸之望
望高車而傾企猷為實欣親廿年中書之考陳謬
腴猷特非恭統望炤存何勝悚息

謝大司馬張公啓

賞功

明戚繼光

望隆方叔壯猷克濟乎南征聲茂韓公寒膽騰誦於
邊圉蓋非又人之貞吉適觀群醜以來威邁者航海
倭夷駕潮辛螫戒嚴水陸紛矢石以摧鋒莫肆不絕
望金山而棄楫遂因草木環舉火攻盡執訊俘無庸
水戰此實仗明公之威靈與將卒之效也乃乃
廟寵錫蕃滋俯顧凡庸徒孤輶策然今狼烽才息

啓雋類函

卷四十一

手

勅尚波志雖期盡滅群兇才不足以當一面仰惟神
武幸被餘休竊謂為今之計而召兵選將二者須兼
裕餉圖儲獨斯為急是又煩擾經綸不成匡濟也某
深知棘杜曷勝干城敢不效駑駘之力特以報君相
之恩謹布謝私無任竦慄

擬謝兵部尚書舒公啓

明趙世顯

周宏六典特隆司馬之權魏設七兵尤重夏官之秩
自非碩望詎稱崇班恭惟某官中台德曜西島英
近冰龍褒聲望益隆於上國昔司漕政豐功特著於
長淮允矣足食足兵洵哉允文允武某向叨末屬

荷深知自慚下乘駑駘廁公門桃李分猷江上思
報塞之未能注戀臺端徒依歸之是切謹馳一介用
布寸衷尚冀台慈俯垂末照

卷四十一

三

回答尚書

回興元宇文尚書啓

宋孫應時代

井絡之墟勢雄南鄭文昌所鎮聲蓋西州云何至愚
極陋之姿乃有聯事合治之幸敬先尺素肅寓寸衷
恭惟某官學貫皇王氣充宇宙胸羅列宿九精照曜
於當中肯負青天萬里扶搖而直上訂綿絕之禮樂
秩本兵之簡書請行老上單于之庭歸贊中興天子
之計左切簪筆畫承三接之溫西掖演綸夜直九霄
之邃批勅擅名於夕拜訓戎專掌於夏官獻納論思
莫非大慮人物風采益尊本朝方當袞職之疇庸乃
啓雋類函卷四十一
三
動錦鄉之高興厥惟劔北控在漢中大將登壇之機
用之席卷三秦承相出師之章於以震搖四海特煩
君重又爲留已聞進律之褒行奉賜環之召遂登百
揆以正六符某並轡曲江之遊聯裾西府之掾仰瞻
門之鼎峻不賜濶踈致駕駕之推遷悉歸庇賴孰知
天幸亦使坤隅乃令平生肝膽莫逆之交正在今日
輔車相依之地用不辭於老鈍來自託於聲威何以
告之公勿替千旄之惠求爲好矣我敢忘木瓜之心

回答尚書

復邢司馬賀平倭加恩啓 明尊世德

馳驅效役曾無橫草微功指顧奉籌謬荷升華特寵
方兢兢而循省乃種種以加遺光溢价藩感深薄抱
恭惟某官忠貫日月氣奮雲雷登於齋壇陳師殲豕
周條侯以大尉專閫遂平七國之三十六軍霍嫖姚
以司馬臨邊竟克匈奴之四十萬騎敵氣壯于城于
貔虎威聲泣幽壑之蛟螭元戎塞上威儀光動三韓
草木上相師中節制塵清六海波濤風景不殊扶北
極重輪之日江山如舊擇東臨半壁之天某隨虎旅
啓雋類函卷四十一

復王司馬啓 家居

明

恭惟某官威望鎮邊唐國賴維師尚父聲猷滿中外
世推君實相公勲方紀于麟閣雲臺興忽動于鴈山
霸水清談疊疊精神倍二公之三素節颺颺瀟瀟洒洒
八仙之九三十年仕三十年隱已逢花甲之周八千
歲春八千歲秋更歷靈椿之永翁歸人望應動天顏

其二

露寔杖鳩德爲人鵠親祖割而登殿於茲三六
上儀賜璽書而遣行人彷彿辟雍之榮拜庭槐
雨露堂開綠野芙蓉三徑秋香不羨長安曳履九重
曉詔恍如宣室傳音報三朝鼎鉉之隆酬一柱撐持
之力此王上優禮元臣之特典豈群下噓植達尊之
私恩何乃德歸于人獎過其實荷移花于繡段嫺之
報于瓊瑤聊以寸忱將之二簋日月松栢華祝不止
三多德壽康寧其疇備全五福有懷瞻注不盡揄揚

啓雋類函卷四十一

字五

恭惟某官淮水天潢緱山仙系佩龍淵之劍許國披
肝掛天山之弓籌邊定策迫疏車之速駕望裴野以
榮歸情眷薜蘿興高泉石洛下皆知司馬南陽共號
卧龍天子晉三公三孤當年卓冠夷等造物惜一丘
一壑今朝全付耆英賤琮璧于光陰竟松筠于歲晚
不謂先憂後樂兩截總屬江湖磨磨一身其碌碌無
奇碌碌自守奈李忝作人之化驪黃辱鑑物之精獎
借及瓜豈振若充庭之鷺過歸行李非翩然出谷之
鶯荷元老篚篚真誠出世俗繁縟疏節來從波國盡
携寶藏之珍擁至相臺暴作陶朱之富愛莫酬于完
璧詎實重于斷金魚腹暫寄八行龍門敢通一

居駭鍾鼓徒自旁皇砥柱報瓊瑤有懷悚仄

回張弘軒大司馬賀壽啓 明田一僑

伏念不肖非德非才虛閱初庚寅之度此年此日真
成小戊子之羞誤辱包涵俯垂拔飾恭遇某官望重
華夷功在社稷獻納日月九重明鐵石之心整頓乾
坤四海入經綸之手既舉朝無出其右乃於人何所
不容遂使庸虛亦徒甄錄憐其班白錫以纁玄顧俯
慙四十九之非齒空催於犬馬竊願效三大千之祝
報欲託於岡陵伏願養德養身壽民壽國命圭兼相
印佇觀裴令之成聖主得賢臣擬上王褒之頌

啓雋類函 卷四十一

三十六

回兵部葉大司馬啓 林下 明許以忠

決策樞庭萬國藉折衝之略再情梓里八行含寵錫
之榮翹企龍光實懷雀喜恭惟某官清朝柱石名世
經綸臚唱現韓雲濯海並耕荆而耀彩襟期扶舜日
宸區聯閭闔以騰輝化已懋於盧龍棧遂加於司馬
握萬兵於掌上令行而雷動域中玩群虜於日前威
著而煙消閭外運奇制勝弘施元老之壯猷緯武經
文大振聖朝之神氣竊休東壁之光幸借高門之庇
正期恭候詎荷先施系袞與鼎貺以過隆感德與
顏而交切薄言申謝厚冀內融

答蕭岳峰大司馬啓

明田一僑

幸以天緣屢承德誨雖自知昏愚難破然似亦鄙吝
漸消至於感愛之私尤非占謝可悉恭惟門下以上
公之望膺聖主之知暫假機衡特司鎖鑰知九塞之
卧弓有自而中朝之當軸攸歸時邊徼徼福滿轅門卉
服同解甲之歡栢觴普授醪之樂伏願益培福履以
慰治平

啓雋類函 卷四十一

三十七

啓雋近體卷四十二

類函五十四

東吳俞安期羨長彙編

上饒王嗣經曰常同輯

建武王嘉弼青蓮訂定

夏官部三

賀侍郎初權

賀楊侍郎啓

宋周必大

班集縉紳廷揚綸綽冠孤棘外朝之位旌勾陳上將之功注意加隆折衝彌遠竊以周尊圻父俾專督於爪牙楚命大師實兼司於環列蓋事權之所寄宜爵職之俱崇矧在熙朝愈光舊典恭惟某官精忠貫日

啓雋類函卷四十二

勁氣凝霜敦卻穀之詩書備寇恂之文武蚤逢興運親結睂知昔將臺旌動之秋屢出平於邊徼暨瀚海波平之際遂入扈於殿嚴肅萬旅以無諱弼一人而有恪勲庸久著資望至優將梁三組以垂腰雖隆異數奉世十年之居位宜有殊遷爰稽貳公弘化之勞併懋經武整軍之賞錫亞師之新命仍徵道之舊權戢纛遙臨增賁普寧之鎮土田申衍益開渝水之封用光帶礪之盟式表旂常之績其夙瞻威範適總軍儲望緹騎於章○莫陪賓客窺黃麻於奏邸徒極歡悰

賀兵部周侍郎啓

宋周必大

策勲西省進位中臺事簡班高名列文昌之司馬職親地禁實兼翰苑之主人命出自中歡均于外恭惟某官學海淵澄而百家並畜文峰峻拔而八面可當自稱首於殊科即躋榮於要路判花西掖已閱再秋視草北扉亦將累月比對揚於金殿形褒諭於玉音謂宜力爲多久處絲綸之職而代言有得其子簪紱之情差錫異恩併隆徽數夏官真拜少休六押之勞內相增榮旣正五觀之直寶帶煥黃金之寵襲衣頒玉筍之珍頗收之在禁中旣坐兼於文武蕭曹之安

啓雋類函卷四十二

賀趙彥約除兵部侍郎啓

宋李劉

顯冊宗藩升卿武部司馬掌九伐之法外益重於中權元戎先十乘之行遠式過於近列傳聞四海欣懌一詞恭惟某官迪德碩膚負材環特獻宗英之禮樂卓爾不群謀元帥於詩書飄然無敵文武作萬邦之憲精神折千里之衝三百墨兮竊笑無功之祿利十八年矣備嘗在外之艱難自殄鯨鯢之妖滋奪大半

之氣茲膺天寵迄拜夏卿獎三軍以定中原聿觀偉績間兩社而輔公室佇接前芳其治任方歸閭報失喜知有功之則悅見無德之不酬錦城雖樂不如早還益增西望繡裳無所於汝信處更佇東歸

賀直院陳兵侍啓

宋播芳集

雍時歸班鑾坡陟序壯猷經武定堂下之孫吳妙畧緯文得禁中之頗牧榮秩稽古展也逢時恭惟某官德靜而莊學醇以博縱橫經庫甲乙丙丁四部之書馳驟詞垣天地風雷八方之陣諸儒爲之折北斯世得其指南捷上蓬萊徑排閭闔寧違時而徇義不屈

啓雋類函卷四十二

道以信身一薛莫留百參奚益玉鎖掣而麒麟出亦既許年瓊蕭奏而鳳凰來正在此日疇民庸於海嶠趣玉親於京華密勿論思雅容係直佩荷囊之新渥尋連炬之雋遊以精神驅五兵之材申號令鼓萬物之氣莫測韜鈴之深秘但聞盤詰之嚴明白玉堂前梅報春風之信紫宸殿裏槐移晝日之陰某塵壒埋頭永條照眼喜際戢戢之盛復窺顙顙之遺藜杖相呼共聽山東之詔瑋瑋在望第廣淇澳之詩悉意歸依無辭敷叙

代賀趙總卿晉少司馬啓

宋趙異齋

封檢日邊賜環江上繡衣立霄漢傳易地之榮新渥照乾坤復有朝天之命便蕃恩寵鼓舞興情恭惟某官振振之榮溫溫其德植太乙青藜之杖涵泳聖涯被天孫雲錦之裳朝遊帝所凡徧揚於清切皆自結於眷知寸心獨守于廉勤百世可與于含儒以王人之至貴總兵計於上流想當軍旅饑饉之餘備究本末源流之際梳其軍籍豈虛蟻聚以蜂屯核彼更姦何曾燭照而龜卜惟政事之間自足於財用故錢穀之問不至于廟堂錫山川附之土田已曰俾侯於魯有文章聽其規諫知能入相於周故休玉節之移

啓雋類函卷四十二

賀趙總卿晉少司馬啓

宋趙異齋

召從總餉晉貳司戎陽氣潛回方應地中之律詔書適至徑歸天上之班是爲君子之泰亨亦信丈人而師吉恭惟某官神儲崧嶽派別天潢蚤閱臺閣之儀自致功名之會心無求而廉潔與水爭清智不用而

高明如玉自照率茲以往轉而上聞首進掌千廐函
至榮司于園府要路已聯于卿月邀方乃望于福星
暫屈王人出將使指足食足兵而民已信載馳驅
而謀以詢宜四牡勞使臣之來而前席有君王之問
爰下紫泥之檢且頒黃紙之除折柳武昌門知已動
朝天之意識槐尚書省文將傳入相之聲其辱在末
僚適當遠戍方幸棲身千幕下忽聞振翼千雲間豈
燕鴻來往之不齊實鵬鷁小大之各異我公自東山
歸矣可想夷塗學者以北斗仰之尚希回照

賀費兵侍啓

原作
客案

宋李廷忠

啓雋類函卷四十二

五

光奉制函參持機柄用關西之孔子坐收無敵之勲
見江左之夷吾出佐中興之運師言清穆國勢尊榮
恭惟某官識際天人器周文武馬長卿之名雋近炳
江漢之靈葛武侯之奇才有長驅河洛之志培風而
輕萬里排雲而上九關直道寓於記言批敕之間清
議行乎訟禮題才之際約古今而成一家之史侍朝
夕以讀九丘之書疊組清華列紳歆豔何見遇於時
若此蓋不負所學致然方正道湮微公乃懸玉衡而
爲鑑逮流俗波靡公能端砥柱而不移在國人皆曰
賢宜天子恨見晚置諸左右可以填天下用是正立

可以尊朝廷爰出贊書進參戎政公莫病乎兵驕將
懦何以繫強所可恃者君明臣忠自能服遠圖四
海端委一堂嚴號令以張軍國之容總方畧以制夷
虜之變有壓難折衝之勢無驚邊杞士之憂以第一
魁而運天樞足俾廟算使宅百揆而熙帝載行副巖
瞻某仰泰山之崔巍并泮水之寂寞顧三年推擠之
不去忽諸公薦譽之杳來俾脫冗階進登翹館一聞
除目十倍歡悰雖文爲下科曾預聖門之題品幸師
居大位允令博士之依歸雀躍惟深魚傳弗敏

賀謝兵侍啓

原作
樞密

宋陸游

啓雋類函卷四十二

六

顯膺出綽進貳本兵蠻夷奪氣而息謀朝野動容而
相慶恭惟某官英猷經遠敏識造微秉心如金石之
堅論事若權衡之審主知千載際聖世之風雲言責
三年極人才之涇渭士恃公平而不恐上嘉孤直之
無朋遂由常伯之聯進貳樞機之任較一時之同進
得喪孰多付四海之僉言忠邪自見固將力回薄俗
盡建明謨網漏吞舟示太平之寬大雲興膚寸澤庶
物之焦枯豈惟康濟于茲時固足儀刑于後世其早
迂記省晚荷甄收雖知薄命之多奇猶復誦言而不
置使驚馬妄思于十駕而沈舟未羨于千帆求之曰

人可謂曠世難逢之會報以國士敢忘終身自勵之心

代賀蘇侍郎啓

宋陳師道

顯膺明制登進東臺賢能所居位望加重成命四達衆言一同竊以帝者不難於持任而難於知人君子不思乎富貴而思乎所立上之爲賢而下不異名之所善而實與同故邪正不亂而用究其能始終如一而人不失望不有君臣之合孰明治亂之分恭惟某官行法於身成言於德各在三君之列行爲萬世之師方其在布衣之中已有經天下之志對嘉祐之間啓雋類函卷四十二

則刺切明主議熙寧之法則違逆權臣人之所難行而甚易事之未效職其當然故身雖窮於江湖而望已在於廊廟遂膺大用顯有不功人欲未充擊非年而化已如漢相之言三楫而升遂正商衡之任某繫官汝穎阻賀庭門實與斯民不勝至願

代賀鄆州呂侍郎啓

宋陳師道

祗奉皇俞併伸顯命復宗途之故步分將鉞之新威凡在庇庥舉深欣幸伏惟某官百年華胄一代偉人政事蔚乎無前文武惟其所用公忠亮直綽有先進之風愷悌清明簡在名臣之數既踐更於中外益

著於聲猷果當新政之先重委東方之寄恐坐席之未暖卽追鋒而賜還輿望所同濡筆以俟薰風或候視政攸勤望爲廟朝更加調護

賀俞兵侍啓

宋李劉

使北道而簡僚曾玷網羅之舊翊西樞而基命茲逢閔弼之新往年身未可以許人今日士固伸於知己輒修燕雀賀厦之敬併吐蟋蟀嗟秋之懷恭惟某官背負天風曾吞雲夢自其克勤小物于州縣已具可以大受之規模二螭坳處之記言一麾乃出千騎上頭之賦政再命茲共徘徊紫橐之間審諤青蒲之上啓雋類函卷四十二

露門畫講緝熙日月之光明璫闔夕趨鼓舞風雷之號令廷臣無出右者天子居然器之迄自東臺峻躋西府九天渙號簡二三執政之股肱兩地升賢繫億兆生靈之肝腦有常立武無競惟人今犬羊交噬之已深計蚌鷸相持之不久下策莫危於浪戰上兵實貴於伐謀在帝王之萬舉萬全固求者定然疆場之一彼一此正欠堅凝幸而及閒暇之時亟宜定修攘之計取亂侮亡兼弱也時則易然同寅協恭和衷共政將焉往伏念某拓落一官欽崎萬狀才固自知其無以命亦可歎其不猶肯欲釣錦江之魚乃忽騎將

軍之馬二年劒外寸步不頭徒令蟻蝨介冑之生安得貂蟬光整之出茲歸身於司敗妄干祿於有司適值大君子之登庸不勝小丈夫之踴躍

賀兵部趙侍郎赴召啓 宋文天祥

選表揚綸歸中持橐采石洲之明月光照海山通明殿之紅雲影插河漢介圭覲只會弁歡如恭惟某官玉粹金剛冰懸雪跨清廟生民之什膾炙諸公于將莫邪之鋒指麾餘子自傍天而行斗牛之渚便拔地而起湖海之樓出入兵間月杵燈碁之耿耿驅馳江上參旂井鉞之堂堂儒臣知兵從古所少天子謀帥啓雋類函卷四十二 九

必在其中方建纛而前千軍遠帳而不動及還笏而去二童隨馬而有餘悠悠四顧于山河落落一麾于江海慨然有神州陸沈之嘆發而爲中流擊楫之歌屬傳風景于峴山忽駭波濤于天塹長江爲備不數處可共險于敵人朝廷養兵三十年當成功于儒者乃疇庸干東掖乃趣貳于西曹太乙靈旗出陪豹尾鈞陳玉檻進逼鼇頭青天白日鳳凰之聲名高山深林龍虎之氣勢前行爲兵部小紆帷幄之謀大本在中書亟正鈞樞之拜某濫巾劇部望擬脩門班漢從於甘泉官喜稱知已勒唐功於涪溪石已戒有司

賀門下許侍郎啓 宋程頤

顯膺綸綍進貳機衡夷夏交欣羽輿響動竊以東臺地峻左省班清造膝嘉謀預聞乎大政沃心感榮密贊於宏圖是爲喉舌之司允謂股肱之任選用之重古今所同恭惟某官道應直方器用遠大山偶重熙之運卓爲名世之賢出入三朝始終一節屬聖心之圖舊由江滋以召歸盤旋蹈難進之風靜退保謙終之吉千帆競過尚艤濟川之舟三年不飛曷測垂天之翼恪司真館均佚私庭雖久蔚於師言實陰儲於帝眷碩膚能遜周公之赤舄方安舊物何求王氏之啓雋類函卷四十二 十

青還復得邸音騰示輿議交歸諒於轉漏之間已有折衝之勢昔魯邦紆難由季子之來歸唐室中興自晉公之再入得人之要其利不貲洪惟本朝臻此盛事方將坐而論道乃陳紹進之謨庶幾作成先王復見熙豐之治某官有守望履無階賀夏之禽瞻華懷而欲翼懸軒之馬俟歸路以長嘶

賀虞翁書啓 宋楊芳集

召自輔藩擢于樞筦方天子振旅將巡於邊陲宜入傑運籌決勝於帷幄師氣已倍虜情莫逃郵置初傳道塗相慶竊以建隆之分宥府賞並都臺興國之置

益書通爲執政必陞章於秘殿以借重於機廷昔聞
典故之存今見老成之用恭惟某官才豪一代名震
四夷羽扇綸巾却大敵笑談之易雕戈錫盾制上流
經理之勞比屬多虞正資遠畧雖作番于近甸亦蒙
福于京師必本柄于中樞乃基命于宥密果膺帝簡
越替神謨用儒雅章句而先武夫昔觀已試遣將帥
戍役而衛中國今仰成謀豈惟折千里之衝方將建
萬世之策其猷縻原隰阻拜門墻廟算不遺相契泥
機之運台衡有待倚需渙號之揚

賀薛僉書極啓

宋李 劉

啓雋類函卷四十二

十

顯膺上第進貳洪樞道德之威成安強有常立武股
肱之寄在忠力無競維人渙號再揚師虞允穆恭惟
某官風猷敷敏字量浚明才刃立解于千牛豈躊躇
于肯綮意匠洗空于萬馬盛慘淡於斯須補造化而
不言正朝廷於既治星辰聽履久勤朝夕之論思雨
露賜袍遂參夙夜之宥密漢用三傑運籌尤藉于子
房舜有四鄰舞羽實資於伯益通觀偉績追配前聞
某濫廁冗員獲瞻盛事帝王之興建輔弼固知時亮
於天工甲兵之問至廟堂更願勿窮於國力

賀陳僉書啓

兵侍
可采

宋李 劉

升參大政復翊洪樞仙予之辭三公夫固三之
祿曲迹之出六計終當遂萬物之宜一賢得與多士
舉笏恭惟某官直方而大智勇且仁早收離盾之科
夙負耄頭之望讀孔璋之檄嚴嚴經國之文臥元龍
之樓耿耿濟時之畧四國茂蕃宣之績六條高澄按
之功登山有得于徐行乘舟惟恐其僞重禁中頗收
鼓舞號令之風雷瓊上唐虞緝熙光明之日月迄山
翰北進陟機庭尊俎折衝京觀正鯨鯢之戮郊圻申
畫介胄無蟻蝨之生立武事以有常顯真儒之無敵
爰藉前疑後丞之功入據經文緯武之智邇人安遠

啓雋類函卷四十二

七

人至憂民正急于憂邊大臣法小臣廉正已不難于
正物相尊等耳時來爲之無謂於我如浮雲當念迨
天之未雨不遐有佐無競維人某學既拙疎法當憚
悴十暑自安於絳葛一寒誰與之綈袍昔周旋元方
之間亦欲學屠龍之技今疲敝益州之役良難見流
馬之功欣聞黃麻之六經合入繡衣之九段燕雀賀
夏捲簾必念其差池蟋蟀鳴秋墜戶願徐于空室

賀傅侍郎致仕啓

宋劉克莊

出綈褒賢抗章謝事翛然遠引屢辭加璧之招浩乎
莫留竟遂拂衣之志事光竹帛喜動林泉竊以

之間雍容者少永叔避關弓之害由此乞身祁公懲
一網之危退而請老若乃朝廷寶之如龜玉國人仰
之如鳳星有園林鐘鼓之娛無風波機穽之迫曰貴
曰壽未能或之先何嫌何疑致爲臣而去恭惟某官
古之遺直王之藎臣方馬邑之謀始開首云勿擊使
延英之諫見聽豈不太平由平生言論風旨而觀皆
當世理亂安危之故白頭一節高臥十年公雖勇于
入山士尚占其出岫今也深惟可止之義奏疏益頻
若執宜休之言詒書莫奪卓哉此舉近者所無使君
相重名節之人爲國家倡廉退之俗文階三品本閣

卷四十二

賀石中丞擢少司馬啓

明穆文熙

官聯八座天朝崇有府之階位列貳卿元老握樞衡
之任蓋司馬任國家之大寄故夔龍乃翊贊乎本兵
慶洽通遐歡騰中外恭惟某官三朝碩輔百代名公
氣節倚雲霄組圭上乘雄心羅湖海砥柱中流寂寂
青蒲向見諫垣增色粦粦白馬早看臺閣生風雖偶
膺雷霆旋視光乎日月名高紫禁望屬蒼生起安
石於東山豪傑彈冠而結綬相君實於中國羣朝橐
劍而倒戈日繇三獨之私晉膺兩府之重鑑羽林
追踪毛玠之柴車接翹鳳凰坐見姬公之赤舄儀刑
啓雋類函卷四十二

古

賀劉少司馬啓

明周仲士

命煥九旂光升雙履風清回省準繩帝世百工霜凝

仙臺刀尺周官群吏濡毫綠屏拜手紫微恭惟某官
吞吐龍湫卷舒雁宕清規映日輝西華之金晶直氣
摩空屹南都之鐵壁威鳳祥麟出處慶雲瑞日文章
一疏辨姦共羨老泉氣識十條論事還欽小范精神
爲御史爲諫官張膽立儀真舍人直待講吐辭爲經
余安道決邊議于朝廷真工部長蘇子容成功臣于
疆場爲史銓師發揮黃旗紫蓋之精靈盡揭狂矢撻
撻之芒角前籌彪炳疊組蟬聯采石流清更展中書
之畧海潭沙漲通符宰相之謠某邊頭故帚變下餘
音謬享千金奚裨拂拭猥從一木妄奏官商桃李朝

啓雋類函

卷四十二

五

榮遐想門牆隔閼魚龍夜冷益深江海馳驅勳櫛
沐之勞敢謂銷氛于震旦寂寞寬閑之適行將翊運
于泰階阻足馳原違心賀慶文昌星度衣冠徒想後
塵响嶠雲飛草木願濡時雨鋪陳喙短激躍心長

賀曹少司馬啓

明周仲士

劍履摩雲煥清朝之文物簪裾照日侈丹地之恩輝
鼓舞風雷動搖鸞鶴恭惟某官名高二陸才備百參
鞭駕鳳凰天日清明之瑞爲呵龍虎風雲上下之交
春行霄漢二麾星煥江湖四節蘭臺璧水安定龜山
彤管青蒲歐陽司馬出倚磨霜之鉞浩吟捲雨之簪

階轉松陰旂翻柳色白馬盤陀觀日紫雲生風
批敕瑣闥任朝廷之綱紀侍言經綏啓帝學之光明
用考一命再命三命之榮是懋大書特書屢書之績
卻高麗使止西番馬讀青史以猶香還諫臣救繳內
侍官凜清標而未遠兼廣申公十論細陳溫國五規
要看久遠功名須展平生經濟

賀張少司馬啓

明余鍾英

渙發制國晉陪政路真儒用而天下無敵寢高八座
之班有德進而朝廷益尊增重五兵之寄帝心簡在
衆謀僉同恭惟某官赫矣儒宗巍然王佐氣捲銀河

啓雋類函

卷四十二

七

而倒瀉字橫禮樂三千學該玉府之深藏腹隱甲兵
十萬屢典符于重鎮屹爲國之蕃垣蠡彼浙人屬有
揭竿而起者咨吾元老直將折箠而笞之彌亂一時
增國九鼎此惟居常不爲紙上之學以故倉卒能吐
胸中之奇爰進貳于本兵茂結知于宸極出則股肱
入則心膂褒然縉紳大夫之間武可威衆文可經邦
妙有詩書元帥之選甚稱衮旒之意言觀竹帛之輝
某逃聽殊褒聿瞻偉績四代五代而六代論節制就
能過之大書特書而屢書勒勲名無出右者崇善在
受其陰賜更期肅稟于成謨無數頌言統惟

賀陳石渠遷兵部侍郎啓 明黃洪憲

望重元樞駿命荷九重之眷位參八座鴻名起四海之瞻躬篤恭而毗翼神機繫安危之重寄分猷念以替襄兵本兼文武之閑才適量胸中指顧隆萬全之策圖維掌上笑談收常勝之功坐帷幄以運籌風自行于象郡位嚴廊而端笏威遠逾于冰天九夏承休資內順外嚴之畧四夷慕德仰出將入相之能宗社榮懷章縫喜溢某叨聯薇轡遙承蔭映之休積遠台光祇切居諸之感敬戴尺牘虔布寸衷

賀吳侍郎啓

明王謙

啓雋類函卷四十二

十七

伏審入踐政塗參持樞筦知公爲蒼生起各重震區遮道請相公留恩覃黔赤已卜太平之象允惟先見之龜股肱惟人朝廷交慶恭惟某官人物宗主文章權衡用之行舍之藏合時中之仕止出則輕入則重關天下之安危上思中原柱石臣寵加黃髮命以天子湯沐邑榮捧紫泥適遇衮舄之歸密邇冕旒之眷五色祥符臚唱知韓忠獻蘊相業所關十年身到鳳池較王沂公入中書已晚慶延宗社喜動簪紳之盛蓋陳人桃李舊種陳古靈有三十三人之薦賢之名揚遽伯玉知四十九年之非今纔夢覺聽省中鶯音

之本願切登龍瞻閣下綸綍之麻心勤賀燕

賀張少司馬啓

明唐文燦

霜臺仗鉞頓銷浙水之氛憂省參樞方切縉雲之秩更論功而加專席仍泣事以進均茵望震中朝聲揚南甸其曩爲牧守叨接後塵茲列備兵緬懷前躅葉荷隆施之惠尚稽薄貢之誠計榮履有期喜當隨夫賀燕占崇升未艾承麻必擬于攀鴻敬勒荒牋恭陳陋篚遙致下風之拜少輸北斗之瞻由介卿而歸冢卿華要既聯八座卽副相而躋上相輝光允儼三台

啓雋類函卷四十二

大

賀王對滄開府轉少司馬啓 明于慎行

伏惟台座敷猷並懋文武兼資建節雲中舊倚北門之鎖鑰宣綸闕下新陪西府之璇璣蓋以掌邦政而統六師卽將亮天工而宅百揆四郊多壘方且延借箸之籌萬里無塵行見奏舞干之化

賀耿中丞陞南少司馬啓

明

烏臺作鎮時殿天子之邦鳩氏詰戎獨專樞筦之柄蓋非文武之經緯曷替密勿之機衡上眷逾殷中權彌重恭惟某官先天民覺負王佐才弟兄皆瑚璉圭章英群折北伯仲于濂洛洙泗吾道已南閩越還正

始之風河嵩重分陝之寄自容臺而司國選副付以
建牙經綸帷幄之間月拆燈臺之烟烟彈壓江淮之
上參旂并鉞之堂堂壯猷書績于九年勝算折衝于
千里渙敷周誥晉跋夏卿爪牙參析父之司疇庸東
掖喉舌作尚書之貳乃副西曹若曰進有德則朝廷
自尊洵矣用真儒則天下無敵山川不離指顧留都
益肇于金湯草木亦熟威名北門倍增其鏢鑰其備
兵澤國屬照斗山江左見夷吾復何憂知人情之久
屬中國相司馬勿生事諒夷瞻之已驚荒函無須顧
曳履于星辰紀德銘勳勒奉常于日月戢五兵于不
啓雋類函卷四十二

九

試扶二曜以長明

賀王撫臺擢兵侍啓

併謝

明吳守道

仗繡節以撫綏形圖南省膺綸函以峻陟書贊西曹
編氓繫帝宗之思部吏慶連茹之拔鏤心篆德稽首
獻言恭惟其官毓斗東之間氣紹江右之芳聲經筵
富五車之書青箱重振筆鋒屈萬人之敵黃榜高標
金閨通籍三十年鈇鉞出鎮數千里熊車巡赤縣鼓
角精明蒐帳駐神州轅門震懾持三尺之憲令嚴九
式之征科賦戒繭絲村有耄足之犬役防醉飽河無
頽尾之魴耕稼不防於犁鉏輸稅何勞於夏楚節省

方駿肅赫赫頌聲奏經國鴻猷煌煌譽命南極
獨參贊于雕鳩北闕御除特貳秩于司馬仰承新綽
式循復避之規俯采舊椽大舉推賢之典其獎領牧
司叨厠按部六年待罪竊懼製錦之傷一旦蒙恩忽
辱削牘之薦價增一顧榮溢九遷感吹噓之自天規
銜結之無地伏願夷輔機衡戢五兵于不試端居臺
席陶萬象以咸亨社稷藉元勳之安門墻仰末光之
照

賀蔡撫臺擢南少司馬啓

明蘇涪

國家根本之地始基金陵東南節鉞之權實資司馬
啓雋類函卷四十二

十

朝推元老地待名人恭惟其官純懿賦資忠清植性
葵心所獻向日而傾赤羽所驅望風自肅爰建中丞
之節彈壓百粵之西動地離波夜靜魚龍之窟摩天
桂嶺林銷烽火之烟惟遠人之咸安故帝心之簡在
念留都王氣本爲桑梓之區而邦政分猷獨借組纓
之重六朝風詠之雅頓爾改觀南國天塹之雄從茲
增險其守官無狀榮轡不前寒雨熱晴共安冬夏之
候介鱗卉木想忘韶漢之音欣睹名世之遺佇觀熙
時之續敬同父老咸馨慶言

賀衛撫臺陞南少司馬啓

明蔡從一

玄間作鎮嶽后式憲邦之靈白下參樞周官增後洛
之重華綸有赫會弁咸歡恭惟某官天宇宏夷霜儀
峻潔橫霄孤鶴抗塵璫以開衿戴嶠六鼇定搖波而
立極受鉞而參嶺之秀共舞仙人布條則滄浪之清
獨歌孺子牧羊斥敗民無賴尾之魴佩犢歸耕村有
犖足之犬稻苗既秀于郎國槐棘宜正于周班謂留
都日月雙懸宿高王氣而宥府風雷獨運俾替機庭
雲接天門卽文昌之密座星摩峰燾儼太乙之靈旗
召命初傳長江益壯金陵山水顏色憶別于三年玉
帳韜鈴精神折衝者萬里峴首之碑重立人起羊公
啓雋類函卷四十二

賀南京兵部侍郎石公啓 明趙世顯

權貳夏卿必豪英始勝重寄秩聯祈父匪元老疇克
壯猷惟聖主能得賢臣故鉅公獲參大柄恭惟某官
八埏間氣一代名儒當日批鱗赤縣歎徂徠之復出
頻年展采蒼生喜安石之重升仗節鉞于畿南貞肅

臣察之度宣靈威于閩外澄清江海之波德望既隆
恩光薦及六師平邦國佐司馬以宏謨之列讓英華
接變龍于步武某分叨末屬情切一天駐江上以分
猷媿無裨於碩畫觀中臺之寵擢幸竊荷乎憚憚卽
欲躬叩龍光靡敢輕踰憲禁敬馳一介用布寸衷南
望台垣罄賀忱於百拜仰遵經畧播威德于千江

啓雋類函卷四十二

賀侍郎壽

賀衛少司馬壽啓

時陸少司馬

明發

南極照南荆正琴撫南薰之候長官開晏壽添
夏樂之辰萱莢坤爻扶桑離陸其官得天地精華之
氣壯文武恢台之猷淇澳切磋藁竹猗以臨水卷阿
馮翼梧桐生而朝陽化日綏四序之長道關大寤興
雲軼五嶽而上業尊太和祚國既天子所葵引年自
神明所相玄穹純佑將弘燮鬲之勲朱緯篤生特表
執衡之烈仰紫圖之垂象原比兩兩以爲參誇黑帝
之後身適重三三而得六蓋降神生申伯俾憲萬邦
啓雋類函卷四十二

三

况司馬毗畢公行弼四世常居大夏爾衍長春彼叔
卿之博華峰猶疑汗漫如武公之陳柳戒實配昭融
允矣會弁琇瑩永終譽於圭璧初筵康爵備諸福於
士林者也其贊震夙之祥欣瞻麟紱陪避暑之晏遙
隔龍皮豈有丹砂堪佐九還之藥惟傳雅頌永藏二
酉之山伏冀八翼天門扶重明之日月六身玄字開
三壽于岡陵

賀侍郎加恩

賀兵部魏侍郎賜金帶啓

宋李劉

賜璽褒賢橫金增秩書盈於閣進思緯國之文華帶
錫之璽昭示立朝之賓客登庸有漸寵錫非常恭惟
某官根柢六經光芒五緯忠信篤敬學素得于書紳
高明中庸強何闕于衽革一笑微生於偃月十年良
耻於倚氷上應念徙薪之言人望還采薇之帥姑盼
芝檢仍進松班申錫九鑲誰曰有常而循故唐金百
鍊式彰從革之作新垂則有餘服無不敦憂兢隣趾
不由郿塢之貯儲鳳閣鸞臺端屬趙家之世界無動
啓雋類函卷四十二

三

使請更覺道存橫安平之金不難破狄解武侯之帶
寧久渡瀛衮以公歸礪資汝作某聳聞郵報竊賀夏
成兩赤重黃自異佩茝蘭之葉千紅萬紫寧能對松
栢之柯頌詠惟深敷宣罔既

賀楊侍郎啓

加太子少保

明鑒道立

樞庭貳政儲采兼榮運帷幄之謨謀今乃得漢庭之三傑爲羽翼以調護更不待商山之四人冕旒注意以惟深縉紳動色而相賀恭惟某官靈儲嶽秀瑞應斗躔涵今茹古包羅千載于胸中發藻擢華絢耀三春于筆下從容調萬化君相倚如泰山談笑制四夷朝廷重于九鼎屹矣障瀾之砥柱隱然固國之長城比由貳卿獨贊儲府振主威而去姦惡群邪見覲而消正國本以安民心百蠻聞風而畏忠懸日月節操冰霜了先正未爲之業會觀衣鉢之親傳垂後世不啓雋類函

卷四十二

十五

朽之名屹旂常之永紀其受委皆厥涉世迂踈楊得意爲狗血相如方被于吹噓李元禮號龍門荀爽未遑于駕御望河恒切仰斗徒勤昂霄登壑已爲清廟之棟梁枯折朽株願與公門之莠李

上侍郎

上李少常伯啓

兵部

唐駱賓王

賓王啓竊惟陰陽作炭化一氣以陶甄天地爲爐混萬物爲芻狗然則璧輪均照或流景于萊城玉燭平分獨翔塞于黍谷是知隆汗通襲榮頓相循得氣者繁滋失時者零落伏惟君侯疏乾激派龍門開竹箭之波鎮地橫基鵠翅峙蓮花之岳曜重輝於若月炳疊彩於非煙至若瑞動赤光著元勳于東漢烽警塞宣武功于北征奕葉龍光蟬聯龜組德攸天縱白星降王輔之精道叶神交黃石授帝師之畧故得三啓雋類函

卷四十二

十六

千運北擊舜海以游鱗九萬圖南望堯雲而矯翰折衝千里魯連談笑之功師表一時郭泰人倫之度於是九重銜綬照星彩于宸維四達埋輪震霜威于權右加以分庭讓士虛席禮賢片善必甄指虞翻于東箭一言可記許顧榮以南金某蟠木朽株散樗賤質牆面難用灰心易寒退無毛薛之交進乏金張之援塊然獨處一紀于茲矣然而日夜相代歎溝壑以非遙貧病交侵思群羣而可託常欲乘幽控寂迫綺季於青山樂道栖真從魯連於滄海幸屬舜門廣開漢幣交馳遂得佇嘯高丘應箕文而動韻聆吟大野浮

良軸以流陰將恐在藻纖鱗終絕發龍之望槍榆弱羽徒仰搏鵬之高所覲曲逮恩光滋餘潤于東山承道引託輕葛于南樛撫已多慙覲躬彌懼

上兵部杜侍郎啓

宋蘇軾

薦膺天寵榮貳卿曹士友喜於彙征朝廷爲之增重伏惟某官溫文亮達宏遠清通直道不回貫今昔而無愧處躬自厚蹈世俗之所難事愈練而益明用雖晚而必濟自聞休命實起懦衷遽承問迅之先益佩謙光之過

上傅侍郎啓

前輩過

宋劉克莊

啓雋類函卷四十二

二十七

卜江左之興衰久關衆望數襄陽之耆舊今有幾人公方與造物者遊我欲順下風而請竊以士苟有志皆知名節之可尊生不同時每恨先賢之已遠覓范滂之傳至太息以興思聞杜喬之風想生氣之猶在至若嗣正始諸公之絕唱主過江多士之齊盟蓋凜然尚有干典刑乃前此未承于謦咳良以服膺之切非爲炙手而來恭惟以管一代宗師三朝壽雋精忠諒節可居周堪劉向之間讜論危言不在陸贄陽城之下項簪諫筆垂秉事樞而乃預憂十常侍之弄權歷指七貴人之盜寵一壑徑歸之甚勇六一力挽而

不回政坐名高未許卷而避世假令耄及猶當杖屨造朝况才之壯而意之新年彌高而德彌邵理上何緣綈之詔國人佇赤舄之還旣彷徨懷宗周之憂尚終始抱東山之志舉世之人皆濁惟我獨清天下之父來歸其子焉往願趣蒲輪之入徑躋闕席之榮伏念某實類癯儒名爲胄子讀書萬卷頗馳騁于古人泣血三年盡變移其故質憂哀憤恚之所侵蝕疾疚思慮之所耗昏何辜于天亟奪其父素琴絃絕誰憐中散之孤鄰笛聲哀忍誦山陽之賦敢意高賢之鵠絮尚臨委巷之雀羅得非憫泉下之人昔嘗忝座上

啓雋類函卷四十二

二十八

之客危衷易感悲涕無從頃瞻紫氣之來念快景星之覩維先生長者實晚學之指歸矧大父老人有鄉來之雅素尚或予互鄉之潔必少慰若敖之魂進之於琴瑟書冊之前誨之以洒掃應對之事縱未窺於闔奧終不畔於門牆誓墓之餘非敢望山公之啓事樞衣以進所冀聞夫子之文章

上王少司馬啓

明鍾萬祿

恭惟某官卿才膺簡任已參祈父之爪牙帝命付數
宣方運尚書之喉舌握節事竣于外闔旋車聲徹于
東疆初接鈞言將蒞柳營以暫憇繼聞驛報忽經花
邑而長驅適工程劇鞅之時並道里阻脩之勢擬爲
再竭誠難躬遂乎卑情聊再三薰特用手披夫短狀
尚有蛩吟之韻強效揄揚他如芹獻之儀猥充犒賞
惟祈慈鑒統入洪涵時名放于蘭津鴻飛漸遠佇持
衡于後日豹變增新

上兵侍汪南溟啓

謝所著文

明唐文燦

啓雋類函卷四十二

三九

烏府舊遊遺愛長留于海嶽龍門新接洪慈俯納乎
洎塵謬執業以于大方恭陳詞而達微悃仰惟閣下
當朝鉅碩間世英豪敷官政握戎機偉績旣宣昭中
外陟騷壇遊藝圃雄文兼跨軼後先源流未睹其全
書梗槩端存于副墨神交漆園吏雅有出塵之思步
躡太史公絕無近俗之句張樂高而聞者自失削鏤
妙而見者皆驚展也宗工顯然師表某宦蹤拓落人
品卑猥昔生長於閩邦喜托編氓之屬今會逢于燕
邸願充弟子之行嘗挹丰儀獲聆警欬小不補益惟
見大巫而已殫巧匠令規寧因拙匠而遂廢矣

時所論著特差穀旦以恭投技効雕蟲誠難符乎繩
墨志懷附驥倘可受夫策鞭惟鑒三薰晉謁之虔少
酬一念蒙求之懇始焉繫輦向牖俾卑窺飛衛藩籬
終則垂足臨淵令直探伯昏奧突兩端悉竭千慮或
通白樂天遇顧而名揚非所敢望陳師道依會而業
進竊以爲期

上孫少司馬啓

林下

明

恭惟某官挺凌雲夾日之姿抱積雪射霜之骨學窮
二酉三千禮樂冠南宮氣占六庚百萬甲兵橫北海
四朝附鳳閣閣丕著明時七葉珥貂勲名獨高今日

啓雋類函卷四十二

三

鼎衡望重經緯才兼懋駿業於三陟退成功於四序
雲龍矯翰二十年執掌間關霧豹棲神六七載息肩
泉石壑流岩秀秘圖正續蘭亭龍臥龜藏客星久羈
白水金甌將煩燮理玉陛久注姓名某自媿關鶴矜
蟲無能攀鱗附翼望禹穴夜來明月尚連三汲雷門
瞻舜山日暮飛鴻有懷萬間燕廈禮顙拜使心切獻
芹謾誇作伴青春時與鳥魚爲伍且喜重逢紫氣即
看鷺鷥同行爲龍爲光勒鐘鼎旂常之績作丹作礪
堅山河帶礪之盟

通侍郎

通兵部王侍郎啓

宋王邁


少而抱槩久瞻魁宿于璇霄壯也渾冠行覩德星于
阿里雖素於左右殊無介紹然見之方冊不昧平生
敬飭訥詞借干嚴分恭惟其官碧童童句號閭死之
謫仙黃甲科各叶湘川之佳識剔靈芸懷含香錦闥
翠節朱轡幾沛黍苗之雨紫微紅藥曾依香案之雲
方爲禁從以小留乃厭承明而丐去十連爲帥力蘇
凋瘵之氓五嶺皆炎變作清涼之境胡然爲衆所忌
正坐其名太高一壑來歸六丁莫挽髮爲憂邊而半
啓馬類函卷四十二

白心思報國以常丹寇公不入中書莫答種喪之問
裴相方遊綠野其如柱石之衰佇下綸音徑司國柄
伏念其弱惟殖學貧口賣文固嘗感慨于事功其奈
間關于場屋天廷對策妄陳憂國之孤忠末第書名
何惜避人之三舍來傍蓮池而漫仕已驚瓜戍之過
期胡遲其來蓋恐素官之無補或替其失以有違尊
之可師惟願矜憐臭味之同庶有以託之託俾
遂親養得還官歲楊儀之無材力之可補上原懷
宓子賤待老成而後決充切拳拳

通李少司馬啓

宋李綱

和璧隋珠光每映乎日月鵷雛驥子影自絕乎雲霓
總喉舌之司命行鈇鉞掌股肱之辟威振旌旗樽俎
甲兵晏子勝折衝之勇閭鈴裘世平公多節制之風
驅牛上大行愁騁畝危濶步騎驢到京國難追英邁
芳蹤



卷四十二

三

啓雋近體卷四十三

類函五十五

東吳俞安期羨長

上饒王嗣經曰常同輯

建武王嘉隣允良訂定

夏官部四

候侍郎

候兵部邢侍郎啓

御史

明麗時雍

秉樞衛國共襄安攘之勲總憲提綱垂攝激揚之典
四夷聞先聲而繫頸百辟仰夙望以寒心邊警濟消
皇圖鞏固恭惟某宮澠水鍾靈管丘挺秀臚聲天上
徹旋鳴百里之琴諫草御前封幾落庶僚之膽輪埋
啓雋類函卷四十三

三晉那聞當道有豺狼轡按中州但見在山多虎豹
王事藉馳驅之力大有俾于詰戎園材資駕馭之能
初何心于富國沛鴈門雨露春看禾黍堆雲靖龍首
烽烟夜聽管絃奏月金門拜命秩峻中丞玉帳分符
位高獨坐軍容整肅光搖映日旌旗紀法嚴明精耀
斬鯨斧鉞腥羶蕩滌沙漠澄清實惟經文緯武之才
允宜出將入相之任聿崇偉烈進貳戎曹士有餘威
已樹奇功于北伐算無遺策將收秘計于東征當國
家有事之秋樞密喜得一韓一范造社稷無疆之福
海濱畏如用呂用方某里閭庸流簿書下吏茲因給

由天府輒敢通候台垣伏惟鑒原曷勝悚惕

候崔振峰少司馬啓

明施德政

四郊無壘當寧先側席之求八座分輝丈人膺授鉞
之寄蓋文昌根本萬務而武部綜治五兵舟楫久需
圖圖攸屬恭惟其官功垂社稷望重華夷應景運于
五雲臚聲天上廣好生于萬彙法耀人間特選烏臺
用彰白簡三臺內興長城外築愧齊文宣之厲鯨書
貯千卷響叩洪鍾誇鄭伯猷之清燕體國秉鑒淵之
念物色交齊敷猷切無數之思錦雲並麗備戎車而
有赫虎闕于淮濱開府九邊何異鷹揚于渭水自
啓雋類函卷四十三

崇其保傳勲載紀于旂常天眷茂膺兵曹特進誠佩
安危而注意益合夷夏以傾心今古希逢明良殊遭
其一籌莫展七德未聞燕雀情深鱗鴻意遠所願華
四陲于磐石益蒸于羽之隆濟三壽于岡陵永受鳬
鷺之祿

候魏少司馬啓

明施德政

宸聰有赫九霄炳賜谷之靈樞輔於皇萬里肅河魁
之柄具瞻惟允汪意兼隆恭惟其官吐風歛雲補天
刊地圓流之下探照乘于長波高岫之巔剖連城于
幽石內弘五教分解竹以垂仁外勗九農坐召紫而

數惠喜騰仙使命布綸音謂天地不能有春夏而無
秋冬在聖明豈能舍刑威而專慶賞然變慘舒之運
王國以長允持三尺之平于門其大樹屏藩于全楚
貞憲度于西川晉陽上黨之間保釐績茂栢府蘭臺
之望表正規嚴動止有神文武爲憲爰簡雕鳩之職
獨辭駿馬之求捐百口以定安危出片言而折利害
遂使玉階之揖司儀特別于寵榮金路之封巾車致
隆于尊貴誠爲千秋殊遇實合九有同歡快覩夔龍
式登司馬其謬叨重任深愧素餐猶金在鎔是全藉
一陶之造若早作雨諒欲遂萬物之宜肅上台光遙
啓雋類函卷四十三

函霜蘭伏願爲國調元勲益隆于闕虞自天錫祐壽

永篤于岡陵

侯少司馬臧公啓

明蔡夢齊

池上臯夔萬里寄河山之重禁中頗牧九埏資震疊
之威躬篤棊而毗翼神機分猷念以贊襄兵本榮貽
宗社輝映替紳恭惟某官背奮南溟胸吞北海傳經
世業箕裘擅文物之華喬木名家弓冶濟冠裳之美
貴膺上簡晉貳元樞樽俎運籌裕內順外威之畧巖
廊端笏崇出將入相之風凱績邇于玄沙旁廬就款
膚功奏于紫籞峻職延旌蓋將一氣以鈞調先昇六

師而董正某章縫末品樸邀微生叨陪國器以追隨
得附年誼之光寵自知驚蹇屢試鳧封製錦無能積
薪未免倘欲窺夫後效實有賴于前驅盼台斗以神
迷祗切踟躇之感對江零而目極奚勝瞻戀之私敬
達荒緘遙申積悃伏祈相度之優容莫旣鄙衷之欣
戢

四卷四十三

謝侍郎

謝參樞啓 選官

宋趙南塘

甄品庶能掖扶衆正士有未識其面推轂至於再三禮無不答於門還贊見者千百謂賢雖無與乎設色而跛尚可待之守閭特從推遷稍便器使辟疆三世宗正誠將克紹於故官子雲終身太玄亦足晞光於往牒

謝葛僉樞啓 歷官

宋李劉

誨館下之諸生夙蒙采菲補黔中之上佐茲遂及瓜揣弱念以易盈撫窮途而致感伏念其學不聞道才啓雋類函 卷四十三

五

無逾人負米爲親飽固悲于弗泊析薪無子賤亦覺其有涯顧平生竊祿以代耕乃三歲實文而求活頃申以柳易播之請遂忘得隴望蜀之憊愧在其肝恨莫追于駟馬言提其耳甘東味于孤雄既待牧羝詎容展驥茲出同天之力竟諸縮地之謀鮑叔不以我爲貪傷哉貧也伊尹耻匹夫不獲直若推之公豈謂長史之有材僕固感國士之遇我茲蓋伏遇某官奕邦良弼輔世真儒欲立立人所學實資于孔孟匪求求我此心脗合于義文然韓魏公自恨用明允之太遲而歐陽子亦愧知聖俞而不薦雖昔何如今今何

如昔顧公之求士甚甚士求公庶皆有突兀大受之歡斯不但屬餐小人之腹某敢不俯安雖伏仰在茲飛文儒申申詎能繼巫幡之公綽武岡矯矯尚及見江左之夷吾

謝王少司馬啓 謝薦

宋李劉

杜陵依嚴武偶成錦里之遊郭隗見燕昭謬得金臺之貯問李路蒲城政治徒有枝窮求王梓海國事功初無績最兩地誤膺鶚薦一枝忽遂雄飛操瑟齊門咲三年而不售藏舟楚壑驚半夜以俄移誰可酬恩只丹心之不改從茲生理有黃閣之可馮

啓雋類函 卷四十三

六

謝聶侍郎啓 考滿

宋王邁

數父執於慈恩之塔稀若晨星稱門生於通德之鄉恍如霄漢昔登堂不果恐嫵私謝今假道徑去又將何辭僭飭尺箋仰干文席恭惟某官日未東即收干巍第江以西莫著其大名詩社揮毫妙思源泉之出地听庭抗疏精忠皦日之有天不由介紹而結主知徑躡清華而登從橐刺裁邦用鄙夷管晏之近功經畧中原隘小孫劉之故畫詳審乎事機之會更閱乎義理之多謂如根本之先強則於恢張也自博蓋知彼不知已皆料敵之淺謀而能發又能收迺濟時之

遠畧屬北方之警未息而西州之變復興人方憂蜀道之難公往爲雪山之重至則事權之牽制加之饑卒之跳梁身持尺檄以直前惟知死節神叱的盧之一躍遂獲生還浮言何傷乎日月之明雅志已抗干煙霞之表携諸郎于謝墅會名勝于午橋耆英之會狄公方春秋之未艾中國即相司馬寧朝暮之少淹伏念某殖學代耕賣文爲活元龍湖海之氣少也効乎司馬山川之遊令其倦矣爲阿有娶之養漫從舉子之勞兩玷鄉書一塵春榜迨奉廣廷之對空懷尺言不知書生之踈轉喉觸譴痛國論之未一憫邊釁

啓雋類函卷四十三

之方開惜諸將方陷讒言廼援子儀已事議宰相當存大體恐貽王吉之羞維清朝許竭其愚忠而時論或譏其太訐發矢將穿於楊葉及的輒差乘舟已迫於蓬萊爲風引去向非借九鼎之力當不止三籌之輸副本既不上於中書賤刺亦羞通於光範至謝知已皆後衆人俯仰何心升沈付分謂今得斗粟之祿可以無饑豈不勝布衣之時難乎一飽茲迫瓜期之戎方登荷橐之門如亮其今日之來非爲炙手當賜以片言之誨庶使書紳此身已託大治之中他日冀軫遺簪之念但不負于素學是爲報于

異知縣元千毫莫殫一感

代謝少司馬啓

京察

明趙秉忠

北宸奠極武曲烟司馬之樞南省貳卿折父執簿違之柄故少司馬律膺九伐共辟槐衢諸曹郎列掌五兵咸歸紫幘幽明難掩乎燭照軒惟望于衡程某志負長纓學謝萬人之敵歌惟短缺榮叨五服之章選妙中臺曾近庾樓之月資優外郡猶開謝帳之風右座止水之思常懷永賁南宮老駕之舊每切听傾屬計九載之成宜當三黜之命既而鸞栖舊署環賜堯天虎拜孤城劬收張斗蓋惟明公道叶文昌律貞師吉威行疏勒玉關空鐵馬之聲譯去休屠日遂徙

啓雋類函卷四十三

天驕之影取駿而過空北野多士彙征冥鴻則氣蓋中原群策畢舉麟遊赤水已看九命之功鳳至玄樓會際三留之拜如某談弗交乎塵尾恩戴瓦全忠未罄于牛心神留金躍茲皆普施于莫報敢不矢力以有終

謝協理戎政沈少司馬啓

明管橘

夔龍位次三台八表仰羽翼之重司馬符專九伐六師總籌畧之權行看功勩燕然喜見聲騰魏闕恭惟某官自天生德惟嶽降神文章爲後學耆龜直接千年之道統節繁標中流砥柱力扶萬古之綱常虎帳

魚書寒破犬羊之膽雲旌雪舞消鯨鱣之魂其機
橄庸材槩鉛末品襲仁風于帝里披拂殊深沐化雨
于公門瞻依實近夙承大雅復荷寵榮王札先施共
訝珠璣之錯落珍儀貫惠復覩璀璨之晶瑩未效涓
埃感增銘佩伏願天眷時新純禧益迓錦袍繡綉
更圖麟影于雲邊翠閣映黃扉日覲龍顏于天表尚
俟拜履敬登先資

代謝少司馬汪南溟啓

撰李封
君傳

明湯顯祖

天上午昌府凝精松嶽之申人間社稷臣望重東山
之謝彼禹縣久云推轂若薦紳咸願執鞭况效蛙鳴

啓雋類函

卷四十三

九

更深驥附寅惟門下氣蘊風雲身馮日月稽古而典
墳丘索盡入網羅屬詞而班馬韋匡任從櫟括蚤揚
禮樂暫試程書對客解願看簷花之落酒問童何事
喜桑陌之馴雛聖天子以治郡治戎非公不可大丈
夫惟乃文乃武隨地皆宜簡擢中丞制臨閩省長揮
玉鉞淨洗天河之兵一改化絃滿鼓雲門之瑟僉調
帷幄上東北事累數千言快意居胥減縣官材以億
萬計勲銘彛鼎跡托江湖兩齋未斑禽魚俱看是樂
餘心更赤邊書未暇忘憂龍臥詎堅膺楊有待群工
想丰采允惟周室父師異域問起居不數宋家司馬

金甌早卜玉鉉同調矧身歷三朝文鳴四海誠理初
新安之奧妙而文追北地之豪雄者也某久慕陽春
自慚里耳奈紅塵日積奚能曳屣于龍門顧青眼時
加遂爾借光于鄮縣驚承大傳竦讀清音老父得此
有餘榮頃添桑榆之色不才何由以爲報聊輸葵藿
之忱目盼中台神馳南羽

啓和類函卷四十三

十

回答侍郎

代回范兵侍啓

宋方岳

其本乏脩能誤膺重寄虜敢盜邊而凌中夏端繇顯
閫之非人發不卹緯而憂宗周竊憤四郊之多壘粵
規淝水幾震江流此吾君丙夜不安枕之時豈我輩
旁觀而袖手之日奉漏甕而沃焦釜敢姑徐徐出險
道而援孤城蓋亦岌岌雖幸解西陲之急殊未寬北
顧之思胡驟發于詔函乃誕躋千樞宥退揆君臣之
誼殆猶父子之間幹蠱者職方之當然能家者功勞
之奚有已陳免積期得俞音跋朝而飛賀書懸誦昌
啓雋類函卷四十三
黎之句圍棋而聞捷奏願同謝傳之懷其若心藏難
于言旣

復劉少司馬啓

明

勲高麟閣榮躋樞府之尊喜動龍顏寵出彤庭之錫
有光晉陟再辱謙勞恭惟某官帝倚金湯時資霖雨
文經武緯輦太山之四維外懷內安屹長城之萬里
淨妖氛而挽甲倒銀河以洗兵毛遂鄙時流因人成
事裴公擒元濟惟斷有功絲絲巧出天孫字字韻諧
大呂施者未厭報之無從亦惟十襲而藏敬當九頓
以謝峻旂常之烈久司雨露于日邊榮賜萬之猷即
騎箕尾于天上望望五峰獨登依依兩地相思

復劉少司馬啓

明

啓雋類函卷四十三

十二

恭惟某官山斗英標珪璋重望總九德九官流品進
君子而退小人騰一韓一范聲名尊中國而懷夷狄
豈直禁中頗牧即看殿上夔龍其功名事疎詩書政
拙薦賢爲國空懷仁傑之忠取友必端殊乏尹公之
素耳守株于九載敢訝積薪荷遷喬以經年無能出
谷忽捧徽音下及蕪承嘉惠疊施韻協宮商光生几
席况節屆天中地臘正屬炳烺之辰而興來明月清
風豈復關山之阻敬呈匪具用答隆施獻幣將恭聊
享成于君子授璫報卒恐悖義于詩人

復劉少司馬啓

係家岳
出仕

明

三台峻節久托神交百里清光尤忻地近幸切紉蘭
之誼莫酬報李之恩恭惟某官折桂長安瑞迂黃雲
寶鼎看花上苑氣騰華岳大河幾載鳴琴一朝懸鑑
郭有道冲襟範俗山巨源雅操繩時十哲在孔門品
題皆稱九官當舜命器使咸宜槐色映三階期勤麟
臺之石芸香夢萬里遽忘鷗渚之磯種柳門前當年
歸去栽桃觀裏前度重來會濟清時特隆樞柄下車
問俗初寒暑雨頻增龜境之春執俎登壇伏鉞褰帷
咸聳虎岩之色某短鳬難續小鼠易窮過冀北目眩
驪黃入鄧林材羞尺寸覲顏尺素九載積用弗成揣
啓雋類函卷四十三

主

賀司官初任

賀宋提刑除兵部郎中啓 宋人

祥刑奏最溫詔趣歸海內蒼生方共仰郎官之宿河
東故吏難獨私刺史之天敢誦所聞更持自賀恭惟
其官卓然儒行清矣仙材自先世擅四蜀之名實生
魁彥雖本朝推二宋之懿難儷慶門來登振鷺之庭
孰識冥鴻之志寤以片言而不合祿之萬鍾而莫回
袖月賜之筆以去朝行衣畫行之錦而游鄉國從容
易節慷慨登車江波亦至於澄清塞草皆爲之豐美
名已喧於紫闕夢猶遶於青城袂挹浮丘恐難從於
啓雋類函卷四十三

代賀黃檢詳啓 宋樞密屬官 若今兵部郎 宋方岳

伏審密勿廟謨討論基命赤白囊之旁午渴聞帷幄
之籌東西府之同寅增重巖廊之勢一賢進矣四達
翕如恭惟其官博大而裕和高明而肅括文能附衆
武能威敵無兢維人退思補過進思盡忠不遐有佐
帝曰邊烽之未靖卿其樞極之是陪庶以替萬微之

幾且將制千里之難蓋真儒用而天下無敵何憂狐兔之群今有德進而朝廷益尊過遭慶龍之武其迷聞出縛喜欲振纓足食足兵皆願受其陰賜且耕且戰惟肅票於成謨

賀兵部錢郎中啓

宋洪适

恭審疏恩清禁陟序粉闥衣繡春歸留甘棠之德帝給綾夜直對嘉木之婆娑吏道以懲士論惟允恭惟某官學關百聖名塞兩間長江大河之行地中無若筆頭之潤金城湯池之在天下盡歸胸次之奇每恨蜀諸葛之不復生而謂楚三閭之爲可弔遊觀所至

休雋類函卷四十三

十五

感慨良多方聞華節之平反又趣介圭之入覲龍顏喜動鷄古香消首懲武功爵級之過多坐使司馬材官之各當拜赤管喻麋之賜未足爲榮草紫泥玉璽之封卽應有命某舊聯朝袂今墜吏塵風飄水浮夢舞江頭之逆旅天高星遠心降省眼之英游

賀田大司馬破海虜啓

燕若

明

威振河西功高樞外有嘉折首不數月收三捷之勲迄用攻心以一麾制諸戎之命聲靈赫濯氣倍厲于鷹揚恩數駢蕃祉更多于燕喜肆京觀旣築永銷青海之氛乃樞筦久虎渙發龍之召侯吏爭傳其歸家

朝紳共切于瞻巖卽某朽廢之人預託高華之庇尚稽鳴豫猥辱惠音雖惶悚而若驚固歡忻而欲舞目今邊徼適逢多事之秋允賴廟堂早決先機之策幸紆石畫入贊宸旒用佐中興無煩固遜

賀顏駕部啓

明

東南民瘼久倚飛鳬西北戎機暫煩司馬雅有登仙之美堪爲賜第之光恭惟某官才數最才鵠水雁峰並秀秬壇絕秬神楓瑞杏爭奇昔安國講春秋跡憩盧溪之宅今名家治左轂首標茗水之門衆仰天星湖上神君帝曉煙雨樓邊慈母權公循牧翼我本兵

啓雋類函卷四十三

十六

蓋天下苦役憂韓蕪播州而三困且雲南乞師蜀貴援武定之孤危真天子拊髀之秋而君侯借箸之日也權卜舞于千化瑟實求焚鬲于徵書卽晉冢曹行躋三獨某夙宗麟製偶附鴻呼花遍長安曾趁馬蹄之速萍逢太末稔知雉羽之馴正切服膺忽傳綸旨雖異日隔同年之好快吾道以分榮豈遠臣覺近主之華爲聖明而贊善拜送爛柯之僕祖觴構李之車

賀李侯遷駕部啓

明謝肇淛

恭惟某官炳世鴻文幹天駿畧足能超影一鳴而萬馬皆喑刃新發矚四顧而千牛立鮮矧不腆敝邑僅

當赤縣之彈丸比借重我侯何啻金湯之保障凡茲
生聚教訓之力實同天地父師之功衆口翕然寸心
竭矣治行第一五花蚤上御屏晉接日三連茹先登
武庫十年碩果政知君子之得與一旦及瓜無奈小
人之臥轍歡聲猶動離恨已殷某芻狗陳人穗羊弱
植昔欽德里門前之雀可羅今沐恩波屋上之烏亦
好其爲慶幸尤百恒情雖伏櫪驥心尚欲贈繞朝之
策而支牀雞骨未能彈貢禹之冠聊申萍子之虔更
效竹孫之祝知從容蘭省明府豈無用趙之思而蔽
芾崇陰吾儕尚有御李之日仰祈照察無任屏營

啓雋類函卷四十三

七

賀張恒華職方啓

明萬世德

四司兵馬本機務于戎曹一代人能握安攘于輿省
渙命方傳于綈威風已邇于儲胥夷夏聳瞻中外
交慶恭惟某官學富五車才雄萬馬當獨對三千字
之日業已負康濟之猷及共綸五百人之場又爾擅
清通之譽方服駕署遽返丘園乃諸公競推輓而來
遂一旦典樞機之任蠻夷戎狄將懾其聲名都鄙封
疆盡歸于經理業已邇九州之治豈直樹一臺之華
某昔附含香今叨秉羽廿年疆場跡已徧東南海之
窮陬兩命經營謗胥在南北和之故轍真顛差池之

可笑豈艱難險阻之備嘗其儼懸於區中形影是惜
愧馳驅於徼外歲月徒靡嗷嗷實煩踐踐已竭顛危
枵之方活尚且收邊角之功奈驚之既甦誰更假
參苓之助一言馳賀百念承風幸無忘萬里之指南
敬容修函丈之面北措詞輪囷寄意動倦

啓雋類函卷四十三

六

賀司官午節

賀張兵郎午節啓

明王兆雲

虎帳生風三楚仰澄清之烈龍舟耀日大師伸震疊之威營開細柳以麾旗聲泛青蒲而按節遙瞻榮戟之輝敢效篚筐之敬恭惟某官萃山嶽以鍾英兼文武而爲憲三千珠碧咸推永叔詞宗數萬甲兵共羨希文廟筭鳴珮鵠立于楓宸攬轡烏翔于栢府朝端白簡驅當道之豺狼江左青驄措斯民于衽席人望益隆帝心攸簡念斬黃居六合之上游借周召專一方之重寄位崇觀察更參軍國之猷職列台垣實隆啓雋類函卷四十三十九

保障之任雷擊霜飛已見群兇戢志日暄雨潤全收萬姓歡心茲當午節之臨正值中天之景坐觀江上貔貅暫奮水中抱鼓急漿排雲標奪彩龍回浪蹴危檣拂日棹爭飛鳥疾歌催誠足作三軍之勇氣而成五日之偉觀也其備屬簿書得蒙涵育敢伸蟻悃敬托魚函伏願台福日綏爾館初成長命縷關烟自淨珠囊何用辟兵符凜風霜而肅四夷位鼎鉉以保萬生

上司官

上李駕部啓

明

祥鍾仙籍瑞映斗樞藹槐桂以聯輝竊龍並起偕扶搖而直上孤鳳高翔兩臥析楊聽訟棘木之下霜清鎖鑰決勝帷幄之中明弼功高安攘望重分麟符謚寧疆場式徵胡越一家秉虎節申畫郊圻重整山河兩戒始信超挾以獨異坐睹梯航而來歸某二天栽培五年覆庇受知有自報德末由嚴城日靜千峰雄談竟隔嘯閣風回萬馬紫氣遙臨敬託短箋用將真悃舉目滇南絕徼回頭直北長安金鎖玉關尚遠咫尺之地蒼山洱海常瞻萬里之雲啓雋類函卷四十三二十

上張駕部座師啓

明

龍城司理久推明允之仁鳳詔掄材誤入陶鎔之寵際會偶借七十子登庸適感千百年恭惟某官其露清風瑞氣擁成華蓋丹霞銅斗山靈毓出芙蓉鸞翼圖南空群冀北命汝作士無冤五罰五刑協民於中用弼三經三曲文星上衝南斗早收參井之奇化雨來自西江盡羅岷峨之彥彌天張網與鳳毛麟角到頭風虎雲龍上苑栽花期桂綠槐黃轉眼碧桃紅杏遂令鷺鉞亦與甄收某在庀材蓬蘆末質九仞已

三年不飛方酣蟻戰于棘圍異薦鶴書于菊榜以
筆研荒涼之業受鑪錘特達之知楊粦在前積薪居
上天開黃榜喜傳衣鉢于道南禁出彤輪遂隔霓裳
于塞北九重已借前著萬里誰敢橫車傳介子樓蘭
國中奇功已就班定遠玉門關外報命何時

卷四十三

候司官

候張東山兵部啓

明許以忠

展采秋曹擬發台階之軔負承春谷竊瞻斗極之輝
燕寢恩深魚鱗候歎恭惟某官三影標奇百年名世
夙樹靈霄之幟早傳闔閭之臚製錦西昌幾載懋循
良之績司空南國百工遵制度之頒忠獨簡于帝心
命特隆于武部威靈赫奕馮樽俎以作干城號令森
嚴肅貔貅而聞刁斗大壯九重之神氣侯登八座之
仙班某材慙華世誼辱通家璧水聚萍踪麗澤久深
于心領孫山遺朽質屯途莫副乎襟期豚兒分東璧
啓馬類函卷四十二

候東洲田兵部啓

明胡心得

台樞耀日肅清萬國妖氛海宇澄波掩映九天曙色
總威衡于重地赫靈德於遐方業固金湯功歸輔弼
恭惟某官才兼文武學邃軒轅褫首虜之雄心掌上
驅馳韜畧耀朝廷之爽氣胸中數萬甲兵坐帷幄
却虜騎不敢南牧折衝寢難動天頗無勞外憂王朝
重方叔之壯猷遼人畏司馬之入相某翺風栢府持

節戎臺行行楚國之雲涯傾心北闕昧昧燕臺之雨
露翹首南天敬絨寸箋恭候萬福仰希明鑒俯察鄙
悰

候邢崑田兵部啓當入大司馬 明方大美

台聯八座榮增常伯之輝政統六師威肅本兵之重
猷壯一人于宥府望森萬里之長城業固金湯功歸
鉅輔恭惟某官任膺股肱之寄才抱文武之全定策
籌邊掌上軒轅韜畧折衝寢難胸中韓范甲兵威名
馳四裔會觀麟閣圖勳茂烈播三朝共倭司馬入相
其觀光北闕夙叨培植之私仰命西江敢輒斗山之
啓雋類函卷四十三 王三

候恕銘朱司馬啓 明許以忠

伏惟某官輝揚姚水員瀾秀出天潢正派分桐珪于
上國宗臣崇王路之勲秉節鉞于南都祈父握兵權
之本坐談韜畧霏霏齒帶水霜敵畏威名凜凜心驚
雷電已靖九邊而偃武弘開三館以修文懸臥橐之
弓旌聘訪不遺巖穴假折衝之樽俎咲譚常聚英髦
其度無投筆之才空有彈冠之慶誤承延攬作長楫
于轅門未展驅馳樹先登于孤盤枕戈思報效揮日

爭雄說劍料精神聞雞起舞舞矧隆宗雅宏辭嘉敏
之中公并及餘波巨貺錫寒廬之下士致意啗之
癖益興賈勇之懷奈衽席起戈矛心緒頓摧於家難
而雲霄瞻察戢夢魂頻侍乎台巖殊結相思聊申奏
記仰天長嘯各一方而莫挹光風縮地少緣幸千里
而同坐明月

候姚兵部啓 明王 焯

天桃花信春華又是一年御柳鶯聲夏署行聽百轉
每對清風之夕輒興玄度之思恭惟某官江左偉人
殿前碩輔青年射策名登作者之堂白晝蜚英位在
啓雋類函卷四十三 王四

候徐職方啓 明王德乾

伏念某書學不成劍術未講登臺本非千里放榜宜
驚一軍以下乘廁前茅過情之榮其榮至况特知加
久擢振阮之感其感深珠報未能玉成無已方其備

員東浙兵則平旋鮮播驍天下之驍群衛鑛西安地
則錯壤處巖數山中之劇盜恃勝者氣驕莫制竊發
者釁伏難防即懷兢惕以猶愆全仗壑培而道咎頃
者量移江右遲遲祗候夫代瓜催發衛中數數戒裝
乎行李不意道府起久留之議撫按移本兵之咨又
沐隆施增居都秩一天陰庇飲流敢昧于知源寸進
已慚得隴寧迂于望蜀第門墻爲仰恩之子弟有肝
隔必控語乎父師三司虛擬以雁行兩膝尚仍其護
屈較鄱陽之初命反不相如度閣下之盛心或應未
愜倘蒙蚤叙資格刻在正銜則不負尊嚴提拔之情
啓雋類函卷四十三

三主

而亦展早末驅馳之力矣謹緘魚而將不腆叩司馬
以訊台安虔布寅悰希垂丙炤

候兵部主政啓

明史鴻脩

彤闈振采班聯鱗陞之榮粉署含香光贊鴻樞之重
鈞衡虛席聲綬彈冠恭惟台臺芳楨鑑湖奇探禹穴
高標吸九霄之沆瀣清同瑤樹金莖雄文掩百代之
英豪光燦瓊蕤玉鼎博古而秘通丹檢獨窺大酉之
藏揮毫則彩映青藜時來太乙之照蚤蜚聲于秬苑
際會逢五百風雲旋擢異於軒墀魁名冠三千禮樂
廷占國瑞如同威鳳之儀帝重真儒爰試爽鳩之政

迨升華於騎省益懋寵於輔弼天開鳴珮接夔
龍之武蓬萊雲近結綽逢鸞鷟之章樽俎折衝何止
六三韜畧帷籌勝算允稱數舊甲兵譽徹楓宸望高
蘭省佇瞻節旄之重寄載欣鼎鉉之崇登某岨課微
資風塵俗吏夙承芝範幸徵御李之榮茲恭恭封恒
切瞻韓之悃紅雲雉尾莫遂願於鳬趨明月燕臺敢
脩忱於鯉素借昭陽之日影錫照爲祈睇斗極之台
光緘懷曷罄

啓雋類函卷四十三

三主

與司官

與郎署同志啓

明蔡復一

漢署談兵常笑爲郎之老武溪聽曲始知作吏之勞
何者千里鴻哀則心痛如病兩衙蜂擁則體頓若醒
况乎苗橫備弛之鄉餉竭兵驕之會信犬非舞干之
能格牢乍補於亡羊饑兒非折華之可答眠無殊於
抱虎乎翻思曩者官枝月閨暑冷雲閒得以晤語名
流醉心往牒柱西山之笏似是馬曹賞流水之琴非
無鍾子清都舊福忽飄墜于修羅山鳥今籠猶低回
乎故岫情所至也豈不然哉緬惟台丈鳴佩握蘭居

啓雋類函卷四十三

三七

則勝矣高牙大纛行亦隨之則詠風築金之臺醉月
擊筑之市異書可購勝友相過言開肺腸之言事舒
眉目之事此官此地何日何年勿如弟夢裏役夫空
自晒于列子車中新婦復同歎于曹公也然鹿驥性
乖鸚鵡見隔如或君民之志惟許憂先文武之才偏
推憲遠則固宜攬俊豪以恢識量衡今古以釀經綸
曼倩陸沱難預翹材之館山公水鏡豈入步兵之厨
信博風追電之羽毛絕豐草茂林之擬議矣若某者
短長有分流坎隨緣偶成郢客之書幾作楚狂之態
高張迷路徒握草以傍徨班尹竟宵或開函之髮鬚

能忘將伯不盡跋予

與兵部舊僚啓

明蔡復一

某曩也枝官幸同臭味出爲閩吏夢屢鬚眉解帶披
風嘶杯送月追仙都之樂已隔文盲歧公望之升彌
光宥府燕辭憂屋雖秋社以難留龍燭丰墟猶鐔津
而望合張茂先之武庫始知吏道之拘王子猷之馬
曹倍想朝山之爽九歌思公子久負采蘭二酉近秦
人差堪授簡况吹笛倦矣不如騎款段之少游賴舞
羽依然或可借甲兵于范老敢寫葛蕭之闊兼請樽
俎之籌歎此憚人惠而好我

啓雋類函卷四十三

三八

回答司官

答黃鎮軒駕部啓

明馬朴

緬維韓子高懸久繫執鞭之慕郵雲錫載承飛錦之絨咳唾爲榮歸依何幸恭惟基官重天奎壁緯地絲綸璇源衍慶于錦江寶閣騰光于玉壘是父是子文章聲價軼三蘇難弟難兄科第魁名聯二宋持籌司計地曹勛著於殷民秉鑒掄才海國譽隆于得士行贊巖廊之化暫襄樞府之猷心上經綸帷運非熊之畧腹中兵甲坐收司馬之勳某幸廁通家愧疎涉世披雲有意雅殷御李之懷立雪無緣莫遂識荆之啓焉類出卷四十三

回兵部舊僚送禮啓

明萬世德

采其下體雖葑菲而不遺報之多儀何瓊瑤之是重光分一介寵溢百朋伏念其塞微孤踪士林末品一官三令二秩五兵方踣頓于簿書低眉作吏廁班行於蘭省抗首談邊須二三好我之提携豈尺寸致身之稱寒戰即戰也款即款也總由央策之功左之左

之右之右之悉是轉鈞之力幾謝含香而入直修來擊楫以從戎尚思步武乎承明真愧馳驅于轡輔周官司馬大夫之秩昔曾比肩漢家樓船將軍之師誰爲援手茲蓋伏遇臺下爲官齊澤作國爪牙暢圻父九伐之威獨持長策咬文昌八座之望兵倚壯猷乃憤島酋橫殘屬國方當覆軍之後爰膺推轂之先前此幸生蓬麻因之得竭驚勞熊旗犀甲敢云長子之帥師魚鑰虎符總是夏卿之董正余自信出桐於震下人皆謂收賢於道旁知不備乎五音心懷響答何頓優於三錫念篤珍施目分檄剖以魂搖手奉筐將

啓焉類出卷四十三

三

而色動在鈞在冶既均入於化工作屏作藩當永矢夫緒業以茲稱謝庶取眷存

啓雋近體卷四十四

類函五十

東吳俞安期美長

上饒王嗣經曰常同輯

秋官部一

建武鄧允淳與然訂定

賀尚書初拜

賀單侍郎除刑部尚書啓

宋李廷忠

紫泥疏寵陞文昌八座之尊丹筆持平聽司冠五刑之訟雖云序陟實自僉諸恭惟其官性履純深器資端亮富貴勲名之自致詩書法律之兼該選在九官謫臯陶之淑問蕃于四國偉申伯之成功華班久列

啓雋類函卷四十四

於西清崇論屢關於上聽謂練詳於時政庸晉權於秋卿斗爲天舌之司蓋資出納獄者人命所繫方睹明清益展論思之懷佇登宥密之任某久欽先達阻造下陳身繁一麾喜聽英鳩之命情馳尺札少伸賀燕之誠

賀刑部李尚書啓

宋李廷忠

予環趣覲出綽疏恩控荆襄之上流久煩節制踐台斗之故步益茂眷知民命所司士論惟允恭惟某官萃一門之英而居其最總百氏之學而無所遺置之屬車望傾鄒枚授以帥鉞勲隆方召宸庭讓聽履

之舊邦人頌歸袞之榮耳瞻清光倍增直氣國多暇日謹守明刑之規大匪先秋深識建官之意熒煌八座咫尺三階推此丹筆之心轉於洪鈞之手某昔依使部今出師門冠裾之賀莫前函牘之敬伊邇款誠所萃庸略奚云

賀刑部范尚書啓

宋李廷忠

出綽右省總綱中臺以君子聽棘木之刑務行公道則天下被蓼蕭之澤安有冤民况象應北斗之尊且位當西火之次觀瞻有煒頌詠交騰恭惟其官黼黻天成琳琅世濟在忠宣繼相之後挺挺祖風至嘉定

啓雋類函卷四十四

更化之初疊疊言路檢人誰不視氣明主亦爲霽威左史記事右史記言秋官掌刑春官掌禮代敷盤詰之旨勸講丘索之書華要徧儀便蕃異眷欲明清於庶獄莫貴重於六卿喉舌是司根本攸繫上所欽恤公其端平先規克承謂輕殺非威德之事中詔嘉獎以好生爲永命之原此卽壽域八荒之成摹又將台輔一門之相踵其謨焉無取誤矣受知顧蕩節之叨逾惟翹材之依嚮轡轡星辰之上阻聽履聲驅馳原隰之間願窺鞭影歡悰所萃拙翰奚彈

賀刑部李尚書啓

宋楊萬里

懋對庭揚典司邦臬誠鄭公之履帝欣大雅之重來
畫虞氏之冠人謂古今之間出班行雖舊命數孔新
咸曰一召之光華可觀三登之氣象恭惟某官人間
鐘呂天上墳簷衍與閔深邁表裏軻雄之作光明俊
偉挾規摹周召之才蚤騰起於要華已發舒於諒直
爲王喉舌近帝股肱方將颺騰乎紫樞黃閣之聯乃
獨馳逐乎皂蓋朱幡之寄自是三州之疲瘵合舞春
風誰知六合之寬闊少稽霖雨肆嘉遠崇還寘近班
深惟國憲之重輕允係生民之休戚上方矜恤下每
滋章徒有詔以掛牆竟無路以空圖要必正本根於

啓雋類函卷四

三

朝廷之近洗去煩荷庶幾興條枚於郡邑之通噓成
樂易此聖天子焦心之際在大司寇轉掌之問佇流
貫索之妖穉輔結繩之治發揮忠藎補塞休明其昨
以飄蓬久依陰樾十稔塵埃之撲面一朝驚喜之裝
懷夫豈偶然若有相者自知衰落已甘竭翼於坐隅
尚未沈埋尚願託身於門下

賀刑部會尚書啓

宋陳耆卿

渙寵宸庭升華憲部十行題鴈誰能領袖於論思一
日爽鳩自可噓呵於愁嘆揚庭有喜通國謂然竊以
舜命九官莫重明刑而弼教穆存三后必先降典以

折民蓋陽舒陰慘之微差則春殺秋生之迴判慨俗
吏煩苛之政出羽鑽皮聞真儒忠厚之風信眉吐氣
恭惟某官文穿月脇名埒斗魁以賈生通達之才夙
負無雙之譽誦董子高明之語早收第一之科函開
雲霧之岩堯偏歷水衡之清切蓋稽古之力人共驚
嗟而濟時之心公獨祗畏惟上有蓂蕭及海之意而
下無茂草鞠靡之風何擇非人惟明克允肆特疏於
天寵俾進總於秋卿匪徒刊漢室之九章抑欲副堯
心之三宥自古有德有才之士每以無時無命爲憂
或栖遲老死而志不少伸或渙忍晚成而業弗大振

啓雋類函卷四

四

洪惟間氣置曰罕儔佇恢光明俊偉之圖以迓博遠
靈長之慶某身縻小壘神翊崇墉命忽聆於褒遷情
倍深於抃躍效劉氏蒲鞭之政誠自愧於疏材體周
家肺石之仁庶弘宣於德意

能品 賀陸五臺大司寇啓

明林世吉

班崇北斗夙稱喉舌之司地切西曹雅重股肱之寄
恭觀新綸之存錫式占吾道之將亨環海彈冠舉朝
拭目恭惟某官誕秀三吳凝精七曜叶嘉祥于麟紱
性秉生知應景運于龍飛道符神授猷闡繼往開來
之學每高難進易退之風望重三朝名高百代惟帝
心之簡在乃鼎命之存膺特從天部之班晉陟爽鳩
之長雖留都根本方資毛玠以持衡而司冠例成左
倚臯陶而執法上星辰于閭闔常侍螭頭踐雲氣于
蓬萊日依龍衮某緯蕭木品執戟下僚御忝龍門謬
啓雋類函卷四十四 五

賀刑部陳尚書新任啓

明袁福徵

星映西曹秉直之臯陶既舉風薰南甸宣和之召伯
重來凡繫屬于近疆悉瞻依夫元獄刑浪士托緣鄉
籍受知在邑子之先且理官分職刑書承誨隨臺郎
之末欣聞履任亟效豫鳴貢篚纖微聊藉上交拜手
賀賡簡率略陳中結歡心願早頒表式有觀開迷祛

感祈彌長幷幪福力拔淹拯困

賀陳尚書我渡公啓

明唐文燦

當宁疇咨雅望立躋于峻秩留曹表率嘉謨行播于
祥刑方卜程以趨弼教之司更相土而綜若工之務
卿才益顯士論咸孚非徒增重八閭抑且敷華四國
某曩陪鄉貢托契最深茲列郡推承流尤切遙聽聲
于以履倍生色於彈冠未能馳門掾以代迎聊用附
郵人而言賀南風隨布律佇瞻八座之端臨北斗正
旋杓豫祝三臺之徧歷

賀南刑部殷尚書啓

明唐文燦

啓雋類函卷四十四 六

恭惟某官累朝元老當代偉人初奮跡于史垣文獻
之編藉重新標勲于軍府紀綱之秩增崇欽入彤庭
端居畫省方竭忠以襄國計乃就靜而憩家園暫爾
懸車俄然推轂風回春殿九重之召拜維新星映秋
曹八座之登依由舊况留都實今之洛邑根本宜培
而常伯有昔之蘇公表儀已樹官聯六十屬卽隨倡
率以皆良王法三千條將賴折衷而愈爰耀被於環
江郡署澤流乎閭閻扉成不獨成辟能止辟是誠
赤縣蒼生之慶非直白雲丹筆之祥也某嘗托後塵
更逢末路慚邱冷難修腴幣計門清靡卻荒儀呈荔

帶而備垂紳奉桃笙以充踐席統析電照舉賜鴻
詰朝泣卿位於西臺佇受劑科之頒布指日移仙班
於北闕旋瞻玉鉉之金調

卷四

七

賀尚書考滿

賀蕭大司寇考績啓

燕值生辰

明王家屏

南極騰輝弧矢紀春秋之歷中台朗象旂常書日月
之勲福衍箕疇功熙舜載某官紀綱重望砥柱貞標
負文經武緯之資樹外威內順之略明刑弼教名夙
著於爽鳩詰禁制軍伐兼隆於司馬當周室生申之
日正虞庭奏績之時天錫純禧帝嘉勞烈年踰耆艾
躋三壽以作朋位冠孤卿毗一人而稱老八荒開域
百辟瞻巖其忝託鴻庥倍深燕喜澗溪沼沚阻申介
壽之儀帶礪河山快覩酬庸之典敬專下走用展微
啓雋類函卷四十

宣

驚伏願道與日新福如川至近岡陵之茂祉駐世百
千萬年繫杜稷之安危申書二

四考其為頌禱不

賀尚書壽

代賀弘軒張大司寇壽啓 明馬朴

黃鍾律轉東山開初度之辰綠野弧懸南極啓長生之宴五福於斯爲盛七旬自古稱稀頌溢邦家歡騰朝野恭惟其官康民碩輔壽國元勛歷試三朝功業垂旂光日月蚤登八座聲華隨履上星辰尚父治兵已壯王師於無敵仲尼司寇益徵吾道之有真袍爛飛魚寵渥朝臣之右班先振鷺秩高公保之尊三台虛席而延登累疏抽簪而引退數載山林之興雖暫從赤松之遊一時社稷之身行且爲蒼黎而起茲者

啓雋類函卷四十四

九

辰當建子時際生申檢寶錄於蓬萊鶴筭初逢七袞張玳筵於蘭桂鹿齡共祝千秋座中挹洛社之英圖上寫函關之老其棘闌射策叨廁公門花縣分符幸鄰仙壤龍光在望長懷玉杖之鳩燕喜恭逢欲放金籠之鵠敬函慶牘肅上恩臺東海臺梨愧乏珍奇之篚南山松栢惟摩雅頌之篇

賀肅大司寇壽啓

明王家屏

中興佐運動標日月之旂南極呈祥光燭星辰之履斑衣黼座晏敞瑤京百辟其刑四方來賀其官貞元間氣泰岱精英學夙貫乎天人才兼綜夫王霸輔

敷歷黍苗浹陰雨之膏旄鉞指麾榆塞息烽煙之警微管仲吾其夷狄功允賴乎一匡有李勉始成朝廷望迄隆于九鼎志在安國家定社稷曾寵辱不動其心忠可格天地質神明乃險阻益伸其節手援一世之困乾絃默恃以迴旋身兼四氣之和昂實特資其調燮郊禋應候嶽降逢辰名世五百年信豪傑挺生之不偶升朝四十載慶明良際會之非常作帝股肱葆真精其益固司天喉舌參玄化以同悠九重注意乎老成四海傾心于耆碩田夫走卒愈知溫國之姓名親譯象胥共訊晉公之年歲遡星弧而紀瑞花正

啓雋類函卷四十四

十

滿干春城環台席以稱觴籌紛添于海屋想風雲之敷色占日月以增華某夙忝恩私倍深欣忭奈廢居于巖壑阻擊踞于堂階敬羞澗沚之毛用效岡陵之祝願寵膺乎宸眷以茂迓乎脩齡壽國壽民培宗社無疆之祉卜年卜世綿聖明久道之符

賀尚書元旦

代賀蕭大司寇啓

元旦

明謝肇淛

律新紀鳳天廻螭馭於復端氣淑爽鳩地開龍門於
震旦望三台之增曜知百福之是邁恭惟其官文武
世臣安懷駿烈氣涵太始轉洪鈞以壽八荒座接上
樞執青規而圖萬物繫金科玉條之設皆聲律身度
之餘玉燭調和佳氣時浮袞宸璿璣應節陽春先布
園扉其生長孤蘆備員繡斧棲遲歲月長懷漱流枕
石之思詎勉風塵未効激濁揚清之志儀刑在望願
欣慕爲執鞭津梁已疲輒超超而待後敬當頌椒之
啓雋類函卷四十四
土

居加愛

賀尚書端午

賀沈大司寇啓

端午

明董應舉

統領白雲上佐畫冠之治縹緲赤緯遙輝曳復之班
忽地臘之屆辰喜台衡之集福聊因沐蕙輒用傾葵
恭惟其官擎天柱石瑞世鳳麟有意壽民物之生何
非彩縷以仁造國家之命直有素絲洗漢女之冤散
沈陰于夏雪感湘纍之賦回生意于飛霜何監非刑
惟明克允園扉青滿而邪已辟于遊光楊桁綠沈而
惡盡消於鼓造蓋不仁者遠良由舉臯陶之公而成
信不寃安得不推定國之重某等叨塵南署幸席餘
啓雋類函卷四十四
土

芬對嘉樹以徘徊敢忘封植効靈圖而祝頌願贊階
符不腆者儀所希崇鑒

上尚書

上大司寇鳳洲王公啓

明成於思

渙號揚庭晉籌政府風清園室肅宸殿之發凝明照
覆盆煥斗杓之顯赫雙龍標勁八桂雲仍風櫓陣馬
揮長吉之文章景星鳳皇植王濬之雅操父玉振而
子金聲伯墳唱而仲堯和深林龍虎代有聞人玄圃
麒麟天生瑞質恭惟某官清朝重弼名世鴻才謝北
圖南絕紛塵之侵擾去煩就簡襲吏隱之清淳丹詔
重頒快覩江山之勝征帆再整維新法紀之條既
司冠之階最快蒼生之望高明玄朗續遺響於先秦
啓雋類函卷四十四

照曜輝煌沛雄詞於兩漢召賈誼於宣室上心久渴
置夷吾於江左萬姓騰歡春風靡影草卧析楊夜雨
灘聲雲銷貫索青絲玉節虎頭之纜方堅白馬金盤
豹尾之陀斯壯五緯明霄泛龍泉之秋色三江潤澤
展紅翠之春暉東問典故西問文學錦堂丞相之規
模朝闢奸邪暮平枉抑路國太師之度量方千仞而
覽下乃六月以更南驅馳靡憚於賢勞出處有關於
民命蛇蟻浦劍敵霄閣之高寒塊塊參旗屹海樓之
兀突當斯文之寄任秉來哲之風流昔清獻與刑而
三川之琴有韻濂溪行部而五嶺之獄無冤景石室

孤寒青原落魄幼承弓冶頗勵初心長頌典墳略經
寸補鸞鳳梓杞咸登王燦之堂款段駘駘豈堪伯樂
之廐台衡之望愈久而愈光畎澮之情日疎而日
飄零寂莫之身尚思風雅趨走風塵之性尤賴甄陶
大賢何所不容孺子亦或可教晉公得二才士不無
汗赭於前修古靈薦三十人尚與牙緋於後進稱
博於公庭幸借郇公之譽也薦仲淹於內史敢忘元
獻之知乎大厦成而燕賀六轡沃而駟馳慶廊廟之
得人爲國家而吐氣寒渾渾符每効執轡涸轍嬰維
仰析推轂并踵惟深敷陳則淺
啓雋類函卷四十四

上大司寇陳公啓

時權蜀
守西行

明謝廷諤

真人東蒞星聚二天外吏西征雲移千里冶城回首
遙瞻聯步之群劔閣紆懷未免向隅之泣曩趨陪于
昆氏頻指數乎名流爰推同籍之英堪倚台衡之彥
舊稱江夏國士無雙茲系潁川卿才第一金鷄曉唱
憑霍鼎以先鳴石燕晨飛噓鵬霄而沃潤揮毫射策
控玉勒于燕臺遊刃發利准金科于吳越俄看避馬
並訝批鱗宏議嘉謨間在而登三事油幢瑞節翩翾
而遍九州依依講德之堂笙鏞教化籍籍議功之
彩繪經綸望重安劉揆留北闕顧諸借寇坐鎮

帝眷鎬京乃國家根本之地天開鍾阜寄虞廷明允
之司南國佳辰東山勝賞凡茲簪紱共星分而倚白
雲自惜帆檣獨颺迴而移赤岸臨風徙倚向日呻吟
敬瀝寸丹恭題尺素

卷四十四

十五

候尚書

候大司寇趙公啓

明蔡夢齊

化弼畫裳協氣旁流于戴石名同黼黻孤忠大許于
清時私惟臭味之相投撲被門牆之獨契久稽問訊
倍切瞻依恭惟某官廊廟元材山河正氣兩京均重
作中朝羽翼之司八座躋華應上天喉舌之象遡龍
江而勅罰明湛覆盆趨鳳闕以祥刑仁同解網萬民
自服堂簾省詳獻之文四海無冤寰宇襲和平之福
佇啓金甌之姓字卽看玉檢之絲綸某牛斗不神崎
嶇可笑昔塵觀部崇希上德之光嗣涉畏塗浣藉弘
啓雋類函卷四十四 六

候刑部尚書啓

明龐時雍

秩峻西曹奉三尺以掌邦禁望隆北斗推一體以達
皇仁平刑擅丹筆之謠錫寵注青宮之眷恭惟某官
天朝柱石聖代長城本固源深鍾江以右流風餘韻
地靈人傑毓山之東淑氣清芬華國文章名同續虎
濟時政事價並人龍凜冽九秋霜山岳動搖于中土
汪洋三月雨桑麻滋潤于大原位登獨坐之尊分符

上黨威攝中台之重秉節朔方神算無雙
四鎮奇功不一旌旗交映九邊沙漠澄瀟
河之綠腥膻蕩滌狼煙消赤埃之紅入佐戎
統營中十二出開制府貔貅擁帳下三千資
養儲端賴允平而司國憲上疏邁真卿之激
切刑措可幾審覆追祥道之欽欽冤獄盡解
暫司三典立替萬幾其標櫟庸才駑駘弱質
人謂兩院有兼收之舉自知三年無一得之
思茲乘奏牘銓曹輒敢通名
府仰惟崇照曷任歡欣

侯大司寇蕭公啓

明盧純臣

啓雋類函卷四十四

帝心簡在臯陶摠國辟於西曹相道裁成司寇代天
言於北斗心切歌虞之想光騰輔漢之勳寰海增輝
官寮佩德恭惟某官始發矧于岳麓遂霏譽於宸軒
座接公孤氣吞華夏靖烽煙于朔漠指畫非常歷幾
輔于泰山毓靈有素榮超謫印府中晉宮保華
冠鷄班天上賁絲綸簡命金甌已卜玉鉉旋登
國士之知空懷銜結時切門墻之望未蒙涓埃但
下焦桐尚祈拂拭而海濱樗木尤覩丹青曷已瞻
何勝企踈

謝

謝司寇王鳳洲啓

賜序

明林世吉

聖代儒宗望夙隆於作楫衡門下士誼忝附於通家
念久別乎門墻長具瞻乎山斗茲緣雕蟲小技偶結
白社以尋盟斥鴳微軀與附青雲於不朽迺蔡子雙
宋人寶燕石之見謬取登乘而世古忘楊雄覆醬瓿
之譏妄求弁首顧謂今時之作者實惟東海之儒宗
乃具素書庸申丹懇冀駑駘立市或逢伯樂以
干湛埋塵廩遇張華而耀景猥蒙台允俯順下
葑菲以無遺錫珠璣而不靳藻思倚馬神超表
啓雋類函卷四十四

謝舉主陳司寇啓

并賀

明謝汝韶

其桑梓鄙人櫟樗朽質一官濩落甘屏跡於江湖千載遭逢沐殊仁之渥洽不遺葑菲曲收采錄之中有忝參冬誤入筠籠之內撫已實慙夫踰越衡思載切於屏營敬布微詞庸申謝悃恭惟某官三朝碩彥一代偉人文章稷訓臯謨器度周爰商鼎威持玉節熊封化日熙熙望總鐵冠蜚海清風凜凜冰壺朗鑒榮辱於片言水鏡澄華炫雌黃於萬籟簪笏弗忘夫舊物生成無間於枯萑遂令下乘謬和特達文淵渴頓沾警欵之津阮瞻窮途重獲康莊之道顧短翮罕遷喬之望而涸鱗無鼓鱗之期徒資埏鎔何能報

啓雋類函

卷四十四

九

恭惟某官鍾嶽降神為帝資弼承家五代負海內門地第一流柱國三朝沐天上恩暉以十數雖赤松有約久騫鴻鵠之心而黃髮無愆終發熊羆之夢繫茲邦禁妙屬元臣帝心之簡在久殷輿論之瞻依胥洽迺敦讓之章欵上其如蒼生而瑤華之翰遽馳及於後輩藻駢鄭重芝宇宛然惟天步之近况多艱恐烟霞之難卧而貫城之空署已久望雲雨以來蘇矧鼎鉉虛左以須且聽後命願蒲輪計日而至快規前茅匪直桑梓之私榮實副鹽梅之至望青雲自附願擁

啓雋類函

卷四十四

二十

篲以先驅紫氣遙臨徒修械而延佇

明謝序制

賀侍郎初任

賀單刑侍啓

宋李廷忠

起自瓊臺對揚金虎從甘泉之法駕式重舊圖聽棘
木之祥刑載光新命賢者亦樂民自不冤恭惟其官
百吏宗師三朝耆哲入則鳴珂簪筆論思簡在於帝
心出則授鉞建牙提封幾半於天下人方延頸望洪
鈞之播公獨袖手從赤松之遊年未及於從心禮豈
容於謝事有嘉廉退庸侈褒升以西清直學士之班
當司刑少常伯之任擇其人得道格式佐唐興唐李
太宗時自擇爲刑部侍郎選於衆舉臯陶宜居舜右某退慙疲頓

啓雋類函卷四十四

三

賀刑部魏侍郎啓

宋方岳

伏審渙敷書贊進貳憲曹民自得於湖山久奏吳門
之最帝慨思於人物趣歸漢殿之班豈得詳刑斯皇
殊綽其不勝兼賀敢後魚傳致治稽成康坐想措刑
之威使君爲堯舜諒懷濟世之忠無數頌言切惟監
在

賀刑部趙侍郎啓

宋方岳

伏審光奉紫泥之詔入踐白雲之司天地之德曰生
庶幾刑措祖宗以仁相授謹簡郎潛乃瞻麟宗咨平
行微恭惟玉璫黃流之醴郁水壺朱絃之勁清縣所
以西有羨間平之經術維斗之北於皇齊魯之福星
正茲大厦之賀成端以小秋而召去民曰奪吾父矣
帝其得賢臣焉獨提丹筆之春已傳呂命徑荷紫囊
之橐聿矢臯謨某番所傾心喜而舞手贈以芍藥敢
不書子張之紬報乏瓊瑤久欲聽鄭崇之履輕片塵
竝別楮備陳

啓雋類函卷四十四

三

賀南贛軍門陞刑部侍郎啓

明朱一鶚

白雲典憲慈熙常伯之勲丹筆凌空端亞秋官之秩
厦臺既撼搖乎山岳法星更朗昭乎台垣績紀旂常
望隆建業恭惟某官四明協瑞五百應期胸中武韞
六韜筆底文雄七略駢驅馳騁蚤遊上苑之春霄漢
衝騰幾捧大行之日皇華沃野白馬前聲南北敷歷
滋深上下德情流浥動龍瘁之瞻矚渥鳳詔之銜來
玉帳擬雲控制六藩紆石畫金陵綢綌把持三尺沛
甘霖方召鴻猷伊周碩德朝廷已深知芳偉豈但宜
啓雋類函卷四十四

代賀莊開府陞南刑侍啓 明李國祥
恭惟建節吳西民頌四馳於保障宣綸冀北卿才參

貳於機衡垂崇崇去後之思列棘樹將來之績况留
都實今之洛邑根本宜培而常伯有昔之蘇公美儀
斯樹雲起江山喜色雷喧士庶歡聲其舊承陶鑄之
恩益深鼓舞之念贊喜當隨夫賀燕牽帷必擬於琴
鴻敬勒荒牋恭陳陋篚遙致下風之拜少攄北斗之
瞻蒞卿位於南畿華要既聯八座移僊班於北闕光
輝尤徹三台

賀朱司寇啓

明

秩峻天臺握萬方之民命任專秋典參八座之威權
情寓法中懼深榮表恭惟某凝精七曜誕秀三吳振
啓雋類函卷四十四

公按之家傳接考亭之道脉度貞百辟龍興揚遼馬
之桓膽落群僚虎踞仰批鱗之李西方懸象示貫索
以常開北極好生戒凝脂而不恃彰大禹泣罪之德
秉臯陶執法之堅祥道三覆傳芳真卿五疏係望
鳩儀世瑞鳳呈時某誼托舊氓交深下執龍門千里
隔恨無地以趨蹌鳳閣五雲多幸有天而怙冒茲際
驚遷之慶肅將燕賀之私

賀余司寇啓

明

丹筆祥刑象列紫垣開貫索白雲綢瑞曹聯黃閣握
鈞衡存錫新綸聿膺華檢恭惟某官秀發靈山精儲

玄曜臨聲天上徹旋鳴百里之琴諫草御前封幾
百條之膽埋輪三晉誰聞當道有豺狼按轡中州
見在山多虎豹沛鴈門雨露春看禾黍堆雲靖龍首
烽煙夜聽絃歌奏月金鑾拜命玉帳分符折獄屬之
臯陶司平再逢定國肺石化為嘉石法星移作福星
某夙忝程門情深立雪今叨杜厦喜切披雲尚規雀
報以無從乃遣鶯遷而有慶伏願星符綴彩天眷維
新地係秋司暫倚爽鳩之省望隆台輔旋登夔龍之
班

代賀莊少司寇啓

以江西撫臺還

明姜夔

啓雋類函卷四十

十五

西州建節幕門列栢生寒南土祥刑圖圖白楊丹潤
拊循自非容易欽恤良亦難弘任官惟賢擇人求舊
恭惟某官名都保障澤國千城士馬精嚴彭蠡靖妖
氛之厲昆蟲閭憐豫南恬安養之祿三年德惠如飴
八座聲華配斗帝心簡注治命崇隆眷此留京實聖
祖飛龍之地而典此邦禁杜王城伏鼠之奸釋閭閻
而鑄刑章惟明克允表京觀而弼教典欽恤常存束
矢鈎金庭徹嘉文之石草纓艾服道無衣赭之人遠
追畫象之堯風永絕蒙辜之秦政某徃道翼軫謬依
玄曜之光此接荆吳實負上游之寄雖表裏山河

在望而承宣風教以無能虔修折簡之辭用效彈冠
之慶

賀朱澹庵少司寇啓

明唐堯欽

生同鄉國曾一面之未能秩晉陪卿猶尺書之屢後
乞稱小子之狂簡恃有老成之典刑恭惟某官才足
佐王不求聞譽德能師世甘守恬愉二十年跡絕城
門公何心浮榮之慕一兩載位冠朝右人猶恨大用
之遲我有庶獄我有受民命自天而特簡爾惟勉
爾惟鹽梅師錫帝以僉同斯皆聲實之素乎抑亦治
平之有兆也某欣傳除目阻遣賀班瞻雲表而颺言
啓雋類函卷四十

十六

願盡行其所學矧台躔之正位庶大澤于斯民

賀張撫院陞少司寇啓

明蔡復一

陳常時夏耀七宿於丹鷄錫命正秋貳六官於金虎
江漢思存召伯聽訟甘棠唐虞道在臯陶措刑畫象
文風既漸舜舉彌高恭惟某官略授帝師賦徵王佐
漢廷諫諍中陞知白馬之名荆甸威懷南獄壯朱陵
之色以身律吏則懸法霜月之中與歲爭民直求生
水旱之外三戶發舒其和氣八埏後望乎甘霖候祥
采於玉衡遙通北斗表貞心於赤棘先借西曹上不
忍奪造福之星人相與計遄歸之日三年歌袞天南

顧以若私一旦頒麻魁中台而合掌外朝之政
次公槐祀司民於冬潛操國版方今獻書寢閣直士
在園茂草未見於鞠扉夢蕭何由而及海仁人進而
風遠佇觀貫索之空君子內則本強更期鼎鉉之節
將辰極一正罔忒暑寒豈翼軫舊封獨遺雷雨某抱
葵鳩之獄牒曾事呂侯宣朱鳥之藩條聞徵張尉約
束郡縣想九章勿失蕭規啓事賢材占丹命卽歸山
傳惟楚得歲曰周有人丹筆回天春乎不遠白雲爲
露今則其時載誦敬由之書共依祗德之教

啓雋類函卷四十四

二十七

上侍郎

上刑部侍郎啓

考滿

明粉世卿

疏恩天陞貳政秋官棘木聽刑事雖後於長秩紫荷
持素美可效之君王佐成空囹圄之風共躋畫衣冠
之治恭惟某官天挺英明學培忠厚才侔董賈早發
跡於魁名政婉龔黃徧歷銜於清要方若布德澤每
懲酷吏之滋章欲下無抑冤故遴真儒之克允司寇
掌外朝之政宜監祥刑甘泉通法從之班特持偉望
五聽求民情中外質正若軌八辟麗邦憲輕重剖決
如流紹蔽帝於謳謠盡削成於法理詰姦禁暴固資
啓雋類函卷四十四

三十八

條教之修正本澄源更賴謨謀之助庭中拜見李道
裕天下共仰韓退之某初脫章縫未諳法律製錦慙
窮於五技賀厦喜託千萬間洗去煩苛旣根柢於朝
廷之近噓成樂易將條枚於郡邑之通會逢報政之
期預爲微惠之地用題尺素聊表寸丹伏願清五刑
糾萬民大紓獻納論思之益撫四夷安百姓卽收彌
縫輔贊之功規隨畫一豈特重讞刑之司猷告精明
便當顯作礪之寄

上刑部侍郎啓

明李國祥

皇路清夷碩彥擁文昌之座帝心簡毗寅亮資元老

之謨縣寓分光縉紳增色恭惟其官熙朝名輔合世
大儒丰神耀彩於九苞魏臺望文藻探奇於五經
赫赫才名貞肅百僚信作股肱耳目恩澤萬曆允符
伊傳臯夔棟隆堅立於廟堂柱石永奠於宗社宰樞
有待帝賚無涯某叨翔下風登荷上德李車先御願
已愜於登龍韓斗遙瞻心猶懸於拂驥謬爾得郡自
慚莫效於一籌倏焉考成猶喜有依於萬厦敢以情
歸於尺素用祈鑑照乎寸丹

上耿少司寇啓

明林世吉

班聯八座天朝崇邦禁之司位接三台元老膺士師
啓雋類函卷四十四

二十九

之寄福貽宗社慶洽華夷恭惟某官秀毓瀟湘祥鍾
嶽麓理學接千聖之統文章為百代之宗早魁拔于
春闈遂結知于天闕願來蘇閩海方欣繡斧之臨乃
馳慕楚天忽動白雲之感東山戀謝傳蒼生引領何
殷洛社起溫公丹詔臨軒再錫方晉總乎天憲遂擢
貳乎秋卿臯陶佐虞廷廣布好生之德蘇公用周室
茂揚式敬之風崇勲茂著于旂常清望隆于朝野
百僚承式多士彈冠念先君宗伯夙叨臭味之投某
小子編氓素切斗山之仰敢托鸞箋而布悃敬因爲
羽以通名伏望早調金鼎永贊黃扉環海生靈共

洪恩于湛露通家謫劣長承微煦于陽春

上刑部右侍郎啓

保全

明龐時雍

勅法凜嚴霜華秩峻依于北斗敬刑開化日福庭廣
闢于西曹天鑒中孚人推噬嗑恭惟某官鎖鑰東門
上下兩江息警撫循中外東西列郡舉安旋貳冬曹
程百工而率四屬再襄秋署掌三典以詰四方顯言
臯陶執法之堅使天下不干三尺明示大禹泣罪之
切哀斯人誤入五刑三覆邁祥道之歎歛五奏符真
卿之激切望高八座眷注九重旋陟銓衡立登揆席
某發源東魯幸分棠梓之榮席庇南徐濫厠官墻之
啓雋類函卷四十四

三十

未矜其愚不錄其罪一意包容斷以已不惑于人曲
爲呵護雖相臨之分懸若天淵而相信之心等于父
子不遭顛覆全仗栽培此德難忘此生難報三年尸
素毫毛無補于朱方兩院交留俞允復新于丹陛省
躬知懼聞命增慚茲者奏牘天曹定黜幽之難免陳
情台側惟使過之是期倘併懽不靳于厚終則沾濡
益深于資始伏惟台鑒曷任瞻依

候侍郎

候侍郎范公啓

代張太尊

明諸葛昇

揆留自帝精忠朗徹丹霄予告及親純德段乎玄遠
東山之望繫矣無解白雲北斗之尊踰焉有懷皎日
踈違問道愧切負墻恭惟某官丹稜鳳德赤水龍文
熬火燃青五色光中馮日月案香篆綠八磚影裡護
雲霞當主棘以掄才卽歐韓瞠乎其後迨升華而假
胃非堯舜不以陳前允宜正笏宣猷雍容懿禁乃假
板輿行樂依戀鶴閣晉貳儀曹都人士翕聆聲振訂
盟仙籍太師翁遽厭塵囂雖風木之思勿爲夫子恨
啓雋類函卷四出
三十

寄候刑部王侍郎啓

明唐文燦

恭惟我翁仗敬信以乘仙槎聲舉早騰於鄰國敦
統而歷卿席表儀允聳於京朝南署雲司方深

後曹星使每切景瞻駸駸八座之登卓卓百僚之望
猶復垂情乎新進特先倡義於舊寅醲飲留連曠
之令規再舉周旋款洽懸殊之常分兩忘徒飮德而
莫酬未饒衷以無數瞻依燕邸忍驚台曜之暫移拜
送蘇門遂悵芳塵之遙隔然而光風霽月猶恍見其
形容是以淒日寒霜必遐思夫動履雙魚將獻一屬
偶逢附傳尺素之緘杼布寸誠之積願調相体懋贊
皇猷出焉播政刑喜召公之愛存崇羨入則膺樞柄
羨王氏之榮紹槐庭庶幾誦教而有與因得綴名於
不朽益徵洪庀肩任懇析

啓雋類函卷四出

三十

謝侍郎

代謝刑部黃侍郎啓

原載項德

宋周必大

茲蓋伏遇某官材堪國棟學貫經邦早占郎位之星
脫上禁塗之轍臯陶之別五教允賴明清肅何之作
九章更資刊定爰以論思之暇曲推獎借之言遂致
陳人猥膺遴選竭其智力固無赫赫之名假以歲時
効平平之策其爲依向實倍等夷

欽定四庫全書

卷四十四

啓雋近體卷四十五

類函五十七

東吳俞安期奏長彙編

上饒王嗣經曰常同輯

秋官部二

建武郢廷懋伯勉訂定

賀司官初任

賀尤提舉除都官郎中啓

刑部有都官郎中世曹子可承

宋李廷忠

帝命疇庸郎才應選修平準之書以佐國用嘉最
聞持大管之筆以登朝行先猷可繼繼軒甚切賀
致稽恭惟某官學統聖真氣鍾神秀威孫諫而有後

啓雋類函卷四十五

况逢昭德之君陳咸進而最先見謂名卿之子傳一
家文章之印著萬里功名之鞭凡所踐敷藉甚譽處
幾旌所憇嘯吟開衡嶽之雲六轡載馳精采照荆江
之水聊煩問俗趣使登仙爲能豐戶廩之外儲是用
頒秋臺之中詔有華自遠來媚於京豈惟馨香增粉
署之妍又將光輝復紫荷之舊某左符有守前祀莫
賓久依蘇刺史之天未酬知遇肯爲李將軍之地尚
賴全存

賀陳郎中啓

宋李廷忠

嚴宸出令憲部升華平反之惠入著平章六禮藉之

風采高干錦帳得人之慶在野所同恭惟某官荆樸
渾成昆鋒利用立卓卓可稱之行負多多益辦之材
讀萬卷之書妙能探於古義傳三尺之律偉自奮於
殊科廷中擅持平之稱民心喜好生之洽渙龍光於
三接表翟瑞於群瞻得古之遺孰比令狐之直由衆
而選行顯臯陶之仁步武禁塗翊扶輿運其側聆嘉
命倍激歡欣敢倩郵傳之書敬致屢成之賀

代賀趙刑部郎啓

宗室
爲郎

宋方岳

伏審光奉紫泥之詔入踐白雲之司天地之德曰生
庶幾刑措祖宗以仁相授謹簡郎潛乃睠麟宗咨平
啓雋類函卷四十五

行獄恭惟某官玉璫黃流之溫潤水壺朱絃之勁清
由浙以西有美間平之經術維斗之北於皇齊魯之
福星正茲大厦之賀成過以小秋而召去民曰奪吾
父矣帝其得賢臣焉獨提丹筆之春已傳曰命徑荷
紫囊之橐聿矢臯謨其蚤所傾心喜而舞手贈以芍
藥敢不書子張之紳報之瓊瑤久欲聽鄭崇之履輕
芹塵瀆別楮臚陳

賀王蒙城陞刑部主政啓 明諸葛昇

天陞疏榮錄異久徵馴雉雲司虛席嚳肅爰晉含維
成命星馳賀私夙跂恭惟某官文燄千霄道風秀世
治理則淮南長孺聲名則江左夷吾陶柳潘花濯濯
競看映帶召棠萊柏陰陰到處團扶將大忠大雅以
兼收應占半霄胡小秋小儀之不遂夢叶皆頭深惟
國憲重輕實繫民生出入十行題鴈誰能領袖于論
思一日爽鳩自可嗟呵乎愁嘆奉三尺法以往王國
康哉活千萬人者侯于門大矣少稽聽棘端即面槐
其光借花封蔭巧梓里小子大有造敢忘風雨旂幟
啓雋類函卷四十五

先生自此升頭覺雲泥隔絕所幸鞭策旣勤左右益
冀蓋函允藉始終謹綴蕪辭不啻啾啾之賀屢薄倖
芹悃何如薏芰之責園惟祈丙融曷勝實懇

上司官

上刑部趙郎中啓

唐顧雲

其聞弱水渺瀰匪風輪而不濟丹丘懸邈微羽駕而何之苟非玄化之功寧造長生之境其有本無靈氣復異仙材徒勤九轉之功未識三清之路侍立于葛洪陂上願附龍鱗徘徊于緱氏山前思隨鶴馭敢傾丹赤盡寄牋毫扣德操之鼓鐘冀聞音響仰劉琨之山海庶覲高深或覲憫憐少加披省其句吳寒族鄒魯庸儒偶効殺青因思拾紫捨獨爾文竿之樂預橫經染翰之遊一別楚山四周秦葉進惟角觸退則羈

啓雋類函

卷四十五

四

棲望化羽之期烏頭詎白困龍門之險魚尾將賴近者輒以荒蕪上千裁鑒實慙小道不副至公或自朋遊竊聆風旨潘江陸海曲借品流繡段金聲仍加綠飾今則將臨筆陣漸逼檣材既乏先容惟憂點額絃哀柱促風勁葉危輒寫丹誠仰塵清鑒倘蒙特分餘潤微假末光朽枿生莢寒灰發燭纔沾慰薦便是輝華酬恩豈止于捐軀効德願同于異類迴眸顧印庶竊比龜靈四代五公請先於雀報

上刑部郎陳子有啓

明姜夔

竊以玄鶴高鶩望雲霄而屬和洪鍾深鎖度闔闔遙聞蓋騰茂蜚英千秋獨步而應龍從虎異代同三恭惟某官海畔名家江東大品五車八斗名山石室俱傾鉅筆鴻裁闢蠅雕蟲盡絀冲襟照世丹霞明月交輝雅度宜人玉鏡冰壺並潤朝士仰如泰華南斗學者奉爲江漢陽秋劇譚而塵柯婆娑忼慨則唾壺飛動離乎經而剖乎義非馬驚心肯於首而當於衷大鵬見志此皆孺子之所稔聞而士人之所倍稱者也伏念某江漢鄙儒簞簞藍豎子弱齡失怙母氏孤孀

啓雋類函

卷四十五

五

中路多艱親交寡助周還乎濟南薊北冠劍蕭條陸湛於賣卜傭書面顏辛苦故典墳丘索雖爲二酉家藏乃薪水燈檠何以三餘自給用是壯心減其八九短技就者二三仰屋痛心撫膺高蹈青衿三十已慙壯齒無聞朱紱幾何誰道後生可畏獨念哀嫠母晝荻空勞漠漠先靈游魂未厝蓋七尺寸心之兩折而百年長夜以深嗟矣維茲躋儔簪履擬觀光於上國効顰學步竊靈氣於至人琢韻磨聲手名編而作法譚經講軌踵芳躅以希踪倘陪游夏之科不負風雲之會無媒引媿納啓通忱

候司官

代候南刑部吳公啓

明余鍾英

分稠邑於嶺南久矣藉鳴琴之化進憲司於畿甸歛
然歌解網之仁倍切瞻嚴僭陳奏廣恭惟某官斗牛
毓瑞胸羅雲漢之章彭蠡鍾奇性秉江山之秀才高
樸學名應制科緣以典謨之書小試循良之政三仕
令尹履課最於銅章肯蒞秋曹遂稱平於金矢業著
于張之勤旋膺臬呂之封其舊屬部民久承台輓追
憶其崇之澤無教去思向遶鞠草之仁有懷來譽意
之所屬言莫能殫述企企相庶幾玉我

啓雋類函卷四十五

六

候畢比部啓

明何三畏

恭惟某官胸吞玉簡筆吐瓊葩揮塵樓臺清澈似公
門之水乘槎霄漢光華來使者之星激揚氣勁九秋
平反霜飛六月御屏看舊署曾垂鵬羽之聲画省列
新銜忽晉爽鳩之秩天朝特簡刑官仍副刑曹人望
攸歸名牧終成名世如某童縫賤士穢線小儒始以
文字蒙知不棄牛溲馬渤既以人倫被鑑誰言雀鼠
鼠牙以此深銜結之私從今誓消渙之報百千罪戾
自甘訶譏而伏庭堦咫尺心旌猶幸矜慈以千左右
祇日借故園父老相宣其棠蔽芾之歌河特共上

寇裳拜沐瑞柳陽春之澤獻書惶恐待命戰兢

候刑部通用啓

明許以忠

秩峻爽鳩典憲啓白雲之署龍隆題雁祥刑流丹筆
之恩欽恤慰於九重明允稱於萬國恭惟某官望壓
斗山氣吞河嶽魁名雷動追董賈以齊聲相度天開
識伊周而共品洊著匡時之績遂司勅法之權象列
紫宮之曲弼五教以明刑曹聯建禮之門奉三尺而
從事愛章幾措囹圄興空寂之歌民訟不冤裳宇襲
和平之福蓋貫索星泥於五夜化輔画裳將如綸命
召於三台勲調玉鉉

啓雋類函卷四十五

七

請司官宴

請李比部啓

明宗 臣

御溝冰乍泮節喜遇平關花仙掌雪初融令恰當平
啓蟄蕭蠲二日庸展寸忱恭餘綠蟻之芳樽少藉文
龍之雄辨瞻形雲于華省專候迴車剪碧草于蓬樞
預圖倒屣

啓雋類函

卷四十五

回答

回刑部史傅霖啓

明許以忠

百里懸循良之化頌滿宜陽九重宣欽恤之恩權煩
司寇歡騰朝野彩映鄉邦恭惟某官七曜凝精四明
發秀直稱如矢標從東海以孤鶯瑞應傳臚名占曲
江而聯捷當佩玉以調元先綰銅而試政西江稱卓
異馴雉興歌上國簡賢良爽鳩議典一成懷自慎恩
歸宋網之魚三訊服群情澤及尊盧之兔揚世烈於
青蒲之地管珥筆以直前拜新除於紫禁之班自結
絢而徑上猥惟俗品謬綴京銜經失家傳莫奪侍中
啓雋類函 卷四十五 九

答劉刑部啓

明謝廷諒

金門鳬舄覽曳白雲之司玉墨鵬程戀最青霄之望
偉氣具足天何英聲價重人誼恭惟某官誕授靈和
禋符玄粹鍾山珪璧光含鄼廟之輝劍閣瓊珠磊落
乾坤之氣百年奇表風儀與秋月齊明萬頃澄波徹
渥與春雲等潤冲襟筠抱滿腹蘭芬生籠秘密之宗

發揮泥鬱之旨紆樓船於學海獲十城之珍駐羽蓋
于翰林奉三珠之寶已應山公之舉俄驚令尹之譏
公論爲君不平秋府得人爲盛龍潛玉律助宣五禁
之書踐屈金科帥掌三勅之法屹加節鉞擬晉台衡
某規操迂踈資材蹇劣行吟江芷求同氣于風雲坐
嘯海棠瞻高評於月旦塞翁失馬返叨五馬之榮文
舉登龍遙盼雙龍之躍恨山川之脩阻去京邑之迢
遙空自式閭未遑投刺雲中錦字賓雁舉以先施天
上彩毫絢蛟懷而寵錫楊懸徐襦贖寶陳遵千里襟
期五雲懷抱更蒙珍貺敢冒昧以璧歸附致芹悵愧

啓雋類函卷四十五

有乏于瓊報

十

賀江東提刑蘇郎中啓

差

宋李廷忠

出少府之節登大使之車席建侯按行江東望獨高
於諸路范孟博澄清天下聲已震于屬城受察云初
奉令惟謹恭惟某官煌煌乎珠庭而日角皎皎然玉
衡而水壺氣象不凡源流甚遠且父子兄弟以文章
顯俱號眉山之英在臺省廟堂以勲業聞獨數賴瀛
之懿光垂奕世輩出異人珪璋濟美于儒門翰轂相
輝于朝路近奉兩朱轡之最遠增六濡轡之華賓以
召書郎於選部又煩持漢使之斧直欲破秦人之解

啓雋類函卷四十五

土

凡析律貳端而用巧心咸知畏縮務平刑釋寃以理
民命盡獲昭蘇布告郡國無非上意之好生歡呼道
塗莫不先覩之爲快方當衣繡於霄漢誰敢弄兵於
潢池天子之記姓名想贊書之已刻單于之問家世
知相印之有傳某山澤癯人乾坤腐物一第叨塵而
若易半生行路之多艱飽味群經甫脫寒氈之寂寞
強顏五斗又遭沸鼎之前烹躬校簿書懷裝訴牒縱
未免頑民之梗化斷不容姦吏之舞文明辯單辭屢
空幽園自謂不負於所學孰能相知之以心望皇華
列宿之照臨覺俗李羸桃之欣喜

善事於嚴明惟冀公法之難欺方歸廉問雖節墨
登言之弗至終荷生成

賀江四進刊使啓

宋王義山

恩疏天闕榮建霜臺黼座恤刑特重憲綱之寄使輶
察吏幸依德宇之光部民舞手以交歡屬吏聞風而
起畏恭惟某官材名於赫德望斯皇其立如玉雪之
清纖塵不染所負乃棟梁之重大任可勝自躋臚仕
以來旋步亨衢之濶左右司學爲宰相典故具存天
下事盡在都曹職任彌重帝曰江右十一郡之廣誰
與澄清公奉天子尺一詔而來正資欽恤上以體當

啓雋類函卷四十五

士

宁好生之念下以遂群黎觀德之心強暴之侵則知
穿墉之奸所當明刑政之苛則知變風之弊所當正
讀行路之章則必能如聽訟之召伯歌泮水之什則
必能如淑問之臯陶宜岸宜獄則小宛之詠固已深
于講聞無罪無辜則巧言之詩固已熟於淹貫雖速
我訟雖速我獄斷能明辨於是非愛客度周爰咨
謀必也洞知於利病此家庠之教詎與師友之見聞
第以輔佐之才經綸之學自合記于紫微詎容尚
肅于繡衣行矣絲綸升之廟廟其言然于祿也謀
身幸哉一日之遭逢有此二天之覆囑當以容察敬

致飯投望夫子之墻行卽仰瞻於數仞依杜陵之屢
願言大庇於萬間

賀除浙江刑使啓

宋趙南塘

輟直省中按刑甸內陞辭特寵泰溫詔以趣行朝餞
甚都擁榮觀於傳次教條未下輿頌已歸恭惟某官
履行粹夷才猷敏裕妙年場屋弟兄皆以詞雄常日
家居父子自爲知己比登上第益就碩師委蛇州縣
之勞培植廟廊之器羊祜西守邊人飲其醇醪孔幾
南還夷落寫其清範晚潛郎舍獨遠侯門而恂恂退
讓之風更爲上眷磊磊澄清之志未以老衰會憲府

啓雋類函卷四十五

士

之徒除屈轅軒而往使維今西浙視漢右扶風閉錯
而爭訟繁數澤多而姦賊利緩之則無以禁暴急之
則或至傷恩諒當以仁義爲本根以法度爲權度使
獄市無擾則田野可安仰寬宵旰之懷矧踐禁嚴之
地其拙爲踴躍壯節伶俜至儕有疾之科冒食無勞
之祿其何以見魯衛之士而猶欲交孔李之門竊笑
沈蹤遂依蕩節屬便里居之佚失修道謁之恭輒布
歡愉并祈矜假

賀闕中刑使啓

宋危昭德

州麾趣上憲節就移惠浹桐城考績茂兩轡之最榮

疏芝檢平刑顯一道之權幸甚余聞得此膚使恭惟
某官秀鍾寶婺清徹玉壺濯去塵襟飲仙掌露華之
滑織成文采作天孫雲錦之裳政事先於利民議論
足以追古亟上粉闥之直屢疑回轍之香懋乃民康
形於睿獎鎮清原郡里閭銷愁嘆之聲塞赤帷裳禮
樂煥光華之選况不易路遂以建臺風播南薰動攬
轡澄清之志陽居大暑當獻刑欽恤之餘君子盡心
焉下民無冤矣亟躋禁近茂展經綸某濫次偏州欣
傳除目久辱眷存之舊恍驚臨照之新曾是疎庸若
斯幸會河潤九里已沾大國之餘波我有二天尚托
啓雋類函卷四十五

故人之巨庇

賀胡檢正除浙西使啓

宋危昭德

輟屬宰司按刑畿甸刑者一成不可變豈容議獻之
輕士制百姓于其中所賴持心之厚公膺是寄誰不
謂宜恭惟某官球琳粹溫梗楠挺特天之高星辰之
遠猶測其神聲以揚詩書以光愈行諸外熟而重濡
於槐市仁風兩被於棘庭能於六一翁統秀之鄉大
播二千石惟良之政召還郎省正於餘曹承嗣
台星遂彌綸於省闈念近地尤先於綏撫非大賢
稱於平反受王嘉師司茲臬事三六之法安在肯

俗吏之文一歲所斷幾何行奉清朝之問其淒其平
世冷矣一官徒以粉榆接清陰之孔邇繼之芹藻沾
膺馥以居多雲泥之勢雖遶車笠之盟自若至煩餘
論遍致諸公以歷時旁借於吹噓而一旦親逢於造
化信自天之予便將不日以承恩歌以送之幸得見
皇皇遣使臣之禮與其進也願曲垂恂恂于鄉黨之
心

啓雋類函卷四十五

通卹刑司官

通王運便熟提刑啓

宋李廷忠

二天行部偃淮草以知各半水充員及齊瓜而往戌密通使臺之節制倍增吾道之聲光欽板欲前奏書

敢後恭惟某官天球粹稟時棟高標寶蓋一之法以傳家富襲六之文而飾吏

相如傳寶襲六爲七當今注六經加一爲七

威事惟我名門稱釋之下無冤民陰有開於後嗣舉臯陶達仁者妙相繼於殊科復尋棘署之遊積著

槐堦之望更迭尤高於陳義踐揚采顯於嘒庸泥軾朱轡課優三輔獻書銓筆位炳列星欲圖遺蹟之寧

啓雋類函卷四十五

十六

猶借使華之重千里廣舳艫之運百城奏獄行之空

粟峙如山錢流於地煥四組之駢集總六條之按廉

漢初置部刺史掌諸條察州治

四塞之積清天下者自一路而推相業有歸公言無

遜其器資極陋問學不根十載憂居安有當世功名

之望五年冷次但見諸公臺省之登懽悴山林棄沈

泥滓痛絕流波之雅操羞持明月以暗投屹屹窮年

誰念焚膏之苦漫漫長夜徒興扣角之悲迫於稻梁

之謀濟乎芹藻之味僅能免俗何以爲師坐三鱣之

堂貢懸於倚席女帝覽政薄於藝文博士望四牡

之駕竊幸於執鞭倘憐其困躋之蹤必假以隆寬之庇即學官試誦論喜逢何武之按臨開賢閣參議謀願與平津之推擇深心所屬短韻難宣

通吳檢法啓

宋置提刑司檢法

宋李廷忠

登黃金之臺賓筵籍甚招青佩之子師道缺然屬當受察之初允藉同寅之助恭惟某官昂霄棟幹跨海羽翰薄金籬之遺而超出於貴遊富玉律之文而一歸於欽恤久其踐歷多所平反獄椽刑曹皆君子盡心之地廷平憲屬允天下取法之官居然別利器於盤根殆若駕輕車於熟路從容侍席特達知心蓋自

啓雋類函卷四十五

十七

有幕中婉畫之相資豈專以柱後惠文而從事拔其尤得溫造已空佐吏之群選於衆舉臯陶佇正士師之任某宦途益落學圃就荒強扶蹇病以爲師寧免腹便之見謂竊榮河之餘潤客冷泮以偷安開東閣處翹材君已是登龍之客遣公車召博士我尚爲附驥之人傾跂深宣言罔旣

通史郵部啓

明蔡復一

隰映皇華揚旌正翼於天岳谷吹寒黍鮮華乘於
春風凡戴法星皆依慈月恭惟某官瑞時赫爲
駟虞赤棘西曹直臯陶而旣舉其棠南國仁召伯以
重來嘉卿材曰晉大夫雪囚冠有楚君子良惟折獄
靜思風澤之孚疑輒予民大作雷雨之解聲已翔於
江漢光遂擁乎巴陵方且編君山之竹而寫覽條挽
洞庭之波以洗幽厚美心三宥宣揚聖主泣罪之恩
周論八成歎息仁人求生之意金雞銜赦立散飛霜
惟蟲消冤寧煩化酒平三尺以無枉預高定國之門
啓雋類函卷四十五

十八

活千人者必封還賜比干之策某竊鳩讀法曾托白
雲樓中青鳥分輝坐馳紫蘭江畔人亦勞止投吾
嗟公曰恤哉鞠靡有待莫替觀陶朱之壁遙瞻空貫
索之城

迎恤刑司官

代迎恤刑于金華啓

明王德乾

宜好生而生遂簡命特殷期無刑而刑清仁賢攸寄
荷十行之春詔馳三典之秋卿澍水來蘇柯山跋澤
恭惟某官江東豪俊天下文章九洞五湖發其英昆
陵世德二泉雙塔儲其秀錫浦家祥唱第雅稱得人
比曹善于霖主雖虎鬚驪領回天之力誠難而鷄赦
烏啼昭雪之勞甚大帝乃習公長者衆皆賀爾祥刑
始知君父恩多機無殺物爭羨臣工官美權可生人
三宥欽哉通臯陶之執法萬民活矣小王賀之陰功
啓雋類函卷四十五

十九

迎趙恤刑啓

明程寰

丹筆儀刑望登秋臺之峻紫綸錫命飛來天闕之音
縱彼四方實荷重寄顯申燕賀聊效蛩鳴恭惟某官
占藉金閨蜚聲畫省秉千古遺直何但五聽之司煩

一部大中附麗八辟之奏勿寬勿嚴如春如秋爰副
一人之欽全沾斯民之命帝心簡在寵眷特膺玉節
高標行沛二天湛露朱輪貴止用鼓八郡仁風景仰
何殷掄揚曷罄其職忝刑書才已乏乎膚敏案承訟
牘識又愧乎通方幸竊影桑榆杖餘輝樾蔭聽維新
之號令願駿奔乎約繩莫遂鳬趨徒懷驚悃謹修肅
啓庸布微忱統冀上台俯垂末炤

迎吳恤刑啓

明史 弼

帝德好生特隆欽恤之典良臣弼教爰敷明允之仁
命報九重恩流八極恭惟其官姑蘇重望震澤雄才

啓雋類函卷四十五

二十

膺清秩于熙朝太微列宿秉丹青于比部霜雪迴春
師錫咸孚疇咨允愜即欲崇補袞之任暫爾膺敕法
之權恩同天地之施仁普雷雨之解雪冤平讞八閩
幽蛰銜恩沾附鵲列郡瘡痍受煦澤流望外仰觀
驛馬宵流恩出更生奚俟金雞日樹德洽幽明慶流
寰宇矧其屬吏益荷瞻依拜領魚書益深雀躍顧官
常袍繫無緣躬迓于隣疆下吏恭迎代護前驅于左
右伏望星軺鳳駕上以紓朝廷軫念之仁玉節星馳
下以慰蒼赤解懸之望

迎恤部倪公啓

明張舜叙

丹陛疏恩粉署白雲開法網紫泥欽恤油幢紅日捧
慈綸金城佇沐仁風玉節過臨福曜山川增勝黎庶
騰歡恭惟其官禹穴鳳毛堯山麟趾臚傳北闕共瞻
宋殿韓琦獄折西曹爭識漢廷張釋不用化蛇智勇
一念好生何須磔鼠嚴明萬人全活坐使妖沈貫索
行看治輔結繩德溢于門望隆同衮其枝謝鉛刀才
同襍線濫竽百里懼襦袴之未溫仰庇萬間慶樓臺
之先得恭遇台輅遠駕謹馳荒牘祗迎擁篲前途執
鞭後乘統祈寵鑒曷任瞻依

迎劉恤部啓

明連繼芳

啓雋類函卷四十五

二十一

九重憐赤子之無知疏恩仁使五嶺懸紫泥之欽恤
待活慈綸矧沈貫索之妖穢輔結繩之治恭惟其官
池上鳳毛口中麟趾推公平而折獄磔鼠謝其嚴明
擁端慤以行仁化蛇慚其智勇公繼皋陶而作士職
在祥刑帝欲廷尉無冤民命軍寬憫輦過肉生白骨
網開人脫赭衣反掌變枯榮驚訝早中得雨揮毫空
縑綫歡呼雪裡回陽出入九死一生之間罔圖真爲
福宅殷勤五奏三覆之請園石即是恩山豈其中漢
臺之九章凡以副堯心之三宥其謬司城旦之春欣
荷獄天之庇效劉公蒲鞭之政誠自愧於疎材體周

家肺石之心庶弘宣乎德意懸日邊之雙睇折道左之一腰執籌爭先荷戈恐後

迎林恤部啓

明樊王家

法署清高萬里仰祥刑之化使星遙指三江沐寬恤之仁兆民歡騎竹之迎下吏切傾葵之戴恭惟某官秀鍾光岳望重人倫胸羅萬象之寬蓋如天容如地德備四時之氣秋則肅春則溫不怒而威父頌片言之折惟刑之恤忽開三面之羅蓋一夫千大造之和繫聖主切痼瘼之念乃三尺與天下而共若明公實操平反之權固知襟江帶湖盡沐九霄之甘露預喜啓雋類函卷四十五

園扉肺石不飛六月之嚴霜某徒爾讀書何知用法志非大畏祗慙空圖之仁聽豈猶人孰是覆盆之照茲聞新命殊切歡悰雲霓望而來蘇旦暮過矣雷雨解而悅澤庶幾見之適當負弩而前驅聊且肅函而遠迓約三章者終漢不變疑罪惟輕活千人者子孫當封無德不報

送恤刑司官

送恤部啓

明連繼芳

含綽楓宸播紫泥之溫旨疏恩桂嶺流丹筆之慈膏雨沛槁興風薰愠解恭惟某官魁梧秉哲蘊藉爲郎麟兮振振治世之佳公子鳳其噦噦熙朝之良士師布一道之哀矜陽回冬雪廣多方之全活水揭西江念小民誤入五刑憐細過寬其三尺平反則起骨加肉擬輕則援枯就榮咲雷震之齊臺決晴雲之宋獄神門蒿滿囹圄草生某班荆未久御李漸遙惟茲瓜代之期幸切葵傾之念東轅西轍迹若岐乎山川左啓雋類函卷四十五

弭右鞭心期同乎霄漢

送史恤部啓

明蔡復一

赤棘流膏誕布虞廷之恤丹葵指日式遄山甫之歸活人歌舞於賜年生兒感激而分姓章傳雪友則義激懦心功在翼王則仁扶壽脉聽八鸞之奏去乘解愠之風瞻六轡之濡散作辯冤之雨上原下隰咨諏久著於光華左礪右平獻納行司於清切思留江漢望重朝廷某長懸萬戶之心竟阻一交之臂尺書烹鯉屢接綢繆岐路歌驪徒勤悵望高門駟馬敢援往事於于公清酒百壺莫寫餞詩於顯父少將告僕夫

請恤刑宴

請恤部啓

明林繼志

恭惟某官秀毓衡湘胸吞雲夢金閨射策蚤振羽於鴻達玉筍列班爰升華於鳩署紫泥新捧遙分蘭省之香丹筆獨持自察棘林之枉登車攬轡法曜照於湖山鮮網画冠福堂變於囹圄委桁楊而被地端簪笏以朝天職負弩矢而先驅幸依山斗執鞭弭而從事寡和陽春爰秩初筵恭修故事清官除道快瞻冠紉之光鼓瑟吹笙用表繡裳之戀

饒恤部啓

明林繼志

啓馬類函卷四十五

五

六轡周咨廣皇慈于鮮網一遊夏諺慰民志于寒惟草木生春湖山得意恭惟某官九霄仙侶三楚鉅英奉玉詔以驅馳枯木遇條風之拂鏤丹書于奏報桁楊被膏雨之滋峻新命于皇華高昔賢之邁種屬春服既成之候童冠偕遊又風物胥美之天芷蘋可貢謹修故事爰秩初筵看花三月以留春山青渚白折柳一觴而惜別轍臥轅攀

代請恤部啓

明張鳴鸞

帝心簡在折獄屬之臯陶人望交孚司年載逢定國彤檐鳳駕睇象緯于雲端翠帝遙臨迓祥光于天上

喜前茅之載道敬負弩而先驅恭惟某官熙朝燕譽画省鴻儀起視草于九闈重祥刑于三楚聖主思深鮮網愚氓望切覆盆某株守此邦政慚無訟牋迎台座民自無冤接芳塵來雙星于梓里托季雅酬九醞于霓旌池近習家暫駐澄清之節山當峴首聊申仰止之思

卷四十五

五

同答

回史檢法啓

宋李廷忠

聞嘗君子之賢幸聯鄉品念鄭廣文之冷來赴禱期
使幕陞華吾寮增氣恭惟其官粹然玉立籍甚金聲
直道著于孔門茂德流于漢畹當經史之暇而游戲
於斷律出軒冕之後而自奮於大科富貴由此而階
文章特其餘事俛從外補服在初筵奉群山觀之勝
遊決九州民之滯獄板其允得溫造共推從事之能
選於衆舉臯陶竹正士師之任其宦遊不遂師說非
長方將親有德之隣何止見似人而喜高懷特異嘉
啓雋類函卷四十五

卷四十五

王

聞先臨烹魚荷來客之勤屬饜已久繫馬坐到官之
冗拜報有稽尚賴惠慈特垂清察

回趙恤部啓

明連繼芳

恭惟某官好生一念全活萬人輩過生繁等于枯萋
筆揮育豐肌于朽骨龍門地隔方切斗瞻驛使星臨
兼承鼎寶蔚蕤雙鯉縈紫漢之天章擎撞九成磨陽
春之雪調共明月于千里肯分此光賦終日之七襄
若何爲報敬憑回雁占謝來魚

答史恤部啓

明蔡復一

澧浦紉蘭襲香氣而思公子岳陽吹笛羨春心之滿
洞庭乍申意于彈箏遽含情于鮮佩恭惟某官天才
卓拔人望高華北向雲山壯名夙高于音問南來雷

啓雋類函卷四十五

二十七

雨鮮澤隨沛於楚遊惟呂命度作刑以訓四方如蘇
公敬由獄而長王國湖光含日嗟凍色於恩波澤草
生煙稊枯荻于暖律化童爲華山之雀必致環楊公
升天卽流水之魚當散花長者惠藩臣而有喜慚地
主之無文玉盤之答琅玕維其嘉矣木李而博瓊玖
不已泰乎某一水溯洞徒賦翩華于兩地七襄裁贈
敢忘彤管之三章拜鐸筵以珍藏反玄黃于篚實爲
邦人謝惟致祝于高門以我公歸佇聞歌于遵渚

答恤刑張比部啓

明曾同亨

久仰芳名未承光範乃茲江省欽恤之命獲奉法曹

明允之才使節甫臨仁聲四達主德弘布炎氣一清
施大生於群生求無過於有過譬之日月所臨一切
物情無道亦猶雨露所過庶彙生意勃興伏辜者口
不言冤樂生者人思報德深刻既陋夫趙孟公明齊
美於于張澤及疲瘵歡騰道路某好徒切于緇衣情
未申于赤牘過厓下問益感先施拜賜而重增感
慙讀爰書而竊窺抱蓄愈增嚮往之念莫遂瞻對之
私敬望風以陳情敢檄詞以鳴謝尚期齋沐恭聆教
言不盡微衷統祈崇炤

啓雋類函卷四十五

三六終

啓雋近體卷四十六

類函五十八

東吳俞安期羨長彙編

上饒王嗣經曰常同輯

阜平朱常潮曙生訂定

冬官部一

賀尚書初拜

賀工部顏尚書啓

宋李廷忠

昕陞出綸冬官正秩仍舊白玉堂之直益新紫荷橐
之輝寵數特殊清議惟允嘗觀漢以中臺出納王命
唐以北門參決事機用有相關責爲之重如翟尚書
善言政術若白學士工爲文詞雖皆以名在第一而

啓雋類函卷四十六

見升然至於才堪共二者蓋寡宜茲妙簡屬我掄魁
恭惟其官在天而雲八荒行地而日千里周庠禮樂
之士孰與爭先漢廷文學之卿無能出右從塗省戶
芳躅徧更國史王言大手不易拔人奏山公之啓侍
帝讀倚相之書萃清職於冰衡承恩華於日表履聲
之踐台斗已快群瞻筆力之鼓風雷何妨兼綰皆朝
廷樞要之所係見聖主規恢之不凡佇由司平之工
遂正秉成之任某久歸坏冶喜聽置郵朝籍旣許於
謬通城府不容於輒入用緘尺素少抒寸丹

代賀史工書啓

父子齊美可采

宋人

伏審光奉明綸趣還起部謀猷入告于后久探禹穴之奇器械咸精其能更核漢朝之實增華曳履簡在凝旒其貌是宗維欣聞宸綍君牙乃祖乃父惟帝念哉周公之美之才有世臣矣夫央慶緒等覲監紆

賀工部范尚書啓

宋方岳

伏讀替書諭躋常伯大司空掌邦事願觀風俗之淳老成人有典刑自繫朝廷之重蓋以孟氏剛大之學能立周家太平之基詔曰子虞時維汝翼謂朝不信道工不信度允藉納言然入則有保出則有師薄聞後命其彈冠以喜望履未遑歸來乎出無車亦正坐

啓雋類函卷四十六

二

馮驩之歎告之曰行有日且將送韓愈之窮敬竚違離亟彈欣豫

賀工部戴尚書啓

宋陳耆卿

渙寵宸庭升華起部望崇九萬信可若於予工位近三台行進熙於帝載吾黨後詩書之潤斯民見仁義之勳恭惟其官文起東嘉名尊大戴君子教若時雨旁洽焦枯學者仰如泰山坐鎮浮薄退而傳道授業進則尊主庇民身有去來心無得喪晚際聖神之遇備揚清切之班實彼周行左右爪牙之助納於儲采焚煌羽翼之勲天相斯文公爲元氣肆密頒於畫接

俾特進于冬卿蓋聖主以下濟爲亨而賢者以中行爲吉往往講習固非空言今日發揮尤觀實用既不爲厄窮之孔孟當慨慕烜赫之臯夔側聽殊恩以酬偉績其羈於百拙釀此一寒絕嗟塵思之填膺長憶清言之在耳忽聆播告不覺歡呼但使有生盡入霖雨甄陶之內庶幾後死亦歸春風鼓舞之中矢心而陳躋足以望

賀工部劉尚書啓

宋楊萬里

渙號凝旒晉班曳履蹇我天塹久勞一面之蕃宣密勿冬官遂長重瞳之獻納正人居內公道增崇竊以

啓雋類函卷四十六

三

六職之有百工官本沿於姬室八座之次二府權莫重於本朝厥選不輕視人爲重豈惟制創物發和弓垂矢之規摹抑欲道在致君增周鼎商盤之氣象除目一下舉手交歡恭惟其官天壤蜚英山川炳瑞當神聖改革之旦正英雄入彀之初直上清華不宣久大方拜夕有光於左闥而班春存屈於鉅邦鬚髮早皤知爲民庸之故肝膽尚武益堅帝簡之新肆趣覲於燕間遂首躋於雞索非特賴二老歸周之力又欲觀四皓事漢之風矧今君臣遇合之隆歡若兄弟倦連之盛其淒涼旅瑯躋躋儒酸嘗恨蒙國士之知

敢浪作塗人之頌百畝樹蕙已甘獨了於啼號四
梅所願大快於發育

賀工部劉尚書啓

宋黃中

恩綸拜寵起部陞華帝曰垂若疇哉擢典汝工之職
漢庭誰如卿者遂陞常伯之班朝登偉人士戴嘉頌
恭惟某官天球不琢玉井無波學有淵源倒彭蠡三
江之勢事無盤錯倚豐城雙劍之鋒蚤登名躋休有
華問處憲府抨彈之地得勉益尊立延英諫諍之班
如尊乃勇懋展經綸之業見謂通明之材信湖山之
炳靈有槐鼎之相繼爰膺眷命申畀彛章出納居候
啓雋類函卷四十六

代賀呂大司空啓

宋張綱

伏審光膺顯命正位公台伏惟慶慰恭以某官學師
古始道造淵微以一代之人英爲四朝之國老允迪
厥德克世其家言平時則韋平豈可分道而行論其
事則表揚安得同日而語年高德劭而臣節益峻功

成名遂而帝眷愈隆進拜冬官非止居四民而時地
利平章國論實惟有一德以享天心聖王之文章具
焉天下之能事畢矣某叨分符節辱在陶鎔陪班謁
以無緣弟承風而竊抃

啓雋類函卷四十六

賀姚大司空啓

明馬朴代

伏審雙龍錫命五雉升華尚書與履屨聲高於斗
北宏父定辟絲綸輝動於危東時叙百工允孚四岳
恭惟某官商周發興河洛圖書理學淵源流出無窮
之事業與境蘊藉發爲有用之文章自登龍虎之上
游共快鳳凰之先觀茂齡亨軌壯志英躋錫製操刀
花種南陵之地繡衣叱馭霜飛西蜀之天抒忠諫不
諱之時斧戾自結試艱大可爲之地藩臬游颺名喧
道路之碑謀裕帷幄之筭分麾閫外龍韜壯秦塞長
城秉鉞關中犀節撐堯天半壁武烈允騰乎茂實文
於雋類函卷四十六

昌晉貳於司空暫退急流益隆巖石藉甚東山之寂
邇來北闕之環疇若予上帝嘉乃績別五土以宜生
物晉用仲尼决九河而括象圖充使伯禹夫公卿屬
人耳目固不專於程工而臣鄰作朕股肱蓋將需以
宅揆况當今日尤異昔時洪河夕溢于天吳平成未
奏三殿悉灰於回祿經始方殷且疏排礙皇祖之寢
陵而度支乏鬼神之輸運校虞夏器露告授衿非足
兼才寧有鉅任率掌邦六十之屬文往欽計名世
五百之期此其時也佇奏居民之績以膺帝之咨
其鎖鑰遐踪粉榆晚進鴈鳩命下喜厭四履之心燕

雀情深不爲萬間之庇庶幾玄鑒罔旣丹衷

賀楊大司空啓

同部

明王在晉

宸龍日新名世協官僚之望皇圖天造元臣總邦土
之司部曹爲帝股肱八座秩慈官府尚書作天喉舌
六卿簡重冬官鴻苞同天曜瞻維石恭惟某官兩間
正氣當代名流一葦障天淮泗安流故道九年足食
河漕無制中原三策佐平成釐極清寧光禹服萬年
圖永賴龍眠悠遠奠堯墟遡流窮星海之源勞勩不
辭荒度指掌落天河之水聖明獨鑒勤劬位極臣僚
秩隆官保司空職顯九土崇階上列文昌冬卿宿
啓雋類函卷四十六

三台峻命特司宏父拜命而四海欣心履任而百
繫望其草茅賤品樸散材大造幘幘幸際百年之
遇洪鍾鼓鑄常懷三祝之私江關迴隔堂階蹤跡遠
違塵蹕祇修蕪牘飾芹牋

賀何大司空啓

明劉純仁

日麗三台瑞氣長浮於画省星輝八座恩光頗錫平
金泥歡洽朝紳慶貽宗社恭惟某官百川間氣北斗
具瞻劍閣登千尋勳業于雲霄而並峙錦江澄萬里
文章濯波浪以爭新至誠結正之知一身負天下
之重名早蜚于青瑣績茂著三

簡在宏父崇勲雅望方資于定辟尚書峻秩新綸復
借以司平虞廷咨大禹之神謨周室倚毛公之舊德
惟嚴廊永賴用調玉燭於清時聞丹楫久需行覆金
甌于密勿其質慚伏櫪誼忝通家荷慈蔭于龍門恩
霑再世起忠魂以馬鬣德戴九京報莫效于衡環頌
徒深于投玖茲際驚遷之慶特申燕賀之私仰瞻星
垣統祈電炤

賀何大司空啓

明林世吉

恭惟某官百代宗工三朝舊德淵源錦水應聖作以
儲精纂慶峨嵋感嶽神而孕瑞早遊青瑣伏蒲重啓

啓雋類函卷四十六

鯁之聲薦總鳥臺開府叶罷熊之卜肆升華于棘寺
遂晉位乎司空肅六府而用修宅百揆以惟叙眷隆
黼宸望重鼎鉉想亮采惠疇仰藉膚功以永賴矜和
羹作楫爰立良弼以交修其誼忝通家恩叨愛屋襄
承雁幣特從画省以遙頒茲喜驚遷敬望碧霄而致
賀伏祈電燭曷任永兢

賀舒大司空啓

以清撫遷

明姜夔

流輸千里神京飫飛輓之饒爰處四民赤縣麗均平
之奠以建牙而兼治粟開府司農繇持虎而拜鳴鳩
中丞宏父舊績在淮南徐北新功垂白下留都千載

一時同工共暢恭惟某官清時鴻鉅命世才賢蚤著
英聲庭畔箕裘在御晚騰茂實階除蘭玉重輝衍荷
美盛於一堂燁燁高華而繼世佇看宮保再親疑不
維時航海梯山庾廩富陳紅之積星馳電轉舳舻填
河濟之津要會不殊度支攸賴九重南顧念金陵實
當水陸之衝廼四岳僉言謂漕撫可寄司空之任命
言咨訪職彼坤靈拜手承休膺茲帝命居四民而時
地利方駕周官通九澤以握水衡遠讓漢治所願鑪
錘萬象佐邦土以維新陶冶百工蒞冬官而出治不
振素絲之雅操式昭赤伏之真符爰屬魚械用申雀
賀

啓雋類函卷四十六

賀劉司空啓

明

出綽明庭萬里壽民瞻命脉陸華起邵一葦壯天府
咽喉權總灌輸恩加生裕恭惟某官早儲中秘精誠
感太乙下窺旋掌禁垣忼懽建三虞上榮銓部倚權
衡之任栢臺膺綱紀之司上眷毛公天開神禹位登
常伯捍巨浸以晏流力勩度支看粟芻而不置關中
留蕭相督軍轉餉原無兩權河內借寇恂驅駕輦車
總屬一後水平水鮮包原濕而漚滄渙紬尾帆聯載
軒輶而歸紫極合斗映奎聯之遐壤奏地平成之

膚功正玄武之獨班玄圭是錫思衣衣之有闕袞繡
來歸某鄉國孤生遠城遠裔魚無技徒慚歲月虛
糜鹿鹿長途竟謂馳驅奚補溢竿專閭負乘介藩上
期丙枕之安下免庚牌之召兩年外徼三度夷天漲
海長清已偃波濤洶湧佞山旣觸又經坎壈崎嶇未
展生平之私復阻門牆之賀敢布四體切俟兩端

賀康大司空啓

明林 燠

恭審恩綸寵拜聯八座之崇班卿席榮躋副兩都之
重望豈鄉邦之私慶實海宇之具瞻伏惟某官當代
儒中朝耆德渾金璞玉人皆挹其君子之暉喬嶽
嶺雋類函卷四十六

泰山世久推爲大臣之器果由師錫妙簡聖知邦土
之司故事特榮於策拜國鈞之秉新恩更佇於麻宣
某借口龍門久辱通家之接引追陪鳳沼載叨厦屋
之幬幪喜溢彈冠情懸望履敬申薄賀仰乞鑒存

賀舒大司空啓

召起

明

恭惟某官五嶽元精三朝正氣駢聯中外之途昂昂
東南之柱導狂瀾之千頃功豈在禹下我渡浮江之
萬艘楫端賴汝作矣輶鈴有大司馬師貞戊巳之雲
屯漕運藉大司空旅無癸庚之鼎沸朝野具瞻其丰
采華夷共震其威名斗以南一人而已冀之北群馬

將空豈期書錦之遊弗終夜席之召雲無心而出岫
天有時而好還方需霖雨之膏難遂烟霞之癖赤舄
几几東山重周公之居綠竹猗猗淇澳望衛武之入
惟是坎遷玄陸數小往而大來震上青蓬卦進臨而
爲泰南面且不安於丙枕北斗詎偏照乎午橋綸貴
錫環寶迎雕玉道大故鐘鼎不壞其志天定故冕旒
旋諒其忠八載淵默雷聲一朝雲從龍起金鎖開而
麒麟出豈在他年瓊簫奏而鳳凰來正當此日雖赴
功名於昨夢若無意然顧是富貴之逼人恐不免耳
某身甄治中跼伏宇下歌小子之有造稱大鈞之無
營雋類函卷四十六

嶺所願除夕除書黃道九天開日月新年新命紫泥

一札下清湘則泰階六符之光信廣慶萬里之地其
爲祝頌曷旣敷陳

賀尚書加恩

賀潘司空啓河工告成加恩

明王家屏

泝水九年靡輟懷襄之警決河廿載至厯浩汗之歌
由來平土之難未見又民之速恭惟某官目管四海
量納百川夙間道於崆峒向受書於宛委客星犯斗
暫廻博望之槎巨浸稽天再駕司空之藩決排疏淪
智以無事爲神謀度諏詢策用不爭爲上隱金椎於
堤堰旣思利涉且思利漕沈玉璧於泥沙但知防川
何知防口肆收功於砥柱屹障任瀾寧比蹟於昆明
浪通絕域兆庶幸紓於昏墊九重洞鑒其忠勤文綺
啓雋類函卷四十六
精鏐庸表玄圭之寵鸞戩鳳詒式呈綠字之祥異渥
渙頒同朝共慶河渠可記將徵太史之書嚴石具瞻
尚阻群僚之望倍下風其無力頌明德以徒殷履屨
瑤札之詒誠慚慰藉敬勒荒槭爲賀莫罄敷宣

賀尚書壽

賀郭大司空壽啓林下

明于慎行

瑞錫玄圭舊應六符之象春盈絳府初開八帙之辰
朝著欣傳鄉閭共慶恭惟某官一代宗臣三朝舊老
鍾靈海岱學探魯國之淵源接武夔龍道協虞廷之
岳牧承恩袞袞方崇闔閭之勲適志丘園遽動滄洲
之興名於今而爲烈年自古以稱稀曉惟降嶽之朝
共獻如川之頌日臨初度應十二月成物之功天錫
華齡肇八千歲爲春之旦鳩作杖而刻玉已及耄賢
相漢之年熊隱渭而釣璜將登尚父師周之歲甚幸
啓雋類函卷四十六
叨桑梓復厠松蘿敢探海屋之籌敬效華封之祝尚
書上應北斗方齊系極之輝太傅高臥東山猶切蒼
生之望

賀朱鎮山工書啓元旦

明于慎行

節臨獻歲東風調六琯之祥日紀元辰南斗映三台
之象春生綠野氣協青陽恭惟某官學蘊聖真道隆
皇佐三朝閱閱圖麟閣而史鸞臺一代勲名錫玄圭
而鏤玉版茲者璇璣啓泰寶曆頒春適當吹簫之旬
正值懸弧之旦七十年而始壽天與華齡八千歲以
爲春日臨初慶玉潢釣渭九重上協於飛熊金馬調

商群品心篳於賀燕其也身叨冶鑄誼等生成一隔
寒暄十更伏臘望江皋而夢魂常遠逢節序而寤寐
尤深敢布寸丹敬減尺素五雲天遠莫稱獻歲之觴
三島春深敢效祈年之頌

賀尚書元旦

賀大司空元旦啓

明

日月初躔星紀復回爲協洽地天交泰雲堦益播于
孟陬相維玉帳之籌對越璇璣之運百祿是總列屬
均歡恭惟某官敷土功符神禹載錫玄圭濟川道協
高宗用作舟楫爲青規而圖萬物輝瑞日於東郊轉
洪鈞以壽八荒暎蒼精於左角漕平永解三軍挾纁
于雲屯海宴河清五位出綸于天陛吹律已溫寒谷
遷鶯行應上林三陽連茹以拔茅五福竹苞而松茂
某久依樾蔭又見桃符無能稱栢葉之尊聊數台階
簞葉有懷勒椒花之頌爰託驛使梅枝惟依所爰之
甘棠倘庇無言之苦李所冀宏開大冶使無不達之
勾萌廣煽仁風幸附同春之草木

上尚書

上曾大司空啓

明林世吉

尚書峻秩夙隆斟酌之權宏父清班茂著平成之績九州蒙福四海具瞻恭惟某官奕葉名卿累朝舊德早受知于明主遂薦陟乎崇階天部持衡猶誦山濤之啓事司空宅揆益欽大禹之神謨曳屣以上星辰荷囊而依日月顧是父是子既誇簪組之紹芳而難弟難兄尤羨嚴廊之濟美播清朝之盛事昭百代之美譚喉舌之司顧問特資乎簪筆鼎鉉之也調元行佇于宣麻其誼忝通家官慚執戟前門爲從添叨造啓雋類函卷四十六

就之恩鳳闕奉差彌荷吹噓之力頌瓊瑤而刻骨望霄漢以狂忱曷任嚴瞻統祈電照

上大司空啓

明張應泰

端趨玉陛星辰高曳履之班全盛金甌土物萃來琛之會幸而備物聊以充庭卽技殫于陶成總功歸夫治鑄恭惟某官應期五百龍從早叶于雲蒸鼓浪三千鯤化俄誇乎海徙道以乘時而益顯身因夾日而彌尊乃作股肱爰司喉舌兆神符于赤袂寧齒玉梁隆佳貺于玄圭方同伯禹用致安瀾之治能忘補石之勲屬者宸居鼎峙皇祚豐亨萬里鳩材輪囷離形

之畢驟群工蟻附疊飛鳥革以兼程明公操郢匠之風斤聖主闢堯天之日月所資黃髮執事赤心某等夙仰鑪錘承挺埴缺焉行李徒瞻魁柄以馳神何以報桃幸藉密供之竣役搏泥沙而作獻顧芹曝以增慚伏望撫彼陶匏憫萬姓脂膏之且竭鑒斯盈缶何一身頂踵之難捐大廓包荒曲加覆庇令其等得蒙青宥將地方實賴幷幪

上本部堂翁啓

文委作

明唐文燦

切惟修曠典以錫康侯大哉我皇之發號纂新編而標哲獻勤矣張尹之用心幸接遺頒復承重委不但

啓雋類函卷四十六

七

贊一詞於善善猶將傳群牧以師師顧臺閣文章實難模擬矧封疆職守原未閱經姑据常談謂政機出諸胸次強成陋製覺思致拘乎面牆恭附牘以奉呈幸揮斤而裁定

上大司空劉用齋啓

請恤

明林世吉

位綜虞衡四海仰平成之駿烈秩司邦土九重資締造之鴻猷慶溢百僚福現九廟恭惟某官柱石具瞻鼎鉉望闕扶輿萃三輔而鍾命世之真儒景運際千齡特挺興邦之詰彥又凌左馬筆攀藝圃之琳瑯才軼傳伊腹裕嚴廊之經緯玉璫黃流德器青霜紫電

風凌早趾美于彤雲遂蜚芬于赤縣秉衡天部尚懸
藻鑑于九霄建節霜臺茂樹勳猷于兩浙春隆黼展
望重寰區僉曰宏父清卿須昇碩髦而定辟帝謂司
空峻秩適求世德以升華曉何紫囊造鵷班而亮采
夕拖蒼佩依龍袞以陳謨顧當國家匱竭之秋殫劬
勩以紓民力又值水旱頻仍之日痛樽節以廣皇仁
栢府裁冠旣美有是父有是子文昌履允誇難爲
弟難爲兄蜚令聞于八紘播美譚于千古想奮庸熙
載特咨起部以紀綱贊化調元佇拜台司而燮理吉
枕由殘軀撇革末學披龍光于華省夙荷栽培載鴻
啓雋類函卷四十六

造于丹青敢忘銘鏤奈五雲之天遠久稽削柿以申
虔瞻八座之星輝敬用和葵而上候更抒斷藁之哀
悃惠微捐麥之洪仁卹獲渙楓陛之金綸賁斧封而
永耀敢不鐫槐樞之玉德矢環報以長銜

候尚書

候李霖裳尚書啓

平仄
欠諧

明王兆雲

簡命堯庭四岳舉司空而拯溺登清禹服九河待聖
佐以平成玄圭載錫於當年紫閣佇登於計日恭惟
某官命世偉人匡時良弼仕林推雅度居然千頃汪
洋海寓仰清風屹矣中流砥柱懸藻鏡於三銓而浮
薄者易轍持文衡於兩省而奔競者潛踪建敷歷於
中外益震譽於巖廊播酋之烽燧方張川貴之節鉞
特授廟筭運而險阻悉平勦伐無論淮蔡皇威震而
櫓槍盡滌折衝遠邁汾陽我武維揚已賴壯猷於西
啓雋類函卷四十六

服帝眷用懋更藉拯溺于南邦從此以疏以瀹春流
無恙桃花應知有洩有瀦秋色依然瓠子某承乏計
部叨役淮陰仰丹得兼濟之宏材期乾坤永賴之偉
績謹修魚素之敬用伸燕賀之私伏祈滄海茹蘊庶
俾非封少展

一迎

迎李司空啓

明謝肇淛

玄圭錫命九重綸綍之恩澤水承流四瀆照台衡之色欣天地平成之指日望星辰劍履以趨風恭惟其官當代真儒百年名世經文緯武學術追紹於伊周拯溺尊屯心期尚同平禹稷自合香粉署儀刑瞻領袖之名暨仗鉞邊陲談笑落瓊裘之膽廼綠野之優游已久而蒼生之仰望彌殷眷此河渠尤關國計天分兩戒挽東南四百萬石之輸地控九河制西北三十六州之命在元老助勦爲餘事矧岳牧推讓有

卷四十六

三

謝尚書

謝劉大司空啓

明錢士完

伏念某愚不通今拙惟嗜古少妄謂功名之易就長始知事業之難終故得與之願益頽而躒席之漸轉劇凡所敷歷曾微日計之能勉爾經營僅守年勞之次數殆盈千百謫技畢見其五窮何意翰音忽塵同命蟠木爲萬乘之器根柢誰容祥金躍大冶之鑪鑊鄒非想當必有吹噓而及此夫豈誠僥倖以得之恭惟某官敏劭天材穹華地望承家則太丘兄弟並奏填虎遇主則虜世君臣載賡徵角山濤啓在九流僉

卷四十六

世

謝工部曾尚書啓

明唐文燦

近閱中朝之報遙承內帑之頒恤勩旌勤錫資固由千天寵評才叙績甄檢實藉夫台慈顧惟清九陌而整三衢本出大司空之主畫爰及贊一籌而裨千慮

亦資賢曹屬之程能如某者疎庸殊不及人謚卒未
後厚幸偶逢知己推轂後流乃檠錄於工餘誠特踰
乎望外謹驅小椽捧牋以代叩堂階敢免涓人傳篋
而轉披几案聊達歸恩之鄙悃曷輸報德之私圖佇
及瓜期重挹芳聲于曳履祈登槐路早瞻光範于持
衡

謝堂翁朱鎮山考語啓

明唐文燦

切照其猥以庸流濫爲末屬適呈舊署三年之課恭
俟平鐫乃荷鈞臺一字之褒幸逃嚴典固將期以後
效是用錄其前勞感激良深圖惟正切偶被風塵交
謦舊類函卷四十六
犯苦眼恙者累旬兼緣水土未諳患脾泄者連日暫
雖調攝強自支持藥稍有功卽努力以加鍛鍊材雖
不類當委心而受陶鎔

謝李總漕薦啓

摘抄

明

障百川之瀾咸推孤柱藉一氣以轉幸託公鈞明德
遠矣中心藏之其間中外出處之迹開世道之升
沈總之光明粹白之風與古人相上下爲社稷臣
以安社稷爲悅任天下重蓋先天下而憂公用射隼
于高墉象解之上六民若飛鴻之安宅頌德者百千
見睨曰消逾見日華之朗大亨以正永扶天道之陽

鎮咽喉之區若星辰之分野進腹心之地見日月之
得天保受威命明德思日孳孳不諳拊字催科考
辭下下身爲民牧久矣幸爾息有數爲天子言之幾
塵荐牘稟焉以爲政其蓋馮藉寵靈救其所不閑公
獨惠顧世好

啓舊類函卷四十六

二十五

賀侍郎初任

賀趙制置除工部侍郎啓 宋李 劉

優詔元戎升卿起部司空用以寵舊荆之牧未曰殊
恩貴人不待入長安之城置爲異數中權增壯上眷
彌深恭惟其官氣直而溫材弘以毅稟衡山扶輿之
積人知鍾駿嶽之神師葵軒正大之傳天使壽熊湘
之學聞善若決疾惡如風粵從使指之膚出領制垣
之重姦貪膽落洗空當道之豺狼夷虜心寒驚道繞
枝之烏鵲寬九重顧旣三四年江左見導無憂固將
大用北門非準不可未免小留惟無敵知儒者之真

啓雋類函卷四十六

五

况有功見賢人之久徒得君重使君子工豹尾難翹
獻納上司於雨露熊旂屏節噉啐外震於雷霆管壘
旗幟初無所更朝野人士皆爲之慶洞庭彭蠡可但
爲分北之區廣漢江沱蓋亦繁一南之化况占雲稷
當護風寒竊窺往年根本宜固之言及讀近日事業
無窮之奏萬方玉帛豈其安王業之偏百年丘墟亦
貴度時賢之力願謹郊圻之申畫姑思牖戶之綢繆
中興當用實材更訪英豪於物外上策莫如自治合
商得失於楮中與民守之吾庸多矣朝廷已深知治
行豈但儀贊橐之班牙蠹不足爲公榮要富勉旃常

之績其雖無學術知有忠賢頃奉辟書輒千賓謁不
緣介紹蒙稱人品之高尋因憂恫又爲地主之累今
者尋磨驢之步復茲修賀燕之恭登樓而憶仲宣豈
但感凋零之迹下堂而執醴蔑或許傾結納之心

賀王工侍啓

宋周必大

伏審擢登起部仍直轡坡閭闔晨趨班冠貳卿之玉
笋絲綸夜草燭搖內相之金蓮增王度之光華聳儒
流之觀聽恭惟其官誠明守正剛大養和學有師承
何止八索九丘之徧讀辭皆已出故雖六戎五狄以
爭傳比開大道之公首奉正衙之對內外獨司於帝

啓雋類函卷四十六

五

制緝熙無助於皇猷詰屈聲牙備周諮商盤之體條
實義制發聖經賢傳之端俯酌輿言仰窺睿意蓋南
臺清切昔已表於豸冠而西禁深嚴茲久儀於鳳沼
惟是丹屏六曹之職實基文昌萬化之源觀近者之
諸公率繇茲而大用聊復假塗於踐歷示將當路以
弼諸遜於爰旂伯禹莫反容垂之命有若伊陟臣扈
佇成格帝之功其本無他長適有天幸陋如嫗母已
游水鑒之中鑄彼鏤鋤即在陶鈞之下

代賀工部楊侍郎啓

宋周必大

龍膺宸命登貳冬官獻納論思既助倪寬之間作匠

工技巧又裨宣帝之中興除日椿傳輿情悅懌恭惟
其官才華卓越器範粹清眷知獨異於在庭士論久
期於持橐省闈踐歷嘗炳煥於郎星宗寺委蛇久光
華於卿月眷言起部允謂名曹舜若子工命或先於
三禮周爲民極職位列於六卿厥惟俊邁之資乃副
選掄之意告猷禁路足殫致主之謀扈駕甘泉更侈
爲儒之効某違離滋久瞻係實深逃聞出綽之言阻
綴登門之客其爲欣并罔究叙陳

賀工部朱侍郎啓

宋戴翼

擢大司農登少常伯考亭垂世人知斯道之尊起部

啓雋類函

卷四十六

二十七

掄材天眷先儒之後善類有喜僉言均歡恭惟某官
稟三陽之純受六學之正魯庭聞禮皆桑麻穀粟之
言廬阜分符承禮樂詩書之澤物格理至言傳天通
達聖代之表董首諸家而擢用兩頒侯度府領使華
以曩時農耨之周旋兆今日共工之副介亦有伊水
之裔葵軒之孫麗澤之蘭象山祠墓皆被鈞天之寵
數獨推禁路之論思仰惟累朝華星正雖不試太
平之事業已首陳大學之條董施之父子君臣森然
本末先後播于萬代有十餘書遭際重明闡家藏而
告后權輿大任扶國是以興邦其無所取材暨焉涉

閭不惟鄉黨之故騰喜絲綸之頒時方務殷鑒以
治責難之恭陳善之敬亮密勿於冕旒臨事而惟好
謀而成願恪恭於師旅

賀戴詹事除工侍啓

宋洪适

恭審龍光渙渥雉正躋榮北斗之戴文昌特重五材
之節前星之拱太極迄終三善之成吾國庶幾斯文
幸甚恭惟某官四海模楷三朝典刑惟溥博淵泉之
出以時故仕止久速之當其可聲論思於紫禁專彈
肅於青宮洋洋春誦而夏弦進進月將而日就儲君
可謂得其師矣天子又欲親而友之峻升玄武之班

啓雋類函

卷四十六

廿七

益聳宮端之望傳之德義猶治是臬段之攻金教以
詩書亦梓匠輪輿之就木於曳履輪忠之暇聞養蒙
作聖之功舜既咨堯商其命說某團樂故步踴躍新
觀在治在鈞幸不爲化工之棄物爲榱爲桷願終歸
匠石之掄材燕賀惟深魚織莫寫

賀玉舍人除工侍啓

宋洪适

恭審召自外臺躋之起部香案鵲頭之側曾珥筆以
直前屬車豹尾之間還結綯而徑上有賢如此爲國
庶幾恭惟某官鯁亮不回堅剛有守作辨奸之論以
王衍盧杞合爲一人在聖德之詩與歐陽余請就

三諫蜚英聲而磨斗厲直氣以生風阜囊屨上於清
明更化之初赤幟獨立於頽靡成俗之地不合則去
有待而行起家以二千石之真沿江如百萬師之重
方易皇華之節又封紫詔之泥身有行藏道無信誦
上恨用君之不早公言舍我以其誰進參玄武之司
適應適人之徇要令藝事亦效工箴輪人得以議堂
上之書膳室至于舉席間之觴自相先於獻可奚僅
止於精能數其上之三人久負公卿之望處乎內有
一相亟應宰輔之求某夙附青雲尚淪白水弔沙州
之影辱怜夜月之孤鴻自屢屋之成願入春風之變

啓舊類函

卷四十六

廿八

燕彈冠自喜濡墨奚殫

賀汪中丞擢少司空啓

明連繼芳

虎符宣畧倚重長城鳳綵流恩升華起部慶在百工
之典班聯八座之尊恭惟其官張弛文武闔闔樞機
騁千里驕驍追雷風於封疆之徧輦三關磐碗開雲
霞于昂畢之墟范老子之英聲方騰外閭郭令公之
雅望久繫中朝帝曰疇若倅我擢掌汝工之職僉云
無如公者宜握程匠之權北輔之節鉞功高進參玄
武冬卿之飭材任重造福蒼生紀綱繕修之規百官
惟叙杜塞淫巧之作五材是宜張忠簡御書之頒有
如疇昔李貞一相望之推難擅當年自叙

啓舊類函

卷四十六

五九

代賀呂中丞陞少司空啓

明馬朴

宸廷錫寵管部升華以少司馬而分麾暫借老成之
畧拜少常伯而典制允資髦碩之猷綸綽聲聞冑紳
交并恭惟某官鼎彝家學袞冕世臣斗以南一人價
重彌天之譽冀之北萬馬群空逐電之蹤學茹古以
含今才經文而緯武歷敷華貴越踐要途庶績咸熙
自守郡而於臬於蕃勲高五省令聞載錫繇尚廐而
典御典禮名重兩京肆晉貳樞撫茲全陝恩威並建
河山震而草木生輝號令咸章管墨新而貌貅動色
帝容四岳瞻君子土人望三朝汝爲已試遂綴揆文

奮武之任俾副居民時地之司職叙百工佐陽燧於邦事班聯八座抗鵠驚於朝紳玄武應蹕天上冬官虛席百藏屆候燕南秋色迎旌楊龜山稱賢聖之君行將入告羣貞一負宰相之望端自起曹佇膺秉軸之求難挽徵輪之駕其幸叨同事快覩殊休引領龍光悵模型之暫遠傾心燕賀慚篋篋之靡豐惟賜鑒存可勝榮藉

賀王少司空啓

明唐文燦

竊惟起部崇遷允愜中朝之望台臺榮履初旋北斗之躔宏猷漸布於若工令範先彰於率屬某綴銜省啓雋類函卷四十七

三十終

署縻職邊陲幸有托以陶鎔瞻依方切慨無緣而伏謁戀慕尤深謹遣役夫專齋啓事達寸忱於左右代一叩於堂階仰冀汪涵俯垂遠鑒

啓雋近體卷四十七

類函五十九

東吳俞安期美長彙編

上饒王嗣經曰常同輯

冬官部二

阜平朱常浚鳴生訂定

上侍郎

上工部左右堂啓

明張應泰

北闕魏表穆皇風于九列左魁璀璨朗卿月于雙懸特表雉工獨崇鵠序仰山斗之有日貢芹曝以無期聊藉陶匏敬煩行李恭惟某官生繇帝賚出翼皇猷酌大庖以調元重恢玉寓操洪鑪而冶世式鞏金甌

啓雋類函卷四十七

屬當乾握之維新乃坤貞而益勵成風揮霍良工悉倕指般心不日經營妙運兼蕭規曹畫某捧漏卮而轉惕藉盈缶以將忱得入郇厨品物八珍而並麗將同傳鼎鹽梅五味以均和

上工部左堂啓

明喻世卿

渙寵真儒升貳起部漢著作之庭久稱載筆虞共工之職茲實掄材社稷增崇中外咸慶恭惟某官氣直而溫才弘以毅稟扶輿之蔚積人仰鍾靈紹正大之真傳天使衛道進參玄武之司適應道人之徇徒得君重俾若予工主持漕輓之權方大潤澤而延國命

紀綱繕修之政不作淫巧以蕩上心且獻可替否之相先匪飭材程匠之是競掌邦土時地利暫煩少常伯之司和鼎實贊化原行踐中書令之考其承乏無庸於末技受成有藉於主籌鐔斧學操佇俟班門矩矱鉛刀欲割先從歐冶甄陶幷懷廣矣指麾及之

上工部萬侍郎啓

林丁

明李國祥

玄武晨趨耀赤符以列棘遂初晚沐反素褐而懸車卿雲繫望於蒼生英瑋標奇於墨客各留朝野興寄煙波恭惟某官德秀道風識周事變塞帷樹績掃空三晉之豺狼灑滄澹災莫息一河之鸛鵲鶴鳴聲遠

啓雋類函

卷四十七

居然紫殿之雄峰鴻舉才宏允矣皇家之喬木東山之臥不久北海之歸寧遲佇置貢玉之堂旋登解薛之履某里中後進慶領袖之有階宇內典刑歎飯修之無地乃緣官職之繫仍阻關山之遼遺書通心愛旌瞻仰于山斗發函鑒意是擬展覲於筆牋尚冀解褐入麟臺匹士躬承夫杖履佇俟折麻憑薦凡片言首納於鑪錘

上工部徐念吾侍郎啓

本官

明李國祥

玄武升華飭五材而推髦碩鳥衣蕪憲程百工以就紀綱新秘掖於黃圖廻任瀾於運道功垂社稷榮及

粉榆恭惟某官粹學淵回英姿山立識遠而韜之以晦才高而宅之以和手掬四溟散作毫端之風雨氣吞八極蟠爲胸次之江山杜元凱之損益萬機于休烈之推轂多士洵可若於予工行進熙乎帝載某同鄉下品外吏凡流夙以雋範爲觀型裊身有淑近以蘇天爲覆庇奉職無尤倖奏薄效以三年竊覲最程而一命是在崔鮮孤寒之滯猶期魏貸細節之圓得受還職之恩併拜逮親之賜再造難答千載一逢用達聞人顙馳邸役徼汪海貸彼疏節祈層雲廣此休陰

啓雋類函

卷四十七

三

候侍郎

候工部劉侍郎啓

明許以忠

玉鉉允調總屬冬曹之制玄圭載錫式嘉時叙之功
垂紳香拂三台履曳聲蜚九陛星辰動色寰宇騰歡
恭惟某官德門瀛海相業巖廊揆奎璧以摘華自是
漢家欽向奏麓墳而鳴盛寧誇陸氏機雲勲歷著於
旂常位擬登於揆宅帝咨疇若顯畀以汝工公論咸
推端居乎卿貳黜巧伎奇淫之惑主樽節皆真順山
林川澤以宜民經綸盡妙龜圖恢帛咸平成福造於
萬方鼇足奠坤維底定歌興於四海蓋司空先伯禹
啓集類函卷四十七

時雅資斟酌之權將宰相拜柄笏歲紀倚平章之烈
其猥惟菲劣辱在甄陶四載郎潛惠藉依劉之庇一
麾外遣彌懷報魏之私跡雖遠於長安神切馳於光
範抵任纔經匝月循規竟免朝天犬馬舊負無自叩
三台而請誨羽鱗便使有緣將一刺以候閣伏冀尊
慈俯原卑悃

候林右司空啓

明金璋

惟明克允方賴天下之平疇若予工爰熙地中之載
寵特班于宏父職尤稱乎長孫六府稟程百官成質
恭惟某官碧堂珍從麗納真人倚峻闕于烏山重重

特起樹芻庸於赤縣在在繫思出則文章政事攸宗
大則伯同各繇並駕似茲標首俾介厥司乃者精衛
無功舳艫戒備孰導河伯以安瀾而措石犀水龍于
永奠六材已飭三殿未興孰恢鄭侯之壯畫而與麒
麟鳴鵠于維新况奇袤淫巧之競趨既難杜塞適杼
柚公私之交困又費調停公惟實事指陳帝廼御書
面授昔者楊龜山入對尋命侍講兼官李貞一貳工
魁然宰衡負望然則衣冠之華選便爲袞繡之聯階
奚俟趣裝直須視曆其本罷驚其質謬叨臯樂之知
顧短絆難以及深即長裾寧堪曳久所賴盼睵成飾
終留念于遺簪塊北爲恩育豐肌于朽骨則曩日苦
心無恨而今茲佳境可臻矣
啓集類函卷四十七

候李少司空啓

明林世吉

元老壯猷夙聳具瞻于北闕司空宅揆特咨定弼于
南畿惟精忠簡在乎楓陛故新渥特頒乎蒲帛恭惟
集官望重三朝道尊一代萃扶輿五百年之間氣挺
名世以匡時闢貞元數千載之靈符應昌期而翊聖
文章昭琬琰峙山斗于儒林素節砥羔羊揭模楷于
朝宁秉銓衡而啓事題才蜚藻鑑之聲持濡斧以觀
風飭憲茂蘭臺之譽鎮富宁雖隆乎眷畀而素心常

慕夫恬修擁節鉞而秉金符開府方資乎建纛懸煙霞而思丹壑抗章旋乞乎明農棠陰播湖湘雅望益高乎獨座芝泥貴廊廟殊恩復渙乎層霄謂留都重地必咨耆德以綏猷曰起部崇班特簡名儒而亮采陳謨綱陛啓沃悉崇儉之丹箴熙載鳩條奏盡保邦之石畫想總六職程百工邦土用資乎永賴踐三台燮五緯阿衡佇畀以調元某緣先尚書之交誼謬蠅附于通家荷大君子之提撕幸龍攀乎奕世柰因雲泥之勢隔遂俾魚雁之音疎每繹誦乎鴻私常感銘于烏愛茲孤忱于竹素敬申候乎慈霄曷任嚴禱

電燭

卷四十七

六

迎侍郎

迎撫臺內轉少司空啓

明史鴻修

星亞三台寵綽渙頒乎木鳳風高八座崇階晉貳於鳴鳩朝采欽承帝工允若恭惟其官神秀昂霄瑩輝鏡月清規遠徹皎桂影于一天玄鑑虛疑穆松風于八表勛業久誇韓范聲華直邁臯夔茲畿輔之區實繫咽喉之重念蒼生方罹鮒轍發倉雖矯制無虞思醜類未革狼心先事見徹桑有備億兆在春臺之上廟堂貽磐石之安知精忠久簡帝心遂特召爰來國老飭五材而綜庶務少司空之秩望彌崇率三日

卷四十七

七

賀司官初任

賀工部劉郎中啓

宋方岳

錫命明廷爲郎起部玉階奏事口含雞舌之香粉署
呈材身沐龍光之寵斯文幸甚吾國庶幾恭惟其官
稟三陽之純受六學之正曾庭聞禮皆桑麻穀粟之
言廬阜分符承禮樂詩書之澤物格理至言傳天通
以曩時民牧之周旋兆今日冬官之副介虞廷分命
疇若子工周室建官俾帥其屬權輿大任扶國是以
興邦遭際聖明闡席珍而報主某團學故步踴躍新
觀在冶在鈞幸不爲化工之棄物爲樓爲榭願終歸
啓集類函卷四十七
匠石之掄材燕賀惟深魚緘莫寫

代賀鄒虞部啓

陸刑部郎

明李國卿

譽隆尺五欣瞻一德泰交運際半千海荷九重門命
清時異數曠代殊榮恭惟某官瑞世人龍儀庭靈鳳
秀儲碧水紹文敏以開祥武布青雲尊挺之而作牧
澤灑江河之潤四境含飴人興袴襦之謠萬家禔福
爰參棘路式獻竹刑雪彼盆冤淑問齊聲往詰空其
鑑照好生益輦熙朝望日峻于斗杓眷愈倦于黼陛
甫晉秋臺之秩復躋玄武之班柱世宏材暫倚紀綱
繕政調羹巨手行資燮理台階某濫竿民社密邇典
型登郭泰仙舟有逾晝接飫景文珠咳無異春風數
啓集類函卷四十七
賭鶯遷可任得輿之慶允懷燕喜敬撫賀厦之私雖
蘋藻載陳媿乏玄黃稠疊而潢汙河酌尚期溟渤兼
收

代賀劉工部啓

明陳价夫

九重簡在郎曹分水部之榮百里聲馳主爵陟含香
之選寵恩既渥聞望斯隆喜切蝸濡度修燕賀恭惟
某官令猷驚世卓識絕人鶴唳九臯聲聞帝座鳳翔
千仞集必虞庭爰超庶尹之階晉列司空之屬蓋杜
甫曾爲工部名著文章維伯益實掌虞官利興山澤
匪獨使巖廊什倍生色真乃爲國家深慶得人某窮

髮編氓逃虛曲士么膺小草醫師備品而見收壅種
散樗匠石低頭而不顧操牛刀而謾試學步東丘執
豹管以旁窺望洋北海遙瞻驥足何其奔逸絕塵自
笑龍潛未免蹶泥滅跡伏願吉人天祐咸業日新睿
藻煌煌益懋康侯之錫馬綈袍戀戀毋忘貢禹之彈
冠仰祝台禧敬申下款

賀吳工部啓

荆州

明蔡復一

地利通蜀雪消歌春水之來星使從燕臺望借冬官
之重氣臨關以占紫波接澧而流清其官若工繼垂
博物推札國與商而並利雅需廉惠之賢人得地以

卷四十七

卷四十七

相輝特界江山之勝控三巴連吳會萬里餘艘若歸
攬七澤賦子虛千秋不律在握津頭輕稅估客狎石
左之風署裏讀騷大夫唱郢都之雪有碑在口惟水
如心方言既就於輶軒啓事宜司於衡鑑其識荆州
之面不羨封侯馳蘭浦之思猶囑守部有懷倒屣仰
仲宣之登樓空抱焦琴遇延陵之管樂投桃報李瓊
瑤良愧於風人贈帶獻衣縞紵聊追於雅事

賀中河分司啓

明徐榛

恭惟其官德鳳開祥文龍協瑞應期名世快萬里之
風雲却主宣猷沛九寰之霖雨芳大振于鳩司粉署

特分千徐土潢流南下宛三峽之建瓴画檻中騰嚴
千鈞之引綫惟茲大川之劇任必需舟楫之弘才智
行無事不爭尺寸以爲功應妙圖和是豈尋常之可
測元心活潑與呂梁之逝水同潔直節巍我並雲龍
之孤峯比峭周廷拒鬯行酬疆理戎功虞室玄圭用
答平成偉烈某學未窮源名慚集會勉效肝胝之綿
力幸承荒度之芳規肅布芹私仰干鴻覽

賀金縣尊南起部蕙謝啓

明藍重

帝眷循良鳳詔新徵平貢玉人稱召杜鴻名久重乎
南金才猷懋著于花封澤深雨露德政感傳于楓陛

卷四十七

卷四十七

寵溢雲霄司空聯八座之尊起部飭五材之辨士民
欣躍朝野歡騰恭惟某官具區發秀吳會鍾奇學窺
二酉之菁華早樹詞林赤幟才揆六朝之麗藻夙雅
文苑白眉使若予工僉謂公爲可任命司程匠徵斯
人其爲誰綱紀繕修之規經營正大之體誠豫養之
素定固臨期以恢張者也牛刀初試欣聞六楔之絃
歌驥足暫淹快覩三異之政績折獄明決有如撥霧
以觀天撫字勤勞不憚披星而戴月恩隱周渥平墨
客惠鮮廣被平蒼生其技愧蟲雕文慚鳥夢居徒壁
立寧其原憲之貧行值途窮輒抱步兵之慟說成貝

錦豈知慈母動投杼之疑明徹覆盆幸際仁侯興解
網之念是以苟活蠛蠓之命頂若丘山願效蛇雀之
私報乏珠璧望干旄之子子借寇無繇聽車牽之麟
麟留寬未已伏願自南而北朔國祚于無疆以卑踰
尊俾廟謨之永賴

啓雋類函卷四十七

十三

賀司官生辰

賀吳工部六月生辰啓

明蔡復一

晨望江關燁然霞采知以恢台之候啓茲攬揆之辰
九夏資良先徵霖雨七絃解愠適叶薰風士占歲日
之誕賢民喜使星之照我殊毛夢鳥摩頂知麟稽讓
姻兄札既生而博物若寫書諫父祐乃幼則徵奇迨
百年猶著于救陳而九卿果名于佐漢此范史爲之
立傳而蘇公斷其得仙者也有燁睟朝益光前譜沈
瓜開宴采菱發歌避暑筵中賓客兼攜桃實銜恩澤
畔商女共唱荷花其莫綴賀裾遙馳壽學膺降嶽之
啓雋類函卷四十七

十三

雅申伯方自天申繪度關之圖老子更期難老

賀司官端午

賀部使端午啓

明蔡復一

入荆而競渡之節倍覺有情懷人則浴蘭之芳勞思無數屈大夫可作楚巫發響九歌褚常侍何如習子寄棕一牘况使星彌光于南軫而化日正永于中天續命之絲縈諸艾佩宜男之粽侑以蒲樽筒折荷而可酬火燃榴而相燦土風已舊與衆人聊復同名物甚佳必賢者而後樂揚旌暫駐盡覽景地之妍持節過歸行傳歲時之紀浮瓜沈李莫陪勝筵結蕙采菱敢薦雅供倘斐然涉江之賦願鑒此酌潦之心

唐雋類函卷四十七

十五

賀張水部端午啓

明李國祥

竊惟風薰益右新承水部弘庥日永天中遙羨輶軒介福彩印既首標于蘭署白團宜躬獻乎金盤某值入阻疏泉輒脫身趨部仰企積場藿向陽之念薄將佐觴蒲避暑之需祝天壽于千齡不假五色絲之繫淨河氛于萬里無煩一羽扇之揮民賴平成盡闢歡于百草河潤膏澤允舞祠于千童垂存非對用昭芹

曝

賀司官中秋

賀部使中秋啓

明蔡復一

白帝正秋素娥良夜梧影蕭蕭而轉浪桂香冉冉以侵衣神女弄珠恍三湘之可接仙人修鏡爛七寶其初圓水部清心冰壺不爽望郎逸氣彩筆長吟玉露千頃汪汪碧宇與虛懷同廓銀河萬斛炯炯練光共雅韻俱澄所以胡牀理詠欲登庾亮之樓皓魄入懷堪續謝莊之賦者也鴈鴻北至一聲秋水連天烏鵲南飛三匝寒枝繞樹照愁照樂在景迥殊可詠可觴惟賢有此晴輪不隔於千里嘉宴莫陪於一堂愧吟

唐雋類函卷四十七

十五

草之蛩遙膺鶴鼓憑銜書之鯉往致鳧杯願言楚客鄔郢之遊毋替秦風蕙葭之采

賀司官冬至

賀同官冬至啓

明謝肇制

陽隨律轉知天心來復之期履應端生政君子道亨
之日况屬填麓之末尤叨氣味之同心逐飛灰喜瞻
懸壁恭惟某官璇璣合德亭毒爲功六琯初調溫灝
頓回於黍谷五紋漸永經綸倍絢於華蟲景運載新
天和滋至某枯株朽質屈躄微身一命浮沈空切向
榮之願五雲咫尺彌增就日之忱顧折襪以何能慙
獻履之已後陽春有脚願宏嗟拂之仁休祉無垠更
祝大來之慶

啓雋類函卷四十七

十六

上司官

上洪工部啓

明陳价夫

萬羅無力生必依松葵藿有心傾多附日媿形骸之
土木虛受深恩恨踪跡之雲泥久睽鴻範銘心曷旣
戴德奚堪恭惟某官天朝柱石藝苑鑑衡洛中紙貴
太冲之賦已成釜內魚生范子之名不朽此閩海涸
敝之區遠近皆知向化如不肖么膺之輩門牆亦荷
燕收莫挽輶車鄭國猶思子產雙淹郎署漢廷終召
賈生回憶當時謬叨一顧深懷舊誼何啻二天自明
臺之鈴閣既遙而措大之蒯緱猶昔情關御李志切
依劉與李膺舊屬通家期元龍別置卧榻茲當改歲
政值端辰漕使南行敬致尺牘之牘台光北仰敢徵
空谷之音

啓雋類函卷四十七

十七

通司官

通王泉使啓宋洪 适

帥閭囁庸治臺陟寵行行且止而避御史威望素高
皇皇者華而遣使臣利權增重八鸞蒞止百雉聳觀
恭惟其官氣直而剛學純且博垂大名于方冊之上
殆四十年表清規于縉紳之間纔一二數入筵翔鴻
之序進升幾豸之班當瀾倒之衝而定力不移有壁
立之風而危言自信人方玩積薪之勢公獨爲曲突
之謀發巨奸于間不容穉之時制大變于危如累卵
之勢盡奪群邪之氣復開衆正之塗雍齒且侯魯連
啓雋類函卷四十七

已去吾在汶上矣誰爲留行君薄淮陽邪不妨臥治
方寬北顧又趣東來闡天地之藏于笑談運造化之
功于掌握不勞笏畫自見錢流離心計之長正難其
人然風采之著寧久於此立九府之圖法小施靈籙
之功陳六符之泰階卽試陶鈞之手其自甘獨冷共
笑太清久矣獲從諸公之遊今焉幸際一世之望倘
許執經而問難庶幾就道以漸摩江左之見夷吾何
難富國汝南之有顏子正賴鑄人欽嚮惟多銷張罔
究

通林泉使啓

宋方岳

寶冶騰暉切仰韓文公之斗銅童課政有鼎蘇刺史
之天可無傳鯉之書告以眡龜之日恭惟其官五鳳
樓之巨筆九龍鑿之大鏞絲孔壁汲冢先秦古書以
來口授若決雲夢凡周誥殷盤莊騷太史所錄手抉
以分天章要是道山神仙之流盡絕人間煙火之氣
何至屈臨于園府聽其久去于方壺仰窺上心斷有
深意謂朝廷樞山澤之利繫欲上足國而下足民惟
君子知財貨之源能使輕權毋而重權子俗吏念不
到此吾儒客可忽諸如其推鑄金以鑄人卽所謂範
模而範世三節召矣一陶冶之其鹿鹿無奇魚魚自
啓雋類函卷四十七

守六題十二體故家之衣鉢猶存五車數萬言矮窓
之燈火良苦迺籌籌而居此豈區區之所期粵自落
南幾于敗北偶脫黃茅之瘴通班紫禁之禁竟分邑
于山間如置身于井底飛尚方之舄敢以新而擾
爲有造化之爐毋曰鑄頑而棄去

一候司官

候吳水部啓

明王德乾

恭惟某官名著墨池才高琴水掄魁南甸則風雅相
宣應宿西湖則循良獨茂首藩首邑器已別于盤根
我理我疆刃定遊乎餘地遂睠毛公之畧煩肩伯禹
之勞暫借民鳩綜水衡于愆劇即看士鵠陟金鏡于
清華某榜部雙同居遊兩近芳蘭共事正誇拙吏之
緣喬木孤遷忽動登仙之羨迨別脫能先于賀燕而
緘酬實後于歌驪音將跡以俱遙罪擢髮而難數意
者亮衝途懶性何拘來往之間在異地知心本契形
格雋類函卷四十七

骸之外固隆施而匪報還永好以爲期辛勤日月之
扶擎勿靳雲霄之記憶

候聶工部司稅啓

明許以忠

卿月照燕山夙著台衡之望使星臨浙水暫隆樞政
之司寵握新綸榮分舊治恭惟某官領表奇才朝端
碩望版圖歸主計澤流湧地之金錢制度講王基才
莫擎天之玉柱眷深螭陛借重虎林惠旅通商萬里
恩波流水國奉公約已一簾清氣映水壺行釋籌策
之煩坐贊興鉉之業凡幘幘所及悉顧祝常勤某自
分蠹材謬承鴻造欽聞簡命喜鄰斗極以依光拙守

蓬居未叩台閭而展賀及今瓜及尚缺芹將遙瞻畫
戟以皈依敬花朱提而附候雖太陽不廻光于葵藿
乃傾向自殷願大海容納乎涓流而朝宗始慰伏惟
台照俯登塵際

候歐陽水部公權龍江關啓 明諸葛昇

華升雉省明廷均聽履于文昌節按龍關肅詔重持
籌于玄武懸憶每瞻卿月揚眉更羨使星燕喜情長
魚牋愧後恭惟某官承天柱石挈國舟航學有淵源
倒彭蠡建瓴之勢事無盤錯倚豐城出匣之鋒帝里
育菁莪雅標三絕男邦濡惠露馨起十奇爰簡丹宸
格雋類函卷四十七

主

晉班粉署杜巧淫而程匠黜阿枉以利民念西北飛
輓方殷莫如紆其物力嗟東南轉輸彌急政少藉于
研思疇若予工萬里恩波流日夜謨咨爾后九重眷
注上星辰茲特借途佇登要路甚自憐卑地維景高
山道左挹蘭馨徒興歌于扶杜雲間飛實刻罔擬報
于瑤瓊方整鳳帙側聞新命獻從其野幸垂鑒將意
之誠喜極於狂更不覺發言之拙統希原亮曷勝瞻
馳

候司稅郭主政啓

杭州

明許以忠

虎林司權暫煩籌算之謨鳳關宣麻佇掌絲綸之秘

預卜新除而交慶俾同舍者以增輝恭惟某官青齊
人臨紫閣仙標相門縣孔聖之鄉獨得淵源遠脉郭
泰爲人倫之表重光閎闕家風正逢名世昌期出輔
清朝景運克副虞廷顧問遂聯伯禹清班時叙帝工
萬國爭趨其模範監臨商稅四方願出其關津具稱
永隲之清操盡祝鈞衡之早握某自慙弗類謬附同
曹安道才疎補郡偏從無蟹汾陽德懋封侯底事不
龜此雖才質宜然頓覺品階判矣望長安日遠心隨
葵霍常傾值韓圃秋殘身比籬花更瘦茲庀一函之
濡削恭候八座之興居伏冀鑑存實深銘刻

啓雋類函卷四十七

三

候工部通用啓

明許以忠

帝工允若格天聯一德之交相度願昂指日應三台
之拜瑞氣已騰于雉正歡聲交頌乎鴻儀恭惟某官
忠隆天鑒才壯皇猷星斗填胸濟發文章之妙風雲
視步歸登甲第之名殊勛歷著於明廷晉秩旋躋於
起部密頒畫接出納居喉舌之司權攬冬曹伎巧陋
元成之世運經綸於心上周室毛公議制度於朝端
虞廷伯禹飭百工而濟治既稱庶績之成熙掌三事
以調元固不崇朝之異數也

候馬水部啓

明連繼芳

玉龍協瑞芳聲大振于鳩司金鳳開祥粉符特分于
鼇嶼聯均八座地逼四隣恭惟某官駿岳鍾神熊湘
溥學江淮當襟領之興任專保障雄雄舳艫關軍國
之需才擅濟川浩浩高岸石堰嚴登原隰千倉甕社
金隄永奠東南半壁揚平成之禹烈虞廷擬錫玄圭
頌疆理之召功周室允釐和鬯夙資河潤雅切嚴瞻
玩夜水之神珠已咲孫莘翁差讀望高臺之明月更
羨秦少游雄文直節魏哉元心活潑其飲河鼉腹測
海蠡眸憲度汪汪包細流而含垢洪恩蕩蕩擴渥澤
以回枯槁寄意魚鱗加餐于尺素片抒展蟻冀少鑒

啓雋類函卷四十七

三

于寸丹

候工部翁湛源啓

原任

明樊王家

惠流南國瑞霽東吳雙鳬起珠海之濱人思雨露一
鳳振金陵之麓身近雲霄四海欣瞻百工信度恭惟
某官越海標奇吳山挺秀二難蔚起芳名不讓機雲
三異升聞美政臨殊卓魯緬惟吾邑之彫敝實賴我
師之護持蓋當使暴欽之時更值群盜縱橫之日
誰遏饑虎之噬沿此枯魚孰令佩犢之雄化爲馴雉
至乃割蛟龍而斷犀兕寧啻目無全牛若夫先鸞鳳
而後鷹鷂信爾心同慈母爰入山公之啓特分水部

之司蓋當水衡之無現得重以工作之靡寧日其間
料理允藉賢良帝是命以鳩僞人咸仰其宗近寬一
分而受賜澤滿蕪城飭百度以維貞功高粉署今日
鳳凰臺上應尋六代之繁華他年鸞鶴班中佇荷九
重之眷注其鑿繩朽質嶺海賢儒叨承宇下併蒙頂
戴如天之福更辱塵中吟跡心藏何日之忘念我師
精藻鑑以收群材拔之一朝誠欲儲之異日幸今者
列科名而酬知已待以國士敢復報以衆人此蓋私
心所自銘顧恐微軀之易躋刀未操而使割能不取
傷玉必攻而後成願安承教薄書軟掌無由縮遠地
啓雋類函卷四十七
以近台光竿牖荒涼尚冀納微塵而垂電炤

請司官

請葉毓華水部啓

明王德乾

綽約黃花叨玳筵而既醉玲瓏白露伸瓊報以何將
祗乘爽氣清秋聊此介眉上壽恭惟某官先朝世德
後學宗工聯駿金臺十翼二篇悉闡紀鳩水部五材
九範皆宜蓋時事固曰多虞在冬曹尤爲孔亟而公
以伯禹毛公之畧和乾旋坤轉之才用使閭闔九重
仍開壯構都城千里無慮復隍直過裴士禮之風流
何啻王縉郎之清雅是以六官駢錫寵擎天上之恩
二母齊封占斷人間之樂某服膺名製引領通材何
啓雋類函卷四十七
期八洞之遊獲侍九陽之宴肅涓今日浮綠蟻于芳
樽茂對清秋聽雕龍之雄辯預圖倒屣專候揚旌
請謝在杭水部啓
明林世吉

命世儒宗經天國手閎高玉樹象賢播奕葉芳華班
峻金莖鴻禧登百僚領袖早影茶于司李遂翹彩于
懷蘭水操霜凝燄羔羊于五紵天童雲爛昭宛琰于
千秋佇瞻曳赤舄而上星辰旋見握機衡而調霖雨
近以鷄壇之風雅幸聯鳳卜之新盟爰命靈氛肅諏
元夕仰藉傳柑之令節敬敷泛栢之清歡琴紅菜甲
而飮春盤張彩花燈而燃火樹候猶龍之名香
青牛焚睡鴨之名香

謝吳工部啓

明蔡復一

采蘭浦而逴廻詎能忘九歌之白露花源而深去乃更入二酉之山雖攢勝之彌新類後荒之漸遠已窮馬力悵如組以何施孰動鶯聲勞彈冠而有喜作柱方朝於荷弱照衰忽漾于珠光念此量移實賴指南之庇從今離索預懷戰北之虞於焉見君子之心與其進也毋乃爲故人之累遠不謂之漸與佩俱報知施重謹將拜賜之詞藉爲薦之乎黃雀未銜感餐花而詎酢驪駒將鳴想於無從深負桃李之三章聊歌棠華於兩地惟垂秋月照此暮雲

啓集類函卷四十七

二十七

回答司官

答衛工部啓

補開

明焦竑

伏審言從朕地分治起曹屬祖帳之無何荷書郵而爲好恭惟某官風規美劭器韻清醇鑒和隨動而有聲琮璧不雕而自貴出入侍從是宜顧問於燕閒通達古今雅已從容於雞橐乃得君重使若予工方上簡於舜咨輒過臨於禹會匪但流錢地上欲倚重於名郎抑亦攬轡部中俾增華於膚使頃學邸弘開於東駕而書帷誤點以下材高帝子孫自是殊人之龍種梁王賓客豈徒授簡於兔園必成溫文恭敬之風

啓集類函卷四十七

二十八

答吳工部啓

補分

明蔡復一

糠粃之播方負愧於鵲梁雲漢爲章還分華於鸞宇升翻疑墜寵果若驚恭惟某官秀世道風薰人德旭新詩傳水部擅雅譽於琳瑯博物凝延凌寄深棕於縞帶凡溯澄江如練之水皆仰紫氣以知歸卽依陵

陽辨璞之山亦最青霄而長價攀轅折草共喧估客
之歌結佩紉蘭獨軫故人之想嘉其結綬贈以承筐
正爾負簪紱之慚未知獲戾若為堪詩書之喜更飾
過情鴻爪遺泥去住欲鳴寶劍驚聲遽不投報難擬
瓊華某誦屈正則之歌惟思公子按馬文淵之曲倍
歎勞人使蚤負山莫釋曠官之懼以鼇戴嶠更銜知
已之施感此誼高增其心慙

答吳工部謝壽啓

明蔡復一

受長生之籙夏樂方昌分靈壽之丹霞光忽爛桃來
帶露新從青鳥之筵瓜去博瓊遠贈丹魚之素何期
唐雋類函卷四十七

二十九

病骨驟覺榮顏合藥抱蟾久羨吳剛之入月別名呼
鼠空嘲蔡叟之如風小年不及大年豈蟬蛸能知於
松鶴度身還思度世或鷄犬可附於笙鸞此某既佩
德於刀圭彌結悰於編帶者也人情莫不欲壽慚客
奉萬年之酬使臣必諮於周思君歌六轡之雅證三
生而無數鐫五內以難忘

答施振菴正郎啓

明唐文燦

商丘散木固宜淪棄於道傍沙苑神駒乃槩放歸於
野外信矣仕途之險嗟哉人世之艱同病相憐每懸
鬱抱暫離復合偶邁良緣纔通名刺之投遂得音書

之貺易唁詞而言賀非所敢承申契好以訂盟是惟
敬諾適促程奔趨乎冗役姑附介轉致夫豐儀徒覺
匆匆愈懷惓惓聞採藥之初謀稍輟諒握蘭之餘味
猶存叙冬省而燕訪年家即擬戒期於暇日就雲津
而早遊天闕更祈效用於清時

答范長白水部啓

明曾同亨

某品望最卑行能無取學不聞道忽及七袞之年志
切投閒偶叨再起之命進退無補久負乾坤齒髮徒
存虛糜歲月拾遺簪於棄地謾被眷知驅駕足於長
衢詎堪鞭策祗緣衰病直陳請老之私恭誦教言倍
格唐雋類函卷四十七

三十餘

切循牆之懼鳳臺年渚第託興於夢思文水螺川終
寄情於雲臥敬陳尺素用表寸衷蓋黔驢之技已窮
無心出岫犬馬之齒日邁何敢妨賢嗣今惟砥德於
暮齡庶幾酬知己之厚雅伏祈高明俯垂鑒諒

啓雋近體卷四十八

類函六十

東吳俞安期羨長彙編

上饒王嗣經曰常同輯

內臺部

吳郡胡梅白叔訂定

賀坐院初陞

賀孫中丞啓

宋王安石

光奉明恩進陞中憲伏惟慶慰恭惟中丞侍郎受天間氣爲世真儒力足以扶顛持危器足以致遠任重巍然如衣服之有冠冕卓爾若鳥魚之有鳳鯢三朝充諫諍之官奮身不顧七郡任藩宣之寄爲民所思啓雋類函卷四十八

動靜不失其時遜逆必由諸道比支物望簡在上心

粵自貳卿遂登執法嚴霜被野既知松栢之後凋猛

獸居山將見藜藿之不采其叨持節鉞久遠門闌遙

聽遷除不勝慶幸

賀侯中丞啓

宋趙德莊

顯膺帝制肅振朝綱輟從諫大夫之聯付以中執法之任得賢居要維衆同歡恭惟某官受才高明履行純固道無少貶有孟氏之責難言欲必行若晏嬰之獻可會逢熙旦服在近途當雷霆之至威補日月於無過名聲籍甚風烈挺然果繇衆正之開更賴一臺

之理上以衡持於國是下焉繩糾於官邪說行如流母廢沃心之益義形於色潛消落膽之姦方隆九閔之安佇席三槐之拜某遠銜明命久蔭餘波鵬鷺橫秋但登藩籬之望山林伏猛庶全藜藿之生永言欣愉實倍倫等

賀趙中丞啓

宋李廷忠

王檢疏恩鐵冠總憲麟臺涉筆夜光分太乙之藜烏府鳴珂朝彩映上林之瑞伏延英而抗疏白簡霜飛侍建極以調元青蒲風動狐城鼠社消邪佞之心謀竹院松廳增嚴凝之氣象訓東觀第一人雅望分南啓雋類函卷四十八

衙察百吏威權喜聽書郵悵違屢幕粉榆葱鬱固知餘庇可依桃李粗疎猶懼不言而棄

賀朱中丞啓

白兵部轉

宋周必大

祇奉親除峻陞獨坐絳騶清道一時欣覲於曠儀白簡生風多士共觀于勁節恭惟某官性資誠懇局度方嚴學窮六藝之源流文掃百家之壘腕自登朝列卽締主知操挺松筠歷三冬而不改質堅金石經百鍊而愈精已騰騎省之聲稱旋振烏臺之綱紀有猷必告無弊弗除果膺非次之恩遂應久虛之選執法在端門之右是亦假塗輔星明北斗之中卽聞秉政

某屬奉使華阻于賓謁正臣得位既如鵬鶚之在天
善類歸心何畏豺狼之當道其爲欣懌實倍等夷

賀徐中丞啓

宋李 劉

龍光狎至豈列峻升儲望三槐之門進步五花之地
榮持白璧威權獨壓南衙旋捧綠緹恩遇特高西省
唐院式資廉察漢廷益重老成賢聖相逢喜巨鱗之
縱壑姦邪不作知猛獸之在山猥屬守符莫陪賀履
鵬鶚非衆禽之偶方此頡頏鵲鶴得一枝之安悉蒙
庇護

啓雋類函卷四十八

三

代大父賀魏中丞啓

明馬 朴

中聖英明赫舉更新之政老成登用顯承求舊之恩
千載一時累朝再見蓋惟君子之道寢長是以正人
之路用康社稷攸關震區胥慶恭惟某官文章奎壁
德望華嵩自世穆在宥以來已蜚聲於中外肆主上
改元之始益正色於嚴廊持鈞衡而晉貳卿表表承
宣有路秉水鑑以察百職彰彰黜陟無私令德令聞
學者仰如山斗大忠大雅舉世重若蒼龜顧時方涸
處夫薰蕕而道且齟齬於枘鑿遂歛阿衡之志樂道
莘郊漫尋尚父之蹤寄情渭水居然龍卧卓爾鴻冥

啓雋類函卷四十八

四

棲遲自賁於丘園濡削不通於津要高風介操不易
三公偉望英標益隆四海但魚水之投節偶信龍雲
之會有時頃者天欲平地朝綱聿啓豐亨之運上益
明習國事丕湯乾斷之威誅姦惡斥壬亥盡決央亮
顯忠良登俊乂彙拔泰茅爰求巖下之偉魁遂及闕
西之耆舊賜環錫命驚華綈之自天曳履升華仰崇
班於近日作礪作霖作舟楫行重仔肩汝明汝聰汝
翼爲坐光帝業是誠一代明良之遇非獨三秦河嶽
之光某拾父幽人臭蘭末契上帝賚良弼喜符傳說
之書聖主得賢臣擬獻王褒之頌雖出門步蹇未卽

登龍而賀履情深直同躍雀敢上無文之牘並申不
腆之儀至於早命星軺俯慰寰區饑渴亟乘景運仰
扶社稷金湯則方寸之至斷而咫尺所未罄者也肅
評奏賀臨楮傾瞻

賀李司寇擢總憲啓

明林世吉

北斗班崇九陛方聽乎曳履西臺秩峻百僚復仰乎
衆冠聲溢華夷慶貽宗社恭惟某官三朝舊德百代
宗工時簪笏之華高標人文之領袖秉銓天部猶稱
啓事山濤開府齊封號頌芳常召與績懋隆于中外
望雅重于巖廊惟簡在平帝心遂落膺平寵命以八
啓雋類函卷四十八

五

座而登三獨綸綽增輝由司寇而總中丞紀綱振肅
表冠裳于紫極樹風裁于烏臺式占世道之亨益禪
朝廷之重百辟欽承而欽祗四方欣忭以彈冠某誼
忝通家材同蟠木門牆登進每叨汲引之私霄漢吹
嘘更賴曲成之德載頌木瓜而刻骨敬濡楮葉以壯
忱感激徒懷掄揚莫罄伏願星符遙彩穹眷維新白
簡霜飛栢府特資乎總憲黃麻日麗槐樞佇拜以調
元

賀孫大中丞啓

明

帝制顯膺云承中執法之任朝綱肅振允彰諫大夫

之名百辟騰歡四方稱慶恭惟某官望重元樞位參
八座本星精而孕質依日角以揚光補衮楓宸五
尚資黼黻建牙栢府六韜益茂經綸皂囊白筆臨臺
權豪屏氣蒼蒼佩青騶戒道臺閣生風秩比南衙總威
稜于六察門開北面象肅殺于三冬漢推獨坐之雄
冠我鐵豸唐置盡彈之號柱倚銅龍大壯國維永扶
皇極某緯蕭末品拾艾畸人典秩外藩數歲風觀德
化揚綸中禁一朝斗仰恩光切聽鳳鳴敢同燕賀伏
願金甌早覆麒麟殿上功名王燭長調鸞鶴班中恭
履昭回閭闔葱蒨蓬萊

啓雋類函卷四十八

六

賀南贛軍門轉坐院啓

明支大綸

節鉞凝霜千里嵐氛汛掃班聯佩玉百僚憲度重新
惟安懷彈專席之雄斯中外綰辟車之柄念自王文
成削平橫水而世建上公暨彼韓襄毅艾雉大藤而
晉陟圻父蓋國瑞疊鍾于江左建雄圖屢振于虔南
歷載逸矣遺蹟肅然恭惟某官樞謨靖密風望顯昂
符國是較若權衡察機宜響如著蔡碩德經文而經
武洪猷幹乾而維坤雅鎮浹期麻光丕著摧剛直枉
諤諤清風虎視鷹揚煌煌環宿玉節崇而閭壤肅烟
侵宵開金章擁而章貢清波濤畫靜坐理泰階楚楚

青衿絃誦折衡尊俎赴紫冒干城

賀冢宰趙公遷北掌院啓 明林世吉

鳳闕銜恩方藉鑑衡貞列辟烏臺注眷旋資耳目察
群僚仰瞻耆德之屢遷益見宸衷之圖舊朝端有賴
仕路自清恭惟某官聖代宗臣熙朝元宰精誠貫日
月曾誅巨惡于先朝正直泣鬼神數被曠恩于穆廟
迨承明聖益懋忠勤凜凜冰操繩清獻公之祖武休
休海量紹真宰相之家聲豈應着屐東山卧煙霞而
優游泉石合當垂紳北面沛霖雨以翊贊廟廊是爲
四海公評非云一人私議果從人望蒲輪迎大老之

啓雋類函卷四十八

七

尊府錫王章栢府倚元公之重將見紀綱維百代正
百官以正朝廷風采動一時肅各道以肅畿甸大欲
清夷之治眼空當道豺狼力懲貪墨之風識過四方
鸞鳳察官邪持國是暫稱九月之霜調鼎實握台衡
立望三春之澤其南徐下吏仰台階分隔雲霄東海
庸儒詎里閑情聯桑梓欣逢先達龍固金甌快觀中
台勲高玉燭莫罄榆楊之頌曷勝舞蹈之歡

代賀馬中丞啓

明李國祥

烏臺峻秩峩峩望重鐵冠蒼佩崇班凜凜威高蘭寺
允躋三獨式逼八聯恭惟某官鐵面凌霜丹心貫日

列太微之法象應璚掖之文星桓典按部乘駟擢豪
歛手傳玄整襟捧薦臺閣飛聲鑄金鼎以圖效不難
調鼎察玉衡而齊政然後保衡立綱批徑寸之鱗回
天有力指鹿斥立伏之馬偃月生疑化秉神羊難置
豺狼而不問威如獨鵠尤關龍象之共觀渭涇天下
是非龜鏡國家治亂其魚魚涸轍鹿鹿窮途綠水芙
蓉堪笑婆婆娑於幕府青春桃李更期培植於巖廊敬
布鸞箋肅將燕賀望雲申悃祈電丙融

賀大中丞亦齋溫公啓 明馬朴

啓雋類函卷四十八

八

副相萬流仰鏡四海蒙休恭惟某官河華地靈井奎
天府富胸中之學術經筵推弘括心上之經綸智囊
矢正瑣闥糾繩之氣勁藩垣屏翰之功高清切備儀
保釐游陟由貳樞而佐計勲揚日月之旂歷少宰而
司空聲重星辰之履幾年綠野已儲台鼎之瞻頃歲
丹書爰付紀綱之任行無回避凜威望於馬嚴性不
吐茹篤公忠于熊遠風生臺閣奸回失箸以自驚霜
肅闕廷忠義彈冠而相慶猶謂中丞察縉紳之黜陟
固貴正繩而大臣關社稷之安危尤先補袞累借權
剛之白簡用陳納約于紫垣行見回天已歡動地其

粉榆後進博櫟散材登龍之志未酬作蠹之身幾誤
爰捐筆硯薄試簿書一歲馳驅課績敢云可也萬分
撫字程勞庶幾近之積土爲山謬冀與雲于後起樓
近水殊欣得月之先久殷公有千寸丹聊布私衷于
尺素龍門仰誼敢叙援孔李之家烏府疏恩願指引
龔黃之路得蒙涵鑒曷任寵榮

賀張中丞擢坐院啓

明湯日昭

玉帳牙旌日播雄風於重鎮金鑾芝檢旋瞻華蓋於
天樞穹簡方新輿情共載慶貽宗社歡洽寰區恭惟
某官兩浙淪精三吳孕淑握鬲山於掌上並峙太恒

啓雋類函卷四十八

九

吞鏡湖於胸中遡源洙泗圭組駿望鍾鼎鴻休鴈塔
聯輝甲第休誇二宋鳳毛奕世文章謾說三蘇樹直
指於朝端布華聲於宇內乘旄藩臬開府虔衡千里
遍桑麻雲度襦袴之曉萬家連燈火月籠絃誦之音
皞皞至治無私熙熙太平有象仙霖液潤江以西彭
蠡澄波瑞日輝融閩以南武夷增色晉膺天憲獨握
風裁地連紫禁之中蓬萊雲呈五采公在丹霄以北
縣寓日效三靈趨虎拜以楊休覲龍顏而有喜凡屬
簪紳之末均懷欣忭之私某等叨備藩臬夙瞻風紀
遙想霓旌於嶺嶠快覩鸞遷更看鳳翥於雲霄可勝

雀躍肅陳下悃聊表賀私伏願勤勤旂常位崇台斗
梓擎天之一柱玉燭時調任負海之六鼇金甌永固
翊贊皇圖於萬曆昭垂相業於千年

賀耿楚侗擢副院啓

明王世懋

位重西樞藻火榮輝於象服班聯北極羽儀光映乎
螭頭翹首五雲馳神萬里可勝瞻仰莫罄揄揚恭惟
某官三朝宿學一代宗工掇巍魁于丙辰之春麟經
獨步秉文衡于南畿之服鳳翥高騰累陟清階光臨
閭壤丰采明三千組練草木知兵精神壯百二金湯
山川增色未期年而奏績亘千載以頌功顧綉斧方
啓雋類函卷四十八

十

新化誨淪濡於海甸乃白雲鏤彩秋風淡蕩於湖湘
以憂讀禮里閭養高桑梓東山戀謝傳蒼生引領何
殷洛社起溫公丹詔臨軒載道翊清天憲雅握風裁
肅朝野之具瞻聳臣工之觀聽諒遺直更踰安世清
班暫列於兩承知偉度有如九齡峻秩豈隆於三獨
上台接踵萬國傾心凡屬冠紳莫不景仰如某者驚
駭賤品向承伯樂之垂青瓦礫微資久荷風胡之俯
鑑鱣堂千里夢無地趨踰鳳闕一心懸有天祐冒肅
將燕賀聊貢魚箋伏願簡注殊恩崇禧益遐登清海
內忠良指日以彈冠表樹朝中會墨開風而解綬八

表迴淳龐之俗四方成熙皞之休仰冀斗垣俯垂未造

代賀趙大理卿轉都察院僉堂啓

明李朴

鑑衡不爽法星轉而天下春鎖鑰時懸嚴霜飛而吏治肅天憲並操于獨坐太微正耀于神京恭惟某官懿文華國名高萬選青錢正色立朝聲重千秋金鑑普仁恩于鞭笞之下再嗟氣縉于寒灰含陽明于風雪之中候回生意于枯骨既負蒼生之望能無朱紱之榮綸綍時頒耳目獨寄蓋浮靡之習趨若江河而啓雋類函卷四十八

貪墨之風寢成痼癖自非肅綱陳紀一人爲各道之倡焉望激濁揚清一時洗四方之陋此主上特簡之意知台臺中立之操行看讜論回天千百人小廉大法精誠俗日億萬里霽月光風某情辱蒙誼同桑梓幸老成之在位敢不拜手以殿言慶樞筦之得人能無傾心而稱頌聊緘蕪陋代薦葵寅

賀林都院啓

明陳用賓

渙龍九天升華兩地瞻龍光之密邇舉燕賀之微忱恭惟某官開誠布公忠君愛國蚤利見於飛龍燁燁聲價遂振華於蓬鷺憲憲勳猷薦紳拱手而歆服

旒注意以惟深屹自紫垣峻躋烏府華夷素霑惠德草木稔習威名懋建旂常允銘鐘鼎某里中榆翼宦際鳩鳴既喜王陽之登敢後貢公之慶敬陳尺牘聊達丹誠寅具篚筐伏祈麾頓

賀趙中丞啓

明林世吉

冰鑑高懸方倚紆謨於画省金泥寵錫復資總憲於烏臺蓋清時上專席之班故聖主庸邁種之德慶貽宗社歡洽神人恭惟某官列緯儲精兩儀毓秀統承千聖經術溯洙泗之淵源敷歷三朝節槩並泰衡之載薛布華聲于夷夏聳清望于嚴廊惟名德之欽承啓雋類函卷四十八

實帝衷之簡在眷茲峻秩復貴新綸晉登三獨之司用作百僚之式振羽儀于殿陛肅法紀於朝廷獨侍麒麟每貢皂囊而獻替高峩猗多時持白簡以糾彈凜然臺閣生風帽爾豺狼屏氣凡叨輝陰俱竊光榮某世沐雲津風聆風裁觀芝函之煥彩膚雀躍以騰歡望栢府以馳神托兔毫而作頌伏願長爲柱石早和鹽梅正萬方台星與法星並耀澄清四海德澤同天澤旁流

賀總督初任

代賀吳尚書啓

尚書督府可用

宋方岳

伏審峻躋武部肇建戎旃制閫號小朝廷容拱王畿之近政職曰大司馬用提軍律之嚴恭惟某官權則知變經則知常故處之於上下流之間殆不啻於左右手之視蓋自古豈無於外患而當今尤務於內寧乃睠爪牙之臣實膺腹背之寄統六師以平邦國豈但懷夷潤九里而及京師莫先尊主乃開大闔以鎮近畿式遘竹帛之輝入覲宸旒之邃某手足何異唇齒相依念有德進而朝廷愈尊常恐追鋒之召今真啓雋類函卷四十八

賀陳相兼宣撫啓

宋熊克

旌旌北指方進取於中原天仗東旋獨仰成於上宰董數路飛翰之旅慰兩河塗炭之民朝野歡呼華夷震疊竊以元臣崇都督之任謝文靖總衆遂捷淮淝冢宰抗宣撫之權韓獻肅臨邊果屈靈夏曠古今而一遇邈前後以相望昨屬羌胡輒渝盟誓騎塙旣蒙於淮甸邊烽亦警於漢襄獨犯歲星之所臨咸料佛狸之必死獵狁孔熾用煩大駕以咨臨徐方不回歸

留上台而經畧肆揚大冊兼畀重權蓋漢將多才賴

陳平之盡護而蔡人新殷資裴度之來三恭惟某官大業格天遠猷經世胸蟠萬卷聊試出其緒餘掌玩四夷率皆得其要領時方無虞則裨贊廟謨而存持正之體世或有警則措畫邊瑣而高應變之才惟天闕於成功宜帝資於良弼北隨清蹕往視連營借前箸於張良屢次幄中之勝示輿圖之鄧郁時分麾下之軍方將施發縱指示之謀布還定安集之政豈特使河南之復庶幾令漠北之空旣咨方叔有元老之壯猷誰謂匈奴爲中國之堅敵某夙陶垓北逖蔭葵啓雋類函卷四十八

賀王制臺啓

明

栢臺憲長近典五兵樞府元戎親提三帥寄九重之耳目爲一人之爪牙光燭台垣風生禁衛恭惟某官表儀群宰砥柱衆流雅望谷虛春雲夢而八九弘裁嶽立登泰華以三千整紆閫外節旄宜預師中籌畫身冠烏府忽崇獨坐之班魚鱗虎符旋統干城之任惟真儒無敵天下乃聖主制勝朝廷千群萬旅無諱

何慮鞭笞乎四國兩社三台屬望行當冠冕乎諸侯
某宇下八年行間萬里操持銖兩悉由大冶鑪錘戰
守機宜全屬壯猷指顧爰際鸞遷之會式懷燕賀之
私雖藉尺書豈申寸悃遙瞻本兵輿衛金鉦黃鉞載
揚鷺羽以前驅佇看上相權衡袞衣綉裳猶自鴻樞
而發軔祇欣抃蹈不盡敷宣

賀魏大司馬總督啓

明馬朴

恭聞光膺綸綍總制閩戎賜環遠下東山人望起一
時之柱石授鉞卽臨西土軍聲壯四鎮之干城社稷
攸寧海宇胥慶竊惟黠虜爲君父憂二三載宵衣而
啓雋類函卷四十八

盱食實由重臣誤國家事十數年護疾而養癰始恃
款而盡撤其防及解盟而莫爲之備迨夫燃眉已急
則不恤捐中國之大體溫詞厚賂以結和卽或息肩
可圖亦尚博制外夷之虛名罔上偷安而諱戰使賊
之驕心愈肆駐久不歸致我以奔命益疲憂深叵測
徒焦大內莫靖遐邊非得不二心之臣才兼文武孰
能受一而之寄功懋安攘惟此時然非異人任雲中
守不能用何憂匈奴天下事尚可爲今在君實恭惟
某官三朝名碩一代老成嶽峙風標萬仞巖巖而獨
立淵泓經濟十頃浩浩以惟量龍臥比南陽人欽抱

膝麟圖懸北斗帝眷司喉茲思區脫之舞千爰望涇
河而推轂委將軍闡以外鋒鎬雅屬韜鈴付召公陝
以西河山悉歸保障宸章渙號求師中之丈人遠論
同聲得天下之大老公亦未爲不遇衆皆欲疾其驅
之內思頗牧以獨勞席已久虛駕當不俟逆睹軍中
鼓舞喜是直郭令公之來定知塞外驚傳懼非大范
老子之比驅彼犬羊輩直折筆以答之保吾鴻薦民
當安枕而卧矣會見烽塵之清塞還看袞繡之入朝
某誼忝通家情深爲國桑梓恭敬願奔走而爲氓槐
啓雋類函卷四十八

棘尊嚴纂調和以致主其爲歡忭罔旣敷宣

賀朱制臺啓

明喻世卿

天陞函綸推轂元戎雄節制星門仗鉞分符名鎮壯
干城歡動三軍和薰萬竈恭惟某官擎天一柱橫水
孤舟謬謬綽綽之楷模堂堂國家之棟石卿雲呈瑞
載史筆於螭頭紅藥翻階代王言於鳳閣爰從左掖
出擁中權榮戟周廬壯七萃八屯之衛雕戈錫盾顯
五侯九伯之征將才卓絕漢廷左袒賴陳平而安堵
軍功度越唐室上蒸望裴相以倒戈雉堞相高守鑰
一方開夜月舟車共會折衝萬里靖邊烽亟下庚牌

奠安丙枕暫來細柳佇召長楊某渺然書生最爾令
僕桐花欲蝕凜秋霜之劍芒鐵硯已穿淬毛錐之筆
陣巡瞻幕府願曳賓榻向托庇于帡幪茲馳忱於履
舄聽劉琨勸進之表廢唐人皇武之詩

賀張總督鎮遼啓

明馮琦

帝眷元樞國資上畧自天子所出宣南仲之威以我
公歸入領北軍之重有常立武無競維人恭惟某官
德惟國基器爲時棟九塞共傳其風采四夷盡憚乎
威稜瑣闥青蒲獻納夙深雨露轅門赤羽指揮如走
風霆北鎮薊門東清遼海鯨鯢之波立偃貔虎之甲

啓雋類函卷四十八

十七

常閑周索兼戎索以相縻軍容與國容而並肅兵無
遺鏃野不鳴桴中國之氣常伸元老之猷可親方書
庸于上考卽晉秩于中樞帝將決戰於邊陲公宜運
籌於帷幄時方多事國合有人念祖宗設禁旅之屯
蓋云居重肆國家無邊烽之警漸已偷安遂使羽林
飲飛之儔幾同灞上棘門之戲乃於本根之地特簡
鎖鑰之臣以圻父之崇班當長子之重任暢宣武節
峻列文昌非但付以爪牙亦且以爲心膂使我稱干
比戈之士歡若投醪則猗猗弓牧馬之胡驚將落膽
行可定萬世之業非徒折千里之衝某辱以通家此

于宸宇茲值機庭之命益隆嚴石之瞻燕雀一枝風
藉堂簾之陰鱗魴九戩欣看衮繡之求敢介不腆之
儀用伸未將之敬卽當獻觀未既敷陳

賀梅衡湘制臺啓

明遼

明萬世德

雲疆分閫重倚元臣霜節陞班肇開督府并州竹馬
已驚欣父之威儀江漢長城猶是羊公之德澤縉紳
色動瓊臺聲馳恭惟某官詩禮名儒閱閭巨擘繡衣
霄漢已仗策而計元兇油幕星霜幾持籌而定大虜
豈云安疆場允矣重朝廷一時資緩急之才四海倚
廓清之畧獨折悠悠之群議益敷蕩蕩之弘猷緩帶

啓雋類函卷四十八

十八

輕裘三十年誰堅定策銷烽卧鼓數千金今運計謨
方拊循四境而建碧幢忽總督諸軍而假黃鉞元戎
十乘坐看北虜之來威司馬五兵行入西樞而執柄
某夙叨莫逆中奉周旋洎抱關擊柝之有年而推轂
化鑪之屢至戈船下瀨尚分裨海之精神茅屋窮簷
益展沿邊之經畫上奉齋壇而謀帥公承厲節以臨
戎方屬軍國之遠圖敢附門墻之私賀知勿忘其疇
昔輒少罄夫涓埃作爾玄黃欣然竹帛以斯勒楮奚
啻磨崖

賀顧充菴陞巡撫啓

遼東

明馬大壯

渙發綸函不重折衝之寄晉陞制閫於昭簡在之公
北門之鎖鑰益高萬里之金湯彌壯九邊生色七萃
騰歡恭惟某官紹孔孟之正傳負孫吳之奇抱粵自
受官於六職業已窺豹之一斑時出緒餘數宏底定
嶺東郡北兩觀安攘之勲浙西滇南載見威強之績
此惟居平不爲紙上之學以故倉卒輒吐胸中之奇
有用全才無施不可公望久孚於輿論獨知素結於
宸襟遂自臬司峻登總憲朱幘肅駕鼓角爲之精明
画戟儼臨山川至於翔舞蓋詞掖下綵綸之制將太
常兼鍾鼎之銘某朋友同倫兄弟異姓素聽班荆之

啓雋類函卷四十八

九

雅論未嘗不曰古名賢莫能過之驟聞開府之榮除
又竊自謂今使相無出右者命將帥以衛國行觀折
筭之功修政事以懷夷言念借籌之畧敢因慶幅往
贊壯猷瞻斗之私與江俱永

賀葉軍門啓

三邊

明聶桂芳

恭惟元老運壯猷異捷既騰于境外大君嘉丕績殊
榮遂錫于師中秩視舊以增崇兼進詔功之祿服更
新而特耀備膺命德之章適迭競傳旄倪胥忭矧荷
洪慈素渥曷勝狂喜私忱第身絆課程難赴和門以
展賀聊手披箋狀冒攀記府而申陳凡附獻之區區

皆積懷之懇懇尚冀旃裘款塞軼平戎而等格廟之
勲佇觀交繡還朝允出將以完入相之業

賀董督府上固原任啓

三邊

明

龍車遠賁寵分閫外之權虎帳新臨道得師中之吉
共齋心而削牘遙拜手以承筐恭惟某官淑氣鴻鈞
德輝鳳覽三朝歷事所至有聲四國于蕃無施不可
地望召公等埒分陝以西風猷華嶽魏我惟天在上
允文允武蓋吉甫獨秉其全曰狄曰戎非南仲誰當
其事播綵綸而褒美授鉞鉞以專征收獵誇胡陋墨
客長揚之賦壁門衛士屯將軍細柳之管四夷素警

啓雋類函卷四十八

十

威名豎降旗而穹廡遠徙千里坐收勝算垂綏帶而
鈴閣時閒敦禮樂悅詩書真折衝於尊俎戢干戈禦
弓矢行敷德於綏荒五夜落旄頭揭青海城邊之月
三農銷金甲回黃沙磧裏之春某等碌碌無能自昔
備龍中馬渤欣欣相告從今靜塞上狼煙有萬里長
城當爲聖天子稱賀無四郊多壘幸免卿大夫之羞
醢酒椎牛獻駱門而作犒樓梁乳燕感夏屋以難名

賀顧中丞總制三邊啓

明馬朴

保釐西土崇勲久茂于旂常節制北門新命益隆于
鎖鑰當九鎮安危之際賢一時夢卜之情聲播華夷

慶流宗社恭惟某官周家元老唐室令公學蘊古今
擅科名而不媿才兼文武授難大以咸宜屏翰介滿
紀綱專席麟符虎節控四塞之神臯豹畧龍韜晉貳
樞之峻秩按六條而肅治將吏承風屈群策以壯猷
兵農履露祛負囑之虎三秦號跪立安拊集澤之鴻
八水凋夷頓起蓋五年如一日畏愛咸孚故三命錫
九天寵恩斯渥到處揚旌瀚海雄開萬里之金湯從
今偃甲賀蘭永固三邊之保障寧夏蛇豕佇回麒麟
某叨芘騰屢忝通李藉快親榮除之目聊摠慶贊之
情所祈款塞寧邊以攘外而鞏安內之業還朝秉軸
啓雋類函卷四十八

移出將而建入相之勲不既下懷伏惟崇鑒

賀梅督府啓

宣大

明王家屏

節鉞寵兼震風霆其倍肅旂常昭揭耀日月以增輝
光貴山河慶延社稷門下天擬人豪嶽鍾儔傑左宜
右有才投萬變而不窮大受小知用効一隅而未盡
勲高雲朔經營具賴其謀猷忠契宸闈倚任有加於
肱股乃眷北顧曰予禦侮之臣遂授左符昇公總師
之任五侯九伯顯征特假以戎麾六郡三河都護式
資於帥屏升華上宰瞻衮舄以維新渙號中權幸旌
麾之孔邇敬專小价叩布末悰依戴殊殷敷陳周託

賀王雲衢總督啓

薊遼

明唐文燦

青冥授鉞於胎握算之長烏府通班益峻使名之大
先聲早振乎冀北久矣折佛狸窺江之萌公望增重
於遼陽隱然有虎豹在山之勢五兵傳而生色四貊
聞之寒心丕揆國華屹為時棟恭惟某官氣稟河汾
之間值道續龍門之正傳博大淵深高明肅枯方其
對揚乎天問固已窺見其一斑迨夫湯屬於雲程直
上扶搖而萬里材猷駿發皆胸中有用之文章謀斷
鴻施建海內無前之事業衆胥悅矣今使相孰能過
之帝曰都哉古名臣無出右者乃瞻薊遼之重適嚴
啓雋類函卷四十八

鎖鑰之司俾盡護于列營諒聳聞於遐裔蠢彼小醜

爾行且折箠而笞如吾邊境何真可傳檄而定某屬
聞綸綍如拜麾旄方千里曰王畿正倚撫循之畧統
六師平邦國載觀折衝之威粵若翹瞻莫殫欣頌

賀邢大司馬總督啓

川貴

明萬世恩

三台光耀金甌方簡注五佐之尊九伐風行玉鉞暫
借重大藩之寄仰鴻猷而馳思謹燕喜以將誠恭惟
某官端凝雅度康濟長才矢心為國為民夙夜恪修
紀律措謀允文允武歲時綏定封疆一德孚契於紫
宸六師簡閱乎白下顧龍蟠虎踞江南草木方震

乎軍聲乃夙突狼奔鬼國蒸黎更勤勞乎聖慮用是
借伏波之元老運諸葛之神謀佇烏蒙蠻部雲端日
麗層林猩穴洞簫雨後煙銷疊嶂不佞仰循孔轍守
畫一之盛規幸免遽非享三雲之暇豫素聞西賊敢
生心乎更喜南人不復反矣謹馳片牘於前茅兼貢
寸絲於下走惟冀存局勝榮藉

賀吳少司寇總督啓

兩廣

明耿定力

玉斧登壇獨握折衝之寄金臺錫命志隆專閫之權
必命世之奇才當遐陬之鉅鎮定寧域外戢櫟寰中
恭惟某官累朝元老昭代名公開府蒼梧惠露灑二
啓雋類函卷四十八

卷四十八

三

天之渥班聯紫禁雄風飄萬里之遙貳八座秋卿實
允矣臯陶荷一人天眷曰欽哉方叔特賜兼官載臨
百粵有君子矣玄黃筐篚想風采而彈冠其小人乎
簞食壺漿望星標而倒屣曩時盡沾德化今日復見
我公衣冠文物增輝岩谷江山滌麗鴻張驚草色漸
消海岳之黃巾吠犬睡花陰行散佳符之白珪共喜
太平有象誰云致治無形如某鯁生幸叨蔭庇臨承
大雅復辱優容竊一役於名邦先沾雨露拜百朋於
蓬使兼親雲霞未效涓埃徒增銘刻敢肅將乎尺素
聊用表夫寸心

賀撫臺到任啓

明徐榛

制府持衡駿命寄江河之重樞垣運畫鴻名延宇宙
之光借疆理於東南安危允賴輓芻糧于西北軍國
攸資德澤旁流外閭仰藩宣之績聲華鼎重中原服
衡鑑之精家禮樂戶詩書造訖入鑑鍾之內正紀綱
揚風化經綸七旨顧之間膏潤江淮遙覩爲霖霄漢
勲齊泰岳旋看曳履星辰宗社綿延生靈胥慶某昔
膺守牧積欽震地洪聲茲忝臬垣快覩如天偉烈敬
裁尺牘虔布丹衷伏冀憲度優容莫罄鄙私欣戰

賀吳制府啓

兩廣

明宗臣

啓雋類函卷四十八

三

魏闕絲綸寄風霜於重地較門旌旆開日月於遐天
威攝八蠻歡騰二粵恭惟某官斗山碩德文武兼猷
邁迹八閩作拜家之良翰馳聲萬里繫海宇之長城
曰滇南曰汴北民興來暮之歌若江左若粵西碑紀
去思之績司文衡於兩省群才成濟濟之風敷治化
於一方萬姓樂優優之政再居宥密遂總樞機以三
朝敷歷之舊臣膺五位眷知之新命保釐百粵節制
二藩實三監之崇階代一人以貞憲先聲動乎山嶽
九重紆綠林之憂威命等之雷霆五嶺息黃茅之瘴
東聯十郡尚逾伏波樹柱之鄉西盡諸州奚翅襄毅

斷藤之峽權專王節百職之劓範攸存名重金甌三
台之贊調在望某學愧面墻才慚肺石叨微名於上
國竊寸祿於太倉嶺海奔趨三載之勤勞奚補郡庭
贊助一官之尸素安辭仰節鉞之遙臨喜扮榆之藉
庇顧迹羈於外莫申燕賀之私而誠積於中深切龍
光之望敢僭踰而布悃謹薰沐以陳詞親鈴閣於雲
霄稽躬竦息想台閔於左右拜首翹勤惟垂岩電之
光曷已漢波之潤

賀肅念渠制府啓

兩廣

明于慎行

滇黔重地各借特鷹荆楚上游方榮秉鉞復荷九重
啓雋類函卷四十八

二十五

之命特兼兩粵之權少司馬之丘符威行六管中執
法之憲節風偃百蠻監銅柱於天隅服雕題於月窟
海波罷警佇成麟閣之勲斗柄回約行正鸞臺之位
賀陳總制啓

明陳文燭

節鉞凝霜千里之嵐氛汛掃冠裳耀日百僚之憲度
重新一賢秉鈞多士拭目恭惟某官直方而大智勇
且仁人文獨秀早符麟趾之祥科甲聯芳鳳負鰲頭
之望勒馬作薛收之檄名震黃扉批鱗封陸贊之章
風生白簡禁中頗牧九重高翊贊之勲擅上唐虞四
國仰藩宣之績茲由內部爰陟外封樽俎折衝疆鄙

乏犬羊之擾郊圻中畫介胄無纖趾之生立武事以
有常顯真儒之無敵邇人安遠人至憂民正急于憂
邊大臣法小臣廉正已不難于正物不遐有佐無競
維人某學既拙踈遠猶蹇剝昔周旋淮水之間竊欲
學屠龍之技今疲敝益州之役良難見流馬之功欣
聞黃麻之六經合入繡衣之九戩燕雀賀屢捲簾必
念其差池蟋蟀鳴秋墜戶願徐于穹室特勤斗仰無
任永兢

代賀戴制臺啓

兩廣

明連繼芳

三江浪靜召虎功著淮南九伐名高司馬班聯斗北
啓雋類函卷四十八

二十六

饒歌匝地縛命自天恭惟某官百城鉄鉞八極磻磐
雷震三春破二三日栗烈之凍雨廿九夏鮮十九君
蘊隆之崇黃石兵符靜捲天山之霧白猿劍術消空
萬竈之烟丹浦剪元兇重光舜野青丘除頑梗再闢
堯山護閩楚猶泰山之四維蔽東西爲長城者千里
旣敵王愾斯簡帝心木鳳飛來雲外新銜玉佩山龍
寵賁日邊增重牙旗主蘭臺楷模入座右栢院屏翰
雙藩 莊敏平陝西尋上國策胡文烈定河北遂參
政機引領欲馳傾心來賀

賀李大中丞鎮江淮啓

明謝廷讚

閣下水鏡提衡四時之氣已備賤子龍門得御一月
之春坐忘正爾燕喜超陪忽親鸞遷飛舉旌節賁臨
豐鎬坐三獨而建牙軒車徑轉淮壖屯七萃而警蹕
澄江南北有悍猾之餘氛銜尾舟車實要害之都會
恭惟某官文昌武庫爲憲之吉甫更生玉鉉金相袞
甲之希文再出屬沸鼎驛騷之會正錯節盤根之時
調停會出神攄游刃知有餘地不肖樗櫟褊才時命
大謬喙三尺而附贅誰米葑菲之謀心徑寸以長傾
未蒙若木之照獨閣下垂孫陽之一顧發雷煥之靈
恩重二天交忘一賤綢繆溫渥之意提撕涼德之
啓雋類函卷四十八 三七

人忝谷雖寒得煖律而春轉鉛刀縱鈍逢砥石而銛

回

賀張兩廣啓

燕齊

明楊 鑽代

蔡戟宣威直搗蠻夷之穴台垣推位近依雲漢之墟
曳章聽尚書之聲標銅紀天子之績騰歡兩地奏捷
九重恭惟某官日月鍊形川陵發氣手提乾綱坤軸
鍾百二之河山胸鬱武緯文經吞八九之雲夢范孟
博故懷天下之志激於濁而澄於清周方叔克壯大
邦之猷執其訊而獲其醜遂使長江恬浪廣野開氛
是故鳳凰翔而梧桐自生共仰覽輝之瑞虎豹藏而

藜藿不剪誰知比德之功入告我后而矢一心行將
補衮望隔遙天以稽九首走願執鞭其幸借壁光得
沾河潤不能者止讀周任就列之言於拙用多感潘
岳閒居之賦在堂有華顛之憂義合陳情懸闕抱
涓滴之寸丹忠當盡命欲奉毛公之檄恐孤楚子之
緋故未能供職於一方所猶急起恩於千里者也謹
馳箋以揚賀祈舒莞而鑒誠倘得藉其烏私敢不圖
於雀報遂披委曲俯賜慈憐

啓雋類函卷四十八

三八

啓雋近體卷四十九

類函六十一

東吳俞安期羨長彙編

上饒王嗣經曰常同輯

建武羅振世結璘訂定

內臺部二

賀總河漕初任

賀潘印川總督河漕啓

再起

明唐文燦

運津通帝甸公評方表夫舊勲逸野隔君門巨任忽傳乎新命自非藉宸衷之特鑒安得舒台耀之沈淪蓋頃者河決地虧頗類風雷示變乃茲焉霧披天霽俄隨日月呈輝督府賜環佇廓前勞以殫石畫都臺

啓雋類函卷四十九

受戒擬申後渥而續泥封駁駟乎入冠仙班曳履之聲且微勃勃矣出離士伍掛冠之念遂殷皓首起家劉忠宣遭際不若丹心謀國李襄敏對揚未如惟治河兩任踐更况居里三年遵養拱壁拂微埃而仍白兼金經烈燭而愈黃獨運獨裁綽若輕車之就熟路誰咻誰梗穩如巨艦之在中流坐令水土就平行見乾坤歸正其病卧羊城兩月間纔看除相是瞻鵬路一朝頃乍展皺眉聊憑翔鴈以達荒函撫忱布悃輒效鳴蛩而宣俚語贊喜助歡尚蓄餘懷附陳末幅冀歲固期于勇退頃年尤覺其倦遊客邸乞休事幾成

而復格兵司受代謀暫輟而未忘倘大察幸免罹孽即抗言力求解組庶完晚節少副初圖若夫槐棘收功表樹盡歸于元老因而桑麻樂業庇庥均及于逸民斯誠庶僚群辟所共祈美止故吏門人之私願

賀劉司空兼理漕河啓

明萬世德

出緯明廷陞華起部東南萬里民簷之命脉弘持生裕之原西北一葦天府之咽喉獨總漕輸之利聳觀朝野交賴公私竊以國家統一萬方而財賦則由之漕輓江淮合流衆水而渠道則達之京都運載專制千度支修鑿特付之平伯惟其任大而責重是以事

啓雋類函卷四十九

異而曹分豈誠兼官之難亦是全才之少關中之留蕭相雖補軍轉餉原無兩權河內之用寇恂卽驪駕輦車總屬一役矧下借波濤之力則上收檣櫓之功長江大河之安流輓粟飛芻以不匱於赫聖代標挺貞儒茲蓋伏遇某官心抱一誠身兼數器早儲中秘精專感太乙之下窺旋掌禁垣忼慨建三庚之上策嗣蜚聲于潘臬旣炳業于節旄栢臺總綱紀之司銓部倚權衡之任抗疏乞養一身其寂寞而還優詔起家諸公競推輓而至當淮黃分合之未決屬漕河矛盾之有因上眷鉅公兼總大受水平水鮮包原隔而

滙滄溟舳尾帆聯載軒輶而歸紫極合斗映奎連之
遐壤奏地平天成之膚功正玄武之獨班玄圭是錫
思袞衣之有闕袞繡來歸某鄉國孤生邊垂遠裔魚
魚無技徒慚歲月之虛糜鹿鹿長途竟謂馳驅之奚
補項濫竽于專閫候負乘于介藩誠幸蕩寇以恢疆
總是因人而成事捷書方上妄擬丙枕之安貝錦忽
張幾下庚牌之召兩年外徼三度夷天漲海長清已
偃波濤之洶湧倭山旣觸又經坎壈以崎嶇遂闕然
生平之私尚踈爾門墻之賀在冀之北此時徒懷一
相馬之心維斗之南何日得遂不封侯之願敢布四
啓雋類函卷四十九

體切俟兩端

賀楊尚書總督漕運河道啓 明王在晉

萬邦重計中臺擅節制之雄四瀆滙源官保受平成
之寄兼命允從人望特恩宜自天來中外歡騰神人
慶洽恭惟某官受天間氣爲國重臣瑣闥封章補綴
玉龍之袞藩屏侯度茂揚威鳳之標佐邦教於陪京
偉矣匡時碩畫仗節旄于開府燁然震世風稜卿階
晉位三公官秩崇登八座治河得乎上策經國抱彼
先憂衆議盈庭帝心自能簡在僉謀築舍大臣獨有
擔當特重總河之任并膺督餉之權三千里之芻糧

保無咽喉之梗億萬年之王氣常培命脉之原白馬
障流河伯同效靈于海若餘艘銜尾舟師不驚檣於
波臣其關析冗員部僚未屬龍門天上閱觀未遂鳬
趨鳳詔日邊重異可知雀躍敢佈野人之悃遙瞻明
世之光伏願輶極永寧龍津底定福源滋至滔滔星
海之流曆冀頻仍陳陳太倉之粟轉漕餽餉首稱十
八元功決海注江重廓五千禹服

賀周中丞啓

兼淮撫

明王家屏

門下殿邦重望經世宏猷開府七閩茂著旬宣之績
升華九棘式隆簡注之懷旣爲漕而擇人復分麾而
啓雋類函卷四十九

啓雋類函卷四十九

四

作帥治河治賦乃兼憲節於中丞馭吏馭兵特副戎
樞於司馬保釐豐鎬粉榆興帝業之師屏翰江淮砥
柱績禹功之緒將平成之是賴詎灌輸之足稱聖眷
維新群情允屬某無能愛助但切歡欣謬辱齒存倍
慙稱塞敬乘鴻翼之便附申燕賀之忱慶祉方將掄
揚莫罄

賀劉少司空總督河漕啓 明王在晉

卿位尊崇總鎮繫萬邦之本計法臺臺肅中原擅九
土之綱維輿情慶叶遭逢兼命聿新倚注恭惟某官
望重斗杓氣鍾恒岳彈駁綴黼辰之闕一封直動天

顏旬宣壯保障之雄六服式昭侯度旌旗三輔風占
開府威名綱紀中臺左著銓衡品藻位隣八座地近
三台時論屬老成重地必先國望官階躋卿貳兩權
兼督中丞鐵豸飛霜手承極中朝榮寵彩鸞映日糾
繩羨專席雄班念黃流特係咽喉開鑿寄平成之重
惟餽餉最關根本轉輸操節制之權淮泗安瀾無復
秋風瓠子舳艫銜尾直令紅粟教倉漕輸助萬禩之
靈長疏濬固兩都之命脉龍宸優眷嚳望益隆某關
柝收司莫禁風塵踪跡台躔遠照可勝漢瞻依久
懷野眺以抒誠敬托春絲而展悽伏願道扶人紀身
啓雋類函卷四十九
代天工寵極宸綸館閣著麒麟之業功高元冕山河
銘帶礪之勲

賀總河初任

賀總河刑部尚書啓

明王嗣經

晉專國計節制臺綱以邦國刑措之庸總水土平成
之任兼銜並命異數殊恩薄海慶其得與末屬喜而
加額敢從簡牘特上賀牀恭惟某官以君子儒任天
下重自其聖主之賜第異乎衆人之立朝泰山巍然
有澤物之蘊蓄永壺澄澈有潔已之清標當揚行行
且止之威已道敷政攸攸之祿內持六察外率十連
尚于蕃而于宜并得民而得士河汾關隴誰非俎豆
之鄉滇海潢池盡入轡韉之屬中丞執法既悅禮而
啓雋類函卷四十九
敦詩司寇佑王亦糾民而用典大才何施而不可膚
公屢奏以無前惟此河漕尤關國脉印刊誰其授者
枚卜乃今得公豈操持不易於平生故眷注獨深于
諸老精神所措海若爲之効靈勲烈之成鄴國爲之
讓步奚待玄圭之易卽看袞衣之歸切念某猥以編
氓後塵末屬部條儼在昭星日以遵行喬師周旋近
江河而沙汰何莫非其棠之蔭取不勤野芹之脩惟
是桓譚霜肅之臺安得吉甫清風之頌隨刊疏鑿沾
太史河渠之書輔相裁成銘太常鼎鐘之烈

賀周撫臺轉總河啓

明

法臺晝靜風清萬里之霜宸詔春溫惠渙九天之露
惟君相交傲于已溺乃平成永賴其神功輔微增崇
垓塹慶溢恭惟其官器宗彝鼎節倚雲霄文抽二酉
圖書思流蹇諤武集六丁介冑畧展助勦中外方交
注于安危東南遂益隆其威望勲素高于節鉞簡特
重以河渠當茲宣洩之靡常允藉決排于元老五行
調氣化涇渭析自胸中六府相機宜經綸措諸掌上
力障夫龍淵蟻穴坐清平海若陽侯孟覆神臬奠安
必貽宗社雲飛芻輓大計有裨國家俯慰疇咨仰紆
宵旰將天下服旋乾轉坤之手抑宇內識補天浴日

啓雋類函卷四十九

七

之心其力媿負薪才非捷竹厠戎軒之編戶爲南國
之汲臣惟思懋蔭長披詎意車塵頓遠鸞書臨濟岸
聲聞雲表新綸疊鼓振河庭快觀日邊佳氣華益分
于末品喜倍溢于恒情戀台斗以盤桓徒懸卧轍望
高牙而瞻企莫效攀轅輅感結鴻私聊將燕賀

賀舒中賜總理河道啓

明詹在泮

帝堯軫九年之思簡司空以奏平成神禹忘八載之
勞代天子而勤疏濬淪忻傳往牒喜見新綸恭惟其官
操比河清量符海濶休休乎容人雅度千頃汪洋凜
凜然振世高風中流砥柱方筦司樞密輦東南二百

載陪都忽節授河渠理西北六千里故道蓋以治兵
徐沛曾分拯溺之司開府淮揚兼督防川之任洪分
秦目安危洞燭本原河亘青黃順逆不迷纖悉故九
重一思胼胝元老付之封奠山川而百僚卽揚舟楫
長才堪以治平水土特移北斗坐鎮東方暫資利導
之功旋藉調和之力其濫叨督餉徒程輶輶于簿書
謬領疏河罔效隄防干排決忽聞帝命實多倚玉奇
逢丹服王章原有同斥大義切念高寶以上通惠而
南築堤之役雲蒸萬頃恣深江海濬河之工星布終
年苦集岡陵况中都陵寢漸湮視之河防更重而一

啓雋類函卷四十九

八

路昏墊已極關乎運道匪輕真急在燃眉而救宜被
髮伏願速馳寶筏廻旣倒狂瀾逼駕慈航注逆流泮
水則陷溺之衆因之沾汪濊之仁而源曠之夫賴以
効涓埃之報敬乘蒼喜附以菊萸仰冀垂慈恕乎唐
突

賀新總河部院啓

明李朴

先生繡裳澄清行地脉之維威動霜牙截鮮聳天門
之柱代天子而勤疏濬淪煢煢玄圭簡司空以奏平成
增輝玉鼎恭惟其官精涵珠斗標挺璇霄恒嶽峻丹
梯勲業與青峰並峙潯河連碧漢聲華濯錦浪同清

扶乾坤監砥柱中流納河海會汪洋千頃方宣猷于
相署鎮東南億萬載陪都忽授節于河渠正西北數
千里故道治平水土百僚仰舟楫之長材封奠山川
九重藉胼胝之元老欣見晉登八座旋看獨步三台
某竊備屬員實叨部吏嚴瞻風注緬懷擁篲之私河
潤漸霑殊慙披雲之望第李車莫馭身阻鳬趣廻韓
斗遙欽情深燕忭敬抒丹而申賀謹展彩以敷詞伏
冀瑞協星華恩隆宸極永鏡常浮于玉海槐樞佇拜
夫金甌千秋頌河岳之効靈一代符地天之交泰

賀舒中陽總理河道啓

明王家屏

啓雋類函卷四十九

寵膺節鉞總領漕儲躬提水上之軍歲輓江南之粟
治兵治賦寓部署於轉輸裕國裕民紓催科以撫字
亨屯見經綸之手濟川利舟楫之才三載勞深九重
眷渥肆疏宸綍特晉台階領文昌八座之班司空繼
禹尊豐芑萬年之祚安漢如周邦之榮懷衆皆翕服
其徒欣於庇廈其何力以培風猥辱齒存祗增顏汗
敬乘便翼附布賀私瞻慕殊殷敷宣罔既

賀總漕初任

賀韓總漕兼戶侍啓

宋李廷忠

伏審使華近日寵命隆天財極從容外計晉參於內
計禁班清切列卿高亞於貳卿異數萬來歡聲震動
恭惟某官珠璣騰耀玉種垂芳超然傑特之資養以
粹和之氣六經爲諸儒之倡學術有傳三朝推元老
之尊風流是似鬯聲名於詳試題器業之難量深結
眷懷震膺鑒拔衣繡而立霄漢方言四牡之還轉漕
以給京師猶借列星之重上聰密邇奇畧輳前行真
拜於言語侍從之流聊假途於貨賄用藏之府鳴珂
啓雋類函卷四十九

賀商總漕兼戶侍啓

宋李廷忠

帝陞渙恩民曹進秩持紫荷橐豈特如漢侍臣陪雍
時之遊運紅牙籌抑有賴唐使者領江淮之賦具乎
士論益壯軍容恭惟某官以伊尹之重任諸身以孟

軻之養直其氣秋霜嚴而鷹隼擊幸天地之清明朝陽升而鳳凰鳴真國家之祥瑞胡爲脫冕之不暇遂爾登車而有行盡護戎殺廣開糧道戊校尉已校尉爪牙由是以奮張左匈奴右匈奴有臂可從而斷裂蓋自得理財正辭之義非止爲強兵足食之謀志在澄清胡恤於怨言計有深長獨當於上意擬班禁甫增耀行臺謂建鄴北門轉餉通於六路自紹興南度持節或以貳卿喜得非常之人復行甚盛之典方天子遺采薇之戍滅虜爲期宜國人錄袞衣之詩歸公未晚某猥拘縣組欣聽宸綸韓公老而欲閒尚有懷啓雋類函卷四十九

賀趙總漕兼戶侍啓

宋李廷忠

趨觀清光駢膺異渥歸班卿月知久護餉之有勞進職地官使直持荷而無愧姑煩兼組已慚薦紳恭惟其官胃出于天學造乎古勁貞之節嚴霜不凋忠藎之心皎日可照方荆襄之戍未解惟庚癸之呼是憂肆疇九列之英式過六路之寄覈伍伍符虛籍之獎累萬萬錢朽貫之儲公能爲人所至難人謂召公其已晚夕升金掌朝引玉珂理財正辭率不舛原清之

道遭時建策宜莫先經遠之圖宗社賴以安強夷裔聞之畏服由斯柄用執不具瞻某受清明特達之知竊大厦高明之庇永懷銜結忽聽褒除拘牘制之孔嚴控賀衷而弗敏論思多暇束眷方隆祈厚輔於冲襟庸丕昭於偉業

賀牛總漕啓

宋李 劉

結知宸扆改領餉臺千里餽糧有饒孰堪將指六計以廉爲本疇可易公成命風馳歡聲雷動恭惟某官仁爲已任此心卽禹稷之心謹厥身修所學皆孔周之學安行塗轍動中和鑒名旣震於京師才合居於啓雋類函卷四十九

憲府行行且止避御史已播流聞皇皇者華遣使臣乃煩咨度著駿之登旣美槐龍之對可占留蕭相於關中且專餉事任武侯於渭上武敏戎功人方罪歲之時天遣福星之止序諸侯之上暫借重於王人折千里之衝卽還歸於政地某比緣井改益覺困窮雖飲水食蘖以自將然求牧於菊之未獲置郵傳命喜聞君子之得與升斗疏恩庶免波臣之涸轍其爲忻懌罔旣敷宣

賀黃尚書召撫江淮啓

宋劉 宰

策四道之勲正八座之拜湖邊風月雖遲賀監之舟

天上星辰趣聽尚書之履少稽雅志足展壯猷諒緩身謀而爲國喜切以制變以倉卒爲病功成以持久爲難方遠近之寇首尾相銜而饑饉之民頭顱不保一朝至止百青叢之資不預儲謀非素講使綿亘三十州之民命盡獲更生懸絕一千里之盜區相繼撲滅可謂難矣又有甚焉夫已汰之兵多窮於無歸已息之寇多發於不測故蕭俛段文昌之議爲患於河朔而盧循徐道覆之禍反酷於孫恩所以四經改歲之期再頒口任之命豈但北門臥護選代實難蓋亦當宁顧憂責成甚重惟其算無遺策故能事爲之防

啓雋類函卷四十九

十三

提封廣而窟穴盡除歲月深而芽孽不作彥國青州之政雖已勝爲於中令晉公淮西之歸豈應遽反于午橋弼予一人宜登揆路典朕三禮是爲假途恭惟某官以世儒業爲國元老一夫不獲如推之溝中萬變沓來猶運之掌上而又招徠衆俊駕馭群雄使窮谷深山皆若旌麾之親到武夫悍卒常如鈇鉞之在前迄成駿功盡杜後患驩美旂常之績屹然巖石之瞻某顏因病改志與年衰以在諸生之列而喜先生之升故以愚者之衷而裨智者之得觀東閣之士雖莫遂於此時從山陰之游尚有祈於他日

代外舅賀丘尚書鎮江淮啓 宋劉宰

伏審以大司寇駐古揚州河洛腥膻式後甲兵之洗江淮表裏巡瞻節制之雄十乘啓元戎之行萬里屹長城之衛天開廟畧雷動歡聲恭惟某官沱潛圯下之子房慨慷隆中之諸葛甫賜太常之第即膺孝廟之知金馬石渠屢上禁嚴之直虎符龍節徧更穰浩之區於今全蜀之民尚思何武之去旋歸紫橐力抗皂囊謂外攘須本內修而遠來必由近悅倘苟一時之快意能無後日之噬臍衆竊違之我則異是秦淮鍾阜出司留鑰之嚴灞上棘門屢覓更刀之折乃卷

啓雋類函卷四十九

十四

典刑之彥屢陳藥石之言罔敵我師徒得君重內聯法從峻文昌八座之班外總師徒刷靖康百年之耻願益量於彼已以內固於藩垣男耕女桑盡復邊鄙之舊壺漿簞食庶來遺老之迎遂戢干戈進調鼎餽某猥將使指阻叩賓墀登灞道而望長安雖莫陪於先覩勒燕然以銘漢德尚有冀於將來

賀丘安撫啓

宋李廷忠

望帝王州之王氣鎮以從臣得子男國以庇身幸哉屬吏方佩印近民之始敢奏書下侍之前恭惟某官洙泗正傳岱嵩偉望摘辭爲風雅之伯發政號神

之君冠虎榜者一二人昔已推公輔之器登鵷行者四十載今猶著侍臣之冠固知材大而用難豈有道尊而處外剛正自守夷險弗渝半天下之山川華轍幾徧滿朝廷之卿士茂績誰同莫難於日幾轉餉之浩穰莫重乎坤維作屏之靖肅剿裁已熟譽問甚休

賀杜安撫鎮兩淮啓

宋方岳

伏審渙發綸函晉登藩鎮勲業聿高於泚水聲威誕播於淮壖恭惟某官國之蓋臣今之儒帥崇詩書說禮樂窺聖域之妙而探其心安邊境立功名關武夫之口而奪之氣此所謂有用之學賴以濟多難之時

啓雋類函卷四十九

十五

故雖鼙鼓之夜嘯頓驚風鶴而宵遁肆放一札增重十連帝曰俞我夷吾而何患功亦偉矣召季布而可知某聞命云初颺風以喜兩淮猶左右手正資幹運之勞九重披輿地圖更竚經綸之畧敢因慶幅以贊壯猷

賀揚州趙安撫啓

宋李廷忠

疇庸已試拜命爲連地官小司徒夙重神臯之領江吳大都會重訢督府之開初令肅然休稱藉甚恭惟某官才名誇手賀白德望冠平毛原巨縉釣東海之鯨壯懷慨慷赤手縛南山之虎奇畧深沈

又陞之

一鳴見華衢之四達宣外勞則候壤使天之惠洽內署則郎星卿月之輝聯六曹惟劇於左氏三輔莫難於內史獨以論思之暇兼夫彈壓之能乃眷雄邊實惟舊部木牛流馬熟聞濡轡之驅赤岸洪濤曾借高牙之重遺恩猶在新命載頒兒童至於拜迎草木爲之鼓舞玉關坐鎮想無奔命之書鼎席正虛行有追鋒之召某器非適用分合歸耕念無地以置雖僅得州而如斗幸依仁之密邇且事契之疊重並席題名頗記曲江之勝集同臺贊治難攀禁路之清遊張門仞之久違屬藩封之大啓頓足自喜此身不孤是

啓雋類函卷四十九

十六

姓後同姓之天敢不敬也小國仰大國之雨願以

之

代賀總督漕運戶部侍郎啓 明吳守道

漕河稱要地九賦攸關南省列崇階萬邦爲憲惟僉謀之交譽肆衆職之兼谷企仰上台肅申慶牘恭惟某官行全九德道貫三才蚤蜚甲第英聲遂負鼎彝重望忘身徇國勵蹇蹇之精忠正色立朝抗諤諤之大節留都治賦業奏績於右曹御府署名擬登庸於中極念京畿警之心腹而淮河擬夫咽喉祇命元勳總領大計仙舟巡貢河伯先驅其狂瀾軍令靖嚴神物護持其保障艫舳蟻附曾無鯨浪之虞露積鱗比美有狼煙之警軍餉常盈於西北民力不竭於東南

啓雋類函卷四十九

十七

周文襄之轉輸古難專美陳平江之經畧今其婉隆憶昔公登乙丑之科號稱龍虎某從曲江之宴追逐驛騶誼篤弟兄情深骨肉迫隸行部祇奉憲條恩仰庇於二天心罔間於兩地頃聞簡命授節鉞以撫綏特進兼階覲宸旒之獨眷行看召拜慶吾榜入相之多佇聽論思賀聖主得人之盛

代賀漕運諸尚書啓

明程世奇

北斗高懸七省轉漕上國西臺峻陟兩淮撫衛中都旌旄甫蒞之時已卜河清海晏乃節鉞既臨之後應知食足兵強國計無憂民生有幸恭惟某官百川

砥柱四鎮長城氣奪三軍雖萬人而必往才傾萬
卽八斗以非倫毓三晉菁華天表臚聲先唱沐五
恩寵御前諫草頻封按轡先奏幾落百僚之膽
古豫力扶八印之風鑑衡增耀于詞林多士傾心
省在席普沾干法座庶民佩德中州臺丞履獨坐
尊殿中自肅廷尉操共持之柄天下稱平繕修大
補于工程聲隆起部綜理多裨于倉廩望重版曹
久矣簡在帝心廷推共與一旦聿新王命輿論咸
歸位正司農總攝西北東南劇省秩兼開府統領
軍民將吏兩途太府之盈縮出入相資中原之清
濁安危所係

啓雋類函卷四十九

十八

况水盈泰日桑田皆變滄溟地赤淮揚老稚盡填溝壑海寇縱橫狼福灾民嘯聚徐邳自非命世之臣曷展匡時之畧果臨巨鎮旋布宏猷措心上經綸足國裕民而奠陵寢運胸中兵甲安邦濟世以靖邊烽幸觀樂利之休永享平成之慶某治兵海上嶺非鎖鑰長城督餉吳中愧乏轉輸良策久知覆餗常慮脫巾親約東方新幸持循有據弟緣明禁阻絕躬逢遙中雀躍之忱仰祝龍光之至伏惟鑒啓曷任歡欣

賀總漕陳公啓

明趙世顯

東南爲財賦所需漕河實國家重寄自匪才兼文武

詎能展厥謀猷恭惟某官一代偉人三朝舊德累膺
清秩中外之望攸歸屢陟崇階山斗之瞻尤切茲以
司空之貳復承天眷之隆千里長淮式與兵戎之重
千軍餽餉總歸飛輓之權兵食賴以調停朝廷於斯
倚重仰惟敷施得大體上益當乎帝心尤知運量合
時宜下愈孚乎衆志某分猷江上規整飭以何裨注
仰臺端惟瞻依之是切寸忱敢輸于一札仗庇肅藉
平二天伏冀俯垂未照鑒此微衷敢不理餉詰戎誓
俯竭乎方寸效忠宣力期少助乎涓埃

賀撫院到任啓

淮撫

明徐 榛

啓雋類函卷四十九

九

制府持衡駿命寄江河之重樞垣運畫鴻名延宇宙
之光借疆理於東南安危允賴輓芻糧于西北軍國
攸資德澤旁流外閫仰藩宣之績聲華鼎重中原服
衡鑑之精家禮樂而戶詩書造施入爐錘之內正綱
紀而揚風化經綸在指顧之間膏潤江淮遙覩爲霖
霄漢勳齊泰岳旋看曳履星辰宗社慶延生靈悅懌
某昔膺守牧積欽震地之洪聲茲忝臬垣快覩如天
之偉烈敬裁尺牘虔布丹衷伏冀憲度之優容莫罄
鄙私之欣戢

賀李總漕加銜戶書啓

明樊王家

恭諗芝函下賁樞列誕躋靈之命脉在南漕功高
甸天之喉舌曰北斗秩冠周官惟德望之垂隆故恩
綸之有赫謹齋心而展賀肅拜手以颺言恭惟某官
秀毓金臺名高玉樹筆下縱橫三千禮樂內則聖而
外則王胸中藏翕數萬甲兵文爲經而武爲緯早綴
巍科之選夙蜚名世之聲歷中外以揚休兼德刑而
並用士遍在門之桃李人思所爰之甘棠信以身繫
社稷之安危帝心日簡爰承命而制秦淮之兵食使
節星臨緬惟國家待給於東南名號咽喉之重况乃
士卒騰呼於庚癸時勤宵旰之憂非鎮壓之得人孰
啓雋類函卷四十九

三

風斯下去天尺五聊修燕喜於魚械伏願德與位亨
國因人重出則叔虎入則周召徐登二十四考中書
川作舟楫羹作鹽梅不固億萬千年大曆

卷四十九

賀邊鎮初任

賀婁樞密赴邊鎮啓

宋李廷忠

禁座疏恩宥廷置鄂方漢單于款五原之塞請受綏
縻由宋司城折千里之衝宜登極用國有元氣士皆
歡顏自古夷狄叛服之不常在今廟堂安危之必審
以干戈復讐祗取侮之道以金繒結好豈得已之爲
觀列聖之遠模知本朝之強勢遠人相戒慎勿開邊
隙爲司馬之秉鈞澶州一舉足以定虜盟本萊國
之籌帷幄宜茲制勝之地屬我達尊之儒恭惟某官
後學所宗先民而覺其潤物之功如高山蓄雲而泄
啓雋類函卷四十九
雨其容物之量猶巨海包乾而枯坤集此大成超然
遠用有風采紀綱乎朝路有文章黼黻乎帝躬一居
州獨如宋王何爰奉身而急退二大老盡歸西都猶
俟駕以徐行聯兩宮法從之榮躋八座文昌之位節
詞頭批勅尾忠謇有聞究皇儀展帝容直清是賴顯
拜未踰於月籥崇班已列於星樞仍以上賓游於儲
禁俾習知軍國之務將共圖社稷之勲絃轍盡更
懲王恢首馬邑之事樽俎坐運孰如汲黯寢淮南之
謀然武不可黷焉可忘而和雖足賀立足恃是必簡
蒐軍實鋤去將驕留屯十二便非無用之空言番上

十六衛有可行之故典計謨素定聲焰益張所謂有德以尊朝廷自可不兵而威天下橐方偃伯未多管晏之權謀真枕歸疆斯顯旦丘之事業景風蒙真賞晚脫冗流強顏來試於庖刀末力難穿於魯縞佇俟東陵之瓜熟歸校南國之棠陰忽聽嘉聲頓回懦志既見師居大位豈容下有棄材連三書至光範之門似成銜鬻提一箠爲蒼生之福終入陶鎔喜則無涯言之未暢

啓雋類函卷四十九

五三

賀任撫臺陞邊鎮啓

明謝朝佐

仗鉞臨戎萬里重干城之寄建牙開府中樞禦捷伐之威簡命載新永銜益峻恭惟某官經綸蓋世文武憲邦繡服多冠久握激揚之柄青油熊軾坐銷瘴癘之氛蓋江表提封制置已資於方叔而北門鎖鑰綏靖更切於萊公茲移置於邊陲實瞻隆於黼辰風行朔漠胸藏十萬之甲兵國有長城地輦金湯之保障某負材樸樸久欽憲度以周旋叨役簿書幸際雲天而覆冒恭聞傳柑之喜牛馬莫效於奔馳仰荷樹藝之恩燕雀共紛於鼓舞僭忘卑眇上賀尊嚴伏願懿

啓雋類函卷四十九

五四

燦英猷邁勒磨厓之頌輝煌異數洊膺象鼎之榮

賀梅中丞啓

大同

明王家屏

三雲重鎮特隆旄鉞之司五部名王盡仰冠裳之化彈壓必資於碩望經綸允賴於長才門下國器天成性樞神縱嶽峙淵涵之度文經武緯之猷糾慝繩姦夙抗貞標於柱下除兇戡亂直收勝算於行間大難既平英聲益暢詩書謀帥本簡在於上心樽俎折衝已預徵於遠畧精神渙汗一新幕府之科條符采振揚頓肅山河之氣色如某朽憊向忝提攜自廢處於丘樊永隔闕於人世禍緣未盡竊幸受屬爲部下之

氓茨疾殷纏不克執勒充車前之卒正恐自棄於名
教猥墮下濟於天光既慙美袞之褒兼損多儀之賜
寵違其質感結於心薄致芹誠聊抒燕賀覲惟鑒納
良切瞻依

賀黃中丞啓

寧夏

明王家屏

卿月臨邊地盡河湟之域使星越國天關鼎畢之墟
道遠曷云能來欣然倒屣喜極直延之入率爾披函
乍啓蓬心頓伸稿項門下一腔正氣八面雄才保釐
朔漠之疲昨熙如化國藩屏王庭之要害屹若長城
惠浹棠陰居則愛去則思襦袴同聲而尸祝威行榆
檣雋類函卷四十九

廿五

塞貳而執服而舍瓊表帖息於羈縻三雲之岫峙方
殷適拜中丞之命十乘之啓行甚遽遂總大帥之麾
鷁鵠懷我好音感格允需於恩信熊虎賈其餘勇駕
馭實賴於英雄西夷款而東夷之款斯堅秦人安而
晉人之安彌稔竊鄰光其孔邇儼若承顏慰台度之
曠涵依然注念溫訊將春風偕至新恩與宿澤交醴
在洪慈不自覺其綢繆於朽質則曷堪乎隆繹徒荷
踰涯之渥莫知報德之階聊附一楮用申三祝所願
鴻勳茂樹麟閣崇升亟維宗社之安不造寰區之禍
薄緣未畢翹佇惟殷

賀胡中丞啓

大同

明王家屏

大廷推轂宗上將之韜鈴重鎮擁麾肅中丞之斧鉞
班高獨座寵並登壇燕喜維新鴻聲茂著念茲雲朔
之地適當夷夏之交數載以前迫於黠虜四州之衆
幾無完民自通關市之盟稍息邊陲之警顧頻年操
畚人力重困於罷勞舉國校戈士氣漸虞其積弱信
信投骨方挑五部之爭悻悻當輪詎戢一朝之怒恐
恃和而滋玩思制變以彌難矧歲荒時疫相乘頗嘆
庚癸乃將悍宗強莫制兼慮蕭牆匪賴名賢疇堪節
帥門下文章一代之英才畧萬夫之選含香清譽夙
啓雋類函卷四十九

廿六

寇仙曹借箸深謀僉推武庫雲中射隼風高塞北之
旗渭上蜚熊夢入東河之軾迨更憲府兼總戎行綢
繆周牖戶之防操縱制疆表之命膚公屢奏時望咸
歸肆簡帝心俾導閫寄絳騶玉佩儼風裁於中臺青
幕牙旗凜霜威於絕塞授以非常之任隆其不御之
權爲王爪牙蹲重關之虎豹作國柱石奠諸路於金
湯源爲憲之才一弛一張本兼文武贊中興之烈以
安以懷允輯華夷其忝屬編氓謬稱國士曩年襦袴
曾賡騎竹之謠此日旌幢重感維桑之庇第京塵正
赤徒髮髯於鷹揚乃塞草欲青尚逡巡於燕賀敢去

疏節實抱微誠肅侯塞鴻督二行馬戔戔之東帛
敬在未將猥喋喋以陳詞喜能盡喻伏希鑒納無既
瞻依

賀李中丞啓 其肅 明王家屏

門下命世人豪殿邦魁傑嶽峙淵涵之度文經武緯
之才執橐而供奉禁中風猷夙著旌旆而旬宣塞上
聲績彌宣輿望所歸帝心特簡臨軒推轂遂由憲長
而陟中丞開府建牙乃起儒生而登上將屯燉煌酒
泉張掖諸郡再拜榮平撫赤斤罕東哈密諸番復封
定遠偉哉三軍司命屹然萬里長城第某忝託同袍
啓雋類函卷四十九

賀郭中丞啓 宣府 明王家屏

四夷種落號猷猷爲天驕九塞藩籬至宣雲而斗絕
節鉞領之使相駕馭賴於英雄門下文武兼資才誠
兩合諫垣荷橐夙撫獻替之猷戎臬分麾久著經營
之烈肆膺宸綍晉總師于圻父爪牙屬囊韃而雲擁
關門鎖鑰戢鈴柝以風清將吏具瞻士民倚慶其忝
隣封部不勝孔邇之情第阻堂堦莫展未將之敬敢

乘便翼附薦溪毛伏冀鑒存曷任欣忭

賀邊鎮啓 明田一鵠

恭惟門下文武之資朝野之望備兵塞下久推鎖鑰
之勞授鉞朝端獨擁旌旆之寵不喻時而旌旂色變
允宜謀帥於詩書甫行邊而北虜膽寒何俟策夷以
表餌知真儒之無敵見中國之有人顧疆圉之與廟
堂孰爲至計惟命圭之燕相印峙待元功私願屬望
於後塵共覩啓行於先乘何勝踴躍敬此敷陳

賀黃與參中丞撫閩啓 明費元祿

雲麗彤牙萬里剖王麟之瑞霜凝黃鉞六衣騰金鵲
啓雋類函卷四十九
之華方威稜遠愔于江區矧棣萼駢輝于京國歡殷
兩地色動三軍恭惟某官景緯儲精崧嶽發祉宏材
惟王者佐姬年呈非虎之繇英略殿天子邦周日負
爲龍之望環傳白王家襲慶于三旌鈞探黃金代馳
徽于九域朝右咸推于顯世海內共式于具瞻拯起
橫頽斷鯨之功相半踐敷中外祥鸞之業少雙袞繡
更緇方適館于畿鎮綵綸如綍爰開府于閩都軍令
初申而炳燁人情先夷而茂豫南看蟠木已聞風采
而來威東顧扶桑遂警聲靈以納責行見威加銅柱
三陲消赤白之囊德動碧輪五色抱黃朱之珥泰山

若礪盟存刑馬之盤深谷爲陵功在勳燕之碣茲者
纔臨武帳感依柳于采薇曼觀禮園慶連枝之發藻
知靈基之發祥方永信堂構之競爽彌新其父奉儀
刑過蒙陶鑄陌棠青匪從四民聆勿剪之歌壇杏緋
農偕諸士頌栽培之澤雖八閩之作鎮實三楚之長
城控制未限于天遙撫循尚滋于河潤望戟門于嶠
外恭申燕賀之私瞻藁表于日邊阻效鳬趨之敬照
臨有地鑽仰無階

啓雋類函卷四十九

又廿九

啓雋近體卷五十

類函六十二

東吳俞安期羨長彙編

上饒王嗣經曰常同輯

吳郡胡梅白叔訂定

內臺部三

賀各省巡撫初任

賀韓督撫啓

宋李廷忠

天上隆名已近三台日月人間巨鎮實雄九郡山川

一萬里迅絕雲霓飄飄壯翼四十圍寒通霜雪挺挺

貞姿赤舄袞衣知相業之未墜高牙六纛喜家風之

尚存方聞駒轡及郊又被麟符分閩惠沾丹鼎幸已

啓雋類函卷五十

令鷄犬皆仙忱寓素書悵莫與馬牛下走

賀秦龍學除帥啓

宋曾鞏

進參內閣就正中權聳然休光服於衆聽恭惟某官

智周物表識在幾先疏達變通之才蚤推於朝論英

奇敦厚之氣實嗣於家聲惟先朝辟國之初而執政

宣勞之際總齊邦賦已逾於三年曠領帥權各遍於

諸路山川不離於指顧草木亦熟其威名故一朝疏

授鉞之榮而舉軍恨登壇之晚幕府惟舊號令更新

某積媿疎愚久塵聆獎忘意功名之會耻辱文字之

間儻許屬轡獲伍西河之士猶能載筆往銘瀚海之

師瞻頌逾深情誠罔既

代賀張魏公除樞密使督江淮啓

宋吳 儼

光膺策命進長樞臣兼太公九霸之征督安石諸軍之事士氣百倍輿論一新恭惟某官命世奇才應期碩輔盡獲諸將威名素震於華夷耳造皇家勲烈獨高於今古屬太上兼南北之愛而宗臣更內外之除二紀山林益係四方之望同時將相獨移一老之尊蓋天心有悔禍之期留人傑爲興王之用果亟還於湖海遂專付於江淮人心恃爲長城國勢重於大呂啓雋類函卷五十

將成功於不世復出命於非常會群后以徂征當無待七旬之格至太原而薄伐期立成六月之功其項守留司深虞邇瑣頗豐府庫以備師徒逮茲幕府之開乃在海隅之遠莫預功名之會徒深傾屬之私羽檄交馳籌帷良勛願謹饗發之節永予家國之休

賀林侍郎開府江西啓

宋戴 翼

光奉恩綸重開幕府圖書晉陟躋西清次對之星班牙纛益光增南浦朝來之雲氣封圻仍舊號令轉新恭惟某官身負兩儀量苞九寓所養者得聖賢之定力故發而皆翊輔之宏摹粵從更化以來暨於嗣服

之始孤忠貫日一手補天上屢形宣室之思公未薄淮陽之治耳三吐握陳使君之舊榻無塵十萬歌謠常觀察之愛碑重碣方擬衣歸周之袞袞苦攀借冠之轅歌轉上聞詔由中出迺瞻畫棟珠簾之舊屏載煩金華玉筍之儒英星分翼軫地接衡廬頃增氣象早作霖雨川用舟楫行會雲龍某昔忝門生出冶鑄陶成之下茲叨屬吏在車塵馬足之間况生平吾鄉父母之邦又幸其年家子姪之列并四者美爲一身榮機會鼎來精神益倍禮因燕賀情露烏棲瞻東壁之星恨未際仙槎之便激西江之水願少蘇洄轍之啓雋類函卷五十

賀李安撫啓

宋戴 翼

內閣陞華光射斗魁之次南昌申命春生帝子之都環望俞隆輿情膏慶恭惟某官人物琳琅於昭代家聲儀表於朝端老成重厚如倚泰山而坐平原洞達疏通若駕輕車而就熟路自躋膺仕屢展壯猷惟奸儒之君以未能得天下英才爲朝廷羞惟憂國之士以不獲行聖人實學爲終身恨獨我公者其其人哉入接武於夔龍分宵旰九重之寄出齊驅於申虎控兵民一路之權恩威已遍於江西冠冕宜通於南極

何分疆之不改俾牙肅之重新草木素熟於威名
故江山不勞於指顧科條存布恩愛愈孚位列九卿
復參華於朝著職嚴內直益增重於帥連恐未究於
蕃宣已寢隆於委寄朱廉書棟喜聞圖任於舊人衮
衣繡裳行見楊休於天子某久叨屬吏又出師門覲
帥垣疊拜於璽書恨慙閣莫陪於珠履一邑如斗再
依大邦節制之雄尺素有書少效小夫竿牘之敬其
爲稱賀難盡編摩

能品 賀衛參政除召起再撫江西啓

宋李 劉

啓雋類函卷五十

九重圖任起東府之元勳十乘申咨撫南昌之故郡
蔚慈棠之未翦紛騎竹以爭迎四履歡然重臨幸甚
恭惟某官智仁且勇直大而方峴山片玉之挺生天
寧無意虎丘一輪之未滿公亦何心然夷狄之問寇
公與兒童之誦君實是關國體難久家居與我處畎
畝之中只成歸潔使人得湖山之外盍尉去思宜煩
熊旂犀節之嚴更借鶴嶺鸞峰之重軍民雷動共欣
吾父之重來道路風傳仍喜我公之未老凡自卯至
酉之交說蓋先甲後庚之素李善人七年流秋殺春
生之惠天長一色洗星移物換之悲昔黃霸之於頽

川及馬總之於鄆鎮雖云丹洳詎足並言蓋申命宅
南之咨乃歸公于東之漸魁台齊色益足光牛斗之
墟霖雨思賢會即騎尾箕而上某一違材館四候觀
臺造舟爲梁鬢已達於灝瀕荷戈與父骨幾橐於褒
斜難爭汗馬之功徑返屠羊之肆忽聞閱禮樂之有
帥喜至捲詩書而欲狂偶見苦於小兒未得詣於大
府下榻而延孺子詎敢希舊物之收踵門而告文公
惟當致新昨之敬

賀李制置開府江西啓

宋方 岳

啓雋類函卷五十

之輝於皇玉壘之威增重金陵之勢帝意若曰時方
顧憂盜亦吾民何至帶牛而園起轡爲黥虜幾欲牧
馬而內窺使長江得人如孤羆之據深叢則絕漠之
域寧匪兕而率曠野繼我宗彥維時人英恭惟某官
風神肖老聃之仙文物孕長庚之秀維弼畫河朔十
三策每慨然於俎豆雍容之時而敢爲小范有胸中
百萬兵雖投之於羽檄交馳之地而不亂粵從鷁旌
出擁霓旌遂令落霞飛鷺之墟俄有明月大熊之警
乃睠陪京之重通同留鑰之嚴俾盡護於列營諒聳
聞於遐裔養彼小醜行當折箠而笞之知吾中原可

且傳檄而定矣用底碧幢之績遙觀赤舄之華江左有夷吾而復何憂父歸朝望中國相司馬而無生事已折虜謀皇矣吾儒偉哉此舉其屬聞綸綍如拜麾旄人一天我獨二天覲重啖安期之棗行百里半九十適將及楚戍之瓜盍少俟於須臾幸毋忘於疇昔

賀鄒給事鎮楚啓

湖廣

宋王邁

綠底藉綸紅牙易鎮煩公護太子久焉思羽翼之功借君重淮陽示以歸禁闈之漸湘靈起舞嶽后前驅恭惟某官道傳賢聖之心文續周秦之脉虎榜首登啓雋類函卷五十

卷五十

六

鳳池身到固地位之宜然鰲頭寵重鶴髮恩深尤人生之鮮儷付科名於餘事守節誼之大閑方鼠穴權門趨者成市而螭坳直筆屹然如山及調更化之絃時方多事獨衛出疆之壁義不辭難入還班行進掌封駁誰不批勅鮮有如何郊之力爭因此結知故每見殷浩而輒喜居中未久外即行國事日新比貞觀初年而何若君子一去覺貞元朝士之無多心戀闕以常丹髮憂邊而漸白惟有甘棠之蔽芾遠到海頭最宜叢桂之婆娑久留春脚歡聲無地可著最課爲天簡知太史夜占喜長沙之星見行人朝發趣衡

啓雋類函卷五十

七

岳之雲開寶閣陞大學士之班輕車奉太夫人之養衆皆爭先而稱賀僕知大用之有階蓋當夷夏消長之交未決和戰依違之策春秋復讐之義大乃素學之欲行英俊在朝則本強正善類之所屬有以中書何無寇公爲問者當以吾國即相司馬而答之伏念某讀書不多合世更寡比奉槐楓之對空意盡言不知草茅之踈轉猴觸諱甘輸三籌而不悔僅忝一命以進身冬已及於瓜期夏方趨於蓮幕始仕曰筮或者卽初而覘終事長必忠安敢以順而爲正竦聞元帥來鎮此方幸以鄰壤之諸生得爲油幢之末吏雖素於左右本無介紹然見之方冊不昧平生況進士題名旣接鳳雛之武而小人有母敢希燕喜之榮倘推老吾老幼吾幼之心當無中不中才不才之間曲憐臭味俾托帡幪待我不以衆人倘少垂於異盼因主可以信客竊自激於懦衷

賀王待制鎮荆南啓

宋宋禹圭

報政中都陞華次對密綴甘泉之法從維鎮長江之上游頓寬南顧之憂其得左符之選斷由當宁喜見在庭恭惟某官才爲吏師術本王佐剛誠百鍊試之而所向無前器受萬鍾用也而尚虛其半召應武康

之誥入騰京兆之聲三府交稱十行渙號紫荷陞禁
橐之貴黃金賜華帶之榮謂游刃解牛既彈壓輦轂
之下想虛絃落鴈必折衝樽俎之間誰謂公安乃得
君重將褒然列置上衮須遠矣賢若長城落日樓頭
想未款依劉之對受釐席上顧已深見賈之思其謬
沐知憐方承庇履隼旗在望靡皇前綴於賀裾鳳沼
遄歸尚幾先迎於召節其如歡頌罔罄敷陳

賀陳制置出鎮荆楚啓

宋李良臣

密奉隆恩顯膺異數推諸道兵權之重任一時帝命
之專久鎮侯藩增光幕府凡居節制第切欣愉恭惟
啓雋類函卷五十

某官濟世才高立朝人傑文章出於餘事術業本於
壯圖尚卻穀之詩書兼吉甫之文武忠誠夙著金百
煉以難回正直獨行玉三獻而始辨感遇風雲之際
會縱橫龍虎之韜鈴藹民望於縉紳結主知於黼屨
邦畿之右伊維而南雉堞相高卧護列城之寄舟車
所會折衝千里之遙統十萬之王師宣九重之廟略
胸中敵國天下長城總戎遠逮於重湖禦武佇靈於
全楚翼遂之息盜賊俾嚮化以自安寇恂之撫吏民
乃迎風而咸定舉賢能於不次錫綬綬於非常許以
便宜展盡經綸之術久於委任倚成捍蔽之功鳴騶

在塗抗旌入境郡邑想聞其風采官寮仰望其威名
其濫預分符側聆視印未識荊州之面已託庇於幃
幪仰瞻元禮之門但馳誠於履舄

賀汪制帥鎮荆楚啓

繁文天祥

中禁出綸上流易鎮尚書天之北斗光動玉垣荆楚
國之西門勢雄鐵壁穩帷瞻落旗蓋風生恭惟某官
意氣吳鉤胸襟彭蠡蒼龍捲四海之水板地威風巨
鼇戴三神之山擎天砥柱表表二三豪傑恢恢數萬
甲兵起觀江漢之危梓坐擊波濤之巨楫峴山落日
追思羊太傅之經營江左流風孰奮管夷吾之慷慨
啓雋類函卷五十

乃易長沙之節乃高建禮之門北繞潁沔南卷沅湘
一新牙纛東達吳會西通巴蜀重整金湯然且計乞
國以便宜於孔明以節制真儒無敵於天下此虜已
在吾目中箭青海弓天山橐駝敵愾益長河塊泰華
樽俎折衝陳六月北伐之詩刻萬年中興之頌式帶
几几晉位嚴嚴某諭睇齋壇阻陳賀履星輝翼軫莫
隨東野之雲龍月滿關河尚策祁山之流馬表旌搖
曳舌筆單疎

代賀聶侍郎鎮蜀啓

宋李劉

躋班禹閣宅牧蜀都輒言語侍從之臣盡護諸將藉

文武威風之帥式遏四夷渙號風行坤垠雷動恭惟
某官胸湛水霜氣噓海岱鸞臺鳳閣積彌總輔贊之
功螭陛雞翹弘獻納論思之益上矜遠服中遣近臣
弄印無以易堯舜峻西清之職披圖指以示禹俾圖
北伐之功惟真學士象十二月之班而大府帥總六
十州之重儼狴匪茹須方叔之壯猷皇帝曰嘻命崇
文而奉詔不但洗岷峨之愴又將蕩秦隴之妖玉壘
旣安金甌必啓某五年承乏百伎已窮賴公爲父老
而來許我託子孫之契田間索栗看卽騰新尹之誇
門外種瓜便可遂故侯之隱

啓雋類函卷五十

賀葉尚書鎮荆南啓

宋方岳

輟班常伯寵寄元戎內閣遂嚴首預龜圖之秘上流
要重獨顓豹略之奇將士傾心羌胡褫氣竊以漢江
揚之南紀疆理是先荆楚晉之西門經營尤重蓋內
接金陵之天塹而外連玉壘之坤維豈惟守國之規
模正得用兵之形勢肆疇傑望往殿會藩十乘九行
亦旣佩龍淵之劍一戎大定將共掛天山之弓恭惟
某官卓識際天精忠貫日嶽降神而生甫允爲命世
之才尹以道而要湯奮負致君之學貳職版省則國
計以裕導旨機廷則王猷以宣連八座於中臺方資

率屬總十連於大府式賴幹才遙望兩都則故宗廟
宮室灑掃有期盡護群師卽舊臺臺塵幟光彩目信
某退惟疎拙深荷眷憐雖謀帥安邊喜遐衝之坐折
然知已在外歎孤跡之疇依意嚮深勤辭訥難盡

賀許尚書鎮蜀啓

宋程敦厚

天開綸綍煥日月之休光雲擁旌旄動江山之喜色
德望久隆於八座威名今浹於三川翹首傾瞻刻心
悚慕竊以禹貢惟叙分五服以正邦周制肇隆統一
連而建牧誕揚聲教實賴蕃宣矧梁州奠而執玉塗
山晉蜀道通而承流澧水文翁建學肇興齊魯之風

啓雋類函卷五十

上

廉范下車咸詠袴襦之政叱馭顯忠臣之操選材揚
樂職之章自非夙著英聲何以遠追前躅恭惟某官
羽儀王室黼藻人文炳靈自太岳之名宗鑒裁得汝
南之品目早飛英於藝圃夙被眷於宸衷謬謬縉紳
之楷模堂堂國家之柱石卿雲呈瑞載史筆於螭頭
紅藥翻堦代王言於鳳閣謀猷出納存膺喉舌之司
事業贊襄克任股肱之倚出專方面隱若長城爰授
節於文昌暫析衝於元帥南陽報政方騰愛日之休
聲右蜀頒條已播陽春之和氣岷峨擢秀參井增光
行俟衮衣之歸卽副金甌之選普施膏澤咸慰具瞻

其翹望履聲疎闕嚴采雪山方重盡欽嚴尹之來
俎若勤願獻王褒之頌

賀董制置鎮蜀啓

宋李廷忠

維大邦屏選諸法從之英有外使車云是慈恩之舊
矧方全制於四蜀疇非仰戴於二天喜兼常倫誠寓
先贊恭惟其官爲國史家本儒宗何王門曳裾之
多獨安退靜宜君子得興之後徑上清華雅望脩名
表表於楮紳忠言譚論拳拳於社稷張燿出境全璧
還朝適當五胡據中原而交侵安得一賢作邊方之
重鎮上之屬意已久公之自任不凡舉坤維六十州
啓雋類函卷五十

賀王尚書鎮蜀啓

宋張綱

伏審光奉宸恩榮膺闕寄凡居屬部舉切歡悰竊以
自昔雄藩首稱全蜀一十五州之士承封疆數千
里地之師盡歸節制實資重
遠方此倚毗之本意恭惟某官
英世功名不替忠臣之後歷朝議論共推仁者之言

輒從喉舌之司出綰山河之柄綸巾羽扇暫寬憂
之懷鼎席台階行副具瞻之望某備員屬郡託在下
風欣憚之私叙陳罔既

賀徐安撫除潼帥鎮東川啓

宋李劉

西漢奏功東川徙鎮占一星之入蜀謂合遙歸不五
月而渡瀘却疑深入賢勞何憚聖眷惟深恭惟某官
胸湛明水膽韜古劍意匠淡經營之表凡馬皆空才
刃游肯綮之間全牛立解入朝屬爾乞郡翻然漢水
爲池民無愁歎巫山猶錦使有光華雲出無心且聊
爾陽臺之下春行有脚又移之轍道之間若時江陽
啓雋類函卷五十

實雄益部地望隆重視古元侯民俗恬熙爲今福地
然天大地大自足著鵬鵬之游何月更歲更獨不出
魚鳬之國殆欲紆憂於西顧卽觀錫命以東歸某越
在師行無由旅賀轅下甚安於局促峽中敢累於提
擎不進不休聞又綴鸛書之末載饑渴但願從魚
服之歸庶因青簾白舫之回一見紅旆碧油而去
賀廣東向經略啓

宋盧溪

伏審光被恩綸還陞秘職番禹聯帥蓋自古之雄藩
旄節宣風實當今之重寄除目一下公道始行恭惟
某官器博而用無不周名高而實亦自稱非獨能紹

相門之大業常自任以天下之奇材忽起江湖驟持
斧鉞南商北宦會五嶺之舟車大蘇高牙控百蠻之
襟帶宜須傑士殿此大邦儻非聖主之搜才豈復賢
臣之得路聊偃息於薄翰行入侍於嚴廊力蘇疲瘵
之民協贊昇平之治其恨登龍之路遠顧賀燕之誠
深其爲欣愉未易敷罄

賀靖江出鎮啓

廣西

宋李 劉

寓班東觀宅牧南郊一道熟於馳驅不勤易地五莞
資其節制何止觀風恭惟某官器諳浚明風猷凝劭
自望郎而襍被進退可觀由膚使而褰帷光華益遠

唐雋類函

卷五十

十五

尋領將輸之寄益高澄按之功帝謀帥之惟艱公撫
封而少駐英英桂林之伯願懋膚功渺渺洞庭之波
尚資餘潤某濫承嘉惠竊倚德鄰湘水安流正藉戈
船之重夜郎爲微敢忘銅柱之威

賀撫臺啓

順天

明宋堯俞

班崇棘署表重視端臯陶以明允詳刑定國以寬仁
治理雲司要職留省舊都恭惟某官天縱偉材神資
巨器陟殿中而執法彈柱後以繩邪轉徙清曹優遊
近署暨于開府未旬洛師偶因賊中于一時遂至龍
蟠于數載惟新啓運求舊資賢京兆雄畿勦方嚴鎮
方荷統臨之寄大宣擁護之功宵柝流聲寒烽息焰
斷匈奴之左臂壯天子之長城加以學貫九流藝誅
六籍地文天紀義貯于心胸論相談生每符于徵驗
時或邊城月滿戍堠風清不妨橫槊而賦詩無俟校

唐雋類函

卷五十

十五

戈而講藝且政惟利物仁切字人利刃一揮亂繩皆
理窮塞被陽春之澤全燕樂仁壽之天歌來何暮于
來時紀末去思于後日具存里諺載在口碑是宜祚
錫分茅功高米芑獨以久勞于外俾之暨逸于中仍
當注意之求方厯得人之念總司制閫不遠歲年某
素受恩知夙承禮遇方鵠原之在難正身府之臨吳
不避豪強力疏冤滯奈刁奴之傑黠挾桓寵之偏私
埋輪欲竟其奸破柱未終其志常存心腹靡有報酬
顧斗山之仰懷之甚深而寒暄之儀缺焉已久聞茲
榮陟忭躍不勝官守所羈無由躬賀聊申短札用抒

徵東

賀項撫臺啓

應天

明王德乾

鎮節威名特借西樞之重京華根本尤榆南閩之尊
祈管柳以過開爲鄉榆而遙慶恭惟某官篤生至人
長祚明主宿應斗牛女井四馴雉于絃歌垣更天地
春秋五披鱗千彈疏容臺暨假名高望省之樓喉署
俄遷光映含輝之洞變白雲而未發接丹鳳以申宣
勅斯制府鷹揚鎮此留都虎踞雖萬幾西北納言資
柄斗之司而半壁東南赫怒仗疑霜之戟懸觀清塵
畿甸旋看曳履嚴廊三輔傾心千官引領某鶴沙無
啓雋類函 卷五十 其

賀孫撫臺啓

應天

明馮叔吉

恭惟某官經緯宏猷銓衡雅望出監畿內諸侯之國
飭綱紀以振頹風來殿石頭王者之居幹機權而銷
彙隙勳標三載譽徹九重遂移鎮于成都俾廣運留
都籌略因控臨于邊境期同歸內境範圍等秩則與
大老參聯要樞則爲元戎節制行見南征之吉歷編

亨衢互舒西顧之憂告成勳闕某叨聯東憲竊慶升
華卽辰獻筐篚以侑函旣率吏民遙拜于江左他日
轉麾幢而持軸尤誇將相並興于山西

賀李撫臺啓

應天

明王家屏

江南財賦幾半九州之饒吳下人文實邁六朝之盛
睽茲重地宜得名賢惟望實之素隆况猷爲之夙試
調停寬猛見吏治之承風振救苗危措民生於安堵
肆膺簡命晉總節桂兼文武之雄資受紀綱之重任
中丞儀采百僚之瞻仰維新左輔科條衆庶之服從
旣稔駕輕車以神駿路失崎嶇游利刃於全牛節忘
啓雋類函 卷五十 十七

賀浙江開府啓

明

嶠客舊弼踞寵元戎詔起東山闢望雅推于三獨惠
綏南國節鎮獨首於諸藩宸命風馳歡聲雷動恭惟
某官安危注意文武壯猷辟臺名重允爲憲于萬邦
仗越功高聿揚威于三輔山中讀禮益徵余佩之芳
越土建牙特見帝環之賜鼙鼓犀渠之部曲廣招君
子六千隼旗熊軾之光儀坐撫都城百二碧幢彈壓
共輦金湯白羽指揮誰姦旗鼓云

賀馬撫臺啓

江西

明何彙征

玉斧登壇萬里榮清華之選金麾秉節九重煥綸綍
之新慶洽邇遐歡騰中外恭惟某官扶輿正氣光岳
玄精衍尼父之真傳地鄰鄒魯沐姜公之遺澤勝誇
瑯琊數萬甲兵駿望獨隆乎朝寧三千禮樂鴻名雅
重於簪紳臺端久肅風霜群治兼垂雨露秉旄全楚
雖三尺之童皆知有司馬相公宣化豫章環千里之
地願見我伏波開府卜天心於輿誦荷帝眷於綸音
花誥燦琅函匡廬生色蘭堦楊綉鉞彭蠡流輝衆皆
云大江以西聖天子無勞塵念君子曰四海之內賢

啓雋類函卷五十

十八

卿相安如我公固當亟召趣中不可久留於外暫司
天憲獨握風裁凡屬幘幘均叨炳耀如某者鄉在信
州竊祿自惟滅影之萌蘆今茲閩臬備員實伏餘輝
干樾陰遇云國士感豈恒情日觀驛書特增驚悃恨
縮地無術徒雀躍以若狂仰斗有懷欲赴而莫効
謹修肅啓聊布賀忱

賀夏撫臺啓

江西

明魯同亭

恭惟某官三吳碩彥一代名流擬鸞停鵲時之資擅
玉潔冰清之譽內外敷歷亦既多年蕃臬廻翔不啻
屢考正已率屬所至茂著聲稱任劇理繁隨在並施

鍾鼎與頌方新矧扈聖之年尤縉紳之所嘆美而用
儒之效又介胃之所驚慚也某夙緣附驥以識荆茲
幸剪鯨而借寇芝蘭投分道亨方慶於彈冠桑梓含
情亂定况聞其安枕依然樂土已興在陳之思邈矣
窮陬敢忘微管之賜

賀陳大中丞啓

福建

明林世吉

擁獨座而握丹書夙慎珪璋之選鎮七閩而懸牙纛
特疏綸綍之恩蓋黼黻素鑒平精忠故鎖鑰用資乎
重寄恭惟某官華國昂靈擎天柱石間氣數千載挺
匡蠡以炳靈名世五百年應雲龍而誕瑞經文緯武

啓雋類函卷五十

二十

裕富饒韓范之許謨繼往開來紹濂洛關閩之道統
條揭芬于製錦遂曜穎于秉駟鐵柱高我攬經矢澄
清之志阜曩屢貢牽裾抗繩糾之章越嶠觀風相府
霜澄城百二留畿振鐸杏壇雨化士三千德度淵涵
霽爾光風霽月儀刑端肅巍然北斗泰山望重寰區
眷隆朝宇納言清秩方資封駁干楓宸秉鉞崇班復
倚撫綏于溶海昔留遺愛尚騰繡衮之歌今借來蘇
大慰雲霓之望運折衝于樽俎預消十島烽烟播風
裁于幃帷潛戢列城饗養黎庶鵲騰而手額縉紳是
凜以彈冠不佞吉樸遯非才些微末品憶披卿雲于

市會赤樞超重資覆露于闔天益深欣躍用濡毫
而上賀谷負弩以恭迎一路瞻福星願早貢旌旄而
康民阜物九重恩霖雨佇召持鈞軸而贊化調元

賀王大中丞鎮閩啓

明林世吉

元老壯猷夙繫萬鉉之望聖皇求舊特資鎮鑰之權
威暢華夷歡騰中外恭惟某官昭代羽儀人倫冠冕
三千年間氣發碧鷄金馬之祥五百載昌期應風虎
龍雲之會經文緯武獨鍾命世鴻猷聳昂霄夙挺
立朝勁節聲望凜泰山喬嶽德度霽霽月元風早驟
首于璇霄遂攀麟于紫極台晉蘭臺而攬轡復咨微

啓雋類函卷五十

三十一

省以褰帷屏翰心勞峻烈揭武夷而並峙旬宣化洽
膏澤沛勃解以同流更喜伊陟象賢翮丹苞而耀瑞
韋成濟美挺玉角以開祥奕葉蕃釐誇後先之輝映
高閎錫羨嘉作述以重光惟世德之欽承故黼宸之
眷界謂閩海當倒懸之急撫綏必藉乎名賢而中丞
位總憲之尊遴選特資乎耆碩金泥寵錫光含仙掌
之霞鉞鉞遙分色煥彤墀之日建虎牙而鎮津津潑
地陽春持角以巡方霽霽隨車甘雨輕裘緩帶胸
蟠龍虎三千玉節丹書手奠金湯百二具蟾山斗七
閩寮案彈冠快覩靈龜八郡生靈加額某澤畔孤臣

林間畸士披卿雲于獨座曾被光華沐覆露于層霄
益深造就茲際鶯遷之肇慶實深見澤沐歡聊申
賀于苔箋敬和忱于栢府伏望龍光之遺賁咸屬鵲
竚以皈依

賀袁中丞啓

明蔡復一

彤弓錫命斗魁聯牛女之輝玉斧登壇閩部增職方
之重封圻惟舊號令方新恭惟某官道岸崇高德園
廣莫陵雲之臺接漢構萬木咸就權衡宵練之匪生
風卻九軍詎形鋒鏑蓋舉龍文之鼎穆無矜容而真
鰲柱之維開有餘力者矣星所臨而為福雨隨澍以

啓雋類函卷五十

三十二

皆其江漢滔滔曾膏卯伯之黍稷陰鬱鬱更覆越王
之城价人惟藩播大千之輿誦明堂計吏書第一於
御屏遂有旌節之花與徽共紫聿開牙纛之府列栢
彌青賜履不改於山川嚴臺已籠於霜日虹霓天使
下賀止人魚驚波臣環朝王氣靈惟風清廉法禔福
軍民會即雷動安攘收寧夷夏丹蜃之樓相媚白雉
之譯自來文武憲邦宜歌吉甫之雅袞繡信處行促
周公之歸某鈞公子之魚靈忘敬梓摩仙人之鶴猶
撫帝棠側耳頌麻矢音擊壤想馬之維駘駕敦路以
何殊然鯢化為鵬擊重溟而倍上問人非問位或小

吏對及子尼謀國不謀家非邵公孰匡漢室侍在幃幃之物薦其沐浴之言如彼深鮮涵以海若

賀董撫臺新任啓

湖廣

明蔡復一

華緯九霄崇牙三楚民歡旁午輿誦克券於天心帝簡先庚廷臣無踰乎使相拜稽嶽后起舞湘靈恭惟其官學貴天人胸吞雲夢光明如日大寤而世無斜陰發暢若風微吹而物皆生氣蒼龍捲四海水觸地敷霖巨鼇戴三神山迴波屹柱宿揆保釐之重新昇節制之嚴惟南紀囊括數圻而中丞鉞臨四岳目營疲涉於智鏡掌運待張於化絃求其刃理牛虛車路啓雋類函卷五十

五三

驟熟八年求定草木已稔威名方寸經綸山川不煩指顧以下車諏俗之始爲開府成功之辰獨軼前聞於燦盛事方廷懸師錫士交贊曰必我公哉及郵播帥麻民相誇言果吾父也豈聲貌之能取蓋望實之兼閱磨岫嶠之碑峴山斯下陳江漢之什和甫方來其執御久慰登龍入幕欲依賀燕幃幃之芘非敢席於恩私臨照之明惟益鞭其頑鈍瀝誠積悃歸命

新條

賀梁撫臺新任啓

湖廣

明蔡復一

朱陵得歲微東鉞於名賢赤帝司辰威登壇之禮樂崇牙方建庇宇知歸恭惟其官白雪清心黃鍾元氣

三山仙島抗鸞鶴以孤鷺百谷海王涵鯢鵬而變化驟接者如水壺水鏡凜然高物表之姿深知者謂正

笏垂紳卓乎任天下之重帝葵南土公領中臺雲夢胸吞吹噓作萬家之雨玉衡手握指顧皆五色之雲想游暑於漢東舊棠未剪歌來蘇於夏口新竹交迎臨見吏民張皇政教彼無情者水沈璧合避於犀牛卽不謏之苗舞千行馴於鵲鳥蓋膏黍之濡自成善種而星榆所福卽是豐年月照參衡庾公來而倍朗風行江漢騷客賦以稱雄環楚甸揚仁懷義震之休佇荆珉刻武緯文經之烈其幕依巢燕路隔趨鳬雖啓雋類函卷五十

五三

啓雋類函卷五十

鄂渚登樓羨承言於參佐然穆陵賜履祇宣德於諸侯及補闕一日之門敢希題獎思敬叔七序之訓良激素餐酉室在茲惟願播無疆之聞晨風可托矢當竭不敏之才

賀沈太素撫臺啓

河南

明劉國縉

洛師爲天地之中樹風聲於八表節鎮重撫綏之寄高月且於三合朝野咸慶得人咸屬允欣藉龍恭惟其官渥注神品吳會名家呈奎壁於天衢試霜芒於水部右雕龍而左雕虎灼然武緯文經出紫闥而參紫微允矣米清玉瑩其願縉縉線辛奉鞭彈自三山

祭戰幸依末照於魁杓乃一介顙蒙仰荷鴻鈞於大
治時念蒼生之昏墊正須宏濟之材每逢赤牘之下
頒益感注存之雅茲者天申異命日麗中原移濟上
之甘棠東周南之節鉞知海岱以東之父老抗杖送
冠君之行在汝汶以北之蒸黎拭目觀臨淮之幟蓋
篤生豪傑宜居鼎鉉之司而簡命英賢寔重腹心之
地三十輻共轂以栖斯服箱之口奏百萬命待公而
活宜拯林之益宏其涓埃未報何能裨海岳之高深
片曝微將益自愧瓊瑤之珍重伏願運動勦之偉略
勒鍾鼎之殊勛蚤闢和門全豫並登平衽席末膺福
壽雋類函卷五十

杜芳名長耀於日星

賀宋中丞啓

山東

明王家屏

三千禮樂定生鄒魯之鄉十二山河特表青齊之域
併爲節鎮領以憲臺必兼文武之資斯稱紀綱之任
門下望隆柱石才裕經綸惠猷夙電於并汾聲烈茂
宣於閩海肆膺簡命晉總戎麾錫弓矢以建侯用詩
書而謀帥親若姬賢若呂服圭衮以保東方禮在魯
詔在齊乘輅軒而考遺俗中丞儀采百城煩肅于風
霜左輔科條衆庶新霑于雨露巡聞代報倍激歡悰
阻賀賓堦懸情慕府神其先往敬在未將

賀撫臺孫公啓

四川

明唐文燦

建節南畿不著保障之偉績頒綸北闕茂膺遷陟之
新恩光華近逼于台垣慶抃遙通于輿壤恭惟某官
才該文武德備直溫操綱鑑以定激揚將吏咸遵其
束約運良籌而周經理丘農悉藉夫帡幪遂協廷推
更移閭鎮惟益州千里古稱天府之土疆若巴國四
封今號里維之都會須借第一流以宣力卽從正三
品而換銜名位彌崇事權轉重都臺加錫命滿朝欽
夢得之仍拜中丞京邸早傳聲闔部詫子嚴之特臨
西境自茲錦城玉壘同江表而永底綏寧凡彼劍閣
聲雋類函卷五十

二十六

石門倚河東以倍成鞏固勿問元吉不占有平某荷
庇最洪騰歡左劇聊發蚤鳴之響少舒燕賀之懷尚
願進介卿而冢卿班聯曳履佇觀收外治於內治化
贊垂裳

賀肅念渠制府啓

四川

明于慎行

伏惟某官學擅儒宗望隆士苑瑣關珥筆鳳高補袞
之勲戟府登壇再建寨帷之節茲者光膺內渥改鎮
名藩回六詔之麾幢暫正西臺之座聽五雲之劍珮
行宣北闕之麻側聞巽令之申殊切泰征之慶敢陳
蕪菲少展遐忱

賀蹇理菴制府啓

明于慎行

恭惟某官斗山碩望社稷貞臣錦里題橋方遂南陔之詠鳥臺正位重歌出牧之章一札絲綸寵命星馳於蜀道隔年旌節歡聲雷動於漁陽幸列鸞班何勝雀抃

賀鄭撫臺啓

明于慎行

恭惟某官命世鴻儒匡時哲弼詞宗學海遐探鄒魯之源流偉畫嘉謨仰接夔龍之步武矯矯千尋之直上汪汪萬頃而不撓襟被天曹舊著山公之啓事蒙惟隴塞新傳范老之威名簡晉西臺保釐東土擁油

啓雋類函

卷五十

二十七

踵而布化岱畎生春仗玉節以臨戎海波息警仰福星之遠照沾膏露之旁流三月而惠問風馳千里之歡聲雷動其曾隨驥尾共侍螭頭隴上輟耕憶舊遊而如夢田間作社聞新政以興謠墳麓猶切於私哀竿牘久疎於公府歌成重袞方將銘日月之常位近魁台行且聽星辰之履

代賀蕭撫臺到任啓

即賜

明姜夔

登車攬轡古人志在澄清開府建牙今代署爲保障矧卽子號炎區之地而荆蠻稱反側之民虎落難馴龍韜莫秘恭惟某官中朝人儔命世才賢久試師干

方叔壯猶於宿抱折衝尊俎魯連決策於立譚廟勝無雙軍容寡二廼者抗旌南服山戎之膽落前茅杖鉞西隅小醜之魂銷後乘蓋經略聲先於有赫而蒙華煥發以無端千里金城一方天塹其同符結綬疆場分叵測之憂聯幕揚麾士馬並無虞之慮所冀勉旃新服展也圖終刁斗精嚴無令山魃聚嘯干戈載輯未忘土著憑陵虔修片楮之緘用表寸衷之悰

賀江撫臺啓

湖貴

明張叔聖

建府新開握黔楚紀綱之重轅門已鎮統諸侯節制之尊吏民後后其虹霓妖氛需淨於霖雨恭惟某官

啓雋類函

卷五十

二十八

道格天人才兼文武淵源家學壯觀八月東瀾之潮霄漢騰鸞雄擊三千北溟之浪靈鍾天日忠簡帝心持平詳慎於秋官題柱光輝於夏省主文衡於百粵大彰顯俊之公專保障於八閩丕著循良之績藩屏上谷受鎖鑰之寄於荆關觀察中山銷鋒鏑之塵於紫塞勛猷久著碩望素孚乃今播酋狂逆冒天朝不宥之科寵矣鈞命出師掌軍國專征之重惟宏才親承推轂斯妙略正當主籌顧狐鼠之穴豈能蓋藏觀蟬蛄之年何可久恃指揮雲集材官迅若風霆號令雷行甲士猛如貔虎指日令元寇而授首聞風使群

醜以格心安夏攘夷銘駿功於銅柱出將入相勒
伐於鼎鍾其南黔屬吏西蜀鯨生承乏邊陲幸厠
員之內祗承矩矱欣逢提轄之中但牙纛初懸分宜
申蟻忱而躬燕賀適地方有警未敢越隅步而竟阻
鳬趨謹遜下吏以代申敬修微儀而贊喜干牘威嚴
仰析涵宥伏願用彰天討佇見蕩平蚤奏膚功而益
釋聖懷入司燮調而挽回元氣

賀趙撫臺啓

湖廣

明張叔聖

斗望久崇績著平成於內地宸衷特簡命專節制於
外臺寔天眷之有邦乃帝賚以重鎮憂舒宵旰望慰
啓雋類函

卷五十

二十九

雲虹恭惟某官八座錫公三臺碩輔錦江神秀開氣
以生玉壘奇靈名世而出高博鵬翮少邁迹於天池
丕著鴻猷蚤登庸於冊府經文緯武治大國若烹小
鮮維岳參藩目全牛靡不中穎紫微星燦肅百粵綱
紀之司烏栢風清綰兩京激揚之柄樓船下瀨操虎
旅於江南劍履趨朝御龍驤於冀北榮晉清卿於水
部允持罔鑑於文衡斯三楚爲龍興之畿矧七澤爲
蛟藏之數閣寺橫征民命痛縣絲之苦衣冠被逮人
心有解體之危借鼎樞綬眞疑衡而永固徽靈節制
安沅澧以無波煦郢曲以陽春祛其肅厲快襄陽之

風日享此太平某桑梓鯨生遐荒守牧任勞賈然兩
牟拮据於兵戎薄助寡援一軾夫寄於步武去歲曾
申竿牘蒙報琅函言推心腹感縷肺肝茲幸統轄居
尊建牙開闔倘垂雲覆沛渥潤於恩河極切崑瞻寔
皈依於情岳敬據燕賀聊啓魚箋仰冀霽涵俯垂電
矚伏願紀勛鍾鼎允爲杜稷之名臣史履星辰行作
邦家之元老

賀肅中丞啓

鄖陽

明王家屏

滇雲重鎮仰藉旌麾宣慰諸司畢修職貢收萬里折
衝之効紆九重南顧之憂肆渙宸綸特移閫鉞以卹
啓雋類函

卷五十

三十

襄據四省之會而兵荒乘累歲之災非八面之雄才
曷堪鮮剖必四時之和氣乃克昭蘇簡命本之帝心
推讓協於廷論俯循薄劣無力培風仰庇高華但知
賀夏敬因便羽附布歡悰慶忝之私敷宣罔旣

賀郭撫臺新任啓

贛州

明李維楨

督府起轅門千里之風威始肅撫臺臨節鎮三冬之
日色方舒夷夏同歡縉紳胥慶恭惟某官青編秘發
禮樂陳而神鬼咸驚玉節遙臨忠信孚而蠻夷率服
爲卿爲貳宗臣望冠中朝納命納言元老垂麻葵萬
顧虔江當西南雄鎮建議得人乃膺惟制府握四藩

要樞會曰非公誰寄帝心簡在異命特頒隆以將相之權兼屬軍民之任掌上運籌略全城已固金湯胸中富甲兵邊檄何愁牧馬蓋出爲召虎入爲夔龍漸敷經緯於武文兼飭紀綱於刑政况繡斧經遊之地愛崇父老猶存乃檣帷重駐其邦駢竹兒童復集歡騰闔郡輝繞全機其係屬最親瞻依尤倍欲效樞趨之敬恐干禁戒之嚴姑免涓人納投牋以通幕下特驅瑣吏代致語而叩階偶欽辰告之維新待旦以立遵約束幸托緣之已舊終年而未藉忻懽

賀贛州撫臺秦公啓

明吳守道

啓雋類函卷五十

蘭臺喬陟掌百司之激揚栢府弘開領四道之節制九重屬以鉄鉞萬里倚爲干城喜溢門墻祇申記室恭惟某官秀毓斗垣瑞凝劍井蘊君陳孝友令德具吉甫文武全才腹藏數百萬兵胸羅二十八宿丹陛對太平之策重光奕葉巍科玉堂讀中秘之書蚤係公輔重望持文衡之柄精藻鑑以求其真搜權奸之鋒上封章以發其隱天下號爲真諫議廷中稱其好棖勳彼章貢四省咽喉爲曹洞群酋巢穴榮加多繡晉內臺之卿階特授菟符總南服之戎政廼擁旌而仗鉞威武桓桓爰攬轡以登車英氣勃勃先聲震懾

鮮印綬者望風俟志欣迎持鈞鉏者遍地眷貌貅之銳氣玉帳安閒消豺狼之異心金甌鞏固昔魏公黃麻之拜始于西賊寒心今新建帶礪之封由茲南贛發跡歷徵既往知皇上屬望之隆逆揣方來下吾師際遇之盛恭聞寵命頓騰雀躍之歡聊罄微忱式修燕賀之典末由躬謁叩相府以覲龍光徒切心仰望師門以傳魚素

賀操院啓

明

宸旒煥號天塹宣威二百年王氣鬱葱特壯金湯之固十四郡地形險阨盡提表裏之封疏恩冠獨坐之

啓雋類函卷五十

三

班執憲建元戎之壽凡居節制倍切欣愉恭惟某官學窺伊洛之秘都人範其楷模治追漢吏之循天子召爲臺諫激濁揚清之雅志雖百鍊以難移難進易退之高風歷三聘而始出蓋安危注意留都之鎖鑰舍我其誰而文武憲邦密勿之鈞衡非公莫可統六師平邦國行觀尊姐之圻衝方千里曰王畿正倚干城之偉略雕鷁且上聳絕迹千秋霄無雀甲棲賀生成于厦屋

賀耿操院啓

明

殿天子之邦祇承保障作工師之監幸屬指爲非樹

秋之獨勤安茹茅之妄附恭惟某官淵源河洛洙泗
古人相爲後先墳簞韶濩英咸今人莫如兄弟烏府
爲臺官長身挾風霜金陵係天子都手扶日月羔羊
之皮五總訓迪厥官熊貔之甲三千用固吾圉吾道
南矣自是江漢濯之公之東乎所謂社稷臣者

賀戴軍門啓

兩廣

明連繼芳

論富強於粵以西無沃野之千里勤保障於閩以外
有泰山之四維公作長城民皆安堵恭惟某官天材
敏邵地望膏華起視西北之風濤誰是東南之天塹
優經綸之大手煩鎮撫於崇牙人道三江爲瘡痍山
啓雋類函卷五十

三十三

嵐之數公來百粵觀雨暘寒燠之調惟齋壇得人如
神龍之寓深淵則絕漠之域盜匪兇而率曠野弄四
夷於掌股之上決千里於樽俎之間牙纛不足爲公
榮業旣懋旂常之績朝廷已深知治行會須列聽履
之班

賀陳開府啓

明謝肇淛

繡斧舊埋輪歷十八載霜飛載道碧幢新建節隔六
千里雷動懼聲迺因御李之未繇徒望前茅而仰止
恭惟某官紫壇蒼壁清廟朱絃天馬行空超形容筋
骨之外神龍用世妙潛見飛躍之中自九重眷命以

來皆四海注想之日惟間氣佐無爲之化運義馭以
函三而天心惠不腆之邦徼福星者至再當省方於
六傳尚咨諏詢度之靡遑比制府之一開信旌旗壁
壘之皆變矧陽侯播虐之後尤重臣壁畫之秋約吏
約民約兵焦勞無愛於膚髮去甚去奢去泰藥石悉
中其膏肓凡在帡幪盡歸陶鑄如某者受委此區涉
世迂踈廿載浮沈白首誰憐顏駟半生拓落壯心空
托雕蟲曩曾忝識荊州已快披雲之願今者幸深梓
里徒懷縮地之思謹勒蕪詞薄將芹獻瞻延津之紫
氣心逐龍飛望親舍之白雲夢隨鴈去更祈五風十
啓雋類函卷五十

三十四

雨之澤廣施七旱九潦之區小草出山僕已作首圖
之散木大材幹國公方爲萬里之長城惓欵未宣起
居加慶

賀孟中丞啓

贛州

明謝肇淛

天開重鎮遙分重貢之流地借高牙特委干城之寄
帝心簡在輿望允孚恭惟某官一代宗工兩朝開濟
心函太極靈造化而難名學接真傳翊濂閩而再作
故自中外之敷歷三仕三已而不動心迨至高尚之
風標一言一動皆爲世法東山不起公其如蒼生何
南國是宣僉謂有黃髮在惟茲虔鎮夙擅雄都據江

湖嶺海之上游司夷夏蠻荒之鎖鑰自文山之恢宋
室義烈猶存及新建之平寧藩翰鈴逾重非藉經文
緯武之手孰奏安內攘外之勲某芻狗陳人木驂厝
品泰山北斗久占紫氣於函關大蠹高麾遽耀法星
於鄴里實爲東南得人之慶匪直沮如餘潤之私敬
遣魚書布其雀躍雖赤松黃石難拋猿鶴之盟而紫
蓋碧幢母負罷熊之夢更靳珍攝以迓天庥

賀山東張撫院啓

明林世吉

司鎖鑰而建節旄海岱欣咨乎開府敦詩書而悅禮
樂巖廊特倚乎籌邊慶洽三齊福提四履恭惟閣下
啓雋類函卷五十

三十五

昭代宗工先朝舊德挺嘉祥于三輔運際中興鍾間
氣于千齡期逢聖作宏猷命世羅文經武緯于胸中
勁節凌霄峙喬嶽泰山于寓內清望雅隆于中外鴻
勳茂著千巖廊淮水督儲方倚樹屏于薇省臨淄總
憲復咨東鉞于蘭臺牙肅高懸風采耀山川而改色
碧幢弘敞膏流沛閭閻以騰歌威震華夷光生替笏
某雕楮微才懷蘭末品于役叨同舟之雅慚無片策
以佐下風通家竊奕世之榮茂辱摯情而垂覆露茲
際鶯遷之肇慶敢陳燕賀以狷忱伏願景福駢臻令
聞益茂出爲方召勲庸懋樹于旂常入領夔龍燮理

佇調乎鼎彝

賀成益吾擢大中丞啓

邊鎮

明林世吉

畿甸要區鎖鑰夙遴乎哲彥中丞峻秩絲綸特簡乎
儒宗名震華夷慶貽輦轂恭惟某官命世雄才先朝
舊德任山岳瑞應麟紱以挺生昂宿炳靈協鳳圖而
翊運早蜚茶于紫極遂躍頤于丹衢製錦雷封聿著
循良之譽持衡天部益騰藻鑑之聲特拔擢于薇垣
遂荐登于栢府暢皇威于榆塞巍然萬里長城樹風
裁于蘭臺允矣九邊重鎮某蟠木散材通家末學辱
菅蒯之不棄受履貺以及烏奈開塞之阻脩謝久稽
啓雋類函卷五十

三十六

乎繫雁茲幸際龍門之咫尺敢輸兔管以狷忱

賀吳中丞啓

丹起

明蘇濬

霜寒古栢帝隆獨坐之班日正玉衡人仰咸熙之績
幸封非之不棄感衣被之獨先厚植難名寸衷莫罄
恭惟某官河嶽英靈扶輿清淑飄飄青瑣誰爭破的
之鋒諤諤形騶如置迎風之壑日兼冬夏洽三江四
瀆之區雲卧林泉負八埏九垓之望仰鷗鳬而甘藜
藿已逾十年起草野而居廟廊遂叨三錫蓋忠臣謀
國誼不負於丹衷而聖主關門猷嘗詢諸黃髮輅九
流之人物若華衮鈇鉞各異其施操六典於家邦如

方員平直舉適於用其碌碌自守碌碌無能際冠裳
禮樂之隆履循尺寸觀竹箭南金之美莫辨妍媸愧
以刻舟膠柱之見徒增越鷄鵠卵之譏自分黜幽敢
布閭澤詎音樸橄之器及辱陶冶之收木破犧樽頓
免溝中之斷

啓雋類函卷五十一

啓雋近體卷五十一

類函六十三

內臺部四

東吳俞安期美長彙編
上饒王嗣經曰常同輯
建武鄧漢遠遊訂定

賀各鎮平賊

賀鹽海趙邊鎮陞爵原作制置宋人

寇萊公之鎮北門契丹服其望重范文正之理西夏
元昊懼而膽寒海水無波天顏有喜恭惟某官高明
傑特沈厚疏通眼空天下之英才最高地步學運胸
中之武庫至敏天資江淮十年旗鼓百戰指畫斷匈

啓雋類函卷五十一

奴之臂今世古人譚笑取郅支之頭文場武將大勲
赫奕于旂常雅志婆娑于泉石時方多事君豈久閑
蜀國何茫然猶起一琴千清獻鄉鄰有闕者且思三
箭于將軍吏皆趨庭帝方前席灑堆如象焉用泛東
吳之艘渭水非熊亟入運西樞之柄樸某邀庸材天
麼弱質登龍門而未遂運驪駕以何堪晉公之貌孰
似庶知道左之迎大農之穀幾何庸上關中之計心
勤燕賀望切蛟騰

賀撫臺王陽明啓

平寧

明費案

伏審儒者知兵相臣出將藏渠魁以昭王度除群醜以奏膚功九域同歡一家尤幸微君子其何能國在丈人乃克帥師方叔顯允而制荆蠻仲尼文武而盟夾谷恭惟某官天畀弘猷世基碩德行高而心獨古才大而用不窮爰直道以事人肆忤奸而去位孤忠自許百折不回繼承前席之求亟拜賜環之命歷敷中外所至皆赫赫有聲槩視險夷無入不怡怡自得盛名允副重荷攸歸來控三垂獨當一面下車平賊境內晏然退食受徒吾道南矣快若鸞鳳瑞世隱然

啓雋類函

卷五十一

二

虎豹在山廼值寧藩忍干天紀其所賢者五而智伯不仁不足畏者三而楚武心蕩箴言可醜蓋穢德之彰聞國事日非惟奸回之崇信無罪而殺民殺士非辟而作福作威何患無詞能入端人之罪惟知有利輒傾厚殖之家神人共憤者數年道路以目者千里魄由天奪怒激主知懼隱惡之彌彰恣逆謀之大露驅囚徒而出戰礫命吏以張聲罪浮於南淮之謀刺將軍律可同吳王之招納亡叛矯傳惑衆僭擬稱尊計竊鼎于南都大揚帆而東下雖亂臣賊子人知不共戴天而後顧前瞻疇肯率先報國况長安之日遠

無蜀道之時艱守臣盡入網羅疆圉誰其犄角人心

騷動事勢幾危幸天不廢其所與而公可托之大事身名兩得智勇萬全一馳河北之文盡下山東之淚群僚響應壯士先登况志久奮于祖鞭而力莫勞於侃覓悅安社稷誠動鬼神宜茲先發後聞倏爾一月三捷長江天塹既回魏虜之戈赤壁火攻悉燼曹瞞之艦室家胥慶海宇一新事可方之古人功實蓋於天下西人膽破魏公之勲望益隆下蔡功成晉國之經營先定似茲雋舉亦豈倖成雖公匡國以興六月之師實天賜公以活一方之命某依憑善類舊忝登

啓雋類函

卷五十一

三

龍居處亂邦素傷譚虎托二天而倖免瀕九死以更生喜隕自天恩酌無地慚請纓之已後忍擊壤之莫前恐門高而言則難幸惟俯納然室遠而心則邇可遽遐遺伏惟君子龍光茂德音於不爽大人虎變守謙吉以有終未遂參承益深企倚

中敘事可作露布

賀南贛軍門奏捷啓

平寇

明陳經邦

天啓昌期勝算成萬全之策神資良弼奇勲樹再造之勲喜溢薦紳歡騰黔赤恭惟某官斗山重望文武全材胸中蘊疊疊甲兵驚破西戎之膽帳下擁桓桓虎豹奮揚中國之威功業不獨數乎汾陽武烈更堪

追乎武子斗南仁傑蒼生疇不屬心江左夷吾天子
還須拭目顧茲蠱醜敢操盾戟于中原維我元勳直
掃烟塵于邈鄙旬服消左言之俗廟廊紆南顧之憂
樽俎折衝五花六花制勝旌麾指顧八遇八克奏功
是固皇穹申命于中興抑亦雄畧宣威于蓋世也某
才慚鳩拙學例蛙鳴親茲勝事未能撰唐朝饒吹之
歌仰此奇功祇第美宋室拓臯之捷薄言燕喜聊託
魚箋伏冀台涵少旌塵悃

賀邢制臺加恩啓

平侯

明萬世德

虜功丕奏慶典弘敷方折衝樽俎之間權衡北斗爰
啓雋類函卷五十一

四

謨弼廟堂之上羽翼東朝策勲上掩乎前修懋賞永
延于後裔收疆復宇藩籬益固于興邦開國承家闕
闕大光于師武寵來蕃庶賀倍揄揚恭惟某官山嶽
望崇風雲遇合功昭宗社居然爲萬里長城業滿邊
陲豈直稱兩朝元老若遼夏之問司馬如羗虜之服
子儀冰山不解于低眉誓矢身任國家急砥柱益堅
于折股敢以賊遺君父憂伏自島奴犯順以來及從
朝鮮被兵之後東藩板蕩已延七年中國援征實更
三策不念輔車之有缺但思行李之可通狡酋逞衡
命之兇張旛空返天使甘嬰盟之辱借寇沓來睿謨

央主戰之一籌成議諱用兵之兩字及六師之已集
乃四路以夾攻不以勝敗乃兵家之常惟知和款爲
前事之的推轂者幾于乍賢而乍佞持諫者決于必
信而必爭所幸廟筭之不移遂致軍機之中窳百年
盤據鳥蕩于焚巢千里憑陵魚糜于游釜掃穴之功
旣奏盈庭之議不搖我公執訊以獻俘天子論功而
行賞方重黃圖股肱之托爰崇青宮保傅之班九命
而錫衮衣光生圭璧百代而列榮戰慶衍山河某附
驥下乘續貂賤品不意同心之拔飾竟成異域以馳
驅得充國之老成遂收河湟之績有徐勣之英武卒

啓雋類函卷五十一

五

成橫海之功自慚小隊之不前已幸許籌之克捷剪
豺狼而騰虎豹奚取堅儒之一斑焚鱗介而走蛟龍
益謝鼯鼠之五技際茲優寵抒乃朴私山澤可羞篋
篋不腆遙聞勒鼎無由窺石室之藏急欲磨崖已妄
作涪溪之頌瞻言麻烈慙矣詞章

賀邵大中丞平賊啓

明裴應章

恭行天討廓清千里之妖氛捷奏承明仰釋九重之
宵旰歡騰吳楚慶洽臣民恭惟某官望震華夷資兼
文武六強龍豹富兵甲于胸中八陣風雲運經綸于
掌上折衝樽俎居然楚國之長城緩帶輕裘允矣南

拜之良幹頃者無知鼠輩敢肆暴張巖谷憑陵妄效
負隅之虎潢池竊弄具同游釜之魚惟秉鉞東征既
先聲而奪氣遂投戈南遁咸落魄以消魂如霆如雷
不啻摧枯拉朽獻酋獻賊何殊破竹焚林露布達楓
宸會見天顏有喜凱歌騰楚澤懸知黔首咸熙誠方
叔之威荆蠻于今為烈抑召公之平江漢視昔有光
者也其誼切同胞憂分共室親奇勲之赫耀莫罄掄
揚戴明德之帡幪徒深踴躍謹裁蕪啓聊效芹誠伏
願績懋安攘功成位育圖形麟閣作廟考而錫瓚錫
圭職掌鳳池晉台階而為霖為雨

啓雋類函卷五十一

代賀兩廣總督啓

明董應舉

形弓敵愾已標固圉之勲黃石授符遂掃震隣之寇
威加境外吉協師中恭惟某官望傾函夏功滿東南
坐鎮則如岳如山百粵全歸衽席運籌則若神若鬼
九隆自血鋒鋦何物楚苗敢稽舜羽阻兵怙亂豈惟
荆貴之憂越志橫行實為方虎之耻爰是奉天威而
遣將劍及室皇合諸道而進兵地崇京觀剪其餘孽
復我舊疆已見醜類之不遺堪為死者之一洒譬如
逐鹿彼則角而此則犄方斯載盧衆為馳而公為發
蓋謀同力協雖由三方共事之能而將智兵強實則

一向獨當之績上紆南顧總藉中權某快親鴻勳倍
加燕喜一人有慶應知畫閣上之雄四國是皇定卜
召東山之袞

賀南贛軍門啓

平寇

明支大綸

天啓昌期一清寰宇神資良弼再建鴻勳蠡茲小醜
夙倚孤丘玩我天威敢行境暴使內服有左言之俗
致廟堂與前顧之憂乃今折衝于樽俎之間猶難于
旌麾之下風雷迅掃株本一空是宜天休申命于中
興抑亦雄畧宣威于蓋世表鯨鯢以樹京觀寔維其
時即來世以任壯猷心之願矣薄言燕喜聊託魚箋

啓雋類函卷五十一

七

伏冀台涵鑒茲塵悃

賀郭撫臺奏捷啓

平播

明周仲士

天威制赫殺伐用張于夜郎月壘宣猷凱奏倏馳于
日轂既班師而執訊宜飲至以策勲恭惟某官學冠
儒纓道航聖蹟接正脉于東魯適符王新建寄客龍
沙提孤旅于南荆正逢郭汾陽再安馬邑楊酋不靖
牙肅式臨矢誓登壇運籌決策三方授律犯前茅而
扼其喉五月渡瀘蹈中權而拊其背懸鳥鵲搖邊之
印難當堂堂正正之雄師樹黃龍掣海之旗寔萃糾
糾桓桓之大勇惟鳴笳疊鼓直進即深溝高堦何憂

千壤借鐵柱以衝營鷄馬兩城並破萬騎排天門而
構穴鳳地諸塞齊摧七縱七擒山虎關前若赭六月
六日海龍門上無烟元苗自經闔門受縛實由神筭
寧獨天成其夙辱挺鎔空抱請纓之志濫叨冠冕慚
無入幕之才從茲石刻鳳山奠乾坤而安社稷行見
手挽河漢放牛馬以洗甲兵取河朔一百餘州南人
不復反矣歷中書二十四考東山以公歸乎慶封莫
新編茶罔既

賀江制臺奏捷啓

平播

明周仲士

龍節高懸威望夙隆于薊北麟符新佩旌旗倏秉于

啓雋類函

卷五十一

楚南聽奏凱之頻來知論功之無上聲揚裨海喜溢
轅門恭惟某官五裔紫微十圍翠栢公忠許國謨討
冲霄漢以上征節槩傳家金石勒燕然而已已資兼
文武身佩安危邇者楊虜吹烽作痴螳之怒臂柳營
照月展神豹之奇韜鎮設偏橋勢成犄角恍若裴晉
公削平淮蔡依然于忠肅彈壓蕪湖駒騎爲入楚之
星熊熊壯擒酋之膽赤莖氣冲南斗懸雲影密西郊
集四方之材官渠魁赴龍堆而詐款糾群雄以進討
幹士破虎穴而盡殲

賀制臺奏捷啓

平播

明連繼芳

關外奉綵綸雷震赫然一怒軍中有韓范鳥雀誅
蠶爾三苗師出有名儒真無敵恭惟某官詩書元帥
文武憲臣麟趾鳳毛翩翩五世公子龍韜豹畧魏魏
三楚中丞睠彼大羊之蠻敢爲鴛鴦之暴式負地險
敢抗天威釜沸游魚山來壓郊徽玃匪茹須方叔之
壯猷皇帝曰嘻命崇文而奉詔一札朝下單車夕馳
統投石超距之才騰躍鐵飲金之騎叱咤則江山搖
蕩慷慨則林壑飛揚丘陵堆白骨轡魂沼沚流黃沙
獠血射鵬賈勇雖多李廣無雙指獸攷功誰出蕭何
第一用底碧幢之績過觀赤寫之華其瞻彼鳥旌徒

啓雋類函

卷五十一

九

有執干戈之志智窮臆技願廣洗兵甲之詩韜井鉞
偃參旗壘消煙而捲霧調箕風順畢雨公宜享而作
霖

賀制臺奏捷啓

平苗

明連繼芳

蠡寇跋郊圻之扈搖動西荆龍韜運帷幄之籌惠解
南國有嚴共武薄伐奏功恭惟某官憲垂文武式當
萬里長城身係安危允塞四郊多壘帝念楚中諸峒
爲赤子潢池之鄉公實斗南一星多老人黃石之畧
王綸推轂將幕興師滅迹掃塵恍商風之捲秋揮澄
氛廓禔回夏日以青春冰元濟立殲蔡城驚鳴雪夜

頃沈泥水鶴唳風聲焚老土之龍庭
鳥穴草長關山烟銷烽燧其傾耳鐘鼓之設司馬作
天子嘉賓注目圭瓚之召虎拜至尊純祉

賀軍門平賊啓

明于仕廉

恭惟其官昂宿垂芒長庚朗焰瓊樹與瑤林交映挺
列風塵文章并法律並傳兼總條貫直溫粹德文武
宏才操斧鉞以殲戢綠林快觀旱中之時雨解網羅
而撫安赤子欣逢雪後之陽春范老子之甲兵公居
其選乎杜尚書之武庫誰出其右也惟茲節屆嘉平
謁爾全消積凍景回明媚庶幾盡廓微氛東山之征
啓雋類函卷五十一

賀蕭督府啓

明王家屏

昔先零誅而罕开震動郅支滅則呼韓入朝豈獨伸
討逆之威固且樹懷遠之烈封疆盛事今古美談惟
茲史車二酋耕牧近塞向稱歸附之衆忽爲侵叛之
臣鸞驟發于蕭牆禍漸延于堂奧幸憑節鉞之重獨
抒帷幄之籌追奔不假于師徒問罪直窮其黨與伏

中行說而答其背執渾邪王而拔其營壘百足以左
僵兔三窟而亦獲腥膻一氣詎無巢傾卵殲之悲骨
肉相殘其如土崩瓦解之勢累因並繫耻總雪于除
兇一鏃問遺功豈誇于度幕庸書入奉獻廟社以居
歡慶典渙頒賁敷庭而有耀精鏤彩幣珍分御府之
儲玉佩金貂寵晉台階之秩懋官懋賞信恩禮之非
常允武允文本謀猷之克壯折衝是賴錫命惟宜愧
我謬悠同竊聞于始議乃今淪落竟無補于成功乍
聞吉語之傳但覺喜心之感未能修賀得辱逮存蒙
隻字之褒榮已逾于華袞羨一朝之饗美奚贅于彤
啓雋類函卷五十一

弓肅使謝陳非儀將獻敷官莫既祝頌良殷

賀中丞王公平定逆藩啓

明費宏

茲者恭審糾集義師削平大難慨所托慶慰尤深
竊以漢得周亞夫遂平吳楚之亂唐用裴中立乃成
淮蔡之勲蓋遭變知權斯不昧被髮纓冠之義當幾
能斷乃不失乘墉射隼之時惟此逆藩久蓄異志望
迷四海乃知蛙井之爲尊夢繞九天詎意虎關之難
叩險如鬼域暴甚豺狼窩賊兵以劫齊民或舉室盡
遭其屠戮散船貨以漁厚利至傾家未厭於誅求視
人命如草菅漸于侵乎國柄當此承平之世忽興及

叛之謀戕害大臣脅拘方面傳僞榜以動搖宗室肆
醜詆以訕侮 朝廷皆臣子所不忍言寔神人所同
憤怒揚帆東下欲首犯於留都返旆西歸尚思據乎
舊穴惡難悉數罪不容誅若非國有忠賢力扶社稷
飛羽檄以申明逆順揚義旗以倡率英豪則虐焰方
張誰撲燎原之火狂瀾既倒誰爲制水之防惟人心
有所恃而不震不驚斯賊計無所施而浸微浸滅士
鼓登城之勇首克逆巢人懷敵愾之誠爭擒元惡煙
銷戰艦江湖無噴激之波鳥避輶門霜露積嚴凝之
氣行且陳俘執訊奏凱班師國法正而逆類潛消天
啓集類函卷五十一
步安而太平永享歡騰列郡荷救焚拯溺之仁喜溢
四方免居送行賁之苦聿弭非常之變實爲不朽之
功此蓋某官具文武之全才講聖賢之正學忠孝皆
捐於遠近精誠遂格於神明是以動惟厥時戰則必
克掃除氛祲難繼照之光整頓乾坤永奠居尊之
位芳垂汗竹續紀太常信奇偉而無前豈尋常之敢
望其身居農畝未忘廊廟之憂家在亂邦恒懼林膚
之剝頃見兵戈之起已爲遷避之圖幸遂底寧敢忘
犬惠烹魚溉釜每懷願助之私賣劍持醪莫致趨迎
之喜敬馳尺楮少布寸忱

賀各鎮加恩

賀黃邊鎮加恩啓 賜帶

宋李 劉

分閫疇庸錫肇疏寵三品百鍊焜煌內府之頒萬釘
九環褒表中權之勁不勤使請彌覺道存恭惟某官
追琢其相柔惠以直言忠信行篤敬學素得於書紳
極高明道中庸強何虞於枉革上嘉羊祜輕裘之緩
欲厲田單仗鉞之橫肆分紫磨之真昭示黃河之信
爲兵餽之何不受從革作辛匪伊垂之則有餘在師
中吉向來衆口之鑠曾不累月而銷賜爾通天略吐
胸中之十萬用汝作礪便省腰下之兩重某登聽犬
啓集類函卷五十一
揚阻陪旅賀寬管平先零之潛僭免暴屍賜贊皇於
闌之珍尚祈拭目

賀徐中丞啓

明林 燦

戎疆底定帝用寵嘉捷書方報于楓宸綸命遙宣于
蠶國元老之威猷允壯上公之祿秩有加劍履不趨
邁鄧侯功宗第一圭卣特錫同召虎稽首萬年固昭
代之鴻圖西漢家之麟閣乃恩賚不遺於部曲而餽
給爰及于下僚亘古殊勲于今盛典其邁茲勝事猥
在戎行愧無逐兔之勞叨厠屠羊之賞極慚惶于內
省惟歡抃于躬逢顧惟守在疆場未獲申賀台階祇
勒短狀用布下忱

賀楊督府加恩啓

賀楊督府加恩啓

明王家屏

閱閱功高三錫渙綵綸之命巖廊望重千秋綿鼎
之禧震肅開祥泰道交孚于上下師貞協吉豫鳴偏
浹于華夷恭惟某官松嶽諸神星潢毓粹應名世之
期而間出蘊天民之道以先知鑒衡夙擅于人倫綱
紀凜持乎風采力襄西夏之難闢草昧以經綸總領
全晉之疆亘窮荒而控制聲威赫濯名王益戢于羈
縻猷績炳烺信史不勝其紀述予曰有禦侮可戰而
亦可和帝褒其積勞懋官而因懋賞彤弓覺報嘉辰
適協瑞于懸弧紫綬封令申兆疏榮于改玉恩霑
四代徵善慶之豐培光耀十連詔寵靈之遐邇冊頒

節府賞階增賁于芝函宴啟春臺相輝襲芬于柅
其欣逢盛會喜倍恒情牽幽土之羔羊莫克稱觥而
介壽慕淮南之鷄犬無由舐鼎以從仙聊陳溪澗之
毛用祝岡陵之祉所願天心純祐台履崇顯玄圃大
椿綏萬六千年之景福明堂隆棟歷二十四考于中
書勒竹帛以垂鴻衍箕裘而翼燕

賀塞督府閱最加恩啓

明王家屏

薊遼重鎮輦轂近郊仰藉旌麾特專節制綢繆牖戶
豫周陰雨之防鎖鑰關門垣絕烽烟之警功高屏翰
名震華夷肆考八事之成首敘萬全之績閱書入奏

賀李撫臺撫雲南夷加恩啓

明王良翰

慶冊寵頒五服五童命德實繇天眷一言一袞顯親
宜待宸綸在國典本以酬忠于下情何能與力猥承
逮藉愧悚殊殷附布賀忱歡欣罔既

賀李撫臺撫雲南夷加恩啓

明王良翰

朱鉞一麾氛祲全銷溪洞彤幃三錫風聲遠播華夷
况屬鑪鍊更深衣被恭惟某官生紀韓魏公雲占五
色威行牂牁郡膽落八蠻罔逞犂庭掃穴之雄遂聆
猗女蠻童之曲匪直滇南門戶固若金湯抑將荆鄂
咽喉盤如襟帶龍顏有喜帝賚孔頒裏蹄出御府珍

藏蜀綺炫天孫組織用昭殊寵豈盡巨動昔汾陽望
者在朝倚輕重者二十載彼裴晉功成入相繫安危
者廿餘年猶想兩公欣逢此日其鉛刀未技襍線微
才夙傾志于台臺魚箋莫達忽馳神于露布雀躍末
從聊獻俚詞用申賀臆

賀兩廣軍門加恩啓陸衡資 金幣 明董應舉

黃石授符風清五管彤弓渙寵露下三天遠規標柱
之勲近掩斷藤之烈百蠻戢景九閩懷榮恭惟某官
名振瓊龍功臨方虎文經武緯動必憲邦西討東征
出皆歌凱業已靖八山披四嶺搜五指撼八舟交無

啓雋類函 卷五十一 十五

微側之騷雖絕智高之曩上紆南顧軍息前茅備見
元老之壯猷信有戎功之筆敏榮階渚晉寵賚攸頒
秩總內臺早係七兵之雅望班專獨坐仍留兩粵之
長城蜀錦裏蹄榮分內府魏鍾召自寵震中朝顧恐
羅白玉之江山難駐黃閣紫樞之步武在唐則宋廣
平之登輔相在宋則蔣穎叔之任樞機皆由此起行
繼舊聞其等職類守株功勳橫草五羊穗石徒欲勒
少海之碑六傳重軍行見召東山之袞

同鄉賀溫掌院加太子太保啓六年考滿積立 諸恩進封四代

明馬朴

憲臺上最鼎異銘亞相之功儲邸升華綸綍渙孤卿
之命羽翼隆而元良倚重耳目貴而朝廷愈尊况出
特恩郵稱盛事遙動華河之色敢羞沼沚之毛恭惟
閣下虞岳疇庸商岩帝賚曳尚書之履表惠文之冠
物望三朝人倫一代掌邦度者六載霜威肅大法小
廉結主知于九重天語亮資深勳懋再登考最盛拜
殊恩東宮太保之端僚既躋一品南臺中丞之峻秩
仍董百官循墻禹讓以鳴謙當丁老欽而申巽輝煌
衮烏三台極臣子之榮煇耀龍章四世晉公孤之貴
傾朝欽羨獨坐光華某等誼聯維梓情係施松鸞鷺

啓雋類函 卷五十一 十六

功高久式如金之度麒麟殿上爭看橫玉之儀
賀李總河加恩啓陸衡資 金幣 明劉國縉
威宣節鉞元勳奠宗社之安爵晉公孤世祿食簪纓
之報忠孚上下慶協華夷恭惟某官匡王定國謀猷
扶日擎天手段文衡齊梁魯衛縱橫收禮樂三千武
控巴蜀荆黔談笑運甲兵百萬蠡首猖獗人驚廟算
張皇帷幄從容自定凱歌甲子自中已無全虜帳下
惟有長纓一鼓而威震雷霆五旬而逆賊授首神劍
風清千里虎穴親除絲毫露布九重龍顏喜動大典
勿庸拜讓殊恩徑出宸衷遂晉司馬以樞兵平章軍

國旋重官銜而隆隆宏恤私家袍笏專槐一品披緋
橫玉子孫奕葉千秋衣紫腰金朱提發天府之藏光
含日月璘幣出尚方之賜影動星河巍巍閣上麒麟
青史軼二十八將世世官家貌虎皇圖維億萬千年
誠古今僅見之恩豈國家常有之數念其銜命依末
光之照未遂覓趨驅車逢大拜之榮難禁雀躍特頌
官而呈賀惻敢備物而效葵私涓涓慚沼沚之毛翼
翼仰台衡之鑒伏願德業彌浩浩無涯本文益綿綿
有道神禹雄畧既舟楫以濟川商室和羹更鹽梅以
調鼎明良未歌喜起天地常見平成

啓雋類函

卷五十一

十七

賀撫臺孫公封蔭啓

明徐常吉

西川建節方欣晉秩之榮北闕宣綸更荷重恩之慶
附前聲以光勲烈祖延世澤而潤被佳兒纔換新銜
贈蔭遂侔乎三品未周舊勳推分齊奏于一時森森
墓栢增榮鬱鬱庭槐愈茂事非偶爾理有由然惟保
釐成殊絕之勲交孚遠邇肆遭際得潤希之典並慙
幽明誠登仕路而大享冠宦門以特盛者也其職聯
共部情繫通家誇異數而喜欲狂賀繁禧而陶斯詠
誦溫公饗廟之制直期爲上相以崇報其先吟寇老
壽筵之章猶願見玄孫以永綏厥後

賀蕭制府加恩啓

賜金

明葉夢熊

恭惟文經武緯保釐績著于東畿湛綽溫綸褒賚恩
頒于北闕艷麗出漢宮之錦瑩煌分燕幣之金盛事
喧傳輿情抃躍况僚友憑依最切色喜奚勝乃冗工
課率方殷躬趨莫遂敬馳尺牘專展寸忱繒綵粗陳
豫供一品之服毳氍毹進兼侑百年之觴願茂德與
日俱躋焯焯乎勒鐘彝而標汗竹佇穹秩自天申錫
駸駸居萬萬以濟鹽梅

賀撫臺孫公加恩啓

陞俸委金幣

明馬朴

節鉞崇勲帷勝萬全之筭絲綸代命庭揚三錫之恩
啓雋類函卷五十一

十八

登庸期黃耳之調濡削布丹心之抃恭惟某官才弘
文武氣粹直溫楊夫子之在關西名昭日月呂尚父
之興渭上功滿乾坤歷颺清要之階漸陟保釐之任
金城閫外玉燭畿南綱紀霜嚴將吏咸遵約束經綸
霧擁兵農悉藉帡幪屯虎豹于三關煙銷塞堠廓鯨
鯢于萬里氛息海波人歌韓范之在軍功茂召周之
分陝譽聞麟陛寵錫龍墀升華佇見九遷馭富先增
一級精鏐三鑑珍頒御府之藏綵幣六純錦出尚方
之製斯皆異數用答殊勲鍾鼎旂常光重凌煙之上
縉紳介冑歡馳覆露之中某夙荷鴻恩快聞鳳命竊

身易水罔伸屬吏之私棕翹首恒山實慶康侯之舊
錫喜而忘分詞以宣情一紙空函遙致下風之拜萬
間大厦長懸北斗之瞻

賀楊總督加恩啓陞銜 明李多見

恭惟閱二年而領三鎮勲勞已徹于升聞班二品而
綴二銜榮寵方膺于晉錫仍留鎖鑰特總綱維槐棘
擁臺端具瞻之望增重棠梨垂部內胥慶之情孔殷
某夙荷鴻恩心歡尤倍遙羈冗役回謁尚稽爰披荒
狀以將誠用貢菲儀而贊喜伏願國功與軍功並茂
煌煌標外間之第一籌世業隨相業彌崇秩秩敘中
啓雋類函卷五十一

書之廿四考

賀軍門加恩啓賜金 明戴新

黃鉞遙澄絕傲捷書增日月之光朱提遠出上方節
鎮煥雲霞之彩仰膚功之彪炳朝野瞻依誦天語以
溫文臣隣踴躍恭惟某官清時元老昭代宗工壯氣
垂虹北靖狼胥而南標銅柱鴻名耀斗東馳日域而
西迄月支頃分紫陞絲綸不寄青方鎖鑰指麾而回
天地龍虎成軼訓練以動鬼神貌貅作隊水犀精甲
何憂最爾之裔夷海島樓船果獲蠡茲之逋寇向鰲
階而奏凱六宮呼萬歲以稱觴振虎旅以班師百校

就九關而勒石遂膺異數重賚金輝輝太素瑩姿
掩映隋珠和璧燦燦洪厓淨色輝煌商鼎周鼎曩與
寔邁于彤弓盛事莫超于竹帛某志慙竊鯨才謝請
纓眺鯨海之恬波擬秉月毫而成頌聞轅門之拜寵
阻瞻雲宇以颺言敬托素箋肅披冊悃伏願風生臺
閣履曳星辰碧幢與絳節雙懸長奠金湯于海國玉
帶共緋魚符錫永調梅鼎于台垣

賀贛州巡撫加恩啓勅旅東征 明林繼志

旅日東萬里功成荷角揚威天外九重賞懋駢蕃
簪組增輝戈鋌生色恭惟某官名高鎖鑰望重紀綱
啓雋類函卷五十一

黃鉞秉以聲施胸藏貔虎百萬繡裳坐而彈壓帳富
駉北三千惟日本之跳梁致天威之討伐庭議許封
不可十道徵兵輿心推轂有加三軍賣勇拔十得五
霜戈遙指于海東以百當千露布遂馳乎薊北威振
扶桑之島凱旋細柳之營箕封入享以春秋濤清鴨
綠漢使休屯乎戊巳波靜魚紅敘功原本龍韜褒賚
載榮鳳詔宮錦輝煌于什襲帑珍熠燿于兼錡殊
勲震東南而曠儀烟今古也某歡同燕雀趾後鴈鴻
羨元老不下堂而威加左袵願正人相中國而化翊
垂旒

代賀雲南撫院加恩啓

欽賞金幣

明林繼志

元老臨戎喜功成于六詔中朝表績看爲憲于萬邦
蓋露布遙馳上紆旰食而霜戈載戢求罷秋防雖以
不伐之心依稀乎大樹瞻茲無前之烈更著于有苗
美在旂常光分鏹幣職備員秉笏巡觀封狼雅歌餘
戰勝之威時躬燕喜樽俎帶折衝之氣日耳鴻謨固
知邊檄孤忠許國而心獨赤所以廟廊至計盈庭而
眼終青載觀晉錫之駢來曷已豫鳴于有慶謹裁素
啓爰據丹衷所願功竟長城致聖主銷兵之福相歸
中國寒胡兒牧馬之心

啓雋類函卷五十一

三

賀舒中陽總河啓

加恩官保

明林世吉

權衡北斗夙稱八座之崇班羽翼東朝特晉三孤之
峻秩蓋四海望霑平膏澤故九重用賁乎新綸慶溢
震區福貽宗社恭惟某官星緯元精乾坤正氣文章
命世翺鳳彩以儀廷才畧經天應龍圖而翊運標雲
區之領袖峙簪笏之華嵩銓部持衡夙仰山濤之藻
鑑司空宅揆益瞻大禹之神謨望重三朝名高百代
發祥隤祉早叶夢千龍積慶累仁遂傳芳于鸞鷟
箕裘克紹垂令聞于千秋作述重光播美談于百代
惟結知之自昔故眷命之方新玉節遙臨方倚平

乎水土丹書寵錫復資翺亮于巖廊曳履上星煥光
扶龍袞荷囊依日月長侍鰲頭多士彈冠快覩升華
乎宮保萬邦拭目佇瞻爰立乎阿衡某繹蕭末品起
草微才沐覆露于南閩尚頌爰棠遺愛披慶雲于東
閣屢叨推轂鴻恩每慚雀報之未能喜觀鸞遷而起
抃奈抱關羈役未由躬賀于臺端敬肅狀差官敢用
狝忱于座右伏祈星炤曷任冰兢

賀溫中丞加恩啓

代封三

明陳价夫

寵頒宸綽光映法星推聖孝尊崇之恩昇上卿隆重
之典榮哉烏府赫彼龍章喜溢百祥情孚群望恭惟

啓雋類函卷五十一

三

某官三輔聲華九卿樞要瑤圖開洛水應五百年昌
運挺生巨鎮聳堯門與三千仞削成競峻秉衡持憲
糾謬繩愆屈軼產于庭中神羊蹲于柱下駟乘直道
雅度古桓征西瞻落霜威風裁今溫御史恭逢禮制
誕沐恩波天語褒嘉袍笏聯聯于三代皇情眷顧威
名鵲起于兩臺裕乎後光乎前帝曰欽哉受天之祐
左紀言右紀事臣惟謹爾惶恤其私某職愧分曹身
慙負乘未隨珥筆叨試埋輪稽首颺言敬致蛩鳴之
頌望塵肅簡徒懷燕賀之私深藉鴻庥仰祈台炤

賀各鎮考滿

賀劉督撫考績啓

明

斗南重鎮嶺表雄藩仰藉施麾特專節制東西經畧周爰百粵之防次第廓清率靖三苗之難瓊海之逋囚就執巢穴斯空珠池之劇寇蕩平波濤頓息忠勤茂著久淹履幕之星霜最績升聞實炳旂常之日月聖心嘉與慶典行頒宴錫彤弓會舉一朝之享勲標銅柱載揚千古之徽

賀中丞張帥考績啓

明

策府書庸炳旂常之日月楓宸注寵渙綸綍于雲霄

啓集類函卷五十一

五

燕喜非常龍光有赫恭惟某官中朝魁碩振古人豪文經武緯之才嶽峙淵渟之度三千奏牘抗正氣以批鱗數萬甲兵運圓機于指掌分黎秘閣參聯金馬之班秉鉞專城再整貔貅之旅邦內爲甸服邦外爲侯服折衝自樽俎之間帝城多近臣帝鄉多近親彈壓先輦轂之下江淮目爲天塹寧誇橫海之樓船河朔倚若長城詎羨當關之鎖鑰武有七德兼安民和衆之猷憲總六條備激濁揚清之體解珮帶爲牛犢化已見其銷兵式車輶之螳螂心未忘于對敵憂深畜艾拮据更三載之勤慮塵微桑綢繆周萬年之計

日成月要歲會紀程石以釐然王功國勳民庸勒鼎

奠而炳若雖不矜不伐禹讓彌誠而懋賞懋官先恩荐渥是有慶矣侈報宴于彤弓又何予之新章服于玄衮史書工誦掩五侯九伯之榮君禮臣忠慶千載一時之遇其等材同腐朽教無所施器若斗筭政何足筭乍埋乍擗徒矻矻于精神不蜚不鳴竟悠悠于歲月來歸自鎬習聞吉甫之膚功受命于周幸覩召穆之成事吾之師也喜色相告以欣欣國有人焉聲靈若增而濯濯有嚴列祭力莫遂于鳧趨不腆承筐清式均于燕賀伏願勲高八柱奉乾極以常尊位極

啓集類函卷五十一

五

三台踞泰階千未穆綏宗社同休之祉垂乾坤不朽之名

賀蕭督府考績啓

襲錦衣賜金幣

明王家屏

策府奏功楓宸錫命德與官而並懋爵兼賞以隆施車服增華箕裘闢奕家邦胥慶將吏交歡恭惟某官天挺人豪嶽鍾雄雉輔軒行部威名夙播于穹廡旄鉞臨戎恩信肆乎于異類不煩鞭撻掃機槍于靜鎮之中悉發糧粗開甌脫于大荒之表軍實充而內帑之金錢倍省邊防飭而列成之壁壘增堅先事綢繆計慮直垂之久遠與民休息謳歌無間于幽遐適當

閱塞之期獨擅折衝之烈帝嘉不績渙發明綸秩晉
孤卿上應台垣之象賞延奕世近聯環衛之司文綺
兼金綺雲虹而並爛魚緋綰玉瞻巖石以彌尊允惟
優渥之恩式著忠勤之報所為壯封疆之氣緊慰宗
社之神靈氓隸以之傾心夷酋因而戢志者也某情
深抃躍跡阻樞趨肅陳絲縷之儀用賀併懽之庇伏
願勲猷日暢更二十四考于中書慶澤綿滋傳四世
五公于後裔臨緘頌禱倍切欣榮

賀梅督府考績啓

代封三

明王家屏

策府奏膚紀星霜于節鉞楓宸褒最揭日月于旂常
啓雋類函卷五十一

望重中司勳高列鎮榮輝所被欣躍維均恭惟某官
命世人豪殿邦賢哲振臺綱而紂慝夙清京洛之塵
持朝筭以監師遂定朔方之難迨膺宸眷來總戎行
兼文武以紆謀酌寬嚴而布令安民和衆里閭無愁
嘆之聲建威銷萌牖戶豫綢繆之計日成月要歲會
功名備載于春秋王功國勲民庸績敘允禪于社稷
卽勞猷之懋著宜恩數之隆頒肆晉台階光麗四星
之象兼承綸璽寵貶三代之封盧矢彤弓總周庭之
異渥歌鐘鐸磬掩晉室之憂章朝野聳聞華夷抃仰
其感深覆露力愧培風當茲大慶之辰莫已私衷之

豫敬裁荒楮用布賀忱冀賜鑒容可勝歡戴

賀肅獄峰開府考績啓

正旦

明于慎行

助書麟閣方膺鳳詔之恩氣轉鴻鈞又布龍庭之朔
事因時會祿與歲臻恭惟某官鍾鼎元功斗山偉望
擁麾出鎮威宣右輔之屯秉鉞臨關塵徙左賢之幘
晉臺奏最著竹帛以流光魏闕酌庸布絲綸而示寵
褒推貽穀榮既邇于瘡源慶集象賢賞復延于華胤
况茲璇儀布象同歡泰內之亨玉帳班春茂迂師中
之吉邊城絃管久歌一路之福星禁苑芳菲已近九
霄之卿月某久懷倚玉無地報瓊敢酌椒柏之觴用
啓雋類函卷五十一

介松椿之社

賀都察院堂上考滿啓

明董應舉

恭惟某官總領臺司主張國是直繩不撓四方具維
石之瞻衡尺無私獨立砥中朝之柱莊色難犯簡言
易從上正而下耻邪默持元氣言出而心獨苦力濟
時艱即聖舜不厭于弼違乃山甫屢稱于舉職蓋嘗
按昔之故凡此總憲之臣厥職用章大恩斯備或圖
形于臺省用警庶僚或當軸于岩廊坐登端揆昔皆
如此今豈不然佇看殊異之恩特表忠良之遇某受
事堂階飲水領海日南六轡慎辱臺上之烏天北五

雲定統寺中之栢恭聞奏績遙祝秉成目送武元衡
前徽不遠心師范孟博薄力何酬但冀綱紀之下僚
統囿陶鈞之大造

賀大中丞公奏滿啓

明林繼志

恭惟台臺才兼文武望重紀綱栢府奏及瓜峻烈具
瞻于中外楓宸旌大樹殊恩兼被于後先十三城咸
與有榮廿四考于今伊始其叨塵末吏久抱嚴瞻又
以攝符載遵石畫凡此青鰲白鷺之境悉爲放牛歸
馬之時荷鴻勳之告成有雀躍而曷已所願高升曳
履入贊垂衣在在悉靜手柳營世世永登于槐路

啓雋類函卷五十一

三七



賀被召

賀胡經略被召啓

宋王十朋

祗乘漢驛趣覲堯天八桂攀駘難駐松楸之彥九重
側席倚輪荷橐之忠旌二十四郡之外庸去十有三
年而丹駕想慕風采流傳恩光永天炎海之蜿蜒仰
勤夢寐宣室未央之縹緲倚重論恩恭惟其官百年
故家四世耆德雖至公大義澤淵深以流長然真才
實能器魁壘而用博福州部以各丹儀省曹之至三
儼逢多事之秋久裕名卿之饒談笑勵士從容實邊
上方圖寇恂之功公自詭鄭權之牧棠初合蔭棣亦
啓雋類函卷五十一

三六

隆輝岳長蠻君歲謹梯航之貢圉人太僕日傳駟駿
之來波濤肅靜以無塵雨露便蕃而候對邦之司直
王曰還歸雖賴瀆之位偶先於文忠而翰苑之賢實
自於元憲席前半夜綸矢大昕睹笏思人喜魏謩之
有風烈釐主錫祉歌召穆之敏戎公同是似之褒嘉
占爰立之兆朕某竊懷先契敬順下風有茹葑菲之
姿早冒節麾之選訖無五技持報萬分既承乏以叨
升漕之榮復旋踵而被爲郎之渥僥逾已甚吹借有
階欣朝奕奕之韓預赫巖巖之尹鵬鵬直上無叢霄
峻絕之疑燕雀卑棲有大厦幷幪之託

賀移鎮

賀蕭中丞移鎮啓

明王世懋

霜臺出鎮式瞻我武之維揚玉節東移共識帝心之
簡在攀戀徒深於卧轍騰歡已洽於宣麻恭惟其官
文武兼資才誠兩合蕭相之宗臣漢室奕世重光南
仲之城彼朔方于今爲烈赫連臺畔久無塞上烽烟
紇于山頭盡是江南景物遂以威名之攝虜適當重
鎮之須賢若梅錄之識李端公如單于之畏王丞相
股肱共獎重頒內殿之絲綸心膂是圖深界北門之
鎖鑰昔耿況之在上谷子拜通侯魏絳之和諸戎家
啓雋類函卷五十一

庭懸樂試論洪恩於今日足蕪盛美於前人某等叨

職關中受節鈴下爲西人計則有鴻飛信宿之悲爲

國家謀則有麟閣圖形之喜敬循故事遙致微忱

賀得代

賀鄖陽撫臺得代還朝啓

明姜 夔

干城旣壯王臣當拜冕之期馮翼得人舊老踐及瓜
之代班荆在盼操袂空懷恭惟其官名高淑世望重
清時旄鉞垂勛江漢席平寧之祐疆場藉庇拊循貽
安養之休三年報政已成一日還朝得代材官躍馬
攀留遮境上行旌吏士懸車去住見亭中負弩已識
壯猷于建節載看振采于司農千里星霜舉目燕山
在望百年遭邁矢心魏闕無他其誼忝同袍心期共
賈聊櫛無啓低徊班馬之聲小具荒儀彷彿椎牛之

啓雋類函卷五十一

稿

稿

啓雋近體卷五十二

類函六十四

東吳俞安期美長集編

上饒王嗣經曰常國輯

建武鄧漢遠遊訂定

內臺部王

賀邊鎮中丞壽

賀李邊鎮生辰啓

宋張文饒

始生今日表瑞中秋會辰於角亢之間壽星既見占
夢以熊羆之兆男子呈祥是惟不世之賢蓋亦應時
而出凡叨屬吏展慶今朝恭惟某官嵩岳儲神珠躔
毓粹流光天上昔爲漢殿之星辰肖象人間將作商

啓雋類函卷五十二

若之輔弼暫煩共理式重于蕃民遊愛日之中吏畏
肅霜之下威聲遠暨澄清南海之波誠意旁通霑足
西郊之雨仰茲厚德宜錫遐齡歲俾有千當繼僖公
之頌福陳嚮五式符箕子之言某僻守遠方阻瞻大
廈紛紛鶴蓋相同非霧之陰赫赫龍門莫遂披雲之
便

壽楊督府啓

邊鎮○十
一月生辰

明王家屏

天仗臨戎帥屏渙中權之號星弧啓宴台曜曜南極
之精喜溢十連歡騰四履恭惟某官扶輿間氣河洛
真儒學夙貫乎天人才兼綜乎文武銓省擅裴王之
譽樞曹參頗牧之籌按六轡而敷歷諸藩刺盤錯于
解批之頃抗雙旌而撫綏西夏定反側于談笑之間
忠勞懋著于封疆勲烈允裨于社稷肆總三垂之節
鉞丕振聲威翕馴五部之羶裘爭問年貌望如司馬
弭並邊生事之虞誕若甫申鍾維嶽降靈之瑞豪傑
類五百年而出運式叶于中興春秋以八千歲爲期

啓雋類函卷五十二

賀張弘軒制府生日啓

邊鎮○十
一月生辰

明于慎行

天北塵清建濟川之烈日南氣應欣逢降嶽之辰
恭惟某官位錫虞主名高趙壁形扉青瑣兩朝輸獻
納之忱回轂朱轡四國徧旬宣之詠陟夔龍于殿上
展聲高八座之班出頗牧于禁中戟影動三軍之氣
波澄瀚海方消傳箭之烽律轉台躔正值懸弧之旦

長庚大昴瑞南極之祥光玉印雕弧鑰北門而奏凱
福歸廟社慶溢邊庭某猥以庸流夙沾末照望廣庭
之實從莫遂是趨介大斗以壽祺徒懷蕤賀

賀張弘軒制府生日啓

邊鎮○十
一月生辰

明于慎行

伏惟某官靈鍾嶽降精感昂生惟茲初度之辰已逮
一陽之月况功成瀚海方收狼北之勲名而續奏明
廷正值孤南之瑞應信天人之交助亦時事之相逢
某也幸列簪裾夙隨劍履視雪臺之六館已書迎日
之儀望海屋之三山莫展祝年之誦

啓雋類函

卷五十一

三

賀張弘軒制府生辰啓

邊鎮○十
一月生辰

明于慎行

日臨長至密開三輔之春星次初躔茂啓千齡之算
正太史書雲之旦遇元公夢日之辰柄轉璇璣北斗
方回於帝座灰飛玉琯南山共祝於仙臺喜溢油旃
歡生緹幕某也意深雀抃地阻鳬趨敢伸一綫之忱
少祝六弧之慶

賀撫臺壽啓

邊鎮○十
二月生辰

明

恭惟某官節鎮控遙邊推轂貽奠安之慶轅門開壽
域懸弧集曼衍之禧庚算方入于中年月旬尚聯乎

亞歲大耄耄期之境咸曰五袞而漸臻熙和亨泰之
暉且繼一陽以迭運踐長未艾錫羨何窮盛事風傳
軍旅之威容益壯歡聲雷動虜酋之心膽皆寒某一
第濫陪每愧雌甲辰之不類半生虛度惟欣大戊子
之相逢身雖縻繫于西陲魂實遠依乎南極捧觴無
別祝願黑頭登宰輔而增重榜名馳牘有遐思期黃
髮侍君王以永光綽簡

賀梅衡湘制臺壽啓

邊鎮○八
月生辰

明萬世德

天上一星有老人之呈瑞人間五福惟君子之集祥
方三韓安攘之初正萬里仁壽之始慶流雄鎮喜溢

啓雋類函

卷五十一

四

遐陬恭惟某官光嶽氣完靈湖潤結昔也作詩書帥
躬率裴相蔡州討賊之師今乃爲社稷臣手握萊公
北門鎖鑰之重惟其篤生之靡易是以付畀之甚隆
四十圍溜雨銅柯豈後凋之松栢二千尺參天鐵幹
真先達之棟梁茲惟揆初序屬秋正萬物之太和已
合二儀之淑氣獨完公秉其全奚稱商詩吞紀之什
僕祝其異何禪魯頌純嘏之詞介以箋箋徒有耿耿
誠有負三生之幸一時尋舊壘於門牆敢附獻萬年
之觴此日賀新恩于帶礪

賀連中丞啓

邊鎮○六
月生辰

明馬朴

壽域天開南極表虹流之瑞泰階星朗中臺慶麟綬
之祥五百年名世者興榮浮節鉞八千歲爲春之始
頌洽簪紳以介長年用裁短啓竊惟列星誕傳作霖
雨于商家崧嶽生申資藩宣于周室蓋間生黃髮之
老臣共熙泰運必早作黑頭之公輔茂樹豐功自昔
達尊皆登揆席求今大老無若師臺恭惟其官傑出
天中仙行地上廿年要路蔚章文武之才萬里長城
重繫華夷之望方借建牙于上谷卽今落膽于西陲
豹畧共壁星珠月同高狼煙與并鉞參旗並息帝厪
谷岳佇看槐棘之延登皇攬呼嵩適際蓬桑之初度

啓雋類函

卷五十一

五

自公開譙薰風襲百和之煙酌彼祝釐永日映九霞
之色軍民加額歡聲追響于琅璈將吏舞眉喜氣醞
釀于玉醴年方踰艾元勲已兆于麟圖天保如松遐
祉遙傳于鳥信允惟帝賚克迓天庥其忝廁龍門叨
依燕厦十年故吏幸來筐對菲之不遺六載移官感
成架醑醺之有自茲逢令節無從伸鵠祝之情遙望
華筵有意獻鶴飛之曲伏願慶延僖頌福歛箕陳繇
五泰而耄耄而期頤頻見鶴籌之添海自八座而凝
丞而師保永爲鼇柱以擎天

賀蕭總督壽啓

通鎮

明李

鼎代

虎節專征望重北門鎖鑰鶴齡初度光騰南斗星躔
五百年名世廼興八千歲大年斯永榮分榆社頌起
麥丘恭惟某官殷圖良弼周鼎碩膚敦邵毅之詩書
兼吉甫之文武諸精江右人稱節義之區毓秀山東
居近聖賢之宅雅志旣安乎社稷威稜夙著乎華夷
雷動星臨五色旌旗閃日風消月冷三更刁斗飛霜
一旅之師固已殲茲小醜數節之後行將殄彼渠魁
頃當奏凱之辰正值懸弧之旦亘長城於萬里遠至
邇安開壽域於八荒日升川至壘止厝紫塞於磐石
抑且奠黃圖若泰山入典玉樞坐令九邊塵靖管司

啓雋類函

卷五十一

六

金鉞佇看六合風清其謬承國士之知竊附里仁之
求仰鼇柱擎天之績實藉忭懽懽際龍光繞寶之期曷
絳抃舞聊致短啓遙祝長年

賀楊制府壽啓

通鎮○四
月生辰

明劉廷芥

仰惟某官標族望于關西有光伯起擅時名于海內
無忝永年暫膺三鎮之虎符長衛萬年之龍曆茲月
臨建巳清和天氣方昌乃辰應生申福德星躔並耀
不造棚不設宴雖謙尊之度自如旣臥鼓旣息烽豈
豫樂之情可禁專遽揀後直叩重麾朋酒羔羊代展
躋堂之祝朝鞋鶴繡佇供赴闕之需從今名作黑頭

公將相編中出類過此壽為黃髮老神仙錄上齊班

賀梅制臺壽啓

邊侯

明萬世德

震一索而得男已兆六弧之應允三秋而成歲華徵
百福之祥天啓昌辰人膺茂祉恭惟某官近捧九霄
日月遠開萬道風煙一雄將千群之雌六丁護五兵
之甲序逢白帝功滿碧幢仁人當天地之保和大造
鍾乾坤之間氣綠綵紅藉身為大將于邊陲石室丹
臺名在上仙之圖錄洵魯公俾昌俾艾羨廣成無勞
無搖儼人傑之在斗南瞻歲星之失天上其忻風懷
雨常依夏屋之安望日扶雲遙隔秋旻之迥篚篚不
啓雋類函卷五十一

七

腆海岳可羞飲馬揮蛟恍邈三山于漫汗養龜食蛤

擬麾六合于徜徉

賀王撫臺壽啓

密雲○元
宵前生辰

明許以忠

風憲北門丕顯長城之經畧星明南極先開元夕之
光華凱歌將岡領之齊颺聖眷與賢聲而交鬯寵兒
捐千筐篚報莫覓乎瓊瑤謹庀一函兼申三祝恭惟
某官地靈渤海世美瑯琊鐘鼎鑄奇勛作用勝清譚
之衍壘虎鳴盛治聲名高善領之褒台星正耀於日
南督府弘開於薊北旌旗號令雷霆揚玉斧之威樽
俎笑談山海奠金湯之勳長庚現而闔外騰輝吉甫

生而朝端稱慶某景仰龍光欲申鯉素適荷寵儀
及值當歲事履端鞭帝里之新牛興思令旦放公
之舊鵠載祝遐齡酒進宜春萬國慶太平元老燈開
不夜千秋垂炳煥清光伏願大拜維時蚤啓紗籠之
護殊勲異日允調玉燭之元

啓雋類函

卷五十一

八

賀總河漕壽

賀總漕壽啓

十二月

明

節擁中都萬里功收舞羽祥開南極千秋壽介懸弧
六幕騰歡一詞贊喜恭惟臺下生由嶽降夢叶帝求
昔爲漢殿星辰今作商家霖雨徘徊龍蛇赤子民
游愛日之中委蛇乎羔羊素絲吏畏肅霜之下惟茲
玄冥之司令正屬皇覽之揆初吸沆瀣以凝禧壽添
海屋吹葭灰而布暖氣轉洪鈞外理國內理身壽域
亘八荒之表文爲經武爲緯金城萬萬世之安其覆
露有年占星惟歲仰台衡于北斗俾熾而昌頌壽愷
啓雋類函卷五十一

賀總河李制府壽啓

明李國祥

戰架烏盈錫彼雙旌中執法笏籠鵠放朋茲三壽大
司空賀從龜息是詹屬自龍鍾非戲脈南輝彩淮北
安流星水交祥福勲並頌恭惟某官玉輝恒岳珠媚
洛波照俗長材屹屹參天一柱邁倫遠器滔滔受海
百川振翼秋颺蚤快凌霄鵬鵠奮鱗春震連看運海
鷗鵬遼海築樓威警軍中老范蜀川開府懷歸夷外

元衡重聞武悼以興歌欲填瓠口再見成巡而亟召
未就金堤加開轉運於江南河洩保陵於淮右群策
群力是屈直陋賈讓三謀一水一粒惟憂大侔劉晏
獨運天上將出延喜之玉人間先獻開秩之觴靈椿
別有根知德施大而曼壽仙藥寧無種見福持厚而
登年同砥柱以俟河清河一曲而壽一紀作舟楫以
延加闢加千流而齒千齡公頌永年民歌永賴其識
閭水理職忝河官望戲下以受成加通漕引聰部中
而感澤河復民安德重生成心勤頌禱乃於榮壽莫
圖老子以呈詩實爲下僚欲祀真公而作記爰藉野
獻用祝天申

賀總河劉撫臺壽啓

明王德乾

濟瀆奠安流玄扈昭祥海嶠岱華開壽域青禽映瑞
雲車三朋延曼怱之禧七鎮萃岡陵之祝詠山不老
歌日斯長恭惟某官太乙星精中條間氣神陶妙象
架藏龜息之經體散玄風圓滿鳳銜之錄星臨雷動
絳節啓而淮甸氛清鶴駕鸞驂赤馭翔而蓬萊沙淺
河清兆聖五百年之名世斯興嶽降生申八千歲之
真人乃出壽吾君以壽吾國駐顏之仙藥無根生萬
物而生萬民閱世之靈椿有種惟其象帝先而不毀

因而納品物爲大年玉顏照見蓮花欣觀西方來佛
華容通明黛色喜逢南極仙人龍湖之寶島雲封瑤
圃之朱桃霞綯慶瞻聳鵲喜集來鳥

自叙

賀陳總漕壽啓

明謝肇淛

金風啓爽騰紫氣於人間玉魄澄空散瑤光於天表
政斗極建申之候適崧高生甫之辰恭惟其官威德
日新禧祚時至百川既導控淮海以朝宗庶績咸熙
會箕疇而歛福惟茲懸弧之夕益增建壽之歡其備
屬末昌竊波餘潤媿繫匏河上莫申蓮幕之忱而採
藻澗中遙效華封之獻五百年有名世家席河清
啓雋類函卷五十二

賀總河舒大司空壽啓

明林世吉

日麗北辰方喜新綸之荐錫星輝南極復欣純嘏之
駢臻敬瞻槐府以玃忱敢效華封而致祝恭惟其官
先朝舊德命世直儒丹穴炳靈發三千年之間氣蒼
梧誕瑞應五百載之昌期文章擅經國之華統紹孔
孟道德負覺民之任才冠伊周早翺彩于金闕遂授
歡於紫極貞心精白皎乎秋月永壺偉望嶙峋蔚爾
泰山喬嶽揆留皇鑒忠簡帝心晉登八座之崇班府

歷三孤之峻秩懋經綸而熙載光黼黻以宣猷地平
天成已頌膚功於永賴父作子述後誇積慶以彌昌
茲當添線之佳辰恭際懸弧之寶旦黃鍾應節遐齡
延萬禩以長生玉管飛灰景福隨一陽而並至某學
慚映雪才謝凌雲御泰龍門謬附通家之誼愛隆烏
屋屢叨推轂之恩茲瀆鴻鈞薄申燕賀伏願星符綸
彩穹眷維新壽邁五龍紫閣長調乎鼎彝祥昭三鱣
黃扉世掌乎絲綸

啓雋類函

卷五十二

賀兩廣軍門壽

賀戴軍門壽旦啓

兩廣○八
月生辰

明董應舉

才情冠世宇天人經緯文武申伯之式南邦岳神
誕命方叔之皇命服元老壯猷世待沛乎商霖生適
逢於舜旦維茲秋仲是曰昌辰日月會於壽星祥躍
南極羲和宿於房位光燭紫垣六氣惟均五精遂會
彼帝太昊者司天穆持寶運若神羣收乎執矩顯佐
元樞信惟明良之合德所以先後而同時玉宇澄秋
雲霧蓬萊五色銅標考景日移若木再中天佑一人
作朋三壽昭明有倣何須勾漏之丹砂社稷爲身定
啓雋類函卷五十一

下瑤池之青鳥薄頁輶儀載申華祝

賀吳小江壽旦啓

兩廣

明孟宗文

光映泰階符千齡之瑞氣祥占周岳現三壽之休徵
快觀所加欣躍彌篤恭惟其官宇宙完人朝廷良弼
久蜚聲於鳥府著駿烈於黃樞畫錦堂開瑞藹卿雲
秀氣連江春煖慶來疇範元徵茲者雲開繡座時應
昌期五百年而合運誕茲昌邑臣八千歲而爲春協於
元老蓋玄穹爲斯民錫福於九垓而相國受皇天純
禧於萬禩也其武弁朽材韜鈴下吏沐恩世世敢忘
覆載之仁引領年年願效結銜之報逢茲誕節未遑

霞觴望雲多祝致嵩岳之誠惠日無私乞東山之

賀陳大中丞壽啓

兩廣

明林世吉

蕊膏錫美欣逢降嶽之昌辰栢府蕃釐適際添壽之
令旦歡騰里閭喜溢簪紳恭惟某官百代宗工三朝
舊德涵今茹古文章鍾命世之才緯地經天開濟貞
覺民之任早振翰于雲路遂戡多于霜臺折檻止南
巡獨抗回天之讜疏建牙資重鎮三承分陝之簡書
聲華茂揭于巖廊勳望蔚蜚于中外群黎霑德澤在
在歌袞衣繡裳多士式儀刑處處仰泰山北斗方期
光輔遽乞投閒龍卧滄洲娛弄煙霞嘯傲鷗盟白社
啓雋類函卷五十一

追尋詩酒夷猶望重天朝品高月旦身膺五福且瞻
蓬島之真仙天縱多能共仰清朝之元老某柳蒲弱
質驚燕微軀誼辱通家曾忝龍門爲御慶逢攬揆欣
瞻弧曜騰輝敬修毛穎以狂忱敢效華封而致祝

賀各省巡撫壽

賀張撫臺啓

湖廣○時
轉運○部

明蔡復一

命奕鳩以秋德聿資弼舜之功感白虎於商辰更叶
誕臯之夢凡歌江漢皆祝岡陵恭惟其官純粹以精
直方而大鍾玄黃流峙之秀真宰之陶鑄其勞應國
運地靈而生元臣之負涵獨厚披垣駁奏則廊廟為
之動容文武憲邦則山川賴以舒氣樹人才而培正
脉九畹滋蘭扶民命而沃露根百嘉登穀當分陝之
入輔適齊象之揆元公歸自東晨曦祥滿東井王置
諸左玄月瑞呈左弧表司今之槐袞衣頌而采延齡
啓雋類函卷五十二

之菊丹液駐顏共推祚國之蘇公即是臨關之老子
芝函絢畫歌皇覽以增華桃熟為秋等仙期而詎遠
况龍虎之榜風雲新集衣冠占龜鶴之符日月彌高
劍履蓋司命有直荆之曜正應上台而軫宿麗主壽
之芒並光南極其承乏庾樓參佐欣逢申嶽降神嘗
計衡嶠之文稽軒轅之譜酌漿北斗則光輔紫宸註
錄長生則別名壽岳乃若邇堯丙子騎天寶之白驄
為漢師臣受神書於黃石人將地合事與時偕固當
挾真形之圖應文昌之象紀年三立開壽八荒簡滄
水而刻碑遠追禹蹟礪泰山而度世益耀張星蕪撫

其全一無所恨敢述將吏軍民之口少贊旂常彝鼎
之光伏惟鴻翼巨風不羨松喬之呼吸鳳圖獻日三
垂金石以固存

賀董誼臺中丞壽啓

湖廣○六
月生辰

明蔡復一

朱陵作鎮身巖石以柱天丹穴誕靈人長離而瑞世
一星麗軫六月陳詩恭惟其官動靜直專德業久大
方蛟龍入夢董相若用不減伊呂之才追虎豹在山
召伯重來詎數陸陶之績宇庇忘暑育物和備四時
室午無陰範更樹堪百歲難期者君臣之合魚水罔
間於中山最喜者父母之年鶴髮並光於南極家國

啓雋類函

卷五十二

十六

兩都其盛時地偏邁其奇七緯玉衡下照長生之嶽
九夏霖雨蕪嘘解愠之風草木昆蟲毋搖養氣山川
雲物咸樂昌陽益衍春秋鼎盛之期長扶天地泰寧
之運其燭餘光而引耀草可螢飛賴喜氣以長鳴林
爭調響微香省裏猶記舉繡水之蘭莖柏茂臺端更
思採花源之桃實伏惟能夏則大如日之升上古椿
高七十歲老萊猶斑衣之子仙家杏熟八百年彭祖
為雉羹之臣

賀衛桐陽治臺壽啓

湖廣○六月
初六日生辰

明蔡復一

其崇遊暑平格占慶於周書山川出雲霽宣邇神於
崧嶽陽居大夏人舞薰風恭惟某官道契黃中運昌
玄感流光漢昂曾直七曜之星辰自象商嚴遂興九
夏之霖雨湛恩波於練水卽是西池麗景物於丹霞
正當南極一衡楚周奉爲四履壽域已彌於大千兩
比上中下曰三階貞符聿叶於重六泰山永奠岡陵
昌熾作明襄漢無波瓜李浮沈應序滄水之爲禹使
方治鵲火以奏功錢鏐之作堯臣宜斟雉羹而却老
某無路贊幽關之象有懷瞻斗極之光食奠莫將仙
雲欲浮蘭浦獻桃可托卿月永照椿年伏惟埒獻聖
啓雋類函卷五十一 七

賀梁撫臺壽啓

湖廣○九
月生辰

明蔡復一

玉衡秋轉五雲欲捧於三台黃鶴曉晶南極更朝於
北斗域開始壽人祝全昌恭惟某官列緯元精兩儀
間氣珪璋命德執矩以定時律呂生心應乾金而
鑄物六條辨吏如察脉之醫王八政養民卽保嬰之
衆父方作新於四履已大造於百年乃茲三壽作朋
之辰適當萬寶告成之候授衣慮歲挾寒續以俱溫
築圃食農舞豐年之自始蓋赤雀之祥周室正感高

秋而白虎之誕臯陶重曰玄月魂表公位仰符盛宿
之精菊衍仙齡遠笑南陽之水磨嶠嶮而紀曆引江
漢以浮觴山甫生松益播四國子蕃之烈壽星在楚
宜賡百祿是荷之詩其龍鵠無階獻龜有記昔文武
受命膏肓有若召公邇堯舜之臣斟羹時維彭祖敢
援前哲以勗膏功伏惟九萬里之鵬圖南風高閭闔
八千秋之樹閱古日拂扶桑

賀董誼臺壽啓

湖廣

明蔡復一

恭惟某官兩間元命三立大年邇自監周既昭假而
生山甫出而佑國必平格以保召公太和厚濬於慶
啓雋類函卷五十一 九

源全楚咸開於壽域况流言自止卜聖春之逾深而
喜氣遙騰美家慶之有永誠宜當恢台之候啓攬揆
之筵箕子所謂欽福以錫民伊川亦云事親則宜樂
者也某羈身守部無路捧觴沾永賴之仁定知難老
寫長羸之字寄祝全昌

壽陸開府啓

江西

明張應泰代

瑞應昌辰卿月共中台競朗祥開上鎮福星起南極
齊輝兕觥四座眉揚熊軾千城福湊况如下走昌勝
私榮恭惟某官申生自嶽傳資從天瀝湖海之菁華
誕而玉立漱詩書之芳潤唾卽金聲搏羊角于風過

攀龍鱗而日近一麾暫借歷試爾奇雅似唐桑是處
皆同畏壘何如召與無人不樹甘棠帝廼疇咨時方
藉重霜飛寶鏐龍光俄傍豐城雪映朱幔鯨浪忽恬
彭蠡芴袍載麗弧矢仍懸客羨長椿歲八千而始閱
人逢笑口場三萬而初開其幸與隨騶謁羈獻鵠效
華封之祝實愧缶鳴上老子之圖靡將芹悃伏祈鼎
司驟陟天寵駢蕃純嘏億千秋以往並凝酥之日中
書廿四考從今皆錫祚之年

賀大中丞公壽啓

江西○十
二月○生辰

明林繼志

陽長於三茂對懸弧之日福其五季新視履之祥
佳氣際於昌時上壽徵乎元老恭惟其官黃輿清淑

卷五十一

七

青瑣忠貞抱出將入相之才具旋乾轉坤之畧立朝
正色一言堪悟主心分陝建牙萬物視爲吾體煖挾
三軍之續春融萬姓之膚憶嵩嶽之生申當斗柄之
建丑黃河以北已銷積雪之嚴寒大江以西行逐條
風之布暖籌添海屋履聽星辰某學偷桃生報道花
開花實效獻芹老維是春日春盤景竹歌於期願之
初彌邵道德赤松游於封拜之後不老神仙

賀撫臺壽啓

四川○十
月○生辰

明夏 傳

天啓昌辰元老隱風雲之會地鍾碩輔名賢當河

之靈三台光耀萬方南極星朝北斗恭惟其官儲精
蓬島毓秀躋磯東海晴濶清九流于心鏡岱宗麗澤
開四照于辭林始拜夕郎之官封駁有回天之力繼
晉貳卿之秩清芬標亞海之稱望重華夷才無將相
金湯全蜀彌伸不戰之威鎖鑰西陲屢奏無前之績
擁絳騶而遁豺虎巍然萬里長城楊朱驚而寒旃裘
屹若三門砥柱茲當復月載遘誕辰丁一陽初至之
時正萬福來求之會嵩岳鍾神申甫駕赤幡而下降
昂庚孕秀李蕭葉黃鶴以來翔玳瑁延開玉壘獻九
衢之草玻璫觴挹岷山吐三秀之芝四表謳歌曲奏
啓雋類函 卷五十一

卷五十一

二十

雙飛玄鶴八方鼓舞詩歌五色祥麟丰姿同桃藕爭
鮮眉宇共松筠等潤喜玉壺之懸日月看金烏之曳
星辰作股肱而用替機衡爲喉舌而入參帷幄培殷
家六百年之命脉遐齡遠埒于伊衡冀周鼎三十世
之洪圖麗禧直符于呂望某等久借末光叨霑餘沫
幸茲弧懸之旦敬展華祝之忱

賀撫臺壽啓

明唐文燦

暢月迎長壽域弘開於外闔極星應瑞輝躋永統於
中臺矧當艾壯之年寢昌寢熾更對芸蓂之景感育
咸滋慶衍台垣歡騰闔部恭惟其官儲英衡樹履美

羅城由發解以陟制科雅志既超溫飽歷升華而臨
節鎮長才非止激揚治漢撫夷獨坐收保釐之績督
滇控貴周詢協忠益之謨武惟妙於戢兵文實昭於
附衆終年開解甲人和斯會平天和初度啟懸弧福
澤適裕其德澤時維建子事屬生申茂齡隨日晷以
俱增曰大耋日期願秩秩乎引伸有倣繁祉並陽春
而續布在邊陲在邦域恢恢然敷錫無疆某等藩臬
叨分幘幘素荷瞻華山以凝筭慶賴尤倍於群情借
洱海而獻壽懇祈直路於千祺雖謙尊之度自若必
不效寇萊公之造棚額豫樂之懷交通以未嫌李商
啓雋類函卷五十一

王

賀張名川撫臺壽

南轅○十
二月生辰

明蔡復一

霜淨瘴煙旬緯羅而開壽霞蒸瑞旭籌映竹以迎仙
降嶽翰周得冬成歲占張星之倍耀應軫宿之長輝
恭惟某官道妙生心德仁命物豫章挺幹樹百歲以
參霄豐城淬鐔光千年而燭斗珠轉夜郎之晝則四
照搖花瑄迴寒谷之春則六簡叶律冥靈撫楚甸近
招南極之老人建福酌坤維遙指西池之王母當維

唯雞乳之候記摩麟集鳳之辰物十二以周天澤斯
觀鰭歲八千而復旦貞乃啓元雪絳爲丹鴻寶新歸
調燮石函作記龍沙舊識姓名茅濛之戲赤城宜詠
嘉平之月留侯之受黃石還期海嶠之松乃知張果
侍中誕從丙子裴公真相雄自甲辰豈直參佐之私
歡允爲仙班之盛事其等八荒園域五福稽瞻空有
凡砂隔爐邊之鷄犬慚無妙語頌天上之夔龍看二
曜常會玄枵卜五雲時浮丹竈召公平格配伊尹其
盤以如新彭祖大年歷陶唐殷商而不老

代賀李撫臺壽啓

南轅○正月
十日生辰

明朱多烜

啓雋類函

卷五十一

王

恭惟某官德同枝鹿世秀同五岳之中高位列太微
垣象應四星之執法望切士民而爭一顧才兼文武
以歷諸曹寵膺鳳闕周咨獻替之公崇陟烏臺特重
保釐之寄提闔挈楚避道而清撫粵鎮虔聞風而肅
輕裘緩帶咲談宣四省之威表正繩回恭默洽一時
之化五材官咸服其器使四部民共沐于居安乃者
鯨鯢攘禍于東洋虎豹肆殃于西土選將出師實藉
廟廊勝筭轉漕給餉全資帷幄計謨疏悅聖顏威寒
賊膽掃穴犂庭喜奏凱旋之捷執俘獲馘恭修飲至
之儀行賞遍及于戰攻論功先歸于發縱重瞻汾陽

休風再覩太平盛際鴻業億萬年史須實錄龍沙五
百載識不虛傳茲當三陽開泰之期適值六甲初周
之度正爲歲首萬福自此方新十乃數全百歲于今
預兆極星垂芒于碧漢婉姁引佩于瑤池聖明濡澤
躬割牲奏俎之勤僚采承風輪獻幣執漿之敬四國
咸祝罄宜九夷盡歌戩穀展也清朝之名世卓哉盛
代之達尊其幸逢勝會未效微忱羈踪榻里素懷北
斗之瞻稽首金臺恭致南山之祝附伊衡翼佈此

私附

賀梁中丞壽啓

明倫世卿

化應長春道隆夷泰恩雲望洽弧矢光遙桃熟三千

啓雋類函

卷五十一

五

應崑安之彌劬運隆五百徵天眷之重申恭惟某官
含元履貞宣靈握秀馳聲駿烈懋業高華九服登其
熙臺百年躋於壽域乃茲降神嵩嶽孕粹天星哲人
肇初度之祥仙籍益長生之算喧喧簫鼓雅雜雲璈
湛湛芳馨珍參石髓指罔陵而爲祝比松栢以同堅
其雅荷眷知躬逢盛事銜恩六察幸參烏府之班行
將命兩河奚取豸冠之揚厲顧崇閣之既遠思執爵
之無由然澗正可羞行潦稱潔謬儀馳賀薄具爲將
望霄駕於旌旄擁羨門而歌唐樂邇芝眉於尊俎招
金母以問蓬萊

賀沈軍門壽啓

明龔道立

開府紱麟翹紫氣祥臨海嶠較門增鳳錄青形瑞貫
雲車仙老添籌工僚喜躍恭惟某官天爲唐虞誕皋
夔之良弼地鍾吳越握經綸之秘文金鑾早直宸幄
銅海分符溫省羽音司令時維陽月之交朔始更端
恭際生申之會幽蒙祉福已占於平格天降錫羨元
符難罄乎揄揚風動蓋玄穹既有心於聖世而年所
自難老乎元臣某函谷鬚眉愧寡次公圖畫金籠雲
羽緬懷輦氏陰功羈職守於封疆惟遙稽乎山斗願
熙事與熙績而嘉生期天爵同天壽以並茂

啓雋類函

卷五十一

五

賀迎太夫人

賀董撫臺迎太夫人啓

明蔡復一

鸞數王母之勝方問消息於池桃鳥集曾子之冠更
依晨昏于臺栢瞻雲半寫酌斗同歡恭惟某官樹人
軌之崇功都天倫之至樂道蕪忠孝庭闈與北極並
懷福備慈嚴岵岵將南山比峻惟杖鳩翼繚攬勝事
於仙鄉乃珈翟輝煌就安迎于子舍金萱凌雪樹背
相鮮青鳥披霞眉旗戾止星占壽于兩地日迓永于
三春竹筍抽暄佐和門采蘭之食江魚湧瑞陋官物
卻鮮之嫵民動仁風吏師教本昔潘輿之奉僅止閒
啓雋類函卷五十一

十五

賀王撫臺迎養啓

明唐文燦

恭惟某官鵲傳佳信喜移杖屨於椿庭鳥感瑞徵爭
傍晨昏於栢府頻紅瞻雲之目深副愛日之心東帶
省親闈柳氏之芳規復觀浣裙依子舍石家之篤行

彭彭匪惟春滿一堂藹藹然天倫聚樂猶且化成三
輔洋洋乎民德歸仁某居隔山城屬連疆境仰仙翁
之在侍翁即吾翁聞父老之交談老及人老適時嚴
察計祇思過而閉門蕪事急課程難撥忙而離次姑
馳足騎特獻雜蔬雖養生備丹藥之奇本無須於俗
物顧調膳崇白華之潔或有取於野芹乞命司庖麾
留皮閣若蒙蔭句全乎舊秩當候謁以輸小豎子之
誠俟訖工欣際乎壽筵擬掄揚而贊卿大夫之孝

啓雋類函卷五十一

十六

賀子登科第

卷五十一

賀王安撫子登科啓

宋唐庚

伏審令嗣秘書新恩錫及第者潛心几案素高黃絹之辭唱第殿庭果叶青錢之選士流胥慶儒道增光切以間歲搜賢本朝廷之故事一經肄業復神考之新科人材一興仕路四關非有過庭之教曷充入彀之英恭惟某官俎豆儒風詩書將業授班超之筆意氣一時請南越之纓功名萬里遂推餘澤俯及諸郎得片玉於崑山復青瑣之舊物揮毫洒翰實高董賈之才幹蠱克家行繼章平之盛某未遑展慶先辱飛啓雋類函

卷五十一

王

文感愧之殊敷宣罔既

賀楊徽猷子登第啓

中云王帳談兵是必開府

宋盧谿

伏審令嗣學士校藝蘭闈登名桂籍士夫傳播閭里交歡恭惟某官教子惟以義方積善必有餘慶材兼文武謀贊鈞衡昔隱漁樵能通天下之務旋陞館閣復運幄中之籌詞鋒當一座之鼓旗名譽振四川之草木金門賜第首蒙先帝之知玉帳談兵獨出諸公之右是知善治獄者門閭可大能活人者子孫必封定國果侯信于公之陰德於陵有子表楊氏之慶門

豈惟荆楚之材多奇固知川嶽之寶不匱可並東京之名族何慚南郡之先賢龍虎同登盡天下英雄之異選風雲千載當國家宗社之中興廊廟疎聞家聲益振其恨居謫籍阻造台庭徒懷賀夏以馳誠莫獲鳴靴而下拜

賀趙撫臺子登第啓

明于慎行

恭惟某官斗山碩望柱石崇勛總領西臺會風雲而扈聖保釐東夏奠海岳以歸仁忠簡在于帝心德靈承乎昊貺茲金書渙寵迴斗柄于薇垣更玉樹傳芳發秋香于桂苑仙臺八座已看大冢宰之班聯春殿啓雋類函

卷五十一

王

五雲行見新郎君之步武勲高麟圖方且弘稷契之謨慶衍龍圖豈止紹章平之業某自慚菲陋謬荷陶甄喜大夏之帡幪徒深燕賀望衮衣之信宿莫遂是趨敢肅蕪蕪聊申下悃

賀萬都憲蔭子啓

明費宗

恭惟某官熊羆協夢方開湯餅之筵獬豸冠義式正紀綱之任事逢時會泰與人符巧當最奏之期得荷賞延之典先生如達競詠葩詩有隕自天允偕筮易羌命名之三月倏拜蔭於九重未離襁褓之恩先被章逢之寵雖父書祖視尚期與俊造爭雄而君德臣

賀生子

賀梅督府生子啓八月

明王家屏

允秋應序九苞呈鸞鷟之毛震鳳開祥一索協熊
之兆香凝祭戟慶衍弓裘家祚與國運偕昌天道及
人情並邕恭惟某官中正大人之度愷悌君子之心
持憲若持衡不觭輕而倚重保民如保赤每周詢而
周謀元氣滋培陰德久格孚于蒼昊休徵荐至長
宜濬發於宗枋時維七八月之交耀長庚而現采人
合億萬輩之祝感恒嶽以降靈芝有根體有源本出
遙遙之胃冰爲神玉爲骨况鍾勃勃之姿傳鴈信于
啓雋類函卷五十一

賀耳中丞舉元子啓四月三

明

祥開建巳喜報生申多壽多男肇震符之一索元卿
元子卜鼎鉉之相仍深在庀庠倍增欣慰某官天篤
大道之主盟帝倚宗臣而保障坐臻寧謐行樂昇平
半壁無虞猶肅汛防於定海東巡未必忽傳呱子

塗山屈首夏以生明齊純陽而啓誕在六奇卦氣
呈弄璋之禎况八順于支妙協機聯之貴有麟
秋水爲神霧豹含文清水出壑仁哉昌後孟也難兄
未數名穆承台康當如伊尹得伊陟盖聞島中仙果
無嫌結子之遲海底靈珠翻欲舒光之晚此天地神
明之默相亦君王黎庶所交歡敢因嶽戴之私敬頌
池毛之瑞

啓雋類函卷五十一

三十終

卷五十三

類函六十五

東吳俞安期羨長彙編

上饒王嗣經曰常同輯

建武鄧漢遠遊訂定

內臺部

賀元旦 同答附

賀建康吳開府啓 元旦

宋李廷忠

漢京上日萬玉來庭建鄴遺風百華照曉夙重保釐之寄慶逢亨泰之辰恭惟某官地望穹隆天才卓越壯金湯於行闕峻圭衮於中階茂對三陽具綏五福以賢舅執管鑰於外足寬西顧之憂方春王受圖籍

卷五十三

之初宜下東歸之詔促登上宰永鎮中區

賀建康趙都臺啓 元旦

宋李廷忠

春回解竹物當族達之辰門設楚桃人用磔穰之令喜乾坤之開泰等川阜以儲休恭惟某官蓋世威名濟時方略執戈而衛社稷益增虎踞之雄練兵而動鬼神盡出龍韜之秘轉東風於細柳祝遐福於大椿佇銘燕石之勲入護周廬之禁

賀趙安撫啓 元旦

宋李廷忠

曆草先春祥開端月頌花上壽喜洽元朝宜淮海之發人履乾坤之泰道恭惟某官清姿照寶玉之國異

氣躍牛斗之墟德懿而全才豐於用鷄翹豹尾尊高次對之班虎節麟符式重休釐之寄江濤息警遄城流烽喜臨物棟之辰哀對日升之福賢長城於萬里具宣制閫之威開壽域於八荒行覩轉鈞之手某叨

賀黃安撫啓 元旦

宋李劉

天地泰交乘少陽而出震雷霆振旅利長子之帥師外健蓋內順之亨後勁亦中權之助恭惟某官氣排冬凜德婉春融偕召伯以來旬瓚流秬鬯共阿咸而守歲盤頌椒花人知江夏之無雙我羨西平之有子

卷五十三

某漕居冰下身在雪邊聲聞于天請以勉在陰之鶴

稼豐于野庶或寬我輦之牛

賀楚州崔安撫啓 元旦

宋人

七政旋宮啓合璧連珠之瑞三陽簇律動長榆細柳之春是謂亨辰可無善頌恭惟某官濟時方略蓋世威名殫心膺之忠秉天戈而衛上重藩垣之寄授將鉞以臨邊屬勾芒之令肇新宜戩穀之休駢萃佇疏恩於綽詔乎視秩於衮台某原隰載馳門墻在望雖阻奉慶觴之禮其敢廢賀積之儀

賀劉司馬新掌院啓

元正

明唐鶴徵

日麗新蕙玉律肇三微之始雲輝霽藻丹臺推八座之榮恭惟某官廊廟鼎鉉寓寰斗山家有周公之履烏廷有山甫之賢常瑞日慶雲緝爲純嘏椒花梅萼助此清芬冰鑑無心三載瑞鳥之象陽春有脚八埏威鳳之祥正值孟陬履吉之時况復重巽申命之候藻旒深眷荷橐新榮環四履以歌聲顧百靈而動色塵銷粵嶠帝曰無後朕憂憲乘陪京僉曰無如公可某分符瀕海侍宮座之帡幪瞻拜轅門忽義舒之改換覩茲同春之錫羨莫已此日之歡騰頌南山十有啓雋類函卷五十三

三

詞寅控忱仰祈鑒啓

賀督府元旦啓

總督劉遵

明萬世德

紫極回春奉王正于絕域皇圖履泰瞻帝德以敷天歡騰貔虎之羣和恬魚龍之窟恭惟某官襟同六合氣凌九霄謫謁綬猷草木亦沾其膏潤恢恢遠略蠻夷並受其安攘豈知閩外之流光已改寰中之節序斗攜龍角意城南思婦之驚時星轉鷄林正遼左征人而奏凱尚想元功之疊賞俄傳三印以飛將吹律城喜見風前之甲冑抗旌海國幸銷島外之烽煙

坐使一言望塵九頓觴傾栢葉敢云麾赴壑之鱗頌詠椒花聊自擬歸山之馬情深削牘敬布承筐

賀李軍門元旦啓

淮撫

明盧純臣

大一統以標年天上賜帝王寶曆望三台而獻頌人間卜宰相金甌茂膺長發之祥正屬履端之日恭惟某官股肱明聖師保阿衡仰文武之憲邦輦莫烝黎於淮楚羨儲胥之開府蔚稱柱石於東南萬方歌安攘之勲八座待平章之老歲星逢丑正太族之旋官月建當寅又勾芒之馭令七十二候首迎神禹之疇三百六旬初授軒轅之策考履祥而元吉應乾德以啓雋類函卷五十三

四

賀督府元旦啓

明徐常吉

恭惟星犯一周制閩之舊勲既積斗杓再轉和門之新祉方臻凡聯東甸末疆悉藉上流餘潤某涵濡漸久感戀彌深辰牡頗充喜遇嘉平于臘月冬醪初熟思迎煥煖于春陽敬勒荒緘專修薄貢舉鄉風而供歲事聊隨士庶展微忱飭國典以待時宜尚佇公卿

膺大受

賀大同胡開府啓

元旦并加銜

明馮琦

遙風應律節臨玉琯之春內渥酬庸寵晉璇樞之位
膚公益盛純嘏茂膺恭惟某官海岳英風乾坤淑氣
珠韜金版嚴鎖鑰於雲中玉戚雕弧靖風塵於朔北
茲值三陽啓泰朝野同春適當兩市成功華夷胥慶
七校尉分屯而守霜寒小月之戈五單于解辮而朝
雲集大宛之馬對青規而奏凱鼓簫均歡分紫塞以
承恩旌旗動色某自違德範屢枉芳華隨春色於長
安莫展栢椒之獻覲恩華於上袞欣看竹帛之光敏
啓雋類函卷五十二

布荒械聊伸賀悃

賀兩廣制臺元旦啓

明董應舉

歲篇風霜翕發九陽之氣轅門簫鼓旋回五嶺之春
在天運則貞以起元考民風亦聚而宿歲咸曰惟新
之序因知元宰之功若非析靜千營兼之錯成四野
民士安得鼓暢而享詔華之樂衣冠安得拱手而受
歲計之成珠海無波總覺春流之潤玉衡有政行宣
象魏之和敢奏常儀用鳴積豫朱泥金薄遙知紫氣
之當筵粉荔辛盤且召蒼靈而薦福

賀李中丞元旦啓

淮撫

明王士騏

三朝元會咸瞻五化之宣四始佳辰共慶重明之獻
綠衣除耗彩雀呈祥恭惟某官用冲不盈觀妙無欲
虛心實腹醞和象帝之先挫銳解紛布德春王之首
理艱如批大卻開生徒之十三治眾若烹小鮮除厄
運之百六蒼精效福欣瞻命自天來木正開榮喜見
膏從地發其弱植如金門之竹歲歲蒙吹孤踪若祇
友之鸞年年承鑄謹陳蕪牘用表椒心伏願福與日
臻恩隨陽普主眾父之宗以執大象民用亨嘉御六
氣之辨以遊無窮物不疵癘

賀都督府元旦啓

三遺

明王士騏

啓雋類函卷五十二

青陽獻歲飛澤潤乎華夷紫塞生春暢氣流於河漢
遙瞻左鉞共荷前旌恭惟某官社稷是經文武爲憲
盪陰氛而調律已宣夙夜之勤迎元祉以運鈞正協
明良之會三朔呈新於闔外八風占吉於師中某等
分北斗之光匏繫莫承樽俎賸西秦之盛矢歌永戰
於戈矛丹情約結於龍韜素緒敢伸於燕賀

賀軍門元旦啓

四川

明林嫌

上日逢春日條風始鬯乾元曆啓元甲運重熙雲光
朝靄手轅門瑞英首舒於幕府恭惟某官權倖眞宰
道契貞元領袖人倫高昭代之衡鑑撫綏蠶國屹西

土之金湯駟御甫臨三雪占而三巴闔澤麟符在握
五官調而五將呈威屆茲茂育昌辰喜薦屠蘇嘉祉
其猥承末馭鳳皇宗型又挹雨露之栽培欣同草木
以披拂遭時自慶竊祿知恩乃守在邊陲頃際四夷
之砥屬心同鞮譯遙瞻八座之光華祇奉禁例以逡
巡莫遂趨蹌而拜舞伏願經綸宏闡寵眷茂膺劔履
高曳乎星辰袞衣蚤迎於帷幄

賀軍門元旦啓

雲南

明林 燦

寶茨晨開淑氣曉占于帷幄麟符朔啓禎和霽萃于
轅門品彙生輝邊陲效順恭惟某官天人夙德奎
啓雋類函 卷五十三 七

交期蚤陟蘭臺名重青蒲白簡歷躋華要勛崇外攘
內寧暨節鉞遙鎮于昆明迺風猷誕敷手筇笻值茲
韶光式轉仰惟景貺茂綏六詔熙豐三巴闔澤其備
員蜀微翹首滇雲遵明令而跡阻鳬趨對昌辰而神
馳燕賀樞承莫遂徒瞻台斗之在南祝頌惟勤何異
繁星之拱北敬陳片藻代頌椒花伏望莫定銅標袞
繡蚤依于日月調和玉律履聲高曳乎星辰

賀開府元旦啓

河南

明吳國倫

恭惟某官澤渥三川勲崇四嶽獻績方新于鼎命迎
年適協乎泰階神燕納新絳駟多福爰紀五雲之瑞

旋增八座之輝某等竊在下僚叨承休庇偶執巡行
之役遂愆拜舞之期竊祿知恩捧椒觴而祝頌違顏
思懼瞻柏府以趨起伏願譽命薦升皇衷簡在用廣
經綸之緒允符天地之交

賀陸撫院正旦啓

明徐 作

威凜絳駟督百僚而提福祥凝蒼珮翊萬曆以迎年
得驛梅遠寄雲頭知臺柏大開春脚恭惟某官蠡湖
孕米廬嶽標華休有烈光排雪霜而布煖嚴無辟忌
掃氛褻以畢和慶洽履端功扶泰運春滿東皇陽不
愆而陰不伏恩深北闕川方至而日方升某愧古清
啓雋類函 卷五十三 八

卿埒今俗品一時共事曾借映於玉山千里垂清
託馮乎珍幣朝端依日難接袂以赴賀班天末停雲
欲投箋而宣慶語告虔之念有待圖稱之私無隱伏
願瑞叶五雲丕振台衡之業譽隆八座允符地天之
賀郭中丞年節啓

湖廣

明馮時可

恭惟某官玄黃毓秀海宇儲精玉樹水壺嶸然人倫
冠冕天章雲錦蔚為神化丹青精注百城謁如春風
之風物鑑開三楚儼若大曜之曜天洲聚山居怨咨
願欲之情必得溪蟠洞結畔援虔劉之黨咸消人人
盡登春臺在在如遊化國三載緇衣之愛效謳謠於

千秋九重玉几之懷念勤勞乎四履除書近從除夕
已快執法之高遷新命來自新年且逢當宁之特簡
雲飛三素擁八翼於青霄枝動萬年覲九玄於紫極
某夙倚四岳近庇二天未能化鵠來朝竊擬獻椒成
頌伏願福如韶光之常轉歲奉明君慶似旭日之初
升時照黎庶

賀王中丞啓

元月

明潘季馴

三元啓旦值歲序之載週萬象熙春遺璣衡之旋柄
時維陽復人以慶徵恭惟某官玉潤金貞履崇階以
秉政雲流霞蔚鼓元氣於太和疏膏澤以蘇槁枯宇

啓雋類函

卷五十三

九

宙士民蒙福披冲襟以同造化山川草木增輝胥其
旋之吉者比類歡騰考視履之祥者同心嚮慕矧某
叨至仁以吁咈宜躬椒栢之觴願自畫以方隅莫慰
趨承之願肅憶蕪答佐以菲儀慙九頓之未能爲衷
徒切顙一力以代賀神與俱馳伏冀俯賜鑒存臨楮
曷勝榮藉

賀撫院元旦啓

湖廣

明姜士昌

三微成朔條風布暖于寰中四始開辰太陽散輝于
楚甸遠邇胥慶大小咸熙恭惟某官應二儀之中和
總九德之純懿操持獨上矯矯如半天朱霞蘊蓄無

涯恢恢若浮空巨海霜臺獻直昔發白獸之樽露
施恩近開金口之鐸精流三楚在在猶練五辛神運
百神人人疑酣九醞祥雲鈴閣行瞻命自天來化雨
芳郊喜見膏從地發某夙瞻北斗今倚南枝風雲霄
漢之扶携企望如歲月旦陽春之賞許覆載猶天伏
願萬福攸同常爲萬邦之憲百順駢集永樹百辟之

賀撫臺元旦啓

總督

明舒其志

伏惟青帝乘規萬物荷維新之會紫宸頒曆九天開
始旦之光屬陽德之嘉亨淑氣與韶華並麗乃樞臺
之清豫和風偕化日生輝太簇瑄開暖律起千林之

啓雋類函

卷五十三

十

喜鴻鈞旋轉卿雲煥五色之祥競彩勝以宜春合椒
盤而頌壽塞垣草木欣欣向雨露之榮制闡旌旗濯
濯動龍蛇之色欣逢獻歲恭祝永年斗柄東而天下
春民用躋於仁壽之域玉燭調而四時順位旋登於
燮理之司

賀趙撫臺元旦啓

福建

明呂鳴珂

鴻鈞運啓天開首祚之祥烏府春生暖入閩藩之域
山川生色士庶騰歡恭惟某官道闡關閩才兼文武
襟羅星斗文誇一代之雄節倚雲霄望重四方之式
歷膺臚仕總制南邦秉鑑衡以定激揚風霜凜冽灑

雨露而潤枯槁草木回春方虎功高弓掛天山之上
分淮望重劍澄閩海之波凡茲八郡無虞咸藉一人
有慶澤已施於部屋祉自歸於廟廊慶此陽春宜膺
載穀其才愧凡庸職叨末屬深慚尸素適移斗柄之
春徒切台嚴莫獻椒花之頌是用三薰緘牘百拜申
丹藉鴻鴈以舒忱同燕而飛賀伏願龜齡載錫永躋
萬彙於春臺台鼎旋調咸囿八方於壽域

賀董撫院元旦啓

湖廣

明蔡復一

朱陵仗鉞福鳥帑以全昌寶號規開龍精而啓旦
履端於始長發其祥恭惟某官心會陽宗道扶泰運
啓雋類函

卷五十三

十一

霜臺執法鏡萬水以發天光露冕施恩簪四時而歸
和氣廼於排寒進煖之候適協除舊布新之符四十
而得一爲元上方合黃帝之曆五百而以時則可公
兼收南楚之春景曜曜天馭晴暉於蒼陸條風風物
扇盛德於青陽三戶熙若登臺式靈仙木萬家曛然
飲醕酌惠屑蘇蓋柳眼梅心共依變泰之律而蘋生
芷發盡入汎蘭之騷正七十二候之初始和旣布歛
三百六旬之祉元吉其旋某觸緒冰寒戴光斗轉鳴
春欲動於和賴行夏祇奉於寬條虎可發樽空慚墨
水難化屢托夢風翰伏唯五石補天六符燮鼎此

日馳神左个倡南方群牧以拜旒他年扈聖北宸班
正朝三公而奉璧

賀張撫臺元旦啓

湖廣

明蔡復一

周而南曰江漢春先二始之風陝以西有召公膏爲
四國之雨荷回陽於斗轉欣借暖於律吹庇宇方新
依光猶近恭惟某官練暉日月幹氣貞元鍾百三之
河山手提乾綱坤軸吞八九之雲夢胸蟠武緯文經
有謨有猷矢一心入告我后若水若旱代萬姓請命
于天凡式百辟之訓言凜焉扈芷蘭而離齊紫故屹
三楚之坐鎮謚平衡修貢而湘安流大法小廉吏應

啓雋類函

卷五十三

十二

緹段之變遠來近說民迎梅柳之暉直柏聳秀於烏
臺仙夢迂積於鳳史蓋四十年頒曆聖主方造維新
之休而八千歲爲春名臣實布始和之化郊東鶯囀
衣麗寧數于遷喬薪北鴻高衮歸卽歌於遵渚某履
藩歲晏聽餞臘之竹聲漂梗江干隔獻春之椒頌望
青雲多處欲傍魁三看紫氣浮來遙占福五泰階應
泰爲國家以賀良宰之得輿香水懷香遵月令而播
寬條於比屋

賀兩院元旦啓

湖廣

明蔡復一

攝提貞孟敷荆甸光浮蒼陸始和懸象魏周官手闢

青陽雲鶴自文臺鳥相慶恭惟某官賜休煦物元善
長人乘震執規謹三微以端四始旋乾幹斗調一氣
而壽八荒府曰好生既盡收於貽湯木爲盛德乃畢
達於勾萌嘉與湖湘對茲首祚相二儀之闡懌吹律
無私啓衆正之彙征拔茅有象曉心昏昴布慶惠以
行時蘋發芷榮紀昭蘇而獻歲蓋饒寒癸丑鞭牛已
報豐年之祥而迎旭甲寅圖雞適符太歲之日數得
天而際盛偏祐名臣卿省月以維新聿懷多福銅盤
服露參壽軫之靈光玉琯調風羽泰階於朗潤宜歸
扶鸞輅密焚太極之元想直發虎樽更替東皇之化
啓雋類函卷五十三

十三

某桃符襲此喜蟲戶之初暄椒頌思裁覺鳥音之猶
細臨月儀之帖遙想晉人賀雲開之辰聊同楚客伏
惟攬芳宿莽總轡扶桑秩東作三百六句共由庚於
黃道歷中書二十四考永扈聖於紫宸

賀兩院元旦啓

湖廣

明蔡復一

序端王月荆甸嘘一氣之和祥燦卿雲栢臺占三素
之彩熊封頌滿螭陞恩醲恭惟某官手燮洪鑪躬扶
大斗袖中五石補天象以旋乾階上六符叙星垣而
成泰登臺初化日晴光浮江國正賴依坐即條風元
氣收公門桃李既採南邦而爲憲又纏東陸以啓元

帝真紀合朔八千四十三年伊始臣葵瞻會朝尺五
三百六句重新桃印辟氛總標壯畧椒杯薦暖長瀾
仁波蓋五卯之候朱陵楚方得歲而太乙之司黃道
公即異人詎止星正九農兆屢豐於青耒佇看詔從
三殿徵上輔於紫宸某一守窮邊虞鄉生之凍谷四
更年禽吟柳子之囚山屠蕪階之兒郎翻憐先飲素
葦地隣苗裔徒愧高懸忽親換符遙知吹律雖歸落
鴈後彌鬱陶羈客之心然慶際雞晨良擊拊名臣之
祉伏惟庾開府之尊湛湛澤與歲深戴侍中之席重
重道隨日長

啓雋類函卷五十三

古

賀撫臺元旦啓

湖廣

明趙秉忠

恭運履端曾史書雲於五色春陽應律堯典賓日於
三朝當烟景融鬯之期正風化熙茂之節恭惟某官
龍旂高擁椒闈承漢殿之華鳳幕宏開桃李壯庾樓
之麗絳桃曉醉福臻仙島三山亦羽晴曛恩接帝城
雙闕聽采芡於江漢士女懷春而歌太平觀馴雉于
郊原老稚忘年而樂順治甚幸沾湛露生意與草木
偕知仰奉德風向榮若貴英伊始茲寧樂難懸羊之
令無任曝芹傾藿之私但畏簡書而未繇樞趨謹請
竿牘以代其匍伏自揆任斐竊賴包荒恭願翊青陽

凡赤舄引黃道會元之運詣百尹宣八風集六合回春之符

賀撫臺元旦啓

明唐文燦代

臘轉陽春德澤隨威後迭布年開朔旦勲庸與福祉
駢躋祥光擁遶於都臺喜氣交騰乎列閫某憑依獨
切慶賴尤殷遵大戒而守官引領徒懸內向展微忱
以遣役馳神實逐東征敬呈蕪草之詞聊代椒花之
頌和門風暖既薰四境於太和樂國日長更煦羣生
於偕樂不惟本黃鍾以調律呂庚中丞之雅望夙彰
猶且銷金甲而裕邊籌王相國之英聲彌振

啓雋類函卷五十三

主

賀南贛軍門年啓

明支大綸

璿杓改建會心方感于物華玉律更新懷德願綏于
福履仰羨鴻鈞布物萬宇皆春遙知蟻臘浮香兆民
同樂綵幡花勝應耀芳辰白玉青絲罔陪綺席敬備
辛盤之末用伸椒頌之忱玉燭調光共慶泰交五始
瓊漿介壽佇看晉陟三階率爾申儀丐祈丙照

賀其撫臺啓

元旦

明王德乾

鳳曆踰四九紀化國之日舒以長鴻圖千八百年康
侯之風仁而壽履端溢慶泰祉颺言恭惟某官德苞
二氣之和功燁萬邦之憲重譯仰國中之聖海靜揚

渡祥刑陟天下之平廷懸執法初開獻旦偶屆回春
歲將日月以皆元六甲最稱奇邁椒與栢松而共釀
五辛爭祝長生于時則北極朝正賀明聖嘉平之象
東郊順令播君王寬大之書示恩何啻于放鳩贊化
應超乎翦燕念其一分符竹夙荷提携再轄斧柯仍
叨覆冒倍感壯猷方叔彌瞻新命晉公會條風披虎
豹之關宜櫛禱頌想淑氣上麒麟之閣悵阻樞承代
馳介使于轅門請鑒寸虔于台府

賀大中丞公元旦啓

明林繼志

日駕鰲輪青帝茂履端之始天開鳳曆紫宸洽泰運
啓雋類函卷五十三

十六

之交值陽德之方亨慶天休之滋至天人協德民吏
同歡恭惟某官運際昌期道通元化三載仰福星之
庇九霄高卿月之班坐鈴閣以紆籌布新祥於窮谷
深山之域啓戟門而飛檄消夙瘴於新桃細柳之天
萬民郁郁以含醇百部欣欣而鼓舞佇下彤墀之寵
數聿臻翠節之高華某幸戴二天欣逢元日達顏思
懼瞻栢府以趨趨竊祿感恩托椒辰而祝頌雖揚眉
弁雀未必識大造高深而調韻倉庚庶幾鳴春光一
賀劉軍門元旦啓

總河

明

天開紫橐金儀轉轂於三台風繞青旂寶錄徵符於

憲府路榆見春光之密洩臺栢占雲彩之方浮百順
從心三靈孚祐恭惟某官鎬豐王氣岳瀆元精屹然
駕海六鰲砥波濤而不動挺若擎天一柱挽風會之
如狂憲秉兩臺喉舌司而群邪寒膽政成三輔股肱
任而聖主怡顏入壯皇皇千里之金湯出總汪汪兩
河之通塞馮夷效順千帆轉鷁以如馳黿子與歌萬
艘遵鴻而若堵助成河洛不聞沈馬與加圭儲積坻
京豈羨負牛而走木禹之明德遠矣公之厥伐茂焉
與日俱長如川方至某才同管蒯蔭藉粉榆忽瞻台
曜天中祇奏雲緘日下伏願霑沙作輔調鼎祚以正
啓雋類函卷五十三 十七

師垣投水陳謨慶昌言而綿帝曆則三百六旬之履
始正二十四考之權輿祝頌無垠編摩曷旣

賀軍門元旦啓

明○○○

律應東風布新和三春象魏杓回北斗催莫紀一氣
鴻鈞霜威與岱嶽爭高露澤將泐汶比潤祥因履考
亨藉泰通恭惟某官大德川流巍標山立隻手撐將
半壁胼胝奏功一腔具有全河平成垂憲民云得歲
福星臨奎婁之墟帝曰宅揆卿月照房心之次維龍
躔之旋駟適鳳曆之更端華筵之醕及同人尊傾栢
葉彩筆之書占大有頌擬椒花送寒寧假于土牛坐

幹木牛之運歸袞即登于金馬行符樞馬之喧其未
解漕水幸依屋屨籥周一甲幾見先春之葦桃盤薦
五辛敢羞明信之蘋藻天地爲鑪陰陽爲炭願嘒暖
律于緹灰巨川作楫大旱作霖共調泰階之玉燭

賀潘司空正旦啓

總河

明李克家

龍躔耀采玉律占泰階之符鳳曆更華鴻臣鬯和年
之序藻乾珍於圓景茂祉揚徽謁坤慶於端辰豐蔀
象德含生育美吹萬翔欣恭惟某官靈穎金蓋之精
葆育瓊霄之閎羽儀華沼流品依以揚聲冠冕清時
珪組望而踴景卿臺德棘望重金提元鼎助梅揆留
啓雋類函卷五十三 十八

辰獻雀愧乏青絲白玉之盤栢府畫鷄虛傳銀勝金
象罔之狃靈丹書紀伐白馬宣房之順軌綠字削勲
聖世宗臣身安危於晉國熙朝國老符壽考於汾陽
惟今氣轉衡杓寶曆紀嘉平之運灰飛緹管金儀符
太史之占與物爲春蠉飛蠕動之沂洽望公如歲山
陬谷汲之騰歡豈惟三壽之朋宜介百祿之祐某羈
當下臬禮莫遂於鳬趨毗仰洪休感逾深於雀抃椒
辰獻雀愧乏青絲白玉之盤栢府畫鷄虛傳銀勝金

幡之采伏願道融三略功標五符象斗儀以端揆迴
乾維而奮炎景叶星辰以幹理旋坤軸而躋太寧

賀舒司空元旦啓

總漕

明趙世顯

海宇春回萬有值重新之會鴻鈞氣轉八風飭從律
之祥觀漕務之方殷喜河水之欲泮恭惟某官經國
宏才康時碩輔宣皇威於遙海夙看氛祲全消司國
計於長淮恒見轉輸不竭仁威並著處置得宜卒伍
雲從越東風以移萬斛餘腥霧集趨上國而濟九邊
際歲序之方新上寵褒之薦至想轅門星燦徒有神
馳悵幕府春融末由躬叩謹修尺疏用瀝寸忱

啓雋類函

卷五十三

九

陽總河元正啓

明潘季馴

斗轉天樞元氣運綱維之化台聯帝座英芒昭倚毗
之光鸛班漸履于端揆鴻譽益隆于詮叙九階典讓
庶采承風恭惟某官桂山麟鳳盛世夔龍挾策登朝
已屬蒼生之望擁旄開府屢膺華袞之褒惠愛洽於
民心歌興召父甄陶乎士類化仰文翁表率臣工
紀法貞于百辟澄清淮海太和溢于兩間齊嶽岱而
聲高竹見絲綸之寵登廟堂而望重行膺臺閣之榮
茲三陽開泰運之亨適一氣協乾元之正端辰慶會
寵錫增申某才愧疎庸仰借天河玉潤心知矜式竊

分斗極輝光祗懷葵藿之忱莫獻椒花之頌敬修一
羽少布微悰伏望鑒存不勝踴拜

賀陳撫臺元旦啓

福建

明鄭懷玉

制府霜嚴益壯冰臺之色轅門日暖先回海國之春
欣動七閩榮施萬里恭惟某官節八風而宣化調四
序以授時肅綱紀于玩惕之餘維新吏治霽德澤于
菑沴之後宏濟民生虎戟龍旌肇開泰階之運鸞書
鳳曆慶踐默歲之辰際此履端可無作頌某河潤同
需于編戶瞻未躋乎公堂觀景物之維和敢致梅
花之使玩年華而正茂用獻柏葉之樽伏冀鑒存抵

啓雋類函

卷五十三

十

深行躍

回雲南軍門賀正啓

明田一鶴

晷正玉衡值小往大來之候暖回銅柱見乾旋坤轉
之功遙分春色於天南似襲惠風於座右恭惟某官
體兼二氣道貫一元有律中之陽和收天下於肺腑
自昔扈青帝蒼龍之駕至今憶彤庭白獸之樽聲已
泛於群鷗寒消洱海氣且回於萬象符正泰階蓋斗
之東而人荒齊開實待杓轉自漢以南而四時長似
暫借春留沙汰江河水鑑遙通昆水崢嶸槐棘烟雲
永護上林僕情切隨陽恩慚負曝附梅花之使首肯

何當於辛盤誦藻尉之詞扶桑如移於泰谷何勝水
履伏慕春涵

回郎陽毛開府啓

明于慎行

恭惟某官八座崇班兩朝舊德勲績夙孚於帝簡聲
華久協於輿情茲者光奉恩綸重開幕府控秦荆之
要塞露潤三藩據江漢之上游霜清萬里出臨節鉞
覽勞六轡之儀入踐斗樞且正三能之位步鴈行於
左掖曾聞曳履之聲望犀節於南雲忽枉函書之問
敢當厚雅但切欣藏

回上谷蕭開府賀正啓

明于慎行

啓雋類函

卷五十三

三

璇樞轉柄弘開鳳曆之元玉節分旄誕布龍荒之朔
不膺新福茂對昌辰恭惟某官鍾鼎豐勲珪璋令望
文經武緯望高西府之符碩畫鴻猷任重北門之鑰
左賢請吏既已清朔漠之塵右弼虛階行且正魁台
之座茲者一元肇歲庶品含春回淑氣於青規共迓
內三之泰布陽和於紫塞均騰吹萬之歡某也契濫
蓋簪情深結綬對花磚之日影方虛六琯之灰傳錦
翰於雲端忽枉雙環之問仰惟渥厚何以堪承敢附
縑函少伸丹慊

回制府啓

明于慎行

恭惟某官勒石豐勲銘鍾碩望名高畫閣早成西塞
之功恩錫彤廷特起東山之臥擁絳節而塵清萬里
秉彫弧而氛靖三邊金版六弢再覩軍中韓范黃扉
八座行瞻殿上夔龍某也東國賤儒西清散吏鴈行
陪躅曾聞珠履之聲魚海傳書忽枉瑤函之問儼承
函命殊切心藏敬具報章奉伸謝悃

回吳開府賀正啓

明于慎行

啓雋類函

卷五十三

三

璇儀轉象方回天地之春玉節頒條始布中州之政
播仁風於二室流淑氣於三陽猶雁望月之懷遠發
迎年之問東玄纁而戒籊函珠唾以成箋對使登嘉
附緘展謝簫周一甲久凝玉樹之恩盤薦五辛聊答
椒花之誦

回王懷棘制臺賀元旦啓

明萬世德

龍躔改候律轉三陽鳳曆更新氣回五始惟時既長
何福不臻恭惟某官人世熙臺國家壽域緯文經武
則關內關外疇非康濟之猷順治威嚴則時危時安
總是戢戢之略制四夷于股掌擴萬化于心胸砥柱
中流真若六鰲之任重擎天一力豈能萬馬之轉移
鼓角喧喧夷歌成韻旌干簇簇塞草生春喜逢日以
維和竊上挑葦之慶對光風而轉蕙重來椒柏之新

伏念某兩地幕僚六年關吏飽醞醞時聞疑畫戰之香依被清和每近則碧幢之伏豈意山林之傲骨誤當勅解之重有人皆云塞馬難前恐驚波濤之洶湧公獨謂島奴可僂終看檣牖之清夷拜藻麗以眉揚奉玄黃而神王無忘大塊欲小子常倚乎松筠尚念荒莊望仁人過培大桃李

同閤府賀正啓

明謝肇淛代

天運璇璣歲紀復躔於一甲春生玉帳太和遙溢於五辛時叶泰交坐膺純嘏恭惟某官氣排冬凜德婉春融岱無霧而海無波壯萬里長城之色文爲經而

啓雋類函卷五十三

三

武爲緯弋十年生聚之功富茲獻歲之辰益迓洪鈞之福歷山如黛遙瞻淑氣於碧幢瀑水流澌預祝恩波於紫閣何意瑤華之重已回枯朽之萌某自笑陳人復看新曆霜生兩鬢驚逢原隰之皇皇露洒千家欣傍德星之奕奕椒盤啓節莫殫頌禱之私樺燭朝天願保功名之重

賀元宵

賀余撫院元節啓

明陳幼良

春滿和門燈炬爛群方之焰景舒樂國絃歌藹萬戶之音蓋歲災不及三分覺吳中之多勝事而台耀直通千里適符天上之有清光協氣洋洋歡聲藹藹其叨聯近邸被照臨而最先恭對高臺圖奉將而敢後聊寫微忱于寸楮略充薄具于數緡迎喜氣以兆豐年諒無假燈花之巧卜建洪勳而躋峻秩知不虛麤蠶之新採附禱惟勤垂存是懇

啓雋類函卷五十三

三

賀端午

賀陳制府端午啓

湖廣

明蘇濬

乾遇乎巽探月窟於宵中帝見乎離布陽律於寓內
如日之永與物咸熙恭惟某官咳唾爲經步趨中矩
方城漢水望實倍乎高深桂嶺珠崖賁已及於草木
茲際司權之候正值大火之中海外風恬花含嬌而
斜盼簾頭雲捲鳥歛咲而微頻條達千文備日月星
辰之狀辟兵百索增文繡金縷之章想南紀之精光
慶殊方之嘉鬯某素蒙陶鑄自幸遭逢依洛浦而獻
璫莫續王筠之句入蒼梧而問俗永念陳臨之風敬

啓雋類函

卷五十三

三五

薦野老之芹用申長命之祝

賀開府端午啓

河南

明吳國倫

帝懷中土絳騶至而四塞塵清天祚公家朱鷺揚而
三川沸息恩威交鬯吏庶騰歡某等方以負韃爲幸
猶漸借箸無能越宋入陳台鼎之儀漸遠自春徂夏
斗筭之役未停今茲鷄首之期適屆天中之節五兵
用辟百福駢臻結艾懸蒲均愜太平之願浴蘭沐蕙
敢忘明德之遺

賀李中丞端陽啓

遼東

明萬世德

天動星回化成氣轉綢惟祺祥之擁君子克綏喜逢

節序之來嘉時是祝竊自蒼龍舉火陽運呈秋黃雀

煽風陰潛爲臘豈曰先賢之遺俗式惟大造之應時
恭惟某官含有太和飛揚熙景下寰中之膏澤如梅
雨以濯枝表塞上之令儀似斗芒之建午佛狸窺邊
之已創卑彌奔命以無虞海上倚安攘之猷何用赤
靈而爲厭遼左肅糾繩之政但將綵繒以相娛某能
穢庸才瑋鄉小枝適風光之董愷乃逐熱于他邦會
草木之葳蕤望卽溫于雄鎮無階競渡空憶賜羹欲
奉束蒲敢將角黍芳蘭浴水尚想龍光于綽約細葛
含風遙馳多繡之雍容積有悃誠不盡膚臆

啓雋類函

卷五十三

三六

賀劉中丞端陽啓

浙江

明馮琦

五彩連蜺黍律協蕤賓之候三星在戶箕疇衍福德
之符駕赤日以生輝御長風而宣化歡聲環匝壽祝
攸同恭惟某官斗山巍望鼎鉉重臣聚星應太史之
占三垣散彩開府秉中丞之鉞八座聯階元吉視履
其旋有德自天必祐時維夏午慶洽端初牙蠹高懸
兩浙同登泰域旌旗南指八方共協離明某僻守津
梁阻趨戟衛滿泛蒲卮望懸懸于繡虎猥沾膏沐德
鬱鬱其蘭馨蘆葉藏粘粒粒敢忘生植朱繒組織絲
絲盡屬裁成伏祈百草呈祥六符獻瑞開闢文明在

午勲名赫奕于鼎彝天地長養在夏德澤永綏乎蒼
赤合璧長依日月恍焉鑄鏡生明赤靈坐駕風雷燦
爾懸符在肘佐虞絃而解愠咸歌南極風薰請帝日
以如春愈效東城重舞一片致悃三祝陳詞

賀張撫院端陽啓

湖廣

明蔡復一

五日水嬉之節蓋本懷賢萬家日永之歡實關樂政
必懋棠足以忘暑膏黍足以迎豐然後斟酌佳辰詠
歌景福勝事專於三楚歡心寫乎群僚恭惟某官茂
對乘時長養如夏引江光而鑄鏡形影群材因火令
以揚純溫涼庶物愜其可解黃雀應撫軫薰風賜而
啓雋類函卷五十三

二十七

既濡朱鵲灑濯枝冷雨千收文舞勝赤符之辟兵杖
觀化成欣綵絲之續命龍標奮棹鵬天穿楊良以世
際太平借屈渡習樓船長枝又慮俗偷無事取陶柳
鼓橐韃雄才固非郢客能辨其醉醒而惟商川始展
其舟楫者也其揮扇去酷敢忘察吏之心繫縷何長
更悚省躬之念蘭湯取潔澡志以勿渝艾佩愈痾求
病於所短獲托有美之景盡賴垂蔭之雲阻兕觥以
獻蒲矢調音而傾藿百神受職占淑氣於中天衆草
揚靈歸純禧於南極

賀撫臺午節啓

廣西

明郝世科

龍舟咿軋楚方競渡之時虎略深沈嶺表洗兵之日
佇膺渙渥茂對良辰艾葉桃枝翠色映垂門之曉包
金切玉朱明迎午漏之祥五色絲行沾天賜九子糗
坐致洪庥壽帷幄而奪標淨炎氛于重險之窟協虞
絃而解愠轉離明于一陰之時某泛猷無緣沐蘭有
願緘詞寄遠聊申貢縷之忱撫景臨風若共標竿賞

賀劉督府端午啓

明陸應川

境外烟清已快柳營之解甲天中日永方欣蒲席之
開樽匪徒印揭百神屏帳乍生輝耀猶且粽包菰米
闌闌增納慶祥敬勒片忱聊將非具馳赴沐芳之候
啓雋類函卷五十三

三六

奉供燕喜之需遙借靈符祝在在辟兵爲樂更憑彩
縷祈源源續命增長

賀戴制臺端午啓

兩廣

明

乾遇乎巽令節方屆天中斗轉乎箕繫祉旋歸幕下
綵絲表瑞金縷呈歡恭惟某官德朗朱明威加赤郭
槐龍舞夏晴光頓轉一陰艾虎守辰氛祲盡消五嶺
日躔星火兩甸共挹南薰台拱離垣百執俱依北曜
某仰襲蒲芬願上五絲長縷恩沾蘭沐何須重佩兵
符微忱已豫先庚迅足戒將端午

啓雋近體卷五十四

類函六十六

東吳俞安期羨長彙編

上饒王嗣經曰常同輯

建武鄧羨遠遊訂定

內臺部

賀中秋

三司會送軍門中秋啓

西廣

明董應舉

玄御當秋吐影滿銅標之界至人執矩凌風登天柱之臺論時令則六氣惟中較圓光則三門不夜群仙

合樂幔亭之虹彩非遙佐吏登樓武昌之風猷自遠

允平五政同照兩藩某等受蔭八騫分光三珥道慙

啓雋類函卷五十四

守暈遙瞻上界之清輝術謝梯雲徒想廣陵之謫穆

敬陳蔬蓄用佐桂觴

賀張撫臺中秋啓

湖廣

明蔡復一

星虛宵中帝司天而正肅蟾滿秋半卿維月以倍明

庚公興發南樓賓從在楚武相詩傳西府節鎮留風

亦曰樂萬寶之成非徒誇四美之具恭惟某官乘兗

說物執矩定時氣與霄高皎靈源於智府仁隨露渥

灑潤派於恩流良夜正臨武昌銀河下寫江漢月何

月而不望總讓秋輝歲閱歲以此迴偏逢盛事桂香

郁郁想對策華燭光中藻鑑英英直辨材水壺影外

樹人則蒼鵬變化假羽閭闔之騰計吏而白兔秋毫

稟象澄清之魄功歸報國樂美同人雖千里之照逃

亡何心開宴然一日之妙張弛聊賦登臺洞水微波

弄珠之人欲出白雲浮練乘鶴之客堪邀况虹旦非

遥將訪月槎於天上佇鳳輪促入即傍露莖於斗間

某幸托照臨寧忘吟弄愧不官失政以勞鴈爲開府

之憂奉柏署流光如鳴蜚矢臨堦之響伏惟霓裳一

曲嗟和氣以舒謳玉燭八荒劃留嚴而引耀

賀軍門中秋啓

明陳文燭

仲秋四序維均應都府和平之政明月一輪正滿符

啓雋類函卷五十四

靈臺瑩徹之心辱在照臨寧忘吟美守官遵約東固

難親覲以侍清光戒僕飭函封猶可代趨而將素悃

粗陳俗物敬告涓人納茲令節之儀承彼良宵之宴

心隨上獻宛如倍翫月于峰頭足佇東巡即欲導餐

霞于洞口

賀王雲衢撫臺中秋啓

邊鎮

明唐文燦

沈寥天廓秋光溢滿于皇畿端正月臨霽色昭回于

卿署猥托保釐之內幸承流照之餘顧繁職守株難

與庾樓之詠聊馳函獻果竊充晏府之厨茲辰妖鼎

避金臺重觀歛寒來庭之盛事即日清霜隨玉兔來

仗消塵滌靄之全功荷庇無涯稱觴曷罄

答胡撫院啓

中秋

明陶望齡

伏惟某官家傳金版廷訓竹符外鎮密圻馳聲遠漠
鳴天碎柳羞談援臂之勛授筆銘山自應虎頭之相
今者風高玉帳月滿雕弧雅歌發而焦響沈醪飲酣
而筑聲厲軍中之樂於茲感矣僕技雖柔翰氣溢長
纓感鴈塞之深秋值羽書之旁午瞻惟拳勇曷已神
懷豈謂瓊施遽光華寶

啓雋類函

卷五十四

三

賀重陽

賀軍門重陽啓

明耿定力

玉律詣于閭闔序屬三秋義交協于天風日逢重九
正國老扶陽之際適名賢賞心之時仰瞻彌節橫霜
千里瘴雲淨掃更羨正繩繡允九天惠露一新睠懷
泛菊之清風况值賜更之佳序人兼四美遙知興溢
龍山天各一方空見霞飛滕閣酬節未從于皂帽獻
芹竊效于白衣北殿傳柑膺天寵于韓圃秋容之上
南陬納稼濟民生于堯天萬寶之中統冀台融俯垂
麾頓

啓雋類函

卷五十四

四

賀兩廣軍門重陽啓

明董應舉

玉節橫霜戎服紀龍山之勝金廳荐菊秋容生韓圃
之香惟日月並應乎嘉名故古今咸標爲勝會矧手
鉞分天北岳鎮斗南環五嶺八桂之鄉纖塵不起御
兩粵百僚之上惠露常流烈掩前修氣凌西嶺登高
俯視日邊見銅柱之標對景清吟筆下開鶴林之艷
糕浮五色酒泛九華茱萸挿玳瑁之筵巧藥和金鉉
之鼎神仙藥市應陽數以登年黎庶稼場荷玄功而
永慶遙知逸興薄貢輶儀聊供藉野之歡敢冀垂台
之照

賀冬至 同答附

賀吳總卿冬至啓

宋方岳

子爲天之正日極南躔之景雷在地中復春連北斗之魁喜緹室之律回覺總臺之雲麗恭惟某官天人三策禮樂百年方排閭闔呈琅玕之奇鵲驚集九霄之曉迺羞崑崙薄蓬萊而去貌貅飽萬竈之煙要不爲紙上已陳之言姑將試胸中有用之學鼯鼠盡消於陰慝幸逢剛長之休鳳凰遙覽於暘暉式對亨嘉之會某遙瞻卿月不戴庇天吹鄒律以破寒更探陽和之消息紀漢宮之迎至屢驚節物之崢嶸其若頌啓雋類函卷五十四 五

言莫殫襟抱

賀曾安撫冬至啓

宋人 任武 剛梓

長至之逢辛日允符雲觀之書南極之次丁躔正應星沙之壽維時玉帳昭對璇璣恭惟某官德配陽休道偕剛長地中雷復豈容小袖之回旋魁下台明卽橋大鈞之塊圯仁等沅湘之永福齊翼軫之高某半刺灰寒寸材箋短碧油元帥繡歸卽相於西周白脚門生襪貢尚憐於東郭

賀桂制置冬至啓

宋人

舉貢禹之冬人時敬授司伯趙之至天正踐長有如

元帥之詩書庸介宜民之福祿恭惟某官德潛剛克道配陽休前茅中權威已肅武功之草采薇遣戍人期聽文德之麻諒由於菟顧兔之交遂趣孔雀麒麟之觀椿齡彌永槐陰益高某竊比五雲苟容再歲井勿幕於元吉在上猶冀有孚復閉關而商旅不行尚何祇悔

賀黃制置冬至啓

宋人

陽月建子觀復見兩儀之心至日得王帥師應三錫之命時維玉帳妙合璇璣恭惟某官濟北一編汝南千頃和門畫靜士知挾纊之溫候析宵沈民謝開關啓雋類函卷五十四 六

之樂顧恐六日四分之鳳律將催五更三點之鷄行

獻履徑上於星辰合璧長依於日月某身依雲此心實灰寒雷在地中想魏博三軍之喜水解漕下乏營平一線之功

回江東李制帥賀冬啓

宋人

七日來復可知天地之心千里折衝實賴詩書之帥道隨剛長政與和俱恭惟某官德配陽休氣排冬凜名播江淮之草木識通河洛之圖書緩帶輕裘方靜觀於雲袞獻履貢襪佇直上於星辰某材如綫短心亦灰寒倚棠棣之華猶書紙尾曝茅簷之煖但夢

賀軍門冬至格

明諸葛昇代

天統迎長一氣逗春於六瑄地維倚重五雲輯瑞於
三台歡逢陽至之辰茂集大來之慶其為頌禱罔既
編摩恭惟某官靈炳鎬豐峻標岱華毅然任天下之
重屹一柱以承乾溫於得聖人之和注百川而受海
軍民僚吏趨鏘元老經綸河漢江淮聯絡神州玉帛
紆九重之宵旰既錫於玄圭綰七鎮之權衡望更
隆於赤舄時維英節景值昌期復其見兩儀之心泰
以亨衆正之路大三日近遙知宮線之添尺五天低
趣侍宸旒之邃某俯愆冰憲仰贊水漕藉蔭杕榆欲
啓雋類函卷五十四

七

儀代展捧觴之敬

賀劉制府冬至格

明王兆雲代

和氣解冬嚴初動天中之磬陽春開子夜乍飛緹室
之灰錫爾純禧欣茲長履恭惟某官胸藏太始足躡
天根闢陽翕陰江淮鍾其王氣宣律助呂廊廟藉以
蜚聲想滿眼之氤氲慶殊方之和鳴黃鍾鳴而太音
寡和王律動而萬戶咸開陽關來七日而親見於包
義寶島調千火恍神游於軒后某等自慚蒨植空度
韶華補綴何能徒負漢宮之線吹噓有自幸登魯國

之臺爰有野芹足當玄酒

賀董撫院冬至格

湖廣

明蔡復一

制府開華迂恩光於瑩陞觀臺書瑞轉淑景於梅天
正三楚福星之新迎一陽長日之始在冬可愛與復
偕亨恭惟某官契妙天根幹時斗柄午先養子握俞
關之微機陰不疑陽運抑扶之大力八神建表謫嚴
畧於晴暉六物釀和澄瀉風於醇味吏從律而成響
信應黃鍾士挾纊以歸溫氛消玄陸乾坤交讓獨觀
大造之心雲物送迎誰感太平之貺謹發房之禁晝
靜和門樂閉關之閒宵沈候拆岸容山意坐回荆甸
啓雋類函卷五十四

八

春光璧合珠連總合使纏佳象寧惟臨鵠分而布氣
會且司鳳曆以調元某才愧線長候逢圭暖釋窮愁
於比屋惟賴吹綬祝繁祉於剛辰敢忘獻履天高星
遠稽千歲以御今小至大來由七日而占泰嘉潛淵
於玄北竹鳴玉於紫宸

賀兩臺冬至格

湖廣

明蔡復一

星昴正冬展上儀於亞歲日衡軌異納初祉於升辰
氣轉黃鍾光浮赤極恭惟某官道扶三統業擅八能
先朋而來為正人之領袖與陽偕關即造化之樞機
卷舒宮線之紋胸蟠五色出入雲門之瑟音度九韶
當全楚之寢兵達微陽而薦樂天和召暖地惠萌華

驗炭有低昂獨分刑德之月啓主無進退兼招迎送
之雲蓋江漢之貢菁茅南瞻已嘉於剛德且衡湘之
秀蘭荔東郊預卜於豐年既福五以哀荆宜魁三而
占象其蟲方坏戶鴈忽隨陽趨栢府以稱觴難斟大
酋之醴傍靈臺而作頌猶吮書物之毫銘蔑自慙吹
霞奚擇伏惟水壺開照寶鼎迎長觀天地之交十三
默旋斗柄扈君王而拜太乙常捧御牀

賀撫按兩院冬至啓

湖廣 明蔡復一

鳳律生陽嶰竹音同四表龍杓指子星垣芒燦三台
轉造化於飛渡迎純禧而開閣凡噓元氣並祝升長
啓雋類函卷五十四 九

恭惟某官靜見天心動亨剛德函三合道探籥於聲
希味淡之初吹萬導和提衡有璧合珠連之妙立周
圭以直影身作陽宗溫鄒谷而解寒政爲冬日惟推
筴踐長之候正登臺書瑞之展五而成卿美送迎於
雲物七之來復觀交讓於坤乾凜正色之標稜獨高
臺栢肇春華之消息先綻江梅蓋度起軫中得天壽
歸三楚而樞旋斗北扶統功滿八紘信昌祺與景旭
同舒宜樂事偕候風協暢者也某孤根氷冷坏戶陽
回閉闕申保障之防方潛雷鼓發房謹澡泄之禁矢
奉霜條雖撞庭莫發於黃鍾然酌樽恩瀝於玄酒伏

惟八神定極六物釀醇玄牝潛淵鍊丹自成鴻寶
紋添線補袞即耀山龍

賀王撫臺冬至啓

明唐文燦

炭鐵察低昂早覺微陽之入冶鼓鉦聽遠近懸知都
憲之臨邊春光漸洩於路榆雲彩方浮於臺栢開關
襟靜黑侵自消開閣迎長蒼祺駢集竊附鴻慈之庇
宜揚燕喜之席淹歷寒霜在荒邱雖無履襪適逢暢
月卽村陋亦有醪羞敬搜索以佐行厨專勒坡而干
記府粗陳悃悃曷罄歡欣惟增境內之和文恬武熙
不出門而四遐永莫尚協師中之吉爵峻祿臚仍歸
啓雋類函卷五十四 十

闕而三壽齊登

賀操院冬至啓

明趙世顯

二儀闔闢俄暖律之初升四氣循環喜天心之乍見
值此履長之會尤深慶懌之東矧張弛之惟宜致枚
寧于有象乘時收竹箭用戒不虞順令閉關津共推
鎮靜山環建業行看草木回春江接潯陽永見鯨鯢
遁迹明威有赫末屬爲榮俯竭蟻忱聊申燕賀
賀撫臺長至啓

明鍾兆斗

臺雲初紀一陽呈來復之祥宮律俄旋七政適更新
之會泰道共隆寰宇陽和先布江淮歲事方亨民心

有慶恭惟某官六合文龍九霄威鳳才華董賈早登
玉笋之科學術伊周可和鹽梅之鼎聖天子厯淮鳳
爲豐鎬之舊都賢宰執寄督撫以保釐之劇任憂寐
首思手耆碩轉漕上拒手禁橫風行草履萬方奉意
使以指揮水票蓋形群品式身先之矩矱五紋繡線
補龍衮黼黻之華六管雄風得羊角扶搖之翼箕嘯
申五福茂同協律之英冀華祝願三多永轉周旋之
花甲其喜逢令節無補熙朝遙布素函祇鳴丹悃伏
願金鑪振響啓迷聞以太上之希音玉鉉調和回瀉
風以玄初之淡味仰祈電鑒無任冰兢

啓雋類函卷五十四

賀漕運冬至啓

明趙世顯

朝廷衮職需山甫以宣猷天下軍儲賴鄼侯之石畫
睠此轉輸之際適當長至之期升臺書雲喜見千艘
畢集迎日推筴預占百穀咸登乘陽氣以戒徒旣足
兵而足食順洪流而飛輓兼裕國而裕民其幸廟下
風恩微才如宮線欣逢令節敢薄效其野芹

答賀南韻軍門冬至啓

明吳之龍

玉節凝祥肇應一陽之候珠星紀瑞預占百祿之道
綰繡線以舒文知隆福隨剛而浸長倚璿臺而望氣
羨吾道與日而俱南凜霜威于章貢之交宿臨正鼎

同陽和于楚粵之表律應黃鍾行且列百炬火城而
調斗杓于天龍茲諒對一分鳳曆而啓元運于泰來
緩帶輕裘正傾仰折衝之畧獻履貢機方擬修亞歲
之儀遠莫捧于兕觥惠敢膺乎魚素開函感臆展駭
厚顏恍然日約五雲裁答漫嗟乎凍筆率爾神馳千
里瞻依實切于星躔銘哉有懷敷宣莫既

啓雋類函

卷五十四

上

上河東公啓

唐李商隱

商隱啓伏奉手筆猥賜奏署某少而孱懦長則艱屯有志爲文無資就學雖雜賦八首或庶於馬遷而讀書五車遠慙於惠子契濶湖嶺淒涼路岐罕遇心知多逢皮相昔魯人以仲尼爲佞淮陰以韓信爲怯聖哲且猶如此尋常安能免夫是以良背却行求心自處羅含蘭菊仲蔚蓬蒿見芳草則怨王孫之不歸撫高松則歎大夫之虛位不可終吝屬於高明伏惟某公春日同和秋霜共冽叔子則九代清德稚春則七

啓雋類函

卷五十四

十三

葉素儒君子立言永爲周禮正人得位長作歲星今者初涉將壇始敷實席射江澳壤潼水名都俗擅繁華地多材雋指巴蜀則民皆譙秀訪臨邛則客有相如舉纖繳以下冥鴻執定鏡而求西子唯所指命便爲丹青若某者又安可炫露短材叨塵記室鹽車款段徒逢伯樂而鳴土鼓迂疎恐致文侯之卧承命知忝撫懷自驚終無喻蜀之能但誓依劉之願

上鄭安撫啓

宋孫復

房推如晦遂同天策之登瀛婁薦懷英終藉虞淵之取日慶希濶千齡之遇借吹嗟一字之褒刮垢磨光

硯發豐城之劍澡身浴德雲從陶澤之梭無煩貢禹之彈冠已荷孔融之薦鴛故蕭夫子獎能太重而荀令君進德不休謂天下未嘗無賢苟有用我者儻君子不得進仕吾何以觀之要如崔相之擬官無若長平之奉法俾士有報恩之薦而賢無在野之遺恭惟某官通德家聲廣文才譽題衡忠義差肩從讜之英猷推轂賢才繼踵當時之盛烈德聲瑤林之秀量澄玉海之清邁曠遠之高標蘊森嚴之直氣才兼文武端如萬里之長城身係安危遂寢四郊之多壘既躋民於仁壽遂卧鼓於邊庭履正奉公廓變西南之俗

啓雋類函

卷五十四

十四

輕徭薄賦惠康參井之墟洗虐政之煩苛成大功於旦暮佇膺芝檢迅陟槐庭如山如河屏翰聖人之德作舟作礪甄陶天下之民伏念某黃卷腐儒青氈衰緒棄繻憤悱朝昏太學之麓鹽映雪飄零厭飫古人之糟粕欹崎歷落之可笑險阻艱難之備嘗轉喉多觸諱之聲炙手無可熱之勢幸託雲天之庇敢辭關柝之卑恪修春蚓之書仰瀆右貂之重淮南雞犬傾心五色之丹冀北驚駘妄意千金之市

上汪中丞啓

宋王十朋

中丞負王佐才爲御史長以暴公子之威名而持斧

以裴中立之德望而視師風采所加華夏咸聳悍將
爲之落膽狂虜不敢貫弓一正天下如其二不有君
子其能國大夫出利國家安社稷茲其時哉宰相上
佐天子理陰陽執先公者其受知不淺贊喜爲多方
苦癢病之侵復伸祠秩之請望門墻其愈遠瞻履烏
而莫遑想旌旆之已旋諒紀綱之益振倚須大拜續
走賀緘

上鄭宣撫啓

宋陸游

出董成師自陝以西咸舞歌於德化從天
而下卽震疊於威靈豈惟瀚海玉關馳奏捷之音將

歲時類函卷五十四

十五

見博士議郎上策勲之典士心聞懌國勢莫安恭惟
其官氣壓群公才周萬務識若蒼龜之先見論如山
嶽之不搖湖海襟懷正在大牀之獨卧廟堂風采未
遑一壑之初心茲輟近司來恢遠略弼臣同德何難
運帷幄之籌真儒爲邦寧止學俎豆之事已慶登壇
而受鉞端觀推轂而出師先天下而深憂方遠同於
文正卽軍中而大拜豈專美於熙寧其流落無歸棲
遲可歎青衫去國十載于茲白首佐州一人而已顧
尚賒於委骨猶復鉅於伸眉仰跂光躔雖阻服弓刀
之役鋪張勲業或能助金石之傳過此以還未知所

上邊鎮鄧侍郎啓

可式

宋劉宰

厝火薪下方事勢之可憂作舍道旁會議論之未一
此韋布之士所爲流涕太息豈紀綱之地所應循默
苟容敢進狂夫之言少裨智者之慮切以治內治外
固有定序知彼知己要先反求時方病於才難國未
臻於財裕乃爰匈奴五單于爭立之事欲收樊噲十
萬衆橫行之功旁求狙詐之徒肆爲誕妄故縱鼠竊
之盜俾事奪攘徒令大義之虧莫副遺民之望甚矣
向來之過計宜乎嘖有於煩言其在於今則異於是
我雖懷猶豫之意彼已爲不突之謀聚師河南妄立

歲時類函卷五十四

十六

出征之號貽書境上公爲詰問之辭輕兵來往之無
常互市關防之愈密倘務折衝固禦要在同寅協恭
切聞上而執政之臣了不任方來之患下而列曹之
彥惟知咎既往之非秋高馬肥旣已在於目前徇苟
蠅營曾不慮於意外豈所謂進思盡忠退思補過何
以異危而不持顛而不扶一變流俗之爲端賴風憲
之長恭惟某官鍾衡湘之秀嗣齊魯之傳精白一心
澄清庶位以身出處係國安危楚甸將輪周覽戰爭
之地宮廬講信熟知夷虜之情茲焉居耳目之官允
矣任腹心之寄豈比餘子僅效一官固應及今之時

視上所向舉基不定莫勝其偶用意不分乃疑於神或盟誓當堅則須釋敵人之疑若間隙已開則亟爲邊壤之備釋疑於敵則生事者合正其罪爲備於邊則在位者當同其憂庶彼雖藉口以爲辭而我可協力以扞難安有養成騎虎之勢猶欲復持首鼠之端況和戰有兩塗而修攘非二道必敵國仰如父母庶制挺可捷利兵而今也謀帥率用武臣安知田里之愁歎增戍多築營壘第令征役之紛紜連蹙獸駭而安坐不知粒米狼戾而賤棄不顧青蚨之用殆折八九耕牛之存十無二三十里長淮未穩巢枝之托百

啓雋類函卷五十四

十七

年故壤曷來簞食之迎且立國以來恃兵爲重必先固本乃可圖功流傳細柳之屯數賊采薇之遣假如海道之警有若孫恩盧循實恐宗社之虞不在昆夷儼狁又有大者敢竟言之由來爵賞之行蓋示功名之勸或出畀鈇鉞之任惟顧金錢或入榮旌節之加徒起刀筆是使捐軀之士居多解體之人顧同偷情之風譬若鷹鷂之逐鳥雀庶使倉卒之際皆猶子弟之衛父兄不然推波助瀾玩歲愒日僅存仗下之立無復朝陽之鳴寒後索衣裘亦已晚矣積中毀龜玉誰之過歟其災患餘生蹉跎末仕不藉子公力圖入

帝城實懷宗周憂不恤嫠緯父袖正平之刺試登元禮之門可與之不可拒之惟安於命所願也非所望也有味其言

上安撫辛侍制啓

宋劉宰

恭審祇奉堯言載臨禹會五侯九伯卽專鈇鉞之征萬壑千巖重仰詩書之帥神人胥豫宗社有休恭惟某官命世大才濟時遠略挺特中流之砥柱清明寒露之玉壺俟對西清入陪閒燕承流北府出分顧憂肆煩十乘之啓行盡董六師而于邁然念京口之兵可用徒侈流傳太倉之粟相因未多紅腐必致杜牧

啓雋類函卷五十四

上

自治之策庶收宣王外攘之功衆竊遲之我則異是上還印綬歸卧林園既乖曲突之謀屢見俗庖之折旋悔鴈門之失計輕用王恢欲使淮南之寢謀莫如沒黯起家有詔賀履無涯竹馬歡迎謏喜細侯之至木牛饋運正須丞相之來某侘別風姿驟更歲律曩竊棠陰之覆今欣芝楡之頒一天獨有二天敢恃門墻之舊今日以至後日所析山藪之容誦詠深敷陳罔既

上丘安撫啓

金陵

宋李廷忠

望帝王州之王氣鎮以從臣得子男國以庇身幸哉

屬吏方佩印近民之始敢奏書下侍之前恭惟某宜
沐泗正傳岱嵩偉望摘辭爲風雅之伯發政號神明
之君冠虎榜者一二人昔已推公輔之器登鵷行者
四十載今猶著侍臣之冠固知材大而用難豈有道
尊而處外剛正自守夷險弗渝華轍歷半天下之山
川茂績高滿朝廷之卿士峻其延閣之班洪以留臺
之寄東都襟帶之會其地最雄北門管鑰之司以人
爲固遐衝自折於樽俎妙算不出於詩書萬族輯和
十連震竦問洛人以裴度之安否足見睿懷寄楚國
於子玉之重輕佇還宰席某學真土梗跡已塵埃素

啓雋類函卷五十四

十九

行患難之中絕望功名之外坐羶獨冷方將付吾道
於滄洲吹律成暄豈謂逢主人於錦里錄其小異試
以一同况值曹鄴淺邦之不成欲爲滕薛大夫而安
可遙依節制少借聲光雖策疲鞭鈍而不辭尚藏垢
棄瑕之有望在大府帥當見以戎服阻修趨拜之恭
顧田家子安知於伍符但竭撫摩之力搖旌所向涉
筆難宣

上吳制府啓

明萬士安

休官於服官之歲不是人情先老於未老之年豈非
天意頃直辭而求去蒙曲諭以勉留竊念某守章句
而不適其宜拘繩墨而罔裨於用縱使愚衷未泯曾
無善狀可稱又耳棲蓬草以長終何意援茅茹而起
廢才微位過命薄疾隨當五十血氣之餘涉八千道
路之外炎蒸鑄骨二豎浸入於膏肓瘡痍剥膚百邪
交攻於腹背獨行踽踽髮短心長隻影依依貌肥脉
病雖未酬犬馬之報効聊欲保螻蟻之生成故思返
平丘園及未填於溝壑况區區素守難斷送於衰白

啓雋類函卷五十四

二十

之時而歷歷外官每結果於雌黃之口蟬逃所藏統
身望日月之光鳥脫樊籠翹首振雲霄之關未能學
獻芹於野老亦知耻竊穀於明君鏡裡頭顱數零顏
之難少鞍中髀肉樹勲業以何期已竭鄙言未回高
聽恭惟某官秉知人之智普愛物之仁若大匠無尺
寸之遺於下愚錄錙銖之細非惟護其短淺抑且過
於褒揚旣荷採封敢忘結綽但較身名之輕重則多
病所當亟歸顧揣才力之淺深則不能尤宜知止謂
韓國之盧可逐李東郭之馬將疲與其強鍾鼓於爰
鷗孰若借榆枋於斥鷃伏乞察此心之非有規避憫

朽質之實有凋殘雖爐火煉金聽大冶之自鑄而鑿車伏驥向伯樂以長鳴桐帽襪鞋餘生有幾榮葵藥裹此外何求筮不厭於瀆蒙士固伸於知己

上御史大夫王公啓

明吳國倫

恭惟某官兩朝耆德六服具瞻作帝股肱司天喉舌霜清握紀曜炳敷文臺端輔法之臣矢心效其正笏海內蘊奇之士延頸願爲執鞭比遠更入朝之年正明公開閣之日伏蒙憐其落魄遇以改容侍坐論文既慰斗山之仰憐才借譽尤存吐握之風脫越石於羈囚難稱遇合識公沙於杵臼豈藉游揚恩踰九遷啓雋類函卷五十四

主

價增一顧便唾咳翻然見品而死灰尚令復燃微幸於天負愧何地竊自惟念無可受知操孤尚以依人早離投壁之忌網羣疑而涉世莫辨償金之心三黜竊比於展禽一言虛召乎季布枉尺既非所欲惜分敢以爲勞矯足羊腸未問郵程遐邇全身虎尾不知機事安危晚廁門牆旋披雲霧但剖符既遠削牘難頻登望海之樓以望京目與扶桑並峙閉思過之閣以思舊身依叢棘爲鄰且通籍二十年徒飲前魚之泣投荒八千里又題窮鳥之悲况鱣燭吞城狼烽蔽野死守可效生還無期敢謂鳴其不平竊欲伸於知己

上張中丞啓

明胡植

白簡霜嚴重直方而總憲烏臺風肅糾邪佞以澄清薦歷三臺具瞻百辟羣寮仰止與頌攸歸恭惟某官質粹鳴謙才華射斗文章宗伯兩出色於賢科道學淵源每潛心乎聖典青年筮仕官列七貴之尊烏府拜麻權操六察之總奸謀屏跡知沒長孺之立朝正色不回識張玄素之論事志存許國職在黜邪三天有條法不容輕重其手一誠無偽獄恒多平反爲心衆推趙抃之直而清更推山甫之明且哲彰善輝惡照人肝膽鏡懸範俗迴風報主謀猷心赤允副蒼生啓雋類函卷五十四

主

想望偉哉社稷重臣此下吏之仰瞻大廷之倚賴者也顧某自慚疎拙叨荷眷隆山澤癯夫祇應晨耕南畝駕樗弱質詎宜濫竽清班渥被高風顧瞻依而未遂遠蒙厚植託頌述以攄忱盛德難名耿懷彌切臨風拜手向日披衷

上趙中丞啓

明胡植

憲體森嚴尊莫先于獨坐朝綱振肅望尤重于觸邪柏府弘開千鳥殫集蘭臺峻啓雙鵠威凌捧白簡以飛霜曳繡裾而燦錦恭惟某官量弘海潤操勵冰瑩激濁揚清權擅八印之重彰善輝惡官兼七貴之尊

山斗具瞻廟廊倚藉鏗鳴蒼玉凜凜歸正而矯偏赫
奕形騶駸駸回風而輓俗立朝必資大正直作式恒
藉乎老成危言勝于崔從自可彈冠以代裴相諷諫
過於豐稷何辭上殿而讀唐書不須識面臺官其訝
忠肝柱史社稷之重臣攸賴僚采之師式具瞻者也
顧某賢愧為工既濫竽夫導淮之寄識漸安世復承
乏于掌膳之司詞賦何裨知味莫鮮頃者春風溥被
和氣孔彰素仰高風登龍門而莫遂窮源滄海緘鯉
素以攄忱用綴片言布今昔之微緒爰鳴盛德達南
北之隔悰翹冀滋深瞻依彌切

啓雋類函卷五十四

三

上操江院啓

明孫成泰

峻華注簡江淮隆綱紀之司風力宣猷寰宇仰澄清
之化東南之半壁鞏固中外之萬姓歡呼恭惟其官
解角威清鷹眸氣肅控留都而筦鑰江警無虞總吳
會以為霖壤歌用沸全才天畀協張弛文武之宜大
受君揆虛出入樞衡之位喜見鯨鯢息屏驚看虎兕
寬鎬卓哉炳燁之大人赫矣羽儀之天使某身慚匏
繫將就日以未能願切葵傾幸承風之有自受成禁
中頗牧期蕩平瀚海之波指揮組上甲兵行永奠長
江之壑

上詹掌院啓

考滿

明王兆雲代

殿中執法太微耀彩於楓宸柱後惠文左輔宣猷於
柏署宏綱振肅直道明彰恭惟其官兩朝元老四海
鉅公以不世出之哲事大有為之君精忠與勁節齊
名惇大與明作並濟伯仲之間其惟伊呂簡冊所載
遠邁蕭曹諸艱歷試方正位於臺司百法總持獨懸
衡於國是挈綱維於五院激濁揚清卓憲度於庶寮
小廉大法川為楫金為礪惟聖世所需也帝之師王
之佐舍明公其誰乎某一行作吏曾無補於蒼生三
載考成實有慙於赤臆高天厚地敢希大造之生成

啓雋類函卷五十四

三

兩潤日暄尚覲神功之培植披素襟之疊疊敢曰書
可通忱慙束帛之寥寥奚止儀不及物仰希涵鑒曷
任光榮

上都察院陳公啓

太守考滿

明許以忠

憲府弘開獨總綱維之重台星遠照不遺桑梓之微
帡幪幸免震凌賤牘敢忘奏記恭惟其官善為楚寶
望重商衡公生也奇嶺上黃鵠入臺官聲之顯山頭
白鶴鳴臯丹筆詳刑恩溥雲間之露雨繡衣貞度威
揚海內之風霜江右汝南攬兵符而參藩轄秦關蜀
道司臬憲而鎮徹垣旬宣消六詔之蠻煙督制息三

吳之江警榮疏上命秩掌內臺舍雜舌而伏蒲百職
凜糾彈而象旨批龍鱗而折檻九重嘉獻納以改顏
歡投魚水之交慰藉鹽梅之用萬邦稱慶三楚沾輝
某品類醯雞枝同鼯鼠領麾南屬謬承推轂之功奏
計北征稍慰樞衣之願顧三年司牧拮据無補于民
崑而一旦考成瘵曠懼于乎國憲倘藉蘇天之新庇
俾安吳地之舊棲寔爲再造之恩曷勝永懷之至

上戴制臺啓

明蘇濬

虎帳春開天闢南荒之紀隼旌秋肅帝寬西顧之憂
庶采屬心百夷拭目恭惟某官卷舒元氣經緯扶輿
啓雋類函卷五十四

三五

爲裘爲箕紹三千之禮樂如江如漢富數萬之甲兵
旬宣已懋三秦推轂特崇五管江頭樽俎折衝于談
咲之間嶺徼風霆立變于旌旗之下舉凡侯甸采衛
之族以及鱗介卉服之區莫不隅隅向風烝烝顧化
而某猥承述職之典莫伸負弩之供奔走靡寧瞻依
獨切敬布積悃莫罄名言

上滕撫臺啓

明蘇濬

某聞土壤細流曾何裨于海岱設鞀懸鼓亦且訪于
芻蕘惟千慮之計常周故一得之愚思獻恭惟某官
文經武緯陰翕陽施坐臯皮而冠帶園門握虎符則

旌旗生色仁義禮樂非紙上之陳言財賦甲兵盡胸
中之實用去有祈佛之願來有得雨之歡蓋樽俎絃
歌人爭流其闔澤而壁牆戶牖職尤藉其餘光某驚
駘不前鉛刀靡割寔之東壁則蒼素莫分試之天閑
則驪黃罔辨重以膠柱刻舟之見殊非轉圜投錯之
才卽典章尚在稍逭顛隳而譴訶已深終難解脫茲
承封非之採敢隱芹曝之陳竊觀世路之崇卑總係
吏治之臧否然朴忠悃幅每易動于浮言而軟熟脂
韋尤借資於衆口故薦紳有力得以持短長之權而
麗邑諸司不能免牽掣之患毀譽可畏白墨易淆此
啓雋類函卷五十四

三六

上海大中丞啓

平仄

明劉曰衡

駭電奔騰蹀躞攬澄清之轡瑞星緝耀神蛟留光宅
之輝運明哲以佐時虛靈臺而鑒物瞻依若月何望
非雲德威並著于華夷清白永孚於史冊恭惟某官
心波湛漢濬靈派於華池情岳冲霄翊清光於瑞浦
叶繡斧而圖南鳳臺增勝補袞衣而拱北鍾岳流春
器宇峻明識度宏遠愛景字人每褰帷而廣聽薰風
扇物爲問疾以披裳求民隱於纖芥禮及雙龍拔山
滯於沙泥惠先一鶚輝涵藻鑑則更不忍欺彩瑩水

壺則民咸樂職隨才任使追伊陟之緝熙因事效忠
繩巫咸之保父片善可嘉爭避仲宣之席寸長必錄
每下然明之階清輝遠鑒利無微而不與玄度虛癡
害無纖而不革痼瘼是恤不辭損上之名塗炭是矜
素切蒼生之念賦役均而流徙還煩苛息而謠歌起
上方傾心而專倚任民咸拭目以仰太平詎意除殘
賊之令反資當路之尤止橫歛之科終缺貪夫之望
塵飛范甌而侈俗生嗔軌協張輪而讒言乍起卒使
天挺人豪徒翻貝錦中朝柱石已玷青蠅甚者沐逸
照於蘭池尚起難攀之妬納清音於桂渚惟興異已
啓雋類函卷五十四

三七

之嫌妄肆譏評忤生機變世態極矣人心謂何然公
以臯夔伊傅之度道合天經龍逢比干之望情深錫
類總使清塵遮道難掩冀北之期而驟雨迷川終是
指南之路深仁厚澤充塞於七澤三山峻德神功永
懷於聖君賢相其縫掖末學豫章下材自知好惡之
有良父信公忠之難泯讒夫虛張吾道泰曾何損于
日月之明正人復用士類欣未以佐夫清寧之治

上支制臺啓

明周仲士代

十室邑有忠信錦製何功一字榮在春秋袞褒甚寵
大冠稱慶弱植增慚敢謂暮年報政之優忽覩半札

自天而下恭惟某官筆底鑪錘胸中銓鑑主張國是
振肅朝綱締左國而祖龍門樊籠百代奠衡岳而清
江漢鎖鑰三湘楚地方千畫荷陽春之澤蘇天有二
更蒙覆露之恩某涉世未深聞道最後政修三善素
餐深負于汗顏才愧四科青顧復蒙夫刮目燕市千
金重矣虞驥足莫展蟻封武城一笑莞然耻牛刀誤
試鷄肋當作民稱父母之守令荷薦人于天下之諸
侯大造包容羊公不圖之舉小可銜結豫子豈忘
國士之隆未畢餘生終酬碩德

上大中丞楊公啓

入觀不
得辭

明許以忠代

啓雋類函卷五十四

三八

天上太微星映臺中之柏人間青瑣霜飛簡上之花
朝野歡騰冠裳喜集恭惟某官白環襲慶玄草標奇
昔領行宣焜燿皇華之彩繼司諫議裁成帝袞之章
督餉而千里澄清風恬樓櫓投醪而三軍共醉春滿
戟枝按越之邦墨吏望風解印布齊之政小民佩
帶牛腹松應瑞將膺調燮于三台面柏敷榮先總
稷于六察號令震秦淮鼉鼉順化風聲傳異域鷹隼
驚飛誠哉間世之耆英允矣熙朝之碩輔某備員下
邑稽首崇臺蒙不鄙蠹朽之材而曲加雕鏤敢忍負
鴻鈞之造而欲效結銜茲當入覲愧無一績之可陳

往藉甄收喜有二天之是庇顧宜躬謁以告行因守嚴禁而未敢敬賁啓叩不任神馳伏乞台臺之鑒幸寬斧鉞之威

上林開府啓

明陳性學

虎帳宏開千里凜冰霜之氣隼旟乍啓三藩瞻日月之光鎖鑰永奠于北門綸綍特隆于南服冠紳胥慶川嶽騰輝恭惟某官清源間瑞赤社宗工悟道體若斷輪匡時艱如迎刃猷宣禹跡聲施牛斗精華紀推坤維神運垣樞造化惟六詔已臻康阜克享帝心斯八番咸賴保釐聖俞岳舉驚壁壘旌旗改色雷動羅啓雋類函卷五十四

三

黔想郊原草木知名風行荆楚念職猥以樛蒲備諸干盾會泥塗之雪鴻興感欣部曲之雲鳥受成馳心繞榮戟而前繫跡阻囊韉之後緣次且訶禁祗畏簡書輒僣倭控陳肅將牋牘願言羽舞切效鸞鳴

上湖廣撫臺啓

求修學碑文

明丁應泰

宮墻數仞共瞻東魯之道宗輪奐一新丕振西陵之文脉先師洋洋如在後學濟濟有依恭惟某官天挺偉人帝賚良弼產自碧山靈秀選分於泰岳居當泗水淵源遙接於洙流紫陌看花聲冠閨之彥彤墀鳴佩望隆玉殿之班尚書帝之

求修學碑文

同賴襄猷祈父王

之爪牙曾藉決策廼者分符於荆楚之邦秉憲於漢江之上霜凜棲鳥風生避馬問當道之豺狼已見權關歛手奮橫空之鷹隼應教猾胥寒心講聖諭而舉行以實漸轉淳風遴鄉約而委任必專頓回頹俗垂情民隱諏詢遍及於芻蕘力挽士趨造就不遺於葑菲邇因黷序之類特頒營建之令爰崇正而黜邪遂廢彼而興此聖宮環雉堞以連雲學宇煥暈飛而映日趨蹌宗廟恍惚聞玉振而聆金聲俯仰門墻依稀鳴回琴而鼓點瑟誠氣運之再更信江山之有待夫修葺先廬尚作克家之肖子况尊崇至聖實爲命世

啓雋類函卷五十四

三

之貞儒宜勒螭珉揭日月而用昭偉績更祈鴻筆抒麗藻而不斬名言庶廟貌永賴以流輝而章縫愈藉以生色矣

上郭制臺啓

求墓表

明周仲士

傳家謨訓弘開啓後之猷襲世箕裘永篤光前之念金石刻垂潛閣珠璣筆勒玄廬倘片碣有題卽重泉不泐竊念先人器由世美聰稟性成勤儉樹古人之風孝友先丈夫之德有源秀氣瑞呈夢後長庚無敵雄才秘洩閣中太乙每見揮毫染翰洋洋句逼群維偶爾對客戲賓漆漆談傾四座流出錦心繡口當若

齒已冠時名生來坦腹直腸歷壯齡爭推月旦自科
第久淹地脉致隆陵首破天荒鐸振三秋不言自成
桃徑鳴琴五稔勿翦永藉棠陰獻玉自擬海上道人
種桃預培洞中仙子專城五馬君子喜知非之年屬
意雙龍大夫誇獨醒之早構堂貽老投雅志偏宜雪
月風花課子傳經振家聲惟知忠孝廉節積書積玉
不如積德稱一全人立行立功兼之立言有三不朽
嶠山肆興父美鷗鹿相忘蘭水臨流淒然龍蛇忽值
心長髮短志未時窮剛剛五十六年猶憶芳規如昨
落落百千萬歲誰當知已重標去思已碑鄭少師墓
啓雋類函卷五十四 三十一

誌亦銘黃太史青宮世第曾題畏壘庚桑金馬玉堂
每篆大書深刻尚缺化臺麟石父需名筆鴻鵠恭惟
某官具王佐材得聖人任汾陽再造唐室偶大姓以
同符新建佐命先朝自夜郎而崛起兩京班馬棣穎
協贊典謨一代夔龍峻業彌綸宇宙當造士宜民之
日觀風問俗類侃侃以成辭值投戈橫槊之秋偃武
修文多躋躋而益善故茲重典敢乞佳題某徒讀父
書懼灰先籍邇九千里師生骨肉目斷行雲想十七
年桃李門牆身嘗立雪必抱負海涯之學始可紀述
前修非追本奉先之詞不敢上干作者一言榮華衰

較天球石鼓爲輕半字貴瓊瑤等商鼎周彝並重三
薰肅侯九頓恭陳豈惟不肖之身將銘心感仁人殊
贈而自先君而下且戴德謝知我洪恩含思無窮末
言罔極

上操江都院啓

明王繼明

卿月騰輝廊廟重分猷之寄台星炯照江淮推肆靖
之風樹畿輔之干城肇東南之鎖鑰恭惟某官星鍾
說德嶽降申賢文名百代藝稱名世宗工才振八紘
瑞應昌期耆碩惟宵旰厘留都爲心腹故節鉞專外
閫爲襟喉十萬甲兵富于尊俎半壁天下藏諸運籌
啓雋類函卷五十四 三十二

潢池赤子業已措于綏安巨藪綠林勢自窮于撲滅
舟師破浪絕島之蛟蜃潛踪水卒凌波遠嶼之鯨鯢
屏喙烽烟載息和風與碧漢同清刁斗不鳴夜月並
澄江共皎擬勒鴻勳于彝鼎允光駿業於麟圖職叨
外郡臬垣分秉中臺節制望雲霄而展素耿懸獻曝
之衷仰台斗以抒忠莫罄傾葵之願伏惟電鑒無任
水兢

上袁中丞啓

明張燮

茂增圭杜青囊人漢平絳幘糾紛周行蒼佩途開夫
赤棒霜威懾草頓肅河山風信傳花逾深雨露遇隆

玄扈歡決蒼黔恭惟其官清流標格名世應期昂昂
千丈之松蔚爲棟棟朗朗百間之屋圍在幷幪早試
郎潛業推公望馳驅盡燕齊楚粵徐臨九曲之谿雍
容於省署屏藩遂登三獨之坐天將補以色石氷長
映夫玉壺蓋察實德聲既哀吾之冠九伯經文緯武
宜吉甫之憲萬邦借撫閭爲造閭之終總外臺是內
臺之始幅員仍舊節鉞維新禹鼎自懸魅莫逢何論
豺狸俱遜越裳方海波重譯固知鯨鯢不驚丈人師
貞行有禽而利執康侯晉錫居秣馬以初藩彼熊孝
文之在朝廷剛柔迭奏若薛貢君之別郡國白黑頻
啓雋類函卷五十四

三十三

明又復古可準今○人匪異任者矣某老馬伏櫪千
里之志已銷小鳥巢林一枝之棲云適庇宇而忘寒
暑冬日陽夏日陰聞美而釋饑疲荒年穀豐年玉盼
睖幸而成飾埃塵尚爾見收快覩雄飛毳何當於天
翮但甘僵卧被遙借彼九州夾道榕陰渾召棠之未
改連天海色似樂鏡之重披高舞潤以抃風重瞻雲
而佇足崔嵬憲府曾傳司直之箴迢迢音郵聊申貧
者之贈

上褚部院啓

總河

明李國祥

英英會府綜綺分鱗次之繁肅肅儀臺操縱入制出

之柄蓋外閭之佐命卽內朝之司元天實昇之國有
賴矣恭惟某官高標聖臯濯秀龍華德望皎如日星
威名法於河海帖彼九扈夙聯常伯崇班撫其四封
亟拜上公極品鸞書翠軸錫在掌中豹略龍韜運於
境上矧廟堂有甲兵之役調度宜先乃江淮爲財賦
之區轉輸尤急議戶版之利病要將制國用而通三
十年鑿股渠之壅淤實賴濟軍儲而漕四百萬天下
服整頓乾坤之手宇內知扶持社稷之心勛在鼎彝
光垂簡冊某睢盱有志骭髀亡奇昔嘗恪事於雲司
今爾濫叨於水部誠無涓滴可掩驚疲幸遇覆露之
啓雋類函卷五十四

三十四

天是獲依棲之地式瞻官邸旣不能負弩以前驅景
仰帥籤且併與慶函而後至敬通誠於小牘難逭愆
於高牙羽毛之將愆欵未竟

上贛州牛督臺啓

明王乾德

天開節鎮麟臺宣專鉞之威地控洪都虎兇肅提衡
之寄夙深翹企行沐沾濡恭惟某官篤生百二之金
城秘授五千于函谷質言闡繹勤遂心研窟之功抗
疏流傳凜正色立朝之氣特倚元公保障煩兼四省
安攘蓋江湖閩粵之衝最號幅幘憂害而咽喉襟帶
之重尤須處置得宜匪懋壯猷曷臻寧謐昔越東扞

策業銷問鼎之邪謀今關外擁麾坐寢伏戎之隱孽
勛後先而相望俱勒旂常弼左右以堪期即躋台鉉
其猥以疎愚下品僅知嚮往高賢追惟攬轡三吳幸
挹鐵冠丰采茲荷建牙八郡稔聆玉帳規恢何意平
居山斗之私適處大造陶鈞之末非父奉轅車之指
畫將難追屏翰之愆尤想存注以爲勞祈茹涵而垂
炤

上萬督撫啓

明謝廷讚

攬槍暈石廓清上將屬文昌太白經天屏翰中朝須
武庫恭惟其官降精昂宿毓采參墟虜在目巾殿上
啓雋類函卷五十四

三十五

攄聚米之英兵羅胸次朝端帷借箸之籌屬當轍之
螳臂行休而爲樓之蜃氣將滅天子撫髀而思願牧
公侯布腹而任干城眞將軍有亞夫遂褫吳濞之魄
社稷臣推汲黯竟寢淮南之謀環裨海而鼓角建牙
草木供蘭綺之用拊帳士而投石超距芙蓉佐楊葉
之穿材官蹶張先人有奪人之氣蚩尤蠻觸寒膽正
破膽之時舒一人東顧之憂司九重北門之鑰佇看
吉甫有清風之頌登讓符堅作燕然之銘某冢長三
尺原非越俎之談謀乏七擒殊有請纓之志想海外
之遊氛無幸胡朝中之將相調和蓋安石賭墅處分

鄙人有恃而不恐而充國屯田婉畫鯁生無憾而
安矣敬陳附驥之私仰止楊實之畧

上劉中丞啓

浙江

明張汝霖

德耀軍容禮數位東方之重恩加節鎮老成宣南仲
之威甫特拜於皇綸果畢諸其僉議慶流海寓歡動
巖廊恭惟其官應瑞龍沙發祥慶閣清通簡要式百
揆之銓衡直亮寅清正百年之禮樂有助勞於國紀
來眷注於宸衷謂饒折衝之精神宜寄彌綸之心哲
肆惟吳會實界華夷樓櫓瞻春秋備非常警急趨
粗杆袖間闔修惟正供輸歲必資其外寧時則籌其
啓雋類函卷五十四

三十六

方略以茲重任倚公上卿車章騎服之有加邦甸侯
衛之兼總暢宣武節峻列文昌海不揚波聲教東漸
于外徼地相安堵恩威下逮於無疆蓋將資安撫以
拊循行且毗財成而輔相也某上依帥閫下隸武庫
當玉季之成名玷同桂籍泊仙鄉而爲吏幸望芝眉
今鷁鷁一枝遠係丹書鄭昂於鱗魴九鼓來歌袞繡
周詩莫同迎君子以玄黃豈敢後小人之竿牘建牙
吹角側身軍令之嚴明持節宣麻傾耳主恩之前後

啓雋近體卷五十五

類函六十七

東吳俞安期羨長彙編

上饒王嗣經曰常同輯

建武鄧漢遠遊訂定

內臺部

候

侯督府李少保啓

山啓可作露布宋名手恐非所及

明程可中代

瞿沴肅除親清寧之載廓域蝨就殄際安阜於初予銅柱之紀旋標金券之書有爛猶是聖朝之異數夫非叔季之曠遭恭惟某官體備五常器賅百用啓祥

啓雋類函卷五十五

于輔郡分彩于周垣溥博朕夫生知淵奧證其宿契令言時涌坐驚而師席屢移雅譽馳奏對而公車遂上從筦庫以躋鈎軸鉅纖咸妙其才沿郎令而陟公孤中外各昭其勩一德需贊毘之倚四垂惛憊伐之威經姬孔而緯孫吳淖韜鈴而漱禮樂嘉茲東北既殲榆塞之胡惕彼西南又嘯菁林之鬼佛狸比耦地絕揖讓之薰虺蛭爲群世飫腥膻之穢數其罪錐多於擢髮恃其險乃足以游魂嗜殺不仁固非一日之驚驚玩刑無忌已成屢赦之逋逃戕戍卒如刈稿菅暴部吐若獵伏獸主撫者率文其辭而塞命議誅

者每搖于怵而更端久漸謂秦無人妄擬畏蜀如虎飛練之慘惚乎其罔聞白石之兇苟焉而議贖恃干紀族屠七姓以張狂畫土爲園傲據半塗而聽鞠夫安得不蔑王章而侮朝廷長夷奸而隳城邑也於是九重赫怒爰專閫外之司百辟比謀用誠道傍之築告諸大社命我丈人樹狼囊於煙標合虎符於境上蓋死力致于投醪之際而成筭決于受賑之辰威鉞生寒光槎太白於旗画彩色變穹玄礪繡刃于岷山刷汗駒于錦水雖四集之衆有類合鳥而七萃之雄舉能殪兇朱纓赭漢素練茶原麾指則逝波逆飛

啓雋類函卷五十五

戈挽而頽日返舍三關邏拉而失守千屯飄忽以迅驅軍威彪振而孔張賊勢蟻旋而益廢金縢不慘賞逮奮身玉劍無私誅加玩寇武將歡而鼓勇文臣協以運籌峒摧嵎虎之憑岩喪海龍之險乃有短狐不逞潛滋黨惡之萌伏靈爲虞顯斥敗群之種用是前鋒霆撼諸軍魚貫而登窮穴土崩元惡雉經以斃蓋楊氏之鬼餒自今朝而播產之民甦於此日所恃重崖之砦柵燼滅烟飛幸開新城之輿圖并分屢布惟茲弔伐之舉遠豫于聖懷顧爾分胙之榮大慰于群望珍頒內帑使肅中官緹綺霞舒鐐鏐雪燦臺閣之

刑曲肖鼎彝之篆行鐫史書褒揭于章章誓命滿持
於世世公執爲謙而有人持威美以盡歸其魏謝
中材謬承後事蒙昏未啓慧燭火而嗣曜靈剗割何
知淬鉛鋒以代巨闕慕前修之不易會末路之攸艱
將蹇諤以誰明濤蹤同舟之海方周旋而自惕坂遮
共轍之塗剛迴百鍊之精化隨繞指熱茹一丸之血
徒剩剗心六百里烏江之膏壤力攘之而附益鬼方
數萬緡黃冊之實徵其割焉而浚輸王稅此誠何恤
某之切齒第恐不免公之撫膺人衆口詡勝天口口
數咲移谷伏願起居暇豫暫歸闕下神仙服食便娟
啓雋類函卷五十五

候張撫臺啓

明蔡復一

恭惟某官三德組躬九徵鏡世哀荆之吏敬應下風
固涓埃難贊于海山抑形影奚逃于日月而數載靡
吐封采無嫌蓋以名世之烈光蕪上臣之吐握所以
雲夢並其茹納江漢滙於朝宗者也如某朱愚最爲
樸遯章句所誦措注多違心力徒疲拮据無底爛鴈

之勞如此黔驢之技可知惟棄核之自甘何拔茅之
序及獎以珠玉飾童子之所慙假之津梁冒任人之
所載蓋不但增其談價耀螢燭以重暉實乃引之遙
塗激駑程於十舍丹衷所蒙白水可旌圭律府更斗
標漸遠岫嶠屹若卽是紀績之碑甘棠依然彌鬱銜
恩之樹有懷縮地何路披雲伏惟 聖主前席之思
都人環洛之望袞衣亟入鉉弔待調某托大賢以依
歸共蒼生而鼓舞永詫登龍之御曷酬薦鸞之言蘭
浦采芬愧抒忱於芹美槐階扣峻冀垂炤於葵傾若
乃不報之施蹄孟難祝無聲之感鍾鼓詎宣惟恃弘
啓雋類函卷五十五

候郭青螺老師啓

明

天惠坤維元老蒞師中而制勝帝弘泰道樞臣當闔
外以膚公關五季未啓之輿圖功高而心彌下歷四
載未經之胼胝貌瘦而民始腴間氣篤生元勛並仰
恭惟師臺捧日丹誠挾天彩筆恢乎曠度吞雲夢八
九澤而有餘超然壯猷擊南溟三千水而直上展真
儒之作用絲事變之繁興昔者機槍煽妖窺偷鯨舌
上厓宵衣旰食化所守爲豺狼下煩議餉徵兵驅吾
民於鋒鏑獨此鬼方之懸度尤難神運以圖功所賴

長策濟艱虞如卽墨孤城弱爲強而虛爲實精忠
金石若阪泉雄戰風爲陣而鳥爲旂是以金戈鐵騎
之夫以及鑿齒雕題之輩稟命而深入其阻奮力而
載展我疆帝曰都哉宜懋分茅之賞候誰在矣聿崇
聽履之班夔龍宜晉乎三台黔楚尚淹乎六藝茲
小醜不懷解網之仁叢爾游魂尚作經冷之梗雖慈
心爲底蠟蠟亦囿於生全而我武維楊蜂蠆詎容其
毒螫揮太阿而斷朽鼓洪爐以燎毛佇見武懌文恬
弓彙鼓臥永標銅柱南蠻無復反之期長鞏金甌北
闕有虛前之寵矣某夙當永鏡世沐雲津德效支離

啓雋類函卷五十五

五

卽鼓策布精而猶歎材慚樸遂縱雕蟲篆刻以爲
積疎慵而不寄洪喬實切飲冰之懼幸因緣而得逢
元季每叨刻燭之談起居皆得以備詢翰簡忽驚乎
飛墜訐謫定命念尚及於鰥生鴻造回春煖先加於
腓草感深五內望極二天茲敢少布芹私敬候函丈
抽毫愧班椽燕然之石空懸籌策豈柏耆淮蔡之氛
已熄伏願作朋三壽永有一心駐世木公觀帶礪河
山之盛揚芬桂子步箕裘弓冶之良

候楊制臺啓

時出師
茂林

明連繼芳

龍驤九天下霆雷奏捷至三虎帳六月還車徒論功

第一鉏耕綠野鏡淨黃池恭惟某官策畫金城成標
銅柱憤由夷之跋扈動帷幄之震隣丹浦未除何傷
舜日青丘作梗自外堯天一道鳳綸抗左賢而列陣
三千虎賁比右校以疏營小醜旣制捷捷之餘酋可
傳檄定矣當年逢襄毅滕峽或墟此日有文成田州
附版鐃歌奪南鸛之舌羽書爭北燕于飛

候許少微都院啓

明諸葛昇

北斗崇班衮繡高依於日月西臺峻秩履聲直上平
星辰翹首五雲馳神萬里恭惟某官扶輿清淑岳瀆
元精自登龍虎之上游共覩鳳凰之下覽不揚茂烈

啓雋類函卷五十五

六

海歷崇階山高而名與齊偉矣老成之概水流而心
本淨介然孤立之操先憂後樂萬邦之繫望方殷稔
孝爲忠百世之永思可則宸衷簡在一德聯魚水之
歡列相升華六察總多冠之憲遠四夷近諸夏戴天
欣日角之光進君子退小人溜雨羨霜皮之勁將整
頓疇庸之旣竣則搏捥魁杓以何難衆頸皆延上心
已定某遇同塞馬枝盡黔驢疲神子午之衝發鈴是
寄蒿目癸庚之急芻牧難求不遺餘力以仔肩乃竭
吾才而蹶足螳臂賈以當犖雞骨立而支牀祗候缺
然憂冲乃甚茲微鴻庇以維彼餘生敢向龍門而申奏

記式表無文之敬附班不腆之儀伏願表正師師啓
沃穆穆二十四考勛庸永勒於中書九五萬幾弼亮
端歸於上宰

候許東陽都院啓

明諸葛昇

北極留揆鎮重有符於萬象西樞專席崇高式副於
巖瞻永儀百辟之刑大慰九重之眷恭惟某官乾坤
正氣岳瀆元精屹然駕海六鼇砥波濤而不動挺若
擎天一柱挽風會之如狂特簡帝心允從群望佐論
思於密勿八表謚寧總法紀於臺端百寮貞肅以一
身而視中外雖兒童識司馬姓名在四海以繫安危

啓雋類函卷五十五

七

卽夷狄問潞公年貌方聞諸廷議蚤知枚卜攸歸况
眷自宸嚴亟正鹽梅大拜某單寒末品衝瘡備員自
分霄泥大厦阻萬間之庇頃承星馭下車微一顧之
榮齋心幾度躊躇懼干斧鉞積愆容減漫敬達封
函倘鴻恩不靳於枌榆庶鵲繞永依於槐棘仰祈電
矚俯察冰兢

候彭中丞座師啓

宣府

明連繼芳

朔方枕夷夏之交管門細柳吉甫優文武之憲國倚
長城要害切乎藩籬威名聳於磐礎恭惟師座手握
匡廬氣吞彭蠡錫眉自帝心簡出玉帳從人望推來

鎮紛紛之山川雄據上谷羅韜鈴于千羽屏蔽陵京
富公畫河朔之策每樽俎雍容而敢爲范老有胸中
之兵雖羽檄交馳而不亂試觀洗馬之林蔡人興北
門之祭博望野狐之嶺越鳥絕南枝之棲其恩邀陶
鑄感咏新標揆以座主門生之常當辨國士衆人之
報二十年身嘗立雪一萬里目斷行雲瞻鳳穴千仞
之翔信謝蘭之有種翼鱣堂一天之潤濡狄李以向
榮所願將業既完相勲斯茂公權分陝專五侯九伯
之征帝召還朝佐一日萬幾之政

候大中丞許公啓

明戴新

啓雋類函卷五十五

八

耀太微於輦轂清時風紀重光總天憲於蘭臺薄海
冠裳祇肅快覩摩霄之伐式抒就日之誠拜手颺言
齋心奏愬恭惟某官真儒名世碩輔匡時萃河嶽之
精英蒼壁與天球薦瑞稟扶輿之正氣秋霜共烈日
爭嚴瑣闥批鱗忠愍淋漓于諫草金臺揚采規恢輝
潤于神臯高牙方建軍江洛社旋開穀水第念聖祖
神宗之法度漸入陵夷更思服休服采之臣隣總需
振刷榮躋獨坐崇鎮中臺章畫布風霆萬國之陰霾
盡掃鑑衡懸日月千官之驚駭攸分佇登揆席於朝
端跂繪形容於閣上其謫焉下吏渺矣凡資追昔紹

綬天衢業受參苓之素逮濫竽明郡更叨桑梓之鄉
頃獲瓦全具承宇庇結心旌於下國悵無地以樞趨
緘尺牘於上台尚有天而怙冒敢修芹藿微承軒非
更願帝言碩膚天壽平格銀青金紫陟廿四考之中
書奕葉雲仍垂百千萬年之簪笏

候戴兩廣啓

明許以忠

兩粵名藩夙擁元戎之地三台重望式隆總制之權
故海上倚作金湯而軍中稱爲韓范聲騰朝野彩映
家山恭惟某官名懸北斗位正西樞氣吐九龍化作
五雲於霄漢手擎天柱獨撐半壁於巖廊歷宦奇勲
啓雋類函卷五十五

九

兩朝渥寵綰蒼梧綬隆宣撫之恩勅紫泥書優拜
折衝之命謂東粵西粵山海枕夷夏之交而維武維
文寮采寄屏藩之任必夔龍仙品斯持金節以宣威
加司馬清銜冀鏤銅標以樹績封疆仍舊號令更新
象郡固若金甌羊城莫如磐石周以上公分陝自昔
聞之唐以宰相臨戎于今見矣某猥惟拓落謬辱記
存景仰儀刑夢裡旁轅門而踧踖瞻依光霽望中迷
雲樹以飄飄謹供一瓣清香恭候九閤台祉伏願蚤
挫天驕茂宣皇畧既借黃閣調元之手秉鉞而奏凱
歌卽歸彤庭司軸之班賜環而隆盛典

候汪撫院啓

大同

明諸葛昇

攬北門之鎖鑰暫借萊公蒞外閫之車旂仰資方叔
匪直樹勲于一面且將爲憲於萬邦恭惟某官維箕
幹斗氣吞雲夢之三千緯武經文胸富甲兵之百萬
敷陳禮樂敦說詩書隱然萬里之長城挺爾中朝之
巖石虎帳風嚴六幕龍韜霧擁千屯迅雷不撼於盈
庭惟願矢心任國家之重破柱益堅夫缺斧無寧以
賊貽君父之憂將九命而錫袞衣寵生圭璧百代而
聯榮戟慶衍山河某技盡黔驢害同病馬未通惴欸
常懷斗極之依不拜台階祗切居諸之感特緘尺素
啓雋類函卷五十五

藉引寸丹

十

候開府衛公啓

明謝廷諒

南都緩帶依鍾阜而繫洪鳴北關嚴程過轅門而霑
寵渥雲披樂廣榻解陳蕃感激激台慈自慙疎節恭惟
某官精符盼嚮彩徹鳳凰誕膺名世之期冠冕百代
揆留台衡之任劍履三朝矚若君平履道合符虛寂
清如叔寶凝神吐論續紛笑傲行藏雲姿月步怡愉
賞契雪羽霞臨關仁路而長鳴熙春臺而溫煦佇班
槐棘加顯秩而位儀同暫庇豫章沐洪恩而賑災異
神規致理民瘼來蘇含生欣欣懷情坎坎某跋涉畏

塗傍蘭芬而染馥來歸樂土懋棠樹以成陰喜倍恒
情懷深馳戀且以疎拙叨守陞封願錫明箴佩服祇
役顧褻糧千里方倥傯以趣裝而鼓棹雙流殊逖巡
以就道

候曹如川中丞啓

明裴應章

天聳三危雄鎮斷匈奴右臂漢開五郡提封局秦隴
西關惟茲孤塞之絕懸必藉全才而彈壓恭惟某官
靈鍾帝里學衍家傳經文緯武兼資安夏攘夷并烈
隼旗熊軾而績邁龔黃虎帳牙旗而功超韓范北儼
仇南羌戎如霆如雷聲震犬羊之區內順治外威嚴

啓雋類函卷五十五

士

錫圭錫璫功勒麒麟之閣某自惟樗散久切荆瞻徒
抱登龍無緣執雁不謂謬承秉鉞之命幸廁分符之
邦二千石之芳規美壻如見十數年之湛澤江漢同
深雖民瘼卒露適勦之際而風流政善猶憑德化
之遺繹思安堵之休敢忘鮮繩之自方敷詞而布謝
忽命使以遠臨既寵瑤函更頒錦綺捫心自媿感德
何忘念黼黻之榮施慚瓊瑤之匪報敬效交交聊將
欸欸伏惟鑒納無任瞻馳

候撫臺啓

明陸應川

瀚海煙銷功歸廟筭宸垣日麗命重皇言幸陞斗極

之光欣竊天河之潤恭惟某官士林英傑聖代真儒
手掬四溟散作毫端之風雨氣吞八極擴爲心上之
乾坤凜凜乎鎮鄒莫與爭鋒挺挺然松栢亦難比操
道先民覺忠結主知昔出典明刑卽草木亦回春意
嗣入司藻鑑凡桃李悉屬公門黎民方仰爲王之蓋
臣聖主亦推爲國之元老甲兵數萬蘊胸中氣壓匡
廬彭蠡虎賁三千在麾下風清越水吳山卓哉公侯
干城屹矣東南鎖鑰行調玉燭以垂竹帛旂常佇應
金甌而作鹽梅舟楫者也某深愧散材濫叨清惠故
園連洛水久矣致慕于蘭公到處接龍門茲更緬懷

啓雋類函卷五十五

士

乎元禮謹修尺素聊罄寸丹燕雀之賀大厦鼓舞惟
勤牛馬之導前驅瞻依有在

候吳總憲啓

明林世吉代

位重西臺藻火榮輝豸服班崇北極羽儀光映螭頭
穹蒼方隆輿情胥慶恭惟某官正學微言獨闡杏壇
之秘精忠直節早騰楓陛之聲屢嬰龍領以飛重竟
料虎鬚而觸怒益勵激濁揚清之志每高難進易退
之風惟一身繫天下之安危故四海卜名賢之出處
黼黻特眷用詔起于東山綸綍頻頒遂簡登乎獨座
茂經綸于朝宁總憲紀于臺端八表澄清帽鐵冠之

風偃百僚振肅凜白簡以霜飛凡竊餘波均叨委照
某通家後學擊壤開身切山斗之具瞻徒深翹跂悵
關河之脩阻莫遂樞趨茲因鴻羽以孤忱敬附魚箋
而布候

候總理河道劉公啓

明許以忠

八座擁樓船南國沛澄清之化百司歸管轄下寮沾
濡沫之恩念切朝宗啓申瀝悃恭惟某官弱水仙標
巨川舟楫胸涵千頃澤汪汪度納宸區操徹一壺永
凜凜風生殿閣臣蹟歷芳於中外都臺借重於東南
謂黃河當七省之關津仗朱鉞建一方之保障馮夷

啓雋類函卷五十五

三

效順隄防鞏固於金湯海若歸靈輪輓安流於漕濟
再覩劉士安轉運之勲永奠夏禹王成平之烈佇錫
玄圭以示寵行趨紫閣以調元者也某材本溝中之
斷朽過辱兼收詩歌河上之伐檀殊慙虛曠酌食泉
而覺爽矢心不逐波流飲流水以思源感德未酬涓
滴雖量洪滄海者不責細流實溢汪洋然每深汗愧
茲者鹽裁下牘奉候中涓伏願勤宣浴日之忠丕振
射潮之令挽天河而洗甲蕩令瀚海風清開麟閣以
標名長屹中流砥柱

候總河部院啓

時丁憂
家居

明

應運鸞龍中興方虎腹具甲兵以萬數動垂安攘之
助胸吐禹貢之九河雅負平成之畧歿鈴傳自黃石
武緯文經疏濬授于玄夷玉書金簡天不生姬旦誰
提東國之斧折帝惟賚傳星用濟巨川之舟楫所以
鯨鯢盡洗鴈成鴈驚之池從茲壁馬並沈永奠魚龍
之窟功收舞羽績成錫圭蓋一命再命三命滋益恭
將大書屢書特書而未已帝曰汝居祈父且宅揆以
秉國成公云有懷二人乃讀禮而銜家恤雖倚廬歸
臥願追綠野之遊第宣室儲思當爲蒼生而起行矣
環召遄焉哀歸其猥以疎庸謬承綱紀從戎行稱末

啓雋類函卷五十五

十四

屬有泥塗之在埴然澤國作波臣奈族庖之更刀也
稟焉以爲政祗奉明威赦其所不閑幾騰荐牘漸報
稱之無地徒切捫心感覆露之如天自惟竦目

候郭大中丞啓

慰居

明林世吉

班崇獨座方瞻執法於西臺情切倚廬忽訝守艱於
南國眷懸丹旆戀切蒼生恭惟某官望重兩朝名高
百代允文允武獨鍾經緯之宏猷克孝克忠茂樹璿
珣之懿範屹爾人倫之冠冕蔚然昭代之羽儀早翮
彩於楓墀倏乘輿於柏府陳謨黼座數披龍領之鱗
抗疏皂囊屢褫豺狼之魄顧忠忤雷霆而左謫乃心

礪金石以彌貞儀承前席於彤宮復荷賜環於紫禁
分符京兆蔚騰譽於保釐開府西江茂宣猷于撫鎮
樹三首啟寧之烈荷九重特達之知特頒綸綍于巖
廊簡召羽儀于殿陛霜稜蕭度彤宸正倚以繩愆風
木興思聖室暫歸而讀禮聞素琴之將御竹丹詔之
遙飛玉燭光調渥寵重分于鵲鵲金甌特覆殊勲永
揭于麒麟某蟠木棄材懷蘭末品披卿雲于東閣曾
叨國士之殊恩沐覆露于層霄徒致封人之景祝

候梅樵臺啓

明張翰翔

竊惟謫才司重計每慚負乘之難勝荒歲應繁需尤

啓雋類函卷五十五

十五

懼操籌之莫措幸仰憑夫石畫猥附聆乎塵蹤時開
導而事提携與覆育之父師無異月省存而日撫恤
凡參陪之賓佐孰同迨及臨分猶加眷顧榮褒頒于
錦帳行色生輝俸餞列于綺筵別懷轉暢既登轡以
調即次更遣郵而護出疆渥寵踰涯洎酬無地茲告
成于闕下仍藉餘庥適稽數于省中獲逃後咎復叨
班列寧敢忘造就之仁竟阻邊郵末由效樞趨之義
謹馳一介聊布寸忱向紫塞以遙瞻心逐歸鴻偕往
依彤廷而顙望躬儀鳳早來

通

通應經略啓

宋王邁

誦諸葛出師之表久起敬於油幢爲毛義捧檄之遊
行備員於離局士莫重乎始進天固使之有依三熏
竿牘之恭百拜旌麾之下恭惟某官出處之節儉如
日忠孝之心通乎天筆下無一點塵埃富大蘇之文
采胸中有百萬甲兵負小范之經綸惟中原久淪汚
於腥羶而殘虜尚陸梁於疆場士狃於東南之懦習
皆諱戰而喜和公熟於西北之事情謂有進而無退
止楚囚之泣而作其氣焚石勒之幣而挫其鋒仗大

啓雋類函卷五十五

十六

節以臨邊馳一封而詣闕忠誠憤發可質列聖在天
之靈大計堅凝將有兩河拓地之喜未逾旬而來四
方之豪傑不終日而易萬人之衣裳捷凱載塗羣酋
褻氣其如功高而人見忌名大而世莫容方弘愬叶
謀俱受晉公之節制及魚程反間遽收郭令之兵權
浩然袖手以來歸識者拂膺而太息然公論常如日
月一食何傷而雅志已在煙霞欲留莫可帝思南轡
之最遠詔以元戎而啓行幡然以轟雷閃電之威而
爲陽春膏雨之惠坐閱黃灣之落木足助吟哦笑飲
石門之貪泉不移清介鯨波恬靜龍戶歡呼兼理民

將略之長皆平生學力之驗人望之在執事萬口同辭天意如欲中興十行亟召遠則宋廣平之登輔相近則將頴叔之任樞機留衣鉢以相傳紀旂常而可待伏念某聞道最晚賦才甚涼弓冶承家期復青瑣於再世草茅對策濫收黃甲之乙科教忠方勉於過庭遭難何堪於陟岵意造物乘除之有數使世緣涉歷以稍深計養斗升七稔寒饑之所苦失身筦庫一官猥瑣而亦并不得圖初筮之遭逢乃得大賢而師事惟是傳癖書癡之素習拙於笏畫鞭算之良籌誓當自拔於濁流不敢取尤於清議服鹽車垂兩耳姑強

啓雋類函卷五十五

十七

顏陪屬吏於此時鐫涪石紀萬年願執筆從先生於異日

通留經略啓

宋王邁

西洛蒼英肅傲三台之府南宗令宦依棲數仞之墻先上日以通名望下風而起敬竊以先達之於後進世族之於素門勢分固殊投合亦寡惟元城之在宋問業有徒與了翁之居淮及門者衆而况三朝元老之嫡嗣一代人物之宗師稍有識知皆思歸向恭惟某官文章奎壁德望華嵩忠孝通乎神明出處關於世運故國謂有喬木稱到於今後人猶愛其棠何况

其子肆春秋之鼎盛歷中外以汴揚郎省陞華風采耀鳴珂之列虜廷出使談笑護全璧之歸持麾把節於湘中易地建臺於江右仁心撫字山林野史之屢書陰德平反道路口碑之交誦開十連之帥閭屹百粵之長城惠行而龍戶歡呼威肅而鯨波恬靜奈外地去天之遠而浮雲蔽日之明一壑來歸六丁莫挽蓋韓呂家傳之清白素所服膺而金張勢焰之薰蒸耻於炙手勁草當疾風而不改寒花於晚節以尤香種樹山中白傅倡風流於九老植槐庭下晉公傳事業於三郎傲睨軒裳追隨鴈詠勝事園林清時鐘鼓

啓雋類函卷五十五

十八

如許清閑上天將相孰爲輕重平地神仙此固衣冠之美慕其如冕旒之簡懷欲副嚴瞻行膺枋用伏念未能適道敢好爲師幸太州本父母之邦而年家忝子弟之列誘掖之以藥其失推輓之以玉於成既有耆德以依歸庶免生徒之嘲訕熏和染教期爲王孫公子之範模舉帶拔淹全賴察父哲兄之提挈

通唐經略啓

宋劉克莊

奄四封而賜履咸仰威稜踰五嶺以乘輅適依節制輒于六蠱冒贊一牋恭惟某官識極精微氣涵剛大太阿出匣孰敢擬其鋒鉞老柏參天傍略無於枝幹

靡繇拔手自簡上心頃我多角之初屢聽鳳鳴之舉
言及乘輿事關廊廟安知疏入而迹危心存魏闕身
在江湖不以名高而色喜甫建臺於江介俄開府於
嶠南龍戶馬人競來衙謁蚌胎翠羽暫免搜求一時
之饗吏革心千古之貪泉刷耻昔者廣平之入尋踐
台司迨夫君巖之歸亦登左相佇觀新渙奠掩舊聞
其父矣荷鉏偶然易節居里每勤於存問起家亦辱
於吹噓屬茲滌箱之初竊有樞衣之喜譬蠅附驥雖
莫企於騰驤若膠從輿庶粗知於向背

通江陵制帥李尚書啓

宋李廷忠

啓雋類函卷五十五

七

上卿作牧威震十連下吏承流任叨半刺顧陸陸貧
驅而至此有恢恢弘覆以臨之已遂合符敢忘奏記
恭惟某官注驥崑鳳之瑞隋珠和璧之珍出以其時
生之有地光足以連五星而合日月志在乎馳千里
而絕雲霓端卿得之羽儀朝廷贊皇推此經綸天下
蓋三絕之兼有何一第之足云克對前芳信非凡種
在荷橐論思之已久宜藻旒眷注之深深入則總喉
舌之司出則壯股肱之郡命令行乎鈇鉞之下顏色
動於旗幟之間西清真學士之名上不輕予南平都
統制之號昔所未聞念邊圉騷之餘倚元戎填拊

之重肆褒異數式懋遠圖惠愛流浹於江湖聲名播
揚於夷狄凡從容制勝皆詩書禮樂之功使端委秉
成寔社稷宗廟之福某誨規無取學製奚堪驅牛上
太行愁絕歌危之步騎驢到京國得陪英俊之遊與
其爭名於朝爭利於市之多憂孰若遜畔而耕遜路
而行之爲勝勉持弱植來佐雄藩亦欲俾庶民相安
田里之間豈特與太守平分風月而已所幸托二天
之廣或容效一日之長以時問太府之起居禮其敢
廢每歲考諸州之能否恩則有歸

通福建安撫李尚書啓

宋方蒙

啓雋類函卷五十五

三

筍班聽履嘗親橐座之光粉部舉帷密倚帥垣之重
行驅車而于後謹削櫝以通名恭惟某官四海蒼英
兩朝魁彥中年突起元北面之老蒼晚節後凋炯西
邊之太白自更化瑟徑上言坡衆驚成群立萬牛而
不動群喑已瘖聳一鳳之孤鳴考其爲諫官爲御史
以來略無結宰相結人主之意晦叔雖介甫所厚安
可囑以私淳夫受溫公之知豈不言其過柏樞凜然
而不改荷囊捨我以安歸人方期文靜之登庸朝已
憚忠定之嚴整顧輩流已少寧復睹筆硯其間况風
景漸殊不忍見山河之異蕭然况視於黃閣歸哉聊

擁於碧幢瞻言閩都古號會府弓刀犇袴有華屬都
之儀鼓鍾園林常沾清時之樂撫茲雅俗展也元戎
仰惟今皇最倚黃髮典刑之訓有如執事所謂白首
恩壘之臣道行孰能止之時來恐不免耳靡須席煖
卽聽衮歸其無夢鷄行已盟鷗社其丘其水其樹樂
方適於山中我任我輦我車命忽來於天上循墻不
獲叱馭敢稽念荃蕙不芳向自立者猶淺而薜荔蒙
耻今一出之何輕幸逢開府之新儻念承顏之舊周
原六轡遣以禮負愧皇華衛公八秩相於朝請賦綠
竹中冊所蘊副墨難殫

啓雋類函卷五十五

通王安撫啓

宋直德秀

錫之旄鉞寄以帥垣天子惠顧全閩肆輟西清近臣
之貴元戎肇開幕府事新南郊遠服之瞻麾幟精明
鼓角歡亮恭惟某官清明莊栗博大魁宏接河汾夫
子之傳未殊源派攷會稽先生之傳可嗣風流蚤以
材大夫而爲真御史恩被璽書之一札澤流寶婺之
萬年孔門惟有冉求可使治賦唐世獨稱行儉名曰
知人亦旣兼擅其能爲當亟付以政赤子潢池之盜
方幸晏寧黃頭輯濯之師久稽整飭狐兔雖定於狡
穴鯨鯢時掉於驚波要當無事之時豫戒不虞之備

澄清一道皆猶枕席上之安張皇六師更賴帷幄中
之畫某類然暮景來此舊邦屬政苛猛虎之餘有澤
竭無魚之嘆仰帥牙之倣建與兒齒以均歡公其肯
效越人安視秦人之瘠我亦願同晉國願分楚國

通安撫陳待制啓

宋鄭厚

一連開府載倚眞儒半水修文聿新舊俗九霄綸綍
一道儀刑威德遠加精采特異竊謂有大識見則有
大力量有大議論則有大功名先零之服預決於金
城上圖之時淮蔡之清不在於雪夜銜枚之際先定
其勝如照燭辨白墨不蹶其趨如輕車駕平夷信馳

啓雋類函卷五十五

三

驚搶攘非時賢所能而弘濟艱難乃哲人之事天開
聖化嶽生鉅公雖當太平極治之時不無外夷小盜
之警得一鄭公而遼戎無慮有一文正而元昊何虞
平益亂而整暇有餘縛吳寇而聲色不動于將莫猛
盤砥愈堅是爲客邪消弭之方無損壽祿延長之脉
此全才竄出於斯世而百年可數者幾人肯使前修
獨專盛美恭惟某官闢天地之運爲廊廟之奇北山
家學首傳性命文章之理一貫東嘉水心高第德行
政事之科兩優總角結交無非老蒼同時並遊不教
儕伍識者已期武侯於高卧見者咸喜夷吾而無

始居烏幕以前籌勦無遺策遠處周行而入告進有
嘉謀祇見謬謬盡言豈望容容後福縱逍遙空谷之
徃亦眷戀丹闕之深移孝為忠鞠躬盡力節履險而
後見機識時而可投敬觀前後表出師所陳何止治
安策太息而已非剖切回天之甚力將舒徐救溺以
徒勞帝為增屯公能作氣效收掌上虜在目中空其
穴巢矢之京觀方三路警聞於司寇懼未忘宵旰之
思惟七閩功書於太常宜特被褒嘉之詔事豫則立
言無不酬展也大成卓乎遠見憤茲餘蠹偃然通誅
又移建水之旌麾來領洪都之斧鉞通班紫橐聊重
啓雋類函卷五十五

三

建壇到眼珠簾不妨緩帶戢止苛暴殄除兇邪決非
小小規模自是挺挺風烈先聲丕赫逆首謀降征西
此行璽書隨下居東非久衮舄還歸要令四海之永
清奚啻十州之嘉靖某幼而孤苦壯也辛勤恨不得
諸老先生之宗空形夢見奉竊聽宿儒名師之誨稍
悟指歸頃嘗一得於公闈蒙錄片長於優等心銘深
感口誦弗違半生仰慕於龍門昔無階而披霧數載
訖辭於羣席今有路以依雲顧荆棘險阻之備嘗而
俎豆戰陳之兼問鸚鵡互飛而誤送鳥已倦而知還欲
和白屋蒼苔之詩寧起映水紅蕖之想徘徊需代進

退懷疑如不可辭尚托刺史二天之庇或從其便即
趨夫子數仞之墻立義精專陳辭膚淺

通浙西袁安撫啓

宋李 劉

十年幕府負公事未了之癡千里王畿謀使周爰
之度聊步邯鄲之故欲瞻京兆之真輒修偶儻之詞
薄叙畸孤之迹伏念其學惟洛誦家本唐餘因應試
而情農遂去民而就吏昨貪近祿浪賦遠遊歷井們
參再造魚鳧之國逾汚入渭兩經鳥鼠之邦偶爾得
歸置之勿論茲操破釜來問大鈞辱令芻狗之陳更
贊木牛之運舉頭見日良欣近咫尺之天滿腹飲河
啓雋類函卷五十五

三

政不過斗升之水然非有萬間之庇將若為三匠之
依伏遇某官器博而周材弘且毅無曲學以阿世言
言博士之風不錮人以收功挺挺司徒之烈徧儀臚
仕具載休聲惟長安諸夏之原視商邑四方之極宜
得舜歸之公潔仍兼廣漢之聰明弄印無以易堯持
教使之告舜京師浩穰已迎刃肯綮之間侍從論思
卽聽履凝嚴之上尚念其不堪位置何足控持效韓
愈謹奉大尹之書非為文也慕劉向獨序馮翊之傳
尚有志焉

通襄帥王侍郎啓

宋趙異齋

移鎮上流正肅迎於使節充員未屬適逢赴於成期
喜劇寸心敬馳尺牘恭惟某官千齡異稟四海清名
自輝映於魁躔常扶持於公論照邪古鏡與日爭明
抱直長松到天不屈致善類爲之吐氣而小人無所
容姦或去國如一葉之輕亦於時增九鼎之重項以
赤子盜弄潢池之兵暫借元戎談笑青油之幕雖輕
裘而緩帶甚堅甲而利兵遂增貔虎之威卽正鯨鯢
之戮紅旗破賊已飛捷於九天黃麻似經知告庭之
卽日適以封疆之事尚勤宵旰之懷惟是襄陽甲於
京介妙選當世無踰老臣故移南國之蕃宣往壯北

啓雋類函下卷五十五

三五

通桂帥張南軒啓

宋吳 微

門之鎮撫惟江淮之所至草木皆知其威名故號令
之一傳金鼓已明於氣色羌人不敢動矣我公其以
歸兮寧俟席溫卽膺綸召某自嗟奇蹇舊沐知憐與
同年尋陌上之春辱使書于爵邑爲相國說里中之
婦亦肯及於姓名推之不前轉而至此幸身在烏公
取士之幕可日哦韓愈從軍之詩昔乙鄰人之醺尚
蒙嘉惠今生匠石之圃寧使遺材欣佩之私數宣
大纛高牙想制閩威容之盛屬韃戎服望轅門兵衛
之嚴欣悸交懷夙宵假寐恭惟某官淵源聖學師表

儒林惟有之是以似之太戊贊于伊陟在賢者識其
大者孔子傳之孟軻凡開物成務之殊功皆養氣存
誠之餘事用能洪濟於艱難之日而雍容於進退之
間雖素位而行不顧乎外然當今之世舍我其誰徒
以交廣要衝朝廷最遠蠻貊賴威懷之略兵民須鎮
撫之宜官守侍遠而或踰邊防循習而或弛允資輿
望肅付戎昭宅南交秩南訛姑重義和之命覺斯民
以斯道况當堯舜之時我公其歸天子有詔某州縣
下列庠序陳人章句誦習之雖勤塵埃奔走之亦久
下焉退不能爲一身之計上焉進不能取當世之資

啓雋類函下卷五十五

三六

通待制辛帥啓

宋林豈塵

嗟壯志之幾何已鄰衰境抗塵容之若此敢意榮途
顧以罪戾之餘宜志蠻荒之表故雖遠戍敢嘆遐遺
不圖流落之餘獲托照臨之下以身受察引領自歸
雖仰視墮水之鳶不堪上霧幸南飛遂樹之鵲未嘆
無枝

疇庸北固易鎮南昌棠舍陰濃不改江山之舊松階
望峻戴觀戰纛之新先聲鼎來闔郡欲舞顧趨承於
末屬尤感發於私衷蓋謂自三光五嶽之氣分嘆英
豪其有幾更四聖百年之治定慨功業之良難早聆

李予之來歸衆喜夷吾之復見使表餌得行其策則規恢豈俟於今方期父老之推牛開關持勞豈謂兒童之竹馬夾道俟迎抑九重深軫於此方乃三錫重勤於老手恭惟某官蓄陽剛之至德負超卓之奇才九卿高維月之班四國徧予蓄之績維是胸中之湖海飄然與造物者遊發爲筆下之波瀾殆非食煙火人語脫略軒裳之表逍遙巖壑之姿然而當世望其有爲吾君引以自近旋由次對荐畀帥垣居中則可寢謀於淮南捍外則尚何憂於江左維咽喉之內地實襟帶於上流眷顧周行見大夫無可使者儀圖宿啓雋類函卷五十五

三七

望一敵國豈不隱然不妨玉節之重臨佇聽金甌之有命某低回一第連蹇半生素亡踰人矧未更事猥玷公朝之薦口重慚計幙之素餐會逢十乘之啓行欣託二天之覆露豈若秦之視越瘠曾不動心倘如晉之用楚材或堪爲役

通董制置啓

宋李劉

十乘啓行旣孤剡牘三年過隙又玷招羅曾微曉暢之才可答頻煩之顧疾驅行李往役前茅伏念某學餒而材無氣凋而力腐少年妄意頗懷竹帛之功名半世拙謀未了布韋之事業強爲祿仕直坐饑驅諸

公貴人間欲出其門下古來此物自當棄之道旁獨街國士之知積愧文人之厚固同邑而薦嚴助自古有之未下車而辟慈明此恩異其窮人命薄中道憂歸勞心博博鑽火頓驚於三鰲達官衮衮刺天難附於羣飛止或尼之會且歸矣駭置郵之有命仍尊選以見招惟兩喜多溢美之言故再鼓回愈淡之聽奏函朝徹俞旨夕頒荀文若之不進不休今寧愧古閔仲叔之且喜且懼寵實若驚茲蓋伏遇某官以社稷臣爲詩書帥留泰階台符之步撫坤垠井絡之民去來關雪山之重輕出入繫蜀道之難易公鎮踰歲月

啓雋類函卷五十五

三八

共期裴相之來歸小隊出郊垌復喜嚴公之再駐羣彥固多於集幕匹夫猶耻於納溝壑放長江便認重來之路燕尋故壘復窺新捲之簾豈但顯不遺故舊之仁亦足占雜進巧拙之量某敢不循其頂踵銘在肺肝謹無負有志斯世之言仍每守圖利大夫之戒忽騎將軍馬難希處士之壯懷直釣錦江魚敢學拾遺之懶性

通吳制置啓

宋楊萬里

拔處士於洛北豈徒苟尺寸而遠來遇先生於石丘所冀布腹心而後別惜也孤蹤之萍梗居然良晤之

參辰獨惟執訊之恭可効願忠之悃恭惟某官學窮百聖望冠諸儒超然壯猷擊南溟三千水而直上恢乎曠度吞雲夢八九澤而有餘儻非事變之繁興孰信真儒之可用方北狄長驅之日微公幾至於寒心迨西陲甫定之初所泄亟還於莫枕惟已之所蓄者厚故措諸事業而無難惟人之所信者深故不動聲色而自服茲顯庸之茂著承溫詔以輒還竊聆裏言將有巨用某庸虛一介坎壈百罹雕蟲篆刻乃壯夫之不爲既已無遭於場屋豫章楠柚非老人所宜種又將絕望於榮途顧嘗參諸老之後塵未忍爲鄉人啓雋類函卷五十五

通李制置啓

宋朱復之

分楚服以殿藩肩鷹龍數控吳都而制閭近接聲光星聯軫野以在天水會江流而宗海志同氣合旣往神馳恭惟某官伊尹佐王之才班馬傳家之學淮壖

儀篇篇玉鑑之秋帝學一書字字金莖之露曩遊碧洛密侍清光決雲漢分天章將上規於典制呈琅玕叫閭闔請下采於芻蕘身歸峨峨名滿宇宙以彼外庸之績總此要衝之權晉天下曹劉走馬跳兵之地廼禁中頗牧輕裘緩帶其間根本內強風寒外護若周公瑾之方略與陶士行之經營使人慨興千載之思惟公豈在二人之下江山如舊斷爲烏鵲之南飛輦洛何依尚使大羊之北走將益恢於上策以共濟於中興其舊辱深知今漸並命在珠側而我穢喜鄰照之見分其波及者君餘愧上遊之不逮

啓雋類函卷五十五

三

通吳中丞啓

明田一儁

恭惟某官績著清時知深黼展際國運之景錄閱茲
三朝爲閩省之休光歸然一老德尊望重勞苦功高
東南倚爲柱維晨夕資正鈞軸萬流藻鑑八表楷模
式於政不式於兵真儒無敵可以將亦可以相中國
有人僕約結無奇迂愚解偶承梓里末蔭私幸有年
望槐階下風竊期此日敬因小力僭奉尺書

通李撫臺啓

請建公坊

明于慎行

竊祿多年叨榮過分上無寸長之樹可補于朝廷下
無片善之稱可孚於鄉曲乃承臺下俯垂採錄曲賜
啓雋類函卷五十五

王際

甄揚樹之楔坊表厥宅里遂使北山逋客特標通德
之門東海世家遠續延平之冑顧何修以勤父老徒
儼寵以耀門閭已不日以告成敢及時而請額更念
先朝之舊老父虛後學之儀刑並列于一坊俾永於
奕世蓋邀部使闡幽之惠以展邦人景德之私石室
蘭臺久列六卿之史璇題金榜同輝十室之間想在
高明必蒙允亮

啓雋近體卷五十六

類函六十八

東吳俞安期羨長彙編
上饒王嗣經曰常同輯
內臺部九
建武鄧漢遠遊訂定

報

報衛治臺啓

到任日期

明蔡復一

某思咎二載冒從一階猶玷藩符實微鴻造雖草不
謝榮於春風豈葵能易向於朝日涓擬南郡役竣即
趨謁崇牙方履省任伏奉教力止其行憲諭森嚴
不敢違越已於九月十五日到任月盡回澧即當盡
啓雋類函卷五十六

啓雋類函卷五十六

室前往辰州府駐劄睇鈴閣而漸送隔仙山以可夢
星宗維斗何區野之能分舟近蓬萊類剛飈之引去
謹顯役馳報任期以代躬扣宇同歸於四履覆實托
於二天伏惟慈航之濟太松弱喪金繩之導曲指迷
方峯嶺戴德以峰高滄浪流恩而波瀾矣

報董撫臺啓

到任日期

明蔡復一

某謬荷提挈以有今移亭育之隆匪可擬議惟是義
士激於心知壯夫重於德報雖則不敏竊服斯言忘
颺枝之五窮希驥程以十舍譬諸衆木何以酬德於
春風苟非棄材即不負恩於大造矣以十月十三日

抵辰州駐劄訖昔也代耘尚莠驕而爲懼今則專畝
豈鹵莽之可容誠凜凜飲水無以自效於一路所酌
辰水而盟者二以清醒振吏使興於節儉正直之風
以保障固邊深求乎防微善後之策未知力之果逮
與否而不敢不躬厚以先之剗心以繼之者也伏惟
台臺矜其不能訓所不及賜以指南之導勉爲視後
之鞭海之納川鑒朝宗而不卻金有在冶歸善鑄以
無頑謹顯役報代叩台增曠光北斗寤寐以之

報張黔臺啓

到任

明蔡復一

其受材構散稟質秉啓奎山既有負於荆南鷄梁復
啓雋類函卷五十六

不濡於湖北惟宇歸四履恃庇有二天謹當力刮昏
膜以奉指南之導勉程鈍骨勿忘視後之鞭者也先
於九月十五日在臬司到任今以十月十三日抵辰
州府駐劄訖台光在望寤寐焉依而出疆有禁無階
伏和門尺寸地仰受面提山鍾雖隔子母之氣潛通
川海相輪朝宗之誠不爽伏惟台臺矜其不能督所
未及庶稟師保之憲度凜凜自繩以繩屬吏臆枝易
窮敢有從心之力龜猷是告當勉爲救過之圖

報衛治臺啓

到任

明蔡復一

其職惛才短查負澧藩水災歲深民生日蹙政之舉

否問百室而可知已之功辜反寸心而難昧素餐宜
束身以待黜多病每延領於投閒忽報加銜量移湖
北拙同堅瓠推轂何從俸未及瓜播糠糲取靜言思
之惟台臺有錄長履短之寬故下吏冒宜墜而登之
幸也出九畹之蘭鄉入五溪之苗國故園彌遠歸夢
漸迷雖苦私情曷逃公義惟是兵驕餉詘法弛弊多
以極顛極孤之人處積窮積玩之地枝淺涉而已殫
瘡專荷而屢壓則某之所大懼一也四履同歸未達
宇覆而二天漸隔莫請司南金辭冶以逾頑津失航
而何涉以依歸之視竊想年逸之顛隳則某之所大
啓雋類函卷五十六

報汪撫院啓

施藥救荒事竣

明馬朴

頃者水旱荐災昆蟲肆虐凶荒孔棘在貧民方無以
遂厥生疫癘盛行卽富者亦莫能必其命此皆卑職
菲才溺職不德干和所致至煩台臺念切痼瘼恩深
懷保擴天地好生之德既餽粟以設糜軫父母惟疾
之憂又檢方而施藥功同造命誠足格天職循省方

慚奉行敢怠寧便民無逸於官所繇委曲以散縉苟
損已有利於人不吝殷勤而剖俸然養生送死聊充
緩急於無幾而救患扶災豈副生成於並育幸緣天
鴈盡過時機既災軫之攸寧庶憂勤之可慰惟舉措
或乖於憑臆布宣未善於愜心則職之所披赤悃以
省愆愧素餐於司牧者也仰祈台鑒俯賜優容

啓雋類函卷五十六

四

慰

慰寧夏姚中丞啓

聞計

明蘇 濬

西門鎖鑰方仰出師杖杜之勲北○沈迷忽增陟岵
蓼莪之感望雲長愴神依窳窳之前愛日遐思淚灑
杯圈之側夜堂深而改色昊蒼黯以匿光故里山頽
邊塵笳咽睹鳥雀之回顧五內為崩倚雙劍以悲鳴
三軍俱動一揮陳情之表獨深當寧之憂佇看帝眷
之特崇足徵孝子之不匱某方承鞭策時仰龍光入
三極之蔽垣遺風猶在瞻中原之麟鳳侍側何從共
抱分感之思莫供執紼之役敬陳筐篚用告几筵伏

啓雋類函卷五十六

五

惟葆氣願神抑情合禮禧承百順自愛社稷之身類
錫萬方不為匹夫之孝

慰候江中丞啓

丁內

明謝汝韶

恭惟某官高標拔俗炯然玉瑩永清雅志匡時卓矣
文經武緯淮南督餉為綵袖而陳情冀北提兵慰蒼
生之素望帝心簡在御炭書各適播事之助勦塵朝
堂之計畫思得人如南仲往城于方受新命以載馳
不遑將母先聲所至已楊必勝之威妙畧甫施爰奏
無前之績行師僅三月殲厥渠魁負固數千年有截
其所獻俘告廟普天喜色欣欣疆土署官邊徼華風

謹諄此移孝爲忠之注厝迥出庸儔實簡賢使能之聖謨特加異等睠君親之一理勉勿觸乎天威憶舟次之數言誓速誅夫逆賊功成報國知世賞之克延事竣旋廬悵慈顏之永隔惟是顯揚之大節無負幽冥曷云含殮之恒儀有懷舛望顧義罔極竟抱夜於筑笏迺管蒯何良猶馳情於戀戀拜瑤緘之遠辱欲吊慰而未繇荷珍貺之寵頒祗忸怩而中沮敬乘便羽勒布私悰感與悚并神隨信往願言夙夜節其哀思

慰張黔臺喪內啓

明蔡復一

啓雋類函卷五十六

六

方耀法星胡沈寶婺乃知下車之雨果有入龜之風象服宜並於山河鸞音遽歸於瑤島台臺方忘家而圖國孰與襄中待旦而勤民獨孤問夜蓋大臣之失德配缺陷繫於家邦然良翰之顯女師榮哀垂乎圖史在下吏寧忘關戚之愴冀達人勿殫悼亡之詩者也某執奠無階奉慰偏後惟賢內助何敢引漆園吏之無情以理豁哀聊復述宗少文之故事伏惟義懷君民之重命通晝夜之知解釋腹悲陶寫神慮益弘覆露以爲物天

慰董撫臺啓

被諭

明蔡復一

恭惟某官以韓維圭開誠之度蕪姚元之應變之猷肝膽青天指揮紫電某雖顛陋而披霧卽推爲名世承風彌慶於得師况宇內豪傑識勝某者萬萬孰不岬峽戴山繁星宗斗偶傳南省訛有浮言微省保釐柏臺節制自有群吏之心佩萬姓之口碑豈以風波能搖山嶽雖巷伯之箕可成空勞哆侈而仲翔之玉益瑩詎損雕磨輿論素明何傷日月皇揆益篤不假風雷惟是忌本望高足發青蠅之慨所期人歸天定卽歌赤舄之詩伏惟台臺決禮義於信心忘是非於齊物仰酬簡在彌奏膚功

啓雋類函卷五十六

七

慰留董撫臺移鎮啓

明蔡復一

某以散材謬承獎拔凜曠官之是懼憑教父以在前緬惟某官朝刪遊族牛旣解以善刀海運乘風鵬暫息而養翼三楚之歲未移星還福照五雲之岫將返雨更膏濡出處實繫於蒼生行留倍縈於下吏伏接省報蒙遂歸之旨更傳憲示有移鎮之文班馬尚遘想徘徊於黃鶴遵鴻有詠歎信宿於衮衣伏惟俯軫卧轍之誠暫緩出疆之念斗柄所臨聿生江山之喜氣春風在邇稍慰帝幕之憑依

慰留兩廣制臺啓

明

總九伐之權正天懸北斗之位蒞百粵之地乃日行
南陸之墟比德于玉履道如絃非懦非耆所謂中立
而不倚爲上爲德自是易地則皆然惟茲越裳獨煩
公爲民歌鴻雁自是卵而翼之夷仰羔羊大有則而
象者鎮拊其社稷適求厥寧克詰爾戎兵用揚我武
龍蛇赤子經幾許幹旋野馬塵埃豈太虛增損皆知
美之爲美夫乃嫉予之蛾眉無論知與不知誰不白
公之矯節公知有去製芙蓉以爲裳帝曰無然藉鹽
梅以調鼎非故爲詘公之節方倚以秉國之成即龍
戶馬人咸歌且舞將赤帝金鳥常具爾瞻方借保釐
啓雋類函卷五十六

啓雋類函卷五十六

入朝

迎

迎梁撫臺啓

湖廣

明蔡復一

魏闕出綸金掌光升卿月穆陵賜履玉鈐寒動將星
得人翰周惟天授楚恭惟某官神襟凝遠德宇閎深
智崇禮卑魄成三而比讓語又默象時備四以希聲
當奏賦於上林即覽風於雲夢賜何公之策陰騭自
多紉屈子之蘭懷芳必發人倫水鏡時咸推裴楷之
清相閣翹材內不平汲黯之顛望歸身潔忠結主知
幾載正色中朝心無燥濕一朝渙麻南國氣作霜霖
果能釋之有靈徵龍顏之特顧念湯沐之畿重矣雖
啓雋類函卷五十六

啓雋類函卷五十六

九

三百五

惟帝其難弄中丞之印久之竟非公不可山川舊識
尚想像於斗光士女新歡更解舒其霓望滔滔江漢
釐秬鹵而方來芄芄黍苗感雨膏以競茂者也其仰
喬松之在漢曾御膺門泛芙蓉之滿池欣依儉府武
溪吹笛安得陪明月之樓鄂渚建牙亟思揚仁風之
扇伏惟彤弓朝享騁四牡以遙征寶劍夜衝引雙龍
而上燭照臨翼軫鼓舞參衡

迎梁撫臺入境啓

湖廣

明蔡復一

拜斧鉞於青宣指旌旄於赤極峴山屏翠新迎緩帶
之羊公漢水杯平共詠膏苗之召伯蓋新調之瑟候

正來薰而獨坐之車行卽握雨解愠方舒於九夏
流倍跂於群僚者也某觀熊繹之光華隨祝融而
舞壺漿夾道已騰良翰之歡冠三隔雲惟仰南邦之
式敢馳心於境上祈垂照於天遐

迎衛桐陽撫臺啓

郎陽

明蔡復一

紫禁疏綸特輟貳京之尹青冥下鉞盡護諸道之軍
在楚尤張具僚咸憲竊惟太和冠五嶽軼古開天雄
鎮控四藩壯今重地軍路而立軍府由原司馬之披
荆俎豆以光帥牙爲郎中丞之先路重來鄉國萬人
之傑坐折關河千里之衝宿想像於儀刑行繹尋其

啓雋類函

卷五十六

十

三

規畧事可述也功必倍之故一旦傳賜履之新而諸
方恨登壇之晚恭惟某官資幾獻聖德妙磋磨思深
有陶唐之風脉正得河汾之統不流不倚言行擇乎
中庸左之右之名實享於上下始望郎以牧名郡存
膚使而贊陪畿去必有思河潛流而潤物居則爲重
壁登廟以照人接武夔龍既高鳳臺之賦齊驅方虎
俾擁廩國之旄其地則雍梁荆豫半於九州其人則
將吏軍民歡猶一口美素皇之導爽舒佳氣於金甌
恍玄帝其望臨展威容於阜纛遡成化今餘百載誇
陽城踵出二賢豈曰私言將爲國賀其材慚爨下處

托囊中燕雀一枝願襲堂簾之蔭鱗魴九斂欣看
繡之來袍繫尚阻於驅受簪迎先憑於削牘伏願文
颺擁懷愛景隨車泰階六符遘照方城之幕元戎十
乘立開天柱之雲

迎衛撫臺入境啓

郎陽

明蔡復一

簡書綯日彌高三晉之雲山手板趨風尚問六朝之
煙水遵川途而中改扣鈴閣以獨運台札傳溫私衷
倍悚恭惟某官中權臨鎮法曜與霜鉞俱嚴前旆度
關卿雲共霓旌並燦劍脊山分兩戒翠色露新繡紋
地撫三垂歡聲雷動玄冥回暖引鴻鴈以隨陽嶽后

啓雋類函

卷五十六

十

增華催椰梅而吐馥遙望連牛之氣聿紆立鵠之情
某目盼壺漿心馳竹馬乘騏驎道夫路已觀壁壘氣
增驅龍蛇放之菹行詠荆江波靜先布詞以當擁篲
卽受命而依和門

迎貴州撫院啓

明蔡復一

叙戎功懋彤弓生朝饗之輝定笄畧奇霜鉞壯夜郎
之氣絲綸一播麾幟爲新恭惟某官直節峻嶒英猷
磊砢得宇宙之清者烟若星辰當霜雪之紛如歸然
松栢蓋自握蘭望省以逮持節華原胸舒歛而含陽
秋固千尋其直上手弛張而成文武無八面之皆宜

方畧金城歌膽寒於西夏聲靈銅鼓仗心服於南人
特渙簡書爰崇節制牂牁偃浪西控巴山金筑開輝
北連楚服殷三年而始享漢六世以來王馬後之所
未平相如之所僅闢莫不川流電霍濡雨肅霜將吏
得師仰清颺而應法華夷有父依旭景以長懷征蠻
狎而蠻威造磨周雅舞虞階而首格仰蒼舞功石氣
自黃行展留侯授書之秘劍華彌紫且觀茂先燭斗
之文某望李有年依劉方始通家奕世何敢希自叙
之孔融明月登樓或能忘清言之殷浩樵車鳴而無
術甚愧丈人燕庇虎可期欣俟元老伏惟三河星
啓雋類函卷五十六

影蚤臨弩矢之諸侯雙佩龍光遒照雕戈之四履
迎貴州撫院張名川啓 明蔡復一

燭劍斗牛濯皇靈於上國開花旌節布春色於遐天
躋耀張星霧披楚服恭惟某官孝友時譽謫畧神謀
高嶽大川通二儀而出雨清鑄寶瑟節四氣以宣風
伊莘一介必嚴親達堯舜萊綵三公不易獨愛閔曾
允文武以憲邦宜詩書而命帥頒綸昕陞擊柝夜郎
寧惟微闢牂牁弩矢司馬即看燾臨羅甸銅鼓武侯
井鉞參旗指天文而照蜀五溪二酉連地險以控荆
所洗瘴巖之煙苗威干格日生習谷之曉民笑漿迎

瘴色增坐變黔荒之舊習文旂猷壯行磨常武之
新詩某騎竹童驂比茂蔭於棠里代麻更爲後旌略
於柳管是何際遇之奇得在訓齊之下部氓而叨宇
屬或微念於并州左方而寤右圖庶乞靈於善畫占
井霖之拂旆拜紫氣以臨闕先布乘韋嗣虔鞠臚

迎撫臺啓 明諸葛昇

泰階晉棘迴冠冕于群工制府輓芻重腹心于副相
根本之地萬壑朝宗注石之司二天托宇恭惟某官
翼軫星精祁瀾道派神靈之司二天托宇恭惟某官
秋陽木雨金風燕石孕靈應之司二天托宇恭惟某官
啓雋類函卷五十六

人間帝曰朕無復有南顧憂爰曰公當處之北闕下
爰膺憲長式通總章三座台崇獻替咸歸籌策二丞
藻眷人倫畢就鉞規多繡千城殊威素震於江表龍
符轉轂申錫遂巽平師中河漢江淮聯絡神州玉帛
軍民僚吏趨鏘元老經綸維天眷之有邦乃帝賚以
重地百司之鑪錘在握霄漢爲霖七鎮之呼吸相通
河山若礪其材同管蒯蔭席粉榆淹留仕路之有年
特達相知之在上分符中土知翼豈自他門受鑄南
臺藥籠敢當何物惟大賢之居不遠步亦步趨亦趨
長欣劍珮先聞矧真人之氣已臨海必晏河上清行

看鹽梅大拜敬先負弩肅晉荒陵仰冀淵涵俯垂電矚

迎新撫院啓

明葵 煒

授節鉞于九重夙著嚴廊之望肅紀綱于四表式清
畿甸之塵想丰采而葵藿忱傾睇光華而斗山顧切
化行玉燭兆啓金甌恭惟某官一代偉人三台碩輔
聲名高于日月事業照于乾坤大小受而天縱多能
左右宜而器垂群品金門射策詞華分琬琰之光玉
殿敢言咳唾映丹青之上乃膺綸綍借重一方遙借
禹衡暫虛八座輶車隨雨擎天握中外于一籌啓戟
啓雋類函卷五十六 五

凝霜夾日奠東南之半壁威望素孚于百屬具瞻允
愜乎群情某幸屬旃幃受成指顧盼龍門之紫氣綢
懷擁篲之私抒燕賀之丹衷莫勝披雲之喜肅陳蕪
牘仰達栢臺伏冀春函仰垂電矚

送

送金陵余帥奉祠歸啓

宋劉 宰

恭審奉金馬詔鮮玉麟符舊國山河正倚長城之衛
春風桃李忽迎綠野之歸時事奈何公計得矣恭惟
某官長於富貴而不溺其習志於恬澹而不徇所安
以道卷舒係世輕重千重宮殿於赫留都四道提封
肇開制府一施遠畧幾折遐衝爲保障乎繭絲乎蓋
深明於上意孰主張是綱維是敢有二於此心超乎
汗塗榮此玉雪恭聞旒展漸攬權綱衮繡歸公當亟
符十周雅錦衣行畫豈容效于楚人某足未及於龍
啓雋類函卷五十六 五

門名蚤塵於鶚表感此殊遇於茲累年無纖芥之長
旣莫觀奇士于東閣有負薪之疾復阻陪候更于西
津修辭不揆其荒蕪藉手申詞於行李所望菊松按
行之暇深惟棟梁克荷之難使此心休休乎其如有
容於衆善汲汲然其如弗及庶致主可登於堯舜抑
傳家不數於韋平若夫味黃石戒而從赤松之遊聽
滄浪歌而臨三閭之隘御風騎氣飲露餐霞蓬萊無
三萬里之遙大椿齊八千歲之壽則所自得奚俟多
祈

送谷巡撫啓

陸湖

明趙貞吉

綸音有奕移鎮大藩塞嶠生寒去思載路牽楚水之情無盡減雪山之重奈何老我中林之夫徒切上台之望惟門下曾鄒間氣海岱英才當妙齡卽冠於等倫總衆流以登於彼岸懷柱下添園之適握隆中華野之機西隅幸事際此昌平誰轉福星以照隣楚蓋用人譬之救火先向急家公惟曰我亦何心皆同赤子張公才識真爲代者之師寇父恩波實載居人之口僕倚墻老冒避龜形骸閉戶而畏四隣歆枕以避八極雖相慕歆同於氣味恨相逢見隔於高深芥針啓雋類函卷五十六

十六

送潘總河陞兵侍啓

明王世懋

伏承絲綸忽下重霄鑰鑰特專樞務秩則周夏官司馬之責任則唐留守大臣之尊適者淫潦騰沸戒郭瀾漫而金隄屹然黃流亡恙於以見神謨之益工宜其爲聖心之簡在衮衣信宿惟淮海之難留劍履還朝抑恐樞衡之虛左其受恩陶冶跡跡明牆孤蛻方臨未返千金之壽璽書尋報更承三錫之榮雀躍

私情實倍恒品敬陳薄質伏冀登函

送張撫臺還朝啓

湖廣

明蔡復一

江漢命虎王曰旋歸渚陸遵鴻公惟信宿雖圭璜柅邕極南國之光華而衮衣繡裳動東人之賦詠星將違於福曜雨彌企於油雲所以軍民陋羊峴之思參佐殷庾樓之戀者也恭惟某官神書翼漢風度冠唐憲揆文奮武之功久推吉甫矢知人安民之訓卽繼臯陶七澤結想於攀轅九重虛懷于側席旌輝襄岫樹含德以枝低棹影滄浪水留恩而波滿暫度函關之氣象遡趨宣室之論恩袖拂清風共披香滙朝列啓雋類函卷五十六

十七

送張撫臺啓

明蔡復一

某瑣品謫才仰承約束雖拮据苦於慮殫而撫摩窮於術短凜臆官而自懼憑教父以前廼縻守遙藩恪遵嚴憲華綸求輔旣不獲同簾燕以賀臺端袞綉朝天又不敢隨絳騶而候道左追循十月雨露之教

無窮永矢百年斗山之依弗替謹齋短啓仰扣台座
惟夢思常遊於關山冀陶鑄靡遺乎終始伏惟茂膺
眷寵葆練精神以副聖主審象之恩慰都人入洛之
望

送戴軍門啓

明連繼芳代榜院作

帝軫西陲鈴閣握天軍之要公符外閫齋壇肅大將
之威內聯八座之官班出擁中權之節制恭惟某官
挈國舟航擎天柱礎以封疆之鎮勤千城之臨其地
則三江五嶺襟帶之區其位則方伯連帥鈇鉞之寄
謨討樽俎討軍實於未陰雨之時猷壯折衝案邊瑣
啓雋類函卷五十六

大

歎風寒之處壓萬屯之貌虎關千里之耕桑於皇玉
壘之威增重金柱之馥妖氛掃寇業已光翼軫之墟
霖雨思賢卽當駟畢箕而上某矩矱在前忘三秋之
莫逆于焉相應驚此日之分携駐節馳轅雖隔駟驂
於南北左鞭右轡願追鵲於雲霄

送李制臺還山啓

明周仲士

卿月騰輝南甸重交衣之託德星返照東吳遂初服
之常幾年肩社稷以持衡一旦契神仙而蹤履佩恩
有自企範未從恭惟某官跨海仙禽昂霄古柏明光
獻賦上閭闔之星躔翹館悲聲踐蓬萊之雲氣追雙

旌獨隆節鉞將三楚頓起精神大纛崇牙威壓方城
漢水經文緯武名高白鷺青天四牡載馳三槐無恙
正當垂紳北闕沛霖雨以濟蒼生豈應着屐東山臥
烟霞而遊綠野桐郊千騎快看奉詔歸來闌苑片帆
忽被乘風引去投竿繫餌晦幽迹于方壺吸露餐霞
訪玄宗于姑射能廟廊能泉石已該隱見大所有稷
契有巢由何妨唐虞景運某職居俗吏身媿宰官日
邊飛一鶚之書自知分越天外下雙鳬之舄不覺榮
逾惟冥鴻卓爾難羈乃翔鳳飄然獨步驪駒漢浦卽
尋丹井之遊白鶴緱山旋赴桃花之約

啓雋類函卷五十六

九

送金子魯中丞啓

明謝汝韶

天上故人頻下解推之寵海濱迂叟猥承芘賴之恩
觀鴻陸之繡裳公歸不復瞻虎林之旌旆寇借難羈
凡屬填綏之中咸思去後矧叨特達之愛銜結良深
繫伐木失德於乾餱肆谷風棄遺於小怨世稀平仲
交久敬衰知乏叔牙面親心背卽青藍之熟識恒白
眼以相加曰許曰凌投刺居然不報如翁如李過門
竟爾罔聞所愧先施之未能安敢苛求夫顯者惟由
疎以視密遂悲昔而感今重以開府之尊崇誰肯記
存夫疇曩姝慙浚子辱折節之干旄名謝南州塵朱

輜之懸榻山推後輓山積川流小往大來天高地厚
簪者不忘夫故物枯莢曲荷夫滋培誼薄層雲陋綿
袍之戀戀心存古道笑獲鹿之栖栖項紆七載節鉞
之勞暫遂一時湖山之樂遄臻有日嗣晤何期禮宜
趨送于武夷足實趨超夫蒲伏神馳千里托尺素以
遙將念切消淚慚蕪儀之匪腆願言珍攝應起用于
及時佇晉台衡需餘席于荒服

送馬制臺丁內艱還蜀啓 明萬世德

恭惟某官德重峨岷文昭參井趨鯉庭早傳家學登
鳳閣益贊朝謨九卿高維月之班席虛紫幕四海切

啓雋類函卷五十六

三

爲霖之望澤潤蒼生告養屢陳令伯之情固留難奪
富老之制何東楚稱兵於南樞而北堂馳計於西山
咨嗟且遍乎行道之旅人涕泣何況乎天涯之遊子
上能擊下能作喜已順志乎當年星則舍城則號恨
未視舍于今日夔門白帝速回八月之槎蜀道青天
益墜孤猿之淚文武業隆垂憲忠孝心歎兩全不謂
率土之歡竟成終天之憾某散才無用俗韻不諧屬
當奔走之司誤辱吹噓之寵潔陳賻敬蕪致候私所
願鴻碩益昭駿猷愈練居廬幾月翼少息於風鵬讀
禮諸篇文更深於霧豹

請宴

請徐閣鎮出師宴啓

宋方蒙

閩分紫橐新錦里之行春禮重皇華張綺筵而入夜
萬山偉觀一道歡聲恭惟某官名蓋八紘道關四氣
學問術業渾淪姬孔之規模議論典刑活脫富韓之
人物所謂百年能幾見何止過江第一流蘇桂府以
召歸陟松階而深峻萬鐘千駟莫移家食之心一馬
二童殊渴都人之望履聲未到黼黻愈深恍聽樂于
鈞天命開藩于福地萬釘寶帶視真文昌十丈牙旗
作大元帥建碧油幢于甲地羅紅帕首于午橋憶昔
啓雋類函卷五十六

三

端平號小元祐嘗以七閩之重鎮畀諸一代之真儒
旋上政涂未弘相業今時望復歸于南浦若明公即
向之西山宜當聖天子眷注之隆仍究老先生經綸
之志富貴歸故鄉豈爲樂才峻道盛德豈爲誇霖雨
四方端繫蒼生之福分高風萬古好看黃閣之聲名
麻汗芬芳棣華輝映惟某官竭來弭節親見條符音
託好門牆見謂金蘭之友今相望臺閫皆在桑梓之
邦豈不望我公歸姑且爲閩人賀酌同心酒哦有興
詩又見鮮于公事坡仙于定武會如歐陽子記忠獻
之相州吹栢俚歌笙簫盛事

請湖南趙帥宴啓

宋劉克莊

撤山前之薇戍方登捷旗訪江上之棠陰忽聞
延爲薄具以屈高軒恭惟其宮峻特而潔清沈潛
剛毅生長古靈之里甚似前修從遊勉齋之門見稱
嫡子真吾徒之畏友亦近世之名卿清標洗五嶺之
貪風妙筭掃重湖之妖祲集衿佩于凋零之後多所
講明營金湯于談笑之間一向神速方名垂于竹帛
乃興動于林泉魯望江湖散人公雖甚適更生宗室
遺老上必見思會有鋒車往歸禁橐某交游最蚤聚
散靡常晚繼踵于前規復借光于鄰續暫駐函關之
啓雋類函卷五十六
紫氣同凝燕寢之清香把酒而登雲山小休午暑
鞍而游雪鼓尚約秋風

請督府譚公太平宴啓

明黃洪憲

元老臨戎一舉見風煙之息嚴寒振旅全功協威事
之成沛時雨于巖城春生節鉞瞻台星于將幕喜溢
山川欽至策動瑞靄自騰于千里經文緯武精神獨
憲于萬邦露布遙馳上舒肝食霜戈載戢永罷秋防
儒者全功太平有日凡在撫綏之下均蒙底定之恩
基守藩籬與覩盛事綴三軍之凱奏頌厥成功萃
萬姓之歡心奉茲嘉宴樽俎帶折衝之氣日麗轅門
雅歌餘制勝之威霜清海徼元老燕喜自受祉以福
邦家長子帥師宜錫命而承天寵

啓雋類函卷五十六

三

請開府方公宴啓

馬市

明徐渭代

三歲貢成華夷交福九重錫典秩陰俱優是皆我明
公首創非常排衆議而獨斷坐燭將至畫二策而靡
遺遂收開闢以來所無之功是豈魏賈諸人可得而
比迨臻平定不事鞭笞既全活乎生靈更餘波于將
吏惟茲茂德曷效微衷緬懷舉歲之常筵已倏然而
更籥雖屬年來之故事實藉此以通芹敬卜吉朝仰
勞台駕幸叨負弩之列共肅候夫幃帷剩有折衝之
談冀伏聆于尊俎其爲光重莫可名言

請開府方公啓

明徐渭

伏念某等稟制有年奉職無狀幸因人而故事遂叨
秩以逾常辟廣廈萬間之中獨蒙私覆念微軀七尺
之外孰可仰酬敢託公庭肅申私覲壺漿膏捧山斗
重瞻憲文武于萬邦維燕喜歌是驚而三疊共賀
昇平伏候鸞旌敢渝勗立

花馬池請李次溪總制宴啓 明周光鎬

虎帳秋臨運風雲于紫塞龍韜朝布振箕翼于玄穹
荒憬立見清夷氛祲行觀淨掃三軍生色百職凜心
某謬役朔方虛陳東席猥執鞭以在事媿借箸之無
能千秋獨擅乎登龍今日更榮于御李爰占上吉預

啓雋類函卷五十六

二十五

啓中涓願乞寵命旌幢敢借輝光俎豆

請邢崑田制臺啓

明萬世德

拜塵鈴閣方當履事之時報捷轅門已屬策勲之會
敢修蘋藻擬狂旌靡恭惟其官忠猷貫日勲業格天
方枚赤子于潢池南方底定又拯黔黎于滄海東國
安瀾何意寒賔幸逢底績愧指揮之未效將繼繼之
前陳小子喜色于押書元老動顏于飲禪遂滄吉日
敬迓神光望旌節于隔年實尊定于此日并之新矢
但有抒忱鼎而潔焉何嫌不腆言河為帶泰山作礪
庶可永君子之功高嶽化肉江漢設醪聊以答主人

之獻預函俚語蚤俟來軒

請總制宴啓

明萬世德

非封下體敢擬參苓戎馬寒臣妄攀尊俎惟高深之
愛載渥故涓埃之報必誠竊念某邊塞寒踪縉紳末
品半生仕藉什九行問方西事之粗完乃東垂之始
蒞戰也歟也疇非指顧之功操之縱之悉昇周旋之
力雖造化無心于成物而君子有意以憐才乃巢林
身守一枝予久安于分量謂伏櫪志在千里公雅重
于陶鎔豈期節鉞之重肩誤及么麼之小物牛溲也
馬渤也既嘗收于藥籠蟲臂乎鼠肝乎敬薄陳于賓

啓雋類函卷五十六

二十五

宴望舒開戟情竭稱觴謹蒲伏而逕龍光幸雍容而
式燕禮敷藏山納久已擴大人之包荒海錯陸毛暫
爾申小子之獻野

請汪中丞交代啓

明萬世德

乎號帝庭已拜絲綸之寵晉依客履敢校尊俎之光
故鹿鳴興歌示周行于我好而燕喜紀頌祝純嘏之
自天豈惟洽賓王之歡實以敦道義之雅矧展采錯
事共抒藩翰之猷而秉鉞擁旄獨荷封疆之寄恭惟
某官氣吞雲夢望重松喬不俯仰于流俗之趨每特
立乎風塵之表關河百二遠揚虎豹之威檣櫓三千

近掃鯨鯢之穴乃聖王無忘其東顧故君子獨與乎
南征爰稽綱紀之勲特進撫綏之任車輪四角每虞
回途折坂之難前廣厦萬間今幸震風凌雨之無恐
意瓜期之已及謹芹具之可修敢自多舉直之功庶
幾免塞責之誚一觴爲賀百感懸私衍衍時和蓋有
德以勝此厭厭夜飲將不醉之無歸敬迓龍光惠臨
魚麗

請軍門陸公太平宴啓

江西藩臬
請南贛

明廬岐疑

興師十萬材官方盛于出車破虜二旬吉語已聞于
啓雋類函卷五十六

二十六

露布摧堅陷陣雖由虎士之勤勞得雋擒王實仗神
機之指縱鳴桴絕響盡消山海之黃巾吠犬生羗悉
散萑苻之白跽輝煌劍氣光照移和之區蔽芾棠陰
歡騰賜履之地某等叨居下吏仰藉鴻庥洎擇授衣
之良辰敬行飲至之大禮旌旗纓綬遙瞻八座之威
儀蘭菊芳菲共沐三軍之喜氣伏冀靈况以肅具瞻

請軍門賈公啓

明謝廷諒

暉騰紫極斗樞標穎曜之符彩授冊曦午緯啓會昌
之運靈圖光闡文物歲蕤雋舉褒揚英才灼茂恭惟
其官煒燁孕秀粹液凝華感玄象而應蒼龍東維延

祉夢彩毫而揮白鳳南嶽呈祥鴻緒引綸割玄珠于
宣室芳徽奕葉勒翠琬于雲臺雖寥愛日之光百城
警曙冕露凌雲之逸庶士傾風晝偃朱轡頌傳清穆
晨依絳帳樂咏中和犀衣石鐙之風咸駭文而止武
龍蟠獸據之險式蹈雅以歌風邑比堯封鄉知舜讓
朱方捲旆驚清桂海之波蒼渚投竿鱗集棘津之彥
矧南州高士流淑問以漸陶而上國名臣捧綸音而
校覈周家取士視音尤詳漢室得人于今爲盛下里
折揚之調知難恩于齊竿中原正始之音乃有傳于
鄒嶧倬彼雲構七年森蔽日之條展也颺迴六月起
啓雋類函卷五十六

二十七

垂天之翮某等識慙內照方剖握而憂玉石之清職
典外闡祇愆飭而防朱紫之雜祥圖月奏飾鴈舉以
賓賢景貺霞鮮歌鹿鳴而饗士鮭採芹向曝遙悵懷
一獻之誠而杖鉞觀風景集賁三嘉之寵星奔霧涌
欣利見于龍門雷動風馳盡仰瞻乎能軾夜覘乾候
雲編與月羽分華曉宅地維武庫並文昌俱絡

沅州請貴州撫院啓

明蔡復一

斧鉞青真擁虹光于黔節袞衣信宿歌鴻渚于楚茅
敢筮需雲欣依晉日恭惟其官儀天傑構濬海深源
水出水寒對清心于胡質松傲冬秀標勁節于康侯

方持憲而輟肅畫熊一星是福及護軍而繕收白虎
萬霧皆披既壯方叔之猷遂恢梓荆之績長卿論檄
果回面于夜郎諸葛天威允攻心于蠻部開府制三
省共揚入幕仁風司空宅百揆更洒隨軍甘尉花山
錯繡爛然飛舞雙旌龍井觸雲行矣嘯吟六合其管
蒯偶代于絲匱岬峽遠附于嶽崇殷浩月明愧難陪
庾公之興鄒湛風美倘或從羊叔之遊匪曰沐馥澧
蘭并州可念亦惟疏誠沅芷河酌是修伏惟責上台
之光坐觀斗轉錫緒言之教語則文成徵罷耆龜環
迎劍佩

啓雋類函卷五十六

天

請李制臺啓

明周仲士

恭惟某官澄淵止水冲襟納海容河雅量一腔浩浩
統有宗而會有元千頃汪洋澄不清而清不濁湯沐
係王朝根本久藉保釐于畢公糧餉關軍國生靈申
命貢賦于神禹兼漕于撫總吳越齊楚之權觀水于
源遍豐沛蕭陽之趾豈徒一游一豫實以爲國爲民
值舳舻千里之終正疏淪九河之始暫假情于尊俎
首慶宴于平成蚤步戲馬臺中便登放鶴亭上坐瞻
四塞儘可觀風俯聽雙鴻因而問俗願祈鸞旌至止
且先鵠立恭迎

請撫臺啓

奏捷

明連繼芳

走雷電以犁庭慰草中之時雨挽天河以洗甲存雪
後之陽春公之臨戎爲騰峽以息襄毅公之振旅同
田峒而返文成蓋五丈原之流馬木牛運于尊俎斯
八景畫之晚鐘沙鴈同是江山書不盡于旂常功隱
存于社稷某恪共燕喜快覩鴻禧今日之東君侯誰
在矣愧非孝友之張筵中之嘉客公爲憲哉共賀文
武之吉

請常撫臺遊鴈宕啓

明劉仕義代

陟鳬繹以徜徉官聖之襟懷可挹登會稽而眺望神
啓雋類函卷五十六

三九

禹之宇度何弘蓋乾坤清淑之奇發于流峙宇宙山
川之勝鍾于東南標品名山允推鴈宕迭甌嘉而跨
台越俯溟渤而逼蒼穹聳孤嶼之菁葱突層巒之瑰
異嶺巖翠嶺謝靈運之逸跡猶存洞壑崢嶸陶弘景
之仙踪如在佳境實難于枚指奇觀莫罄于丹青恭
惟某官恩威洽于並著仁義秩于兼施雨露湛洋萬
姓享鳬鷺之樂鯨鯢殄滅全浙肇覆盂之安大振朝
宁之精神實爲國家之柱石乃者駕移旆旌指赤
城伏祈憇蹕名區棲心直境攬溪山之勝蕩滌翳紛
探岩嶂之奇興怡心目山雲出岫化工旋運于天倪

野鳥依人機心銷鎔于淑氣睠茲塵寰異境豈其人
世卅丘謹清道而前驅必展鯁忱之一二願攀援而
附踵用隨鶴馭以後先

啓集類函卷五十六

三十

錢

錢潘中丞陞總河啓

明王世懋

絲綸載錫斗牛之寶劍猶瞻節鉞東行河洛之玄圭
欲告江襟湖帶棠陰久望于巡行楚堊吳頭芹薦幸
當乎祖道敢修故事竊沐餘光恭惟其官塞淵默簡
于帝心開濟夙彰乎民譽能節而惠十三郡之尸祝
方新維威以懷百萬家之口碑如一始急弼諧之任
召貳秋官繼惟荒度之艱晉司霜府受任而將窮亥
步憂時則夙戒星馳赤子江邊逐車塵而攀卧黃河
天上跂履跡以平成某等叨荷帡幪獲稱藩臬思報
啓集類函卷五十六
稱之無地感睽離于所天望彩鸞爲龍門難下豫章
之榻戀衮衣于鴻渚暫留彭澤之尊倘佇鸞和曷勝
鳬藻

錢貴州撫院胡公啓

明蔡復一

補山甫之袞帝曰端歸瞻周公之裳人歌信宿指雙
旌而耀日濡六轡以追風從此上台之光長懸北斗
其如參佐之戀倍憶南樓某偶沐蘭芷之津得遊芙
蓉之幕雖星光莫賁悵初筵隔噓噓之鸞而雲路欲
睽冀華隰駐蕭蕭之馬敢燔瓠葉以附柳條惟停節
稍緩僕夫則攀轅暫伸下吏

錢陳制府啓

明馮時可

鳳駕星言披袞歷三湘而奏峻春城氣霽移旌指五
管以趨塗情切臨分禮宜祖道匪藉尊疊之敬何憑
芹曝之私遵例上塵搗淫知愧恭惟某官學通元化
識照玄微挺忠鯁之一心風采凜乎其可畏恢經濟
之群畧議論坦然而易行自瑣闥而出藩宣久揚芳
譽歷中臺而來鎮撫益闡弘猷飾吏治于百城上賢
簡墨軫民瘼于四野蘇枯弱強十萬木犀未震耀而
威加草木滿腔金石方注厝而信格蠻夷帝鑒崇勲
推轂首先簡命朝稱懋績授鉞特假便宜三品班聯
啓雋類函卷五十六 三十三

領柱後惠文之彥兩藩坐鎮兼軍中閫外之尊馬首
欲東拔慕彌深岐路龍門虛左光儀漸隔雲霄愧非
貽贈于紉蘭竊擬燕胥于菽笋離衷軫結異回卿月
之餘先祖陌驂停願傷使星之異色伏乞俯臨不勝
孔賁

錢陳制府郊外啓

明馮時可

翠帟當郊將百壺而開祖道形禱被野戒四牡以結
戎裝景渙祥光風飄淑氣敢陳素悃爰致餞私恭惟
某官擢秀九江蘊靈二嶽迪忱恂之令德動履無爲
範矧具碩大之才猷出言應如桴鼓帝心簡三公分

坐鎮兩藩朝望攸歸啓事榮登三獨夷夏風殊候別
咸賴旬宣東南地大控遐總勤節制龍驂沃若載黃
石以趨塗鳳管參差指朱鳶而引轡星辰迎劍虹霓
夜貫銀河風雨清塵瘴癘春消青草某等瞻依台座
夙詠羔羊之五紵傾注袞衣載歌鱗魴之九罭謹茲
蠲吉用侑車徒薄以陳羞殊慙澗藻願言反戀快瞻
笥內之蛇曷任翹翥引領車前之鹿預呈短疏懇鑒
未忱

錢邢崑田制臺啓

明萬世德

策勳欽至用張撻代之威受祉來歸敢飾燕綏之好
啓雋類函卷五十六 三十三

特涓吉日仰拂清風必潔必誠但求新井而滌米頻
采藻敢云陪鼎之華維君子繫邦家之光故豈第作
令儀之式遲遲春晝已欣草木之敷榮歷歷晴川共
羨海天之開霽豈曰盈觴之有酒洵然六轡之如濡
祇候旌幢敬陳尊俎填麇響徹喧于奏凱之歌罍疊
光浮燦若銷兵之氣預裁蕪啓先叩牙旗已知弭蓋
于客廬執汗尊而北獻猶冀望塵于道側看繡袞之
東歸

擬撫臺郊餞啓

明徐榛

天著準繩鳳望表三台之重日華綸綍新猷齊八座

之尊簡在帝心歡騰僉屬恭惟某官孕祥宮垢振采
廟廊備文經武緯之全能極足食足兵之長策豐財
利國小杜武庫之度支通滯任能邁劉士安之轉運
明良交泰遐邇同心某叨藩臬之末司荷陶鎔之巨
庇受成大府望節鉞而承指揮忝附公門愧桃李而
蒙培植觀鳳儀之將遠切蟻慕之孔殷穆卜某日某
處敬陳觴俎伏候旌旗倘鑒野芹之誠少憇甘棠之
蔭渚邊鴻鴈咸快觀赤舄之餘輝戛裏鱗魴猶得依
衮龍之懿範

啓雋類函卷五十六

三

啓雋近體卷五十七

類函六十九

東吳俞安期羨長彙編

上饒王嗣經曰常同輯

建武郢 漢遠遊訂定

內臺部十

謝薦舉 獎勵附

謝李中丞啓

安存崔簡家屬

唐柳宗元

伏惟中丞以清直去敗政以惻隱撫窮人罪跡暴著
則按之以至公家屬流離則施之以大惠各由其道
咸適于中威懷並行仁義齊立繩愆糾謬列郡肅澄
清之風匡困資無闔境沐嚶吟之德凡在巡屬慶懼

啓雋類函卷五十七

一

交深伏見崔簡兒女十人皆祁氏所出簡之所犯首
未知之蓋以風毒所攻漸成狂易不知畏法坐自抵
刑名為賊賄卒無儲蓄得罪之日百口熬然叫號羸
頓不知所赴倘非至仁厚德深加憫恤則流散轉死
期在頃更某幸被縲囚久沐恩造至于骨肉又荷哀
矜循念始終感懼無地

謝金陵帥韓尚書啓

宋周必大

剛嚴少許人爭冀于混奇薦舉有名恩首加于紆等
欽惟公選實激懦衷某直非諤諤訥甚期期居貧微
指廩之交處衆乏容卿之量竭游泮水坐閱再期職

以曠聞分宜罪免竊幸荊州之識俯憐絳勃之庸求
言待遇之殊初匪賁緣之助此蓋伏遇某官功高二
傑文倡諸儒曳履中臺獨厚龍淵之賜擁麾南海載
楊鰲水之威聖神加鯁嶠之資內外著虔共之譽吾
用休而安社稷將踐政塗王錫侯而祭旂常薦臨藩
服每倦倦于庠序尤汲汲于俊髦何取迂愚乃加褒
拂蓋以鄉閭之非遠且于姓氏而可推東魯大邦嘗
許鄭田之假弓高貴族未忘周烈之餘用書千載之
盟加貢一言之褒某敢不紳書厚德鞭策凡材聘賢
士以廣謀既辱長公之薦召陋容而說禮終酬祭酒
啓雋類函卷五十七 二

謝瀘帥楊尚書啓

宋李 劉

屬城受察已感莊身帥閫簡僚更叨舉首得固榮于
券外愧有玷于牘端嘗觀七篇之包羅頗考五人之
名教齊王爲都之知罪惟孔距心獻子取友之難忘
必樂正子使下駟或當于上駟則後魚或謂于前魚
矧其不才舉世所鄙坐力田之傷地脉迄不逢年欲
養生以息天黥未能絕粒得郡豈嫌于如斗蹊田適
值于奪牛有土此有財貧于近監改邑不改井窮乃
無錐不幸千里之旱可哀竟無斗升之水以活蒙袂

弗勝其貿貿納溝瀆覺其纍纍採火暇問丈人只得
焦頭而爛額無麵欲爲巧婦但知剝肉以醫瘡患饑
實自于已饑忍痛難忘于方痛非惡其聲也實關鄉
人孺子之心何誕之節今固賴方伯連帥之惠鶴膝
蜂腰尚未全復牛溲馬渤何足兼收茲蓋伏遇某官
德與春融氣如秋杳闔闔之開黃道風高北闕之星
辰斧鉞之下青宣暫養南山之霧雨七年可即戎矣
九戩以公歸兮觀察急于賦刺史私于民洞知委折
今夕飲者恩來日按者法未忍舉行閱其存活數千
之羸龍以治平第一之薦然饑饉孔殫之甫定熙洽
啓雋類函卷五十七 三

謂何且文詞學問之久荒博深安在尚書拔十得五
矣孝廉聞一知幾耶德不待于成身士固伸于知己
其敢不懲羹吹沸求牧與芻諸侯矢國託于諸侯無
使饑餓于我土國士遇我報以國士敢忘佩服于斯
言

謝訥臣啓

薦舉 宋鄭 厚

一行作吏未應絕山吏部之交千里投公何恨學蠻
參軍之語遽拜薦章之寵爰增仕版之光謝固無私
情豈能已念慰藉之甚厚懷喜荷以交并竊以百粵
于嶺海之南五服曰要荒之外氣鬱已分于庚嶠質

清終變于貪泉人不畏其四知仕咸罹其五瘴橘而
化枳雖云易地之使然薰之與蕕豈免同器而俱其
以道里既遠則在所可忽謂耳目弗知而靡所不為
方數年以來所習浸華自近日以還此風漸革蓋監
司郡守既公其賞罰故頑夫污吏稍知所勸懲然操
牘未免于干求若剡章尤難其取予往者雖信而來
者不可信今日為然而明日未必然視所以觀所由
察其安曾莫虞其肺腑揚以言進以德舉以行然後
借之齒牙苟非有灼見之明惟恐負失舉之累伏念
其脫身白屋効力仕途學術至迂而難極淹該正經
啓雋類函卷五十七

四

甚昧而未諳詳練顧俗狀塵容之可笑亦瘴烟蠻氣
之堪嗟雖之處於囊中烏能脫穎羅而置之幕下莫
藉為媒自甘隨鷺鳥之群誰肯作騏驥之顧天何際
會有此提携伏遇某官道以相傳仁為已任泰山北
斗而為世所仰春風夏雨則在天有功樂從珠履之
遊廣借布衣之譽以河內太守喜聞洛陽年少之才
而水南山人起自東都多士之列遂令頑鈍亦預甄
鑒其敢不身檢自將官箴克謹雖居乎短屋之下在
轉之清波之中愧丈人厚而知丈人真誠垂靜聽待
國士遇而為國士報敢負此心

謝衡參帥啓薦舉

宋李劉

小子狂簡而成章無能為役大鈞塊圯而播物有味
其言幸辱備于使令亦足謂之遭遇不應論薦亦累
吹噓伏念其受質本奇望世亦狹重而強學粗知萬
物之皆塵壯不如人縱得一科而何補舍對白抽黃
之業為出朱入墨之謀人言棲枳之官決無鸞鳳詎
知求芻之志固無馬牛不圖賈子之泛湘偶際召公
之分陝望塵雅拜孰非夾道以疾馳敷衽陳詞獨念
此君之小異令以罕牘小夫之智効于詩書元帥之
前一年于茲五技窮矣可以止則止方願返于屠羊
啓雋類函卷五十七

五

莫之為而為駭忽勞于薦鶚亟囑輸欵願且避賢且
期刺史之天決為將軍之地識學有數敢當淹博之
稱了事亦癡寧有疎通之實非相國賜之大禮之過
詎至是耶使天下洋然動于將來其必由此古之所
以求士今者于是見公恭惟某官身佩安危力關造
化兒童之誦君實父侯丘園夷狄之間寇公暫司管
鑰察湖南之從事欲冀北之空群雖有絲麻且揚糠
粃意者耻匹夫之不獲欲其收多士以攸奔無以我
公亟展伊周之業豈惟委吏得專文武之功某既累
公知寧當自棄少留東閣雖掩人言魏勃之庸更達

南枝或備臣客馬周之對

謝衛參帥啓

特薦

宋

周公還贊僅收三士之材毛遂備員輒在一人之數不求而獲其得也榮竊惟范公之封章七重皆爲名勝呂文靖之賓客三朝賴其儀刑殆勵相國家之功自旁招俊乂而始然主擇客客擇主亦各有宜故公求士士求公苦難相值裴晉公于韓愈至公僅使之就開歐陽子于聖俞素交乃忘于推薦况在疎賤何與品題某殖學多荒賦姿不類偶奪一科之底強爲三釜之謀入墨出朱職甚安于祭竈依紅泛綠夢啓雋類函卷五十七

六

不到于轅門敢圖前茅爰及下菲迨今數月無補報于絲毫未始一言乙躋攀于分寸小人屬屢而已非惡此而逃之大鈞坎圯無垠果何修而得此欲使塵埃之吏進爲館學之儲受德者不待成身感知而已盡已者謂之確論揣分謂何伏遇某官以社稷臣爲詩書帥傳說之輔台德宜楫巨川君陳之和厥終誓藩王室式篤緇衣之好庸爲來袋之藏故令駕才亦玷鵲表其敢不激昂大節感刻異知諸侯薦人與之諸侯固無是理國士遇我報以國士請事斯言

代謝衛參帥啓

薦舉

宋人

浮食畫墁又占芙蓉之幕飛章推轂遂依桃李之門請裁小子狂簡之章小謝大鈞坎圯之賜伏念某地寒無挾天巧亦慙膺落宮廬莫繼忠宣之衣鉢力扛洪鼎又慙文惠之寶裘徒藉義方獲沾世祿雖幸挂名于秋賦未能得雋于春闈繁旋州縣之勞祗慄簡書之畏偏終墨綬獲近碧幢適泰階六符之光擁元戎十乘之寄生匠石之園長伯樂之廐固可卜其終身挹浮丘之袂拍洪崖之肩復自憐其凡骨聊作斗升之活敢希分寸之舉况西山行地之仙有八百輩而旌陽同日之舉僅十二人不應妄庸亦預推薦茲啓雋類函卷五十七

七

蓋伏遇某官三朝元老四海真儒魁下兩星付榮進于素定胸中五色補造化而不言靡辨三命之滋恭要歷四方之維翰自洪移福瓣香續派于南豐由登入京夾道寄聲于司馬闔閭休歌于來暮吳儂莫切于去思陝而東陝而西方欲弘周召之化洛之南洛之比務多收溫石之材包荒得尚于中行采菲何嫌于下體致茲孤進亦累一陶某敢不退自激昂勉圖報稱滕王閣之合賓佐既辱異知翹材館之招賢人應無棄物

謝邊總督啓

獎勵

宋方岳

赤囊旁午兵氛未靖于窮邊紫殿升華軍紀聿嚴王
大柵此固廟謨之宏遠其如物望之卑凡既莫遂于
懇辭不得已而昭受敢告吾相恐負已知伏念其頭
顱欲老肝鬲無奇對越一心雖誓不以賊而遺君父
驅馳五載乃未能安邊而立功名間者援師之西捷
報彼酋之北是殆因人而成事其敢貪天以爲功夫
何異數之駢蕃益重微躬之惕厲伏遇某官愛人材
如護元氣興治化如播大鈞非道不陳于前惟天保
采薇之次第有謀入告於后皆車攻杖杜之規模蓋
嘗欲釐百工而庶績熙豈但曰整六師而四夷服顧
啓雋類函卷五十七

瞻東鄙幸禦北風故寧就錄焦頭之勞毋或久勤拊
髀之歎致茲庸瑣亦誤褒綸其敢不求矢捐軀無忘
嘗膽惟上策莫如于自治疇非借箸之時彼一人何
有于嘗強但勵枕戈之志忠憤所激臨鑒在

謝鄭中丞啓

明王家屏

其支離陋質樗櫟散材遐迹蒿萊甘心腐朽猥荷台
慈特達瞻注動倦噢咻于疾痛之中藻潤其疲瘠之
狀吳公之薦賈誼未比其知叔向之識驪明詎方其
遇第自分溝中之斷棄不復收何敢擬席上之珍聘
而後出門下與人不愛其情進賢欲加諸膝遂使鼎
疑真膺取信于下惠之言馬誤驥黃定價于伯樂之
顧卒憑履幕之薦再塵旆屢之徵沂所自來知非偶
爾所愧宿疴雖減莫濟中乾舊殖盡荒何資人告探
伯魯之簡祇切憂兢臨揚朱之岐可勝迷謬肅茲馳
啓雋類函卷五十七

九

控以代先容王程有嚴方迫束裝之冗台光非逮已
儲撰履之誠

代謝朱撫臺啓

明程世奇

政邈循良德化久愆于鸞鳳功翰保障風波時動于
鯨鯢允宜斧鉞之嚴反玷珪璋之譽榮分華袞寧誇
一字之褒感切明珠自結百年之戴伏念南徐適當
孔道定需理煩治劇之才東吳頻罹沴災全賴拯溺
揅焚之力循途非時所急守株與地相違况盜艘常
泛江洋消弭之計安在倭轍仍橫金嶺備禦之策奚
存決意增兵奈異時之難散多方議餉苦今日之弗

堪束手爲勞支吾莫展兼之兢兢奉法多不合乎人情落落實交大不理于眾口惟有積愆可禱初無片善足書幸遇某官精忠報主偉畧安民雨露洽東南十數郡之生靈永賴烽煙靜江海二百年之神武維揚用木官人未雨徹土納污含垢不遺封非之微並蓄兼收罔棄螻蟻之末正如下吏徒懷精白之衷詎意上公亦取驪黃之外採即墨之實政毀言不惑于盈庭諒匡章之設心獨見弗循乎通國品題尚難入格何藉絕倫以寓激勸之方願治且愧無功乃稱異等以行鼓舞之術遭逢非偶知遇最深敢不益勵水

啓雋類函

卷五十七

十

標愈堅淵惕佩明言而作針砭務期刑名錢穀皆精捧懿訓以代箴銘必使教化風俗盡美仰耐推轂聊効銜環

謝董誼臺中丞啓

薦舉

明蔡復一

鉛刀一割割蛟兕以何功丹鼎九還飛犬鷄而自詫粵有重臣之代非無薦士之言然或既異中心姑榮施于面目或誼華知已僅旅進于眾人故讀疏者亦曰監司之常由舉賢者未必事君之以若乃漆膠傾蓋星斗淬礪錄諸多事之秋謬推利器予以立功之地橫借恩言溢喜疑涉于過情深期實專于爲國虞

丘之援孫叔在楚則然山簡之拔于尼于今始驗則其襟帶蓋出語言之外惟有鍼砭獨存寤寐之間恭惟某官棟礎九筵權衡六幕文武兼卿將之器堪鍊石以補天事功醉賢豪之心類觀溟而失水挾已甚厚擊扶搖者地絕于凡毛閔人又多過鄧林者眼空于散木然而都周公之美吐握勤施歎孔氏之難春秋取節以芄芄之苗黍猶米采于兼葭其徒厲橋心易昏棗柱荆南查負水旱之所憑陵湖北廳窮兵苗之所抗撼雖移山之有志欲效愚公顧逐日以難幾終嫌夸父澧沅傍驂客方嗟闕不茂而正又荒封菲

啓雋類函

卷五十七

十一

托詩人詎意樹有檀而下維穀過微隆睠特費偉題藥苦水寒許以操修之凝遠緒狹綆短飾爲抱負之宏深至若金城石畫之評益非溝渚株拘之質使有知人者漫疑其語則將緣不肖而公受鸞鑑之譏抑有知言者輕信其人則又因公而不肖蒙虎皮之假進退維谷俯仰皆慙憶褚裒之識孟嘉坐上小異桓溫之禮安石門中未逢在昔爲荆國之美談然今豈往時之人物惟君子之賜不待成身卽國士之酌莫如立德平生君親而外不擬受恩于他門從此忠孝彌敦庶答因材之大造焦桐可鼓依稀高山流水之

音發樂寧忘佩服繁露玉杯之訓伏惟大忠達善既有味于緇衣上賞進賢佇過歸于衮繡

謝張誠字撫臺序薦舉

明蔡復一

五技窮黜課立監而多負一談增驥微露刻以何溫世不乏中郎之琴托材燬下人孰爲司空之鑑辨氣斗間竊惟才難古之所然品或寬于取節知己今之所重榮尤倍于事賢然趙清獻之提衡執手幾失周茂叔韓昌黎之入幕感恩姑許張徐州若自揣吏業之疎而曲被人倫之寵錄瑜瑕外飾妍醜中実無取于緇衣褒已侔于華袞則意氣所許肝膽寧渝恭惟啓雋類函卷五十七

十三

某官江海萬流笙鏞群籟旬宣疆理不替召伯之功翕受敷施有味臯陶之訓與人無求備則良楫可以兼收大賢何不容抑山藪妙于弘納雖胸備四時之氣獨蘊陽秋而言同六琯之吹總成律呂坐令磔汰濫次糠揚醫賦物囊搜狶苓而必薦仙丹留鼎沾鷄羽以同升其有堅匏頑固之資無枯樺俯仰之智蚤山堪喻于地刺鯨浪復困于天窮秋水茫然問津航而太息春華竭矣施殿最以奚裨惟遠志之懷翻成小草孰老芋之質可假茯苓鏡奩遁于月波羅遠恢于天網文人無用盡雪刻鵠之譏壯夫不爲猶米雕

龜之未蘇素施于芳芷題怪石以連城足使刑璞姬逢澧蘭奪色取節何怨盡已果勝自知事賢至奇終身即爲定價非執手而相失詎感恩之足言仰繹樹人報國之忠崔環難效勉修東吏安民之業驚駕是程庶無恨于執鞭稍有詞于推轂伏惟踐姬公之籩豆益揚下士之風疏呂相之袋囊即握進賢之柄

謝漕運李公啓薦舉

明程世奇

朱方督餉肅瞻霜斧之嚴白簡掄才沃被露章之潤感殊寵則白粹于操懼過情乃亦生于色常懷推轂未暴銜環切念財賦產于東南三吳稱甲金穀充于啓雋類函卷五十七

十三

西北兩浙惟昂故郡以潤州爲漕儲轉輸之橐籥而開惟京口係運艘轉輓之門庭從來繡節先按南邦嚴稽遲速然後風帆俱颺北固始達江淮文武鱗集傾心慶際風雲而依日月軍官魚貫引領恩霑雨露而避雷霆總存七省之起存宇宙半遵約束分督兩河之通塞震區多藉隄防長江有巨艦卽安久歸鳴鳳六車非朽索可馭自愧吟蛙見阻植桑安望三年餘九年之畜政疎決水馬能二百如一百之登此皆不職之尤難冒不虞之譽况攢運賢勞于諸總而驗收專委于各廳浪靜風恬盡是神功呵護星飛電掃

莫非衆信感通濟時之績在人療官之愆由已如瀝
惡之弊既革已竭脂膏而潮潤之額盡存是何法紀
心曷嘗偏重百姓跡疑于薄視三軍止因交兌不厭
貪饕致使臨倉未免鼓噪不善調停之罪百口難辯
亟加擯斥之誅三尺可畏詎意春風蕩蕩融和且拂
粉榆化雨霏霏沾濡不遺葑菲才慙八斗掄揚煥星
斗之輝守慕一泓褒獎奪瓊瑤之燦榮分華袞戴切
明珠極知使過之方盡寓紀功之牘第汶泗罕聞英
俊前輩或有名流金蕉迭見循良後進敢塵芳躅欲
圖砥礪以効涓埃惟莊誦明言奸弊更慙倦于禁令
啓雋類函卷五十七 十四

台慈俯鑒愚悃

謝總河李公啓

薦舉

明禱用章

上相弘汲引之公分光東壁微臣沐知遇之寵增價
南金鶚薦褒嘉知葑菲兼收下體鴻恩鄭重感滄海
不擇細流恭惟某官河嶽奇姿鳳麟異彩託祥蒲邑
夙聞東魯休風接壤漆園兼採南華麗藻衡文兩省
喜英雄盡入彀中仗鉞三邊快醜虜畢驅徼外頃因

河伯之橫流特進司空而治水疏濬導窾轉盼而平
成底績荒度惟勤逾時而清晏興歌玄圭煥美禹書
白馬羞稱漢代功懸日月九重錫帶礪之盟位晉台
衡奕世紀旂常之列某散樗陋質被線微能司理廣
陵媿廉平之無實睹功河洛慙菴楫之未勤方虞桂
讓彈文豈冀誤收薦牘參今滿篋奚虧淒泐之材桃
李成林猶採枯凋之蔓戴天履地微誠願効于涓埃
修職抱功綿力誓捐乎大馬恭裁短楮敬布謝私

啓雋類函卷五十七

謝陸官

謝前總制啓

陸東

明萬世德

蟠木根柢非先容不達至尊燕石懷藏惟巨識亦疑
大寶不意守藩下吏驟超秉鉞重臣未報陶甄先申
竿牘竊念其離奇無用骭髀難諧本介胃以起詩書
附縉紳而從戎馬自虜逆虜順之勢異致主欵主逐
之路岐低昂忼慨閑談祇緣憂國左右陰陽未議盡
是忤人方開罪于雪嶺黃河復奏功于天山青海機
宜任我自申自縮人才聽其乍佞乍賢鳩上六年籠
中十拔遂使請纆之士頓承制閫之官飛烽火以達
啓雋類函卷五十七

謝前總制臺啓

陸東

明萬世德

其抱弊迂儒等筭小器幾年奔走戎馬半生局促駭
駒齏爾島夷搖我海國天子付河隄于閩外元臣重

鈞陳于軍中急士憐才式長國家之務省衷揣分何
裨帷幕之司當四夷來主值一隅啓蒙憤懣遣將我
爲見鬼顧犬之謀倏忽臨戎彼等封豕長蛇之毒非
仗廟謨獨算安得絕徼全籌文緯于東帝變雲霄
之色舳艫萬里陽侯效風雨之靈仰承推轂大恩豈
惜抗旌餘力務安與國期篤比隣時聽壯猷日宣雄
畧每懷耿耿徒切惓惓

謝孫掌院啓

陸東

明錢士完

竊以今之中丞古稱亞相總三臺之糾察威望獨隆
領四方之副封彌綸益密倘乏正繩之譽何堪弄印
啓雋類函卷五十七

之榮恭惟某官受天鉅材爲國元老用經術而節更
治本自關西絲直道而進危言彈從柱後宸廷資其
補袞揆路藉以持衡凡夫刀筆冗瑣之流悉在簪橐
甄收之數若喬嶽之蓄雲泄霧入蒙潤而莫知類滄
海之包乾枯坤物何歸而不得顧其兩髦頓雪百念
俱水分東壁之末光恍驚昨夢尋南淞之舊跡漂嫺
重來豈誠無羽翼以能飛當必借齒牙而爲助故茲
遷轉良已倖逾雖秦庚久役於老聃然毛遂孰通于
趙勝功名直身外之餘事未足蒙知節誼乃天下之
大閑持此圖報

謝許副院啓

陸巡撫

明錢士完

竊聞貢禹之封章累萬言輸忠固無別指吉甫之薦士數十輩流澤乃在異時顧慚跡迹之蹤亦綴收羅之數敢忘歸德竟闕修辭恭惟門下養威而材周器閱而識遠英英風采冠赤墀供奉之班凜凜霜威領白筆杆彈之責假願蹈忠邪之靡辨將堯舜聰明其奈何矧今國是之淆未見臺綱之肅若浮議則鼠牙而莫能詰若蔽政則蝟毛而不可爲欲共濟於艱難端有資於弼亮此九重所以虛佇四海所以具瞻秉軸持衡匪朝伊夕念某詩書門戶止求無忝於先人啓雋類函卷五十七 十八

塵土軒裳猶復徘徊於末路漫焉未能信之仕無之不足畏之年即茲典客之銜已多超躡驟拜奉車之命孰借吹噓直以故入憐附驥之私遂使拙宦被遷薦之寵敢不力鞭其後圖稱所蒙豈謂無言自外公門之桃李縱令不採何傷幽谷之芝蘭永以操修是爲報塞

謝孫藍石撫院啓

陸利部

明馬朴

八座擁霜臺天遠蓬萊之路三刀移雲署春生桃李之門謝固無私感其何已竊惟乾坤之德緣覆載以無垠父母爲恩繇生成而罔極故施雖泯於不報而

情實切於有知至弱植孤根易爲摧折而庶生孽子獨處憂危賴亭毒以郵殷實保全而更甚使不傾覆俾得立成則暄陽膏雨之形應殊群卉而愛日瞻雲之悃必異同生斯人情物理之自然亦遠取近辟之通論伏念某資才既拙學術又迂適當採權之橫行更值雨暘之不若民若可畏宜海壖驚浪以么磨當威世重制科之日濫叨衝劇於近畿多循吏之時在再六年拮据兩地僕僕徒窮鼠技兢兢只懼鵲梁疑且爲慈父不肖之人恐未免大造所棄之物幸逃瘴曠敢冀微庸茲蓋伏遇某官道叶非熊品凌落鴈君啓雋類函卷五十七 十九

陳孝友之德兼備中和吉甫文武之才獨優經濟家學紹青箱之業科名傳丹陛之臚推轂宸廷暫借龍圖而開府運籌帷幄旋收駿烈于升階屈群策以壯猷內安外攘持一綱而肅憲大法小廉非公曷鑽鎗乎三關惟帝倚金湯于萬里旣進詔功之祿載加命德之章三錫承夫榮陟貳樞之峻秩重華協帝懋庸延世之殊恩功滿旂常望宗台鼎然猶瑩精于察吏而每加意于表賢何物庸愚過微靈寵賢書推薦一褒之字爲榮最贖嗟揚兩喜之詞多溢如朗識雄才之品清操妙技之評擬惠政威嚴若膏雨之沾而秋

霜之肅謂循聲德澤較荆山爲峻而易水爲深休休
好出於口心種種因成夫外翼遂使斗州之末屬得
叨憲部之清班且授榮以榮其行仍資金而資所往
何怙何恃始終總屬于鞠生莫厚莫高踟躕奚酬于
俯仰惟有益加砥礪庶爲上副甄鑒翹望龍門舊德
難忘于顧紐依廻燕厦新恩尚冀夫捲簾推謝靡宣
感銘肩旣

啓雋類函

卷五十七

二十

謝保全

謝撫院啓保全

明李國祥

伏念鱣鯢微質駘駘棄材始濫魚丘深荷重垂覆露
嗣轉瀆句益蒙廣庇庶雲極欣獲上有遭切愧守官
無狀任事有千金布居然不掛乎彈章入計無望瓦
全猶爾幸逃于黜典遡源得飲非萬厦而何以託安
圖報稱施實二天而徒知罔極例嚴越境情篤停雲
姑肅片函特馳一騎報奉違之多日陳感結之微忱
翹企云殷瞻依孔適罄提撕而申約束誠懇望於存
慈酬眷遇而孤題評恐其同乎棄物

啓雋類函

卷五十七

謝劉制臺啓保全

明

某樗櫟散才濫充器使駘駘末品思效鞭驅愧乏裕
民固圉之能辱攝邑篆海防之寄方虞國憲遽擢官
寮雖曰閑曹已爲過望自分溝中斷木永棄明時豈
知爨下焦株更逢春育恭惟某官斗山震宇柱石天
朝文武名臣展韜鈴于閩外詩書元帥介旗幟于軍
中揮毫關百辟榮枯奏牘係千官予奪仰承崇炤俯
錄微材仍俾題輿重膺柱笏殊恩於再造破常調
於凡流遇重力輕感深報淺奉鈞樞之命恪守職司
仰台斗之光莫酬覆照

謝南贛軍門啓

明李鼎代

某海微凡流江邦下吏一籌莫展續鳬脰以自悲六載備員棄雞肋而猶惜自甘瓠落深愧花封所幸三路福星光垂重責之北二天湛露大沛嶺嶠之南驅駑馬于周行起鸞鳩于控地夙蒙推轂今側公車一顧價增貽足頓踰于仙鹿片言鼎重魚目竟軼于靈蛇睠茲覆露之慈慚莫酬其已往自惟銜結之報期勉效于方來昔虞翊知已感恩一人且足暨李翱士遇作賦萬死可輕雖高厚有意于示仁顧頂踵惟知夫載德層臺起于累土敢負特知浮圖成自合災冀啓雋類函卷五十七

廿二

終明惠屬當比去情切南依世路多岐未卜執鞭之私衷不昧彌深銘刻之懷

謝賜書禮

謝總河陳中丞啓

賜書

明錢士完

干城帝之心腹眷注為深饒道國之咽喉經營尤急况當河防屢失之後重以度支告匱之餘設非崇伯滌源詎底平成之績必若蕭侯轉運方紆宵旰之憂所貴文武之兼資來副兵民之屬望恭惟某官粹然楚國蔚矣周楨提三尺以聽祥刑式聞空圖備九邊而引漕粟復借登壇雖草木盡識其威名將山川頓增于氣色叱咤則千屯雷動指揮則萬楫風生雕戈淑旂益壯金隄之勢玄冕赤舄佇還玉鉉之司其百拙無堪一忍自信匪直青雲顯要未嘗敢輕易以求通即如平日舊遊亦每坐澗疏而獲罪豈期弘貸猥辱隆施殆于造我如天不知報公何地顧漕政之與馬政事有相關而淮陽之去滁陽地非為遠更冀始終覆護左右提撕庶使收名定價于大君子之前可免商功計利于賤丈夫之隴

啓雋類函卷五十七

廿三

謝兩廣陳中丞啓

送禮

明焦竑

帝用中朝之舊人思南紀之安榮戰一臨邛遐胥慶恭惟某官風猷膚碩氣韻沈雄校以機微燭照數計而龜十富之問學日光玉潔而蛟翔一方久藉其拊

循兩粵悉歸於節制他人所冀惟政平訟理以安民
宿望臨之必武緯文經而為憲馬人龍戶咸聽令于
和門豹尾雞翹即歸班于法從其嚮風有日修問無
階觀前後之奉主恩知縣特簡方東西之瞻使節忽
墜華殿荷謙施之相先激感悰而無已

謝王總制啓

賜禮

明唐文燦代

恭惟制閭折衝謨畧日宣于巨鎮開關納欵恩威風
動乎遐邇遂令異類之首頓屬同文之治和戎如魏
絳在今已不足稱卻夏若韓公視此亦難無愧來王
之殊勲既奏入相之偉望尤騰方虎寧久留于周疆
啓雋類函卷五十七

廿四

夔龍卽歸佐夫虞室某粗知點畫輒携書劍以從軍
偶見甄收獲綰表章而試吏顧事未通曉非運籌料
敵之資况時靡有爭豈投筆封侯之會姑弄毛錐于
麾下每陪韞酪于帳中對吏緝繙文正得幾字因人
成國典贊無一詞安足擬驅馳之勞祗當其羈寓之
苦乃蒙過寵特假虛褒薦牘標揚濫及駕駘之列加
銜擢拔叨聯振鷺之班錫命固承乎天施品題實藉
夫雲庇優游金闕忍忘造就之恩隔越玉門思致起
居之禮甫茲履任方爾修緘忽台翰之先頒申鈞言
以終教服膺勵志鏤腑激衷完丈夫之名雖不必追

蹤于馬革副主人之舉似未宜讓步于鳶肩謝悃孔
殷吐懷奚隱惟願領銓曹而率群屬載揚蓮幕之清
芬更祈登政府而晉孤卿幸漳槐堂之茂蔭

謝楊晴川總督啓

賜書

明唐文燦

恭惟上日載臨曝背方依夫煥暖下風爰處開襟佇
受乎微和忽承行奉之傳猥答獻芹之舉美分臘肉
空庖喜得肥豚芳播春醪破甕驚添新蟻匪直榮沾
於匹士且因飮及於群工殊惠出鈞臺豈比尋常問
餽薄寒銷冶谷真如咫尺薰陶謹托歸倅聊通謝狀
醉心莫報願移栢酒以近傍御筵引領奚勝祈揭桃
啓雋類函卷五十七

廿五

符而高懸省闈

謝軍門啓

贈道并
護出疆

明唐文燦

仰惟我翁初展采于皇華早擅超群之斗望繼揚芬
于貞栢彌彰節紀之風聲遂膺刑政而歷總司俄擁
節麾以登制鎮既久離散局厚情猶瞻新寮維煩易
名區慈念亦留舊部因令未品獲被殊恩不惟奉使
之時見存敝里且此貶官之頃加恤窮途紆駕特臨
代儀兼旣張筵而惇素講直躋下位於上賓促席以
罄玄談將導俗流于仙侶重結羅纒之蔓頓開茅塞
之胸迨發前郵仍蒙餘庇濟艱贍乏鮮薦禁而無嫌

宣滯通遐踰恒規而不靳護後借名于武弁相引出
疆昇夫聽命於信符迭供乘傳寓寒邱則空囊之旅
居然暖甚贈綈還故鄉則褫服之人忽爾榮同衣錦
其為利賴何可勝言馳謝聊附平捷蹄佇瞻更申夫
深臆惟願和門弘闢納南薰以布四境之和尚祈憲
府峻遷扶北極而垂萬邦之憲

謝郭中丞青螺老師啓

賜書

明

恭惟師臺斗極儲精神維握矩觀疏域外指撫而川
岳效靈妙應環中談咲則鯨鯢授首昔值鬼方之猖
獗正當民力之凋疲後先犄角則呼吸之勢難通直
啓雋類函卷五十七

廿六

構長驅則駭突之虞可慮或謂妖星未滅或稱公案
難完所仗師臺武緯文經風馳電掣鉤巨鼉于滄海
無煩會稽之躡倚長劍于崆峒旋效扶桑之桂挈黔
蜀生靈于衽席收西南夷境于版圖竹帛旂常快觀
膚公之奏河山帶礪行看異命之申某猥以孱軀久
耽藥裹遙聞露布覺籌結之頓消凝睇魁杓即夢魂
而常戀幸游燕市獲御次公備承骨肉之雅情載訊
興居之多祉未附錦鱗之便忽驚銀鹿之來煥奎壁
于衡茅飛煙雲于楮墨注存不遺纖悉接引下逮葑
菲昔蒙再世再造之恩難忘頂踵即竭一步一趨之

力敢望奔塵伏願位晉上台道隆三壽紹美韋平之
業捷書早報乎泥金壯猷方召之勳輿運永同乎磐
石

謝王鳳山中丞啓

賜書

明林世吉

碧海鱗稀久稽裁候丹霄鴈下友辱記存荷寵錫以
何堪頌德私而增感恭惟某官學蔚儒宗才優王佐
渾金璞玉聲望夙重于兩朝烈日秋霜風采具瞻于
獨座說禮樂敦詩書匪特九重徼福和鹽梅作舟楫
佇看三省同芳某誼忝通家材如蟠木竟驚鸞而莫
遂徒鷗適以增慚綠水芙蓉堪笑婆娑于幕府青春
啓雋類函卷五十七

廿七

桃李更資培植于巖廊茲因使者之告旋敬勒蕪詞
而奏謝雀之環蛇之珠捫心難報馬之韁犬之草刻
骨難忘遙瀆霜威俯祈電照

謝撫院郭公啓

賜書幣

明瞿九思

伏念某已斷零魂既凋利息死灰何異即少燃人必
溺之枯骨其同况久白難為肉也方車敗前追之不
及豈舌存再說之能為病疚誠多已殘喘久捐于世
外詩書敢問恐虛名誤起于田間或由茲招滿盛之
愆且自此啓傾譏之路不意浪騰浮譽因而廣發群
褒自頃來尊信之彌多較前日憂危之更甚所以編

韋塞實寄本姓千農曹庶幾假息偷齡附修緣千業
網詎謂姬公臨照肯光垂格外之恩寧知召伯悲憐
輒惠彈例餘之賜追思曩歲褒表下男本未嘗與閔
損同科乃令其共緹紫比孝獻餘俎豆既令得傍馨
香敗後檐楹又許加旌門隙某當欲裹糧五日拜台
衡於斗外之墟卽謀織屨一雙禮丞弼于奎躔之次
尋名揣分積月經年出戶復還足踟躕而靡定登途
載止心搖拽以難安枕席驅馳江河寤寐未經討罪
復猥蒙檄草之頒不忍加誅反誤辱檄書之賜錫之
以兼金綺幣駭起人群加之以殊獎崇褒驚搖世俗
啓雋類函卷五十七

直欲使珞珞而高齊玉價不容使魚目而下減珠光
檢壞闕之頽形欲納之藥籠之內取殘傷之敗物將
置之爐冶之間鼓鑄恩神栽培德大即不爲千秋之
嘆詫寧不爲一世之傳疑騎賜入山局五老隔江峰
動郵籤傳水迤千村引路枝低忽聽旋驚旣駭轉畏
以紫微之上相位黃閣之元卿凡到心必丹砂玉札
之材每發口豈馬淳牛溲之物寧有草茅下隸得冒
蒙八座之恩私豈宜糞土餘民敢膏沐三合之寵澤
莫知仰喙何識搖腮譬之如皎日揭雲霄居高秉照
比之若陽風鑄草木宰大行公本不宜于骨外加刊

復何敢于夢前志感朝谷暮度口誦心惟願與威令
見之者魂忡且恩重令承之者色怖驩呼灑淚感激
攻心頃明公已袞繡還朝而賤子且雲泥隔路顧瞻
周道想像封人如必欲裹足杜門恐遲暮場苗之繁
是用敢頂盤加劍敬候伺湯濩之誅戰懼勝而造語
難工冀寬原于衛尉慚負深而修辭不備幸準納于
閣人

謝王中丞惠酒米啓

明王家屏

頃承腴貺拜賜方新再辱珍貽損惠彌渥與之更與
之釜視五秉以有加酌彼魯酌彼觥傾百壺其未已
啓雋類函卷五十七

舉匏相屬欲賡旣醉之詩數米而炊敢廢先嘗之禮
第飲河有慚于量狹乃食粟資貴于軀長傳體交修
總賴折衝于樽俎稷饑未釋尚期藏富于閭閻肅附
謝忱莫抒報臆

謝胡督府啓

明徐渭

某失歡幃幙動逾十年俯托絲蘿歷辭三姓過持已
見遂駭衆聞試之者謂矯激而近名高之者疑隱忍
以有待明公寵以書記念及室家爲之遺幣而通媒
遂使得婦而養母然某于始議之日曾陳再讓之辭
家召中軍託以斯事久而不報付之無緣豈知白璧

之雙遺竟踐黃金之一諾傳聞始覺坐享其成昔孫
明復號稱大儒以相國爲之媒而後娶杜祁公薦於
高第乃孫令堅其議而始婚若其則實非其人偶遭
其遇夙蒙國士之待既思何以酬恩今受王孫之憐
益愧不能自食徒知母在而喜顧然捧檄之情豫擬
身教所先遵以齊眉之敬豈敢言兄弟家邦之儀法
庶以答父母國人之盛心

啓雋類函

卷五十七

三十終

啓雋近體卷五十八

類函七十

東吳俞安期羨長彙編

上饒王嗣經曰常同輯

建武鄧漢遠遊訂定

內臺部十一

謝祀鄉賢

謝劉中丞啓祀先
宮諭

明張汝霖

風霜令肅行行宣按部之威遵豆司存秩秩首隆賢
之典儀有加於特舉禮倍襲於恒情將命驚車珥誠
鳧藻恭惟某官智周經緯道接聖賢進思盡忠告嘉
謀嘉猷于爾后達則兼善使是君是民爲唐虞立朝

啓雋類函

卷五十八

高寒謬之風執法揚剛方之烈顧惟於越屬在綱維
漂漂百城仰松柏獨挺之操兢兢三尺著藜藿不采
之功爰命祝宗有事耆舊謂隋會九原可作彼徐孺
南州之高尚存登臺而思宜有下車之祝第揆先正
大遜前聞輔諭東宮雖匪厥躬於善護歸休南畝未
殫所報之朴忠恬淡自安冲夷飾拙膠庠側位徃徼
世享之榮牲帛備修過辱明聲之祭寵加異數誼屬
踰涯方愚兄弟跡繫於匏瓜而諸子姓學昧夫綿絕
百拜而受思登昨以承休七世以來藉明恩而觀德
感深鏤骨詞淺宣心以敬及親謝豈同于投致不
亦世報寧讓于衡環

謝建坊

謝東阜巡撫樹坊啓

建坊

明趙貞吉

往者過邀寵靈檄樹表以侈家嚴兼風下邑今始
春鳩工涉夏畢役委巷生色卑門耀榮當藉手悅親
之晨仰惟心錫類之愛寧顧雲泥之迹輒修竿牘之
忱恭惟門下東輝壘碩前輩風流洛中名士之才河
上丈人之道分崇陰之暇豫翦椿樹之離披敢云義
方實出望外名言莫罄感戴殊深某懷忠孝未盡之
心荷尊賢知己之重谷中採旨期以禦冬膝下承甘
惟思愛日倘除茂陵之病再燃東觀之藜當握蘭記
啓雋類函卷五十八

累石之勲受簡續乞米之傳請益乃切瞻依不忘

謝撫臺趙公啓

建坊

明于慎行

某也山澤臞姿榆枋末品叨塵甲第名甚愧于賢科
濫列詞林學罔裨于聖世乃蒙臺下激揚士類弘獎
人流爰于行部之初特舉建坊之典表厥宅里慚無
善以樹風聲大其門閭念何德以勤父老雕甍画棟
藉台翰以流輝金榜璇題闡微名於不朽此惟鴻才
駿望方克堪承夫豈末學微銜所能叨冒寵驚駘於
一顧聲價頓增享敝帚以千金光榮曷既感藏高誼
激切微衷聊修一介之函用代雙南之報

謝送扇

謝四川曾巡撫啓

送扇

明趙貞吉

車攻吉日初聞六月之師露布凱歌已報九絲之克
蓋勢恒變於物極而運常勝於道隆天時人事相因
君聖臣忠奏合言之不足詠嘆繼之恭惟某官北斗
以南一時之望名與衡廬秀出文同江漢瀾迴遡其
德宇蓋端良溫厚而有餘發之忠謨又侃直瑰奇而
絕擬帝思南劍之最重乃俾元戎而啓行豈獨坤維
井絡之民悉歸拊定將以龍戶馬人之衆一屬戡夷
頃爰新筆之上呈不斲餘波之旁及雪楮霜筠巧裁
啓雋類函卷五十八

蜀匠金泥銀鉸價倍齊統規寒淺之微踪借榮施而
生色况之便面直披千里以吹嗟願廣仁風盡掃一
方之炎暑其爲嚮徃未易揆裁

謝李中丞送扇啓

明王家屏

陽居大夏陶鎔萬象之爐風動南薰搖颺五明之筆
貢推蜀篚製掩齊統是充御府之珍豈比巾笥之玩
猥承寵賚謬逮故人卽得一而已多乃累百其未已
滌除煩暑清飈回四座之涼障絕炎埃遠蔭收九衢
之暘提携知分嗟拂懷情敬附謝言不勝感佩

謝徐中丞送扇啓

明王家屏

朱旂應候南薰。緬想於歌風彩筆陳儀。西土恪修其
貢職。從來巴蜀道更萬里之遙。獻于闕庭。製掩五明
之麗。是惟乘輿得用。夫豈臣下可將。門下永壺水鑑
之標。玉質金相之度。備四時之和氣。態絕炎涼。揚八
面之仁風。功參長養。頃循成憲。入輸天府之珍。逮念
故人分給。巾笥之玩。手擎知重。懷袖增光。當與松竹
論心。共期立朝而保歲寒之節。詎止蒲葵長價。但能
趨市而競日出之時。願垂蔭斯民。救暵無忘于去酷
提衡吾道。休陰尚念于扶陽。祈祝惟殷。感藏不盡。

謝四川開府送扇啓

明于慎行

啓雋類函卷五十八

四

九華煥采方聞。貢篚之陳。七寶開函。特枉時珍之貺。
涼生懷袖。濯錦水之回波。清拂炎蒸。想雪山之增重。
其質同秋。翼識陋夏。蠶雉尾身依正。對漢官之明月。
蠶叢天遠。忽披蜀道之仁風。敢附報函。聊陳謝悃。

謝徐華陽開府送扇啓

明于慎行

敬捧莊詞。欣傳彩筆。五明麗製。映三春雉尾之班。百
綺新裝。來萬里羊腸之道。幸卷舒于畏日。獲披拂於
仁風。惠出裁成。似握錦江之月。涼生懷袖。疑分玉井
之水。

謝四川撫臺送扇啓

明于慎行

惟茲寶篋。出自名區。濯從錦水之波。龍文渙采。獻入
椒風之殿。雉尾生涼。豈期貢篚之餘。獲荷圖書之賜。
動搖明月。宜分萬里之春。披拂仁風。欲領三巴之政。
愧瓊瑤之莫報。惟懷袖以中藏。

謝四川巡撫啓

送扇

明焦竑

閭制夙開。廣漢仰使星之重。郵書再至。條融分卿月
之輝。手握增榮。襲藏惟寶。恭惟其官。麾能制勝。動則
生風。精神之折遐衝。不愆于素謀。略之懽勅。敵克壯
其猷。故能傳檄而定。久驕之夷。不假折箠。而振方張
之業。三巴二水。久勒茂功。五明九華。頓來新貺。湘筠
破玉。得披掌上之清涼。蜀蘭飛霜。何憚人間之酷暑。
其爲感佩。未易揆裁。

啓雋類函卷五十八

五

謝四川巡撫啓

送扇

明焦竑

融精一播。莫辭炎熾。千鑪錘華。貺三施又布清涼于
掌。握銜私自遠翹。首爲勞恭。惟其官諤。諤士之楷模。
堂堂朝之柱石。一從開府。久蒞華陽。文翁興齊魯之
風。庶范詠袴襦之政。叱馭而忠臣著。選材而樂職揚。
蓋盡揜於前規。計即承乎新眷。乃若同心之什。襲奚
啻異代之九華。光分赤野之精色。映鬱金之瑩班。姬
儷之明月。王融以書飛雲。顧遙錫於三川。得奉揚於

千里蒲葵增價自慚安石之高標白羽揮軍尚憶孔明之遠畧其爲感頌未易揆裁

謝徐中丞惠扇啓

明田一僞

凜然大國之風助成九天閭闔穆如君子之德定知三伏有無獨握爲榮奉揚增愧恭惟門下嗟吸成寒暑闔闢象坤乾廣虞庭之薰絃遠來殿閣裁漢宮之純素普滌煩囂顧茲望喘之吳牛何堪影開之孔雀藏之篋笥永留明月之輝奉以周旋如見故人之面豈惟手林更覺魂搖

謝四川中丞惠扇啓

明馮琦

啓雋類函卷五十八

六

授鉞巴天公望方隆繡袞懸車楚甸帝心猶佇蒲輪乃厓瑤函寵頒珍筵輝如明月穆若清風濯錦江頭借光華於西蜀披香殿裏待揮拂於南薰惟此記存敢不登受用介趨風之使代忤就日之忱不竟敷宣仰希台炤

謝李霖寰中丞惠扇啓

明蔡復一

白羽一麾黃塵四靜出牧共武邁六月之徂征惟帝念功愜五明之求輔旣暢天威於炎伏爰修歲事於春陽睠彼百綺之珍來蠶叢而作貢訝茲九華之品被鳩署以均沾琴裏迎薰能參解慍樹下陰暘何必

什陰昔企葩名徒抱江湖之渴夢今分殊貺若奉綵戟之威儀遠陋純素之規頊增蒲葵之價雖南樓夜永聞展尚隔清芬然西山朝來往笏已生爽氣謹裁謝悃肅佈荒詞班姬之賦漢宮舊曾咏於明月袁宏之答謝傳或可揚夫仁風

啓雋類函卷五十八

七

回答

回趙制置啓 湖廣

宋劉克莊

西清寓職幸聯中禁之班南紀宣威密倚上游之重
昔嘗忝同寅之事契今共分一面之顧憂江漢相望
正如唇齒邊陲是急未布腹心辱貽翰之相先愧修
辭之不敏恭惟某官康時志大經世才周歷塊過都
掃清冀野之北離群絕類獨步衡湘以南自結九重
之知不階尺寸之援褰帷出使一道澄清緩帶臨邊
累年靖謐屬者虜來犯塞公不顧身陳宣王復古之
詩讀諸葛出師之表胡馬既退漢波隨清由渚宮而
啓雋類函 卷五十八

趨樊城已張先勢經磧而絕大漠行紀雋功其久
綴橐班冒當閫寄自抵司存之始即聞警報之來枝
梧至艱鏘漏方濶每念風寒之宜護詎容脉絡之不
通有來好音叶濟茲事瞻羊公于峴首阻趨鈴閣之
嚴依劉表於荊州竊有賓鄰之幸

回永興李待制啓

宋蔡肇

西鄙宿師視故都爲襟要中宸出命藉舊德以鎮臨
去湖山清絕之觀攬開輔浩穰之會師垣倚重麾幟
有光雖善奏之屢陳諒雅懷之難信聞齋舲之取道
屬驛騎之按邊但欣觀德之嘉已負修辭之晚敢圖

眷與先賜拊存維謙德之可以厚俗然等威之制
誠不遑安殘律疑寒脩途奄薄神明所貺福履宜臻
將邇趨承更加調護以體朝家之眷用慰邦人之思

回史督相啓

宋方岳

其本乏脩能誤膺重寄虜敢盜邊而凌中夏端繇護
塞之非人娶不卹緯而憂宗周竊憤西郊之多壘思
欲自拘於司敗孰云荐被於替書躋登麟趾之華愈
重孤冰之懼茲遇某官潤澤以霖雨之手包涵于雲
夢之胸以其介主入覲于王自任天下之重得諸傳
嚴爰立作相每嘆人材之難徵如腹背之毛亦玷齒
啓雋類函 卷五十八

牙之論某抗章之懇得請爲期人欲天必從之諒無
勤於再命波及君之餘也覲乃贊於一辭是謂玉成
敢忘環報

回吳制置啓 四川

宋李劉代

裁一箋而起敬未宣摧謝之思累尺幅以鳴謙仍拜
駢車之寵施輕報重虛往實來佩故舊之高情發衰
遲之深愧恭惟某官知推人傑學覺天民屹偉績於
控荆蒨奇勲於諭蜀凜然趙清獻之氣節行以張忠
定之規模撫五十四州之軍民瘡痍帖奉壯一百八
盤之門戶氣色晶明雪山之重既多沙堤之築非遠

某不敢視蔭復此綴班無以公歸或一見而後去豈
惟我賀亦衆目之具瞻

回京制帥賀交割啓

宋孫應時代

三邊重寄豈堪承乏之非才萬里過驅賴有告新之
善政問知封境拜受印童思稱上恩敢違前躅伏惟
某官胸襟度世指掌謀王以彌綸宇宙之才宜填拊
兵民之效盡洗岷峨悽愴之氣不驚江漢朝宗之波
樂職宣布之詩久熟諸生之誦出車勞還之雅式形
明主之思馳溫詔以如綸佇端歸之補袞中朝政地
方將繫天下之安危西土人情寧得計雪山之輕重
啓雋類函卷五十八

其無能爲役猥使代公適當見吏民之初何以慰父
老之望固知蔣公琰之於諸葛不及前人庶幾任中
正之繼垂崖慈尊成畫尚須一面庸寫寸心

回羅中丞啓

明吳國倫

三奉密劄仰見虛懷縞紵之誼彌敦堂廡之分盡畧
恩同加膝感切銘心廼下問屢勤似不知其愚昧而
末籌未效非敢負於高明緣司祝代庖恐離越樽之
誚而工師委斷猶虞傷手之艱况明公先機鏡覽遇
事刃迎諸夷盡在目中群策俱存肘後蓋大方之龍
燭而偏國之牛刀也某也欲輸獻納之忱知鮮謀謨
之助意者面陳可否庶幾言切事情雖附耳之意難
明而屬垣之嫌可杜故退而修職不敢有所恃而愛
勞進而受成不敢有所私而藏辨識誠迂矣分亦宜
啓雋類函卷五十八

然顧芻蕘之益甚微而吐握之求未已猥蒙峻責益
用屏營

復大同霍中丞啓

明

鎖鑰北門坐擁雲中牙纛馳驅東海遙瞻天上星辰
忽承筐之鼎來豈報璫之敢後榮增一盼感切五衷
恭惟某官敦書說禮弢鈴探虎豹之文央策運籌經
緯著麒麟之烈秉旬宣之十載勤式遏於三陲黃鉞
登壇壯七萃五屯之衛玉關賜履專五侯九伯之征
風猷遠播於塞垣恩信允孚于醜類蓋昔在外服嘗
未雨而徹桑土之防乃今留中丞遂先聲而落旂裘

之膽某欲報之德何以爲期惟折筆以答名王好歸
衮而相天子

答游中丞啓

明林 燦

緬惟敝省之亂累年言念斯人之禍無日幸遇我公
蠲其大德運此壯猷新統雄兵坐平積寇遂使長鯨
既翦海宇無虞巢燕盡歸室家胥慶數世之利豈徒
微福于維桑一匡之功永將流芳于汗竹爰際止戈
之會載弘更瑟之圖遠辱教言彌深喜并馳情萬里
想聞振凱之聲佩德百年敢忘安攘之賜

答顧總督啓

明于慎行

啓雋類函

卷五十八

主

自天子假刻日言歸上慚斧戾之知遠藉金蘭之庇
南陔在望喜紆愛日之懷北塞遙瞻彌切停雲之戀
辱煩介使寵賜多儀惠逾投桃賁諸行李念千里之
遠道悵若分襟指五月之嚴程預爲勸駕心乎愛矣
何以堪之第久客京華乍歸田里未敢遽決冥鴻之
計實欲稍偷澤雉之安後會何時前期難定惟大畧
彰施于塞外俾小儒偃息于林中近海鯨鯢氛侵永
銷于東顧依巢鳥鳥寵靈長借于南枝俯布私衷伏
惟台照

回四川開府賀生辰啓

明于慎行

廿載薄遊三時謁告支離病骨方資藥石之生躅躅
孤踪不記桑蓬之旦乃蒙某官厚意勤渠英文璀璨
箋函珠玉儼秋月之兩章貺備玄纁發青天之萬里
馳歷井捫參之騎問欽箕挹斗之辰祗荷眷存但深
銜戢觀我生而進退正當維谷之時錫爾壽而昌熾
曷副如岡之頌

答葉總督啓

明周光鎬

仰惟台臺鼇極高擎今古重濯征之例虎韜載戰中
外美絕景之猷三載勛勳振國家千百年之神運四
垂寧謐樹生靈億萬姓之宏庥敷既邁于無前賞遂
啓雋類函

卷五十八

主

復顧冲菴總督啓

明

恭惟明公應世貞儒壯猷元老柳堤棠蔭芳留海滋
之邦玉節金猊威靖雲中之塞比者王庭遠徙幕府
秋閒守勝而兀若干城已絕內窺之漸張軍而勢成
角犄行清西牧之塵固當摩崖石以書功觀繪圖而
識姓矣某辱在下風夙叨覆露看碑舊國羊叔之愛

尚新握管當年蘭子之名自附惟生也晚未遂瞻趨
為隸也新更稽問侯明公德威撫謙禮先逮賤念在
編氓之舊推其家世之餘門札貴焉瑤施渥若拜稽
受賜盥洗開函銘心之私匪口可既

復李制臺賀陞經署啓

明萬世德

特荷篚筐光被三韓草木遠遺鱗羽榮分七校儲蓄
方媿濫竽忽叨折簡恭惟某官權司幕府寵拜齋壇
丕開四履封疆益振三軍神氣使牧馬揚烽之地無
檄雞犬月之虞瞻彼碧幢從緩帶士民之後欣茲赤
舄特沾授醪將帥之先馳逐邊陲曾何裨于安攘維

啓雋類函卷五十八

五

藩海微毫未建乎保釐奉渙汗以征島夷抗旌旗而
典屬國路車乘馬徒張閫外聲名東帛函鱗重魏師
中寵錫敢申蕪札用報璫校聊效請纓謾當秉鉞斬
名王而纍鼓弗克清東海之波復侯甸以班師但欲
赴北山之隴

回邢制臺賀平倭加恩啓

明萬世德

效馳驅之役曾無橫草之勞奉指顧之籌謬與出綸
之寵方兢兢而循省乃種種以加遺光重价藩愧深
衷惴竊以夷狄猾夏何代無之元老專征於今為烈
義重於越國以蕩寇事難於遺衆以獨謀不論勝敗

乃兵家之常但執機宜於誤國之續已信主和之兩
字寧知疆場之虞總有憂獻之數公難挽機鋒之露
幸廟謨堅定於必戰而我公忼慨以從戎誓旅齋壇
敢以賊遺君父陳師殘壘期銷寇於藩籬七年誰折
其憑陵八道奄歸於恢復周條侯於太尉而專閫遂
平七國於三十六軍霍嫖姚以司馬而臨邊竟克匈
奴之四十萬騎邈焉漢制於赫聖朝爰發文武以憲
邦壯干城于貔虎允足精神之禱敵泣幽壑之蛟螭
恭惟某官忠實日月氣奮雲雷元戎閫外之威儀光
動三韓草木上相師中之節制塵清六海波濤哀鴻

啓雋類函卷五十八

五

鴈之勞還快鯨鯢之迅戚江山如舊已撐東垂半壁
之天風景不殊益扶北極重輪之日某一從異城切
附同舟隨虎旅以蕩窮敵總歸指顧執馬筆而馳遠
道孰與提携一人眷倚其策勲七校共優於蒙寵復
叨異數每恐來非分之災渥荷崇褒乃曲誤無功之
倖箋函有爛筐篚交馳礪山帶河公執其功永奠黃
圖於屬國磨崖標柱余敢為頌常留青史於寰區感
激心長敷宣喙短

回遼左賀平倭啓

明萬世德

制勝罔功亦叨渙命承恩非據特賜豐儀忽來六轡

之如濡益愧百朋之鄭重分涯逾迥報受交難恭惟
某官忠勤體國慷慨經時能飽於樵蘇愈曰請
關東之命犬豕頓移千藩翰隱然壯遠左之威矧當
微外之猶防全賴食前之預畫關中之留蕭相無慮
東征渭上之任武侯何虞北伐伏念某泥塗可棄
辭難偕既非戎馬臣謬與折衝之寄豈是詩書帥幸
成橫草之功七年誰折其鋒芒八道裔歸于恢復因
人成事自方愧奔走之何勞整旅專征帝已念馳驅
之有補重驚綸寵選拜緘題循墻而叩九重敢托
謙以自好實篚而來三叩

啓雋類函卷五十八

七

顏謝焉控欵行人之問霍去病空憐絕幕之勲師中
之倚裴耀卿大省轉漕之費以斯稱致曷勝編刊

復蹇制臺賀平倭啓

明萬世德

制勝罔功濫叨渙命承恩非分殊荷貴儀忽來六轡
之榮益愧百朋之錫恭惟某官忠心許國大力匡時
能罷孰飽於樵蘇愈請關東之命犬豕頓移于藩翰
允張遼左之威矧當聚米圖形全仗借籌運畧竊念
其泥塗賤品骯髒殘魂非戎馬重臣謬與折衝之寄
豈詩書元帥幸成橫草之功下思奔走徒勞上念馳
驅小補頓驚綸寵旋拜緘題循墻而叩九關敢托

謙鈞譽實篚而來三錫益慚重異楊褒受矣覩顏謝
焉控欵行人問霍去病空憐絕漠之勲軍中倚裴耀
卿大省轉漕之費

復蹇制臺賀平倭功賞啓

明萬世德

篇章標贈榮溢褒篚疊陳珍逾瓊報讀再三而
驚目顧兼兩以厚顏竊念某累置簪鈐才慙經畫島
奴匪茹聞帥再更敢謂我賢竟承人乏七年擢屢屬
國僅僅一絲萬里馳驅維藩管管百計賊伏憑陵之
罰我昭全勝之威自揣豎儒何堪用武追隨帷幄坐
觀京觀之成眺望山川行見邊氛之息極賞是懼顯

啓雋類函卷五十八

七

賀猷加琳瑯金桂文章出自著作神仙之手錦綺朱
提映艷頒來經綸宗匠之林豈直鄙薄逾涯抑亦要
荒罕遺摩肩接踵欣咲語以來觀戴白垂黃逃空虛
而出聽侈然盛事曠矣奇逢恭惟某官太華三峯海
陽九派赤烏几几結鐵網以收鳳麟紫幕桓桓執牙
旗而招罷虎辱承推轂妄意着鞭何期鞠旅獻俘遂
附策勲飲至九重綸綍已慚非分加遺十襲芳華特
枉過情施與誼難還贊禮規多儀拜遽使以魂搖身
隨孤影望芝眉而神王氣壯三韓聊械異域之箋敬
勒同車之謝薄言食芑敢陳魚麗之涓涖用歌永繁

恭奉龍光於咫尺

答涂總督問候啓

明董應舉

欽馳芳問積有歲年介紹末由願言徒切忽承翰教
申昇寵儀三陌拜嘉五內銘德恭惟某官以文武兼
資之材當國家鎖鑰之任輕裘緩帶談笑而靖龍沙
深計遠謀從容以防馬市昔欵封之未就衆疑難以
相持彼此交猜安危在忽迨玉節臨而輪盟恐後遂
虜婚合而卧甲無譁坐貽數載之安得修九邊之備
非深籌廟勝動悉邊情預操算于婦姑子母之間先
制謀於利害大小之外安能一旦成功如斯之速乎
啓雋類函卷五十八

太

王命三錫正惟其時我武載揚行俟他日其雖文弱
竊想下風非有所附不成報章

答薛青雷中丞啓

論虜

明蔡復一

嚴鑰宜固於北門靈鈇遂臨於上谷盡護貔貅之壘
一變鵬鷁之旗身作長城日畿之肩背益厚威行絕
幕雪帳之心膽俱寒某曾因革隰之馳驅稍詢青酋
之部落種同谷蠡然祠獵不會於龍庭市廛金繒迺
驕啼頻聞於鹿塞孤鎮則卒伍不戰兼困役疲邇時
而軍常乏需深虞餉竭我有未能絕欵之勢乘暇當
轉弱以爲強虜有不忍吐賞之情得機庶可居靜而

制動太白八月昔虛詠胡之無人猛獸訖茲今果恃
山之不採留侯坐籌帷幄神授兵符管平行視屯田
馳上方畧三軍挾纊養紀消之鬪鷄九姓拜鞍馴梁
鸞之秦虎蓋借欵以修戰之事蓄艾勿後於徹桑而
作戰以制欵之權破柱奚驚於失七是行有真頗牧
矣中國豈憂匈奴共縮斗辟之造陽深陋漢策憲文
武之吉甫欲誦周詩何期華光忽加疵賤惟拭觀於
凱爵猶勉續夫鐃歌

答黃鍾梅中丞啓

中丞將考
滿請告

明蔡復一

恭惟某官吞雲夢八九於胸中制河山十二於掌上
啓雋類函卷五十八

尤

陽開陰闔嚙喻化爲霜霖武緯文經威名摩夫日月
出民於礦稅之後病方起而藥以神丹逢時有旱荒
之仍歲難謀而身爲元氣十連舉職九載奏功賜履
歷年之多表齊風於負海頒麻指日而近看周袞之
歸朝因報最而避榮公雖堅請書陟明之上考帝有
深知當時艱兼之恩重豈可使泉山盛事惟傳疏
傳之高而東國保釐弗竟畢公之業哉某結縈仰岱
沾潤流河上援者小儒之嫌并自疏於先達下交者
大臣之節乃不倦於洪施祝以棟隆傲爲粉寵共遲
韓公樞府之入敢賦吉甫烝民之章

答董撫臺啓

明蔡復一

其器無逾人才不逮事誤蒙台臺殊賸賜之顏色假以羽毛即此越次之移深費曲成之造每念俸居糧道周大參後而無端播糠實抱盧前之愧倘微幸無罪新任多歷年月以後淹償今驟方免疚心况復以外藩爲念耶天下有人負官無官負人其從來遲速無歎汲黯之薪以後榮枯不問詹尹之卜恒業難盡素食易慙回首荆澧之山川彌念曠療之日月實根衷腑匪飾貌言惟是湖北事局多艱而上台福曜將遠若離鞭策寧免顛隤中夜以思起坐而歎既銜知啓雋類函卷五十八

答撫臺謝賀壽啓

明萬象春

縻臬司而逢嶽誕莫能追幽俗之獻羔附藩宋以致野詞僅足擬太卿之放鶴忽承敷貢特示撫謙福壽不居惟塵丹心于向日劬勞有感更懷白髮于瞻雲傳數語而寓孝忠謹當傳之無敢得一書而荷情欸何止藏以爲榮

代答顧中丞啓

侯問

明馬朴

玉帳宏開獨座繫三秦之重琅函遙貺四銓驚十部之賢屢燕鳳歡屋烏新寵雖乏七襄之報難誼五內之藏恭惟某官紫電標奇白虹挺秀毫端禮樂飛雋譽於鵬鵬腹內甲兵負壯猷於彪虎勩高方岳位晉中丞地控全秦經緯運而憲昭文武天擎半壁安稷神而威振華夷軫民瘼極力調停貂璫玉衡之度察吏治瑩精振刷魍魎呈金甌之形若君陳保釐東郊更多導窾即召伯拊循南國猶遜折衝崇節鉞之勛佇拜黼辰之召某慚非藻鏡濫廁銓衡日注福啓雋類函卷五十八

答石介峯中丞啓

明查允元

班崇烏府具瞻專席之尊地重金陵特倚建牙之寄光生維梓慶溢垂紳恭惟某官兩朝舊德奕葉名家節槩嶙峋獨鍾華于海嶠才猷卓犖早振彩于天墀瑣闥彰骨鯁之聲畿甸懋保釐之績惟望隆于朝著遂簡在乎帝心頃從京兆之班游陟中丞之座播霜威于南國樹風裁于西臺繡斧高懸凜百僚而振肅

樓船遠下廓萬里以澄清佇看槐棘以延登實爲粉
榆而增重其學慚窺豹跡忝登龍金節南移方愧寸
忱莫展錦牋北貺反蒙厚念記存茲因青鳥之告旋
敬托絲毫而上謝

答撫臺賀壽啓

明徐兆魁

時逢孤矢徒慚歲月之增寵過瓊瑤誤屏斗山之重
榮加望外感切由中茲蓋伏遇某官品高金玉識貫
天人繡斧登壇威鎮三千禹服朱麾秉節望重百二
秦關累踐清階光臨閩壤鯢鯢遠遁四郊烽火絕聞
氛祲全消八郡江山生色皆至仁之惠皞皞無垠覩
啓雋類函卷五十八

三

太平之風熙熙有象顧不佞其偶逢初度遠荷台慈
自惟荒樸庸株幸有逃于尋斧敢竊金莖垂露倘有
托于干霄譽實過情既踰華袞之贈儀且及物驚看
遽使之臨盥手開緘恍如面對汗顏拜貺祇有心銘
凡此有生之年皆爲圖報之日謝忱曷既肅啓具陳
答劉凝齋都府啓

明唐文燦

燕邸龍門暫挹清光於候謁閩邦烏府常懸鄙悃於
瞻依忽蒙尊念之遠存先賜德音以旁及初逢驛使
旣得劉公一紙之書繼訊鄉人復聞都臺萬里之畫
榮生手口喜動鬚眉霜氣肅炎天遙想威靈之徧播

風聲清漲海豫占氛祲之全銷緣順翼而致回箋馳
神轉切俟捷蹄而敷露布引領方勤願節軍旅之勞
俯垂士民之庇

答楊總督啓

送騰

明唐文燦

竊惟棲散局而復瞻依既慶蒙恩之無量轉微銜而
成迹阻猶欣贐惠之有加茲發長途暫趨大府特設
綺羅之席以永今夕今朝重分金帛之資聿充于囊
于橐離懷藉愜行色增輝茲客舟雖日向南征乃卿
座尚時懸北望目極薊山之歷歷恍若參前心隨潞
水之悠悠渺難侍側姑托歸鴻以申謝少停飛鷁而
啓雋類函卷五十八

三

勒緘圖報奚由惟願早登三事敷施未竟更祈遙奠
四方

答王鳳山中丞啓

明林世吉

繡斧霜飛方仰玄孤重鎮錦箋雲爛忽驚青鳥遙傳
冰鳥愛以何堪感鴻私而罔極恭惟某宮社稷精忠
山川間氣才兼文武華夷仰呈瑞之鳳麟會際明良
上下投交歡之魚水爲九重之眷倚繁百辟之具瞻
補袞楓宸五線有裨于黼黻建牙柏府六韜益茂于
經綸矢淨龍沙頻報捷書九陞圖形麟閣行看駿業
千秋翩翩聖世文龍炳炳熙朝威鳳某閩海豎儒性

同鳩拙薊門孤旅跡魏鷄棲豈期封非之不遺儼寧
瓊瑤之下逮頌木桃而莫報媿也厚顏效葵藿之少
傾感焉銘骨茲因銀鹿之北旋敢拂彩毫而上謝三
陽啓運願嘉禎隨堯曆而俱新一德同心喜景福與
箕疇而並錫榮分鐵券名覆金甌

答王大中丞謝啓

時中丞父太僕入鄉賢

明謝肇淛代

銅柱威標壯萬里千城之色瘡源慶遠開三朝鼎石
之勲榮式粉榆祥生蘋藻恭惟某官古今間氣日月
丹心魁下三台總文武之司命胸中五色補造化而
不言遂使金馬碧鷄之墟悉歸佩牛帶犢之化雖五

啓雋類函

卷五十八

三五

百年名世天爲社稷而挺生乃數十代忠貞人信箕
裘之有自緬惟罔伯夙擅聞人費一生羽翼聖哲之
心留不盡整頓乾坤之手富而好行其德衆論已無
間言歿而可祀於鄉百姓咸有喜色實令甲崇德褒
賢之典豈不依觀風問俗之私乃辱五雲之詞遠馳
萬里之使峨眉天半遙瞻爽氣於旆幢鴻羽雲中益
肅儀刑於冠劍維茲獻歲茂迓休徵氣轉春風先到
喬木世臣之第恩新膏雨長生奕葉廟貌之輝附言
頌私莫罄延佇

復總河部院啓

明謝肇淛代

玄圭錫命天分白旄黃鉞之司紫貝安瀾地洩金簡
玉書之秘文武吉甫憲久著於萬邦左右阿衡眷聿
新於一德乃下交而頌問敢因謝以敝私恭惟某官
詞盟三十載隻字競購鷄林間氣五百年片影早圖
麟閣談笑千牛立解指顧萬馬皆空秋擣釜山靖海
波而封京觀夜登劍閣挽天河以洗甲兵八陣縱橫
威落金牛之魄九河疏鑿恩分銅虎之符驅四牡於
塗山何知癸甲獲九象于渦水以付庚辰排天倒海
之流鯨鯢悉歸約束下巢上窟之衆魚鱉盡變桑麻
某螳臂屏能鼠肝末品華陽之疾夙痼行裝滿載參

啓雋類函

卷五十八

三五

苓仲翔之體不諧宦情久付薇蕨雖龜勉以從事實
譙讓而未遑法曜遙臨幸已深于御李瑤華下賁感
猶溢于采葑何物細流足裨大海惟是河伯之喜怒
靡定防憂甚於防秋而茲海岱之物力久虛計日不
啻計歲倘繁議之不折勢必添蛇直壅塞之是圖形
同馴虎况東防則西潰覆轍業已昭然苟上濬而下
淤沈璧亦終何用要天下未嘗無可爲之事必賢者
然後成不世之功儀圖而莫助之漫爲饒古採擇而
與進也惟所指麾

復劉制臺啓

明萬世德

陳師鞠旅式慚長子帥師實僅承筐允使武人挾纊
光分柳塞寵溢蘆竊念某雕篆無奇指揮何據數
年奔走謬附行間一旦負乘猥蒙闕寄方壯猷之渥
庇何明貺之存加推食解衣真逾百朋之錫沾恩飽
德奚信九頓之誠謹肅蕪函用酬蕃錫侈然金錯魏
矣瓊瑤

回項東鰲座師啓

林下

明吳明郊

猿鶴東山四海重謝公之望鴻鱗越嶠十行來漢吏
之規敢拜手以書紳敬披衷而勒狀恭惟老師中朝
鳳德瑞世龍文校書分天上之光燃藜吐火補袞振
啓雋類函卷五十八

三六

朝端之彩諫草含霜冕旒之眷注殊殷屏翰之機權
乍錫位隆白傳金陵望切雲霓遊伴赤松蒼嶺卧堅
泉石鳳翔千仞業爲盛世以揚輝鱣應三台竹見泰
階而寵拜帝已賁夢中之良弼需布商霖公應念海
內之蒼生出扶舜日瞻依殊切籲祝惟勤某圭竇庸
流斗筭下士鹽車方困幸脫駕而離太行踏木先容
幸見收而爲具器卽今一麾劇郡悉由再造洪庥報
德未效于銜環漸深黃雀垂庇更勞于賜櫝信等著
龜敢不約于繩趨期無負乎渠誨

答孟中丞啓

明謝肇淛

恭惟某官渥注神品海岱真儒一疏回天白下誦朝
陽之鳴鳳廿年避地蒼生望爲雨之潛龍道不言而
躬行雖在丘壑之中已裕折衝樽俎之畧價不求而
有待故當風塵之內特應盤桓舟楫之需障東南半
壁之天作文武萬邦之憲出處之正人無間然大道
爲公世有賴矣如某者識慚藉稻學謝漂楚一宦陸
沈已作東方生之玩世半生耳食尚慚南榮越之裹
糧惟是私淑之衷不減門牆之授受故茲新命之下
實爲朝野而歡娛反辱下交增其內愧玄纁鄭重好
敢敦於緇衣巾舄錯陳感益深於戴履拜德音之枉
啓雋類函卷五十八

三七

玉式王度以如金草布謝私仰祈崇炤

復許少薇中丞啓

謝真

明謝廷讚

某山林無似痼疾煙霞慶弔不行桎梏苛禮蓋身與
世而俱棄故嬾與慢以相成惟是生匪空桑况復情
非土木見有禮于君父輒景行乎高松緣閣下元氣
在中哀深廢蓼故不肖承風在下欣幸執鞭家傳季
義之鄉想松栢之無恙代稱孝順之里亮鹿豕以俱
馴彼古人有孝感之徵環鵲芝而吐瑞况承學被仁
讓之化豈禽卉之不如翹企潯陽之居願覩雙鶴之
應緬懷關西之地欲覩大鳥之祥昨貢賻儀比滄埃

之赴漠渤今沐寵諭如湛露之沃朽枯况辱鴻將殊
深鰲并顧大孝有終身之慕小人有一得之陳願保
愛宗社之身庶少寬罔極之念

答福建巡撫陳懷雲啓

明樊王家代

恭惟臺下名重南州望隆上國洵矣金相玉質不言
而人飲和屹然喬嶽泰山有作而物咸覩蓋匡廬彭
蠡之勝地靈鬱特鍾間世之英如干將鏌鋦之奇
天寶輝煌爰吐冲霄之氣二十年夙稱砥柱千百國
倚若長城緬維飛鳧以陟柏臺巨氣壯九天日月
茲者冠鵷班而分節鎮威名肅萬里風霜惟八閩正
啓雋類函卷五十八

王天終

當凋瘵之餘而列郡更值災稔之屢東南竭矣幸逢
一路福星邑里蕭然喜借三生履露豈特輕裘緩帶
收河山於掌握之中且將吹律回陽調造化於鈞陶
之上金甌待卜玉鉉非遙其碌碌無奇斤斤自守棲
遲雄句愧削迹之未能翹企中樞幸借光之有地何
來華翰更辱寵頒拜賜爲榮捫躬知慙行束裝而入
計幽明黜陟恐無顏復謝故人願開府以宣猷將相
勳名永矢心而佐天子

啓雋近體卷五十九

類函七十一

侍御部一

賀御史初擢

賀除殿中侍御史啓

宋李廷忠

光奉綠綈進持白筆居殿中察非法方觀直道之行
近君所必正人豈有忠言之告觀瞻所繫并蹈惟均
恭惟某官耿介拔俗之標闕偉幹時之具仁經義緯
得天地之純全文豔詞香冠古今之述作回翔頗

啓雋類函卷五十九

深漢廷方重於老成唐院式資於廉察蔚有殊效
擢居副端賢聖相逢喜巨魚之縱壑邪姦不起知猛
獸之在山韓天下之公是非論朝廷之大利害用此
恢張於綱紀宜其秉執於鈞樞某敬慕下風欣聆成
渙想國勢重於九鼎致邊圉固於四維屬拘守符莫
陪賀履鵬鸞豈衆禽之偶方此頡頑鵲鶴得一枝之
安悉繫庇護

賀徐殿院啓

宋李廷忠

龍光狎至豸列峻升逢聖人猶日之中大明公道見
御史從天而降就正雄權望高一臺勢重九鼎恭惟

某官學爲世仰道與時偕游辟雍之池已具舟梁之用題慈恩之塔聿崇冠冕之瞻所積既深其發必大方一君一相圖回於上莫急賢才凡六院六察除授之公宋制諫吏戶禮兵刑工爲六察必先縣最宋制非兩府則不得除監察御史應本朝之懿典屬當代之偉人隱隱潛奸豈待雷霆之盡擊危言正色自令山嶽之皆搖已儲望三槐位之間聊進步五花磚之上俾專論議益廣察廉昔朝廷得李勉而始尊紀綱素定今殿中有行成之克正風采采新肆疇執法之庸遂究贅元之業某名慚共記秩忝同班浩渺江湖歎冥鴻之偶影清明霄漢美秋

啓雋類函卷五十九

鷄之孤寡直指所臨懦衷爲起居然增善類之光耀足以慰故人之寂寥借上林一枝之棲信無榮分得大厦萬間之庇竊有歡顏頌詠徒勤染濡莫旣

賀應殿院啓

宋李廷忠

王檢疏恩鐵冠總憲權從七諍本天子耳目之官端處一臺實朝廷紀綱之地持我公論革彼邪心恭惟某官蒼島儲精丹霄振響一麾得請已深賈傳之思四壯勞還豈獨吳儂之惠蘭在握而韻遠蒲屢伏而氣剛知無不言識者相慶謂雷霆之威觸之而弗忌則風霜之任畀之而亦宜矧王路有荆棘之可鋤且

國病非鍼砭而莫療仍資獨誦用廣上聰竚收糾正之功丕聞燮和之業某謬司外計阻與前趨慚光華六轡之詩若爲稱塞佩澄清五事之略敢不奉行頌詠之私編摩曷旣

賀李察院啓

宋李廷忠

顯奉帝俞晉司臺察陪太常之四馬駕儲望已高聯御史之六豸冠揚威益遠悉杜群枉用基太平恭惟某官宮羽斯文權衡其政自得古今淵源之趣肯作州縣塵埃之容已有食言必爲偉器曾儀庭之未父乃憲府之聿新竹院松廳增嚴凝之氣象孤城鼠社

啓雋類函卷五十九

消和險之心謀使公道大明於更化之朝由端人特立於敢言之地肅糾繩於百辟正楷模於四方秉我國成由此塗出某誤恩將指賀禮莫窮深自激於懦東遠何逃於明日宏綱旣舉豈專用柱後之惠文善類知歸固應有筆端之造化欣然舞躍拙矣編摩

賀葉秘丞除察院啓

宋李廷忠

特妙簡除聿嚴糾察自麟臺涉筆夜光分太乙之藜宜烏府峨冠朝彩映上林之樹渙揚明綽震悚列紳恭惟某官三江倒流而爲文詞五星聯曜而應名第居長安近日之地澹然此心負洛陽年少之材淵乎

其量故作斜飛之勢實為遠用之基秋浦玉河陽化
嘗踐更於二邑天府驥雲臺棟宜引重於諸公迭服
朝聯受知禁戾酬東觀第一人之望分南司察百吏
之權務義驚嘯風之威鳥雀避橫霜之羽人所畏者
帝曰俞哉吾使耳目以廣聰明唐綱遂振汝為股肱
以翼左右舜命奚辭其斐然吾黨之狂敬止一鄉之
秀隨牒在遠登門寢賒豈謂半生齟齬之餘而得百
里婆娑之所望英游復在於霄漢覺榮光亦到於泥
塗茲聞拜除倍增踴躍方衛人嚴憚汲黯已皆出其
下風若吳邑素輕買臣尚有資於先進其為悅慕未
啓雋類函卷五十九

有敷云

賀婁郎中除察院啓

宋李廷忠

密簡淵衷峻登霜署用直臣為侍御史必資六察之
賢唐志監察御史掌分察百察與宋殿中六察不同得老儒於尚書郎遂振
一臺之治國勢增重士心交孚恭惟某官學在軻雄
之間道出羲黃之上水流而心不競介然孤立之風
山高而名與俱偉矣老成之望帝方恨相見之晚公
適當有用之秋下覽皇輝高臺朝序奉常博士能使
百年禮樂之興資善得師欲為數世子孫之用窺天
上之書於秘府分月賜之筆於清曹明目敢言上心

默識倚松栢後周之操震黎藿不採之威我冠冠
豸而來行行避驄馬而止君子之幸朝廷以尊既執
簡書伏群陰於將旦佇專樞柄陶萬類以皆春某曩
負耒於西園嘗執經而北面竟資提携免使棄沈感
恩至於涕零聞命為之距躍雖絃歌地近用牛刀以
非長方棟宇神扶結燕巢而自穩

賀鄧侍御啓

宋李廷忠

光錫替書峻躋橫榻向以迂當路而去國難回鐵柱
之剛今由使絕域而登臺蓋親繡衣之耀庶人亦曰
端士宜為恭惟某官窺百氏之奧而肆於文包兩儀
啓雋類函卷五十九

之大以養其氣地居正色固嘗張膽以報上恩天為
霽威蓋喜沃心之多正論雖平步可至於鄉相而直
道不屈於廟堂收朝蹟於兩螭之傍運籌於四牡
之上帝所深眷公其端歸登瀛之詔墨未乾出疆之
節旌已具撫秦關之百二盡在目中擒頡頏以三千
何如口伐鄭元傳使虜隨語折讓突厥謂典屬國之
名爵未稱知真御史之風采猶存輟自仙蓬秘書監曰大蓬
擢居憲表內外忠邪之未辯方疑霜署之威古今理
亂之欲聞仍直露門之講宋制露門勸講矧廟謨為規恢之
舉且胡運當削弱之餘機有可乘策將安出張吾綱

紀不有君子其能國乎觀此簡書勿用小人必亂邦也剴切數語震懼百寮居然強本以折衝行矣奮庸而宅揆其遜聞顯拜頓起懦衷退慙踣履之遺阻綴賀裾之末麤桃謾種信有待於春風貞栢可依想不凋於寒歲

賀商察院啓

宋李廷忠

出綽右掖振綱左臺唐志左臺知百司監軍兼察州縣省風俗皇皇者華之遣使臣方驚外補行行且止而避御史遂快群瞻恭惟某官恢乎餘地之才妙矣先天之學發爲教條既足以福千里詔歸表著宜使之憲萬邦曾握蘭之格雋類函卷五十九

六

未幾遽仗節而欲去方朝野共爲之歎惜乃日月劃然而開明改畀渙恩進持霜簡有識相慶謂必有諤諤之風以動人其志得行豈肯爲碌碌之臣以保位矧天下期公之已久宜朝廷賴公而益尊綢繆想一善言之聞亟膺三獨坐之拜

賀張御史新除啓

宋張綱

睽違英標阻貢牋函之問忽聞中詔茂膺憲府之除士論僉諧朝綱允肅恭惟某官學窮千古心醉六經文章華國而有餘蔚高大手譽望得君而益重峻陟清途况當日治之朝尤難風憲之任職分六察身率

百寮鵬鸞搏空振霜威之厲驚接武佇躋法從之嚴遂究設施深符屬望其辭榮簪綬臥疾山樊知言路之有開覺歡悰之倍集鬱然材梓既分同社之榮暮矣桑榆更切餘光之照心所甚喜言不能文

賀金侍御啓

宋方蒙

榻前拜勅柱裏升班日侍金華雅親承於層眷風生鐵面遂盡塵於紫官北闕喧傳南牀增重恭惟某官沈潛剛毅廣大精微蔡公行正而言芳維邦司直淳夫氣和而色粹實王親臣所謂鯁直魁壘之臣是爲烏府抨彈之長仁者能好惡既大警於官邪君子以

啓雋類函卷五十九

七

經綸宜立登於政地國其無殆道之將行其尚此驅馳若然聳動皇皇者華之維駉薄言歸哉行行且止而避驄敬知罪矣方深依倚莫究揆裁

賀毛察院啓

宋

伏審親奉詔除進居言責開衆正之路立太平之基結知方深有識相慶朝廷以數聞直聲爲盛治之世君子以得行已志爲光亨之時然下或依違而不能克上所求上或忌諱而不能窮下所學歲月忽焉已至功烈如此其卑求一舉而兩全曠百年而幾見若處盡言之朝而參風憲之任當正色之地而得人材

之英舉世所推非公誰可恭惟其官性合天道材周
世資經術自爲名家文章不隨人後傑立千百輩上
一時爭慕于風流漂泊十五年間萬口皆爲之歎息
起自江湖之遠歸從鵝鷺之游廣廷纔望于清光卽
日立登于要路付柱後惠文之事觀胸中雲夢之奇
蓋常聞議論之崢嶸知能救風俗之頹靡當今黎蘖
之不栝無致玉石之俱焚張膽明目于數步之間收
功立名于萬世之後雖行藏豈不在我恐彈擊非以
處公行被褒嘉別躋禁近某離群甫爾聞問欣然知
公道之得人雖懦夫而增氣春律晚臺綱清深願
啓雋類函卷五十九

賀杜察院啓

宋翟汝文

輟從冊府權宜憲臺當乾坤清夷之時居山嶽動搖
之地有識交頌不謀同辭自漢推三獨之雄至唐增
六察之峻風凜臺閣霜凝簡書乃近輔之所儲豈衆
僚之可擬恭惟其官聲華藉甚氣節凜然頃由蜀道
而來遂出漢廷之右鑑明而塵垢不止鄙吝皆銷鼎
鑄而魑魅莫逢姦邪自屏果繇老氏藏室之秘進列
天家御史之雄其屬領使軺阻趨賓廡身自比稷契
祖風已繼於少陵君庶幾成康世業願追於如晦

論事回天有力方將批徑尺之鱗偃月生疑已不容
立仗之馬曾令考功一出息之頃遂見拾遺九鑢火
之明星旣圻於中台席遂前於半夜甫登表著徑拜
裏行獬豸羈邪難置豺狼而不問鷹隼始擊尤關龍
象之共觀登聞破頭已定落胆刊九山滌九川陂九
澤通地氣以上騰闢四門明四目達四聰發天光而
下濟此真御史矣豈憂有奴哉鑄金鼎以圖奸不難
調鼎察玉衡而齊正然後保衡某一寒漕米六暑戍
雪將返閭閻而曝日喜聞臺閣之生風鵬鶚之在秋
天倘或寬於西擊鳥鵲之遶夜月願姑聽其南飛
啓雋類函卷五十九

賀徐殿院啓

宋洪适

恭審顯膺宸綽榮副臺端宣正殿之衣冠夙重抨彈
之寄觀象門之步武益尊糾察之權朝廷以清天下
之慶恭惟其官南州碩望東魯鉅儒一倡音遺謠如
黃鍾大呂之奏萬仞壁立聳然孤峰絕岬之風國人
同辭而曰賢天子一見而恨晚方振纓於列卽卽珥
筆於要津護君子如護元氣而不使動搖去小人若
去惡草而惟恐滋蔓開泰長否消之運收乾清坤夷
之功然議論必欲萬世之可書而紀綱不容一日之
或弛旣堂堂我牙於鳥府爰進進邁邁於赤墀露効

滋多霜威增凜鐵面御史之氣象今復見焉魚頭參政之勲名斯在下矣某寄身憲節拭目恩綸雕鶚之在秋天喜有順風之便燕雀之賀厦屋知無凌雨之虞

賀威察院啓

宋眞德秀

誕頒芝檢分糾柏臺言路置六察官實司公道之脉聖朝用一正士可立太平之基漢詔風馳周行霜凜伏惟某官英姿挺特素節高嚴卓爾不群行庶幾乎大雅粹然見面望而知爲吉人自登百辟之聯浸結九宸之眷容臺禮樂甫參議論之官憲府紀綱亟任

啓雋類函卷五十九

十一

梓彈之寄方將龜鏡國家之治亂涇渭天下之是非爲正論之指南斤儉朋於有北坐令海內如慶曆嘉祐之隆平肯使吳中獨敬輿希文之專美某曩陪駿武風仰賢猷切聽鳳鳴深爲清時而喜敢同燕賀獨因大厦之成

賀單侍御啓

宋播芳集

光膺宸綬進總臺綱達公論於九重屢聞繩誦亞官儀於三獨益見寵褒除目初傳輿情相慶竊以萬機重大旣親總攬於法官百辟衆多必賴梓彈於憲府結時南榻實次中司得賢哲則自然致朝廷之尊去

茲回則孰不有簡書之畏方清衷之圖舊宜宿望之次陞恭惟某官識蘊高明氣函剛大興學兼通於世務嘉猷允合於帝心果自副端峻登柱史方共持於國是豈特察於官邪某濫處郎闈得同清暇親持於竿牘用贊喜於門墻風采動一時已致班行之肅精神折千里佇躋弼亮之崇

賀江察院啓

宋劉克莊

出綸中禁執簡內臺昔虎豹守九關無恠盈庭之熙今鳳凰翔千仞登聞瑞世之鳴堂陞益尊綰紳相慶恭惟某官擅九牧之名爲諸儒之倡出新義於繫辭

啓雋類函卷五十九

一

十翼之外研極幾深追古文於先秦兩漢之間芟夷陳腐項在端嘉之際早陪賢雋之游使其雅意於本朝久矣先居於此座幾年留落不肯登紹聖之舟同志凋零獨屹立南都之壁屬者朝更大化上記孤忠甫對龍顏徑我豸角謂金陵雖去柰其徒之護法實繁况老蔡尚存恐所仆之黨碑復立觀奏篇予奪抑揚之際繫世道理亂安危之分必不容八元四凶之同朝必不與六卿三家而共國必真有昔人存趙之策必深思前輩作宋之言奉白簡以聞卽提綱於三院宣黃麻而拜行絕席於百僚焜耀一時芬芳千載

某曩接夔龍之武頗蒙管鮑之知契濶十稔顛連百
謫豈料窮塗之不死獲觀賢路之復亨訪疑之於匡
廬山中悵莫從於名勝賀陽城於延英門下曾不若
於武人第如水蹟之危幸托霜稜之峻固知范老不
嫌守道之狂言孰謂鄒公猶待承君之開說

賀鄭侍御啓

宋劉克莊

渙號廣廷晉班橫榻

唐通典御史知雜事者最爲雄
劇食座南設橫榻謂之南牀

古所謂法家拂士莫如爭臣今不置大夫中丞遂長
御史贊書初下輿論交歸夷攷昔賢有居是職戕冠
叱李義府仗下皆驚草奏劾博陸侯廷中咸肅久矣
啓雋類函卷五十九

高

二公之不作去之千載而若存恭惟某官有孟氏養
氣之剛有曾子守約之勇不繇一介之助自結九重
之知屬者國有世卿朝無私黨士登光範但知章蔡
之恩公立上坡首抗鄒陳之疏曰厚俗以教慈孝命
相以杜覬覦然後九鼎之勢尊然後太阿之柄重鑿
鮑魚於臭腐之餘在諸人易縛猛虎於咆哮之際爲
執事難茲拜雜端以旌忠直必有以消弭異時反覆
之患必有以堅凝前日抱回之功既三院之徧更風
稜尤峻由中司而大用典故則然益進昌言未扶輿
運某屬叨乘傳登聽置郵在古靈橐中幸早陪於末

品拜延英門外獨阻賀於太平

賀柴侍御啓

宋汪藻

妙簡宸衷寵司邦憲獨坐之長御史父虛不除橫榻
之亞中司此選甚茂朝有正士人無異言恭惟某官
德齒朝之達尊忠亮國之司直分南臺之糾察威望
日隆贊東閣之辨章彌綸歲久金百鍊而不渝其操
玉三獻而所售者直磅礴名途盡閱炎涼之變安恬
世味不希富貴之榮惟精忠素簡於上心故除目雅
平於群議以詳練之老而糾彈於萬務以清明之德
而表率於百寮群陰見睨而消百度從繩則正猛獸

啓雋類函卷五十九

五

之衛黎藿有以知朝廷之尊和羹之作鹽梅殆將幹
鈞衡之造某濫紆兩組來長五溪忽聞播告之修行
喜仁賢之用群情無壅幸非陽朔諱言之朝感事可
歌當繼慶曆得賢之頌

賀林侍御啓

宋方岳

出論西掖執憲南牀天子明明用臯陶而不仁者遠
矣王臣蹇蹇如行父見無禮者誅之茲得一賢重增
九鼎恭惟某官二典三謨之學問五音六律之辭章
觀經世之宏規雖伊管未能遠過讀責難之確論非
仁義不敢前陳適當不諱之朝夕立得言之地接載

夔龍造羽鵷鷺綴赤墀供奉之班當道豺狼安問狐
狸凜白筆抨彈之志便顏跖忠邪之莫辨雖堯舜聰
明而柰何矧今士習之媮未明國是之寇倖門如鼠
穴而不可塞弊事如蝟毛而不可為外之則黠虜之
鴟張內之則驕兵之狙詐勿用小人必亂邦也誰當
共濟於艱難不有君子其能國乎時則渴聞於忠讜
願言密勿悉意敷云庶幾回事變於危急之秋或可
觀德化於須臾之頃某逃居邊瑣欣誦宸綸有爭臣
者七人過底臯謨之績舉明主於三代願聞說命之
篇敢不濡毫以需染牘

啓雋類函卷五十九

十六

賀彭侍御啓

宋方蒙

恭審疏綸北闕司憲南牀王無親臣久倚孤忠之助
汝長御史亶由獨斷之明朝廷肅然夷夏幸甚恭惟
某官英英器度凜凜風猷正學正言蔚有前輩流之
望古心古貌肯為今世俗之行徧儀清切之班自結
睿明之眷果登要地乃侍邃帷聖上嚴之如賓師海
內恃以為王傳側聞論奏皆大建明判正邪之狀於
陛前截然界限策和戰之情於塞外瞭若蔡著嘻陣
脚之屢搖噴屑而之幾換有若烏府抨彈之任最係
觀瞻非得鯁直魁壘之臣誰能鎮厭權蓋尊而均益

聳位益峻而言益高身名之重若山宗社之安如鼎
佇由橫榻卽對顯朝某濫此觀風恍然披霧既與善
夫而相慶又欣小己之有依木牛流馬之庸果哉難
矣法龍筵象之義行且觀焉拊蹈深染濡靡竟

賀劉殿院啓

宋陳傅良

光奉恩綸進同風憲上念深矣師言穆然恭惟某官
高明中立不倚學得其要宜在四科之間論歸於平
不致九流之辨而又養以靜重發於謙和自肅朝端
益隆物望往者一臺之長取諸三院之聯蓋啓沃帝
聰必獻納司存之久而維持國是宜名實上下之孚

啓雋類函卷五十九

十七

豈曰序遷政惟衆允矧屬清明之始方須正直之賢
疇咨百工誰克堪弄印之憲孤立一意公遂躋三事
之班某辱在下風頗蒙異顧雖上體朋亡之義不欲
自言至荐叨器使之恩敢忘歸德

代賀金察院啓

宋

伏審光被宸衷擢司風憲雷行鳳檢方進登天下之
正人霜肅烏臺俾盡展胸中之素蘊雖俯從人望實
斷自天衷恭惟某官高文作古雅望鎮浮庖丁之刀
十九年綽有餘地孔明之栢三千尺誰識苦心政所
去而見思材無施而不可文武兼資之略洋洋承渥

于楓宸風節不撓之英凜凜察薦于柏府邪朋屏迹
雪見現而自消善類寧居蟹在園而不採風采凜然
今已杜群枉之門而開衆正之路鈞衡近止行當建
萬世之策而舉三代之隆其猥以諸生伏讀明詔身
雖老矣恐無芝蘭蒸出之祥心則欣然猶有鷄犬俱
僊之望仰于台範俯切氷兢

賀陳侍御啓

宋

粵聞寵司邦憲妙簡宸衷物情大旱之餘適蘇霖雨
天象太微之次首應法星九重侈知人之明四海享
任賢之福恭惟某官氣摩霄漢名卓斗山筆端垂金
啓雋類函卷五十九

薤之琳瑯胸次貯氷壺之瑤壁倒翻滄海簸弄明月
之蟾珠橫絕銀河組織天孫之雲錦爰擢侍臣之貴
親結主上之知伏蒲騎省追先輩殿上虎之風簪筆
烏臺洗曩時仗下馬之誚樹直聲于天下簡上霜凝
總憲度于朝端筆尖風起中和獨粹如景星如鳳凰
剛正不回爲屈軼爲獬豸奮是鵬勇庶僚咸憚于王
情揚驄馬威百姓盡避於桓典效鐵面御史之氣象
素論愈堅躡魚頭參政之英聲丹心不改橫空鷹隼
正觀耳目之清明接武夔龍佇副股肱之委任某志
卑如鷄性拙于鳩切聽鳳鳴幸覩熙朝之治敢同燕

賀獨欣大厦之成無任寅恭願言丙鑒

啓雋類函卷五十九

九

賀楊意白道長啓

初權

明萬世德

恩敷芝檢光晉蘭臺一札起家正會乾坤之多事五
花升殿忽看山嶽以動搖朝寧政觀藩籬生色恭惟
某官肝膽一劒氣繁九霄出持四國之紀綱已見澄
清之烈入司一人之耳目坐收糾察之嚴方鷹隼之
凌秋豈豺狼之當道公是公非之介幸有正論之指
南可治可亂之萌行接讒言於有北某么麼小枝戎
馬遐踪兩披異域之風霜三度海陬之歲月聞朝廷
之有直御史豈疆場而憂窮島酋妄懷嚙昔之知特
上引領之賀溫敬輿之彈元振頓驚臺閣生風汲長
啓雋類函卷五十九

廿

孺之寢淮南共喜室家有日聊申踴躍豈盡編摩

賀管五陵新任御史啓

明許以忠

鳳檢雲移雋父登庸之會烏臺星麗履紀綱振肅之
端斷自宸衷雅從人望恭惟某官稱天下才具宰相
器家學傳公明之十翼妙合陰陽雅操揮士安之千
金清同水玉民譽茂騰兩邑元勳藉慰九重項從廷
尉以司評爰進臺端而東憲披繡衣而惠文柱後表
率朝儀簪白筆以執法殿前抨彈國政風雲加壯山
嶽動搖玉斧高懸此日崇班於獨座金甌佇覆他年
大拜於三台社稷計安華夷交頌某夙沾舊治近沐

新恩極目雲霄遙企西臺之瑞彩託身桑梓幸依東
壁之餘光徒深雀躍之私莫効鳬飛之術神馳天上
漫因知已以彈冠書到日邊聊託征人而賀履不腆
儀難成享無文敬可明心俯竭寅忱仰祈丙矚

賀劉舍人授侍御啓

明周弘祖

霜暑凌兢柱下寵如綸之命水心清穆臺端颺屈軼
之風偕八彥以同儕宿儒要位躋三獨以抗志正氣
敢言恭惟某官峻揭斗標光搖龍鐸西江無雙之家
世受守一經中朝寡二之文詞咄嗟三賦馳聲遠觀
蚤搜秘奧於圖書晉秩烏臺獨鏡失得于今古乘驄
啓雋類函卷五十九

二十一

馬而都城避迹簪白筆而廊廟改容蓋懷瑾握瑜海
內已想聞其丰采故登車攬轡天下益快覩其澄清
補孫琳自中書以此知銓衡之有識擢左雍由群吏
不可謂桑梓之無人某樸邀短材么膺小質雖以星
出以星入不辭任力之勞然作我父作我母未若與
人之頌所願俾之迷穀或能懷以好音引領中臺披
誠下悃

賀行取內臺啓

明史鴻修

丹禁宣綸簡命重風霜之任赤墀遙羽高華躋日月
之班新風采於中臺振皇綱於寰宇百僚欽衽多士

彈冠恭惟某官朝陽鳳彩聖世麟祥東序天球德業
蔚儒宗之望西清月斧文章擅藝圃之英偉節嶙峋
匡獄千尋挺秀冲襟浩瀚蠶湖萬頃澄波蚤奏賦於
明光燕闕起騰蛟之譽旋鳴琴於巖邑制海騰馴雉
之聲久協廷評特膺帝簡寄聰明於耳目爰藉執法
之權肅綱紀於朝廷聿隆惠文之命螭頭日永輝輝
白簡飛霜鸞掖星沈凜凜皂囊凝露致吾君比隆堯
舜會看批鱗補衮之弘謨躋斯世媲美殷周快觀取
日回天之大業某西江鱗沫南國鳩樓側聽新綸仰
鐵豸之高風而倍增距躍愧羈尺組盼銅龍之曉日

啓雋類函卷五十九

二十二

而莫效躬趨敬憑子墨以颺言聊致寅丹而展悽肅
申燕賀仰冀鴻涵

賀新御史啓

明史鴻修

紫極翔輝法曜映臺中之柏赤輝遶羽清霜飛簡上
之花聿隆駿望於朝端佇振駉威於寰宇宸衷久注
廷論攸歸恭惟某官金莖秀朗玉尺清嚴彩映文昌
燁矣麗霄斧藻胸涵武庫赫乎濟世經綸覽德輝而
下之峻高標於雲漢搏扶搖而直上鼓巨翼於天池
襟度如彭蠡之浮三光澄不清而撓不濁才鋒若太
阿之輝八極前無古而後無今花縣分符擅十奇之

芳譽楓宸被詔際千載之昌辰北斗名高西臺龍冠
麟爲聖出適昭軒囿之祥龍作納言益廣虞廷之聽
彈冠結綬名賢濟列於在廷建鼓懸輶言路弘開於
此日殿中執法居一人耳目之司柱後惠文綰四海
紀綱之重侍螭頭而簪筆計且抒獻替忠謨戛豸角
以宣猷當不負澄清雅志橫空孤隼式觀丰采之維
新接武夔龍卽覩絲綸之誕播光騰繡斧慶溢圭紳
其抱甕拙資折腰俗吏尺寸無裨製錦剴裁未識操
刀保障繭絲祗自慚乎鼠技鑪錘斷削實徵寵於龍
光日遠長安每盼烏臺而係戀風高易水聊憑雁札

啓雋類函卷五十九

廿三

以申悰莫罄品瞻伏惟職照

賀沈宏所選授侍御啓

明施德政

觸邪執法新囊八印重權表正樹猷時見千鳥載止
風雲感會山嶽動搖恭惟某官夢卜符精倫彙表德
羽儀百代掩梁竇以遐騫鍾鼎一時駕王楊而岳立
於是飛龍成卦利見大人翔鸞應符觀光上國代堯
言於天下畫王字於日中遠追直閣之司近通檢正
之任是豈言語文章資其華國固將經綸黼黻要之
事君忠結主知恩隆特簡秉憲徵於輦轂執法侍於
殿廷廣一人之聰明 加二階之秩維百年之綱紀

時嚴六察之規式際泰交侈觀顯向某叨茲任重曹
乏線長愧倚兼葭昔曾叨于御李喜膺耳目竊有望
以儆余遙想鳳儀肅械魚腹附鴻飛而送目專馬走
以代躬仰竇台慈俯垂燭炤

賀李侍御啓

明林世吉

奉違山斗驚營葵之屢更翹望門墻悵關河之伊阻
未由樞侍徒切瞻依恭惟某官清廟瑤璋熙朝柱石
淵源碩學摘詞扶雲漢之天章經緯揆揆揆務裕嚴廊
之石畫貞操登漢魏然鐵壁千尋德器涵空藹爾丹
淵萬頃早翽苞于射策遂驤首于鳴琴緒懋循良方
啓雋類函卷五十九

廿四路

仰雉馴于赤縣聲蜚蹇謬復瞻鴻漸于烏臺蓬玉筍
以我冠蔚樹殿廷之儀羽乘青驄以攬轡不揚畿甸
之風稜慶溢八紘光生百辯想激揚簪白筆特咨執
法于楓墀爰立覆金甌佇昇調元于槐府某枕由苦
生倚廬柴骨瞻黼宸之渙渥喜報鸞遷榻形管以和
忱聊申燕賀更揮茹荼之哀懇冀垂賑麥之洪仁倘
獲錫金綬之洪恩責九京而光馬鬣敢不戴玉成之
厚德矢百世而效蛇衞曷任巖瞻統祈露覆

啓雋近體卷六十

類函七十二

東吳俞安期羨長彙編

上饒王嗣經曰常同輯

建武鄧漢遠遊訂定

侍御部二

御史諸差

賀南直趙學院啓

明李沐民

繡節揚芳宰育大垂雲之庇文衡徵藻宗工懸衡斗
之瞻紀綱凜夙望於西臺模楷範新型於南國風高
豸府仰切龍門恭惟某官靈涵添澤文騰八水之驪
秀毓邠巖瑞起三秦之鳳擅文明於玉署蜚譽鑒坡
啓雋類函卷六十

啓雋類函卷六十

隆簡注於金甌借才翰閣升班上柱香餘閭苑仙風
荷寵新綸輝奕詞壇宗匠作文章之司命藻鑑掄英
握造化之神樞冰壺照世得士行收乎芳躅羅賢騰
拔夫真材文旆耀瑤京十四郡奎光星聚萃聲騰壁
宇二百年泰運天闕某幸際儻遷肅申燕賀曩叨覆
露稔思厭飫於恩波近景台光益覲沾濡於化雨

賀趙御史督學啓

明馬朴

西臺執斧久欽霜肅於雄班南國持衡特借斗懸之
偉望鳳綸朝下歡動挺紘馳轡畫遊喜騰扶翊恭惟
某官圭璋儷質經緯敷文玉署燃然光爛圖書之府

彤墀飛簡威揚繩準之司斯宜振武之猷尚富貴文
之化頃移憲節董學留京繡衣彩映朱衣將吏治與
人材丕變文曜輝聯法曜看政刑偕禮樂維新是關
王國之寧詎爲公門而喜其蹇蹤難進屯骨多艱向
因講世於龍門遂辱納交於馬廐出爲小草幸叨屬
吏於不遐陶以大鈞笑作門生之未老二天隆德十
載深知逢人說項斯噓送出誠心之好致士始郭隗
薦推無餘力之遺吹橫空之健鷲兩上秋風令出谷
之幽鶯載鳴春日陶冶皆歸之造化門牆不倚於他
人特甚玉成眇焉環報茲快霜旌之西下兼欣風教
啓雋類函卷六十

之南翔敬戒鱗鴻賀魏燕雀

賀陳學院上任啓

明王應麟

繡節耀南都十四郡之奎光以聚文旌映東壁二百
年之泰運益開豈徒國是攸關實爲道脉所係望高
豸府歡動龍門恭惟某官天民先覺聖代眞儒學富
丘索典墳直窺千載不傳之秘道宗濂洛關閩上契
諸儒自得之精雅騰興學之名大擅作人之譽故九
重思祖宗首善之地士習漸向澆漓而百僚念公卿
輩出之鄉文風日趨怪誕廣求型範專藉楷模爰錫
命楓庭江北江南多士傾心化雨迨提衡栢署畿內

外群材引領春風盈篋參苓將起羅才美頌滿
桃李行收得士芳聲何憂八代之衰未定四方之極
國師伊邇官傳非遙某茲聞榮蒞愈切瞻依柰明禁
之森嚴知台慈之鑒宥

啓雋類函卷六十

三

賀蔡按院啓

以下巡按

明張佳胤

恭惟臺下冠冕南極綱紀西臺畿輔埋輪豺狐爲之
屏跡輶軒攬轡山水倏其增榮白簡爭厲秋霜惠文
比高鍾阜使錫京奠磐石之安哲栢府沛帡幪之澤
某夙欽芳譽尚阻音徽宦切震隣瞻龍門而未遠心
依鼎望具羔鴈以將誠自惟修訊之不先益令魯尤
之孔厚敢裁赤牘用表丹私仰冀輝存豈勝慶慰

賀胡按院啓

浙江

明支大綸

節鉞南臨江海觀澄清之化法星北照官僚仰貞肅
之儀霜凜中臺風生內省恭惟某官紫電標奇白虹
啓雋類函卷六十

挺秀光寒玉斧快瞻帷幄之謨平奏銀臺夙著省垣
之績威澤覃敷于南國綸音晉錫于中天憲總鉄冠
應落百邪之膽望高石室允膺一德之求名注金甌
功隆玉鉉某江省祗役幸佐下風堂序隨班謬叨末
屬豈惟感知遇之厚抑亦慶遭逢之奇聞命歡欣馳
情眷戀謹修芹曝而申賀爰戒材官以代將伏冀照
臨俯垂涵育

賀吳安節按臺啓

江西

明魯同亨

正色立朝十載爭傳風節前旌蒞事一方咸仰霜威
山岳動搖人神歡忭恭惟某官家學淵源士林冠冕

德靖慶歷之際冠蓋獨盛于一門父子祖孫之間科
第相承于累葉早騰桂籍旋綰花封循聲在江右無
雙治行稱吳公第一光膺內召妙簡西臺都人重睹
避驄朝士爭誇鳴鳳名高闕下條上軍國之大計以
濟時艱惠洽河東酌議鹽筴之紆謨以足歲課十年
休沐屢詔趣還既觀風于燕趙嘗衛之郊旋攬轡於
冀軫衡盧之境豈惟劍江父老夙懷遺愛者爭爲道
左之迎凡我豫章士民曾披餘波者並切俟后之望
花開河縣載瞻舊日神君栢繞烏臺喜挹清朝柱史
貪墨望風而解綬豪強膽落于聞聲蓋仁心關切於
啓雋類函卷六十

舊遊故群情企仰夫新政民懷吏畏近悅遠來某別
教年多通家誼重每念金相玉質之度時增風晨月
夕之思微幸自天親被帡幪於宇下有懷如縷行圖
傾倒于尊前暫阻鳬趨先申雀躍伏願貞條肅度激
濁揚清譽望徹九重將樞筦借籌銓衡借鑒功德在
列郡與匡廬增高彭蠡增深

賀葉按院啓

江西

明

地接宛陵之近雅聞古拾遺天開憲府之嚴凜有其
御史時方仗馬君獨臺烏威聲夙著于朝端號令遐
宣于江右郵傳四出頌詠一新恭惟某官才擅國華

德推世美蘊著慕先見之明而鑑之獨藻挺松栢後
周之操而守也彌堅數年擢拜于諍官諸國仰瞻其
節緊想震驚于殿上虎群小人歛迹避之彼局促如
轅下駒有識者寒心久矣頃膺策命出按名藩何幸
洪都均沐濟時之霖兩緬思奸吏頓逢肅物之風霜
蓋北斗以南一人疇其倫擬若大江之西萬里行矣
清夷某鄉校孤生京塵下吏仰乘驄之赫赫美冠豸
之巍巍桑梓情殷竊慶幘幘逢廣厦草茅慮遠願觀
鎮撫賴長城敬陳燕賀之私翹覲龍光之庇

賀錢按臺到任啓 湖廣 明

啓雋類函 卷六十 五

國其有人聳觀鳴陽之鳳天方授楚來乘禁路之駟
千仞振衣百僚舉笏恭惟某官名喧九牧氣塞兩間
審樂延陵代推博物君子重光司隸帝簡著姓忠臣
當豹霧之澤文語妙天下入烏臺而抗議力爭上前
遂以驚軺臨茲熊繹攬范孟博之轡吏覺風生擁顏
清臣之車民歡兩立霜露皆教果排凜以進暄流峙
何心亦川澄而嶽舞即觀立懦廉頑之化詎待省方
諷俗之時赤黑消蝗共壯雲中鵬鸞丹青畫象更追
閣上麒麟某仰劒佩之雲從遙攀黃鶴稟盤盂而水
肖思結紫蘭祗承式於六條庶導和於九扈悵懸縮

地音矢巢梁實云方漢之式靈匪止門墻之私訖伏
惟滄浪照眼影自獻其濁清雲夢吞胸言兼收乎大
小儻葵頃無遺向日則蕉長可托聞雷矣

賀張南川直指啓 山東 明萬世德

舉鞭都市方驚且止之威攬轡東效又仰糾繩之烈
式承弭蓋敢賀張旃恭惟某官雲表崢嶸冰壺瑩徹
有溫敬輿之彈元振威望素嚴若汲長孺之寢淮南
風猷久著帝眷近省人屬高標方繡斧之臨疆正皇
華之擁節觀風問俗但宅明天子之惠綏激濁揚清
總為衆蒼生之塗炭某重慚小技雅幸同舟已瞻山
峯雋類函 卷六十 六

賀洪按院啓 明林世吉

雷行鳳檢繡衣分天上之時霜肅烏臺驄馬驟江南
之路名孚人望喜溢天顏恭惟某官毓秀衡廬儲精
箕尾養以剛大獨扛百斛之龍文出其緒餘連捷五
經之鰲首治中之足未展安問雷陽杜下之肉既均

尋封曲逆按皂囊而奏事臺閣生風持繡斧以出遊
山川失色回天有力方將批徑尺之鱗偃月生疑已
不容立仗之馬偉矣執事今日之拜凜然洋公先正
之風猗豸觸邪難置豺狼而不問隼鷹始擊尤闢龍
象之共觀刊九山滌九川陂九澤通地勢以上騰闢
四門明四目達四聰發天光而下濟此真御史矣豈
憂匈奴哉某寄身花縣拭目栢臺鵬鵠之在秋天喜
有順風之便燕雀之賀厦屋知無凌雨之虞

賀陸按院啓

明鄭懷魁

天朝執法識避路之花駟海國衡文主掄材於棘院

啓雋類函

卷六十

七

綸綍特賁而錫命紳衿胥慶以彈冠恭惟某官雲間
士龍擅名江表鄴下繡虎獨步建安市駿足於燕臺
過都歷塊掇龍頭於甲第躍浪翻瀾初試鳴絃登北
固而紀勒三異旋膺簪筆肅西臺而糾察百僚攬轡
七閩正當昌期之會提衡多士特知貢舉之權歌鹿
鳴之章咸誇熙世盛典開烏樓之府共喜直指使君
惟海濱鄒魯之風仰柱後惠文之化文章將諫草並
著憲典與勲業同新出入耳目之司行膺心膺之寄
某桑梓編戶葵柯備員昔附驥尾於龍門廼混魚目
於鮑寶頃者觀容光於漱水葭玉知榮承色笑於桂

舟蘭金雅重稚子增價於一顧鄙人荷庇乎二天燕
賀未伸雀銜奚報三秋雲羽肅布尺一之書千里溪
毛度將方寸之悃統惟鑒亮實藉榮施

賀陸侍御啓

福建

明許以忠

卿月映嚴廊萬國仰光明之象使星分海嶠七閩驚
炳赫之芒先聲不震遐陬喜氣偏騰率土恭惟某官
材雄吳越種邁機雲花縣隆茂宰之循聲民庸獨最
蘭臺續宣公之奏議家學重光華夷聞丰采而揚休
文武一儀刑而貞度頃持漢節出使閩邦螺女江邊
擊揖起澄清之志越王臺畔褰帷彰糾察之嚴繡衣
啓雋類函

卷六十

檄矢圖銜結

賀監臺啓

以下巡

明

九重隆貞肅之權峻發時巡渙號六察總轉輸之略
單敷秋駕先聲卓財嘉與于吾民展采倍欣于屬吏
光生弩矢慶溢冠紳縉以國家論邊計所急西北惟
驍政是需欲其無獎而通行此在往昔所不廢五行
潤下先演箕疇三策收餘久徵越術大有裨益于軍
國宜無偏病于龜商特惟河東以西歲入江南之半
秦城晉郡職掌星分鼓策牢盆轉輸霧散非仰威稜
之重莫咨詢度之周蓋統之若網在綱故命出其綸
如緯恭惟某官滇海人龍明時殿虎藎點蒼千驪之
啓雋類函卷六十

九

賀長蘆鹽院啓

摘錄

明劉國綰

十年忠綬簡在宸衷一旦恩綸借清驍政曰仁曰義
總非堯舜不陳足國足民因笑孔桑失計自矢奉公
之念日揭青天誰爲言利之臣霜飛白簡

賀崔按院啓

以下巡

明董應舉

伏審某官光奉明綸出都大計東南民力總三
肅均節之間中外輿情爭喜鮮于旆福星之至考官
三等賦粟九邊通天下之咽喉救萬民之疾苦且素
銜于滄水待收績於玄圭坐使瓠子無歌飛芻不帶
利歸軍國安及園陵上尉當饋之至懷立見疇庸之
感事某自惟不佞何幸同方白簡飛霜久注心於嚮
往長江天塹復參會於提衡敬領皇華七棘之章用
展玉節朱軒之贊所祈燕及與彼榮施

賀漕院啓

明喻世卿

啓雋類函卷六十

十

光膺宸命榮領計臺赫奕班聯久仰朝陽之鳳嚴凝
威望茲乘禁路之騶彈壓一方輓帑
之上折衝樽俎之間恭惟某官冰浸玉淵雲崢鐵壁
簪筆侍御勁節動乎當朝攬轡巡行妙籌運於活國
列郡徵輸奉德意豈至竭東南之膏脂萬艘進發遵
定期可來續西北之溫飽威稜遠振國勢愈增風采
素高官僚自肅周原諫度顧何憚於載馳漢殿論思
行有光于三入某夙附年盟今同宦譜謬膺外閫之
雄實接上游之勢足食足兵掌握出庭臣之手我提
我挈皈依切邊吏之心燕賀後矣龍攀亟焉

賀察院啓以下茶馬

明

星曜柏臺散榆輝于草木霜高駢路避馬色于桃花
王綸上出于九重憲節西臨乎百二春生動植氣鍊
山川恭惟某官粹德冲和秉心淵塞桐華挾藻雪團
紫鳳之英龍種標奇水翦蒼鴻之骨雄飛天步凡馬
爲空獨帶國香如茅彙吉桂林則郝詵高第四壯則
子羽行人轡絲布王國之仁英湯正端臺之位畿甸
摘奸于三輔邊郡察吏以六條整是戎兵特嚴茶馬
月團三百麴塵溢于車箱雲錦千群芻粟實于垆野
稽其出入印白綃之斜封選其良才進黃鸝于內廐
卷六十

賀茶馬察院啓

明劉國綰

激揚持簡命之隆威行漢法彈壓總華夷之重風凜
秦關黃閣交歡明良動色恭惟某官鳴陽威鳳應數
祥麟大塊假以文章彩筆作驚風驟雨英雄生而骨
鯁花駟嘶烈日秋霜魂搖當道豺狼望隱在山虎豹
况茶馬事例定自聖祖神宗迺利害機宜關于外戚

內順顧權兼將相每難文武備具之才惟略抱韜鈴
遂觀胡越一家之感仗擁三千虎賁繡斧風生胸臆
百萬龍圖鐵冠氣肅羌戎股栗始知中國之尊奸宄
心寒誰犯朝廷之禁令某鵠行弱質蚊負迂儒仰豪
傑之雄風執鞭有意規瓠瓜之繫食把臂無從敬學
蛙鳴敢申燕賀

賀周茶馬啓

按宋制茶馬有專使不常設官我朝屬之御史故附之御史之後

宋周紫芝

六轡交馳遠播皇華之譽連城登庸共傾按察之威
里俗駭觀士林欣慕竊以陝蜀萬里茶馬兩司飲人
卷六十

資積著之功行地用騁駉之力霜華期火已知利孔
之開駿骨生郊偏覺國威之重千綱載路四種殊毛
土且分催課之征地類有阜蕃之政立爲彞憲委以
行臺必資經濟之才共講富強之計恭惟某官岳神
儲秀星昂降精學窮古今之傳識洞天人之奧少游
壁水富有文章晚入仕塗諳該政術肅將臣節簡在
上心初分撫字之封旋入編修之局幕賓開府都人
誇淑聞之陶竹馬迎郊邊郡重借留之冠宸衷軫念
朝望端歸鮮還銅虎之符召對金鑒之殿永溫曹席
已擁漢軺究詳土物之征監視邊防之用求之有藝

歷趙贊之始謀思則無疆過魯傳之善牧山澤之利盡歸於公府田戎之備不匿於私家稅從什一之輕虜有空資之困錢流地上疏開貨利之源籌運糧中默破羌戎之膽非獨盡利國強兵之術又能申折衝却敵之謀邊師奏功璽書進秩掌開元之四部真東壁之二星將參侍從之聯暫歷圖書之府前有柄用此為要津當三冬兩雪之塗攬一道澄清之轡輜車夙駕故往歡迎衣錦還鄉笑指江山之舊還家上冢光生阡陌之塵凡屬庶民率增抃蹈其曩緣世契獲親下風久懷賀厦之心喜有拜塵之便

啓雋類函卷六十

賀川秦茶馬使啓

宋王邁

遠遣使華總提旣政文昌六部地官昔謂之劇曹武騎萬營天府復專於隆委祿因德詔材與事宜恭惟其官心平而氣和人今而學古公侯子孫之必復固有世臣名義鬼神之難欺實由家學琮璧不雕而自貴鸞和隨動而有聲屹立夔峽之藩籬何翅晉陽之保障儉以足用節而愛人迄轉上聞首膺表選握簡依烏之位內陪從於太微摘茗市駿之司外分節於少府職任昔分而今合事權滋重以不輕一洗空焉古之凡會旋雲錦六經濟三尺之法歸通天顏其苦

懸驚骨復飲慕願王良後造父先亦有驅馳之志汲贖贖竟饒猛恐非採掇之材

賀四川趙茶馬啓

趙爲宗室

宋戴翼

分巴跡之旌旗濫膺守土占益州之分野知有使星欣竊庇之自今愧修辭之已晚恭惟某官風猷凝遠天韻宏深博極群書太乙之藜相照文煥萬丈長庚之夢不虛藉未陳周召之詩書亦宜獻間平之禮樂恬爲丞之再轉甘出守之一麾刻銅虎之符存揚美最護木牛之餉益茂膚公謂宜運海以搏鵬又使摘山而市駿周原之茶騰臘包以緇奮魯垞之馬駢馳

啓雋類函卷六十

古

爛如雲錦豈容黔突行有紫泥某頑頓之資疎鹵於事將指以出濫持天子之節旄無功而還不得月氏之要領敢意冒升於荷橐且令假守於銅梁有如凌競仰荷含度東西之瞻使節僅未賦於旋歸前後之聞清塵尚有餘於同味

回朱茶馬

宋孫應時

奉使一方偶承人乏遐征萬里徒迫上恩靖惟僥冒之繇端識推揚之自伏惟某官珪璋特達天日清明偉略幹時至誠憂國涉山川之悠遠勞符節之威遠舉滿西州人道陽春之有脚名聞中禁上知金玉之

無瑕俾頡摧牧之司極慰戎華之望知財本末必不
增關帑什一之征秉心塞淵自足致駉牝三千之富
少觀奏計入踐通班其怵惕讓恩驅馳遠役未能諳
蜀道之難易豈足係雪山之重輕願推五善之餘以
為三益之助長康達利已聞八國之鄉風同寅協恭
更令百姓之蒙福

格舊類函卷六十

十五

賀張屯院啓

以下
屯田

明

原隰龍鱗萬井藉炊于誥畫天閑雲錦上裏選駿于
繁華惟士飽而馬騰聖朝所由盡制必畝棲而野被
賢達用為先籌恭惟某官匪地噓陽凌霄逸駕宜民
教穡岐豐開樂利之源息馬驅戎汧渭檀驪黃之富
此皆雄邦之成略允為南服之要圖簡畀維新歡呼
罄域多忝多稔依名陸而足儲胥有驕有皇遍郊原
而駢沛艾行見九年餘積陳陳有羨于京坻六旅常
發駟騶未歸于華岳某荆水烟蓑滁陽芻牧遡轍跡
于姬疆曾共周旋之雅迄鞭弭于江左復叨駕乘之

格舊類函卷六十

十六

聯敬佩桓風遙識花駉麗日虔修澗止少旌芹
曝冰心謹上蕪函用祈鼎照

賀屯馬院啓

明徐榛

經邦大政特重兵農保泰嘉猷式先屯牧廟謨置制
恒分職以專司帝命咨賢乃兼才而攝理風生鐵豸
日麗花駉恭惟某官一代文龍兩間威鳳攬轡切澄
清之志正勞攄獻納之忠開憲闔于留都時監巡于
列郡帶弓刀而耕牧良法備合于周官借疆理以經
營戎績克成于召虎江淮皆闢土太倉之積貯維殷
汧渭選空群中國之長驅有技某由群牧以謬臬司

班聯指顧守土疆而詰戎務志喜觀成仰企清光遠
薰芳譽爰申竿牘敬紀紀綱

賀屯馬察院啓

明劉國縉

田係兵農大計須得經文緯武之才而馬政關軍國
訐謔每難出將入相之任特簡碩望廼命兼銜運三
邊虛實于目前坐陋便宜十二識九方驪黃于掌上
謾誇駉牝三千三年九年之積笑外閭高唱量沙如
雲如錦之奇喜中國長驅有技真宗社安危之寄豈
臺臣出入之常

啓雋類函卷六

七

賀江院李新任啓

以下巡江

明褚用章

簡臺霧擁貞百度以佐三台繡斧風嚴控長江而制
千里坎乎効順鯨鯢帖于安瀾巽令更新豺狼屏於
大道喜同百辟歡洽入荒恭惟某官中土人豪千秋
國寶智周天地符籌策於草廬語割洪濛激芳潤于
梁苑東萊謝决早著明允之聲南國激揚益表端疑
之望芳聲傳海外笑比黃河讜論動朝端霜飛白簡
風聲振薦不妨拄笏對西山江海澄清聊復牽帷觀
南服某才慚擊隼補袞職媿無其能識乏埋輪玷清
班實非其分昔一時被命深幸附驥以續貂項兩地
啓雋類函卷六

七

賀章巡江啓

明王應麟

豸府霜高鎖鑰長江千里靜島臺風凜轉輪上國九
年饒異命方申豫鳴罔既恭惟某官濟川舟楫調鼎
鹽梅萬壑呈祥已卜台鉉兆夢千巖毓秀可方象笏
橫庭通籍金闕百里旋符于列宿承恩玉陛四星上
映乎太微自東憲以來六載聞朝陽之鳳迨觀風之
後四方屏當道之狼電掃雷驚威肅東南江不浪山
搖地動氣吞狼福海無波第上下兩江猶股肱一體

再申綸綍兼籍謀猷措心上之經綸保障直通于南
楚運胸中之兵甲提防逕接乎東瀛遠控潯陽壯神
州之右臂坐收淮甸賦天子之中邦中流何慮乎雀
葦未絕鯨鯢之警太倉時資乎餽餉益堅豺虎之歡
是為江南督撫之徵將代興北秉樞之重某才慚邵
杜政乏龔黃尸素朱方自分難逃于計典栽培白下
因知幸免于劣條正當履任之初益切銜恩之念納
污含垢既蒙收錄於門牆掩瑕護疵更望裁成于山
斗

啓雋類函卷六十

九

賀倉院啓 以下巡舍

明徐榛

恭惟剛毅方嚴駿望重嚴廊之毗公忠清直鴻猷表
紳縉之刑陟峻秩于烏臺凜高風于蒼珮廩庾積貯
係宜邦重本之圖粟米供輸關軍國經需之計故管
轄雖總于大農而監臨特隆于執法爰借公輔之重
器暫領支度之弘綱號令動風霆迅屏豺狼之迹威
石撼山斗悉空鼠雀之群中外之饋餉維贏宗社之
元神克固行陳節儉嘉謨共美回天之獨力不對金
錢清問大弘普利之人言某秩列兵司快覩霜飛白
簡神馳憲座嘉看霧徹朱帷陳言不足以宣心瞻賜
詎啻于沐髮

啓雋類函卷六十

十

賀考滿

賀楊侍御考滿啓

福建

明王世懋

虞廷考績咨詢專九德之求漢世得人舉刺重六條之奏惟古法猶存於考功氏而今時莫襲於御史臺彈章則色動星辰行部則威傾山嶽顧批鱗之直罕見而破柱之節艱持苟非全才曷當上考恭惟某官朴忠天植裕議風生心事可質乎神明言動必師於往哲袖中諫草權姦之死骨猶驚柱後惠文間左之隱衷必達駟車西指山鬼潛蹤繡斧東巡海若効職當八閩昂狩之日正三載課成之期蘭臺未實以書

啓雋類函卷六十

主

功銓宰秉公而叙最激烈頒史魚之如矢澄清表孟博之登車既以侈聖天子之有直臣又以彰先大夫之能教子皐囊有耀華衮無前某叨屬文藩欣逢盛事薄言往賀滯南海而莫從不能奮飛望武夷而仰止

賀徐正字按院六年考滿啓

明施德政

九重簡注勅旂常令甲之勲六載賢勞共夙夜惟寅之命仍專駟馭增重鸞翹恭惟某官學咀道真器涵天粹筆端風起立赤幟於危言之朝簡上霜凝披皂囊於逆耳之主既從茲而振節洵吾道之將行聿馳

禁路仙駟侈頌朝陽鳴鳳忠貞既白論諫如丹昔張蘊古之直聲由茲課最難秋梁公之入相自此升階爰資耳目近臣卽典文章巨柄仰韓如斗見黯必冠有光八使之間辟車要秩夙序諸侯之上專席雄班考德載成通國以懌獲觀盛事竊有歡顏托燕賀以抒丹聿新竹帛望龍門而展素佇拜絲綸仰冀崇涵曷勝欣忭

啓雋類函卷六十

主

賀生辰

賀陳按院生辰格

遼東

明張佳胤

伏惟某官望重西臺名高中夏攬轡玄覽之塞邊圉
莫安宣威白簡之霜華夷胥服茲當清肅之日適逢
攬揆之辰五百載而名世生天開景運三千歲而桃
花實仙啓遐齡生忝在東封欣聞初度借醫閭而獻
南山之頌酌遼水以祝東海之詞篚篚是將匍匐未
效仰祈鑒亮豈任寵榮

賀劉直指生辰格

明董應舉

一陽啓泰日景初長三壽作朋歲華斯茂億萬劫共

啓雋類函

卷六十

三

當震旦八千歲以爲春秋恭惟某官抱壽國珍爲瑞
世寶真池暫駐雲間孤隼橫秋洱海遙臨天上一星
作使惟茲暢月正值昌期瑞已叶于雲祥神尤徵于
嶽降繡衣日暖人歌有脚之春皂蓋風高壽衍無疆
之筭某初承陶鑄夙賴帡幪上紫氣于中天戴清輝
于北極依懷徒切尚阻鳬趨祝頌何辭敢稱燕賀伏
惟台炤俯賜有涵

賀姚按院生辰格

三月

明裴應章

佳氣滿函關喜遘降申之日祥光耀南極欣逢上巳
之辰士庶交歡天人協吉恭惟某官望隆柏府忠簡

楓宸柱後惠文百衆望多冠凜凜關西執法三秦驚
象簡稜稜蓋湛恩久浹於蒼生故繁祉永綏於玄昊
惟茲攬轡之暇適值懸弧之辰法星與壽曜同蹕驪
馬偕青牛並駕神仙來西極盤堆瑤沼之桃綺席對
南山酒挹金莖之露某觀茲美盛曷任歡騰悵霜節
之徒瞻愧霞觴之莫捧殷勤西望何緣蓬島之遊敬
托中涓少效華封之祝

賀錢按臺生辰格

二月

明蔡復一

雷在天上正符驄使威稜星輝斗南聿啓鶴僊華
英靈吐氣賓從騰歡恭惟某官昂孕元晶奎呈文秘

啓雋類函

卷六十

五

仁惟山靜含月令之中和直乃乾生奮義圖之大壯
嚴鳥臺而肅憲燦麟綬以流祥玄鳥祠祺瑞分虞佐
弧矢倉庚鳴節欣答女夷鼓歌聞進良退墨之風鷹
潛化眼順養稗安萌之政虹果成文蓋開域恢荆國
六千宜衍年過真靈五百雪消江長依然方至之川
雲白峯青卽是長生之嶽况賀真佛之出世初逢老
子之臨關桃信傳來新浮柏署霞旌拂處兼映海籌
在湘澤且與榮施矧班行尤誇盛事某遙深踴躍莫
遂趨踰候美初蠶占扶桑之結繭辰嘉獻種詠后稷
之來牟敢贊生申之詩以光賚弼之史伏惟莫荆衡

而永固共頌沙淺蓬萊翊辰極以全昌更瞻石巖

賀錢按臺生辰啓

明蔡復一

荆候于卯占玉衡東指之辰壽見乎丁應蒼震平分
之會太微垂象南極呈祥恭惟某官道妙成純陽和
育命雷電交發壯草木以怒生雨露方濡感鷹鳩而
默化巡功之歲既復生德之月重臨使外絳騶寒辟
神羊之影懷中玉燕暖迎玄鳥之祿宿夜軫以芒輝
峯衡莫麗日曉箕而風暢江漢澄清維此張楚之有
人孰非監周之自昔蒼靈通聖允爲祚國之冊松栢
流膏卽是駐齡之藥蓋紀冥靈之長茂未若五百逢
格舊類函卷六十

三五

年而撫桃樹之始華又將三千待實矣某揚颺明庶
欣聽女夷之歌作誦熾昌欲擊幽人之鼓遙瞻黃鶴
敢介青鸞伏惟佐四目之天光使聖人壽培九州之
元氣見士女休卷阿君臣會當嗣音於周鳳司隸父
子詎止引世於鮑駘

賀按院誕辰啓

江北

明張鳴鶚

聖主凝和嵩岱效靈而毓秀真才保治甫申應運以
懸弧南極呈祥東華衍曆賓寮畢集淮海騰歡恭惟
某官鼎孕真精奎呈文秘五百會逢名世今得傳人
三千等列諸仙將追芳躅允協帝心之齊鴈雅承道

脉之傳燈道德著經已識東來之紫氣龍蛇起陸何
須上品之丹砂某謬詰戎兵肅瞻台斗值此殊慶莫
克躬趨借階墀而就日傾心切斗仰之私獻篚筐以
稱綈引頌效嵩呼之祝伏願壽身壽家而壽國膚功
並海岱以無疆希賢希聖以希天雅道共乾坤而不
朽喜陳燕賀聊藉鴻庥

賀侍御岱陽方公生辰啓

明王在晉

金鼎調元上壽值履端之始玉衡轉曆長生開泰道
之平天篤至人日隆嘉祐喜華辰之且屆効眉祝之
同詞恭惟某官盛世祥麟清朝威鳳生靈受庇和德
格舊類函卷六十

三五

洽而長年山嶽儲精間氣鍾而不老十二萬爲元會
常看暈兔如綸八千歲爲春秋會觀靈椿獨茂長庚
照夜光芒燭牛斗之墟太族迎和初度屆元宵之後
祥光生綺席瓊尊聯鰲市之輝佳氣滿蓬萊珠鶴廻
春盤之舞切某是趨未遂何從堂下稱觴燕賀少仲
僅學堦前獻頌但願南山酒進長如世上岡陵共期
東海籌添幾度人間花甲阜安民物福隨川至日升
燮理陰陽歲效天長地久敬修三祝敢致一片伏願
炤函曷任感載

賀何按院生辰啓

福建

明陸志學

海國春濃南極光懸八表雲霄瑞謁法星高傍三台
蓋弧矢之旦載臨而冠裳之慶斯集天錫難老人願
長生恭惟某官玉闕儲英璇穹錫美握雙峯於掌上
並峙泰衡吞五雲於胸中泝流洙泗文章通三昧曾
誇彤管雄鋒學術衍九流不數青箱盈軸雅懷備四
時之元氣德量凌萬頃之清波望之儼而卽之溫威
儀定命柔不茹而剛不吐經緯爲章頃樹幟于皇華
旋飄縷乎臺省恭膺簡命代狩名藩風霜肅肅閨中
兼垂雨露鸞鳳蜚蜚天表何論鷹鷂登萬彙于春臺
開八荒之壽域維茲初度實叶佳辰西海籌增蓬島

卷六十

主

靈椿長秀東華駐筭堯階仙筵通靈凡屬忝蒙咸欣
舞蹈如某猥以鴛鴦仰藉鴻床慶下焦桐自甘永棄
溝中斷木幸際甄收涓滴知源鑄銘在念因綏麟而
降誕效龍鵠以祈年伏願宸眷益新崇禧並集由服
豸而蟠繡麟昭受天祿以宜民登鳳閣以近龍光翊
贊明時而壽國可勝祝頌罔既敷宣

賀侍御生辰啓

明連繼芳

天開於泰正君臣喜起之時人生於寅得乾坤清淑
之氣驄譁桓典雀祝華卿恭惟某官天上石麟雲中
金馬代一人以巡狩佐萬曆以紀年麟披綬而來黼

座補九重之袞烏銜花而至柏葉結千歲之桃法星
與南極同明瑞氣共朝霞並郁皎陰靈以光霽此間
有無限大年暢動植於陽和何處更永須難老斯便
朱顏之注妙藥何殊紫芝之服崑崙

賀侍御喬公生辰啓

十一月

明林繼志

南極照中臺天上啓一陽之節西江臨北斗人間瞻
六矢之辰烏府春融鵷聯慶溢恭惟某官鴈門毓秀
龍首鍾祥蚤吐鳳於池頭彩雲如扶日轂載乘駟於
江右膏雨若傍風裁百城受福於周咨萬姓均歡乎
夏諺茲惟建子適對華辰值繡線之方增籌添北海

卷六十

主

會袞衣之繫戀酒近南山霞液浮尊快觀鯨吞鰲吸
雲敷度曲何妨鳳舞龍吟某側奉經綸久承台斗龍
沙八百欣瞻仙籍之名鵬水三千竊附神遊之末敬
緘詞而燕賀敢贊喜於龍光伏願忠貞日結於主知
黑頭公相福祉永申於帝錫陸地神仙

賀屯院劉公生辰啓

明趙世顯

高秋騰爽欣當獻誕之辰南極呈輝特照宣猷之始
觀方新之屯政僉云充國討謨憶夙昔之度支咸仰
狄公偉略鍾英泰岱固當膺戡穀以無疆宣力天朝
益擬保太和於有永敬移春酒用慶秋筵道隔潯洋

錐難遽追乎珠履光連牛斗庶幾俯竭乎丹忱伏願
和氣和形壽民壽國衮職誰爭補近有望於更生軍
儲不乏供遠實超乎劉溉

賀按院任公生辰啓

湖廣

明曾光魯

恭惟某官秀毓堯封文標禹跡當立朝而正色聲著
螭坳洎攬轡而澄清化行江漢壽吾君壽吾國台禧
聚柏府之間生萬物生萬民瑞氣在烏臺之上青驄
日永八千歲以爲春素簡花迎五百年有名世允矣
慶彌三楚誠哉喜動九重者也某竊叨屬轄之司幸
際懸弧之日第一方匏繫末效鳬飛而百結片私祇
啓雋類函卷六十

九

塵燕賀萬冀俯垂炤納仰藉榮光

附賀侍御封君

附賀劉按院封君七袞啓

明曹大同

衡嶽儲靈屬壽域弘開之會歲星啓耀協碩人降誕
之祥色爛煙霞慶敷淮海恭惟某官天真夷曠斗望
高華託興商山鶴髮歌紫芝之曲蜚英楚甸鯉庭來
朱綬之榮惟脫敝屣於雲浮肆膺福履於天錫香颺
薦爽映弧矢於瞻輝瑞氣歡騰煥爛於牙繡駐景
龍泉之上怡神鵲嶺之巔七十椿齡華筵勝事三千
桃實玄圃靈標是誠自古稱稀矣但于今爲烈懸知
仙臺授訣露和玉屑於銅盤已見蚌穴吐奇月射珠
啓雋類函卷六十

辛

光於貝闕盪滌東南之穢挽回瀛海之春繡節金符
永清歡於膝下霞觴羽蓋御真氣於目前期台階膺
八座之封軼香山誇九老之宴遠托重雲之庇賀燕
榮弘載陳下里之詞稱兕獻祝

賀生子

賀雷侍御生子啓

明馬朴

緬維熊羆協瑞麟鳳呈祥徵天上之香蘭結海中之仙果一壺壽朱老笑應咏於掀鬚萬事足蘇公喜可知於見面矢弧懸戶歡洽今朝車馬充間慶占他日某恭聞樂事果知生玉之不虛亟花慶寧計弄璋之有錯嗣容躬賀先代面陳

啓雋類函卷六十一

子終

啓雋近體卷六十一

類函七十二

東吳俞安期羨長彙編

上饒王嗣經曰常同輯

建武鄧漢遠遊訂定

侍御部三

賀元旦 回答附

賀按院元旦啓

明李多見

臘盡星回偉績與歲功而俱滿春來日煦祥祺偕元會而復躋揚芬已決于瓜期布惠尤加于棠蔭慣識東風之面謁若太和暫紓下國之心洋然胥慶矧權吏附韶華末耀暨行商蒙淑景餘庥感溢尋常歡騰什倍辛盤恭獻聊供飲栢之資蕪牘冒呈略致頌椒之悃容啓闕以迎紫氣重聆緒教于盍簪佇還闕而聽形騶更紆襟懷于判袂

賀按院元旦啓

明葉向高

青陽肇歲熙辰方會于三朝驄馬行春渥澤漸流于一路先自葉榆而動色且沿栢棟以傳聲不假放生東部遙迎淑景何煩襍厲西陲早闢妖氛凡茲闔省之蒙庥皆本尊臺之歛福某幸逢上日恭挹下風對階栢而銜杯難隨飲栢懷院椒以試筆擬效頌椒恭選微員專賁短疏仰贊道亨之喜俯攄心服之誠至

敬無文惟披悃素太和有象豈止澄清願伸謙論以
徹重閣白獸樽首膺寵錫祈協訏謨而躋九列黃鍾
律旋賴均調

賀按院元旦啓

明舒曰敬

龍飛紀十七載之元春迴斗北多憲視千萬人之福
慶集孟陬下邑歡騰木員并舞恭惟某官德洽春融
氣排冬凜持斧嶺嶠之北節屆迎年乘輶章貢之南
民歌樂歲陽三惟泰福萬斯同百卉萌芳觀青驄而
獻秀五雲沄瑞映繡服以披華睠此洪庥茂臨上日
風和柏府羣僚酣布序之仁律轉蘭臺萬戶醉調元
啓雋類函卷六十一

之化某霓霄在望雨露莫酬泰谷晴暉嗟借鄒生之
律荒郊春盎欣祈太皞之天遙薦辛盤俯申葵悃伏
願譽隆六察翊周曆以無疆禧迓六符埒夏時于永
賀王按院元旦啓

明諸葛昇代

斗指東而天下春鳥府先盈淑氣房見南而域中壽
聽階倍迓祥光得三侍以初違跂四巡而遙賀恭惟
某官文章金馬威望神羊光然乙夜之藜圖書掩映
翠挺法臺之柏繡斧昂藏埋輪電迅于上堦簪筆霜
瞻于列郡茲者已爲幹酉爲支妙合土金之德卯逢
春子逢獻齊新璇玉之躔有道靈長元公戡福某質

慚魯朴恩荷栽培追隨頗厚天緣供給還疎地主青
鳥之司在格惟賢使以多膺白獸之尊若存非直臣
而何錫是用效鵬言于上日馳鄙悃于下風椒釀水
神勉進新禧之頌連城道弗幸寬舊吏之愆

回方鍾岳賀年啓

明周思敬

春臨穀旦一元開首泰之祥氣轉鴻鈞百福荷維新
之慶陽回柏府喜族椒盤恭惟某官風紀徽猷台衡
偉望掀天揭地烟霜威而峻節崢嶸榮緯武經文食陽
和而元氣煦育履茲端月益迓禎祥春色映桃符預
兆紫泥飛錫歡聲騰爆竹喜看繡斧煒煌某幸倚福
啓雋類函卷六十一

躔遙瞻台曜方申微悃輒修豐儀啓函而珠璣在握
奚堪華袞之褒拜命而筐篚臨門如飲江河之潤敢
稽首以登領謹修詞而告虔伏冀慈涵俯垂崇鑒
賀王按院元旦啓

江北

明徐榛

青帝乘乾萬物荷履端之會紫宸頒曆九霄開始旦
之光屬陽德之亨嘉淑氣與韶華並麗仰使星之炯
耀天時與人事從新大簇管開暖律起千林之喜鴻
鈞氣轉卿雲騰五色之輝競彩勝以宜春進椒觴而
頌壽淮南草木欣欣向雨露之榮轡右旌旄躍躍動
龍蛇之色九堦洽慶八表騰歡某職廁司藩時臨獻

歲仰瞻台範恭祝新禧斗柄東而天下春民用躋于
仁壽之域玉燭調而四時順位旋登于燮理之班

賀史按院年啓

湖廣

明蔡復一

法曜宿懸於秦鏡條風新轉于楚蘭惟下走忘寒盡
之年驛驛華隰乃上台得陽回之歲煜煜魁垣候際
泰以方昌比藉春而伊始恭惟某官魏標太乙高臨
巨靈日兼夏冬四時之氣已備星織雲錦九州之被
有餘漱其濁澄其清范孟博有天下之志招不來麾
不去汲長孺幾社稷之臣六條觀風三湘動色廣誠
訪於南國令江漢兮安流明若否於百僚孰贊衡之
懿舊類函卷六十一

四

混植祀吏解綬避行驄之威赫叟扶筇觀玄象之化
杲腸升而群陰伏熾息貂璫斗柄指則六合暄膏濡
鴈宅專城獲申於強項納溝立起於察眉凡此戴日
之恩暉孰非回天之造化仙裳換曆祥雲遙覆習池
直草秀堦佳氣平臨襄陽聖人必壽紀四十歌
天保之升恒而有名世其間占九三受王明之介福
某寒蟲墜戶拙鳥編茗登門若龍敢援榜下之接武
上殿如虎翹瞻柱後之逾尊黃白駐齡併舐鑪邊之
雞犬丹青畫象終期閣上之麒麟

賀按院元旦啓

湖廣

明劉純仁

蒼精啓節冲氣翕乎九垓青鳥司晨融風播于四野
遠邇生色士庶騰歡恭惟某官盛世羽儀南州冠冕
昂昂獨持三尺電發霜飛炯炯自抱一心天開日朗
神羊東指江漢六袞潛消威鳳西瞻鄧襄百妖預伏
如幾如式履端之慶方新無疆無期申命之休方熾
某徒懷鑄鳥未遂貢花謹修八行之誠萬年是祝恭
賀四始之會五福欣瞻

賀秦按院正啓

山西

明蔡拱日代

鴻鈞律轉玉紀肇泰道之亨多黼光廻璿式邁乾和
之運際王春之四序祥啓蘭除標靈寶之五符功融
啓舊類函卷六十一

五

柏葉慶從上日祐應昌辰恭惟某官秉嶽瀆之純靈
蘊清寧之冲氣詞條韓鳳揆藻瓊林筆海雕龍標符
瑞代揚孤稜于鐵柱吐忱慷于銅螭質化昆吾之金
堅貞百鍊器同會稽之竹直幹千尋烈烈方書聳三
臺而執法稜稜直指繩八座以揚聲乃者馮鷺軾以
揮旌攬三晉之禹甸御龍章而行部歷八汭之秦封
蒼珮風生長屏城狐社鼠之氣白簡霜肅一清隼壖
鶴之蹤張文紀之風裁威高石室桓公雅之亢亮
望總文冠投水陳謨允茂騰于烏府霑沙作輔宜簡
篤于鸞局茲者旋宮運周叶義衡之肇建歲躔啓祚

際堯曆之更新仙蓂夜茁于瓊階光分藻壁珍雀朝
翻于芝館彩映雕雲霞茂對于昌辰宜大來于昊貺
其備員鯁服屬籍鴻勳燕蠟鷄絲虛傳洛陽之獻松
醴桃散愧乏月令之樽禮實阻于青盤神徒結于白
獸伏願揚絳騶之馭標紀瓊臺調赤鳳之笳焚和珍
鼎婉變七統三辰之會瞻望輿以揚徽雍揖五丞九
列之羣軼夔龍而邇采

賀按院元旦啓

山西

明曹如川

運轉鴻樞當十六載維新之會祥凝烏府應五百年
名世之期德協東皇名高北斗恭惟某官乾坤正氣
啓雋類函卷六十一

六

宇宙太和埋輪而邁漢史之風裁人稱鐵面攬轡而
按晉陽之天府聲達玉關正直以象太微到處霜凝
臺柏忠厚以敦大體九重日醉仙桃光景無邊陽春
有脚蓋氣開闔闔惟正月則繫於春王而帝重紀綱
惟直指則稱乎天狩其仰瞻喬嶽雖缺登龍濫列法
垣謬叨附驥當此璇衡之日寧無瓊報之私敬暴片
衷用充椒酒

賀按院元旦啓

陝西

明劉中立

朔頒人統序屬王正符換新桃驚寒光之欲歛樽浮
仙柏喜煖色之初回春滿人寰祥歸台座恭惟某官

德堪名世材足匡時冠鐵柱奏皂囊扶乾坤之正氣
侍玉墀簪白筆生臺閣之清風推轂中朝登車西土
霜威俶布即看寮案肅清露澤肇流頓見商民鼓舞
况此鳳曆更端之候尤爲烏府增慶之辰某北斗夙
欽南薰幸被適臨寅月慚椒頌之未陳祗獻辛盤期
芹誠之少達伏願功隨春茂祉與日增金勝銀幡早
奏漢朝之元會朱顏綠鬢直躋彭老之遐齡

賀李按院正啓

陝西

明舒曰敬

玉燭調年萬化布履端之序鴻鈞播物九天開出震
之符茂對昌時具膺元祉當年扈聖五更趨鴈鷺之
啓雋類函卷六十一

七

班此日瞻天萬里拜蓬萊之闕花明玉豸宛陪仙仗
以躊躇香繞繡衣遙帶金鑪之郁郁合西方而獻歲
卿雲煥五色之祥舉全陝以同春暖律起千林之喜
敬逢履始恭祝永年仰羨弘猷垂蒼鼎而並遐齡之
茂遙看新命持紫杓而調元氣之和

賀按院元旦啓

蜀中

明周光鎬

歲司玄默誕開有傲之祥令啓青陽茂對無疆之祐
庶僚胥慶萬彙咸新恭惟某官道契熙和心涵乾始
撫辰凝績清朝之耳目維明贊化成能泰清之機衡
在握珥殿中之白筆一時陽長陰消境內之膏露

四蜀風翔令肅際茲獻歲爰集祥符某夙仰宗型猥承末馭乃跡滯于鳥獸歌猶之域惟心馳于鳬越燕賀之班祇承禁例以逡巡莫遂趨踰而拜舞伏願陽禧增茂帝眷彌崇采納日獻于楓宸經綸丕昭于闕

賀汪察院元旦啓

廣東

明李自芳

柏府天廻值三元之淑氣薇垣宿轉騰萬室之歡聲暖入冰霜光生草木恭惟某官德鍾元氣挺秀質於三巴才富春陽蜚英聲於九有早視金鑾之草列鳳閣之清司載班玉陛之麻膺烏臺之重寄肅旌旗於炎海衮衣快覩東人貞法紀於太微繡斧宣威南國啓雋類函卷六十一

望風聲而群姦歛迹仰德音而庶吏滌心烈日轟霆允作十洲之範和風甘雨頓回五嶺之春某職忝下僚政慚上理月懸熊軾方深蚊負之憂風拂多冠曷已燕欣之慶椒花獻頌慚無謏以無能柏葉稱觴愧趨踰之靡及是用三薰上牘百拜達忱身既隨出谷之鶯情不啻鳴春之鳥伏願恩覃大造豈嶺表獨圍春臺德播太和舉域中咸歸化日位及贊調之盛功宏燮理之隆

賀孫按臺元旦啓

雲南

明唐文燦

驄轡初移淑景早迎驛騎繡裳暫駐晴光交遶臺鳥

諒尊候必應節而凝和占吉符方隨時而進盛滇雲之居稍近良慰懷瞻元日之晷漸長足伸深愛况氛清境靜西陲無返顧之虞適運泰年豐上國有胥匡之慶仰法殿樽闌白獸奚事抗言憶高門盤滿青絲正須調膳在今陽春艷麗錦衣既結伴以還鄉過此夕夏溫涼扇被更趨承而問寢陟岵之餘嗟全釋循陔之逸響復賡介壽椿庭發祥蘭砌某遊同浮梗慚鷄肋之未相退似觸藩羨鴻儀之難及聊投箋以將賀惘畧試筆而致頌言尚存戀闕之素懷對嚴君不忘明主旋捧起家之丹詔成孝子兼作蓋臣

啓雋類函卷六十一

九

賀顏按院正啓

巡鹽

明諸葛昇

神功煥發三微開首作之辰偉績澄清萬象躋履端之候四十載深仁厚澤躬逢日月重熙五百年主聖臣賢際洽地天交泰齋心布頌稽首鸞言恭惟某官秀鬱孤山靈鍾嶽峙初魁鳳省屹爲泰岱儒宗旋晉烏臺挺立嚴廊柱史鐵爲冠者三尺繡作斧有千尋白簡霜凝貴戚泥樓而相避絳騶日霽賢能盈缶以承流澤中徵鴻鴈之歌道上絕豺狼之警所以綠波青草迷樓春燠於百城抑亦白璧銀濤鹽井煙清於萬竈星沈貫索謐寧淮海之氛妖路闢由庚邕達東

南之和氣條風始播與物爲春穀旦方頒望公如歲
某職司輪轡心戀門牆天上雲霞沐清輝之已久江
邊梅柳迎淑氣而尤先緣申椒頌之忱敬瀝葵傾之
悃伏冀調和元鼎首斟白獸之樽廣贊計謨獨唱黃
鍾之律

賀俞江院元旦啓

明趙世顯

貞元會以生春地天交而成泰江臯徹徹颺幡勝以
迎新柱下風清薦辛盤而迓祉宣皇仁布皇澤盎然
有脚陽春貞百度肅百僚皎矣無私化日軍容整肅
由畿南以達江北貔虎稱雄紀律嚴明自牛渚以迄

啓雋類函卷六十一

十

馬當鯨鯢永息末屬時叨煦育寒谷特藉吹噓栢葉
方傳益馳神於栢暑台光在望遙布悃於台階

賀彭屯院元旦啓

明趙世顯

泰運啓三陽柳營欣洽和風回萬象草野騰歡蓋屯
戍方慶乎西成乃斗杓倏回而東指條風播阡陌千
戈戢而未耜旋興和氣溢田疇雨露施而風霜有制
長羨留屯之策仍占大有之年士有積倉軍無凍餒
致兵農以咸裕洵文武之兼資詎直相土之宜允紆
祈穀之念終則有始方見王春以度玉墀賞以酌功
卽看卿月而升金掌亟欲罄賀忱于烏府其如羈職

守于鯨波結契尚遙臨臧增懋

回山西鹽院賀元旦啓

明劉國綽

造化無私纔放陽回天上勾芒有信已催春到人間
舊餞寒梅新迎暖律恭惟某官德配陰陽化成安阜
晴光爛熳梧桐孤鳳聲和淑氣氤氲斗雙龍影動
桓驄雲滿江筆花生釀臺柏而爲醪堪醉碧桃春色
剪綵霞而作勝欲闌紅杏枝頭當軍民稱慶之時正
福祿駢臻之日區區芹曝躬獻未能馥馥屠蘇遠承
來惠却之則吾豈敢拜之適以增慚遙睇韓雲祗殷
神往特因遽使肅布謝私

啓雋類函卷六十一

十

賀端陽

回王懷泉直指端陽啓

明萬世德

風塵是競已移星火之期琬琰忽頒特賀天中之賜
光分上國寵溢介藩恭惟某官爲時紀綱作民師表
豐文明之化雖三韓之景物同熙敷昭揭之猷卽八
道之風光共茂未遑貢縷先奉泛蒲拜手開函捫心
解棕靈絲在佩應憐戎馬之羈栖仙艾懸門却喜葵
臬之沾沃敬裁小啓祇謝長懷尚欲避兵如捧赤符
而受貺敢言續命聊將綵贈以分榮不盡願言薄申
銜悃

啓雋類函卷六十一

十三

賀中秋 同答附

賀按院中秋啓

明蔡復一

王風薦爽美秋色之分秋卿月揚輝占夜郎之不夜
對銀河而望遠托皓魄以陳詞恭惟某官鏡發天光
矩爲民極灑清霜而肅物繁露著披澄止水以照人
寒空共朗貴山富水一片都入冰壺蜀岫楚雲千里
平分玉燭欣惟勝事屬此良宵光礪蟾輪全收大地
關河之影清標兔杵散作萬戶搗衣之聲大臣遠不
忘君念瓊樓之先冷賢者樂偕與衆陶韶屋以忘愁
宜搔首以問青天兼開筵而邀白帝幔張九曲不減
啓雋類函卷六十一

十三

賀按院場中秋啓

明董應舉

秋色方中月華正吐九霄宮殿獨騰天香萬里山河
渾成片玉庾公之興不淺魏王之樂具陳矧在衡鑑
之堂上接神仙之府中天孤照同心鏡以交輝徧地

紅光附法星而取耀直在廣靈高處坐塵埋下界三千試向玉笛靜中聽譜作上清一曲欣逢賞勝薄進微觴貝闕珠宮想容光之必照金盤玉屑知臭味之非遙

回鹽院曾惠中秋啓

山西

明劉國縉

蟾光瀉澹爽分萬頃水壺挂影涵虛冷浸一天秋碧豪增騷客興發山陰恭惟某官和羹有具執法無私六月應已霜寒一年又是秋半銀河清淺知君五蘊皆空玉魄玲瓏對飲三人共酌夜色迢迢似水胸中洗千斛明珠曠襟灑灑無塵筆陣瀉半江澄練試問

啓雋類函

卷六十一

七

嫦娥何處羨白雪詩酒才情笑看鳥鵲驚飛想赤壁風流人物百杯未偕琥珀千里徒共嬋娟正愧魚書撲檄未將鄙意迺雁鴈帛嘹唳直下卿雲一時披讀瑤華身世在寒潭秋水九頓登嘉明賜夢魂飛白露蒼葭敬因遽使而裁函敢向蘭臺而鳴謝伏惟慈亮曷旣瞻依

重陽

回山西曾鹽院望陽啓

明劉國縉

金風氣爽商聲繞到三三玉露秋深陽敷正逢九九杯呼鸚鵡興寄兼葭恭惟某官三秋皓月一碧寒潭事業看調鼎和羹鹽梅望重才情飛落霞孤鶩詩酒名高揮毫不作楚愁片語堪輕越壁疎狂吟弄見誇白雪人豪點綴江山又是紫萸節令心遠東籬處士帽吹西晉參軍曠達無雙風流第一念某恭辱班行雅慚同調望雲恐懼心偕白鴈齊飛向日焦勞人與黃花俱瘦佳景每從忙過菊觴未得躬稱迺荷隆施

啓雋類函

卷六十一

十五

何當獎惜開函披讀驚花雨之自天拜命登嘉覺王臣之無地敬托管城而鳴謝敢因遽使以致詞

賀冬至 回啓附

賀顏按院冬至啓

明諸葛昇

子建周郊鳳簫應六雄之律辛書魯觀多臺懸百祿
之適歡際剛辰敬陳善頌恭惟其官清凌水時和煦
緹溫功名陋管晏之卑道脉接孔顏之正哉冠執法
皂囊霜徹於螭吻持斧巡方白簡風生於麟甸醫國
書懸肘後澤中鴻鴈徹歌照人鏡鑄胸間道上豺狼
屏迹允矣宅生靈之命復其見天地之心睠惟紋線
添長轉覺繡衣增耀梅含山意欲催妙手調羹柳展
岸容趣入新堤穩步福隨剛長道與日南其備險風
啓雋類函卷六十一

賀按院冬至啓

明徐榛

道啓元陽令節來迎長之候景開南陸嘉休協助順
之辰弘包納于羣生已擴收藏之府露好生之一念
式符天地之心錦胸益線文章增黼黻之華玄竅吹
霞粹白浩塵紛之俗紀綱載振與關閉而同嚴福社
駢臻共靈莫而並秀陽從道長開太平有象之階化
與時亨綿國祚靈長之曆其忠慚逐日學愧通時曝

大地之餘暄負背胡能以獻臆聆委衡之沸壤陳言
聊代以鳴哀仰冀春涵俯垂霽照

賀按院冬至啓 江西

明林繼志

一陽來復小春見天地之心萬彙昭蘇大地際貞元
之會曜靈南至春亞東皇恭惟其官一代元臣兩間
正氣翕仁風於大江而右盡回黍谷之寒許元化於
北斗以南忽轉葭灰之律茲者日循南陸月始黃鐘
喜延禧納福之期素知人安民之績青將舒柳祥光
彌護於彤騶紅欲放梅瑞氣鬱葱於節繡爰裁福宮
敬賀佳辰添宮中五繡之紋看茲轉日帶江南一夜
啓雋類函卷六十一

賀彭屯院冬至啓

明趙世顯

亞歲迎祥功作乍停于千畝履長納慶歡聲條動乎
三軍充國之石畫人所共欽武侯之神筭世罕厥儔
紆臺觀象知屢歎將轉而豐登丹筆詳刑喜多暴率
歸於良善五紋添弱線何如補助兼修六管動飛灰
尚冀吹噓遠及敬將下悃遙布台垣忱切輸芹惟願
鑒茲翼翼儀慚獻履更祈宥厥多

賀俞江院冬至啓

明趙世顯

柔嘉迎時見貞元之靡息芳芸應節喜雲物之尤奇

繡齊肅風霜儼威稜于柱下黃鍾回暖律望淑氣于江臯虎旅千羣漸覺春生挾纘舟師百隊俄看喜溢投醪矧厠下寮尤懷仰祝繡紋且續祈新社與畧而俱長偉畧宏敷卜寵褒如川之洊至

回鹽院賀冬至啓

明劉國綰

六管迎祥彩線初增補袞一陽協順花驄已踏先春來復見天地之心調和際鹽梅之會情殷曝背喜劇屢長泰道新開知丹穴鳴陽威鳳才名蚤重想清時應數神龍化共春亨禧隨道長物歸玄竅歲寒高松柏之操氣動黃鍾墨海起雲霞之爛正一陽始廻之啓雋類函卷六十一

十八

日尤百祿適荷之時方期展賀未遑廻辱瑤華先及廻環錯落驚顆顆之明珠再拜登嘉下淫淫之惶汗敬因遽使先致謝私不盡縷悰尚圖顯布

上

上殿院韋侍御啓

唐顧雲

某聞干時妄動君子不爲小智大謀兵家所忌進憂狂狷退耻敗亡詳觀躁靜之機爰契軍戎之事聊因牋簡假喻師徒冀殷氏之函用代秦庭之泣某名同膠柱用等鉛刀不思量力而行竊欲爭鋒而進洎焚舟學海決戰名場衷甲不堅心城匪固兩經先榜但潰楚師再犯終場亦班齊騎雄鋒缺落銳志消磨執金鼓以無因送降旗而不暇李陵矢盡項籍兵窮歸漢懷慙還吳失計所以重噓懦氣再奮空拳欲罷

啓雋類函卷六十一

十九

不能旣蘇復上將欲戒嚴文陣蹂躪議圖贖孟明奔命之臺雪曹沫敗軍之辱而我師甚寡彼敵尚強未暇爭衡空憂失律持疑不進掉鞅難前先懷納欵之誠欲有乙師之志伏以某官身弓落鴈心劍刺犀儒園中軍翰林盟主揮五色筆爲諸侯師出奇於文苑之中二南銜璧決勝於粉闥之內七子輿棺儼蒙益以奇兵濟之餘勇旁麾義櫓遠借雲梯使武庫戈矛皆爲我旅文山草木盡作王師苟無必勝之功其受後期之責塵免清聽伏積憂惶

上陸侍御啓

唐顧雲

某聞河南器賈本爲能文紀北推袁曾因善賦或以
年將弱冠或以才越衆流繇是援自後生賓諸前席
高擅洛陽之價雄專倚馬之名故能爲文苑之美譚
作儒家之盛觀若某年將逾誼才不及宏論乏過秦
詩殊詠史徒修通刺莫偶深知加以故國三千青霄
九萬但抱羈離之苦累無騫翥之期陶元亮之揮毫
只思歸去庾子山之染翰空有悲哀近者不自揣量
輒懷狂狷累緘已唱來叩郢門螢近燭龍敢言芒耀
鷄親威鳳方耻羽儀近自朋遊竊聆風旨每承談論
常借丹青免貽覆瓿之譏叨枉擲金之譽此皆情深
啓傳類函卷六十一

誘掖意在維持迂洛下之名華徑客攀附記吳中之
氏族常在接聯令申孔李之交許入原嘗之舍且知
逢晏子屈則宜伸媒遇蹇修醜而思嫁所以更傾幽
抱來訴融襟宋玉雄風必加吹照謝莊明月終借光
輝獲居七士之間便是百生之忝于犯清聽伏積憂
惶

上學院啓

明徐榛

道啓昌期萬里愜風雲之會帝隆文治九重容樸械
之賢樹物表之型模動區中之踴躍恭惟某官天中
歸望斗北駿名振藻語于詞峯丹青絢采探驪珠於
藝海碧漢揚清爰稽昭代之羽儀來作斯文之領袖
命造化於毫端衮鉞無心寵辱握星辰于掌上玄黃
隨手升沈之玉之石析毫芒於色澤之餘爲驟爲駘
相神機於牝牡之外章縫溢喜組紱分榮某本一介
凡材叨備五兵末屬昔景台光覲沾濡乎化雨近承
曜庇思厭飫于恩河遙覩前旌莫躬簪擁抵申竿牘
啓傳類函卷六十一

聊代爰驅

上王按院啓

明蘇濬

應龍浴鷺各自適於飛潛玄鶴孤鳬總何嫌於脩短
故金馬之客昂首而步青雲而山澤之癯怡神而棲
玄牝陶冶之間已定弛張之際何心恭惟某官直方
以大經緯爲章指撝而山魁潛消雷動蘆笙之響呼
吸而越裳率服風清銅柱之鄉野老扶杖而往觀鍾
銘拭目而可俟况宇內多故方賴調劑而輿情所歸
尤賢夢卜某履基已壞豐蔀自藏道至老而無聞力
將行而益蹶如負且乘反招自致之災維鵜在梁曷

辭彼其之誚更以柔榆之將暮遂致瘡癘之交侵魑魅窺人雖幸避於九死風波滿眼亦且厭其餘生沐雨餐霜敢希伏檻之驢激流枕石甘同曳尾之龜茲者萬里長驅二毛可憫膏肓益深於歲月筋力已倦於湖山白首歸來猶覺愧衾影蒼鬢作伴不妨呼馬呼牛每望門墻如同陵谷浮生無幾何事北山之移片息尚存且聽南薰之曲

上姚按院啓

考滿

明許以忠

恭惟其官秀鍾構李望壓姚崇舉動光明胸皎臺山之秋月文章黼黻毫翻震澤之春濤承席前召對之

卷六十一

三

恩拜柱後惠文之命白筆撐乾坤而旋轉萬機賴以調停皂纓包日月以披宣百職因而糾正九重不負耳目之託四海咸沾膏澤之施鑄金鼎以察奸風已生于臺閣秉玉衡而齊政日即踐乎台階某一介楚狂半生孟浪天中司鐸寒氈蒙响喚之多都下陳書逆旅藉帟幪之厚歸理牧芻而旁午闕修剡牘以上申正厘訟皇之衷漫值考成之際愧冊中無善狀循良未著于一方喜大上有故人諱讓或逃于三禡至若親闈田舍詎敢徵榮寵于絲綸第思民社榛蕪尚欲効劬勞于歲月此下情之激切惟上鑒而優容

上譚柱史啓

明劉九光

粵省赤城風播牛刀之譽朝端白簡共瞻豸服之榮百職之舉動攸司一人之耳目是寄恭惟其官秀鍾於海才展明時臺閣風生集群鳥于憲府殿廷雷動鳴孤鳳于高岡乘駿馬而山嶽搖動望鐵冠而貂璫震攝揚清激濁宋室之唐趙何加宅揆持衡舜廷之夔龍有待其斗筭米器樽櫟賤才祿竊杏壇愧優游千歲月誼叨粉里藉覆育于陽春僭獻蕪詞代申芹意雲緘肅五嶺之地情同兔穎交馳風采想萬里之天心與鴻飛共往乞垂恩宥容報德私

卷六十一

三

上舉主况侍御啓

明龍時雍

丹墀霧徹扶日月以重光白簡霜飛整紀綱而愈刻輝騰柱下風凜殿中恭惟其官玉璽名家璇宮哲匠循良奏績十奇爭羨於南宮綸綍宣恩六察式資於北闕朱衣揚憲各風清當道豺狼白筆肅臺綱勢猛在山虎豹暫充星使直使山搖秉笏節於江淮握算轉東南之賦駕驄乘於燕冀持籌實西北之儲國計無憂陳廩庾而支九載軍興有賴盛囊橐以衛三邊行陟銓衡立司樞筦某濫叨屬吏沃潤恩波始分桃李之榮光生薦舉繼尋珠璣之燦寵溢給由第東魯

鯁生待免常拘於株守南徐衝邑烹鮮何藉於綿木
惟人與地非宜故心與力俱竭酌一泉之水豈不思
絮履以對青天陟三山之巔竟未能累仁而保赤子
無功可錄俸資條滿三年有罪當誅保留誤蒙兩院
敢謂譽言足恃但思罪狀難前捧冊天曹定寬幽於
斧鉞陳情師席希收效于桑榆倘時雨不靳成終大
肆滋培之力則湛露更濃資始永懷阿護之功遙望
龍光敬緘魚素伏惟台鑒俯察愚衷

上鹽院啓

明徐榛

執法星高廊廟仰風猷之肅澄清化溥江淮瞻德望
啓雋類函卷六十一

三十四

之隆樹物表之型模動區中之踴躍恭惟某官名齊
山斗學富珠璣鵠瑞應中州聲馳烏府豺狼跡潛
當路威重蘭臺惟重瞳屬意于鹽齏乃簡命特鍾于
軫野吹瀚海之餘波味貽兆姓實邊圉之芻粟氣鼓
三軍江淮攬轡暫隆司莢之權鼎調羹允作和梅
之助某職叨外臬之司莫效承宣之役仰風霆之烈
布爲有位之規廣雨露之恩沛作蒼生之澤

上漕院啓

明徐榛

迅輓輸于歲餉關朝廷軍國之猷惺綱紀于臺臣出
勿密沈幾之斷自匪全才曷庸妙選恭惟某官學

霜節皎皎冰心侵星爲一路之福星介石允三台之
柱石數千里江河利濟平成同太禹之敷四百萬供
億遄飛轉運邁士安之策節制七藩惠澤藹三軍之
士甄陶百職晶明徹群品之形某昔廁牧員未酬一
效今司臬職莫展寸長幸瞻驄馬奉符節以虔親快
觀朱帷素風猷而肅度佐軍有得人之慶卽雄萬里
之長城調饒無羈滯之虞永固千秋之元脉

上巡視京營陳御史啓

考滿

明龐時雍

身冠風凜連胸中數萬甲兵烏府霜嚴擁畿內三千
將士共持國是西臺爭美紀綱專察軍情北門恃有
啓雋類函卷六十一

三十五

鎖鑰民宜衽席將可橐弓恭惟某官才兼文武品冠
星雲千古風流美濟漢時三君子百年英俊芳聯宋
代四先生掃除天下是期興安社稷爲悅紫雲拂袖
收萬斛之天香紅日呈祥寄千家之民社下空峒之
雉未數十奇飛洛谷之鳧寧誇三異循良茂績去思
溢兩邑黔黎綸綍宣恩飛詔下九重丹陛朱衣諫草
忠肝揭日月于重光白筆彈章正氣扶乾坤于不朽
貞肅濱海濱江之度靈剔三吳動搖淮南淮北之山
春回萬壑克副澄清之任聿新帷幄之權持斧巡行
萬隊龍驤建節誠乘輿旋繞千行虎旅服旌旄整理

十二團營暫作金臺保障入佐九五密勿行看玉
和某仰戴師恩一時匪懈謬司民牧三載已踰虛糜
有愧二天疎曠無裨百里雖保留誤收于兩院而姑
容尚籍于三台伏惟垂慈曷勝感戴

上江院啓

明徐 榛

峻華注簡江淮隆綱紀之司風力宣猷寰宇仰澄清
之化策畿輔之上籌固東南于半壁恭惟某官牙角
威清鷹眸氣肅控留都而筦鑰江警無虞總吳會以
爲霖壤歌用沸全才夫界協張弛文武之宜大受君
揆虛出入樞衡之位威凜風霆喜見鯨鯢息屏氣凌
啓雋類函卷六十一
五十六

上倉院啓

明徐 榛

恭惟某官剛毅方嚴駿望重嚴廊之毗公忠清直鴻
猷表紳縉之刑陟峻秩于鳥臺凜風高于蒼佩厚
積貯係寧邦重本之圖粟米供輸關軍國經需之計
故管轄雖總於大農而監臨特隆於執法爰借公輪
之重器暫領支度之弘綱號令動風霆迅屏豺狼之

迹威名撼山斗悉空鼠雀之群中外之饋餉維贏宗
社之元神克固行陳節儉嘉謨共美回天之獨力不
對金錢清問大弘晉利之仁言某秩列兵司快觀霜
飛白簡神馳憲座喜看霧徹朱帷陳言不足以宣心
晞暘誰啻于沐髮

上會倉院啓

明李 傑

鳴屨而上星辰夙仰望郎之宿衣繡而立霄漢聳觀
膚使之風民有歡聲士皆生意恭惟某官章天奎璧
鎮地嵩衡學易通玄三畫曾通于天上著書聖六
丁屢下于人間雖塲屋之文而金石可鐫然科第之
啓雋類函卷六十一
五十七

後而燈石乃輟胸襟磊落氣吞禹穴之晴雲才思清
融手弄鑑湖之明月飄然正始風流之人物美矣建
安卓犖之才名頃結主知府膺崇秩福星臨郡海康
奏邦國之功赤縣字民河潤均京師之福效奏于剗
煩理劇功敷于正俗恬風曰暘而暘曰雨而雨蒼穹
感一念之誠思溺由溺思饑由饑紅粟活萬人之命
蒼生想丰采人人仰景星慶雲部屋沐恩庥處處皆
和風甘雨竊恐九重飛鳳煥頒綸綍于日邊而六合
人龍即補袞衣于天上者也某自嗟久墮於吏塵猶
記舊聯於朝緒僑聞善政倍切欣悰千里相望有春

樹暮雲之想萬間可托何震風凌雨之虞

上鄧壺丘侍御啓

乞重典從姑山道人道場文

明羅懷智

瑯琊名勝千秋借重歐公赤壁奇觀萬古寔由蕪子地因人傑事以文傳竊惟從姑仙跡寔爲盱上名山璘珣玉印儼然負海之六鰲登援雙峰恍若擎天之柱開鑿未卜何年光大實由先子前峰書屋父傳子而子傳孫斗姆神光動則變而變則化凡經遊玩靡不留題陽春白雪無非郢客之章鐵畫銀鈎彷彿魯公之筆名標金石價重璠璣其不揣凡庸思承先志完璧而歸光復吾家舊物片言必錄懼遺滄海明

啓雋類函

卷六十一

二十八終

珠恭惟閣下蕤苑宗工斯文著蔡錦心繡口應精氣于長庚玉版金箱探奇書于小酉才高八斗賦敵三都敢乞鼎言用光泉壤題留彩筆山增高而水增深色映奎文天與長而地與久光增存沒感切生成謹具誌書一冊呈覽其不勝悚慄願望之至

啓雋近體卷六十二

類函七十四

東吳俞安期美長彙編

上饒王嗣經曰常同輯

侍御部

建武鄧漢遠遊訂定

通

通丁察院啓

宋方岳

地接莆田之近雅識行秘書天開柏府之嚴凜有真御史方時仗馬辱我臺烏偉哉朝陽之鳴破此書冥之晦恭惟某官蘊著蔡先見之明而發之勇挺松柏後周之操而守之堅勇自翼東共推斗北接武夔龍

啓雋類函

卷六十二

造羽鶴鷺有嘉坤六二之直方當道豺狼安問狐狸聿逢乾九五之剛健謂顏跖忠邪之莫辨雖堯舜聰明而奈何幸陰靈之劃開赫陽光於晦蝕試嘗讀宥府編摩之兩疏已條上皇家綱紀之一端乘驄當不諱之朝冠豈立敢言之地想驚傳爲殿上虎羣小人欲迹避之彼局促如轅下駒有識者寒心久矣地天之泰堂陞自乎然魏鄭公爲良臣不願忠臣何煩彈擊抑魯仲連非國士乃天下士過秦都俞其遭逢熙明傳誦蹇謬學錦製於琴瑟更張之後詎云三傑絲而不爲如繭絲於杼軸空荒之餘夫豈肅政臺之所

許清議之畏赤立奚憂毋自賦先生鐵作肝之詩其
敢為此翁身是膽之事儻取縉紳之公論不廢綈袍
之故情雖陋墨凡才尚能作石徂徠聖德之頌使山
搖嶽動亦將著韓昌黎諫臣之書翹想風猷慄如

通臺中諸公啓

明蔡復一

領奏蘭臺折衷清於側陞我冠柏府嚴獨坐於橫牀
一鶚雲霄群鳥朝夕當無諱之日匪言難而擇言爲
難賴中立之賢使法重則持法者重蓋自仗下馬之
斥盛吐憤於決川馴至殿上虎之爭幾角形於分壘
事爲國而推之漸遠反莫知國是之所歸見緣人而
啓雋類函卷六十二

衍則彌長祗能累人才之俱盡勝氣既倦本心自明
鷗擊凜然猶遜鳳凰之瑞浪翻寂若方推砥柱之功
恭惟某官直哉惟清淵乎似道無必應無而必應
有會星光嶽峙之全親不待通而疎不得疎標秋月
春風之勝精神獨一人之是說議論皆萬世之可師
謹善敗之關先提其漸游貞邪之實弗識其名居賦
堯階正氣能蕃朱萑梧桐周三湯光偏照乃葵蓋獨
君子則孰爲小人惟愛仁賢乃以忠君父山川震動
詎止課月之章乾坤清夷允仗回天之力者矣基守
藩無狀幸國有賢見正人而曰明何當披霧聞御史

而膽落雅拜高風居則仰百度之貞行則依六經之
峻低回楚鴈想像桓驄本草百官久讀喻叔之記和
羹四國佇正調梅之司

通按臺啓

修應天府學

明焦 竑

本人倫莫先黌序建首善必自京師矧茲京兆之上
庠曾是 高皇之太學睠二百年後造之選何人不
出其門豈七十子俎豆之宮其徒不爲之守意江山
之有待或氣運之將衰梁木其壞其頽幾發兩楹之
歎宗廟之美之富未新數仞之觀封疆誤屬於代庖
芹藻敢忘於樂伴因俯從多士再三之請抑仰體明
啓雋類函卷六十二

臺萬一之心蓋非廣拓旁開欲聳賢關之耳目惟思
增高益下少培昌運之人才儻斯文其在茲乎捨明
公誰與濟者伏惟臺下甫輟席前之對來我柱後之
冠善政欲布于東南先聲已動乎逢掖輒代喁喁之
衆少陳瑣瑣之辭所冀率後來之英共登英壘捐不
費之惠無事徵科非徒升堂而聞金石絲竹之音庶
幾藉手而得杞梓棟樑之用

報

報史蓮直指格

到任日期

明蔡復一

其材既樗散質復曠昏偶以循資兼之承置荆岳今
為劇地駕負乘以何能郎署舊託閒曹刀未操而使
割廳窮歎技蛟負府辜惟恃台臺霜鏡當空惠以指
南之照庶職瘳木待削附於就直之蓬者也十月盡
始接勅憑本月二十五日省城到任寮案賢多師資
可仗澄荒民敝緩輯為難四境頗聞刺聲之聲窮年
未結審編之局某之昧劣將何以俯策疲鈍仰揚仁
風中夜以思飲冰未喻即擬匍匐叩行臺亟受約束而
啓雋類函卷六十二

報錢按臺啓

到任日期

明蔡復一

某以虛薄積其曠瘳兼尚淺於年資遽驟歷於階序
仰繹樹人報國之指惟勵將勤補拙之心追循荒飽
於荆南未知獲戾此去負乘於湖北何以徇知惟仰
鞭磨庶竭篤鈍職自八月二十五日謁辭憲範以九
月初旬離澧往省至十五日到任訖戴德比於負鰲
依尤切平攀才亟欲重繭趨謝歷此下悃而荆南後

諭祗切佩服不敢冒前法星在天耿耿瞻戀謹修
任之贖以代躬叩某即前往辰州駐劄催餉以足食
餉以訓兵爭所可為惟力是視乃所私自盟者遷
舍既返獎訓庶官期振廉肅之風一釐頑懦之習非
巨能之矢靡淪志霜鏡所照天日實臨

報錢按臺啓

明蔡復一

恭惟台臺武庫羅兵文昌選將認光首責於跼注免
匿高詠於干城占異日禦侮之勲歸上臣樹人之烈
某無階康爵運贊敦詩伏惟蒐武告成當祗請憲節
行部岳陽不期偶以代匱及此多艱空金難炊脫巾
啟雋類函卷六十二

卷六十二

五

再見亂萌驚心於厝火餉籍刺首於亂絲計沅之指
据餘二旬徒疲草檄且岳之訃讞數百牘未覩爰書
屢催向隅於地遲臨事寧逃於叢脞預戒引還之日
而鼓譟忽聞似掉臂以非時已削請辭之文而患難
無避復撫心而不敢竊惟荆南專局也專局不可合
湖北急局也急則不可緩進退維谷彼先而窮無寧
綆短難汲井深即使鞭長何及馬腹伏乞台臺特賜
斧裁儻輟其兼委俾守故官庶免以私人交害乞啟

候

候李侍御啓

明麗時雍

勁節亭亭秋肅霜凝柏府名言謬謬風清霧涼蘭臺
南都楊避馬之聲北闕注棲鳥之眷心塞大姓瞻落
群僚恭惟某官衡水淵源棗山脉絡良金美玉文章
衣鉢乎巨山憂國愛民經濟箕裘乎忠定出宰百里
均戴二天初鳴汶上之琴山東誰居其右繼製雲亭
之錦江南莫並其賢六年有撫字之勞歲澤深于四
長兩邑起循良之頌芳譽重于三岑宜司鼎鼐調和
之司匡扶日轂先藉山岳動搖之地整肅朝綱從來
啓雋類函卷六十二

大

侈清要之華明詔獨裁于玄廟最後增朝廷之重溫
綸特布于肅宗雖云簪筆新恩實係傳家故物自聞
朝陽之鳳聲入冊霄不覩當道之狼縱橫曰畫維百
代之綱紀骨鯁濟美于深之廣一人之聰明聖相可
光于文靖某思應召從旂曩日曾動瞻仰銜恩負笈
終身可廢依歸况相岐咫尺之程竟未薦尋常之悃
罪何辭于斧鉞情可暴于宮牆祗緣綿薄之才弗稱
衝煩之任歲月半荒于冠蓋更若衆口難調精神多
耗于簿書孰念諸艱歷試無裨天庾有誤評核非陰
席栽培已顯膺擢斥未知結局今且守株焚薪久積

于龍光片曝止白子魚素仰希崇鑒俯憇下悰

候毛侍御啓

明諸葛昇

推轂日勤聖天子鄭重梓彈之選埋輪風峻真御史
晉高糾察之標成命星馳歡聲雷動恭惟某官金莖
澄爽玉樹凌霄捉鼻丁年夢五花而吐鳳摘髭田第
津一躍以占鰲攀泖上之芙蓉清與冰霜比潔校關
南之桃李名將山斗俱高臺中久矣傾心柱下觀奕
正色盡洗近時仗下馬之習復見前輩殿上虎之
謬謬以昌力致辨於公私邪正行行且止脉何分於
南北東西暫須白簡以聞提綱六察佇渙黃麻而拜
啓雋類函卷六十二

七

總席百寮某新定棄才曲陽末吏徒跂龍光於天上
莫修鴈字於雲間虎旣在山加額爲粉榆之慶燕知
賀履薰心馳葵藿之私

候周御史啓

明吳明郊

玉氣繞烏臺聲高南北雄風揚多芥氣壯雲霄懷迹
分琴上之星徒心仰都中之日恭惟某官人倫冠冕
廊廟珪璋劍閣挺崇標夙振家聲謬謬錦江翻碧浪
高騰文藻翩翩從雲路而展鴻儀帶銜香而題鴈塔
使星煥景口傳天語以遙宣卿月揚輝秩叙冬立而
時若績著咨時之最名播寰宇寵隆執法之班榮居

人參之... 日月捧白... 應世之徵
必藉時英用崇天憲恭惟某官... 命世全才
作賦摩空矯鵬鵬之怒翼決科拾芥造鶴鷺之仙班
官清北立於金爐職重西臨于玉殿才優良史譽振
啓雋類函卷六十二

候楊侍御啓

明施德政

日月麗天共仰著明之象鳳麟遊藝欣逢應世之徵
必藉時英用崇天憲恭惟某官... 命世全才
作賦摩空矯鵬鵬之怒翼決科拾芥造鶴鷺之仙班
官清北立於金爐職重西臨于玉殿才優良史譽振
啓雋類函卷六十二

啓雋類函卷六十二

八

大儒賜燕詩成時論同歸於宿構飛鵬瑞集相業快
觀以重光爰觀曰王之規允秘紅蘭之署五百年
世德已簡... 十六族同登天將付以大任
坤之新渥... 於山徵某御李無緣識荆在念雲
霄尺五遙懷... 聲世界大千願借慈航以渡
通楮白敬展片丹祇申嚮往之私佇聽回春之律統
祈崇炤不盡其瞻

候柯學院丁內艱啓

明樊燁

南國持衡化雨茂沾桃徑北堂陟嶽秋風悲起柏臺
凡在... 懷... 仰... 恭... 惟... 某... 官... 聖... 人... 之... 鄉... 毓... 其... 秀... 天... 孫... 之... 岳... 發... 其... 祥... 妙... 儲...
恭惟某官聖人之鄉毓其秀天孫之岳發其祥妙儲
黃閣之尊詞驚海內特倚繡衣之重符代畿中白下
烏庭披琅玕于天表朱方牙服排閭闔于雲端旣瘞
軌以銷奸載提衡而造士緯武與經文兼得進賢將
肅吏齊稱蓋陪京之伏戎可虞故借重鐵驄彈壓而
制科之得人斯盛皆品題金馬文章某編戶皖城幘

正色立朝端霜飛白簡寒帷巡楚甸咲比黃河金陵
借重藻鑑高懸汗血霜蹄索之北牡驪黃之外祥麟
瑞鳳不離規矩準繩之中士習還淳人文丕著爰開
燕喜之堂時效斑斕之舞幸宣慈之正茂忠孝兩全
樂與養之方隆天壤立峙豈期葵宿遽爾西沈化成
棧樸喜深動乎龍顏詩廢夢我心益恫于鶴髮塊苦
軫念梓里言旋某備員末屬翹首崇臺自惟樸遯之
資父藉栽培之力念烏府之天懸時傾斗仰憶龍門
之地遠莫罄芹忱頂戴鰲山魂搖鯨海敬裁清楮奉
候興居伏願節衰順變移孝顯忠勉力加餐佇聽榮
啓雋類函卷六十二

九

封台鼎愛身為國徐看調燮鈞衡

候南京按院啓

由館中後

明王德乾

雄風柱史單威帝起之邦清望木天握鑑文昌之府
千官涇渭多士陶鈞羈南國以神馳想西臺而動色
恭惟某官聖人之鄉毓其秀天孫之岳發其祥妙儲
黃閣之尊詞驚海內特倚繡衣之重符代畿中白下
烏庭披琅玕于天表朱方牙服排閭闔于雲端旣瘞
軌以銷奸載提衡而造士緯武與經文兼得進賢將
肅吏齊稱蓋陪京之伏戎可虞故借重鐵驄彈壓而
制科之得人斯盛皆品題金馬文章某編戶皖城幘

懷厚賴寄衡浙水嚮往爲勞徒懷江表清芬曷覲關頭紫氣敬拜緘于下走聊展悃于中涓

候前任崔侍御啓

明程可中代

頃者西垂弗靖夷鬼吮血于箐林北極維高親臣衙命于楓陛非藉監臨之使曷成弔伐之師貞度既仰于神羊勞次定先于汗馬恭惟某官元精適會間氣特鍾振國紀於臺中肅官常於柱下代聖人而歲狩卿雲覆於岷江履太史以宵占法星入於益部剿火寒妻繡斧茲充失圖刺舉風拂威稜邪回易慮屬播苗之不逞慨蜀省之惟虞故赫然而奮天刑乃從事啓雋類函卷六十二

於佳兵顯然而昭國憲肯坐玩夫逋寇前茅後勁共憑烏府之威下灌上薰悉掃蟻穴之醜策勝者收指示之効雖不伐其無繇勇銳者致搏獲之勞欲並施而未可此聖衷之朗鑒亦衆望之攸歸大賚頒於尚方渥恩賁乎私第某謬承後事躬贊頌之未遑快觀前修奉周游之莫及僭治無箋薄修芹篚仰于日昱鑒此葵傾

候史直指啓

湖廣明崔儒秀

豸袍西狩清霜肅關隴以飛寒鳳詔南巡甘雨沛荆襄而憶憚天子方澄宇甸明公日駕皇華借天上之

夢龍作山中之虎豹恭惟某官爲時紀綱植民師表儲精華嶽協麟慶以開祥種樹河陽聳鳬雲而振彩激揚霄漢之上陰見顯而已消獻納雨露之前不從繩而自直籌邊直壓海西胡天月冷封事幾騰極北臺閣風生旃裘膽落墮輪銅墨心寒攬轡鑑明而塵埃自屏鼎鑄而魑魅潛逃重臣鑒融南服更籍匡時駿馬方城漢水之墟馳先聲而挾纊屈宋左景之輩飲後乘以執鞭某濫竽九邑幸接仁鄉盛德非遙高山在望簿書匏繫未能化鵠來朝台曜凝瞻徒有登龍夢繞祇馳下走用達中涓

啓雋類函卷六十二

十一

候黃校院啓

陝西

明劉國縉

我冠奏事聲高北闕之班持斧巡方氣壓西京之峻百僚震懼萬姓歡欣恭惟某官星辰應天上文昌丘索羅人間武庫襟期灑落皎玉樹于風前才致高華擲金聲于筆下慷慨逐詞場之鹿驚旗鼓雄建中原激揚乘法輅之聰看風霜獨高幽谷行行且止知貴戚之寒心侃侃不回想朝廷之折節一代名領五院九重望繫三台念某拜官武接臺班銜命封聯秦魏斗山仰止欣私淑之有緣雲樹蒼蒼遠近之無白羨三秋而橫獨鸚鵡敬一力以致雙魚懷又本桃愧瑣

路之信修頽藻之同將

侯王侍御啓

明王兆雲代

五雲騰客皇靈光映於殿中萬里花驄白簡風生於
微外蓋侍從爲天子股肱而出待代朝廷耳目威儀
選通慶洽門牆恭惟某官天挺鉅公人推名世文謨
武略居然帝者之師駿望鴻猷允矣聖朝之冠憶昔
琴鳴單父之堂至今花遍河陽之曲循良奏績十奇
爭羨於東川綸綍宣恩六察式資於北闕排雲叫閭
闔披霞露琅玕九重眷渥方殷萬里巡行攸寄節書
隆重滇中之金馬遙迎節鉞森嚴雲外之皂鵬將奮
啓雋類函卷六十二 十一

侯帥按院啓

明唐文燦

切惟滇臬暫分特被殊尤之知遇聞關遠近重蒙紆
曲之提攜花驄騁而屢領驚駘不計其難這千里桃
峯峙而見容鷹隼竟緣以標宿一被今維已息宦遊
轉當懸孺慕計巡行又編三聘旋診以通仙閣既

跂望徒殷安得逐旌而依台座適鄉友赴官之便專
寓素緘惟家承應客之間附通清覽外貢聊云藉手
餘懷尚爾縈心願回天之力增弘奏議繼名臣而傳
世佇作雨之功溥浹謀謨符聖主以調元

侯賀按院啓

明唐文燦

駟馬翺翔于曉甸風采旁傳皂鵬奮振于秋空霜威
正布不惟行部而纖塵盡條且復閱邊而宿衽全銷
某翹首瞻帷托身綱紀雖法星移次尚違兩舍之遙
顧烈日臨郊奚阻一方之僻專函書以代覲併授簡
而馳將仰干繡服之清嚴俯達緇衣之悃愫鑒留是
啓雋類函卷六十二 十一

侯王侍御啓

明金璋

威鳳鳴岡鷦鷯鼓翅春霆發響甲拆怒生蓋分雖絕
於星淵而氣則聯於呼吸敢緣孔季妄獻芻蕘恭惟
某官鍾梅花若草之英結爲珠樹軼玳瑁之盛
器擅璠璵尾燒南跨乎三千聲價騰傳乎十八祇見
擠于負壑遂小試于烹鮮亦惟是東粵之望摩方殷
而南司之需才政取故輟公於墨綬以展布其十奇
卽借公之青箱以持衡于一角五百年之雲龍風虎

忽此時是七十臺之懸火得秋從今伊始其九折臂
不成言念之灰二機悉屬回頭而顧帝歌猶壯于擊
壺藉藉時之運相臺之噓稿逢千載而徒喜答
二儀以何階爰託魚鴻聊將螻蟻詩云匪報傳曰可
羞統冀炤原曷勝竦注

候河東吳鹽院啓

明張 沛

陽生遠塞九天宣淑育之輝春度嚴關千里被熙明
之澤龍門望切驚樞心遙恭惟某官經世碩儒嚴邦
人雋紹延陵之華胄行誼同符發陽羨之奇英精靈
崇護會稽禹跡錢清增似水之聲洪府豐城寶劍試
啓雋類函卷六十二 十四

射光之刃卓異追蹤於神爵五鳳風猷直比于鮑氏
三駟有脚陽春仁溢四方之旅無私醪續恩懷七塞
之軍其叨領司實資籌略悵芝眉之徒遠瞻秀宇
以無由愧陳情之微忱乃荷春暉之渥眷拜將增
悚答謝聯名

候侍御韓公啓

明吳明郊

柱列擎天父著風標于多府功隆着海尤欣惠溥于
鯨波風微依斗之光敬上候闡之櫓恭惟某官鴻儀
紫閣駿發青齊譽溢坤維誰不願邦州之一識名登
天府爭美空冀北之千祥領赤絲而卓異與歌口碑

載道佩皂囊而風霜吐氣骨鯁馳聲允調商鼎之元
先察越離之政熬波而恩流浩蕩民食威需握筴而
妙運經綸國儲常裕心共水晶比潔名同泰嶽爭奇
霜出虎形威更揚于畿南江右雲扶鳳詔征旋陟于
北斗中台某吳中下士甬上微員無功而位竊食糜
承乏而地安斤鹵保釐惟謹向遵甲令之嚴儀節常
疎久缺辛勤之候訟罪難于擢髮臨書曷以宣心

候彭侍御啓

明吳振英

天啓自然之利藉海若以呈珍國享惟正之供凜霜
威而攬轡開中實塞下法立先朝剔弊恤民生柄歸
啓雋類函卷六十二 十五

儒碩恭惟某官香城建文筆之標角亢下天官之象
入司圖籍神遊石室蘭臺出布威稜躬洩桑田滄海
商龜之利病崇朝賜以更生引額之虧盈指顧條其
便益至憂時一疏之下若砥柱萬流之中繡牙我冠
百辟凜嚴凝之氣批鱗攀檻九重開咸受之懷如其
迂疎惟有欽矚自孳生之改折覺罔寺之接開仰何
以酬報乎聖明適何以謝知于賢達緬于鹿茸止時
猶羈跡于鄉山迄翰貺寵頒愈切冰兢於肺腑謹修
芹獻稍展葵忱願冀恩光不嫌輶褻

候新任倉院啓

明許以忠

風紀確尊坐鎮龍蟠之地天倉象現行驅鼠竊之奸
軍民一路瞻恩文武萬邦爲憲恭惟某官東周相度
西粵人豪萃八桂爲精神壯猷輔國暨九疑爲節槩
正色立朝惟金陵湯沐之區餉儲是重惜玉鉉調元
之手庾節暫司調度從容澤洽貔貅之衆漏滲樽節
恩覃鴻鴈之民人皆快陳陳相因誰不道行行且止
蓋高廩起如墉之頌權在監臨將甘泉還從橐之班
勲崇燮理者也其一瓢陋士五斗微員謬代邑庖政
愧催科之拙欣聞霽斧式揚按部之嚴因遵司土于
蟻封莫獲出疆而燕賀謹賁短揭上叩崇臺仰冀台
啓雋類函卷六十二
十六
慈俯原塵悃

候巡倉周侍御啓

明許以忠

御月照烏棲憲斧吐霜凝之氣使星分虎踞繡衣飛
粟腐之紅泥樓悉避威稜題楮遙申愚悃恭惟某官
五嶽茹靈三巴誕瑞遠紹濂溪之美胄出儒林雅同
公旦之賢心存王室筆載增輝柱下轂推借重畿南
風憲綱維奠鴻基而鞏固天倉鎖鑰鎮鼠竊以澄清
一歲之入幾何民脂與民膏自潤九年之積常裕軍
容因軍餉彌彰稽御史于先朝名著周繩之正擢簡
書于重地功崇淮濠之高維時燕已及瓜大拜奚須

占蔡某謬借因緣夙依法從醉心觀德恒懷公瑾之
醇醪曠職當官信是景升之豚大藉庇計旋梓里瞻
光幸傍柏臺顧慙踈節之多未報施恩之厚茲函魚
素恭候鴻禧伏冀台慈俯垂下矚

啓雋類函卷六十二

七

簡

簡畢孟侯侍御啓

明張 燮

都門分袂頓邈河山海嶠索居空瞻魚鴈足下既吐
揚雲之鳳新乘鮑氏之駿直聲震于寰區深仁流于
畿輔帝前封事帶霜結而生寒輦下儲胥零風清而
却竇蓋屈軼原指佞之具而干將乃治世之需始信
班管詞人別有經綸之在手黑頭公望寧僅翰墨以
策勲哉其葭倚最深荆班云屢襲蔑堂下曾蒙叔同
之知沙穆杵間雅托季英之契嗣而榻懸高士船寬
孝廉羊公之鶴何爲魏王之輒終爾毫素可托歸仰
啓雋類函卷六十二 十八

簡楊脩齡侍御啓

明蔡復一

繡衣持斧旣高暴公子之威名弩矢過家何減馬長
卿之勝事鄉閭動色舞及山川守吏割榮歡同魚鳥
明河可望隔旅進以無階錦段久裁藏中心而未報

鳥長依於臺柏鴈聊托於江梅目擊民艱黨無忘梓
梓之意耳傾匠誨願一承璉水之言

啓雋類函卷六十二

十九

迎

迎趙學院新任啓

南直

明許以忠

五夜文星輝映鍾山牛斗三冬愛日暖騰硯水龍蛇
 南國咸歡下僚瞻采恭惟某官瑞應寶符班聯玉案
 簪纓祖烈麒麟閣上先登黼黻皇猷鵠鵲觀中獨步
 乃謂江南之文習實關天下之儀刑拜捧宸綸出司
 學憲披繡衣而開絳帳裁成禮樂三千秉白筆以約
 青衿指點鵬鵬九萬道脉啓昌隆之會如日中天人
 心與鼓舞之機望風此地聿普菁莪之雅化存躋槐
 棘之崇階者也某近聞邸報遙聽麟音驥馬出燕山
 聲雋類函卷六十二

迎宋侍御啓

提學

明

留都綜吏風高清要之班江國作人式景文昌之府
 瞻帷雲擁絳帳霄懸瞻天仗以鳬趨睇星軺而雀躍
 恭惟某官金粟標華銀湖孕采得三光五嶽未分之
 氣讀九丘八索以來之書既檢鏡乎品流復陶埴乎

土類水壺皎潔指開苑苑迷途木鐸鏗鐸喚醒儒林
 切夢仙凡異骨冲霄藉二色之丹篆或成群或聚長
 千金之價坐元洲而把釣金臺六鰲望阿閣以來
 直鳴三鳳想下里折楊俗調難混陽春計中原正始
 徵音頓還大雅其八閩末品百里具員幸雞封之銅
 缺盡入鍾鑪咲駕乘之輪轅何堪斷削躬負弩石擁
 冠蓋於江濱新帥衿裾奉標趨于縣宇肅陳竿牘祗
 迓前茅

迎新按院啓

江北

明徐榛

吏治飭岩廊望素孚于執法才名並山斗威允協于
 啓雋類函卷六十二

貞寮墨綬彈冠蒼黔拭目恭惟某官天鍾黼黻性裕
 經綸保德粹清藹若鼎山之望受材閎遠蚤凝北倚
 之隆典西府以待衡激揚庶品列中臺而總憲整一
 群綱正色凜而烈日爭寒清操標而嚴霜比質驛
 命寵膺于斗北廼皇華詠矢于淮南襲一路之音風
 萬里壯旌旄之色分九重之景曜八埏騰斧鑕之光
 兩露日邊來喜見回春于節屋風霆天上下孰能掩
 耳于幽潛某職任五兵材慚三畧俯臨劇轄仰承綱
 紀之司遙望前旌莫效驅爰之役謹馳下走祗近
 迎錢按臺入境啓

湖廣

明蔡復一

懸蒼鳴珮攬威鳳於周梧披繡登車警新總於楚路
方其聞詔翼軫爲之光輝及此入疆參衡望而翔舞
星嶽如此民吏可知蓋範土就型堅雖待火而候陵
從律氣則先風此其未躬遂於驅爰已神馳於攬轡
者也零帷柏翠拂憶梅香想在隰之咨諏卽回天之
造化

迎彭按臺啓

明蔡復一

鷁尾太微之庭瞻中自千執法豸角西臺之象表南
服以巡功漢詔星馳周行霜凜恭惟某官清心映物
直槩匡時文園靈著兆知微而筮國堯階屈軼嚴指
啓雋類函卷六十二

五

倭以辨朝於古今治亂之關每三致意然人才政體
之論惟一持平雖巢閣鳳凰初無心於鷁擊而在山
虎豹自辟影於狐蹤何幸熊繹之區特勤鷺輶之使
蘭臺楚賦三戶共想雄風衡嶽虞巡六轡應臨夏月
翼軫爲之燦爛江漢待以澄清蓋直臣重臨方知惟
天之授楚羣吏承式尤喜是邦之事賢者也某猥以
謏才托於末屬仰懸霜之鏡又得正人以歸依望隨
雨之車祗同烝黎而鼓舞敢修手板肅代驅爰祈卽
賁原隰之光華佇聳觀山嶽之搖動

迎錢梅谷按臺啓

湖廣

明蔡復一

太微四星執法西臺正色長江萬里巡功南服先聲
喻椒而騷婉欣然比藿則荆山屹若恭惟某官九龍
含慧孤鶻昂標湘靈繡口之章掩詩名於大曆烏府
鐵肝之望追讜論於熙寧蓋源深則流長爰仰橋而
俯梓希文直節堯夫擢幹九秋明允雄詞子瞻袖光
萬丈方邑號栽花之宰譜託家傳及朝思勁草之臣
笏推庭授徊翔時序磨鍊冰霜非虎豹守九關胡爲
六月之息如鳳凰翔千仞果聳三年之鳴行行且止
而避聰爭嚴輦路皇皇者華而維駘遙肅湖湘惟楚
斧久虛立輟直臣之仗乃吳鈞新發聳高名使之風
啓雋類函卷六十二

五

固將經緯政刑紀綱將吏華平三秀蘭芷應氣而省
芳屈軼一搖策資周顏而自遠以法廉報楓陛以忠
孝振延陵故中簡彈惠文之冠而全荆凜澄清之轡
某賦材樗散蒙識棗昏嘆駸技之終窮幸龍光之可
覲糾繩有志側承視後之鞭枉席無功翹對參前之
鏡佇攜車雨卽霍嶽雲後鴈使以遄袞裳修魚箋而
代囊韆

迎錢按臺巡岳陽啓

明蔡復一

懸蒼鳴珮攬威鳳於中朝披繡登車振行轡於南楚
凡茲列郡快觀爭先故事岳陽傲靈首被吏依欽日

洗慮以奉霜條民跂德風開眉而承雨化舞君山而
迎旆勞以方朔之酒香平洞庭而漾舟懷哉湘靈之
瑟響澄清激濁攬轡孟博方來後樂先憂登樓希文
復起矣其羈身芷浦翹首柏臺封部司存事宜循於
負弩山川踪隔時恐後於執鞭雖不敏之愆在已莫
遁而有儀之喜與衆同歸敢摠懷於心旌節超承於
手板

迎錢按臺巡湖北啓

明蔡復一

搖筆生飈行車握兩獨立祝融之頂頓覺山高而水
清竭來常武之區奚啻南征而北望鏡飛霜以澄更
啓雋類函卷六十二

三十四

瘴文武侯心劍指日而掃炎氛軍民引領避秦之人
未老將出浪光白馬之天格虞之裔彌馴願承清酒
黃龍之約動先聲於半壁跂大憲於六條某代斷有
慚佐誰無術入孟而肖聳觀君子之龍光攬轡以行
式遄僕夫之驂舞合旄倪民之下悃欲致漿迎爲郡
邑吏之先驅敢忘弩負伏惟垂鑒蚤賜揚旌

迎新按院啓

廣西

明連繼芳

按院

恭惟其官金閨通籍玉柱惠文主驄馬之盟激揚握
其魁柄建皂鵬之幟綱紀推重元僚白筆凌霜聳麟
頭之正色明珠照月探驪項之逆鱗冀北方震乎霜

威藩西又傳乎風采當倉精之啓節王綽如綸袍丹
悃以辭閣皇華有詠侍殿風生臺閣登車路避行人
方城漢水之區行色落天河之影丹桂蒼梧之野先
聲搖山嶽之塵望紫氣於雲霄喜緣瓜及拱彤駟於
咫尺恭切簪迎

啓雋類函

卷六十二

三十五

送

送授臺出境啓

明

恭惟繡斧南巡六詔著澄清之烈彤騶北指九重輸
登對之忱夷夏畏懷吏民依戀草逢避馬深荷隨
車柏臺之政若新瓜候之行已及官惟袍繫末由負
弩驅先途出粉鄉愧莫執鞭道左伊南雲之漸隔悵
比斗其彌遙徒有寸心隨花驄而搖曳爰馳急足共
竹馬以扳援

送陳按院復命啓

明陳王庭

總馬馳驅天使銜省方之命朱麾綵映帝臣輸入告
啓雋類函卷六十二

二十六

之誠郡國戀依廟堂注想恭惟某官洪都間氣章水
疑神鳥臺峻秩望聿巍乎鐵冠蒼佩崇班威已高於
蘭寺節繁峙中流砥柱文章爲後學著龜激濁揚清
布霜威於列郡宣文振武傳風采於朝端政滿閭閻
澤流海宇旣竣歷行郡將報命天朝法星移照台階
愛日猶依柏府某深羞庸樸謬領專城片鷄趁風誤
爲驥附神龍沛雨濫及鮒枯緣結三生恩沾再造望
軒旌于日下莫遂鳬趨指劍佩于雲間徒懷驚悞爲
此肅啓伏乞炤原

送鄧按院復命啓

廣東

明許國瓚

五嶺承聽化起東人之想九天旋旻榮依北極之光
慰帝顧於炎邦達民風於彤陛恭惟某官德鍾虛阜
才溢揚瀾奉三尺之秋霜寬無肺石沛一腔之春意
惠有口碑念茲明勅之猷特陟敷揚之任太微應執
法之曜伸正氣於臺端直指專獨坐之權著風裁於
嶺表勢搖山嶽貪污之解甲爭先法肅冰霜貴戚咸
斂手以避進廉儉情庶吏凜然勸善懲奸四民忻若
政啓十洲之範仁覃百粵之區今者柏府秋高瓜期
日近報帝書於鳳闕迴使節於驚車翹首北天瞻一
人之伊邇垂恩南國動萬姓之遐思孤忠克遂乎子
啓雋類函卷六十二

二十七

方匹馬有同於閱道允矣鐵冠之無忝行將玉燭之
頤調某三載高粱之釐黃之樹畫一官尸素荷穹屋
以帡幪跡隔河山徒勤方寸神馳左右莫罄涓埃望
旌旆於三城仰斗山於萬里托羽鴻猷尺素尚祈台
座之俯容對兎毫申寸丹惟冀電巖之加曜伏望弘
功補衮佐治垂裳遙分斗極之光永藉漢瀾之潤

送王侍御復命啓

明萬世德

恭惟某官皇華肅轡使節臨邊爰循代帝憂章特報
奉天明命行驄霜肅已空當道之豺狼懸鑑月明驚
遁繞枝之鳥鵲歸陳康濟仰副憂勤元忠使遼東山

川盡入圖畫李恂按幽北夷虜咸懾威名其越在外
藩遙依前弩邁同行之八駿忽騁上台看入部之二
星欲追無地一函奉祖寸悃將私

送史蓮勺侍御啓

明蔡復一

隼擊寒空威疑則物皆肅鴻翔寥廓身抗而儀益高
清留攬轡之風紫遠度關之氣恭惟某官直萬人而
必往介三公以罔移鳳凰鳴而梧桐自生共仰攬輝
之瑞虎豹藏而藜藿不采誰知此物之功衡嶽開氛
漢江恬浪民登衽席之上吏輸水鏡之前人曰道之
將行過補衮公何意有不可遽決拂衣要以六察激

啓雋類函

卷六十二

二十八

揚補天能光日月兼之四郊懷畏徧地皆有霜霖蓋
績竣澄清已堪報國而義嚴出處詎止潔身其嘗謂
君能制行而不制藏三違則宜出境士有可去而不
可辱一辭所以立坊徒懷此以莫陳乃於今而始信
使烈夫激於不奪志之舉揚眉爭吐孤鳴而明主知
有不懷祿之臣警心思闢七諫投棗應鑒乎披赤傾
葵彌表其向丹但廉立之有餘即忠勲之無盡其執
鞭偏後望屢遂遙傍棲鳥之臺心聊寫於一見迴避
驄之路首欲引而重廻戀別寧殊於衆人貞標獨壯
乎君子

候姚羅浮按院啓

山東

明林世吉

東土名區雅重觀風之選西臺峻秩特資執法之權
惟聲望之夙隆故簡書之薦錫恭惟某官列緯元精
兩儀間氣道符神授挺繡綬以開祥性秉生知應紫
文而薦祉節繁峙泰山喬嶽德度霽霽月光風早龍
躍于丹霄遂鸞鸞於紫府人中屈軼稟正直以無前
柱後惠文矢孤忠而自許獨簪白筆夙揚折角之風
屢貢皂囊益茂批鱗之譽名高朝宁眷注宸衷謂且
指綱紀一方持斧必資乎正士而聖主藻衡群品渙
綸遂畀乎儒宗持風裁以肅官常振霜稜而甦民物
啓雋類函

卷六十二

二十九

青驄甫下濟河沛萬頃膏流玉節初臨岱嶽增千尋
秀色陽春有脚閭閻盡挾纊以回甦天憲無私郡邑
悉拔葵而勵操萬靈欣忭四野謳歌某職濫懷蘭才
慚起草仰下風于易水昔忝登龍承令聞于清淵今
瞻義豸茲際鴻鈞之肇慶敢陳燕賀以將忱伏願慈
行繁禧駢膺新渥備羽儀作耳目具瞻鳴鳳于朝陽
爲霖雨和鹽梅行接夔龍而贊化

啓雋近體卷六十三

類函七十五

東吳俞安期美長彙編

上饒王嗣經曰常同輯

侍御部五

建武郅漢遠遊訂定

請宴

請按臺入武簾起馬宴啓

明劉仕義代

握奇肇於黃帝講武之風始倡臨衝詠於鮑經構兵之法寢備鷹揚尚父開八百之丕基鵬舉精忠建中興之偉烈實惟多算而致勝更緣得人而兆興然則四海携心預需干將之備九重軫念貴先歐冶之迎

啓雋類函卷六十三

自古垂謨於今維則恭惟某官燕山鍾粹玉陛承恩捧彤旨以觀風抱丹衷而拱日鳥臺雷厲江淮草木皆春繡斧霜飛巖谷豺狼盡遁茲者祗承帝簡典試戎科金鑑懸明萬象難逃蒼素玉衡橫宿群材悉仰低昂謹以今月某日五星聚斗口際黃道之昌辰天駟歷奎躔顯金行之瑞兆但見豸吐虹霓允矣斯文宗主驄嘶風電亘乎一路福星杞梓雲蒸喜工師之載邁驂駟錦布幸伯樂之胥遭蓋披沙揀金應有請纓之烈士按圖索駿寧無裏革之奇髦此朝宁之虛懷以待而臣工之夙夜以圖也敬消設于鳳司敢肅

迎於庶陛開東海之尊引蛟龍而承雨露奏南山之竹驚龍虎之際風雲佇望貴臨曷勝慶忭

請按臺鷹揚宴啓

明劉仕義代

江淮瑞氣氤氳韜略之英穎脫帝闕祥光炳耀貌貅之雋雲興蓋國之大事厥在戎兵武之要機曰惟將領自唐開科選元戎之托得人乃世踵遺規多壘之憂胥賴暨於昭代厥制彌嚴恭惟某官琮璜茂器櫟棟瓊材明同水鑑以無私道合弛張而並用謂遴虎賁而摧鋒挫銳挽強之技宜先簡飛熊而扼吭擣虛籌運之良最要出防入警式嚴三試之規精閱真搜

啓雋類函卷六十三

率簡萬夫之敵收拔十得五之效丕振國威杜絕一漏萬之譏大光鄉典謹以今月某日景運天開排卿雲而歡騰撒棘將星地耀迎瑞氣而慶享鷹揚但見金鼓轟天東渤蛟騰帝里旌旗耀日北原虎奮皇都曰禦侮曰折衝入彀者桓桓平介人之彥爲勘亂爲定禍蒐羅者赴赴乎爪士之英寶劍出塵埋精光上徹乎牛斗驥駒離草莽神威馳逐乎風霆此才賢所以慶殊遇而社稷所以鞏磐安也敢肅憤於鳳司幸攀援於鸞馭百濯芬苾拋一簣解百越之氛稜八簋錯陳仗二簋懷八紘之反側幸觀厥威俯賜過臨

請按臺鷹揚宴啓

明何三畏

序屬玄英吉月應小春之淑氣延開嘉辰張陪
鼎之鴻儀誦周雅采芑之詩灋灋步武叨漢庭奉觴
之慶華屋傳杯宴騎射而鳬趨偕縉紳以雀躍名章
麟閣喜溢柏臺恭惟某官執法殿頭觀風吳下尊俎
三千禮樂韜鈴十萬甲兵邇上集夔龍緝熙光明之
日月禁中收頗牧鼓舞號令之雷霆鵬奮之儔網羅
鷹揚之讌雲舉飛鸞鳩於決起全賴高風瞻鸛鵠以
摩空共攀迅翮桓桓壯士近城南尺五之天矯矯材
官登塔前方寸之地瓊漿分北斗酣既醉之壺觴俠

啓雋類函卷六十三

三

氣指長庚按未央之劍珮可作干城于聖世堪稱桃
李于公門雖六樂俱陳未足侈一時之盛典卽八風
並唱何能發兩廡之歡聲如某奉職無聞沾榮有事
傍使星而分部幸與登庸依卿月以揚麾欣隨式燕
藉文武德威之佐進上將以彈冠綴飲食歌舞之班
望中朝而整節繡服光華於虎帳輜車貴重於柳營
道左負戈席前擁篲

請按臺鷹揚宴啓

湖廣

明趙南星

繡斧按湖藩愛日合霜威而並著棘闥掄楚彥武弁
繼文士以俱升慶在邦家喜同負屬恭惟某官兩儀

問氣百粵名流藏范公百萬兵於胸臆中運孫武子
十三篇於掌握上向臨文局已看桃李盈門茲啓武
科又喜英雄入彀禁中頗牧近煩拊髀以相求閫外
熊羆無事載車而畢萃方策勲而飲至敬洗爵于初
筵倘蒙龍節俯臨實俾鷹揚增色

請按院武舉序齒宴啓

明何三畏

登壇虛左追迎師選將之風設席肆筵舉尚齒循年
之典何當諸士人之揖遜竊附大君子之聲華劍舄
榮觀襟裾雅集恭遇某官修文耀武造士作人列貌
虎之千群拔諸行伍結龍蛇之百陣寵以科名彼方
啓雋類函卷六十三

四

起迹羊豕之中安知退讓今已致身風雲之際須辨
威儀鐵馬金機馳驟于棘門麾下瓊卮玉瀝獻酬于
文石堦前振鷺充庭人赴旌旄之節間歌以雅坐聞
輦鼓之音談禮樂于同仇模則植範則範締友恭于
異姓弟而弟兄而兄雖有執干戈之心使常明長幼
之義雷轟電掣縱橫掃六合之烽煙月白霜清緯經
聚一天之星斗蓋宴笑出孫吳之右而雍容居趙李
之先者也某幸值明時躬逢盛舉獨以多冠至止簪
簪者言觀其所因知繡斧親臨欣欣然相屬以酒傾
心俎豆引領軒車

請按院宴啓

閩城

明汪道昆

四星臨翼軫霜威澄湘水之清六察震藩垣風采蒞
礎磐之時激揚玉斧增重金湯屹東南爲長城者萬
里襟嶺列泰山於四維茲者龜告吉于良辰雉張
拱以待閱天章錯鳳鸞迴之采地勢成龍蟠虎踞
之雄窮眺臨送孤鴻於天際奉咲語聞九鶴於臯中
非玉尺之撞洪鐘執茅簷以隨繡節

三司請按院宴啓

江西差
滿復命

明李鼎

驚駕西巡霜肅寒波秋淨驄旌北指雲依旭日天開
鼓舞風霆動搖山嶽高梯濯翼末品攀鱗恭惟某官
啓雋類函卷六十三

五

望崇柏署心在永壺言鳳駕於燕關矢澄清于江表
掛長狐而豺狼斂跡張德網而麟鳳兼收五嶺煙清
九江濤靜銀信趣鄴侯之覲金甌覆雀相之各行矣
浴日補天敢爾攀轅臥轍某等兢兢奉三尺法遙遙
望八一車裊黃浦之玄漿採蠡瀕之綠藻願奉露顏
于暇刻薄伸素悃于斯須

請左按院啓

明程子侃

豸服望隆百辟化源有自螭頭地邇九重政本攸司
顧三代之遺直靡常而一時之孤忠自許恭惟某官
珩璜偉器梓杞珍材不謂數月未可以言姑有符也

惟曰一日恭乎其職願有請焉納出彈文定使妖狐
遠跡庭宣奏劄遙追丹鳳朝陽卽一鳴叱去所不辭
豈萬鍾苟祿之足繫是用瞻德難容效顰茲十某日
敬揚杜繹助拂戾塵色咲幸親先像異附霽威臨止
落膽趨將

荊州請錢按院啓

明蔡復一

大丙弭騶壯轡縱觀於華駘長庚肅斧允金嘉樂於
神羊旣舞南郡之山川敢酌西商之沆瀣恭惟某官
鏡霜澄照珠露垂文涵言表之陽秋九流寫月定司
南之朝夕萬霧披天宜張楚以維新果哀荆而有截
啓雋類函卷六十三

六

懸繩約吏則郢匠輟其風斤吹瑄倡僚則希聲感於
雪曲提玉衡以耿耿下照章華紀江漢而滔滔莫安
息壤陳詩觀俗無屋言言在二南已盡攬於周諏實
物對時正秋而秋有六壽亦堪揚於宋賦欲攀驄馭
請矢豈鳴某天兵銳懷懷汲清於洞水渚宮聞顧思
薦爽於蘭麝戴冕旒而倍重光之重被伏惟
靈白帝戒御黃人地近龍山菊下先容落帽衣侵雁
候客裏同侍登樓依幕雖托喻仲宣聽履卽承言太
尉

岳陽請錢按院啓

明蔡復一

周轡如濡東陵首紆望雨虞絃解溫南薰正叶觀風
雲樂占需天文來賁恭惟某官胸涵五緯氣備四時
六察巡功正表主在範型之外一誠格物開金石于
律呂之微凡茲幕阜之澄清允矣霜臺之式化風雲
群動合蛇丘蛟室以知歸膏露百昌總蘭畹正畦之
咸若鏡天光而別吏靜寫妍媸溥波潤以酌民泳忘
淫淺謳歌聚國吐翕洞庭雖偃浪魚龍潛避聽行之
影然矢音鷁鷺爭依鳳攬之輝某等勉竭步趨欣承
父象敢卜自公之暇暫移執法之星杯湖水而凡君
山聊試聽湘靈之鼓瑟辯離騷而吞雲夢抑將發宋
啓雋類函卷六十三 七

請錢按院按臺遊君山啓 明蔡復一

顯氣盈坤軸特跨實地於湘君清夢壓銀河願追玉
節於柱史邀靈霽谷壯色水雲恭惟某官情岳干霄
胸源倒漢提衡文武允推肅度之惟貞極命山川詎
止登高之能賦岳爲水國湖湧君山八萬頃琉璃磨
長空而開鏡十二峰鬟黛濯巨浸以堆翠碧接四天
如縮蓬萊之宅青從萬古誰護芙蓉之嶺風浪撼而
低昂藏舟何異日月窮其出沒與海爭雄砥柱萬

凜中流獨立之節瀝川九水派百谷並受之襟暢仁
智以無遺資激揚而有味者矣况陽光軒代竹色虞
時展響洞虛通包山之遙脉瑟鳴波縹緲振北渚之靈
音丈人七日之符吳門接楚詩客數峰之句家集凌
唐孰云懷古遊仙之奇不增省方觀民之重某等聽
咸池之廣樂未醒塵心借方朔之酒香欲邀仙馭鶴
笙附驥此日陪朗吟之異人魚龍避驄異時詫湘中
之父老敢戒蘭漿恭候葯房

當德請錢按院啓 明蔡復一

執矩秉秋輝惠文而霜肅行車暇日歌常武以飈清
啓雋類函卷六十三 八
微勝朗陵攀光法曜恭惟某官胸羅星緯氣走風霆
斗以南一人天杓酌漢湖而北千里地脉奮膏後甲
先庚聲前玄緹自應酉山辰水象表空鏡皆收吹琯
則律生春想源花之未老鑄金而形獻夏疑寶鼎之
重浮鳳凰攬千仞輝共瞻阿閣象觀第一義還敞
法筵某圃葵燭許傾陽水檻得月復驚鷺察冀
控輿行檄德嶠之靈預邀華轡襟寥天之廓遲揭露
莖煙嶺傲堯笑桃葩於秦代禪鋒呵佛現蓮蓬於宰
官豈獨增藻山川庶幾參玄象伏惟酬君山之逋
興召衡嶽之餘歡款秋水以共談望洋方知海若之

大託流風而不朽登峴猶存鄒湛之名

請倉院蔣公啓

明吳明郊

天倉顯象儲國用于九年斗極騰輝散福星于一路
欲申鐵悃敬迂鸞和恭惟某官望重商衡靈鍾昂宿
風裁凜凜挺八柱于中天偉度汪汪應三台于北極
佩囊荷而紆紫致廬粟以腐紅都下埋輪已見山搖
嶽動城邊露冕佇看草偃風行遠近交稱恩威並著
某謬慚驄乘幸附龍鱗梓里言旋迥隔雲泥于異向
虹旌過化欲聯樽俎以同歡綺座迎風送荷香于几
席清談消暑傳松韻之笙簧藉寵蘭臺借光蓬室伏
啓雋類函卷六十三

惟命駕曷勝攀轅

錢

錢張按院啓

江西差復命

明王世懋

六條刺舉已宣持斧之威八使巡行獨著埋輪之節
當皁纛之趨闕正赤子之攀轅請循故事以羞忤敬
卜良辰而餞別恭惟某官蜚聲三輔正色中朝冠柱
後惠文之冠官邪屏息建繡衣直指之節民隱周聞
霜雪之後陽春百萬口之咸懷若一斗牛之間異氣
十三郡之瞻望如新某等才乏通長政艱初試屬管
內之寧謐盡出岍嶰荷宇下之涵容復稱藩臬望朝
天之使徒結戀于星軺修出境之儀敢薦馨于春酒
啓雋類函卷六十三

錢趙侍御還朝啓

江西

明王世懋

南國風行舉刺宣六條之政中臺霜勁敷言奉三尺
之威繡彩朝天棣萼相輝於紫禁皁纛奏事埏荒送
和於丹墀祖道咸一時之觀攀轅深四境之戀恭惟
某官珪璋特達金玉其相正直與忠厚兼資高明與
沉潛並運瓊林接翼獨觀天祿之章烏柏連枝並執
惠文之法聲華則臺中二妙道德則柱下千言今茲
代狩之瓜期正值履端之節屆霜雪霽而陽和脉動

鷹隼擊而鵠鷺班迴劍去豐城牛斗掩龍光之射旌
飛東海樓臺迎蜃氣之祥某等職在封疆地當組綬
二天恩重雖海岳以難名一勺情深卽潢汙而可薦
君子至止敢留鸞玉之聲我公歸兮空結衮衣之想
願言臨賁曷任光榮

餞按院啓

明彭 堦代

霜凜秋威肅物快阜鵬之掣星言夙駕戒途驚驄馬
之馳蓋將鳴蒼佩以接武螭頭遂爾執青囊而旋驅
豹尾簪裾襍沓色動離筵士女扶携歡騰臥轍其等
身承蔭映履轂之望方殷目覩蜚鸞攀鱗之私彌切
啓雋類函卷六十三

上

騎擁岱雲徒瞻泰岱之搖動旌懸海月抵矜渤海之
澄清無因留芝宇以常挹龍光僅可托蘭生而一申
燕喜謹諏某日之吉肅歌湛露恭迓法星采澗溪沼
沚之毛調爲六膳酌潢汙行潦之水棒作三漿駢駢
駟牡驚嘶夾路桃花疊疊驪駒共促芳尊竹葉伏願
甦枉觸邪之使來銜樂聖之杯雖美芹獻曝遠慚梨
味之佳而唾玉紛珠近接蘭言之臭望斗曷勝其仰
北臨岐左切平植南傾耳鸞鳴齊心鵠埃

郊餞龔按院啓

明李景春

天使省方繡斧光芒於星斗帝臣報命朱麾輝映乎

河山海國瞻依廟廊注念正歡迎乎攬轡遂共切於
攀轅恭惟某官鍾鼎聲華主璋鉅望多冠鷺羽排闥
闔于雲端白筆紫囊披琅玕于天表恭膺蘭命代狩
名藩緯武經文惠露灑三天之渥振綱肅紀英風標
八郡之雄關臺兩載春光柏府千年秀色旣周咨而
竣事將入告以颺言驄馬日行行萬里青雲獨步夔
龍看矯矯九重黃閣高騫其質愧砭砭雅荷天工之
陶鑄材庸樸樸均沾化雨之栽培感豈言形情由誼
篤某日薰香筮吉擁篲先驅祥光璀璨南關共迓軒
旌于祖席淑氣綰紛北極遙看劍佩于皇華仰冀上
啓雋類函卷六十三

十二

台俯垂末炤

餞送龔按院啓

南直

明唐文燦

攬轡南巡江左漣澄清之績旋輶北指朝端崇貴近
之班頌謠已洽于吏民登對且孚于君相某祗承綱
紀頻年每藉裁成欣綴簪裾詰旦俄驚違阻瞻近郊
之夏日猶挹威稜計長路之秋蟾愈懷光霽特携樽
以攀法從先捧札而達涓人仰祈一駐驄驂悉罄臨
岐之大教俯允再展驪曲少舒祖道之微忱

餞陳按院啓

明唐文燦代

繡斧南畿愛日含霜威而徧播彤駟北闕法星隨陽

律以俱旋叨膺網紀之末司存荷澄清之餘庇茲臨
輶舍且指鄰疆粗陳筍席于臺端肅迂驄驂于道左
伏祈暫駐俯徇延攀分岐而慕戀彌深在在記神羊
之跡越境而飛騰漸遠時時瞻瑞鳳之儀

金山餞漕院啓

明詹在泮

節勁松廳七省轉輸上國風清竹院九河疏濬中邦
妙算指揮漕艘飛馳淮以北嘉謨旋轉銀帆懸掛楚
之南共欽舟楫長才克副廟堂巨任其謬司僭運何
裨輶輶之功濫寄防川罔效涓埃之力輪埋京口方
欣驄馬時來皇指廣陵勿聽豹車將駕振輶無計望

啓雋類函

卷六十三

三

長江徒仰汪汪往轍可循對名山肅修欵欵金鼇勝
槩應多全樹棲鳥玉鑑清光自有高岡儀鳳樓登海
岳巍然獨立于丹霄閣步江天偉矣高升于紫曜擎
天捧日如台臺富萬里長城吞海吸江獨此山號中
流砥柱地靈人傑自古難逢浪靜風恬于今最盛敬
開倚玉之筵願領吐珠之海一遊一豫覽大觀于江
北江南一詠一觴撫勝景于山前山後少攄芹悃聊
薦葵寅

謝學院薦舉

謝房學院啓

薦舉

明吳守道代

持衡王國聿歌樸楫之茂推轂人材謬玷葑菲之采
門墻繫思教澤部屬泳沐恩波藉口揄揚銘心佩服
恭惟某官命世真才熙朝碩輔博綜號五經之庫紹
暉遠家學淵源奏事如千里之譚婉玄齡國器丰采
丹輝對治安之策賜第螭廷赤縣起循良之聲進階
多繡尋提理學正印來主文章宗盟衣被南都回榮
光于草木鐸徇行部發秀色于菁莪振作一代英才
風移俗易糾察百司吏治濁激清揚蓋興起斯文對

啓雋類函

卷六十三

十四

揚天子之休命而收采人物作求先公之世德者也
某分符隣古欵仰瞻百世其宗校藝赴行臺快覩滿
門桃李猥以叨廁下吏謹守憲條自歎善事上官敢
闕名譽伏遇忠誠體國吐握勞賢肆令鈇刀之微盪
與剡牘之薦未竭報効之驚力慚負汲引之鴻恩頃
緣觀察喬遷鈞衡之度日遠幸茲典刑具在絃誦之
化猶新澤遺無疆聲施未艾敬裁尺素少展寸丹引
領上台之垣垂盼下邑之悃

謝朱侍御啓

薦舉

明王兆雲

天高地厚澤莫大于旃幪父鞠母生得執逾于悌悌

故知己誠難而報恩宜重恭惟某官繡衣按部風猷凜若冰霜白簡持衡品藻高懸日月百僚瞻仰多士儀刑某受材黜譴承蒙獎勸每憶專城數百里之地簿領實難顧以疎才一二載之間劑量豈易維碑小智方欲試于秋毫兎角虛名尚有慚于夏諺豈謂官常之甫効輒蒙剡薦之首膺綺藻褒隆驚價頻增千百倍檀園愛重樛材獨冠乎群寮尺牘將忙聊效起居之敬寸心獨結難申感蒙之私伏冀垂門墻之睞免賜斥磨鑒犬馬之衷特加茹納

李雋類函卷六十三

十五

謝按院薦舉


謝李殿院啓

宋劉克莊

記跡龍門久銜額遇露華烏府新品題俯陳感懼之情仰答生成之德竊考祖宗之盛際有如韓范之巨賢皆著直聲並居言責雖是非褒貶外存風憲之大綱然涵養栽培陰壽國家之元氣故治效爲本朝之冠而人材被數世之餘恭惟明公追配前哲其梓幼也霜威之凌厲其吹噓也春意之發生必有勝流乃當茲舉如某者幼耽章句壯喜功名頗習聞於往行前言亦受教於君子長者饑寒逐祿非如處士之啓雋類函卷六十三

倫陰補得官浪有文人之目非用聆先君之訓秋毫皆吾相之恩幸脫選坑來爲壯邑畧無教化繼聖門之絃歌但有語言爲仇家之組織謗喧都市命繫庖厨此寃未明雖死不瞑賴憲長力扶於善類察孤生忝出於故家首辯讒誣復加論薦天下有道庶人不議特欲懲利口之夫衆人欲殺吾意憐才初弗罪屬文之士味褒詞之假借與親札之丁寧豈非挈出于機筭之中又且推挽于雲霄之上觀瞻頓改蹤跡稍安茲蓋伏遇某官振肅臺綱主張國是稟壯簡剛方之操心固嫉邪陪東萊講貫之餘議常近厚回槁木

寒灰于既死起遊魂白骨而再生其敢不崇雅黜浮
深悟斯文之體首公竭節不為執事之差



謝陝西按院張公啓

以下按院薦舉

明李

鼎代張

柏臺峻秩謬騰彤管以華褒徽省專官實藉金聲而
豫席鈞陶改價粉滌增榮遂使凡材遽叨劇職恭惟
某官清顯德美名世才雄河洛毓靈粹天地中和之
氣溜青起蟄依聖賢神化之區履屨枕林振衣蘭署
驚車直指控千艘而淮海無虞多繡西巡彈列職而
冰霜失色詎期非劣恕荷回容蒙下駟以虎皮絳寒
鷗以鵠羽關西佐政已愧心于伐檀江右握符敢忘
情於報李第爭輝日月空負陳蕃之稱而垂光虹蜺
曷副孔融之薦覘躬彌懼撫已興慚敢不屏藩三楚
磨厲類函卷六十三

謝陳按院啓

明程世奇代

風凜燕南山嶽動搖千里霜凝冀北朝廷清穆萬年
驄乘寒大姓之心專問豺狼當道轡按飲貴戚之手
喧傳虎豹在山仰寵眷之雲仍心鑄結草戴栽培之
露潤骨刻銜環伏念台臺持節甫一週卑職待罪僅
替月民情幽隱咨詢眩杳鑒之歧上俗混淆燕訪苦
董猶之別濶畧竟踈于製錦拘攣寡和于鳴琴徒有

濟人利物之衷豈堪積新積穀原無折衝禦侮之畧
難肩防盜防倭銳意除奸奈弊孔之難塞多方別竄
風情實之愈滋曲謹以飭庶隅終非大受之容錫刀
而當盤錯必無遂到之基四境果風恬乎盡是濡觀
風汪濊一庭信霜肅矣豈非憚肅政森嚴敢襲天工
自干神鑒恭惟其官埋輪問俗雷斯擊而電斯明用
木掄才取所長而棄所短念命惟百里難寄護庇雅
荷包容思任非新進能勝樂取多爲鼓舞將示循良
之的先開激勸之門沛雨露以闢天荒字字絢珠璣
之彩燦雲霞而動睿覽言言貴琬琰之光卽清白爲

啓雋類函卷六十三

九

盟敢謂水操峻于壁立雖激昂自誓猥云斧斷捷于
刃迎微宣尼譽言之有稽蹈子輿過情之是耻欲圖
後效永爲報稱之階幸賴前茅堪作師資之地自昔
日台臺首倡致後來各院無收父母均頌宏恩揄我
難同于生我天地並歌元化資始自邁乎資生佩德
難忘捐糜莫補久疎芹曝日切葵寅特修魚素上陳
敢冀龍光下燭

謝孫御史啓

明彭 坂

風清柏府九重隆司直之權曜炳蘭臺百品景施惠
之烈望蜚上國企切末員恭惟其官瑯嶼翔輝凝

濟社泰山萬仞瑞鬱忠葵溟渤千尋光搖諫草端
颺起長驅馮社之狐袖裏霜飛直作朝陽之鳳乘輅
方岳攬轡神京越海波恬連章江而漾秀燕山雲淨
環易水以含光頌十事信如四時木從繩而自直持
三尺堅如金石陰見覲而已消會從裏行徑登表著
其簿書下走對非凡材冠薦刻于江南父師恩重瞻
使星于薊北子弟情殷人一天我獨二天已重啖安
期之棗行百里半九十里適將孰楚戍之瓜砥鼎有
緣雖一粒丹砂而已足化金無策曾五銖赤亥之幾
何旣徵革袞之褒願合浮圖之頂

啓雋類函卷六十三

三

謝南直鹿按院啓

薦舉

明龐時雍

赫赫朱衣四郡雷霆莫測亭亭繡斧三吳山岳齊搖
於今尚沿避馬之聲自後益注棲鳥之脊正如末吏
幸伏下塵縮綬三年濶畧竟疎於製錦握符千室拘
孿寡和于鳴琴雖非筮仕之初多爲障蔽未見服官
之久少補毫毛徒勞撫字之心杼軸不盈于四境實
乏消弭之政鯨鯢時警于長江民間之苦左聞敢謂
春生原野法外之奸始獲猥云霜凜公庭反已增慚
殊無善狀省躬懷懼難免彈章即雅志永操取與必
嚴于一介而堅持勁節榮枯不奪于三軍此皆盟誓

生平求不媿于青天白日豈望遭逢知已因而薦之
清廟明堂洒湛露於粉榆栽培罔旣披和風於樛櫟
滋長無窮是爲浩蕩之恩可並生成之德敢不矢心
廉潔但思黑夜有知銳意操持雖蹈白刃弗避濟人
利物上加西伯之惠鮮摘伏發奸遠紹潁川之鉤鉅
以求圖報非敢空譚惟台臺成始成終針砭無忘于
金玉令卑職亦趨亦步楷模常佩乎瓊瑤果不損明
時庶有光師訓茲緘魚幅聊申銜結之忱遙祝龍光
潯冰寵榮之盛

謝趙直指啓

薦舉
明張應泰

卷六十二

主

孔思之論居官蓋先獲上韓愈所稱知已微獨銜恩
故沈淪喻於積薪而游揚方諸推轂况以么臈之末
敢忘特達之施恭惟某官異著探環奇徵賤英恂恂
德讓居然月旦歸賢燁燁文章寶爾星垣並察洎乎
掇第以逮分符政暇鳴琴必賤芳騰于單父才高製
錦曾恭績茂于中牟黃金賜自楓宸墨綬升爲柏府
馳迴貴竹陳風無碩鼠之歌鵬息維桑附棟有祥鳥
之應睠茲江右夙擅楚東郡列十三襟粵閩而帶吳
越湖吞八九家禮樂而戶詩書朝廷重以屏藩杜史
顯其彈壓適徵厚幸特簡名臣攬轡霜飛獄望與匡

廬埒峻窮簷露冒波餘共彭蠡爭深民牽宇下之恩
士切轅端之戀某風塵下吏樸樸庸才每惟瓜李之
嫌目耳棄核不謂粉榆之念猶次前茅獎借旣殷後
先何論鮑叔之號爲知我詎在此時蘇軾之私故
人似如斯類謹奉持盈之誠以安止足之心惟祈驟
秉虞璣蚤調商鼎勉圖涓滴聊當几席參苓益荷帡
幪敬傾胸臆葵藿

謝史蓮勺直指啓

提薦
明蔡復一

鏡在秦以高懸孰遁察微之照務至閭而後出亦標
寄舉之名訝此異知鳴其新感竊惟顧馬于立市辯
啓雋類函

卷六十三

主

劍於出劒雖斷犀歷塊之奇尚需後驗而伯樂風胡
之賞已定前符然循攬必見于光芒眇昧或殊其毛
骨若乃材本下駟鏐類凡鉛十舍未聞一割無取而
遽使佯踪駭耳埒埒價青萍竊有道之言固可收于衆
信反無當之質將未免乎自疑其之在今何以異此
恭惟某官綱維八極刀尺九流正笏撫獻納之忠未
從繩而自直攬轡切澄清之志陰見睨而俱消月鑑
生秋凌霄駕鳳霜臺籠日吹氣浮龍凜凜三楚觀風
亭亭一衡察吏望人甚厚故求之若嚴程品惟精而
行之以恕謂守藩稍重推餘論以示優抑受事方新

假溫詞而激勉遂令藻飾并及荒唐草木初芽雨露
何分于其苦璫璣詎剖雲漢已借以榮光其鳩拙巖
窮慳於天分之短渝腹豆重成以學術之迂霜雪未
紛誰徵翠幹青黃競炫欲葆素絲歎二郡之杼軸已
空恐萬家之芻牧難塞詎云春脚能靜波心正所淬
砥而負慚何期訓言之過溢蓋因妍付影謝玄暉詎
止憐才而立表示塗靡士元思深厲教豈特借之牙
齒真可生其羽毛被此不虞若爲異日之不負庶幾
有試稍答同年之有情昔山簡之拔子尼僅傳一字
若表昂之薦景默亦儉兩言要皆能副所期其敢請
啓雋類函卷六十三

謝黃按院優獎揭薦啓

明馬朴

其猥以么腐牧茲衝劇旦申匪懈雖勞撫字之心期
月將週未茂循良之蹟有懷閉閣無望循牆乃遇其
官身任商衡心懸泰鏡烏臺獨座殿中昭執法之名
繡谷雙持柱後擅惠文之望既綜群材而甄敘亦陶
衆竊於生成愧甚荒唐誤加獎飾其謂英齡粹質道

疑憐蒲柳之未衰至云峻宇芳猷直謬許檇櫟之可
用雖勉修政教少愜士庶而歸心幸極力撫摩頗致
流移之復業然無三異十奇之可錄故愧竊餐即有
十長片善之足稱尤多負乘乃微憲檄一言踰華衮
之榮仍薦銓曹片牘邁洪鈞之重鍾期賞處皆高山
與流水之音卞璞剖來亦拳石長連城之價曉恩施
於不報懷感篆以難誼茲偵榮歸帆揚脩左適緣公
出匏繫河間桃李公門思近春風於向日桂蘭仙根
帳遙秋水之連天莫遂下懷聊申薄悃伏冀擴汪涵
之雅仍許依餘蔭之庥

啓雋類函卷六十三

謝趙柱史啓薦舉

明馬朴

柏院廉能品臨夙嚴於法地楓宸奏最吹嗟濫荷於
恩臺榮生一字之褒感邁九遷之寵恭惟某官秀鍾
雷首道見天心詩禮承家紹青箱於閱閱文章華國
絢彩筆於瀛洲峻儀玉尺之端方雅操金莖之高潔
矢謨輔座鳳鳴岡而梧桐以生正色巖廊虎在山而
繫藿不採項辭闕下代狩畿南振山嶽以埋輪激濁
威讐豺狸問風俗而攬轡澄清績著鸞鳳文經武緯
之全才秋烈春溫而並用官聯仰鏡民社安瀾某黔
淺資材畸孤蹤跡家傳弓冶但聞清白兩言邑宰彈

九惟有撫摩一念雖幸民安而事集殊慚實茂而聲蜚割匪青萍敢冀品題於薛燭調無流水何當賞鑑於鍾期誤辱台慈叨塵刻薦露重奏處九淵生魚目之光霜簡傳來千里長驚蹄之價誼深結草效溥獻芹

謝直指君啓

薦舉

明林繼志代

攬轡南巡謬沐露章之薦鳴騶北指時勤風采之思才疎蒙眼偏青身遠而心獨赤恭惟某官金虬驚海鐵馬行空望重皂囊忠耿屢形於丹陛光生繡斧恩威輒著於烏臺隨車甘雨滂流諸路福星藉甚豈特啓雋類函卷六十三

三五

湖黃以北慕召伯之風且見舊絳以西戀趙卿之日也某曾承約束濫與周旋憂其憂樂其樂奉六察於後塵步亦步趨亦趨豈一籌之能展似當顯斥以警其餘乃辱噓培而出於衆會獄震之功未竣而嵩呼之捧先行此後星輅北向念切縣旌以及露蓋西馳懷傾依斗無緣假翼可能九頓于皇華且以避驄通一介之行行李計今封章而報命亦已端笏而還朝瞻此雲樹之甚遙何以木瓜之爲報八行雁素一望龍光

謝按臺啓

薦舉

明謝肇淛

飛原隰之六轡濫備執轡驥雲漢之五雲

知一字榮逾錫袞而三命喜溢循璫小子狂簡成章無能爲役大造塊圪播物有味其言施重輟輕感深詞淺恭惟某官心幹九秋文焰萬丈藜分太乙夜納天祿之書斧錫中臺寒側辟邪之簡周公世載明德帝命元子以奠東方趙孟代有哲人天錫副簡而旬南國橫三秋之勁翮安問狐狸拜乙夜之薦章誤收欸段伏念某鼠肝末品螳臂焉能少習吾伊妄意青蓮吐舌壯嬰塵網竟爲斗米折腰十載於茲五枝窮矣積薪自歎方願返於屠羊一簣未成忽駕逢於相啓雋類函卷六十三

三六

馬采葑采非非有擇而取之不符不田又何修而得此飲江河而分潤視匹夫不獲其所者若推之竭涸滴以裨深號門生而不知恩者非人也拊冰鐸而欲試空懷國士之心苟死灰之可燃寧其後人之事偕憑子墨敬述寅丹仰丐迴光俯察微欸

謝山東按院啓

薦舉

明謝肇淛

星輅東指風依夏屋之萬間霜簡西飛遂拜春風之一紙周公還贊終收七十士之功毛遂處囊叨廁十九人之列如天之福何地以承恭惟某官龍門標峻鳳穴鍾祥列柏啼烏漢署久推領袖皇華驅駱齊邦

薏借繡衣岱色迎車不崇朝雲收霧靜海潮飲馬數
千里氛息波濤代已及瓜且聽九霄之履行而拜草
誤收寸朽之寵伏念某樗質難雕逢心未改十年司
李自其牛後之嗤一旦枯桐頓備龍門之採薦賢爲
國共推渤海吳公登華報恩慚非洛陽賈誼惟馬價
既立增於三倍而驢技尚堪奮於一鳴號知已之門
生例欲自同於蚺雀報遇我以國士誓當益效於羔
羊敬貢短絨用申微款

謝山東按院啓

薦舉

明謝肇淛

繡衣六條之察定匪徇私華袞一字之褒却疑過實
啓雋類函卷六十三

二十七

恩深采非感溢連茅恭惟某官彪世鴻文匡時偉畧
三齊水落共看鵬隼橫空九鼎文成始信豺狼避道
文章司命且登江左之壇品類甄陶不棄海濱之瀉
以愛仁惡雖寵若驚伏念某腐鼠何知雕蟲未效蹉
跎十載雖憐鄧禹笑人拓落寸心惟恃鮑君知我連
鑣舊誼慙玷鵷鷺之班行伏櫪新恩頓起駑駘之聲
價士別三日敢謂信然我有二天於斯驗矣拊龍泉
而自歎時懷激烈於古心苟鮒轍之不朽尚思蹀躞
於末路僭憑子墨敬述寅丹仰丐迴光俯察微悃

謝金按臺啓

教職

明王德乾

良工可喻乎官人略其所短賤秩獲信於知已幸遇
非常矜伏櫪之壯心賜涸轍以生氣恩施不報感慕
能名蓋自科目崇而作賓之途絀長牧貴而廣文之
署窮下因耗志於雄飛上遂虛求乎馬智某亦念何
官可曠爲師實難重闕里稱賓對聖官之初尊辟雍
式申釐賢廡之訛勉助貧鯨恪襄飲約第功疎學古
最技拙于摛文且術眩匡今曷才通乎製錦揣稀一
得矧檀二長叨送吹噓以上天祇抱竦惶而無地恭
遇某官篤生元碩祥發陪都一人煩萬里行驄首省
來九霄鳴鳳剡登循吏尾及儒臣白筆之涇渭無私
啓雋類函卷六十三

三十八

禁中坐照烏府之品題謬采分外殊榮夫結裾不燧
宮墻匪親簿書者易爲標見而鞭策僅修簞與綰
墨綬者均被游揚豈念某亦有精白之衷故列某特
在驪黃之表意者許吾未逮正勵前驅敢不矢此餘
生用圖後效永銜鴻廕末由將野食之芹遙盼龍門
介使獻巴吟之草冒陳電瞬祈霽霜威

謝王按院啓

教職

明王德乾

太史巡方簪借燃藜之筆秘書司直榮分茹霜之盤
寵非望以深銜叨過情而逾汗切惟鵲起之奇易見
馬智之用難逢又銑挫於多權則雄心漸耗才抱

於獨冷卽負技奚施矧如其者問學本疎經綸更拙
雖勉倡誦絃於闕里何當傳洽之聲稱亦僅修簞簋
於柯宮安裕通明之器識乃以蕪長許可遂蒙大剡
吹噓是加國士之遇於衆人猶拔上乘之材於下樞
也匪宏取節寧玷薦賢恭惟某官道先民覺學爲帝
師東壁圖書列仙班於虎觀南牀繡斧代宸狩於烏
臺綜十一郡之人倫衡百千官之流品首褒牧伯尾
及儒員彼瞻濟群寮或不忝端公之賞鑑此寒閒一
命亦何來亞相之提携微名及於彤庭片字浮於華
衮職某傳譽言出夢想外喜定生慙幸凡質經品題

啓雋類函卷六十三

三

中感餘思奮寸心佩德若冒津涖無際之天綿力酬
恩矢在溝壑未填之日庶副虛揚于末路不孤盛典
于三途而極目虎亭媿乏登龍之役懸神羊坂聊憑
繫雁之將遙跂崇嚴俯涵下悃

謝按院啓薦舉

明孫成泰

繡斧時巡馭風霆而肅清四表彤輪報命懸水鑑以
甄別群工方遵矩矱之新又附陶鎔之末沐鯨波而
知潤登薦樹以懷慚恭惟某官玉振金聲仁經義緯
負至大至剛之氣慨慷批鱗蘊不茹不吐之標從容
攬轡多擁烏臺而風生館閣聽鳴龍句而氣肅江淮

周諮宣雨露之恩調劑慰雲霓之望取人材于庶位
袋囊昭文穆之風廓賢路于剡章吐握邁姬公之度
如某治兵末品分臬散材方懷瘝曠之辜乃荷揄揚
之典非吳門之焦尾清音謬賞於中郎豈豐獄之神
鋒紫氣幸呈于雷煥叔向升駿明于堂下在昔僅聞
晏嬰載石父于道傍維今再覩曷能酬德銜鼓鑄于
高深祇用銘心想儀型于咫尺拜送紀綱之僕肅申
犬馬之私念切傾葵望龍門而展素感同推食托燕
賀以抒丹伏冀淵涵俯垂霽照

謝吳惺初按臺啓薦舉

明程子侃

啓雋類函卷六十三

三

日月照臨寰宇仰清輝之普春陽發育葑菲藉大造
之培鑪錘無意陶鎔品彙永懷覆露恭惟某官玉署
清標瑣闥重望江淮攬轡兩之潤而霜之嚴齊魯提
衡遠者懷而近者畏助勦明主陶鑄後生某窺管江
左待罪齊東驚馬上太行雖鞭策而莫進鉛刀刺犀
革卽淬礪以何堪無益饑疲有辜民社自分螻蟻微
垤難同近水之樓臺詎意櫟檟膚材濫附倚雲之桃
杏顧斗山望切仰瞻又隔于雲泥而江海恩深報答
難伸乎涓滴敢不洗心勵節用符月旦之評沃髓論
肌永圖國士之報

謝顧桐柏按臺啓

薦舉

明金璋

四其膺膺賞

郭霸號四其御史

榮弄印之歸堯六察

辱濫筮于薦御豈孺子猶或可教緊大賢何所不容

呂袋取盈黃衣難報恭惟某官三巴望閣八顧名流

正大文章瀉灝瀟瞿塘而坪洋昂藏節繁聳岷峨

劍以龍從鳬爲爰一再飛處處蘭芳桑茂驚車環十

三郡看看麝勁蠶開何語可聞天公策枕璫庚策藩

祿無人不被澤祝真御史即真宰衡若乃鑒妍媸則

眉須畢肖至於嗟枯槁又窵突不遺其醜破猶矜瑟

工何補自分溝中之斷孰期燬下之收技本黔驢而

啓雋類函

卷六十三

三十一

命曰倚馬身本斥鷃而命曰棲鸞將說項者或有過

情迺賞音者不求識面遂令幽處借輝於餘照而陸

沈特達於半張雖覆載之無心若栽培之有意敢不

祗承以蹇蹇而僅圖報于多矣所願君子之成人特

爲振滯有如王生之知已豈竟投沙擣首踟躕斬作

鼎邊鷄犬翹心頌禱佇瞻閣上麒麟

謝韓按臺啓

薦舉

明金璋

工師制木惟大小修短之咸宜盛世使才并據隆

施而各盡自資格之牢不可破遂王門之等于沈

非際達人曷瞻特舉恭惟某官毓具丘夾谷之靈

聖人若此其甚隆北斗泰山之望雖豪傑待之而與

三吳之桃李陰陰到處歌恩君神父兩淞之牢盆并

井安排作舟楫鹽梅以我公歸今或殿中或柱裏簪

白筆而司準繩固可以商廟堂之大政第公之出也

爲督察爲激揚策絳騶而搖山嶽尤可以代耳目之

難周於是英蕩載馳環豫章而惇栗品題入穀繁輪

困以俱收其跽誦袞褒頓生芒刺下乘非上襄之選

傷弓豈借箸之儔昔嘗利執於請纓直付沙中之偶

語今即追蹤於前席亦移梁邸以投閒蓋籠鶴翮鐵

而難飛屠龍技成而何用使寓內有一人知己者足

啓雋類函

卷六十三

三十一

以不恨况河東之嗟送上天哉其副實難敢不洗胃

刮腸矢仰酬于國士左祈左提右挈終大造于家臣

繫我師爲千載之人迺有千載之事而小子爲非常

之遇迺有非常之陳行懸豹于雲端悵遊龍于日隔

竊擬張安世之拒謝竟達空函徒效華封人之祝詞

更謳實鼎

謝黃侍御啓

附

明謝廷讚

蘭臺省月對北斗以揚杓柏府觀風坐南牀而攬

居身喉舌按節股肱國脉冀淮海之清皇圖鞏豐

之固量函山數光貴丘園對菲辱收涓涓靡效恭惟

某官儲祥博望瓊枝秀擷黃初發迹皇華軼草光搖
白簡帝鄉湯沐匪徒漢代新豐聖轍望洋曾訪郊官
雲紀海門曙而楊子接天柱標而肥水清南北四郡
襟喉古今一大都會臺下靈襟總括霽宇調劑輪埋
則璽綬入于朱絲鏡懸則菁莪輝于絳帳下瀨濬而
芻輓利南薰詠而解溫輕綜紛紜之雜端入搏挽之
妙手故知一若龍一若虎恢乎有餘譬之左畫圓右
畫方靡不如意猶復揚茲瓦礫加以詢于芻蕘不謂
輪囷離奇之材謬取牝牡驪黃之外以不肖之坐止
依乎罔兩詎有特標以不肖之骭骸推于道邊真無

啓雋類函卷六十三

三三終

媚骨雖逆鱗嬰三尺方媿狂夫之言而鷦鷯棲一枝
實共愚公之谷臺下言刺骨字字匠心所以古人
重知已之伸却慚不肖難國士之報淒淒寒谷頓發
春陽寂寂柯筠忽鳴天籟雖人居沁水恐移稗圭之
文而驥阨太行敢忘伯樂之顧有生之日銜德之年

啓雋近體卷六十四

類函七十六

東吳俞安期羨長彙編
上饒王嗣經曰常同輯
建武鄧漢遠遊訂定

侍御部六
謝巡鹽薦舉

謝劉鹽院啓

薦舉
明馬朴

聽輶報命劍章典重於拔茅鶚表薦賢推轂恩隆於
剖竹敕帚千金之享其語則然華袞一字之褒爲榮
殊甚敬裁尺牘用瀝寸局竊惟察吏所繇安民緣吏
治係生民之休戚辨賢廼以厲世爲賢才關世道之

啓雋類函卷六十四

汚隆然自資格之崇卑多岐而下淹鹽驥或略時地
之勞逸槩叙則前泣頽魚與援勢重移山春色偏向
陽之木巧宦力輕點水天工奪翦絳之花此輶近激
揚之典精鑑爲難卽踈庸砥礪厥官處囊豈易况其
扶風冷系馮翊督儒綴羽公車疑信詩書之誤強齡
仕版昂藏升斗之謀夢旣協於三刀思每厘夫五袴
蓊川事往猶驚雲漢之疲神易水年來更苦天吳而
殫力遭時不幸了事亦癡且易爲州雖稱畿輔據燕
畫野實介邊關地緣沙石而多荒可墾乃萬山之隙
民雜軍夷而頗悍所治仍九牧之餘加賦重而役繁

兼法弛而治敝因地之利非無可資以治生奔命爲
疲又輒受累而欲死舟中推採懼談於菟於覆前局
外治安難策厝薪而厚下殊無善狀良負夙心方虞
貽刺於伐檀敢冀見甄於采非茲惟其官德純楚玉
望重荆金經國長才擊舜海三千運北名家雄藻翔
堯雲九萬圖南繡斧下蘆臺三省風清煮海形輪出
柏府四巡聲震檣山柱後惠文共羨朝陽之鳳殿中
屈軼盡消當道之豺獠許屢見夫回天華臚已躋於
惟月儲才有夾袋秉公無豫席之容好賢若緇衣持
正眇按圖之索遂令黜譴蜚譽循良既保留於樛材

啓雋類函

卷六十四

二

獻績之時復薦舉於棘寺遷階之日因其居繁治劇
猥云練達之長才念其守拙行方輒許孤貞之卓品
雖始終皆實政敢言德洽於萬民採前後之虛聲更
謂賢稱乎兩郡售駕蹄以神駿一顧價增登魚目於
靈蛇三思愧甚高山流水誤蒙鍾子之知吞炭漆身
敢後豫生之報願緣沐澤益勵餐永勞無字之心期
甦彫瘵畢劑量之力務適均平是答隆天有如皎日

謝鹽院余公少泉啓

薦舉

明馬朴

嵯臺擁繡久蜚彈壓之英憲府剡章濫被品題之寵
德侔亭毒恩埒鞠生可無緘續之誠用表及門之慶

恭惟其官清融氷柱峻峙斗鈞尹吉甫文武之才中
興昭代董仲舒天人之學褒對大廷應宿飛鳧春滿
螺川百雉朝陽鳴鳳霜寒螭陛孤鷗使朝廷知所尊
寧避立仗之斥安社稷以爲悅不難徑尺之櫻攬轡
登車煮海政清三省埋輪當道搖山威振一時望著
南床眷隆北闕不腆閣中之狩特煩柱後之行多斧
還朝最課及瓜之代鶚書薦吏賢無采非之遺其秩
忝三刀政慙五袴雞碑小智雖勤撫字之心兎角虛
名實乏循良之績採焚拯溺卽當食吐哺以徒勞往
靈剔奸正引繩批根之未盡嚴保甲以防鼠竊恐致

啓雋類函

卷六十四

三

綠林亟賑撫以集鴻飛祗緣赤地豈意毫毛之甫効
遂蒙咳唾之見褒被羊質以虎文能無面赤售駕蹄
以駿價爲賴昨青言乏謾明誤辱殊知於堂下才非
石甫奚當奇遇於車前參苓備藥於籠中旣幸龍門
之附蓬草托屢於宇下更忻燕厦之成是瞰感持之
詞少布皈依之臆儀型在望願砥礪之益堅陶冶莫
酬惟結銜之永矢伏希丙鑒罔旣寅尙

謝葉鹽院啓

薦舉

明馬朴

嵯臺報命墮鸛表以拔人斗郡微恩竊龍光於知己
矯首有明之照銘心不報之施恭惟其官商鼎鹽樞

虞裳斧藻瓊林韓鳳九苞彩麗之天葩鐵柱神羊一角孤高之風采浩浩不廻之氣沛發忠莢稜稜獨立之標光寒諫草鵬飛霜斧巡行秋肅澄江鷺擁星軺到處春回炊海朗懸膽鏡幽遐無不照之奸平握心衡細大有至精之品職才踈樗散性近棗昏狐塞荆關未奏阜安之蹟燕陵黍谷空勞撫字之心况箕斗虛名已經銓敘而非封下體更易棄捐豈其煥乎之刺革乃不愆然于推轂既云潔已復謂惠民批揚循吏之前竿混英賢之內九重題奏較山公一字為多四海播傳邁李路片言之重恩同亭毒含生思報以

啓雋類函卷六十四

四

無從德配高深鳴籟欲宣而莫既聊據鐵咽少答鴻私廣厦萬間自此權煩于大庇汪陂千頃能無注意于蕪容尺素何宣寸丹如結

謝浙江鹽院啓

薦舉

明李

鼎

代知

綰章爲邑竊恐製錦之傷晉疏揚庭監玷褒袞之薦辱品題之已感慶遇合之大奇緬惟憲臺之掄揚實關天朝之任使范車行部匪徒問民俗以澄清桓馬趨朝直欲采吏治以論列凡屬刻章甄拔號爲衣鉢承傳自非卓犖雋才罕典明揚盛典伏念其分甘守拙學未通方媿乏濟世許猷辜嗣傳家科第符分山

邑忝民牧承宣之司境接宛陵邇名賢過化之地仰瞻人範謹師治家以治邦恪守官箴期以愛民如愛子顧歷年之尸素懼積過于編氓乃一旦之遭逢忽騰聲于天使茲蓋伏遇某官縉紳表儀嚴廊柱石裁身冠以中立鳳動九階乘驚車以南巡霜清兩浙公海離之利足國裕民振風紀之權揚清激濁汲引不求識面舉知悉本公心彙征俊彥妙探拔茅之繇兼收片能契合采菲之詠以其器若鉛刀令供一割才同線襪亦錄微長自是而入彀中從遊珠履之列自是而出門下得與玉笋之班敢不益勵清修不替平生所守堅持素履用酬真相之知

啓雋類函卷六十四

五

謝方離臺啓

薦舉

明王德乾

代兵

朱方攬轡肅瞻霜斧之嚴白簡掄才沃被露章之潤榮分華展戴切明珠切念天下精兵頗推八婺江南要害莫甚三衢但悍夫不肯歸農時平則此輩友爲倫爲剽孔道尤難防礦世亂則其地在必戢必爭利用借蒐戎以寓銷戎乘無事而備有事邇者遵義凱旋募士未猝耗其梟心上曹新輟鎚丁尚包藏夫禍孽當今控馭倍昔勦勦某也猥從蒼鷹之指麾靡還揖讓頓領青霞之分轄寧諳機宜雖亦勉効援枹督

材官而貫矢仰宣令甲厲選卒以飛艘而黔中之騾
技窮渭上之鷹翮短正虞鯨曠忽到吹噓恭惟某官
親見唐虞抗孤忠而致主力扶鄒魯請四謚以尊儒
風高烏府之巡澄清兩越月朗驄街之按搖動三吳
金鏡湛而甄別皆宜玉衡平而低昂不爽何意治兵
未學亦玷薦賢刻書觀察僅餘半期拮据未竭越代
又兼六睦覆餗彌增極知使過之方全寄紀功之牘
溢張嫩語驚駒矜一顧之恩僭擬名流片石長連城
之價請益加之鞭策用少答手鈞陶所祈成始成終
針砭不忘跡遠坐使亦趨亦步典型長若躬依

啓集類函卷六十四

謝方巖臺啓

薦舉

明王德乾代

倚注方殷借威稜于白簡平反罔績誤榮袞于彤輪
恐踰矩矱之中幸附栽培之末疇能瓊報秣切冰兢
切念物力莫憊于三衢民訟頗囂于十郡深山素悞
輒好關以輕生孔道叢奸易為非而觸憲盡繩則其
愚可憫太池則長此安窮為理誠難平刑乃稱而某
引經未諳讀律尤踈虛厯求生實虞失入卽恪守糾
民大諭揣化俗以無能雖勉遵肅吏明規耻鰥官而
有誚謂罔逃于督過豈得當于吹噓恭惟某官輔地
篤生帝師淵學簪筆攬東南之轡十八邦無敢跳梁

提衡振文武之猷百千官胥蒙挾纊頃者嘉言辰告
竊質春陶已俞瓜滿于報成復荷茅連于竣命品輪
苞彩敢當鳳覽雲柯材謝金眸安致兔潛月鑒雖中
郎見賞全非焦尾之清音縱雷煥曾收不是神鈞之
紫氣曷為酬德第有銘心意者仁人薄責多愆正鼓
前驅之銳長者包荒既往乃堅末路之操矢竭寸丹
虔裁尺素拜送紀綱之僕代將銜佩之私萬祈天度
寬容一茹雲司下悃

謝韓鹽院啓

行取

明王德乾代

伏念某學徒咕嗶才拙平反並仕吳州鈍試鉛刀之
啓集類函卷六十四

七

割補官柯洞短施襍線之縫僅株守一隅勉慕范公
之嚮焉卽冰兢三尺尚慚歐子之燭書虞覆餗以不
遑仗包荒而稍迨至若委司庖治彌增越代之愆既
叨計吏瓦全又寵循資之命得此瓜期而召皆由柏
府所培恭遇某官風飛雷厲以為威小者廉而大者
法天包地容以為量短則畧而長則收業陶鑄乎千
官尤憚憐于一介在下秩丹心倍結宜樞衣驄步之
堵會崇臺紫氣巡遊遙攬轡龍蟠之甸謹遵條于越
境用遣謝手行旌矢畢餘生效驚乘纖微之力仰祈
異日沛鴻鈞浩蕩之恩

謝韓監院啓

明三

承乏柳營蚤負魏材官之寄疏留瓜代烏嘯同士
之知寵異數以從天報殊恩而無地切念天下精兵
之數八婺今雄江南要害之防三衢古鎮所需簡卒
雅貴得人而其謬劍學于長于叢錄羞于太末蒐遵
義凱旋之隊偶徼倖以無虞緝上曹窺鑛之奸特稟
成乎令甲揣救過而不暇何隆遇之敢圖遷秩西江
已是平生非望加銜東浙尤爲創見竒遭第驚鞭僅
勉于暫施而驢枝恐窮于歷試虎聲流汗曠典驚心
恭惟某官得統聖文綏猷神武十八郡驄行電掣三
落雋類函卷六十四

謝監院啓

明章堯相

榮精懸象遠飛六察英聲風采動時峻凜四其直氣
持斧旣難下借薦囊豈易中存欣戴吹噓嫫髻報稱
恭惟某官灼乎月斧精神允矣天球氣韻波濤吻縱
屹砥柱于狂瀾華藻筆揭長庚于曉漢架學飛才
以逢世題輿攬轡以共官投利刃以皆虛委芬絲而
必理編列盡怡怡于平葉部簷免恤恤于露根休有
烈光排雪霜而布煖嚴無避忌掃氛侵以單和始達
鵲喜旣凜臺閣以生風終見烏來猶晉棘槐而渥澤
某才微折線器陋挈瓶佐郡有展驥之慚攝守無憑
落雋類函卷六十四

謝龔監院啓

明程子侃

九霄鳴鳳檐鳩藉附羽之榮萬里行驄握馬懷逐塵

之願固知相應在于同聲實謂所伸由于知己恭惟
其官八閭翹楚奕世賢豪如珠如玉以騰輝吹簾吹
填而叶奏霜飛白簡望肅西臺風擁繡衣波澄東海
激揚運掌上每切張羅藻鑑在胸中獨先推轂遂使
海陽桃李並植于公門不嫌末品參苓均收于內府
深荷二天之庇難伸寸草之酬敢不益策前驅無負
寵靈之赫勉圖後效副及引之公望烏府以揚眉心
懷耿耿企龍門而動色念切依依敬致敬忱仰祈台
鑒

謝江北應鹽院啓

明李泚民

啓雋類函卷六十四

十

恭惟某官三台望重六察聲華霧徹丹墀正色光浮
日月星寒玉斧英風氣震江淮鯁籌主司筴之權經
綸裕國海炊試和梅之績煮鑄宜民鴻波浹萬龜以
流恩麗德庇兩淮而蒙福某夙領斗仰幸遂嚴瞻仰
申祗候片私猥辱瞻存雅惠謹將銘烟肅布謝悰伏
惟電炤曷勝冰兢

謝漕院薦舉

謝俎漕院啓

樊薦

明馬朴

六條察吏辱鑑賞於烏臺一字拔人榮袞褒於鶚牘
郵書宣播官邸光華恩斯戢於心丹謝敢宣諸手墨
竊嘗以昭代人文之炳煜累朝事業之熙隆固皆戶
孔而家周真足軼唐而駕漢惟是循良之吏尚疑伯
仲之間蓋內外秩懸繁薄鸞鳳於銅墨資格途判罔
憐騏驥於鹽車何莫凌夷所由醞釀念其才微五技
學愧一科少伏節衡偃仰詩書之誤壯分竹使縱橫
州縣之勞况路當子午之衝又時值庚癸之急新法
啓雋類函卷六十四

孰非掣肘罷民動是剗心劑量調停知必恩威之並
用撫摩安集爭如時事之多艱苦藥自嘗甘棠何在
瑩精司牧職惟求牛羊之芻凡骨難仙分不祗雞犬
之鼎豈謂么膺之品大遭特達之知既荷移旌載煩
推轂茲蓋伏遇某官滿腔經濟大手文章名世崛起
騰文較於洱海清時妙選儀彩鳳於瀛洲耗筆垂紳
柱下獨持風裁秉輅執斧寓中咸肅紀綱望重搖山
政清煮海已試和羹之緒仍資足食之猷萬艘雲來
屈餽餉關中之策千倉露積卑轉漕滑上之功且威
凜馳銜到處陸無驚年明懸崖照經臨水別魚龍

金東箭之珍悉羅幕下木屑竹頭之細亦置龍中碌碌何奇休休見重弗替細衣之好亟厘青簡之揚其兢業無他過許心醇而守慎見若施為有序彼云事練而才充方愧流亡敢謂功多乎全活鉅勤修築抑何利賴于轉輸乃荷采蘋騰偉薦紫宸之上更叨揚批置深資黃甲之前見出拘攣事成希曠蓋將屬世磨鈍轉移吏治之污隆豈惟匿瑕求瑜愛惜人材於取舍踵頂皆歸之造就髮膚何報於生成某心實有知力圖無負不獨為公門桃李豔化日而馥春風必當使帝畿草萊暢仁天而飲惠露斯為報塞無任啓雋類函卷六十四

感銘

謝李漕院啓

明馬朴

繡衣察吏持衡雅重於揚清華不褒賢推轂辱榮於論最桃李幸公門之植非封慚王國之楨深荷吹噓亟鳴感佩恭惟其官人倫威鳳朝列神羊蜚英譽於桂林香分金粟撥魏科於蘭省名重玉芝理曹鞠露靈之聲法臺凜風霜之色整襟正笏不難批徑尺之鱗替筆執囊豈遑問立仗之馬憲臺初命策鄭侯轉粟之勲使節無才總夏后導河之績游龍含尾事來萬國之舳艫振鷺班心首肅九天之簪紱世道倚爲

砥柱官評定以權衡然毛錐詎乏於囊中顧孫阮兼錄之轅下其翫麟自愧豈優軒豁之儀函奔多踈寧具精詳之識雖允浮粗去敢云裁節之有裨而政教未翔尚懼士民之不與乃蒙化筆特剡薦章有如收稊米於大倉直欲送洎波於層漢鵷書奏報九淵生魚目之光驛傳喧馳千里長驚帶之價感懷報德恨無地以答栽培努力酬知惟矢天而圖淬礪平生守道不爲傍戶之飛此日受恩願認捲簾之處肅茲削牘愧甚承筐披雲霧以握衣無自拜蘭臺之色上星辰而聽履還期依槐閣之陰莫罄卑悃統希崇鑒啓雋類函卷六十四

謝巡關薦舉

謝巡關侍御沈公啓

薦舉

明馬朴

形輪按部雄關嚴霜斧之威白簡掄才支郡沃露重
之惠修華袞於一字寵甚欲驚享牧常以千金感深
滋愧莫施踵頂敢布腹心切自承平久而世宴慶堂
因循滋而人習厝火長此非久安之道况今屬多事
之時朝列半虛國成靡定仁愛婁形於謹告怨咨不
忍於聽聞燕雨陽驅思亂之心而摧採迫啄窮之嘆
脫有未必然之變能無不可爲之憂故必緯武經之
秉憲運懷安之略亦惟庸民畜衆守臣弘保障之謨

啓雋類函

卷六十四

十四

若忽第一義於法筵終辱七十家于管庫伏念其
珠遺胄逢珪督儒偶興捧檄之懷遂作縣刀之夢載
臨易水實介邊關民虞羊牧之多事苦牛輿之掣法
弛治牧襲承非張瑟之宜地瘠役繁節省有捉衿之
露勤思調劑殫力撐撐精神既耗於簿書髀肉又消
於軒蓋負嵎談虎不辭樓臂於覆車竭澤鱗魚務活
枯鱗於涸轍雖蒐苗懼越俎惟思調玉燭於人和而
食息念戒初每願壯金湯於天險然鉛刀鈍質知何
濟於艱投卽塵甑小庶諒無裨於大受况玉節代巡
之日屬銅符未剖之時罔効驅馳祇遵約束詎意及

瓜而報命蓋叨采菲以剡章茲蓋恭惟某官品重珪
璋望隆鎖鑰茂先三千乘供繡虎於毫端仲淹數萬
兵運韜龍於掌上皇華仗節使星騰駢駟之光朱衣
持衡文曜奪鳳麟之彩迨椒開於橫榻羨梨脆於上
坡珥筆桴彈輦轂肅而群奸膽落整襟供奉朝廷尊
而百辟心寒擁笏兩關鳴驄三輔宣威耀武旌旗炳
煜於登壇問俗觀風網紀振揚於搖嶽念惟扶風近
輔又當紫馬之關若爲覆露遐陬使躋黃義之世亟
求良牧遂費洪鈞尺有短而寸有長曲寓裁成於卵
翼瑜是求而瑕是匿過蒙獎借於齒牙夢絕生花乃

啓雋類函

六十四

十五

謂凌雲彩筆守硯茹檠猥云矢日水心雖拯拯災罹
民不至溝渠之瘠而周旋繁劇神豈閑于午之衝網
仲尼有試之譽風聞奚自懼子輿過情之耻震虢靡
寧致士千金辱棄捐于駿骨報君一劍思淬礪於鷄
膏十九人中必不甘乎碌碌三千門下願自効其區
區非第持保民如子之心爲不負以人事君之義斯
稱盡職是用酌恩不慙子墨于典義用表寅丹於持
券謝宗源薦士無不顯者計非專祿位之問張子孺
舉賢有私謝邪意固在形跡之外賢者能識其大聊
效歸依斐然不知所裁略陳固陋望龍門而瞻注翼

烏府之鑒函

謝巡關御史吳公啓

薦舉 明馬 朴

繡斧行邊茂績壯鷹揚之旅彤輪還闕最書徵鶚薦之榮對鶯樹以生慙沐鯨波而知感竊惟大賢經世始有允文允武之全能而俗吏爲邦豈皆治賦治民之兼擅况玆旒微智尚艱製錦之長且越俎冒嫌更易捉襟之露此雖無咎無譽亦所宜甘况以至陋至愚敢希非望伏念某學慚鹵莽志愧駸駸一麾剖竹以來六載積薪而嘆歲時虛曠未聞春謁燕山景物蕭條徒見風寒易水憶昔閱兵出塞正當攝篆抱關啓雋類函 卷六十四 六十四

雖勉強周旋祗遵憲典而拮据董振頗耀德威然碌碌以亡奇終庸庸而何補詎意菲葑之不遺遂令樛櫟以兼收兩荷華聚萬踰恒調茲蓋伏遇某官乾坤正氣寰宇真才近聖人居學術紹開來繼往爲王者佐經綸饒揭地掀天赤縣鳴琴兩地其棠蔭芾烏臺補袞一時勁柏參差一角神羊觸處朝無邪佞九苞靈鳳鳴時固有光華攬轡兩淮煮海恩流萬竈提衡三省搖山聲振六條載煩玉節於三關益固金城于萬里雷驚電掣行間豺虎魂消日朗霜清塞上貌貅色動旣詰戎而克壯仍課政以惟嚴以綜覈吏治在

濯澗之弗清旣揚清而激濁謂愛惜人才湏瑕瑜不相掩復棄短以錄長遂使卑微得叨推薦德虧磨琢過譽同和璧之純才純剗裁謬許以郢斤之利更因事集謂六案之風清且以民安稱四郊之春盎一字袞華而莫副數言鼎重以奚勝茲迫及瓜猶厯揚秕哆口循良之治行盱衡卓越之品才薄効拮据豈果造軍民之命脉過嘉綢繆輒云固畿輔之藩籬異哉赤水之玄珠兩得象罔神矣金陵之化筆一點龍成某敢不永感遭逢益加被飾雖培塿地薄終難成凌漢之栢松然栽植天高決不負倚雲之桃杏肅虔濡

啓雋類函 卷六十四

十七

削用報生成日近城南何日披觀天之霧心懸斗北從今依近水之臺無旣感忭統希涵鑒

謝巡關侍御姚公啓

薦舉

明馬 朴

龍墀弼聖望崇獻納之班烏府薦賢榮動激揚之地剡章溢美推轂成恩旣已叨橐籥之中敢自棄門牆之外恭惟某官吳山胤詰秀水儲英題千佛經彩射爲魁之象擁八使節光搖向益之星陳開採之圖情殷鄭繪珥桴彈之筆威警張輪廷授金符大閱軍容于塞外朝分玉斧丕揚憲紀于畿南運經文緯武之才試出將入相之略柏蘭臺下旣大法而小廉參木

龍中亦蕪收而並蓄其人微馬走官愧隸飛門翰翮
兩關聽鳴三輔誠中懸注固恩厪頃固之榮望外裁
培敢冀附倚雲之杏乃逢吐握過賜榆揚謂高目乎
民艱且矢心于政術硜硜廉介而曰清嚴不愧家聲
僕僕衝繁輒云諳練堪稱國寶品題才經乎白簡聲
價遂出于青雲焦謝吳門謬辱聞音之賞紫懸豐獄
誤煩占氣之求德邁道傍遇超堂下雖緣親在身未
可以許人既累公知容必爲于悅已益當砥礪用報
陶鎔肅戒紀綱敬修咫尺仰龍門而抒素子墨罔宣
啓雋類函 卷六十四 六

盼燕厦之垂青寅丹常注

謝江院薦舉

謝江院啓 薦舉

明趙世顯

宣上德於畿南非賢莫稱播皇威於江上在昔惟艱
睠茲不世之英式展匡時之略恭惟某官德冠全閩
望隆南土明刑浙右恭慕永慕于公簪筆朝端庶
職咸欽乎桓典貌貅百萬靜九派之烽煙芻粟千艘
給三邊之餽餉然且功而不伐而猶讓以推賢某混
跡監司曾何裨於碩畫濫竿戎柄罔克樹乎微勛方
懼獲罪台嚴詎意謬叨薦剡恐隨榮至感與愧并謹
馳下吏以輸忱仰睇上台而展謝伏惟崇鑒曷既瞻
依 啓雋類函 卷六十四 九

謝倉院薦舉

謝方倉院啓

明馬朴

攬轡埋輪望冠柏蘭之署刻章推轂恩弘桃李之門
大鈞塊北以無垠小子凌競於有造竊惟論士難於
知已匪關名位之間事君大乎以人况屬激揚之地
荆金越箭方宜以共寶爲庭實之充燕石齊竿寧可
以衆淆稱山坵之納伏念其簞屨鉛槧砥礪規繩志
不後人雅欲做一流之事業遇無好我竟不顯千佛
之姓名人或憐其辱泥自不甘於棄朽急承試吏小
欲澤民不圖時事之漸非迺與詩書而大迂執此道
啓雋類函卷六十四

干

以往何莫荆榛舍所學而從其如衾影疑爲未信
之仕負漸乎可見之行矧地當水陸交衝舟舍輻擊
而時值饑饉荐至玉爨桂炊飛者鴻劬者人寧論准
科之拙瘠矣馬痛矣僕可知供億之艱顧此冲罷敢
委揜撐之力痛惟焚溺正當拯拯之時既竭吾才不
遺餘力竟乏一長於治劇惟虞百孔之求多夢寐疲
魂不冀緇衣之改驅馳跡跡何來華衮之褒恭惟某
官顯允元老之壯猷諫議大夫之華胄鍾英桐水名
從淡墨上星辰司理桃源手三疊益翰霹靂嗣膺帝
簡重正官聯鳳鳴岡而梧相以生謹論常弘於簪筆

虎在山則藜藿不採威稜丕振於垂紳會計田工退
不遺乎地利考成牧政大有裨於天閑蓋正己以正
君亦足民而足國陳因邦用算資驄馬之鞭輪灌叢
漕流順驚車之軌王猷分八印崇閱閱於口碑吏治
察六條照妍媸於膽鏡旁求泰茹誤及過茅旣引重
於巡青復廉能而薦白三生再造千載一逢愚不通
方顧謂嶙峋之勁節勤以補拙猥云敏練之長才憫
其刻意勞民或洽惠良之澤諒其剛腸疾惡似伸別
蠹之威拔自稠人置諸循吏雖士元稱述之多過恐
行冲滋味之莫充譬則太倉美之稊米之細居然威
啓雋類函卷六十四

三

簡冒揚糠粃之前鸚鵡書飛奏乎一函馬價遂增于三
倍某益當被節仰副品題辱大夫之拔尤致羅恩重
報國士之遇我吞炭身輕所欣事鞭勒之初但愧承
瓊瑤之好寒暄字下非同一榻之偶依風雨堂前實
快萬間之大庇

謝馬院薦舉

謝王侍御啓

馬院薦舉

明萬世德

風清柏府欣逢當路之驄露覆花封還作康莊之駿
霜蹄正疲于櫪下逸足頓轉于桃林戴德恩多負乘
力淺恭惟某官雲龍氣局天驥丰標騰茂飛英萬里
遙看蹀躞駕輕就熟八埏一任馳驅膺雲錦物色大
權覈躍鐵飲金上品總紀綱詭遇不售綜名實跼弛
必收拭吏在風塵奔走之中鑒賢歸滅沒存亡之外
量擴兼收並蓄群良遂空力加惜善怜才一鳴不棄
倘非乏駕可備識途遂令下廐庸驥並列天閑良渥
啓雋類函 卷六十四 王統

里之想

某駑駘末品徒飽芻秣風霜槽櫪劣刑甘向迤邐歲
月豈五龍舜馭足邁羲和將八駿周丘能參伯罔效
良爲御志豈售于十禽逢伯而鳴價果增於三倍知
求大宛之足必以駿骨爲招信辱造父之驅頓覺款
段思奮貢函通悃難酬一顧之知附非傾葵常馳千

啓雋近體卷六十五

類函七十七

東吳俞安期羨長彙編

上饒王嗣經曰常同輯

建武鄧漢遠遊訂定

侍御部七

謝保全

謝李漕院啓

保全

明程世奇代

朱方督餉肅瞻霜斧之嚴白簡稱才沃被露章之潤
感殊寵則白粹于操懼過情乃赤生于色常懷推轂
未暴銜環切念財賦產于東南三吳稱甲金穀充于
西北兩浙頗昂故郡以潤州爲漕儲轉輸之橐籥而
啓雋類函 卷六十五

聞惟京口係運艘牽輓之門庭從來繡節先按南邦
嚴稽遲速然後風帆俱颺北固始達江淮文武鱗集
傾心慶際風雲而依日月軍官魚貫引領思沾雨露
而避雷霆總司七省之起存宇宙半遵約束分督兩
河之通塞囊區多藉隄防長江有巨艦卽安父歸鳴
鳳六車非朽索可馭自愧吟蛙見阻植桑安望三年
餘九年之蓄政疎決水焉能二百如一百之登此皆
不職之尤難肩不虞之憂况僨運賢勞于諸總而驗
收專委于各廳浪靜風恬盡是神功呵護星飛電掃
莫非衆信感通濟時之績在人瘼官之愆由已如濫

惡之弊既革已竭脂膏而潮潤之額盡存是何法紀
心曷嘗偏重百姓跡疑于薄視三軍止因交兌不厭
貪饕致使臨倉未免鼓噪不善調停之罪百口難辭
亟加擯斥之誅三尺可畏詎意春風蕩蕩融和且拂
粉榆化雨霏霏沾濡不遺封非才慚八斗掄楊煥星
斗之輝守慕一泓褒獎奪瓊瑤之燦榮分華袞戴切
明珠極知使過之方盡寓紀功之牘第汶泗罕聞英
俊前輩或有名流金焦迭見循良後進敢塵芳躅欲
圖砥礪以效涓埃惟莊誦明言奸弊更惓惓于禁令
楷模懿訓強弱尤切切于抑揚步趨高揭雲霄寤寐
啓雋類函卷六十五
于萬斛混念慮常懸山嶽精神在千頃汪汪未卜
親炙之期敢憊依歸之念敬緘尺幅聊表寸心
台慈俯鑒愚悃

謝起官

謝朱侍御啓閣起官

宋周必大

伏念其久聯冗從積愧空餐囊分竹使之符遽失蘭
咳之養琴既聞於切切棘猶歎於樂樂敢謂誤恩曲
憐舊物中詔亟頒於銅武半塗復昇於玉麟誰爲推
挽之謀宜有寅緣之助此蓋伏過其官學窮聖秘智
蘊賢謨右省拾遺首膺親權南牀執法大振直聲剛
明夙稟之天資風采獨高於朝路竚陪幾政用展壯
猷方臺評務別於忠邪故閫制靡遺於衰朽其敢不
勤求民瘼力報主知及馬問羊雖愧子都之智帶牛
啓雋類函卷六十五
三
佩犢願求渤海之風銜感攸深指陳奚究
謝汪察院啓服閣起 宋周必大
三年銜恤僅服素冠十國爲連遽膺丹檢惟秣陵之
輿壤實岳符之別都人物浩繁據南北要衝之會江
山雄偉號古今形勢之邦孰謂孤蹤可當遴選茲蓋
伏遇某官稟資端慈植操剛方芸閣校讎萬卷默藏
于胸次楓庭奉對一言密契于宸衷暫司糾察于六
曹行振枰彈于兩院曲推餘論猥及陳人俾從臾
之餘亟冒藩宣之寄其敢不奉揚德澤綏靖兵民上
以酬聖神再命之榮下以慰父老一方之望

謝黃御史啓

謝官初起

明唐文燦

竊謂吳門焦尾之琴必逢蒸而清音始振豐獄埋頭之劍非遇張則紫氣莫銷物固有然人亦宜爾但得賢易失或因窮通變態而殊觀故知已難遭至歷老壯終身而不偶叔向升黜明于堂下晏嬰載石父于道傍自昔已爲濶稀在今何幸遽親仰惟其官挺英南甸躋峻內臺操繡斧以代時巡晉水挹澄清之氣擁彤騶而臨曉發燕山傳震動之聲猶然早計夫文場是用廣儲乎材館皇華懷切咨諏俯及卑僚伐木誼殷招致先加遠友如其者雖喜綴聯于一第尚慚啓雋類函

卷六十五

四

沈汨于半生剔蠹頗動秬同學究雕蟲粗練總似俳優况經薄譴之餘適值閑居之際日惟深培松菊素業盡荒年且漸逼桑榆朱顏乍改下流多謗失路誰悲忽承烏府之馳緘直抵蜩廬而促發著新匪乏反興念于遺簪藥品方饒更取資于敗鼓蓋汾津蕩蕩竟湏納汜汜以助其瀾卽坻垤區區亦可依霍恒而充厥壤備參詳于考校都官郎諒免差訛定猶豫于題評楚近更敢辭僊倦爰遵諭指遂躡行踪沿萬里縱轡兼程暹恤衝暑衝寒之苦閱五旬停轡就舍聊舒積勞積病之疲隨信于銓曹佇選期于涿郡豈

謂此時州倅報闕甚稀空令彼地鄉闈效勞遽阻蓬瀛分淺安得贊蘇公鯢鵬之吟奎壁象遙未由標陸氏龍虎之號瞻二帝故都而悵悵瞻八元往蹟以踟躕願黔鑪之技本微誠當放諸山外乃遼豕之形未偉詎足呈于河東姑聽新除強趨別任跡離心合恍如見叔度而邂逅征途魂遶月迷隱若陪庭堅以周旋試局流水絃將他奏曷能忘鍾子之賞音運風斤且暫藏要必待郢人之爲質彼感恩于遷官者非所及也惟比德于生我者曷其然乎倘異時復藉天緣叨屬紀綱之末庶隨處常蒙雲庇俾歸陶鑄之中維啓雋類函

卷六十五

五

落小鷦鷯終倚寄巢阜鵬以穩宿泥沙老欵段仍追連旣聽馬而超驤謹酬在袖之前書謬訂彈冠之後約襟懷尚爵緒語附宣



謝賜禮

謝杜按院啓 送禮

明王家屏

粉榆陋壤沮如荒鄉自頃十二三年每歲有水旱蟲蝗之患綿亘千數百里所至聞咨嗟愁嘆之聲民生蹙而流徙相仍宗姓蕃而恣睢莫制富庶靡徵干音問憂勤久替乎唐風幸徼河嶽之靈獲藉斗山之望被繡衣而直指占紫氣於西來綱紀文章聊出經邦之緒謨謀議論漸抒瑣闥之猷聲光初接於照臨耳目頓新於視聽爲繭絲爲保障詎止圖尹鐸之功若禮樂若刑童會且續臯夔之烈其忝依下吏濫廁編修雋類函卷六十五

謝周鶴陽侍御啓 送禮

明王兆雲代

柏府望崇人避乘驄之路楓宸眷渥帝虛曳履之班實喜好音有慚佳賜恭惟其官兩儀間氣百代偉人通籍金閨百里旋符列宿承恩玉陛四星上映太微自秉憲以來欣耀朝陽之驚鸞追觀風之後悉除當道之豺狼况督離吳越之間正洊豎壑疇之日笑談而免其煩苛指顧而爲之安戢直亮風生信是朝廷耳目聲華日茂佇爲當宁股肱其承乏隣封殊無波潤迺荷瑤函下邁珍貺特頒儼承君子之丰儀益重

匪人之踰踏望龍光而稽首憑厓距以報書

謝按院海石徐公啓 助資

明瞿九思

伏念某窟穴遺魂塵沙剝息名編戶版耕田受十畝之征租計山農僉額受一廛之筭屢危抱賤裹病棲窮但同歸于魚鱉雞豚飲流嚙穀寧自附于巖泉草木飽雪餐霜卽顛髮之未衰已形骸之久敝伏惟某官秉三湘之重寄育全楚之多材標表諸奇盡屬絕塵之足抽揚細善果皆照乘之珠至若九思何殊一介未親承提誨莫由居揚謝之班卽私淑儀刑不過在騶軻之列且韜慚抱垢深負昌朝而積苦殷憂已啓雋類函卷六十五

淪鬼域復何心于抱槩徒有意於懷沙詎意高恩再頒明賜提持絳筆重添增貢舉之書餽贈兼金令供助編摩之費此蓋欲燐光于燭火愧不能然譬之猶取鐵于錐端懼難濟治跪承汗趾拜領惶衷既蹈足以循墻復垂頭而頓地言之神怖淚無血之可揮聽此魂驚復有腸而盡折度殘骸已憑徒興哀糞土之餘生恐壯志多恢難取備藥籠之剩物惟是仰天濯肺指日盟肝既愆尤已荷於前除當問學益加于砥礪必不敢有一毫偷惰之意乃所以答非常特達

謝丁敬宇侍御啓 賜資

明林世吉

恭惟其官廊廟環才畀鉉璋器金闥通籍早騰霄漢
之聲烏府我冠懋播風霜之譽振羽儀于殿陛肅法
紀于官僚畿輔乘驄憚行人之避路坳塘簪筆凜臺
閣以生風望重寰區眷隆黼戩想繡衣持斧仰煩執
法于清時紫閣宣麻疇昇秉鈞于密勿其伏苦遺孤
茹荼餘喘憶句容經過曾叨御于龍門顧越嶠鬱盤
尚乏修乎雁帛近痛昊穹之不弔橫罹凶禍之侵尋
猥荷恩慈復頒奠唁感深奕世光耀重泉敬搖竹管
以孤忱遙望柏臺而竦企

謝李侍御啓

宰主賜書問

明謝汝韶

啓雋類函

卷六十五

其七閩下士三楚孤臣品格具凡藝能無取甘抱陸
泥之誚孰施一顧之恩猥辱仁臺忘其譴鮮拔之于
儔伍之內加之以特達之知眷此埏鎔不忘矢勵庶
圖後效無負初心詎意根器非薄之人竟爾投宜閒
散之地離奇朽木雖剗刷無所措其工叢陋嫵姿即
鉛紅莫能增其美彈馮驩之缺誰是知音曳鄒陽之
裾自同避世方慚懶慢未逮獻書乃荷尊慈遠貽教
示翩翩慰藉情與詞交恩慙中思愧隨感集仰劍江
之紫氣倍切瞻依繹金玉之音如聆提命敬乘順
羽附布謝私俟有專申不敢贅具

謝賜扁

謝崔侍御啓

旌門兼賀生日

明王家屏

隆稱旌淑蓬茨揭日月之光大德資生樛櫟沐雲天
之澤惟有童是以有慶既得壽而兼得名寵遇非常
欣承曷已伏惟門下殿邦賢傑命世人豪養正氣之
浩然蜚英聲而籍甚彰纓珥筆抗糾奸慝憲之章攬
轡登車樹激濁揚清之烈巡行之轍半寓內六條具
飭一準臺綱表率之軌在雲中百度惟貞尤敦風教
以其罪廢人之鄙幸爲下執事所收雅度包荒詎直
衣冠之分洪慈軫舊實惟替履之情用不忍自外于
作新則妄意勉圖平被濯奈高春之旣反膂力已憊
況末路之多艱精神頓耗黥剗竟踈于補息老大徒
付之傷悲豈是衰軀可堪盛典表厥宅里當覽揆之
賤旦而錫以嘉名貴于丘園委承筐之曠儀而華其
初度才愧東山之公輔敢云望重蒼生齒慙洛社之
耆英猥辱禮優黃耆廬西河之上愛賢再見文侯居
北海之濱養老重逢西伯歸仁旣晚悵斧繡之行還
拜賜頻繁佩瓊瑤其能報惟願少綿乎晷漏及聞高
步于星辰庶依台席之衡永冀嚴居之枕

謝涂湖廣按院啓

送扁

明孫汝澄

皇皇多史夙仰風度之持眇眇生忽被台光之照以感恩而稱知已以私淑而夢得師披瀝微衷對揚嘉命恭惟某官出逢景運生應昌辰屬天寶久閱于物華肆地靈蓋淺爲人傑獨鍾間氣具豫梓之美材挺起制科負槐棘之重望簪筆入侍于柱下台閣風生繡斧出按于部中衡湘霜凜九重旣卜行且作之股肱四海巖瞻咸想見其丰采京師聚觀司馬談士願識荊州某耽書而癡好古成癖欲舉平生學術就正高明庶經大賢品題脫去凡近敢覲下陳公之楊欣慕執晏子之鞭須緣師以及師誦述政績辱荷愛啓雋類函卷六十五

以推愛寵錫腆儀猥慚腐儒呼云高士褒以一字華袞榮于萬戶實封俯仰古今敘述知遇陸敬輿識拔韓子惟師其然蘇明允遭逢歐公則吾豈敢竊幸垂翅以附蛇可作龍仰祈執策而臨驚可成驥伏乞大施陶鑄曲賜吹噓俾蟲技之夫聞繩墨之言趨而不惑使蛙鳴之輩藉德政之紀美愛以傳恩重丘山德入骨髓冒瀆鈞台之重懷寬鈇鉞之誅

謝按院啓

送偏

明董應舉

海溼鰕生濫竿文部臺端袞字烏奕衡門方負乘之爲慚忽表閭之甚寵荒村吐色若疑金鏡之頒父老

聚觀真謂玉山之照恩加朋錫感獨心雖蓋惟白臺直道而行事每存於激勸與人爲善義尤篤於知游故使蓬茅亦蒙寵飾有庭堪牧馬倏此題銜無地可登龍居然俛仰敢不顧名思義砥節礪躬風月坐談抑亦聞古人之節屋漏有愧何以觀日月之光所有微誠仰塵法座伏祈海納但有光兢

啓雋類函卷六十五

謝詩雲賜顧

謝徐海石按院啓請宴

明瞿九思

二十載藏丘遁壑誤家國士之知五千里躡屣擔簦
忝乾門人之列登舟喜動望嶺顏開戶外進樞衣花
遺瑞香傳刺堦前恭拜手袖携薜荔搖風驚車馬之
臨門爛光輝之載道趨蹌奉召適度河之風雨涼生
忝舞承顏慶指日之旌旗駕發領談浸髓餐教鏤肝
直灑然脫師弟之形骸更何以異家庭之肉骨散來
人不識從今見水錯山珍坐處眼頻餘何幸覩龍駒
棣萼燭燒銀蟾月轉雕梁與翟學士相勸相酬莫勝
啓雋類函卷六十五

十三

謝林竟宇侍御啓

請宴

明許以忠

望雲霄而結念樞趨百里以登龍垂雨露以爲恩羅
列八珍而賜燕況承溫諭益仞竒遭竊念其性成骯
體命值迢遘夢吞鳥而不靈學屠龍而無用半生燈
火欲臨藜杖之光十載蘼鹽莫試梅羹之味尋芳躡
于漆園吏雖許逍遙寄雄心于碣石宮未容磨滅怪

發書空之嘆浪作汗漫之遊京洛塵迷誰開青眼旅

途風惡頻收黑貂彈長缺而無聲擊唾壺而有缺正
思歸路忽遇行臺家東海而沛其霖常流涸轍坐西
臺而懸卿月偏照窮簷從推轂于黃門遂許曳裾
于烏府雲五成而絢日出視詞章月三閱以羈身留
連宴享度曲歌殘子夜催花優亂春風分由交洽而
忘量自令嚴而橫杯香鸚鵡酒流內府之黃瓦冷鴛
鴦霜泛東方之白不聽兒童剝啄尚呼子弟勸酬帶
醉吐茵恃相國能容狂士銜恩結草向韓原問計老
人方歸據胡牀復拜揚郇翰東披濡削以上呈敬託

啓雋類函卷六十五

十三

值班而申謝

謝徐侍御啓

出巡賜顧不答
拜故有此謝

明王家昇

恭惟某官鼎衡夙望黼藻英猷一角神羊抗霜稜于
柱下九苞威鳳振韶律于臺端立朝而正直兼忠厚
之風按部而貞肅得將明之體自中外共欽其符采
即幽遐懸想其聲華不圖戎馬之區獲藉絳騶之重
度嚴關而北輶車麗日月以增輝亘恒嶽以西斧纁
賁山川而動色某仰大觀之在上良慶遭逢負嚴譴
以休陰敢希臨照猥承折節特垂下濟之光肅此循
階聊假依歸之地謹盛無實禮自愧于荒疎望薦有

李意或原其明信懇初函納曷任瞻依

啟馬類函卷六十五

十四

回答

回趙茶馬啓

宋

代

奏最蕃宣易司權牧臥雲而逼象緯榮分東壁之光
摘山而市駿蹄益固西秦之園恭惟某官味甘苦蘗
心秉塞淵出乘兩腋之清風已親法駕勒回中道之
奔電歸杆羯羌茲揚春山之旗久擁東方之騎非環
非玦上有雙鸞載馳載驅駕彼四牡取月團三百片
之羨包以細奩供天子十二閑之湏爛如雲錦佇頒
鳳詔趣扈龍旂其有味溪芽無心天秣烹玉澆過秦
之論徒抱渴塵齋雲作徠漢之歌更觀逸足

啟馬類函卷六十五

注

答方按院啓

明周光

某海濫迂儒遐賤吏不通師旅之學尤闇經綏之圖抱罕三時媿莫加于一鏃粉榆萬里冀可遂於投簪詎意朔方代置猥荷推轂之恩實賴台慈鴻造謬廁夾囊之紀用是憂惟奮負懼切鵜梁矧彼疆正當新造之餘揆不敏何堪弘濟之任頃馳一介以鳴謝方望發藥以指迷詎辱寵貺下逮褒借彌隆敬肅使以登嘉恍震躬而悚惕愧感交集頂踵奚酬所願竊離扛鼎必藉烏獲以匡扶盧犬逐兔定須蕭公之指示庶誼不棄乎同仇而道有需于共濟

啓雋類函卷六十五

夫

回陳岷麓監軍啓

送禮

明萬世德

抗旌屢塞敢曰元戎之啓行推食分庖遂令小子之飽德捧瑤函而溢目馳蕪牘以傾心竊以長子帥師允廟謨之遐念明王錫履肆我武之維揚匪由真御史以臨戎雖使飛將軍而何用某誠幸藉獲附馳驅方銜命以向遼西即承筐而來海右八行燦爛光搖渤澥之波三錫優隆惠挾風雲之色已五衷之佩結謹百拜以鳴言寵溢投醪思奮折衝於千里感深析俎行圖借箸於一籌附謝不宣躬陳有地

回喬瑜石直指啓

明萬世德

久慚謀帥徒擁七校之先竊幸班師敢謂一籌之得方暫弛于甲冑乃遠奉手瓊瑤寵重戎臣光分藉土恭惟某官聖明允藻鄉國表儀真節傾屬於縉紳允稱殿上虎綜核澄清於畿輔真是人中龍方當攬轡之餘爰下檄題之命自惟涼德敢玄黃之筐是歸乃荷弘猷使赤白之囊自息一函臨重九頓拜嘉犀甲熊旗遽見三軍之動色豸冠龍節並馳八駿之蜚聲謝言若斯銜衷安既

答曾直指啓

河南

明董應舉

立馬嵩高日月全低四嶽窺圖洛汭乾坤獨映兩河啓雋類函卷六十五

七

何意雲霓忽來漢表恭惟某官弘毅家傳典章世擅繩從韓溪正氣久迴粵界鳳樓比粵瑞符蚤見苞文暫輟殿上之班出建天中之節閉奸紂惡冬雪非寒佑德興良春風獨煦法星明潤垂芒角亢之墟歲德宣明建福梁陳之野帝心簡在行還劍履於螭頭風承想聞共望羽儀於豹尾某忝此濫竽居然負乘遠承芳訊枉沐寵嘉蓋昔有邂逅而結縞紵之歡締戀而志瓊瑤之報莫不志存金石誼薄雲霄流美方來標徽往牒某雖道慚風雅而心切斗山敢避輶微聊甲嚮往

答王安院啓

廣東

明蘇 濬

西山孤鳳獨聆聞世之音南海雙魚如覩故人之面
風蓬蓬而忽至水盈盈以何言恭惟某官德弘而毅
動直以方獻納雨露之邊木從繩而自直澄清江海
之外陰見睨而已消鼎鑄而魑魅莫逃鑑明而塵埃
自屏蓋玳瑁璣珠之湊人易變於貪泉而煙嵐早暑
之區仕多罹於瘴海非藉清霜之肅孰救涸轍之枯
慶元氣之還淳不徒洋洋於海嶠幸剛風之搖嶽恒
將謬謬於朝端某自負知人常在驪黃之外廼今樹
士獲覩松柏之榮恨一水之參辰付千秋於夢寐以
啓雋類函卷六十五

桃投我驚聞天畔之鴻何處逢君共聽簾間之雨

答楊修齡侍御啓

明蔡復一

行驄過里壯法曜於長庚賓雁傳書貴彩雲於大酉
知君敬梓爲我紉蘭恭惟某官氣備陽秋言爲律呂
橫空驚鶚蕪成鳳凰之文觸佞神羊獨饒騶虞之意
論事表回天之力雷動千班覃恩蠲煮海之疴膏濡
萬龜瓜方期及繡乃畫行源水清深時問秦人之仙
犬鄉間利病詎問劉勝之寒蟬子雲之玄室重開問
奇有酒伯起之清標久振卻謝無金况在家門自收
師友詔書署姓人知司隸之兒文選鈞玄註參北海

之子斯乃樹在庭以推玉童化雀而授環者矣某竊
附賢豪之存殊深父老之負詎期溢喜過辱榮施清
風穆若感作誦以多慚零露漙兮儼清揚之可挹心
同帶水已直達於朗溪身在昏衢倍企光於慧燭有
求辰告冀罄寅丹

答槐亭杜史兄啓

浙江人
認同宗

明林世吉

玉樹分枝言雖植于異域瑤潢衍派聞實出于同源
乃假緣之自天幸相逢于此地屢承田叔傳示蕪辱
銘志見投既喜本枝之有屬則思水木以難忘眷念
懿親渴圖良覲乃往來之相拜俱欵曲之未伸一脉
啓雋類函卷六十五

徒懷寸心彌積仰承尊教大慰鄙衷庸宣葛藟之情

祗愧兼葭之倚念宗盟之既叙當永好之是昭庶在
浙在閩益驗家聲之燁赫十年卜世咸誇我祚之昌

答候方侍御岱陽啓

明馬 朴

韓斗高華夙切施松之願郇雲灼爛頻煩行李之來
敬微涓滴之伸誼重丘山之戴敢勤子墨用飾寅丹
恭惟某官德與春融氣如秋烈入承帝簡出代天巡
佐王耳目聰明務納人君於正察吏獄山搖動乃稱
御史之真兩煩十部之賢奚啻百朋之重捧持戴德
跼蹐銘心自慚案牘之微踪何辱雲霄之清盼月明

遶樹飛鳥方嘆於棲枝日暮捲簾歸燕自欣於依廈

回按院啓

送賢

明唐文燦

前領鈞臺之副墨下詢通屬之品題叨厠監司敢忘職守顧蒞官伊始猶未及於巡行雖稽衆頗周要皆難於倚信心因口眩目與耳違循舊聞則恐渝節改圖之頓異据新論則疑損直溢美之渾淆惟賢賢莫知所從故徐徐將有所待適承催督借聽之念彌殷倘緩仰酬方命之愆曷追姑裝成夫小籍各揭出其大端睠彼庶僚居茲荒裔人才總不甚遠宦蹟安能求全况經汰黜之餘橫政之所留必少甫在咨諏之啓雋類函

卷六十五

廿

頃貶詞之所觸無多遵隆旨而副虛懷亟憑手勒按定評而徵實狀佇俟面披利病必徧閱封疆乃敢條陳規畫蠹奸須深探窟穴纔堪彙列主名至若羈縻辯謗之黜酋亦嘗差遣傳言之信使情終叵測勢尙懸遠容抵西陲稍近順寧之壤卽馳內諜潛尋向背之蹤如合豫防自當續報先繳回乎三札併附入于

一函

答湖廣按院啓

明劉國縉

臺端正色朝廷容執法之臣楚甸巡方墨綬鮮望風之吏權高六察約稟三章恭惟某官乾坤間氣海岱

靈文稽古校書太乙光分爇火登樓作賦驚濤倒瀉銀河筆鋒馳騁西京道脉淵源東魯筮仕遂司禮樂百年陋制作于兩生晉秩尋任激揚一時播恩威于三輔河東阜財解慍關西緯武經文按部三巴自昔歌峨嵋山月行春七澤只今作雲夢主人震疊山搖貞肅立懦梧桐聲曉蚤知鸞鳳朝陽城社魂搖遂失豺狼當道天顏喜動相府光生伏念某枋榆之羽通籍謬附垂雲楚蔡之交奉使欣看接壤謂邯鄲在望學步方幸三才奈寒暑交侵積勞忽招二豎因乞歸而久攝坐修候之未遑迺荷隆施益深悚仄第篋筐啓雋類函

卷六十五

三十一

遙貶却之何敢不恭然匍匐登嘉拜之實增顏甲敬力疾而裁謝俟顓役而布悰

答姚羅浮按院啓

明林世吉

避乘輿於轂下夙仰霜威瞻我多於齊東復資河潤顧感念不遺乎葑菲乃鴻私屢被乎蓬茅誼薄雲天感深頂踵恭惟某官一代儒宗三吳間氣早揚芳于丹極遂驤首于烏臺執法嚴廊獨茂批鱗之譽觀風海岱益彰欖轡之聲霈膏澤於群生肅紀綱於六郡恩沾雨露口碑聆載道以騰歡望重爲霖首鼎佇宣麻而贊化其猥以凡才謬司樞政監竽兩載拮据已

幸乎及瓜非謂二天感謝即自平頌柏茲值三陽之肇泰應占五福以祥臻遙切巖瞻統祈星照

答鄧按院福建

明林世吉

繡斧霜飛方倚觀風干榕海錦箋雲爛猥承惠教于蘭臺敬雀躍以開緘頌鴻私而增感恭惟某官熙朝望闕當代儒宗文章煥經國之華道德負覺民之任早紹芳于奕葉遂翹彩于穹霄屢騰聲譽于彤庭遂荷簡知于紫極冠裳猗多夙崇繩糾之班詔錫麒麟特擅珪璋之選肅羽儀于柏府振綱紀於楓宸屢貢皂囊雅著批鱗之譽獨持白簡茂揚折角之聲百邪

啓雋類函卷六十五

三十一

具瞻萬邦為憲顧閩邦僻壤遭島夷蹂躪之餘而粵海窮陬值燠潦頻仍之後痛瘡痍之未起念膏澤之方也欲資化日以甦生幸借福星而照耀側聞輶車甫下四民加額盡歌有脚陽春驄馬遙臨萬戶開顏普照無邊玉燭實生靈之大幸切朝野之具瞻某學愧面墻身疲執戟披慶雲于輦轂已忝登龍沐履露于粉榆復承繁厓敬擬甘棠而歌召愧乏木瓜以報齊茲因遽使言旋虔勒蕪牋上謝伏祈電鑒曷任冰兢

答周鶴峒按臺啓雲南

明樊王家

柏院風清萬里重馳驅之望芝顏日遠一封分盼睽之榮拜賜自天俯躬無地恭惟某官瑞毓螺川氣吞蠡澤二難並美啓朝華而振夕秀文藻鬱聲三尺持平覽東海而吊長沙甘棠遍地爰從高第之選晉登內史之班下車先訪問大姓之名攬轡有澄清天下之志行行且止避御史畿甸宣威皇皇者華遣使臣滇南借節蓋帝念金馬碧雞之地其間諸夷種落不無謠俗之羯羗惟公寔祥麟威鳳之姿固知一路福星盡闢遐荒之瘴癘風稜蜚緬甸已端多繡以肅百蠻書錦耀江鄉更喜鳳毛常生五色蓋是父而是子

啓雋類函卷六十五

三十二

謝

啓雋近體卷六十六

類函七十八

東吳俞安期羨長彙編

上饒王嗣經曰常同輯

通政部大理部同卷

建武鄧羨遠遊訂定

賀通政初陞

賀通政朱公啓

明

鳳閣參登紫禁首中台之象鸞臺並綜黃樞分上相之權帝藉股肱天司喉舌恭惟某官文昌元宿熙代大僚鐵幹銅柯千載挺擎天之柱牙檣錦纜萬年度橫海之舟結長綬以腰金戡寇冠比省棒巨綸而懷玉序雋類函卷六十六

綴直西垣轉陟銀臺督夕拜專司封駁晉居瑣闥展展猷獨任對揚爭傳鮮事舍人共推稽古儒者出令無嫌反汗諍君咸頌回天批勅尾以復歸名高李宰封詞頭而不可望重太初暫掌機衡佇膺國鼎某蕭丘樗櫟圭竇章縫作吏風塵媿乏兩岐之頌勞心枵字懼多七月之聲居廣廈無凌雨震風入洪鈞獲陽和春煦喜作戀軒之馬翻成賀揖之禽亟副嚴瞻快看沙絮

賀倪尚書掌通政啓

明程世奇代

口代天言宣諭作帝王之喉舌袖懷奏牘敷陳白臣

庶之肺肝響協宮商洋洋乎九重傾耳以聽美如冠玉堂堂乎百僚拭目以觀望徹銀臺聲高玉陛恭惟某官燕山啓瑞漁水呈祥瑞玉渾金寶體法聖賢之矩矱錦心繡口盡宣洩天地之英華誠哉言有物而行有恒允矣聲爲律而身爲度追萬言策陳鳳闕而百里命寄鶴城海上三年遺愛不忘于去後省中數載孤忠常見其直前正色黃門屏朝中之狐鼠直聲紫塞驅域內之豺狼獨凜風威旋膺清秩一吞一吐敷奏畢而御前驚虎嘯龍吟一步一趨朝參下而班中仰鸞翔鳳翥主上之耳目屬意最深庶府之鑑衡啓雋類函卷六十六

品題確當故峻秩雖遷于北斗而專司尚列于東臺金甌之眷愈隆玉燭之調可待某周旋弗勅徒思中矩中規吐納非時未免傷煩傷易自親承于左右多裨益於身心瞻溫良恭儉讓之容欣欣然手舞足蹈聆宮商角徵羽之韻勃勃乎面命耳提迨自西來德音漸遠間嘗北顧道範愈疏鄙吝重生奚望湔洗之計愆尤復作何爲蕩滌之機矧疲敝衝煩兩路勤勞徒苦催科撫字一心惻隱誰知惟台臺嘗試于松陵乃其敢鳴于槐座卽蒙推轂尤慮覆車倘有意于栽培願勿忘乎指示

賀通政壽

賀田納言壽啓

宋王家屏

東山望重暫虛曳履之班南極光凝肇啓稱觴之宴
長祥濬發多福駢臻喜溢鄉閭慶闔杜稷恭惟門下
扶輿間氣河嶽精靈生當名世之期學本承家之緒
文昌八座象喉舌以居尊泰階六符賴謨謀其展采
乃履盈而思挹遂叩閣以乞閒還訪耒松之遊就真
人而受訣坐臨綠野之墅擁翼子以承娛踐敷久而
膂力非愆涉閱深而精神轉王時維覽揆歲正更新
蓬矢系弧瑞紀生申之旦椒盤柏觴歡騰介壽之筵
啓雋類函卷六十六 三

某忝託姻僚阻陪賓從廁衣冠於洛社有玷耆英奉
杖屨於南山竊高園綺巖間日月欣依化國之長天
上風雲冀副人寰之望敬采芹於沼沚僭效祝于岡
陵不盡敷宣惟殷頌禱

賀通政考滿

賀田通政啓

考滿

明

大麓崇階台席揔樞機之任中臺懋績宸章敷綸綍
之華朝野歡傳家邦歆豔恭惟某官經綸偉抱砥柱
貞標惠聲早播于花封清譽郅隆于蘭省追班九列
股肱喉舌之司日奏諸州水旱兵荒之事去副封如
魏相壅蔽盡除典參錄如牟融忠勤不息達聰明目
宣九重日月之光開誠布公疏萬善江河之量猷兼
望著奄及政成勞與資深久孚帝鑒肆庸書之報最
頒慶典以加優褒札溢于十行閭閻並耀封冊賁於
啓雋類函卷六十六 四

三代世德增輝允愜仁人孝子之心堪俟聖主賢臣
之遇某忝依末蔭與庇餘榮不勝舞抃之悰但切趨
承之願薄修燕賀聊贊鴻禧冀賜粲容倍欣寵藉

上通政

上通政使呂公啓

明王堯封

清源負弩幸齒絲羅卿寺召環未申片藻固劇郡簿
書之鮮暇亦計期榮刺之是虞顓介疏馳肅函啓候
伏念某俗儼末品骯髒餘生雖奉職衿名頗亦爲前
後大農所器乃薄援寡助竟不預傾危流俗之盟當
掌計而峻持致宰公之曲託銓胥厲已開例未洽旬
時劇郡需才累資實踰六載一麾出守衆口並咻卽
通衢文告之昭垂亦白晝毀褫而罔忌官資伸誦誠
比委蛻之輕部體低昂詎堪弁髦之極矢陳詞而慊

啓雋類函

卷六十六

五

慨來關說之紛紛比奉嚴諭於堂官遂姑靜聽以檄
處爰改疏牘具在本曹業承傳符式遵岐路中外旣
屬異境坎流亦任無心豈遂借爲累端因而逞其私
臆幸主持仍存公道俾遷謫尚掛微名迨彼乞憐煬
禍之儔叢茲逐臭吠聲之疾仰干天怒俯快人心幽
介並願彈冠傷弓亟思奮翼邇蒙量移善地會忍終
棄明時柰以廢疾不支兼之私憂過甚追惟筮仕之
日適際甫強之齡簸揚旣每居前鞭策亦頗不後一
旦孽生積羽十年勞付浮漚吏議今已橫加宦途疇
能遍曉指摘繇茲更易精神矧復日銷與其強策病

骸再從下僚而被嶮孰若焉還舊秩僅保晚節之爲
優仍有隱衷不勝痛憤乘輿路馬指斤輒博高名竈
養權廁櫻投隨掇顯禍銓曹體貌庇護且逮乎輿臺
計部風裁執持不容於郎吏形跡久已昭灼主張罔
聞流波不任頽靡止遏希觀漢禍成以顧厨之激廼
今鵠鳩之矯託日多唐衰兆於滑渙之詠似此鼠狐
之據蟠更下列曹罔知勤事宸極靡覩厲精精不厲
折檻更藉而樹名事旣踈吞舟爰乘以散法爭名不
已勢必妄援撓法無懲行且蕩紀歷朝往轍邇歲並
形病阻街環情殷恤緯儻微電督叨藉玉成蚤容骸

啓雋類函

卷六十六

六

骨以歸休兼荷非封之下採稍存視息皆詠詩太平
之年第免流離卽沐浴感德之賜

上通政田公啓

考滿

明吳恢

恭惟某官清朝碩輔名世真材直諫公忠作九重之
喉舌光明正大宣萬姓之隱憂曳華履而引從官趨
蹕玉陛結絲綯而承聖問密邇金鑾佇看圖緯著五
佐之符奚但祕殿作三朝之表某取資感世豈甘北
海頑民論道銓時偶作雲中傲吏荷傾蓋枉旌時竊
玄珠自潤浮觴慶萬頻飛玉屑分輝且惠顧十行每
獲琳瑯以綯目而羈神百里恒慚濡削以寫心當考

謂之期由問安之敬守官碌碌愧非一路之福星泰
績庸庸尚覲二天之湛露盼昧成飾則重慶足於千
金咳唾爲恩卽濡枯鱗於一勺

上鄭鳴峴通政啓

明朱文謨

恭惟臺下德粹圭璋望崇嵩岱質行誠心對神明而
貫金石訐謔闔澤手袞冕而被蒼生寧止一歲再遷
快萬方輿論行且三台八座樹千古鴻勳蓋淡泊寧
靜之休風掩映隆中高士而清淨畫一之郅理超軼
漢上名臣某自揣圭竇章縫謬典大邦民社漢水斯
流徒切澄清之志峴山壁立頓興仰止之思第宿靈
啓雋類函卷六十六

上通政張公啓

明林世吉

銀臺峻秩夙稱喉舌之司玉陛崇班特簡珪璋之彥
蓋章疏悉資乎封駁故絲綸用昇手才賢光溢九霄
福提六幕恭惟某官人倫冠冕昭代鼎彝昂宿儲精
協龍飛而應運崧神孕秀挺麟紱以開祥克孝克忠
蔚貞珪璋之德器允文允武特鍾經緯之才猷早鴻

漸于丹青遂鸞鸞于赤縣裁鐵冠而執法埋輪揚蹇
謬之聲持繡斧以觀風攬轡懋保釐之績願志馳丘
壑每高難進易退之風而心戀斑斕遂控色養承歡
之請振英茶于月旦樹芳楷于簪紳忠茂結乎宸衷
品彌高于輿望東山飛詔方咨問寺以宣猷北闕疏
恩復陟黃樞而亮采躋星辰而趨閭闔奏達民艱捧
日月而侍蓬萊傳宣帝命允矣朝端之柱石巍然國
政之樞機想咨龍作納言特俾代工于丹地爰立說
爲宰相佇資贊化于黃扉某倚廬柴骨枕塊苦生仰
風裁于彤霄夙深景企瞻斗山于紫極莫遂樞趨敬
啓雋類函卷六十六

上通參吳因之公啓

明

出納王言夙重虞廷之選傳宣朝奏特咨商榷之才
光溢簪紳慶貽宗社恭惟某官三吳間氣九曜元精
學蔚儒宗腹底笥五車綰縹文凌前詰毫端燦七彩
雲霞器鍾清廟之珪璋操挺歲寒之松柏禮闈射策
轍三王五帝之典謨甲榜題名冠四海九州之俊彥
裴英茶於八極揭令聞於千秋遂渙渥于彤宸爰升

華於粉署領志耽恬退每高舉里之風而品重清修
益繁楓宸之堦臺符丹禁方資潤色乎皇猷理鳳黃
樞復簡弼諧乎帝命侍金莖而亮采鑪烟熏紫素以
霏分造玉筍以代工婢雪映金綸而絢彩標人文之
領袖峙朝宁之華嵩想封駁銀臺特綜天庭之喉舌
平章綸閣佇調相昂之鹽梅某鷄骨餘生鼠肝賤品
憶七閩駐節曾叨瞻挹乎蘭芬迨四牡還朝遂缺起
居乎蓮座茲茲忙忙于鴈素敬馳候于鴻鈞更抒陟
之哀悰擬上叩閣之懇疏微洪仁於紫極倘賜噓培
責異數於黃壇敢忘銜結統析露覆肩任嚴瞻

啓雋類函

卷六十六

九

候通政

一 候陳納言啓

明

東臺清切代天以播絲綸北闕深嚴侍帝而司喉舌
久荷元公之下貺虔修尺牘以上塵恭惟某官精英
萃十二洞天才品雄五三襟帶中山製錦肅翔御府
之鳥輔地持衡尋苗僕園之馬諸猷歷茂九列崇躋
維時主上深宮不聞聲而靜攝留中緩發空待命以
徬徨致君遙萬里之門幾成睽象賴公開一線之路
通此異言聖聰遠耳以無嫌臣疏披鱗而竟達已嘉
敷奏行陟宰樞某恨海上之迂材叨都中之推轂馳
啓雋類函 卷六十六 十

繕請知心之好燕爐殷握手之歡頃者拜元碩以勤
施有加無已領衝疲而靡息欲答仍稽用馳鳧使之
箋敬信龍光之祉所願寬其督過賜之砭箴儻藉手
以服官敢忘情乎成我

候徐文江通政啓

慰喪母

明許以忠

捧日奏勲顯精忠于桑島聞雷往慰占大孝於松楸
瑞應紫芝祥徵白鶴恭惟某官石麟孕秀雛鳳蜚聲
寶荀讓厥科名王謝高其閥閱鳴琴東海喜看雉伏
而蝗飛執簡西臺驚見狼潛而鳥集秉文之憲英維
盡入穀中納國之言案牘通行天下槐陰論道將磨

謝於三台萱艸隕霜倏忽悲號於一旦山頽木折
雲慘風悽晉野柏枯青眼悵淚溪堪吳門香帶御爐
鸞章特祭苦蘆增彩閭里分榮其桑梓庸夫槩鉛末
品故園隣接夙叨世講之殷萍梗流飄幸備甄收之
列施澤溢倫感恩刻骨計聞驚悼欲懷縑帛以遙陳
宿疾纏綿因服參苓而未便茲修短啓謹貢崇臺泮
薄數莖敢效東芻故事漳流一勺聊將絮酒微忱伏
冀台涵仰祈靈饗

候通政陳懷雲啓

明王 煒代

直北秋容已濯金莖之露江東下吏猶依梁月之光

啓雋類函卷六十六

主

於惟愷澤深長益覺稽模未遠恭惟某官識鑒晶瑩
才名炳蔚青年射策聲華崛起南州綠髻持衡令譽
晴曛北斗匪獨學酣二酉之秘抑亦文興數葉之衰
詩書所稱茂以加剖判以來所未有故炯炯若朝霞
嶺雪僉目擊而道存人人遊闕里杏壇中心悅而誠
服爾乃脫跡三吳高翔八座昔也式和三物已徵敷
教在寬今茲出納王言雅聞夙夜惟允蓋出關新標
蒐羅之任籲士類以如雲入作聰明喉舌之臣捧膚
謨而如綽階資日熾位望愈尊某洩渚下材誤混參
苓藥物樗櫟賤品偶霑桃李春風揣分奚堪銜恩莫

報敬裁短牘用候台慈

啓雋類函卷六十六

主

謝通政

謝通政啓 到任

宋李 劉

峻長六卿增崇八座惟王有成績紀于日月之常命
汝作納言引此星辰之履仍專轡禁增重難翹恭惟
某官氣沓秋天愛深冬自任納言之喉舌惟山甫克
舉之用夾輔之股肱則周公其人也長慮却顧爲根
本之計兼收並蓄無蕪菲之遺凡今得羽翼而飛誰
非借齒牙之助尚念朝廷半老儒之日無棄文章一
小技之人必令綢繆於束芻庶耻缺矣故雖參差之
符策左右某敢不勉自激昂圖爲稱塞上不負
啓雋類函 卷六十六 十三

天子下不負所學日監在茲待之以國士報之以衆
人天厭之矣

回答通政 鼓院

回方侯檢院啓

宋李 劉代

渙奉明綸晉司理廩導人使諫聖上實千載之逢命
汝納言堂下無萬里之隔恭惟某官世濟其美德淳
于言練詳臺閣之儀服襲廟堂之學積勞於外益閎
其中果騰列剡之章入掌四方之牘告嘉謀於后應
無不得其言下膏澤於民亦有無窮之聞某未遑燕
賀先辱魚箋驅飛廉而寄聲恍已迷於昨夢排閭闔
而披腹猶有望於朝陽

回吳鼓院啓

宋李 劉代

啓雋類函 卷六十六 十四

拜命九重躋崇六院胸中有碩畫雖未展素志之奇
天下無寬民聊足慰平生之望民情胥慶士望咸歸
恭惟某官學該玉府之森藏筆捲銀河而倒鴻舒翹
揚英轆轤宇宙二十八宿之羅心胸疏條緝緯貫穿
古今千數百年之在眸睫乃以絕塵之足居此掌牘
之司民惻得達于九重君門不遠于萬里班閒事簡
暫掌路鼓千端門年除歲遷卽持荷橐于禁地其猥
分邊閭遙企朝班遙覽揚暉幸際孤鳳凰之瑞願受
陰賜敢忘雙鯉魚之書

鼓院摘句

宋人

特使啞鐙入司路鼓鷄居闕樂不勝疑駭之情罔象
得珠殆匪經營之力守虎豹之關無使君門之壅達
殺豚之訟必思民瘼之通命汝作納言引此星辰之
履惟王有成績書于日月之常

回羅柱宇通政啓

明樊王家

恭惟某官氣吞蠡澤秀毓匡山三異稔稔城江浦注
遺思於召伯六計弊群吏官聯聽啓事於山公更司
邦國之禮儀旋掌玉皇之案篆才無施而不可望以
久而愈隆瞻惟人傑地靈鄉里衣冠不乏若乃金相
玉質明公聲價無雙國家倚若喬岳泰山海內仰爲
啓雋類函卷六十六

祥麟威鳳即古孝隆苦席應來大鳥于塋前異時名
卜金甌知翊飛龍於殿上其靡技易窮驚資非用雕
最邑且虞缺折矧洪都何以支吾所幸密邇光儀獲
以祇聆雅教有美錦而使學者以製能無愧於治人
居是邦而事大夫之賢其將何以振我方擬樞趨而
未暇更承嘉惠之俯頒何德以當拜命之辱感深環
報敬藉壁完所冀垂誨片言不啻九鼎之重嗣容惠
邀一識大輕萬戶之侯

大理部

賀大理卿初陞

賀王檢詳除大理卿啓

宋李廷忠

輟彼樞屬擢置卿聯决千里之勝於帷幄之中方資
婉畫聽五刑之訟於棘木之下克紹前規寵詔疊頒
列紳僉允恭惟某官惠和育德明茂凝姿冠兩京之
吏而潤飾以儒苞九流之學而游戲於律功名自奮
如就熟路而駕輕車中外迭更惟過盤根而別利器
凜遐衝之坐折煥異數之昂來月昇金掌而焜耀於
群瞻水置玉壺而明清平庶獄仲孫之世其業既步
啓雋類函卷六十六

武之相望曼倩之民不寃實權輿於大用某自惟僕
遯久託挺鎔方明府爲登仙之行屬賤子有校文之
役迄能竣事歸即卧痾首厘荆渚之華牋下照泮林
之冷署凌兢拜賜感激涕流擬法筆以自文聽出綸
而滋喜賀書不敏雖獨後於衆人褒字猶新想未忘
於故吏

賀王大卿啓

宋李劉代

入覲楓宸升卿棘寺民之攸堅又凝畫戟之清香王
曰過歸復昇青氍之舊物恭惟某官器質膚敏機量
浚明京兆有三之歌至今未泯江東無卿之嘆所去

見思輟自銀符入躋金掌敬爾攸獄監于祥刑民自
以不寃行課清明之效王言惟作命卽登獻納之班
某過沐幸臨更勤委重云

賀黃帥大理卿啓

宋方岳

晉卿叢棘升帥前茅八月之槎旣瞻相于斗柄回
二星之部仍典領於參旗四履歡然重臨幸甚恭惟
某官負材明允蓄德碩膚大淵泓澄深得龍津炳靈
之秀扶輿鬱積雅繼龜山正學之傳久留金馬之坊
妙幹木牛之運中兼閩制外愴戎軺遠略折衝南人
不復反矣從臣虛位東征以公歸兮然河內競借於

啓雋類函卷十六

七

寇恂宜關中復留于蕭相峻升金掌併總玉鈐公去
公來信有關於輕重時行時止俱不失其光明共羨
班景倩登仙之除咸有樂正子爲卿之喜暫向園扉
而鞠草卽看詞掖以判花某凄其一寒去此十暑未
聞五馬二毛之無用最覺孤鴻獨影之堪伶所幸穎
川黃霸復來或察夜郎李白可念老牛舐犢誰敢論
瓜葛之連孤鳳求凰或亦備蘋蘩之薦

賀同年沈大理卿啓

白中丞

明吳國倫

恭惟某官命世文儒挺孤標於嵩雒匡時碩彥振偉
績於旂常敷歷滋深聲施載烈澤霽江海威靈華夷
操白簡以部崑墟屹若三門砥柱擁雕戈而清鴈塞
儼然千里金城文武足憲乎萬邦勲猷見推於四岳
帝心簡在台望彌隆詔自蘭臺晉端棘寺肅殿中之
直班竝六卿持天下之平司兼五教昔皋陶實始作
士相業光昭於虞廷暨長孺能無寃民頌聲流布於
漢冊卽象刑之倚重占公輔之薦登朝著增輝生靈
嘉賴某夙緣天幸叨附制科偶廁同門尤爲異遇甫

啓雋類函卷十六

六

切步趨之願優承賄昧之私豈謂岐路鮮攜懸心數
千餘里遂爾星霜易候屈指二十六年夢寐爲勞殷
勤何自頃執大梁之役咫尺仙廬擬從伊闕之遊瞻
依景範乃畏塗踟躕尚無班荆道故之期且塵鞅蹉
跎徒有折柳懷人之感但數月兩聞榮命喜倍恒情
而三朝再覲宸居亨符泰運豈以雲泥之隔能忘縞
紵之交爰屬荒辭敬修薄賀伏望披揚赤素炳耀丹
青上結主知翌宣威美密調元化坐致雍熙爲一代
之具瞻慰八方之共仰

賀周撫臺推大理卿啓

明劉如寵

玉斧填閩夙播柏臺之烈金章頒闕事膺棘寺之庸
位重嚴廊望隆海宇恭惟某官道合伊周名齊方召
天曹品藻功參六典之樞機玩本典司權握一人之
喉舌秉鈇鉞於海徼號令肅如風雷樹保障於閭閻
惠澤湛若雨露惟保釐之弘功既懋斯楓宸之眷顧
益隆謂大理爲九寺之尊而職守係三章之重持膺
天寵首擢雲司體天地之仁四海之黔夷受煦施雷
雨之解八方之幽壑銜恩巢鵲呈祥復見漢朝之定
國竿鷄肆赦再瞻虞室之臯陶某羈職有限於樞趨
而歡騰敢緩於馳賀恭進下吏少致微忱伏願自北

啓雋類函卷六十六

九

寺而陟中臺允稱冕旒之眷由三槐以躋九命共瞻
衮冕之儀倘冀崇涵曷勝榮荷

賀徐太室大理啓

明王兆雲

泰山北斗儀刑望重于粉榆玉律金科明允聲騰于
槐棘瞻龍光而馳系託鯉素以將忱恭惟某官名時
碩彥命世偉才萃精英而祥發吳松事明聖而助昭
魏闕銅虎分符江漢流藩垣之澤金螭開府郎裏樹
保障之勛頃荷恩于九重遂聯班于八座受嘉師而
有要有倫配元命而惟欽惟恤共仰臯陶持法佇瞻
姬旦端揆某樛櫟散材薄書末職赤舄玄衮未覲

座之熒煌左盼右睒尚覲鈞顏之溫粹謹馳非具用
表芹忱伏願勅祭戰之廝免加擢斥鑒涓埃之悃願
賜涵茹

賀曾公起大廷尉啓

召起

明陳良心

幾載賢聲惜冥鴻之遠去九重嘉命欣彩鳳之銜來
朝論咸歸人情胥協恭惟某官南楚英標中朝偉器
胸持水鑑著重望於銓司威肅霓旌播奇勲於制府
雖時遭姜菲暫爾龍卧螺山而道際聖明終焉鵬搏
鳳沼謂刑乃民之司命必得人以為國典之平若法
者下之束薪時起公以居廷尉之長于定國上佐漢

啓雋類函卷六十六

十

室民自無冤姬公旦入輔王朝刑措不用其情聯繫
梓誼藉蓬麻一官粵國之南悵關河之靡及萬里燕
臺之北啓方寸以無從敬托鴻飛遙申燕賀

賀李大理卿啓

明易倣之

秀鍾岳漢望震台階棘寺持衡雨露起周崇之詠楓
宸側席鹽梅待商鼎之調恭惟某官經濟弘猷天人
偉抱蚤擅寰中之譽今稱天下之平澤洽蒼生嚙英
于張於往牒功隆社稷載觀韓范於清朝某桑梓叨
光兼葭倚庇心懸北斗欲乘槎而未能神倚南鴻祗
臨風而增結願言台履駢集嘉祥

賀沈敬宇擢廷尉啓

并賀二

明林世吉

魏科鸚鵡薦方欽世德以象賢秩鶯遷復簡朝端而
亮采光生畿甸喜溢冠裳恭惟某官江南望閣海內
儒宗天目挺生協嘉祥于麟紱霄漢間出應景運于
龍飛早振藻于瑀林遂握蘭于畫省顧操持峻潔每
揚遜世之風而才學淵宏蔚負經邦之望揆留皇鑒
忠簡帝心屢詔起于東山遂結知于北闕秩宗地切
方資三禮寓清棘寺班崇復賴八條平允百僚拭目
多士彈冠惟積善以開祥實玄穹之篤祐頃覩鳳毛
之濟美仍誇棣萼以聯芳作述重光播美談于千古
啓雋類函卷六十六

王

賀董崇相擢廷尉啓

明林世吉

水鏡高懸方倚權衡乎百辟金泥沔錫復咨明允乎
三章惟精忠受特達之知故聖眷渙非常之渥恭惟
某官熙朝麟鳳昭代斗山藻思雲流抽翰燦九章之

黼黻才猷淵蓄匡時裕之萬斛經綸含雞早儔直于

彤墀振鷺遂秉銓于粉署茹水霜而砥節柴車揚毛
玠之風矢天日以題才紙帽茂楮炫之譽顧雅懷恬
淡每思過軸于丘園而偉望峻嶒恒待拔茅于寰宇
故陳情螭陛方騰解組之章飛詔龍宸復沛賜環之
召謂班崇棘寺必資碩德以平亭曰地重錫京特簡
名儒而亮采下蒲輪于閭闔九流鰲并以彈冠貢芝
檢于蓬萊八表鸞鸞而加額想倚讞詳于廷尉俾簪
纓高于氏之門佇咨調燮于阿衡冀霖雨茂傅公之
績某涸轍窮鱗寒巖枯木緣葭莩之投契謬獲龍攀
啓雋類函卷六十六

王

李庭

慶廊廟之升華敢申燕賀敬和忱于竹素并申候乎


上大理

上大理薛卿啓

唐羅隱

其聞宋濟之困名場空餘坦率唐衢之升軍宴但益
號兆斯人以當年不偶於良知晚歲遂成其永恨況
其早將此事以戒前車至願蹉跎年光老大向秦庭
而屢泣抱楚足以頻傷中間輒以所著讒書上于閣
吏近見其官伏知閣下爰哀弱植俯降深仁迴日月
於壺中展方書於肘後欲使徐甲之屍必起蔡經之
骨重生仰嘉音而背若負山承厚旨而身知有翼既
容託迹竊敢與言其動不知機進惟招敗忌王隱之
啓雋類函卷六十六

三



上廷尉許敬菴啓

明林世吉

蘭臺專席方隆秉鉞之權棘寺清卿復畀明刑之寄
惟帝心之眷注故簡命之特膺慶溢簪紳歡騰海宇
恭惟某官三朝舊德一代儒宗誕瑞霄溪發數千年
之間氣炳靈天目應五百載之昌期早翮彩於青雲
遂揚芬於紫極聲望如泰山喬嶽德度若甘雨和風
命世雄才獨蘊緯武經文之略干雲勁節每高難進
易退之風顧素心雖戀乎東山而聖眷特隆於北極
弓旌寵賁正瞻開府於閩南綸綍眷頒復倚持平於
白下快觀名賢之柄用式占吾道之當亨百辟彈冠
啓雋類函卷六十六

三

萬邦爲憲某學愧編蒲班慚起草沐杏壇之化兩夙
荷栽培披柏府之清霜復承矜睠茲覩驚遷之聲度
敢申燕賀以狃忱

上周國雍廷尉啓

明康佺期

西土保釐分陝紹二南之績東京故實常伯踐三事
之階自非人望之允宜孰當帝心之簡在寅惟老師
海岳儲精貞元邁會頻年諭蜀羌夷化司馬之文章
五月渡瀘益部震卧龍之武略曉咽轅門之角吹散
黃沙秋標軍府之牙掃清紫塞籌敷維壤牛李聽而
驚心境接夏州韓范同其破膽忽尊鱸之結念乃鹿

草以潛踪玉峽嶙峋弘隱淪之雅志金門璀璨傳卿
執之徵書朝野命枚台衡允屬其通家舊誼夙企龍
門再世私情未懷烏屋賁庸東里敢干任昉之交才
謝少孤奚補萬年之述辱瑤函之鄭重且納題銘感
玉韻以周詳行兼賜奠赤壤重泉久切白麻之望青
山片石尚微黃絹之文擬以春明孑然行邁輕裝就
道雲海之路非遙片刺登堂斗嶽之瞻可想半生遊
迹何時倒屣于中郎十字貞珉輒敢乞言于左史伏
願順時加祿為道自珍俾與旦生今邇三十世維新
之命若臯藥當代應五百年名世之期久矣寸丹望
啓雋類函卷六十六
鴻飛而送目茲焉尺素托馬足以代躬仰冀尊嚴俯
垂炤矚

候大理評事

候劉小魯大理卿啓

明王兆雲代

禪庭暫駐東山繫朝野之思彤陛屈旋北斗重台衡
之寄瞻龍光而馳繫託鯉素以將忱恭惟某官名時
碩彥命世偉才特簡銓曹共仰山濤衡鑑榮遷棘寺
恒懷祥道獻欵近當望室之餘益究黃扉之業九重
側席燮下攸資百辟彈冠黷假是賴某樸樸散材薄
書俗吏寸樹無補尺牘久疎左盼右睠緬想粹顏之
照臨赤舄玄裳翹企吉衣之改換謹遣素韃以迎候
恪待軒蓋以榮行

啓雋類函卷六十六

三六

候毛大理啓

明趙世顯

楓宸日麗喜恩眷之頻臻棘寺風高美平反之悉當
口碑遠播肺石無冤恭惟某官婁水英賢蘇門碩望
夙司臺憲特高駟馬之風繼佐法卿遠邁巢鳥之蹟
旣擅于公之平恕尤懷顧協之清嚴某司理九江濫
竽三載哀矜徒切奚明允之足稱廩祿虛糜方尸素
之爲懼輒因梓未少效芹私惟鑒蟻忱可勝雀躍

候李大理啓

明許以忠

法星依帝座萬方之胄氣潛消春色到仙曹九錫之
光榮應兆泰階新轉寰宇歡騰恭惟某官玉格登瀛

仙李蟠根螺女搏風氣奮鵬程之萬里龍媒逐電價
收燕市之千金允調玉燭於台垣先結金童于廷尉
鞫五辭而無屈人驚于定國重來持三尺而不阿帝
喜張釋之再用佇自平反之最績卽升補闕之崇階
其自媿泥蟠夙瞻霞舉有緣依衮繡獲授御李之歡
無處覓瓊瑤可報投桃之惠喜並英遊而承聲欬忽
分良晤而判參商日遠長安徒望龍門于天際風高
朔漠難將鴈帛于雲端茲借便干飛奴特候申乎從
使一片伴牘慚非成享之儀兩字傳心交慰平安之
報

啓雋類函卷六十六

候大理卿游公啓

明許以忠

恭惟某官輔世元勳當朝碩望紫陽傳正印文章為
百代之宗白嶽挺芳標丰度煥九霄之彩台宿久明
千槐序法星光照乎棘臺謂三尺之柄在茲實萬人
之命所繫科條畫一定肅相之遺規矜恤不寬布于
公之陰德蓋明刑而弼教已參法從於甘泉則燮理
以調元卽秉鈞衡于揆路某培塿庸才編昨末品微
垣承厚澤盼昧頻藉殷勤宛郡贅微員瞻戀幸鄰只
尺乃憲府不忘平舊造而昂頒允荷乎新恩捧誦增
慙捫心愈感顧轅駒莫振實有愧于孫陽倘蟠木可

容詎無心于匠石謹馳一介恭候九閣

候南廷評陳省堂啓

附

明余鍾英

巖邑握符丕著鸞棲之化廷班進秩遄收猗猗之功
仰切丹衷敬裁赤牘恭惟某官賢宗翹秀雅紹白沙
之真傳仁里羣華懋衍靜修之心印遂從弱冠連捷
魁名小試花封屢課綰綰銅之最簡評棘寺益蜚鳴玉
之聲行徹帝知誕膺銓選諒超陪乎卿座豈久滯於
郎潛某章句陋儒鄉邦末學隔茲衣帶之水愧瞻拜
而未由遐睎簪纓之塵覺傾思之彌切敢陳瑣瑣竊
布拳拳懇再懿誨於毫分敢忘明德之萬一未央期
啓雋類函卷六十六

何等觀鑒裁

辛巳



請大理宴

初夏請張大理啓

明程子侃

旭日上梅金鼎需調羹之手薰風宣候璫琴亟解溫之才時序已屬清和賓主互申款洽况朝天下吏旣獲後討於吹噓而戀棧驚駒又沐先施干驅策是滋耿耿爰展區區謹詹廿日良辰肅挹三台上座封河東豕薦漆園疏澹泊中同熙舜日逕指南車聽尚書履嚟談處共醉充天

請大廷尉張公宴啓

明程子侃

鼎亟鹽梅鳳詔方來北闕旱需霖雨龍雲會起東山啓雋類函卷六十六

二十九

是將握樞衡而旋轉乾坤匪直儋圭爵而波榮鄉國况四陽威長正君子欣戴之時而三台光華尤吏人快睹之日吉涓初九悅潔丹三藉俎豆以挹光儀引壺觴而伸素悃雲霓板咫尺願借重干肯來旌旆幸須臾慶太平于旣醉

謝大理

謝大理卿啓

陸諫

唐羅 衮

某用乏適時言非悟主雖困泥塗之辱敢希朝序之榮恭遇某官念以吾道依棲斯文宗仰懇動吹噓之力終諧憐獎之心遂使縣吏塵街擺脫忽同於瑋晚諫臣清級超升遽遂於鸞翔叨忝何多提携至此竊復念孤單事契愚魯性靈苟非示以脩途安得縻茲好爵獻可替否諒無補於皇明徇義忘身庶粗酬於恩德

謝大理知已啓

陸諫

唐羅 衮

啓雋類函卷六十六

三十

某操行無奇文章匪贍拾遺左右三年未望於轉遷約史春秋五夜寔通於夢想斯亦孤單雅分頑魯自宜忽踐履於清華諒因依於賢達伏以某官優容下位獎進微才苟君之日月在躬王氏之風塵外物輒忘孤陋榮遂品題故得譽徹中台名聞東觀遽遷彌縫之地仍參著作之庭祇奉寵光若臨泉谷靜循叨竊實自門牆敢不未抱兢銘深虞負累以當官而竇忝用舉職以酬知求女媧鍊石之方潜裨碧落就太史藏山之筆試學青編尚覲宗師更傳規矩

謝大理啓

唐羅 衮

記事之官顯司存於載禮侍臣之職正號位於隋朝自古不輕方今爲重豈期幽介遽獲忝塵此乃某官道著訐謨情敦片善偃彼小人之草列諸君子之林遂令補袞掖垣仍叨筆削珥貂仙室更踐清華得不上報鴻恩旁酬重德日月簡編之効敢怠於季終雪霜松柏之心佇彰於歲晚榮懼感奮不任下情

謝鄭少卿啓

超選并求字說


宋方雲翼

皇錫嘉名華遠臣之行役公勤小物訓孺子以成人不圖流落之餘乃有殊尤之遇竊以半千之會聖賢同德在三之義君父與師何哉庸陋之一身被此生啓雋類函卷六十六

成之大造冠而名名而字亦少長之當然士希聖聖希天乃遭逢之至是伏念某生而庸鄙長也嶽崎父教之忠大義粗閑於大戒君使以禮一招旋繼以一麾忽遭天日之明興念山林之迹由徒中而超拔分塞外之顧憂舉臨軒冊遣之儀膺便殿對揚之寵已辭金闕忽奉玉音淵乎濟下之光詢以得名之義子同生而文在手親實命之士會遂而歸於朝上之賜也遂拜袞袞之新渥俾更髻巾之舊呼不以隱疾不以山川是乃更生之日用之朝廷用之軍旅敢忘自竭之忠况是真儒後於後學當魚水相逢之會勤瘁

矚示誨之恩字而況之期之遠甚益重激昂之志若爲報稱之圖茲蓋伏遇某官建安湯叟之大勲踏淩水翁之實地竹帛所載丹青所畫已巍巍乎無能名埃塵之積涓滴之流亦休休焉若已出納諸垓北垓冶連於伯仲塤篪遂使都梁假守之蹤得稱玉山先生之字然文之爲用也大矣豈眇然不學者能之仰惟庇民尊主之元臣已著經天緯地之成效旣歛其精神心術以運化復推其緒餘土苴者教人某幸被恩蒙復申忱請字必有說具見先儒方冊之間贈之以言是在上公椽筆之下願亟償於季諾或少借以啓雋類函卷六十六

之切得請乃行



謝陸仲鶴廷尉啓

明謝廷讚

千年躋躋九閣賜盼於窮途酉歲躋攀十上息肩於躋僑福星四照瓦礫鏘而有聲卿月屢懸珠玉投之無數芻蕘爲紹介燕在似曾相識之時葑菲作先容鳥羅不必且爲之際江河吐納天地高深每憶命坐之初下三獨而躋縫掖回思論文之日注千頃以受洊洊夢寐街恩肝腸佩服德恭惟某官道心鼎實素韻靈襟性藻之而彌恬軒寵展爲長物望仰之而愈重廟堂倚以上公昨荃宰提衡固明許當年定國而聖明慎簡亦情知克配臯陶惟是論道燮理之司行將

啓雋類函

卷六十六

三十三

虛席以故角李法曹之選別署富家蓋已覆彼金甌用是珍茲珠彈某縣寓腐儒蒯管賤子仰登寶筏幸入清流前此之踰分已多後念之希冀誰敢所賴二天覆露借牙以先聲尚析四壁餘光垂晞陽於未照身同熠燿曩徒附影於曜靈恩溢江河今復匪頒于溝壑寸心罔極尺一難將遙睇德星咫尺歧宮牆數仞佇還台斗旦夕躋泰階六符

謝郭龍渠廷尉啓

龍渠

明林世吉

恭惟某官清朝偉望昭代名賢獨鍾秀氣于山川早振羽儀于殿陛蘭臺陟歷茂揚行止之風棘寺蒞登

益播持平之譽明五刑而用錯肅百紀以惟清養注楓宸名高柏府想虞廷弼教仰資邁德之臯陶而殷室調羹竚相沃心之傳說某苦塊餘生柳蒲弱質憶吳江邂逅愛曹荷干及烏柰閩海阻脩書尚稽乎繫雁近痛閔凶之橫構復承奠唁之存存光耀几延感深存歿敬狃忱而上謝肅臨楮以馳神

謝陳五嶽廷尉惠銀米啓

明許以忠

德星聚處遙瞻碩輔于東山雲翰飛來感念寒生于南國藉委承之下及恐屬望之難酌肅具殷函附申謝閣恭惟老師才雄八座彩映三湘唐詩晉字漢文

啓雋類函

卷六十六

三十四

章都繇囊括太史宋儒明七子悉任鞭隨堂開北海之尊座滿中原之彥譚六經奧旨斯文璀璨奎婁闡列聖真傳道潛通江漢正列台垣而首拜詎懷洛杜以言歸天尺樓中風月與雖云不淺玉沙堂上廟廊憂自覺未忘浮槎狎汚水之鷗欹杖友衡山之鹿信是人間樂事真爲地上行僊祗恐朝廷將定冊于老成而蒲輪旣及則花鳥卽板留乎舊主而雲檄奚辭某自媿杜樗而棄千匠石敢陪國器以業千公車儻欲攻玉爲珪璋必用他山之石則俟登壇建旗鼓願囊背水之沙願未効涓埃而先叨寵錫朱提賑乏豈

復向監河侯以貸金白粲哺饑不必從謝仁祖而索
食懼不恭而統拜投壑自慙感雅惠以興懷銜珠莫
報薄言申謝厚冀丙融

啓集類函卷六十六

三十五

回答大理

回大理少卿冬至啓

宋李劉

緹陽襲燦綏景延主候六律而合八能既茲群動敬
五刑以成三德宜介百祥恭惟某官同寅協恭分職
率屬各抱黃鍾之器韻共司丹筆之簡書佇積平反
入儀華要某濫因聯事獲慶踐長一道水銜猥辱先
施之寵五色雲物願迓方至之休

回葉寺丞啓

宋劉克莊

七十古來稀已踐暮春之境一篇三致意喜聞倡歎
之音獎借過情衰陳增氣恭惟某官臨風玉樹承露
啓集類函卷六十六
金莖素負大曆才子之名嘗在貞元朝士之列沈酣
古製可追芝房寶鼎之歌游戲新腔不減花間香奩
之作念病翁之晚景借貧女之隙光某心愧暗投誼
難虛受痴年偶長獲接洛英之游俚耳微聾徒聽郢
人之曲

賀大理屬官屬官附

賀大理劉寺丞啓

宋方岳

恭惟其官玉篲黃鍾之函和瑤瑟朱絃之挺直雖不爲表暴于議論之際要自有公是非顧未嘗標置于名氏之間此所謂真道學薦出花封之宰尚參丹筆之科辟以止辟九重之念在茲丞不負丞三尺之平必矣是豈入漢循良之傳抑且稱古君子之儒其自守其迂見謂之拙過不自料勇爲此來一用其策之平平兩書其考之下下有民人有社稷久矣厚顏爲保障爲質絲凜乎掣肘公旣升矣吾將奈何披雲霧

啓雋類函

卷六十六

三七

而見青天敢忘賀厦吹管律而臨幽谷或可逢春

賀呂大理啓

宋李劉代

奏最竹符陞華棘寺辟以止辟九重之念在茲丞不負丞三尺之平必矣恭惟其官象賢濟美燕譽騰芳伯仲埴麓曲突之忠甚切公侯閭闔直鈞之鈞猶遲茲從漢化之更宜有呂刑之命某辱同僚來喜倍等倫自此裁成不負嘉師之託逃於司敗亦惟餘潤之

賀樓大理啓

宋李劉代

舉賢有格當簡乃僚折獄惟良徒得君重公車之牘晚矣私室之謝何哉恭惟其官地望已高天資仍茂

讀書不讀律懼無術以致君治已後治人寧以身而試法決科雋甚詳識瞭然其濫貳秋卿又見春序小孤汜濟亦奚事於聽冰良馬空群望自期以追電

啓雋類函

卷六十六

三七

謝大理屬官

謝大理林寺丞啓

特薦

宋李劉

素韞御祥夢空懷於故宇繡衣薦士選猶及於陳人
睽離恍隔於累年屯蹇既濱於九死迴蒙記憶尚送
吹噓始而驚疑終則慙懼人棄而已獨取此心定異
於常情今無而古則聞茲事實闕於世道非言可謝
於禮敢違伏念其命固不猶材亦無似湘濱憔悴安
得自高蜀道噓噓固爲親屈彼蒼有罰莫白此心棘
人樂樂勞心忉忉幸而終制達官紛紛諸公衮衮誰
實恤孤忽聞一節之趨嘗及十夫之獻漫令斯九人
啓雋類函卷六十六

三十九

之後材難不其然至謂冠一路之賢吾斯未能信豈
固識驪黃之外憐其困牛皂之間人謂斯何公言過
矣舊遊門下旣已玷一株之桃今去籠中乃猶取三
年之艾恩淪於髓媿益其肝茲蓋伏遇某官德與春
和氣如秋杳方淳熙之雜然並進固不乏於時材惟
簡肅之老而愈剛實見稱於聖主今賢者識其大者
蓋有之是以似之不然再轉而爲丞誰能亡已而無
愠徧持使盪浴入郎闈君不行兮夷猶羌難得而觀
縷廣帥之重唐制已然上弄印以選賢公聞命而就
道何恙弗已盡興則歸得之傳聞似恐昔疾而今愈

恬於出處豈非人醉而我醒然天下之所少者非材
則海濱之來歸者有日勵相我國薌簡乃僚勉今進
進不已之人皆動于于來歸之意其敢不請事斯語
力勉其頑德不待于成身豈但敘柳河東之感士固
伸于知已自當發韓昌黎之狂

啓雋類函卷六十六

四十終

啓雋近體卷六十七

類函七十九

東吳俞安期美長彙編

上饒王嗣經曰常同輯

給諫部一

建武鄧漢遠遊訂定

賀初擢

賀葉大諫啓

宋李廷忠

恩重褒揚班崇獻納昔勢門專恣鉗天下之口以蔽
堯聰今諫路宏開寢淮南之謀而得汲直國有公論
士無邪心恭惟某官馳騁古今而肆于文服食仁義
以養其氣超先多士搏扶搖于廣漠之鄉管領群仙
啓雋類函卷六十七

挹沆瀣于太清之境世多有奴顏婢膝而事權要公
獨以忠肝義膽而結主知白簡霜凝青蒲風動載正
一臺之治華嚴兩觀之誅腹心之疾既除誰不欣快
耳目之司尤重宜有寵嘉方更張萬化之初爰擢置
七人之上伏延英閣而抗疏侍華光殿而說經推皎
潔報國之心吐崢嶸驚人之論言利行猶藥之利病
既盡其忠后從諫若木之從繩率歸于正雖朝廷有
直臣之可賀然天下得大儒而乃調肆疇衮職之功
即正鼎司之任其悵遐履慕喜聽書郵顧墮身于喧
囂倥偬之塵徒注目于清切凝嚴之地桑梓必敬固

知餘蔭之可依桃李總麗猶懼不言而自棄敬宣尺
素少抒寸棕

賀鄭大諫啓

宋李廷忠

顯膺詔旨擢首言司由御史五月而遷信非常典凡
侍臣三日必諫况是專官聿登正直之賢具孚中外
之望恭惟某官氣凌山嶽節貫冰霜蓋魯君子非器
之可名宜漢人主必冠而後見巍然正色革彼邪心
豸角分輝知橫榻步趨之相繼龍顏開霽喜伏蒲風
采之猶存直進長于七人用肅清乎百辟與天子辯
是非宰輔爭得失人所至難使朝廷關輕重社稷係
啓雋類函卷六十七

安危公其可舍其謬縮魚符阻瞻烏戟諒耳目到重
湖之外罔不照知念門戶在一障之間惟當固守

賀黃大諫啓

宋真德秀

簡自中宸擢居正諫接龍箴鷺已高御史之班繁鳳
騎麟更聳諍臣之望公朝鼎重佞俗冰消恭惟某官
德器端凝學力闕遠能定能應而涵養熟不矯不激
而剛正存呂大防擢副端由上所舉范祖禹居講席
爲論甚明輔導既多褒遷豈後明陟冠七人之首勸
講沃九重之心反覆盡言田錫爲朕汲黯匪伊爰立
傳說乃予阿衡其聳聽除音幾欲舞手云

賀賈大諫啓

宋陸務觀

恭審顯膺一札之褒首冠七人之選主賢臣直國勢
巋然言聽諫行天下幸甚恭惟某官學造精微器函
閎遠許國弗渝于艱險憂時如抱于渴饑造膝告猷
浩浩江河之決傾心愛士拳拳涇渭之分慨然死生
禍福不入于中常若天地鬼神實臨其上以今日陳
善之效成異時贊元之功同出此心夫孰能禦其侵
尋暮景蹭蹬孤生迹本甚踈妄欲歸依于公道分當
永棄特蒙拔拭于窮途何以仰答門闌特達之知惟
有稍陳郡縣利病之實倘少寬于斧鉞願嗣布于腹
心

啓雋類函卷六十七

賀周司諫啓

宋周必大

底績右垣升華左掖忠言廟上雖寄刃之必移正色
立朝知班聯之愈峻恭惟某官文高典則學洞淵微
挺渾金璞玉之姿負烈日嚴霜之操風聲鯁峭屢開
白獸之樽諫紙縱橫備着皂囊之疏補衮既章于山
甫轉圜益顯于高皇佇從耳目之司入踐股肱之任
某屬縻使事阻簪筮筵仰賢哲之得時與士民而共
慶其爲欣頌曷罄敷陳

賀大諫啓

宋周必大

演誥鳳池升班騎省后從諫則聖式嘉啓沃之猷臣
事君以忠愈藉論思之益恭惟某官自擢冠于南宮
即締知于北闕曩緣六察進列七人造膝惓惓補衮
實同于山甫抗章纒纒引裾何愧于辛毗爰從左掖
之聯就正大廷之拜青蒲屢伏旌旌入告之嘉猷紫
橐峻持更應久虛之妙選佇疇言蹟參秉政機某外
奉使華遙聞褒制莫展陽城之拜敢稽商皓之書欣
頌交懷喻言莫既

賀大諫啓

宋熊克

特膺妙簡越踐要塗疇稷契之忠言冠于諫省第淵
啓雋類函卷六十七

四

憲之德行錫以儒科柄任實階輿情允屬恭惟某官
學該流略而洞視萬古文類盤詰而勒成一家練本
朝之舊章審當世之大務徧臨三輔蚤頒京輦之條
擢置六聯更貳儲闡之化將命既還于萬里陳謨益
契于九重茲簡清衷遂疏曠渥蓋蒼生待爲霖雨姑
令諫澤之霑而學者仰如泰山庸賜詞林之擢高步
即登于輔相英聲盡播于華戎其隈處冷曹阻陪下
客國家閒暇方極論于政刑朝覲從容尚讜言于幽
削

賀陳大諫啓

宋楊椿

光膺制檢首陟諫垣有爭臣者七人方資表率舉明
主于三代益賴箴規冕旒虛心簪紱增氣竊以重華
協帝必兼求稷契之忠衆美效君孰不推王魏之直
方聖治內修而總攬宜忠言入告以彌縫孰長熙朝
供奉之班必得昭代豪傑之士恭惟某官氣嚴而中
裕體粹而外冲興學根聖人之經周才濟當世之務
盡言無隱正色不阿果踐禁聯愈隆宸簡蓋魏徵之
奏剴切而當帝心况李渤之言優游而中時病豈但
嘉于諷議將有取于弼諧某濫處郎闥猥通朝籍喜
承登侍從之列益告遠猷竊幸陪賓客之趨敢陳善
啓雋類函卷六十七 五

賀李大諫啓

宋楊萬里

不敎褒詔峻陟隆名昔抗論諫垣綽有古諍臣之烈
今陞華奎閣亟聯真學士之班帝思孤節之無朋人
美精忠之有報切以當國論是非之未定見人才邪
正之不同君子志在憂時豈憚盡言之觸禍小人心
乎趨利第思阿意以徼榮孰知天理之好還殆匪人
情之可料導諛者未必獲福咎徒塞于兩儀守正者
未必罹殃名自流于百世若昔可攷于今益明方孽
臣盜據于朝權欲私室久顯于國柄罔知勝筭運籌

策于幃中輕出躁謀動干戈于邦內顧衆口同然而
和附豈本心若是之顛冥祗緣富貴之念深遑卹生
靈之禍慘惟公遠慮爲上極陳雖懷魏徵之忠戒征
遼水竟坐汲生之顛紉守淮陽越既漏師湏成誤國
恢謀馬邑莫逃首事之誅鯨殪羽山旋正朋姦之典
凡曩出矢言之諍皆令蒙微數之加睠一佞而一忠
果孰得而孰失載覩恩綸之布咸稱公道之亨恭惟
某官秉質松篁爲世著蔡立朝二紀幾嘗閱于嶮夷
報國一心曾弗移于燥濕衆方駒促公獨鳳鳴惟知
效獻替于當時何意被寵榮于後日迨此忠謀之既
啓雋類函卷六十七 六

驗凜乎節槩之愈光恩命狎臨輿情知勸某聳瞻殊
渥深激懦衷喜聖朝有賞諫之風不慙于古庶天下
增敢言之氣其有于今

賀鄭大諫啓

宋陳耆卿

疇庸橫榻正位上坡白簡含霜久著埋輪之望青蒲
映日峻躋入閣之班播告揚庭歌謠盈路切以國家
之事惟宰相可行諫官可言紀綱之司乃君子所恃
小人所畏世道雲翳人情日偷靡聞謬謬之昌競取
容容之福以依阿澆忍爲圓熟以慷慨激發爲迂狂
不思名稱之謂何乃忍波流而至是誰一舉手惟三

折肱恭惟某官學洞索丘量涵海嶽移治外之功以
治內粲然經國之猷推正心之學以正君卓爾尊朝
之望橫飛直上特立獨行崢嶸五院之聲名密勿九
重之意眷惟激濁揚清之際與獻可替否之間有重
有輕孰先孰後爰輟才于排擊俾一意于論思深爲
古人蹇諤之風不若後世苛煩之甚韓愈之譏陽子
首陳時政之瘠肥盧仝之歌孟公獨問民生之蘇息
蓋事以大原爲急而言以切中爲奇詎尚支離以滋
惶惑雖大雅自有成畫在宵人姑以效愚某觀古多
賢疑今罕遇何意讀開元之報恍如歌慶曆之詩喜
啓雋類函卷六十七

賀梁司諫啓

宋王十朋

光膺宸命榮貳諫垣當朝廷多事之時承風俗積弊
之後內有群陰之壅蔽外仍強敵之侵凌可言不言
而反諱大言既已比立仗之馬今日何日而不監前
日其可忘覆轍之車幸遇正人適當言路固已犯顏
而首論大事詎可削藁而徒爲小忠天子以爲是而
諫官以爲非言有聞于前輩君子有所恃而小人有

所畏事正賴于明公庶幾無愧古者之七人斯可上
繼堯廷之四諫某受知有素贊善彌深暫獻狂瞽之
言以爲忠讜之助

賀湯司諫啓

宋王十朋

乎號于庭名官以諫聖朝無闕事不待批于龍鱗天
子有爭臣尤急聞于骨鯁識者相慶翕然同辭恭惟
國朝參考唐制莫要于御史府莫清于供奉官誦岑
參杜甫之詩日趨東省拜陽城仲舒之疏時守延英
向非一代之名流曷副九重之妙選恭惟某官淵乎
似道浩然至剛棲遲樂衡泌之間微起遇風雲之會
啓雋類函卷六十七

公每抗論幸明主可爲盡言衆亦望風意山人不樂
名利援禮以杜家臣之僭奪筆以誅世卿之萌謂君
然後有反玷塞門謂盜豈容竊大弓寶玉鄭公所上
百奏莫不切心陸生每著一篇必蒙稱善後官敬憚
于質肅貴璫欲避于淳夫乃冠伏蒲之清班以旌折
檻之直氣有若仲山甫之補衮方嘉賴之欲如种明
逸之拂衣胡可得已行陟太坡之峻徑齊兩地之尊
某側聽出綸不知折屐幸有要津爲吾輩之盟主敢
以晚節累平生之故人獻徂徠聖德之詩尚能勉強
作韓子諫臣之論無復激昂

賀謝司諫啓

宋劉克莊

龍輝煥號騎省升賢司諫七品官未足爲范君之賀
法筵第一義皆聳聽榮陽之言當寧虛襟在廷舉劾
切以君子之論嘗見微而知著天下之理有必至而
固然與其蕩沃于已焦爛之餘孰若芟夷于未滋蔓
之始既寢了翁之諫疏孰敢娶老蔡之鋒使行獻可
之彈文世豈受金陵之禍瞻言前哲復見令公恭惟
某官稟峨峨之精英傳關洛之本統頃居言責尤著
直聲屬時督閩外之臣切慕下石頭之舉向微安石
皆倒持手版之人賴有陽城倡裂壤白麻之語雖忤

啓雋類函

卷六十七

九

觸貴權之怒矣然保全名節而去之及此更張翕然
號召於惟列聖每親除耳目之官厥後柄臣始私用
腹心之客雲漢之章朝擢風霜之語夕傳昔未嘗望
車拜金谷之塵今果能露布破銅山之賊然而質肅
論燈籠錦或譏後遂無聞道卿諫瑤華宮有云事不
止此寧一發之爲快當百鍊而愈剛公卿幸得遭時
其可孤于明主諫官如此言事寧不賀于太平遂自
大坡進持魁柄某素無實用浪得虛聲陶寫性情時
宰疑麥葵之謗將明倫紀臺端有粟布之彈粵從尹
氏之秉鈞莫曉纍臣之得臯不圖衰朽復備使令良

由端人得君之初與念寒士失職之久尚能奮發
徂徠聖德之詩無復狂愚作韓子諫臣之論

賀方司諫啓

宋方岳

渙汗龍輝晉班騎省上懷蒲疏雅崇七品之官公自
柏臺顯拜拾遺之職喧傳除目增重坡頭恭惟某官
直大以方沈潛而毅流源遠矣嘗遊元方康成之間
植立偉然豈在陸贄陽城之下自我橫豸屢批逆鱗
歷攷其抨彈論擊之文皆係于理亂安危之大聖朝
無闕事抗論不休天子有諍臣舍公誰可赫然親擢
深矣睿知固將以鋤奸去佞之忠移而爲陳善閉邪

啓雋類函

卷六十七

十

之敬言不可已道之將行佇究經綸進登丞弼某猥
叨乘傳聳聽置郵誇吾宗之有人閱同榜而動色空
能激烈重賡聖德之詩安敢狂愚尚著諫臣之論

賀董司諫啓

宋李劉

進思補闕仍侍邇英責重寄隆益可告嘉猷于后謀
從言聽轉當下膏澤于民朝野喧然宗社幸甚恭惟
某官所養剛大而道中庸人方此重而彼輕公獨以
退而爲進亟拜拾遺之命仍陪勸誦之聯緝日月之
光良多啓沃犯雷霆之怒大有激揚不賣直以取名
惟格王而正事簡在中宸遂升左垣考司諫七品官

之階雖云序進然大人一正君之事正屬司行今日
前無必至之憂而天下有未形之患無非事者請先
大者之圖彼何人斯尤賴辨之之早舍豺問狸則民
不服如鷹逐雀則君自尊察嫠婦之私憂回倉公于
驚走庶淮南知憚于汲黯而昌黎無惑于陽城名節
皎然芬芳多矣其當獻嘉頌顧進苦辭蓋有感平日
之知不敢作細人之愛諸公不喜生語柔則茹之善
人能受盡言遐不謂矣尚欲作石守道紀德之頌幸
勿還李師中落韻之詩

賀鄭正言除司諫啓

宋王格齋

啓雋類函卷六十七

十一

伏審就陟諫垣頃增國重皂囊奏疏尚參兩省之聯
黃紙除書遂正七階之品人僕仁言之溥士知元氣
之還贊書一傳輿言具穆恭惟其官脩名蓋代厚德
鎮浮黃鐘大鏞殆非近世之人物光風霽月綽有前
輩之風流孤忠上簡于龍光清貫亟躋于鷺序冠戎
豸角陰見睨而已消手批龍鱗木從繩而自直屬時
睿哲渴想忠規乃眷廷紳孰任盡言之責肆揚詔綽
延登已試之英即疇底績之庸行正告廷之命其猥
分闡寄遙聽除音聞鳴鳳于朝陽豈爲私賀寄雙魚
于尺素宜激抃棕

賀諫議啓

宋真德秀

恭審帝眷上坡詔升左省侍講華光殿禪聖學之緝
熙拜疏延英門罄忠規之剴切班駘益峻風采一新
竊以國有直臣淮南之謀自強朝無姦黨河北之盜
易平蓋邊虞雖警不足憂而骨鯁乏人爲可懼載仰
仁皇之世方興西夏之師謀議前陳孰匪急禦戎之
務聰明遠覽獨首增論事之官由其紀綱立而百度
修所以根本彊而四夷服維今盛舉與昔匹休恭惟
某官朱紱比直玉鑑倅清冊府累年不改安恬之操
諫垣葦葦歲獨高謇諤之風志存家國而不近名誠竭
啓雋類函卷六十七

十二

朝廷而亡遺慮屬方多事尤賴告猷拾禁闥之遺已
無慙于長孺補衮職之闕顧誰越于仲山眷倚不移
觀瞻增重方將紆長策以康國步矢良謨而沃帝心
扶公道之脉于將微建太平之基于弗墜翕然衆望
屬在我公要當遺萬世之安豈特徹四郊之警某方
疲遠役側聽除音有諍臣七人端爲明時而喜呼太
平萬歲猗新盛事之觀抃蹈之私敷陳不足

賀安諫議啓

宋唐庚

伏審光奉制綸推居諫苑朝廷增重中外歡聞竊以
致君澤民聖賢之所易逢時遇主古今之所難當諫

行言聽之時居面折廷諍之位得伸其志實係于夫
恭惟其官醞藉深醇議論辯博養廉慨敢言之氣負
縱橫適用之才必將論列是非敷陳利害然恐供職
未幾別有九遷之榮遇事輒言安俟七年之久其荷
知有素稱慶無緣欣忭之私實倍夷等

賀蔣諫議啓

宋方岳代

伏審簡自中宸擢居正諫粵躋橫榻得李勉而朝廷
始尊斗上大坡用仲淹而士夫相賀恭惟其官質堅
百鍊而愈精節義四時而不改仕者皆嚴憚黯已銷
落膽之奸帝曰無以易充當有沃心之論竊窺聖德
啓雋類函卷六十七 十三

時憲天聰雖艱難有甚于絲棼而恭儉本無于袞闕
惟是外則桀驚不臣之虜久矣鴟張內則鸛謹不靖
之兵敢于狙詐事孰大于此者時其條而上之所願
乾清而坤夷可使主憂而臣辱其越在邊城莫瞻朝
著稱慶曆者曰四諫尚能賡徂徠之詩今陽城號爲
一賢何待作昌黎之論敢無動色傾聽嘉言

賀劉給事啓

宋李廷忠

對敷昕陞擢正夕闡疇咨已試之能直聲素著塗歸
不便之詔忠力采宣天爲回聰地亦改觀恭惟其官
有材不世非器可名專儒學以爲之宗一門鼎列登

春官而居其甲千里壯行稍厭承明之廬自詭皇華
之節帝惜其去公端以歸振起朝綱君正而百官正
參平國論賢和而萬物和凡琴治更張之功由橐英
獻納之益乃至執二勅而不下讀三墳而在前肯號
兼局今稱特拜此當宁眷倚之尤重顧若時登庸之
可稽行矣告庭繼茲賀野某久違墻仞遠戍江干頗
記俊遊曾共賦御溝之柳遯聞顯渥還再瞻禁闥之
花忝預年盟喜忘宵寐方將窺功名于不朽豈徒竊
光耀以自榮勿于公朝而植私恩故湏駁奏然以大
人而勤小物或在甄收爾素所陳衷赤未究

啓雋類函卷六十七 十四

賀鄧侍御除給事啓

宋李廷忠

號傳渙發詔許塗歸秋嚴鐵柱史之威憲綱肅肅夕
正青瑣郎之拜文采飄飄上所親除識者交慶恭惟
其官學窮六家之要文起八代之衰正色當朝直聲
蓋世仲山不畏疆禦誰云剛則吐之伯夷有立懦夫
自是聖之清者以皇極之道平國論以中興之策贊
廟謨故善士至于眉伸而強胡可以口伐屈烏府先
生之重躋黃門要地之榮敷奏何私方觀有事于殿
內講學惟舊肯陳非道于王前日接恩揮風生從路
畀以權而甚重究其用而必宏如先朝張泳封還詔

書尚以樞臣而兼領若有唐李藩批却制勅遂聞相
位之繼登今屬名公復尋故事某志塵結草跡瀟
疎阻窺數仞之高驚聽十行之寵喜深銘數言拙矣
殫

賀許給事啓

宋洪邁

疇績辰猷躋榮夕拜歲獐豹尾方看翠駕之常從突
兀龍頭又喜黃扉之身到名昭似日歡動如雷恭惟
某官北斗星樞西州雲錦追兩都之作見相如司馬
遷之善鳴負三代之英與閔天散宜生而爭烈論事
則義形于色臨機則膽大如身夷狄爲之革心華夏
啓雋類函卷六十七 十五

得以增氣自宜補天子之袞胡爲著侍臣之冠揭精
鑑以題材重細旃而勸學言無不售道匪虛行進居
管轄之司坐振紀綱之治若李藩之批還制勅與魏
相之白去副封能大其官未幾而相此事寂寞之又
矣我公慷慨以當之聊屈畫黃重門下駁違之寄便
應進熱握中書造命之權某搶頭爐鞴之中刮目綠
輪之下圖南無路自甘從控地之飛窮北欲春當大
費回天之力既深闔惺尤切歸依

賀陳給事啓

宋周必大

疏恩西掖進位東臺由天子諫諍之臣居門下封駁

之任昔補闕拾遺之義世所講聞今揚勅還詔之風
士方聳聽言責無替師虞允諧切以肇自聖朝作新
官制黃門首冠後省事專出納之司青瑣故號夕郎
職典樞機之地煥宸章之責飾昭從橐之輝光詔令
施行許稽參其利病人才進退可抗論其正邪論議
或異則宰輔不敢專主意所否則制命得以格此裕
陵重正之深意爲神孫經遠之貽謀非待真儒不在
威選雖任重而職大亦爵高而憂深恭惟某官秉德
溫恭執心夷粹學行純而閑肆矧六藝之芳腴文雅
健而雄深接兩都之步武蚤膺眷簡備歷清華嫵媚
啓雋類函卷六十七 十六

若魏元成得七人之大意博瞻如韋處厚振五學之
流風惟志合而道同故諫行而言聽民生蒙膏澤之
潤國本賴元氣之強徊翔侍從之班涵養公台之器
况張公之論事易以回天而山甫之遠懷妙于補袞
行頒制綽趣秉政機亟爰立而處中副具瞻于端右
某少而多病衰不待年意氣已頹學問幾落念五年
之去國方萬里以入夷感太行之雲飛長途將母憐
西山之日薄回首驚心伏惟一面特達之知豈無今
日寅緣之望倘借吹噓之力俾逃瘴癘之鄉庶因錫
類之恩少解知年之懼願稍從于內徙曾何覲于裏

言願平生爲君子之儒豈以窮通而易此使流俗知
國士之報更觀夷險之何如

賀王給事啓

宋周必大

承恩金殿進位銀臺貢獻納于辰猷振塗歸于夕拜
一聞成命咸激歡悰恭惟某官雋業早飛英聲久播
比繇宰掾之聯進陟事官之貳得時行道兼寓直于
黃扉滿歲爲真遂正名于青瑣惟茲重任時乃要塗
元素回天舉世嘆仁人之勇李藩批勅在廷推宰相
之風既遠繼于前修竚入參于大政某改轅無補托
庇有初遜聞錫命之優莫展登門之慶其爲欣頌曷
啓雋類函卷六十七

罄敘陳

賀周給事啓

宋

拜恩玉陛平奏銀臺名參黃散之班任極清華之選
初傳除目允愜輿情恭惟某官德冠淵濶業窺稷契
讀三墳而博古度兩漢以摘文翰墨策勲久矣中朝
之第一忠精事上居然當世之少雙方靈臺收偃伯
之功顧武部豈蓋才之地疇咨碩望封駁瑣闥元素
回天魏鄭嘆仁人之論李藩批勅裴公推宰相之風
即茂著于多庸諒難淹于大用某外將使指阻慶賓
筵謬謬常聞仰家聲之復振期期靡奉視祖德以何

慙欣慕居多敘陳奚究

賀金給事新除啓

宋吳儆

宸章進寵夕拜陞榮增重朝廷均歡寰海恭惟某官
雅望三朝清名一代仰止天民之先覺凜然松栢之
後凋頃從靜退之中進歷高華之選荐持從橐入侍
經帷俎豆之事則嘗聞之文武之道識其大者深結
聖神之眷擢司封駁之公歷觀昭代之選除遠考本
朝之故事凡瑣闥論思之任皆廟堂弼亮之餘民所
具瞻政將焉往某久依大庇欣覩殊榮修贊喜之恭
阻趨風于幕履上得賢之頌俟正位于阿衡
啓雋類函卷六十七

賀梁給事中啓

宋蔡襄

輟直西垣通籍北省專銀臺封駁之職進瑣闥追趨
之班邦家之光海寓胥慶伏惟某官學窮奧蹟名冠
倫魁元龜天地之機九鼎社稷之鎮被短褐而懷玉
擅價翰墨之場結長綬而腰金策足功名之路湊風
雲之佳會躡霄漢之清蹕騫騰夕拜之遷傾倒辰猷
之告封詞頭而不下舊傳解事舍人之名批勅尾以
辨共觀儒者給事之効惟出令毋嫌于反汗則論
風嘆于回天仁者之利溥哉君子之道長矣可速
速寧論諸公衮衮之升當言公言要爲一士謬謬

之益日三接而甚寵歲九遷而可量起海瀕而擢賢
良已兆封侯之業遊都城而取卿相方歆稽古之榮
某刺首吏疆託身德密悵阻光儀之久欣聞寵渥之
新鵬兩翼之乘天孰測南溟之運鳳九苞而瑞世但
快朝陽之鳴歲律崢嶸禁途密勿願精鼎食亟副巖
瞻

賀諫院舍人啓

宋沈存中

伏審外庭拜命西掖代言英材蒙知清論歸美竊以
文章辭令之選茲實法度風教之原惟厚薄邪正之
所歸乃治亂盛衰之攸係纂辭深厚故能通物變之
啓雋類函卷六十七

十九

微贊指坦明遂可格天下之動以至論恩懇側隱民
疲俗之變心申制簡嚴武夫悍卒之奪氣蓋識通干
用者則遇變皆合言發于性者則感人易深豈特經
綸之大猷茲惟鼓舞之盛事矧欲流風之復古屬當
施惠以趨時宜席真賢上副明主恭以其官純賦學
敏深資性原兼采百善之長獨收高世之譽機靈深
造于道德志力久形于功名潤色鋪張固歸大手建
明將順實稟素心譽謬霜臺耻混衆人之諾諾講摩
聖訓力震大聲之欲欲以樂育則休有成材之風以
直筆則刊正後來之法振翼雲漢垂光虹蜺遠近所

傳緇紳交頌燦然述作將建一家之言銳于討論庶
追三代之業盛際南期于登贊庶休行被于康功雅
尋眷存竊感欣躍未遑慶覲先屈眷辭深惟降抑之
謙祇益感銘之實

賀董正言啓

宋李廷忠

歷觀御史陞正言正言陞給諫則正
言乃拾遺補闕之流故次給諫後

紫渙對敷青蒲伏奏薄外郡戀禁闈初無汲長孺之
利心繇中秘登諫垣自是元微之之故步俗皆趨競
所以獎退靜之士朝方清明而能容謇諤之言允協
僉謀奚待次舉恭惟其官至寶不琢大音希聲謂千

啓雋類函卷六十七

二十

載間生得之爲甚難故一歲屢遷用之如不及便蕃
晉寵奮迅周行下博士之帷明制禮相因之本直太
史之筆得書法不隱之傳朝遊麟臺暮直騎省蓋上
欲神明其耳目惟公能忠藎乎腹心縱壑遇風旣云
得路回天轉日何憚極言群儉蓄縮以避鋒萬彙伸
舒而吐氣號慶曆之四諫在君子何黨乎進嘉祐之
五規知中國有相矣某千名素拙涉數多奇棄關傳
以西遊排國門而東出逖聞綸綍起振衣裳公道由
此開張善類得其憑藉頌言不敏悅慕惟厯

賀金正言啓

宋李廷忠

楓宸渙號蒲省晉班由真御史爲真諫官既極選除之妙欲正君心以正天下益據獻納之忠國是有歸朝僉斯穆恭惟其官抱負所學震耀于時挺孤秀以不移擷衆芳而自飾早登翹閣結韋平父子之知晚立要津展堯舜君民之術不易居者風霜之任所難犯者雷霆之威見謂敢言何妨易命廷議而瑩冰玉將坐寢于邪謀帝用以補山龍實有開于偉業其高冠莫旅小積是修聞諸在野之言敬致得人之賀想正色立軒墀之上無遠弗知雖孤身墮障塞之間有恃何恐

啓雋類函卷六十七

二十一

賀應正言啓

宋李廷忠

賜札中宸伏蒲右省保氏諫諍兼師氏之講說天日爲開正人信任去邪人之蔽欺朝家增重上所特拜誰不歡顏恭惟其官晉大夫之奇才魯諸儒之奧學雲路四達千里可以追風朝陽一鳴萬物爲之吐氣擢自馨香之署聯于錦繡之班且士而當得言之秋故君者立無過之地譬猶木從繩而自正抑使雪見峴而曰消所係不輕是除何歎進陽城于延英閣上疏極慷慨之懷訪處厚于太液亭演經廣規諷之道命馬疊組義則幸際會于斯辰計登庸之不暮其

邊麾有守前紀莫實作耳目于虞廷信能燭遠當戶門于楚塞尚賴包荒景仰惟勤名言曷既

賀施察院除右正言啓

宋李廷忠

光奉詔恩進司言責爲中郎入禁闥而補遺闕密奉燕閒與天子立殿陛而爭是非允資鯁直有識相慶不戒而孚恭惟其官碩望巍巍環姿奇特身以稷契而自許道非堯舜而不陳上簡冕旒之知內分耳目之寄山林伏猛而藜藿不採天日開朗而奴隸皆知驟從三院之聯擢預七臣之列雖聖朝無闕不煩杜老之諫書而治世可憂合上田公之奏議虛心見納啓雋類函卷六十七

啓雋類函卷六十七

二十二

賀晏正言啓

宋李廷忠

治朝渙號諫省升班豸一角而觸邪方居正色之地鱗數批而受逆復值得言之時伏蒲前陳薦笏交賀恭惟其官以文章取少年名以道德居丈人行謚珍犧象成以晚而愈奇識炳著龜辨于蚤而不惑粵自馨香之署晉于嚴凝之臺肅然延紳咸知真御史之操偉哉御筆遂有新諫官之除直氣方伸華恩狎至

坐經帷而勸講虛宸展而樂聞明主可爲忠言聖朝
豈無闕事士夫習俗方淪于偷安苟且之域田里庶
民未免有歎息愁恨之聲名器濫與不足以勸功命
令輕出不足以示信此有智識者所深慮而司言責
者或隱情諫紙徒有百張慙起樂天之誚補袞曾無
一字愧形社老之吟彼皆推憂國之心其肯爲恕已
之論久看仗下之馬立忽聽朝陽之鳳鳴既得其時
不負所學謀謫淮南而節義著位居日東而風采明
百士避鋒萬竇吐氣且獻其可必獻其否允資骨髓
之儒欲錯諸安毋錯諸危宜正股肱之位其繫心崇
啓雋類函卷六十七 廿三

杞滯迹窮閭顧出綍之有榮惟進講而自喜開晦冥
于日月已動觀瞻起逸旅于江湖尚希提拂

賀楊正言啓

宋蘇軾

新改直職擢司諫垣傳聞爾假聳動觀聽咸謂國家
之鉅福乃用諫諍之真才必能深言以補大化方今
朝廷之上號爲無諱而太平之美終不能全臺諫之
列歲不乏人而衆弊之源猶或未去豈聽之者徒能
容而不能用言之者但爲名而不爲功歷觀古人之
効忠皆因當世而用智不務過直期于必行右尹子
革因墳典而道祈招之詩左師觸龍語軒輊而及長

安之質徒奉拳拳之意不求赫赫之名此仁人及物
之休功忠臣愛君之至分伏自頃歲所更幾人席未
煖而輒遷踵相躡而繼去然一身之譏固足以免矣
而積歲之病當使誰去之恐習慣以爲常遂因循而
不振雖在僻陋固當隱憂以爲必得朴忠憂國之人
又加以辨智得君之術言苟獲用國其庶幾恭惟某
官才雄于世而常若不勝節過千人而未嘗自異素
練邊事深知兵驕頃持鉅實識官冗必將舉大體而
不論小事務實効而不爲虛名其最蒙深知愧無小
補方傾耳以聽願續書諫死之篇若有待而言或能
啓雋類函卷六十七 廿四

著諍臣之論

賀濮正言啓

宋方岳

渙命龍墀晉班駰省金華密勿灼知有補袞之忠王
立峻清徑處以立坡之職縉紳動色廟社增隆恭惟
某官兩京三輔共師郭泰之儼刑六館諸生久伏何
蕃之仁勇允哉所謂長德用之必爲諫官厥今波流
風靡之餘豈非陽微陰盛之會恭惟執事志在春秋
內夏外夷之分最嚴君子小人之辨素謹大伸所志
宜及斯時千百年之芳名所願加意第一義之偉論
豈不動人增渙蒲青入班荷紫其猥承單傳聳聽特

綸羈迹可憐欠識立班之突兀壯心空在遙瞻折檻之嶙峋

賀葛正言啓

宋陸游

恭審傑直北扉方演日給之命拾遺西省遂輪補袞之忠上虛佇于嘉言士共歸于碩望恭惟某官偉識絕人英辭擅世警書群王之府視草承明之庭比傳夜對之從容屢動天顏之欣懌主聖臣直共知千載之逢言聽諫行獨任七人之責木從繩而必正石投水以何難某屬以乘輅阻陪賀慶比年十漸必盡告于吾君一旦九選將孰先于門下其爲并躍罔罄敷

啓雋類函卷六十七

廿五

陳

賀葛正言啓

宋楊萬里

乎號大廷拾遺諫省古者所以責難于丕后非舜不代豈無敢言之正人如尊乃勇聞者興起躍如歡欣恭惟某官議論通乎古今名實孚于上下以星翻漢回之光采作新斯文以山高水深之風流照映當世諷儒先于三館俾廷諍于四聰方聖天子從諫如流之秋曷嘗罪乎言者惟諫大夫憂國若渴之志可曰無其時哉扶皇極于將微護善類于既弱倘元氣無不實之處則外敵亦何強之云即冠上坡用懌

寰海某少而自好晚乃早衰誦鸞經鷄檄之三十年于此想龍章鳳姿之偉一覲何從

賀鄭正言啓

宋洪适

恭惟某官清廟朱絃紫壇蒼璧昌黎之薰醲涵浸大放厥辭敬輿之懇切剴深不負所學寄政事于破竹自解之勢撥功名于取果既熟之時方觀春雉之駟即快秋鴻之漸捷登要路力挽頽波惟辨君子小人之分以爲天下後世之鑒然而抨彈于出言如綽之後孰若彌縫于納君自牖之初爰取冠豸之威徑上批鱗之奏能使心正而筆自正是謂言行而道亦行

啓雋類函卷六十七

廿六

疏列屏風復見鄭公之論諫功成袞職即看山雨之登庸某委命窮坑歸心渠夏晉適逢于晝接泰還喜于陽來禪帝右之謀猷方幸新除于永叔言民生之利害敢祈勿遜于希文

賀沈正言啓

宋周必大

誕布綸恩擢司言責輟烏臺之六察參騎省之七人公道既開輿情胥慶恭惟某官氣和節勁志大才高既問學之家傳亦剛方之世濟談經朱邱涵遠業以靖共奉對丹墀罄加猷而格沃雖親擢亟升于我豸而冒言未究于伏蒲遂自南臺進參右掖魏謩補闕

遠追文正之遺風吉甫効忠喜見贊皇之賢嗣諒纔
温于坐席即交秉于政機其竊次江干依仁宇下聖
賢相逢而張治具已際明時日月亭午而無邪陰更
觀盛事其為欣懌難盡名言

啓雋類函卷六十七

廿七終

啓雋近體卷六十八

類函八十

東吳俞安期羨長彙編

上饒王嗣經曰常同輯

建武鄧漢遠遊訂定

給諫部二〇行
取附末

賀初擢

明萬世德

明綸渙發賢俊陞班葳蕤豹尾之間又幸論思之有
地突兀龍頭之近豈憂補闕之回天光勳黃扉聲傳
滄海竊以國家仕途之要原有專官朝廷言路之速
無如今日況當四方之多事豈可兩省之幾虛爪牙

啓雋類函卷六十八

攫百姓之膏脂狼豺塞路掘鑿震九州之陵谷寇盜
彌山不有正人誰當寧論但少存一時之忌諱是允
作百世之嘉猷天子曰是而諫官曰非固是立朝之
正論君子所恃而小人所畏實為定國之本根恭惟
某官節由天植忠結主知包山海之靈光獻納久需
于鳴鳳峻岩廊之繩準澄清豈必于批鱗正當落落
難合之時急登侃侃不阿之彥肆揚詔綍豈獨契簡
識之宸衷舞抃廷紳業已屬轉移之天意某領官戎
閫留戍价藩驚東海之波濤竊倚漢庭之極諫對西
山之爽氣暫從周甸以分猷馳制鴻書遙陳騎省

賀省中諸公拜除命啓

明萬世德

乎號帝廷簡榮僊掖登閣久格忽開霽于聖明就陟
同陞實眷隆于賢哲歡騰補袞慶洽轉圜以骨鯁
之臣不以治朝而少稅鱗之士雖遇聖主猶賴賢臣
故河北之盜易平每用黨之是慮而淮南之謀既寢
遂顛直之已疎是關治亂安危之機實由出處升沈
之會茲蓋伏遇某官德由天厚忠結主知納牖側門
無非經國家之要務明目張膽總是愛君父之遠猷
惟時事之多乖致正人之短氣諤諤自矢豈非立仗
之鳴落落難諧竟致空庭之去衆方表揚其風采公
啓雋類函卷六十八

賀東齋掌科啓

明萬世德

紫垣渙號青瑣陞班衆望所歸展辰猷而悟主左曹
特署榮夕拜以朝天恭惟某官擎天一柱駕海六鰲
忠言契于九重豈直犯宰相之怒直節高于四海不
獨分君父之憂當落落難合之時有侃侃不阿之節

鑒坡置對何忝批勅之李藩仙掖顯名真是回天之
玄素某抗旌海外秉筭師中每瞻風采于東臺雅資
卓識忽奉除書于下國喜見殊遷從茲議論之可循
奚慮激揚之無執宋山釣水祇欣燕賀之趨瞻愛日
披雲不計鳳池之唐突以茲稱賀不盡悽懷

賀行取給諫啓

明史鴻修

渙綈彤闈熙世際從龍之盛晉班青瑣朝陽聽鳴鳳
之祥司獻納而位逼雲霄振高華而榮聯日月八表
彈冠相慶百僚歛衽欽承恭惟某官擎天柱石濟世
經綸鍾聖瑞以麟游應清朝之昌運奮宏圖而鵬舉
啓雋類函卷六十八

表東海之大風窺王檢于秦函黼黻擅千秋峻業聆
金絲于孔壁衣鉢得萬古真傳偉節嶙峋儼然泰山
之長群嶽英標煜燁煥乎北斗之應微垣羣鳥聲宏
履金闈而振采鑑衡望重秉丹筆以明刑直比朱絃
佇聞補闕拾遺之義高同金掌即看批勅還詔之風
明四目達四聰喜言路宏開曠蕩奏十思陳十漸知
世道坐致昇平某拙類鳩棲任慚蚊負夙荷鴻鈞之
鑄未懷履露於二天恭覩新渥之榮煌竊慶明良於
千載龍鱗日繞快瞻捧日英猷雉尾雲高竊仰垂雲
鉅蔭寅丹展悃莫效鳬趨于墨廳言敢申燕賀伏惟

台驕曷謫品瞻

賀胡給諫啓

古士

明王 焯

黃門授簡五言重出納之司青瑣持衡一字稟春秋之義諫行言聽膏澤可下于民補袞拾遺進退得然其信恭惟某官才鍾曠代品冠人倫產自長沙孕丹砂而作骨宅瀕湘水畜秋水以爲神射策南宮袖玉洞金函之與掌書中秘正赤文綠字之訛解結而泣鬼神既勝往往排雲而叫閭闔趣晉今官白簡飛霜封事褫奸表之魄青蒲直日班行覲咫尺之顏臣哉鄰鄰哉臣式作股肱耳目道殉身身殉道睹爲麟鳳啓雋類函卷六十八

賀工科馬給諫啓

明李 朴代

諫逆龍鱗忠膽夙懸日月恩頒鳳闕榮名新布巖廊慶溢簪紳歡騰朝野恭惟某官靈儲嶽秀瑞應斗驪茹古含今胸內包羅千載摘華發藻筆頭絢耀三春望高青瑣之朝班寵赫黃扉之侍從國是日以旋轉波流惟所主持凡竊餘光切承垂照某才同溝斷職愧觀風北斗泰山久已傾于高第喬林巨屢茲更注

大崇臺莫罄賀忱祗修候楮嶺高鴈塞咫尺之鴻書情遠見飛切楓宸之驚序

賀項都諫啓

明李國祥

騎省升華鳳著松浦之直龍墀渙汗益崇補袞之階望重朝端歡騰海內恭惟某官鴻猷蓋代厚德鎮浮節槩嶙峋峙泰衡於寰宇靈襟澄澈涵玉鑑於水壺屢徵雉狎之祥隻立鳳鳴之地皂囊露奏橫批驪頤逆鱗白簡風生盡歷葵衷殷血熟數權衡之利害恒防剝肉以醫瘡極言進退之忠邪惟欲滋苗而去莠庶寮惕慮明主改容爰簡正人樹標箴尹復見鄭公啓雋類函卷六十八

五



賀主考

賀舒掌科主考官東啓

明吳之鵬

諫著蜚英夙抱知人之譽試闢選雋允符得士之稱
增艷色于簪纓合歡聲于海宇恭惟某官楚材擅望
郢枝超倫持正言公議于朝廷昂抑之權衡既定運
聰聽達觀于禁闥妍媸之藻鑑尤精適緣大比賓興
遂致崇樵師錫楓宸遣拜由近刻以蒞選陝棘院題
評出獨裁而參衆論直然後舉其誇司直之準繩賢
莫或遺爭美招賢之羅網三江異種隨波並徹龍門
五嶺芳葩聚霧交登蟾窟休哉聖世右文之會偉矣
啓雋類函卷六十八

明時展采之期某係後西陲傾懷北斗依依癸卯瑣瑣片誠

賀周給諫主試啓

明許以忠

視諫草於殿廷北極煥斗牛之氣總文衡於吳越中
天騰奎壁之光泰運弘開歡聲不沸恭惟某官先覺
洪都後身公旦詞源浩濶洞庭彭蠡同流德望崢嶸
匡嶽廬山並聳蚤茂循良於赤縣遂隆顯秩於黃門
總司棘院暫離楓宸冰壺照徹珠無滄海之遺玉尺
裁成殼盡英雄之入闔闔風雲動色門牆桃李交輝
某瑣尾庸才折腰俗吏聞籍收多士大爲鹿宴者歡
呼素匏守一官莫獲龍登而喜躍

賀生辰

賀胡給事生辰啓

明馬朴

黃門望重茂弘補袞之猷紫氣祥開適際懸弧之旦
東華益算南極騰光恭惟某官華嶽標奇秦川毓秀
瑤琴綺瑟和平瑞世之音玉尺金莖灑落絕塵之韻
璽徵鳬鳥筆珥螭墀一疏辨姦少日老泉之氣識條
論事平生小范之精神茲當永夏之辰適屆長春之
節省垣瑣闥遙添滄海之一籌蓬矢桑弧不絢紫微
之五色玉書吐醖繡綬生輝一代黑頭佇作栴時辛
相萬年黃髮永爲壽國元臣某又依瑞霤之昭回快
啓雋類函卷六十八

觀壽星之燦爛無緣縮地有意呼嵩謹馳不斐之辭
聊上無文之敬

賀余瑤園司諫生辰啓

賀余瑤園司諫生辰啓

明許以忠

鳳鳴瑣闥九霄揚盛治之音鵠放金籠百歲應遐齡
之祝歡騰朝野慶躍門牆恭惟某官宸衷眷注公望
顯昂特頒丹詔以徵賢遂陟黃門而司諫甫見立朝
正色咸驚批勅精忠頃屆季春恭逢初度冀飄廿四
應汾陽歷考之先聲桃獻三千見曼倩殷勤之雅意
補聖朝而無闕開壽域以收春欣逢令旦喜倍群情
永命祈天願絳縣老人之算颺言頌德之色絲切婦

賀元旦

賀施正言元旦啓

宋李廷忠

星回天而改歲人事肇新陽奏地而發春物情胥悅
允屬老成之彥慶逢亨泰之辰恭惟某官懿德中閑
鉅才旁暢妙五色之線聖主有親於彌縫堅百鍊之
金邪士莫當於鋒銳三陽茂對五福具綏既能斟白
獸以獻謹言行見轉洪鴻而參大化某坐縻一障託
芘萬楹登君子之堂莫陪於賀履飾小夫之櫝敢贊
於頌言

啓雋類函卷六十八

賀端午

賀北科端午啓

明董應舉

招搖指午芒縹絳天爵德賞功會聞夏令薦衣賜纓
尚想唐風矧茲熙盛之朝姤此陰陽之會武成慶宴
先沾侍從之臣洛水寶圖忽見朱明之瑞出金盤而
射粉鵲玉殿之訝薰琴必獻身羨忠猷之素著伏伽
引諍凜正氣之長伸信粹天和寅承日德乾坤大寤
廓六合於心神術業宣平應重離於九五屹若表時
之脩景綽爲壽國之朱絲某等望斗北辰托乘南國
三山二水依然舄屨之猶存四事六聯赫矣典刑之
啓雋類函卷六十八

具在聊修不腆上瀆清嚴馳戀之私非言可旣

賀冬至

賀施正言冬至啓

宋李廷忠

玉曆紀元月臨天統土圭測景日在斗綱茲逢陽德之升實爲君子之慶恭惟某官三代遺直一時老成方朝禮未知得李勉而尊矣如衮職有闕賴山甫而補之慷慨諫紙之陳從容經幄之侍亨辰茂對嘉祉具綏屬當正人得路之秋行踐上宰調元之任某一麾所繫數仞莫登不腆竿牘之誠聊同履襪之獻

賀王給事冬至啓

宋李劉

陽德由子而尊地氣上騰善類觀復之亨天休滋至

啓雋類函卷六十八

恭惟某官沈潛剛克消息時偕手縮袖間復添補衮之線春回井底已驗浮緹之灰對此令辰宜其遐福其適拘旅瑣莫綴賀恭鳴鳳聽角應九天之詔下拂龜端策驗七日之朋來

上

上鄭給事啓

宋王邁

諸仕京畿爲碧油幢之下吏主盟寒峻有青瑣闥之正人昔薦墨之未乾今師門之孔邇倉皇告乏俯伏投誠竊以貴賤之分固殊氣分之投亦寡君乘車我戴笠命實不猶子鼓瑟王好竿物難苟合焉有如夕郎之貴顯尚猶記暮子之姓名吹噓已送於上天植立且期於異日俯念梁園之末至曲爲材館之先容如許殷勤實難勝荷伏念某晚竊一第繼罹百憂頭顱如許而心自憐髀肉已消而名未立豈不及汲於

啓雋類函卷六十八

仕胡爲遲遲其行蓋回思捧檄之時哺烏望絕况未有磨門之嗣砥憤情鍾加之聚糧之難重以負薪之疾何其久也止或尼之駕馬頗困於脩程今方稅駕去燕來尋於舊壘好爲捲簾茲蓋伏遇某官古大臣之盛心新天子之舊學黃扉丹地稟社公封駁之詞廣廈細旃負范相溫純之氣結知密勿跬步登庸尊主庇民以存心用關宗社薦賢報國必有後慶衍子孫某是以不願出於他門惟函投於大造一力成就三生遭逢桃李無言所望先華而後實松筠有節誓當老壯以窮堅

上朱諫議啓

明吳守道

錦繡班聯正色立羣僚之表袞裳職補宗功起四海之瞻震直聲於朝廷晉崇階於台閣情深舞蹈心切攀依恭惟某官鼎筮毓瑞海嶽鍾奇胃出神明聯寶牒天潢鴻派家承文獻嗣考亭正學淵源選妙清華司存獻納持正議以定國是扶公論以振朝綱風動坳螭一疏落奸人之膽朝陽鳴鳳片言寤明主之心望重完圭才優秉軸黃麻大拜廣明良喜起之歌紫閣迅登熙亮采惠時之載某龔黼腐儒門墻下士藝課弟子員首膺獎拔政告新令尹齒及姓名比圖奮啓雋類函卷六十八

十三

上給諫啓

明李國禎

四甌含忠宿望風銷群枉兩班履潔昌言日照孤忠戟架已滿棲鳥瑣署暫留迴馬快聞鯁論歡登鸚鵡表恭惟某官大呂九閏之器明堂一柱之材六合資潤於筆端九品定稱乎舌表胸中湛鏡照穢吏之百奸肘後奇方起疲民于九殞力扶公論勁節愈勁于批鱗剖當帝心直氣益直于射馬由斗坡以登樞極升鼎席而踐台衡安庸百奏之空陳不俟七年之義滯

某志雖語上才不逮中製錦雖同難步塵于清花陶柳憑熊四境鮮得譽于廉袴襲刀一念奉養維對上穹而無愧三年悶悶實占下考以自書詎山納數藏竊有包荒之賴致縵垂屢托幸無葑菲之遺恐玷品題亦思砥礪矧近依堂陰思沾被及于昔時且新占李蹊幸承卯翼於今日即之絕塵之奔軼終歸景化之陶鎔

上朱掌科啓

請卹

明林世吉

拾遺紫闥特資補袞鴻猷納誨青蒲茂者牽裾鯁直喜諫行干九陛欣澤沛乎八紘光溢冠紳福禔宗社啓雋類函卷六十八

十三

恭惟某官瑞肇龍圖祥昭麟紱適際重熙景運獨鍾名世真儒才學淵涵挾魯壁孔壇之奧秘操持嶽峙挺蒼松翠柏之貞姿早驤首于天衢遂翮苞于雲路品高輿望忠簡帝心方瞻百里之雉馴快覩九霄之鴻漸遙班鴈序葱珩炫玉筍之霞亮采螭頭艾綬映金莖之月曉簪白筆披陳盡敬天法祖茲謨夕貢皂囊啓沃悉節用愛人謹論捧星辰于闔闔黼黻堯裳侍日月于蓬萊羽儀漢殿蒼生待爲霖雨冠紳仰若泰山想糾繆繩愆暫倚弼違于丹地調元贊化佇咨作相于黃扉某寢苦苦生投荒病骨憶昔星源假道

曾叨屏履之調自歸越嶠荷鋤遂缺楮毫之候每望
門墻而刻骨載歌瓊玖以增慚茲肅勒乎苔箋敬狂
忱于梧掖更抒孝思于哀蓼惠微仁念以嘘枯跂金
綍之龍光倘賁九京而渙渥效玉環之雀報矢圖百
世以衛恩

上梅掌科啓

明林世吉

玉署升華夙擅珪璋之選瑣闥渙渥特資繩紃之謨
慶溢楓墀光生梧掖恭惟某官奎壁儲精瀟湘誕瑞
學宗絳繆咀六藝之芳腴詞燦瓊琚敷兩都之藻績
德器霑夏瑚商璉貞操挺翠栢蒼松早鴻漸于亨衢
啓雋類函卷六十八

十五

遂龍驤于秘館麟臺起草青藜炫銀管以騰輝虎觀
袖書紅藥映瑤編而吐色僉曰常吉乃金閨之彥方
資綸閣以儲才帝謂侍中聯玉筍之班俾直黼展而
迺德上星辰于閭闔武接夔龍踐雲氣于蓬萊身依
旒冕遙班鴈序亮采螭頭皂囊日貢非堯舜之道不
陳于前白簡霜飛竭伊傳之忠以事其上回天抒讜
論需膏澤以禔福生靈報國矢丹心抒謀猷以奠安
宗社屹爾清朝之柱石巍然昭代之羽儀想獻替伏
青蒲黼黻暫資手補袞調元登紫閣鹽梅佇畀以和
羹某念先世三塵吏局敢云繩附手通家愧下走獨

屏窮陬莫遂鳬趨于函丈茲徂忱于魚素敬冒瀆乎
龍門更抒陟屺之哀情惠微掩賢之仁念叩關陳懇
疏倘蒙鴻造以吹噓錫兆渙恩綸矢結蛇衛而報答
統祈電燭曷任巖瞻

上張掌科啓

明林世吉

弼違紫殿夙邁骨鯁之精忠補闕彤庭特畀斗山之
哲彥蓋欲藉箴箴親于梧掖故用資獻替于楓宸恭惟
某官德粹珪璋望高鼎鉉發扶輿間氣獨鍾黼黻之
才炳海岱英靈茂闡淵源之學貞操特立峙鐵壁于
朝端正色不阿振霜稜于宇內早鸞騫于天路遂鴻
啓雋類函卷六十八

十五

漸于雲達竭節匡時陳臯禹之謨以事其上披肝許
國非堯舜之道不陳于前玉筍代工惹爐煙散馥金
莖僊直映霞彩騰輝巍然昭代羽儀屹爾人倫冠冕
想蠅絃糾繆爰資啓沃于丹闈贊化調元佇畀平章
於黃閣某枕苦苦生緯蕭末品瞻龍門之縹緲夙忝
樞趨奈燕塞之阻修徒深景企茲徂忱于蕪牘敬奏
記乎台垣更抒哀痛于折蓼惠微仁茲于賑麥倘獲
渙鸞書以頒膏漢賁九地而耀斧封敢不鐫鴻造于
肺肝戴二天而圖環報

通

通祝給事啓

明陸應川

妙簡彤宸峻躋青瑣孔戣有諫臣體獨推評騰之公
留侯爲帝者師更罄緝熙之益善類相慶斯文愈尊
恭惟某官北斗星樞南州雲錦追兩都之製作與三
代之英遊頃因宸札榮拜夕郎周旋豹尾方興陽德
之方亨左右螭頭最喜天顏之最近柔不茹剛不吐
復見殿上虎之風言必聽諫必行盡洗仗下馬之習
論事則義形于色不妨于魯直之題臨機則膽大於
身無愧于懸章之號耿耿赤心士暫時著侍臣之冠
啓雋類函卷六十八 十六

堂堂黑頭公指日補天子之袞其關決無庸知憐最
父聳聞涵養于公台之器喜見徊翔于侍從之班晝
日承恩已喜粉榆之可托春風轉律自期桃李之成
陰

候

候楊澹我給事啓

明蔡復一

夜燃藜火作賦摩白玉之堂夕拜瑣門諫書動黃金
之殿此侍從推爲極選朝廷待以加尊而蔡父表於
赤心新尚沈於除目蓋惟得人之重是以進賢之難
鯤將化鵬已逾六月鳥有鳴鳳何必三年外廷交章
彌表師虞之允當寧獨斷式遺言路之開方且近天
子以拾遺彌縫袞職隨宰臣而奏事潤色台符海內
共推真諫官關西無愧楊夫子矣豈若淳于進說之
晚喻天帝於楚王曼倩待詔之初戲休儒於漢署蒞
啓雋類函卷六十八 十七

枝之魁後執行冠七閩正蘭之味遙通詎睽九晚敢
修函訊側聽疏傳

候胡掌科啓

明王兆雲

黃扉地峻近依龍展之光青瑣職崇頻折螭頭之檻
一人耳目攸關百辟儀刑是賴恭惟某官人推名世
天挺鉅公譽望素震燕臺簡拔遂班鸞掖排雲叫閭
闔皆論思獻納之公披腹呈琅玕悉宗社生靈之計
丰采已聞於薄海糾彈不避乎大僚李叔翰批勅之
風今再見矣張元素回天之力不是過也眷渥攸崇
鼎衡虛席某曳裾藩邸曾蒙清盼之加廻睎台垣已

在層霄之上雖光風霽月恒勤夢寐之懷而春樹暮
雲祇切瞻依之念敢齋心而展候爰盟手以具函

候司諫啓

明張應泰

萬里雲霄早欣附翼九重河漢時及流波在王臣豈
有私夷顧君子常能過愛恭惟某官冰壺瑩宇竹箭
貞姿衣授五時分上台之揖讓筆移雙管動中禁之
光輝望清班已隔于雲泥念舊好猶同乎肝膽曩嘗
脩剡竟違台顏比乃出疆終違面命惟斯積悃實蚤
夜以中藏撫彼流光忽暑寒之遂易三年待罪懼貽
覆餗之差百里非材獨賴嘘枯之惠彼希光于東璧
啓雋類函卷六十八

候晏都諫啓

明吳明郊

職補袞龍佩皂囊而瞻王氣威揚冠豸立青瑣而壯
大威敬申竿牘爰多難任心旌曳曳恭惟台臺靈鍾
五曜彩煥九苞輔世匡時遠騰光于華林秀谷舍今
茹古曾搖秘于金櫃石渠蚤揚明允之聲仁披蓮幕
旋試度支之任望著板曹捧紫詔而應徵求伏青蒲
而稱諫議諫言日進一時帝重批鱗蹇諤風高四海
人欽鳴鳳爐香飄闔闔輕搖玉珮以晨趨月色映蓬

乘獨對金鑾而夕奏已補聖朝于無闕御柱題敷預
知宰相之有徵紗籠瑞應歡生函一美頌留都某景
仰龍光夙欽先達續攀貂尾妄附後塵邀靈脫穎于
程門後先立雪竊願執鞭于晏仲昕夕披雲第恨袍
繫四明薄書旁午空有情隨一水剡櫓未申惟疎節
以招尤特馳函而贖譴冀垂茹納實切屏營

候高給事啓

明王鳴鶴

恭惟台臺伏蒲忠藎補袞宏猷言路方開共仰朝陽
之鳴鳳嘉謨乃告克贊景運之飛龍儼然耳目之司
良哉股肱之寄况留都稱根本之地機務爲先而某
垣總樞筦之權經略是賴累疏陳軍國之大計孤忠
定社稷之永圖九法得以振揚萬機因而無缺早躋
鼎輔府沐宸恩某自慙介冑之流敢曰鄉閭之末向
役南都仰叨嘘拂今移東粵總屬提攜感激在心圖
報何日茲當受事之初敢布謝申之款

候張兵科都諫啓

明施德政

掖近黃樞獻納從避馬之路曹連紫禁糾繩接珥貂
之臣綸綍載揚紳綏交慶恭惟某官直方而大清任
以和風擅詞章譽早冠於漢殿更深經術命初試於
皇華特副簡求遙振九苞之鳳兩司衡鑑爰咨六轡

之駟雖貴竹行有吹嗟在西江不輕進取咸資論擇
務在得賢掌握貌貅玉帳凜風霜之氣廟堂談笑金
符依奎壁之輝夕奉天書晨趨瑣闥爲臣期止于敬
時有陳善閉邪之心事君能致其身幾見明目張膽
之疏如將道古今而譽德正可紀簡冊以垂功益慙
躬諸自參宥密某強名屬籍重任匪才猶金在鎔是
全藉一陶之造若早作兩諒欲遂萬物之宜遙仰龍
光敬函鱗羽祗履瞻斗莫副摳衣伏願諫草與日月
爭光忠輸骨髓君臣若魚水相得勛勒旂常

候丘給舍啓

明施德政

啓雋類函卷六十八

二十

帝德罔愆益重弼違之佐綸言有喜專求司直之臣
寰宇彈冠群工引領恭惟某官受才秀傑秉德純忠
經世文章著清時之瑞鳳立朝丰采騁千里之神駒
徂齊獨頌清風出趙能完白璧歸符乙覽職效寅恭
南斗仰文星雅擅千秋之業西京惟夙學允稱百世
之師鑑徹灘江名高粵嶠坐使魁三應象何異巽二
生風拜新命於治朝副本兵之重寄清霜初履預戒
堅水白日正中恒思景昃肆伐謀於廊廟期清瀚海
之波早受算於邊疆直捲天山之霧旂常日月帶礪
山河其材愧梗楠恩徒施于封殖胥深頑鈍力久費

平陶鎔所藉嘉善而矜不能用人不求其備神馳
北聊紆燕雀之忱簡勒闡南具致鱗鴻之羽統祈茹
鑒焉聲翹瞻

候吏科曹掌科啓

明林世吉

班崇瑣闥夙資獻替于九重秩峻天垣兼倚藻衡手
百辟蓋寰宇恩需平諫澤故黼展特簡乎儒宗慶溢
簪紳福禔宗社恭惟某官清廟珪璋人倫冠冕河嶽
萃千齡間氣特鍾命世之才巖廊挺一代高標蔚有
匡時之學品高輿望忠結主知峻登玉筍之清班晉
陟金華之侍從朱鉉比直立螭頭而正色不阿丹筆

啓雋類函卷六十八

廿

輸忠批龍頤而盡言無隱早曩日貢披陳危明憂盛
竑謨白簡霜飛條奏激濁揚清諫論聖朝無闕事固
毋庸排闥以牽裾天子有諍臣然每欲宣猷而折檻
屹爾昂鉉之望巍然杜稷之臣納誨伏青蒲暫借補
天之力調元登紫閣佇成來日之功其寒林朽木涸
轍窮鱗憶道過淮陽曾叨露覆今陸沈越嶠常切巖
瞻敢修鴈帛微忱上候龍門景福統祈電燭曷任兢
候禮科杜公啓

明金璋

旭日千門聖朝喜無闕事陽春一曲仙掖賀有完人
匪班錦繡之足榮繇寄雷霆而名振孤群歛跡麟定

仲眉恭惟某官鳳凰毓其粹鳴彼高岡松栢呈其姿
挺然獨秀文章無敵手屈宋可作衙官謀斷擅寸衷
富韓僅堪伴食暫移千萬間之廣厦大庇楚吳邑之
窮簷民屢號爲神明帝遂資以耳目壓鰲頭而對策
玉佩晨搖鸞鸞潛以灑衣騰牋月請與宰相並行其
道先大人潛格君心數罪則不避堯聞辨奸則彌彰
漢德蓋盛世以千齡而合宗工爲三緊之標况陟禮
垣尤闕王室試思天潢之膏血盡吸中涓且今渙汗
之奎鬐無從上控實藉叫闕而請劍庶幾落照于覆
盆共瞻一謬之鍼璫預卜萬幾之武庫忠良並著伊
啓雋類函卷六十八

候禮科陸公啓

明金璋

司直升聞渙頒宸綽塗歸備問晉陟夕郎風采旣動
于列雲會通載觀乎咨伯正途相慶藩室同懼恭惟
某官文章蟬聯大雅禮樂鸞鶴中朝李署肇試其英

召刑遺德環七十八城之民瘼更獎盡屬徒薪
彼三百餘奏已次第安排寧忙諫草於是以正直而
共推給舍以寅清而參錯秩宗人喜諫議之得君爾
有謀猷以告后試觀誰家之赤子咸熙牢享于春臺
不謂當依之周親反苦貂珣如夏楚儻七廟之靈未
妄意重閭之叩宜先蓋阿閣鳳雛必作朝陽之瑞而
渥注龍種豈難立仗之鳴所謂補衮諫官能用儒吾
道益者也某圭竇凡流除門中隱貽玷先公玉笋焦
微奕世金蘭借非推愛有二天孰可夷延千五斗冊
心如結空咏環雀之醺青瑣無因屢瞻祭鳥之集
啓雋類函卷六十八

送

送主考給事啓

明吳國倫

恭惟某官推朝著之準繩運鄉闈之衡鑑及期撤棘
 品題聿協公評隨地拔茅登進大揚明試濟濟群雄
 入穀駢駢四牡旋鑣鶴向高空鴻遵遠渚想書遊仙
 里暫披錦袞之華計春到皇都重補袞袍之闕耳目
 與股肱交展聲名緣功實並騰某猥以腐儒漫爲亢
 更仰上臣事君之偉節當效執鞭懷北道作主之微
 忱莫伸投轄徒挹芳塵而悵望聊攀喬嶽以颺言願
 悉力回天弘濟時艱于天下祈傾心就日永扶世運
 啓雋類函卷六十八 三五

于日中

送給諫北上啓

明張壩

班馬驅春六轡發吳山之曉樓船駕浪千艘動牛渚
 之星睠言馳節逸矣鳴珂恭惟某官赤虹藻翰紫電
 聲名鵲起南溟矯摩空之綵翮龍驤東國寧弗苑之
 瓊葩選妙清華上皂囊而露奏司存獻納操白簡以
 霜飛拾禁闥之遺何慚長孺補袞職之闕並美仲山
 國是維其倚毗人倫定以品題久虛侍從轉懷日近
 之思頃就班聯爰發星言之駕某誼附班荆情深樾
 蔭馬頭執策悵莫慰於前驅道上謫驪懷祗殷於舞

謝

謝陞官薦舉

宋陸游

貧念代耕之祿懇乞奉祠恩開使過之門復令治郡
 方窮闔之待盡非公議而疇依慙極驛顏感深雪涕
 伏念某邇回薄命顛顛餘生肄業荒唐小學僅通於
 蒼雅屬辭卑弱奇文徒慕於莊騷髮種種以將童心
 搖搖而欲折食粥動逾於累月陳綈或至於隆冬不
 能引分以掛冠廉隅已喪更復貪榮於懷綬愧懼可
 知况此名城今爲近輔九霄嘉氣日未邇於長安千
 載遺祠星嘗從於帝座孰爲之地使有此行茲蓋伏
 啓雋類函卷六十八 三五

謝葛給事啓

宋人

杜門訟六十年之非久安散地起家忝二千石之重
 忽奉明恩驚囂垢之漸除扶衰殘而下拜伏念某學
 由病廢仕以罪歸冥心鵲驚之行投跡雞豚之社海
 三山之縹緲釣鼇已愧於初心楚七澤之蒼茫殫咒
 亦成於昨夢但欲負耒慕許行之學豈復叩角歌寧

戚之詩偶逢公朝使過之時躡昇近郡承流之寄所
蒙過矣自揆茫然天際鬱葱望九重之雲氣道周蔽
芾掃四世之棠陰得遂此行孰爲之地此蓋伏遇某
官道本文王之正學師孟氏之醇騰茂實而蜚英聲
久隆上春息邪說而距行設遂檀儒宗方與萬物而皆
春不忍一夫之獨泣某偶偕末契遂借餘光雖飯豆
羹藜不敢望功名於老大然書紳銘座尚思復玷缺
之艱難

謝臺諫啓

陸官

宋陸游

祈天請命冀循省於窮閭便道之官復馳驅於近甸

啓雋類函

卷六十八

三十六

始終僥倖俯仰兢慚伏念某鄙朴不材荒唐寡學生
逢盛際無尺寸之可稱久戍遠方賴斗升而自活昨
蒙臨遣已劇超途但虞薄祜之難勝寧復異恩之敢
望未溫坐席遽辱賜環初疑誤報於姓名俄乃真承
於詔命人才吏事何者粗堪自計旁觀居然不允敢
謂并包之廣大更令進退之從容此蓋伏遇某官山
立英資海涵偉量盡言劇論雖震聳於朝端用恕持
平每保全於士類遂容末路獲忝優除俯伏以思論
報何所而其昨緣奔走積困沈綿顧影獨悲豈又堪
於從宦服勤不怠尚少贖於空餐

謝侍從臺諫啓

除官

宋李廷忠

立右陛以記言難汗清貫行邊臺而將指更冒優恩
竊自揆量若爲膺荷伏念某慙愚自用黠淺寡聞三
十年孤於外官誰爲知己六百石出於上命敢不盡
言積仇怨而寢深蒙眷簡之特達置之四諫則堪噴
於沒直列在二史則有愧於遷良俯仰昧桔槔之相
隨進退懼蕪蕪之非據宜從遠屏猶得顯除濡湏水
之要津觀風有耀蓬萊山之秘府列職爲高凡此僥
踰知所歸嚮此蓋伏遇某官受天間氣與日爭光論
議法座之前洞明國是扈從屬車之後益聳民瞻挈

啓雋類函

卷六十八

三十七

善類以同升軫危蹤之獨去曲加獎飾復玷使令某
敢不持守益堅激昂匪懈方此整駒騏之駕少效微
勞幸嘗廁鸛鷺之行尚依餘庇有懷戴荷罔究輸陳

謝周給事啓

到任

宋周必大

代閩

秩二千石於南條方被自天之命付九十符於建業
誤頒易地之恩觸熱到官消辰視事言念庸虛之質
久叨獎擢之榮持橐甘泉鼠易窮於五枝擁麾炎海
馬幾敗於百鈞逮纒風木之悲甫畢苴麻之制驟司
官鑰深愧鸛梁茲蓋伏遇某官名冠兩科身兼數器
屢告辰猷之益峻躋夕拜之聯俯眷孤踪每推餘論

遂致詔除之寵薦分閫制之嚴坐撫軍民既竊蕭公之任兼容獄市願思齊相之風

謝臺諫答

宋李劉

別洛下之諸生久歸來於茅屋桐陰中之上佐偶及代於葵丘既滌穢以服勤蓋濡毫而貢謝伏念其地寒寡挾天巧素慙函養而耕鹵莽而耘已慙學落鼓譟以入鼓譟以出更愧名浮頃從文學堂故之聯蹤綴國子先生之後經筵之明未發謗篋之惡已盈鄉人不善者惡之成是貝錦相國之賜也大矣止於阨莫荏苒三年僥倖二郡彰之旁鶉之尾不惟非螭螭啓雋類函卷六十八

三十八

之宮丹之穴犀之類近又築鯨鯢之觀然以非材之典午固在協恭而同寅水火弗與百姓交寧須踐別風月不用一錢買何必平分伏遇某官道格君心識通治體進務閉邪而陳善退思激濁以揚清天豁露繁南嶽要聞於鳴鳳水清霜潔北臺自肅於棲鳥姑試治中且游方外某敢不修其可願勉爾當爲用且何傷正欲不聞於黜陟噤不得用又當且止於吟哦

謝單諫議啓

宋呂祖謙

深嚴諫省未嘗一通竿牘之勤焜燿奏函乃有再出門闌之幸薦膺瞻獎余切兢慙竊以遇合之難古今

所共不求而得者始號知已無實而當者亦爲欺人雅道浸隳公論益奪材無定品以造請之疎數爲賢愚士失常心以薦揚之多寡爲輕重舉賢或蔽於私昵冒寵罕聞於自量有開者英方回弊習圖雋良於公舉未得其真借光寵於寒蹤以明此意謂其適居遐遠之地偶無營禱之嫌表而出之庶有從者急於論俗固靡暇於詳求退以省躬亦不容於輕受既辱知於絕望之日輒告病於拜恩之辰如某者質本顛愚學而固滯酬酢未經於世故寧保端方呻吟不出於程文何名該洽乃知恬退尤出虛傳雖潛匿里閭啓雋類函卷六十八

三十九

乏臨政蒞官之考然參稽歲月率居憂待次之年凡賁飾於需章悉控陳於前牘舊慙園棘已傷鑒裁之明敢料規蒲重致品題之誤缺然自視稱此實難此蓋伏遇某官道峻儒宗望隆壽俊每推賢而揚善將正本以澄源入告謀猷首冠七人之列旁求髦彥衆先三日之瞻曾是辱庸乃叨甄拔某敢不服膺古訓嗣守家傳永思義命之常深警悔尤之發於今日褒揚之語不爲空言庶他年進拜之間少無媿色

謝鄭給事啓

宋王邁

鄉校論文不作華途之夢禁林薦士俄飛青剡之章

誰爲之地以使然殆若自天而下者感深言淺施重報輕伏念其讀書不多合世自寡青衫素髮消磨十載之光陰黃卷短檠感慨十年之治亂世道嗟甚人物眇然父生師教之身爲士者鮮知自愛德進言揚之舉在上者多及其私遂安分以固窮忍徇人而失已敢謂朝廷之法從猶念山澤之臞儒飾敝帚以千金韻啞鍾於六律謂生涯盃水假之廉介有守之名而習氣草茅加以直諒敢爲之譽不待借品題之一字又將期植立於異時道義合則靡待介紹之求力量大則實異他人之薦古之所謂知己詎不其然士

啓雋類函

卷六十八

三十

而苟有烈心皆思自奮茲蓋伏遇某官學到聖處氣涵天和在韋布之時而有志廟堂爲場屋之文而可刊金石自寧芳於巍第卽策足於周行司馬無求功名迫而後起敏中大耐官職卽之若無新天子學而後臣先皇帝留以遺我談經旃旻陳義格心載筆螭坳有文緯國陞華青瑣跬步黃扉豎起蒼梁自任天下之重高着眼力博觀人品之精遂使么微亦叨收錄其敢不益鞭庸鈍自勵操修若何報塞於恩私惟有堅持於名節此心歸向提輩安敢叛於師門不日登庸安世決無善於政府

謝給諫楊公啓

明馬朴

瑣闥廉能雅茂持衡之望袞書論最渥承推轂之恩吹送上天報稱何地恭惟某官人之水鏡學考斗山蚤蜚英譽于桂林高綴巍科于蘭省鳴琴赤縣批勅黃門社稷維其倚毗人倫定以品題謂宜參朮而後收豈意非對之見取其識慚窺管智愧挈瓶吏才臧千年荒奚有足國與足民之策公事凜于夕惕徒懷理官如理家之心罔裨天閑莫殫地利乃蒙化筆特刻薦章濫竽于明時卓異之中誤評以漢世循良之重一封奏處大生魚目之光千里傳來頓長馬蹄之

啓雋類函

卷六十八

世一

謝給事蕭公啓

薦舉

明馬朴

月計廉能黃闥茂持衡之望露章論最朱轡荷推轂之榮揚稊稂以送天大煩神力搶榆枋而控地總屬化機磨頂奚酬瀝心布謝恭惟某官人倫冠冕世道羽儀赤水珠光前後十二乘之朗照青雲鵬翼扶搖九萬里之雄圖畿輔掄材天下喜歐陽之正文體瑣闥司諫士夫賀仲淹之典封章騰茂上坡升華左省竭弼諧于夕拜皆稱天子之有諍臣寓補袞于辰猷

不必聖朝之無闕事詞頭封處幾增日月之光勅尾
批還不恤雷霆之犯實作敢言之氣匪博解事之名
迨衛命于巡青益研精于論白考成罔政牧芻允賴
于天開會計田工墾闢聿開于地利於稽吏治克重
官評東箭南金既拔茅而彙進寸瑕尺朽亦采非之
不遺如某器陋挈瓶才微拆線即動勤于勸課若枯
据于輸將亦祗平平有何磊磊不謂濫吹竽之內仍
叨居褒袞之前甘雨和風大是不虞之譽祥麟威鳳
尤非可擬之倫如此寵榮其奚稱塞况薦不識面先
生之古道特隆即報以漆身國士之殊恩罔極惟有
啓雋類函卷六十八 世

勉修職業斯爲少答契知天遠東臺無自樞趨于堦
城雲橫北斗雅懷陰庇于門墻感篆心長敷茶喙短
謝徐涵碧勘科啓 送書 明萬世德

瑣闥分光遐陬承命快觀激揚之典鼓敵愾於一時
煥承優渥之恩拜寵加于三錫竊從山澗奚取瓊瑤
恭惟某官直方光大溫厚和平莽蕩回春特借禁中
之頗牧儲胥增勝雅須閭外之夔龍乃澄清之令方
行而蕩平之績已奏鸞臺仙掖共瞻天上之威儀虎
節龍旌益壯軍前之氣槩乃輶軒之至止先實篚以
加遺千里風塵遂沾河潤一函書劄得仰山高竊念

某襪線微才韜鈴重寄經營草昧可裨桑土之謀
走戎行益愧蒲離之計雙星是負六轡爲客師中已
奉夫壯猷闔外更申乎嚴命紛紛蕩寇卽三穴以何
憑歷歷清戎總百方之安旆第感禮文之盛謬陳將
獻之微渥矣加篋真是高深於瀉獄睠焉采非但稱
標末於涓埃

謝吳掌科啓 招飲

明張沛

龍門屢宴深蒙投轄之情鼠飲難勝遂致接離之倒
終夕已成噩夢隔朝猶帶餘醺擬起府而展謝忱恐
煩典客姑叩門以通啓狀希恕醉人

啓雋類函卷六十八 三十三

回答

回龍興程給事啓

向給事以監藩司

宋周必大

升華論撰申命董宣已跬步於西清尚忼懽於南國
緒紳喜劇民吏歡騰恭惟某官昭代通儒周行先進
伏蒲視草凜然風烈之高持節擁麾藉甚威聲之著
雖再留於祭戰實妙簡於宸旒况甲午之題名有甫
陽之近事由貼職而候松門之對旋賜環而躋荷橐
之班遂以歲中參千端右旣前政規摹之具在則後
賢進用以何疑某苟未汰歸深期晤語茲敬酬於公
禮殊未究於私誠

啓雋類函

卷六十八

三五

答張給諫啓

陸太守賜候問

明田一僞

冀附英游實邀天幸達竊因麻而求直鵬終與鷃而
殊能不期袂分倏爾裘易恨蘭言之日遠覺蓬心之
愈滋無路瞻依有懷鬱結重辱大雅損惠遠音義薄
雲霄詞諧金石錫朋無以踰其重拾月不足揚其光
感也曷護服之罔數恭惟某官青瑣蜚聲金闕挺秀
屈汲子於東郡卧而治之試望之以平原自此升矣
報政在即內召非遙意難筆宣神隨書去

答姜給諫啓

賜書問

明蔡復一

鳳鳴軒固方賀景旭於梧桐鴻來楚江忽襲清風於

啓雋類函

卷六十八

三五

蘭芷佩而增愧得之若驚恭惟某官獨秀松篁先幾
著蔡學窮今古曾標幕阜之藏書憂結軍民每誦岳
樓之記語騷人之賦麗以則振彼希音屈子之志潔
而芳參諸中道名花已茂潘邑直草宜秀堯庭輿望
極殷帝俞可卜以奠後之發當塞極之通政事源流
輕車廿年之熟閱人才涇渭虛鏡十載之靜觀惟元
氣在躬超然燥濕之外知昌言扶國侃爾旒旌之前
渙小群而成丘歸皇極以無黨雲霧清廓日月昭回
允矣虞室之七人豈止宋朝之四諫顧威霜之芘藜藿
快靚諍臣何露澤之潤粉榆并霑守吏某宿懸斗極

近托星躔慕陶張之敷名才慙追驥瞻夔龍之獻納
寵訝遺魚願推辰告之猷遵爲申令之憲周行可示
奉大諫以無愆袞職惟修贊太平於有象

回朱掌科啓

詢賢

明

恭惟某官青蒲獻替白馬糾愆宅留都丹鳳特鳴
鄭公之三疏望仙臺黃龍頻覲繼忠宣之一人赫彼
銓衡計期伊邇維茲巡核攷日式遐白簡判玄黃變
管閱賢樞寵辱皂囊分涇渭一封清吏治瑕瑜諫議
得君言並行於宰相聰明周物詢猶及於芻蕘某離
水羈踪石城延睇仰觀日月何勞借焰于秋螢俯獻
啓雋類函

卷六十八

三十六

裁

附行取

賀張大尹行取臺諫啓

明朱錦

琴堂視篆澤垂五嶺之舊民宸座頒麻寵沐九重之
新命北天引領南國馳神恭惟某官才出鄧林德稱
和璧熙朝楨幹聖主珪璋寧百里之花封惠政蕩閭
閻之頌登九天之殿陞恩波承黼黻之光青瑣深嚴
聯紫薇之日月彤庭獻納凜白簡之風霜五位結知
三台在望某素餐知懼奉職無能一介冷官荷陽春
之覆育幾年微屬賴厦屋以幷幪侍台範承顏尚憶
談笑之近望車塵拜別徒懷瞻戀之勤顧小草喬松
啓雋類函

卷六十八

三七

就俯垂電矚

回行取潘慈谿啓

明許以忠

百里分符赤鳥煥朝飛之彩九重側席紫泥求夢
之賢慶溢華夷歡騰海國恭惟臺下鼎實弘猷斗華
碩望鵬飛晚水蚤揚冲漢之聲駿市燕山大騁空群

之足欲踐台垣司調燮先從巖邑試循良花滿河陽
喜潘安以再見詔頒宣室召賈誼而前趨寶馬香車
預展沙堤之步銓衡諫筆行調玉燭之元同朝交頌
得賢異域遙思瞻彩某承乏新來於角郡道經舊治
之并州觀清蔭於甘棠益徵遺愛竊餘輝於維梓頓
起遐思令儀當表式乎百城雅念詎過勞乎千里顧
欲披樂霧舉頭漸遠長安乃寵錫郇雲矚目光騰海
甸良感注存之惠彌深嚮往之私謹附謝函統祈鑒
候行取溫公啓

明許以忠

恭惟某官黎國宗髦崑岡瑩質燃犀朗照潛消妖異
啓雋類函卷六十八

三十八終

之魂觸事敢言驚落權豪之膽覽試長才于蓼邑遂
膺內召于楓宸寶馬香車細輟沙堤之步錦袍玉佩
輕搖御道之塵舉朝頌聖主之得賢臣天下皆拭目
而觀新政伏願作舟楫作鹽梅作霖雨無虛夢卜之
求將見書旂常書竹帛書萬彙永著弼諧之烈仰需
天眷俯慰人情某竊管儒生濫竽下吏都門雅集
承破格之恩靈府深銜未效投桃之報頃乘便羽附
候行臺及檢侑函物愧一片之菲薄瞻依台座神馳
九棘之森嚴伏冀海涵庶申塵瀝

啓雋近體卷六十九

類函八十一

東吳俞安期羨長彙編

上饒王嗣經曰常同輯

建武鄧漢遠遊訂定

中書部行人部同卷

賀中書初擢

賀婁中書即真啓

宋李廷忠

代言試可錫命為真綸閣下之文書孰踰老手屬車

間之法從遂正清班一佛現前群公賴服恭惟某官

國之喬木學者泰山以公輔器見推以先覺之道自

任孤風特立國人曰賢大夫曰賢直氣敢言君心以

啓雋類函卷六十九

正朝廷以正遠近一以正霜暑之威上騰於騎省中書職入

散騎省月聯之耀旁照於鳳池自足成一家之言

遂專裁五色之詔昭宣上意動盪群情使深山老瘡

扶杖以來觀至少年新進閣筆而興歎豈特追盤詰

之巨作又能讀丘索之遺書入侍光華併資潤色天

子恨見賢之晚儒流豔稽古之榮鼓元氣而雷域中

已識詞章之妙幹斗柄以春天下莫量事業之高某

投老無庸忍窮有待謂孺子可教矣豈先生欺予哉

方進陪翹橐之華尚垂憐替履之舊敢因顯拜少致

頌言王仲文有古風賸喜傳訃之速婁公容以威德

宣嫌賀厦之遲

賀顏中書啓

宋李廷忠

擢登鳳掖就直龍扉天寵便蕃兼內外綵綸之職地
分清切冠左右替橐之流本朝益尊在野同慶恭惟
某官閨山奇寶辟水倫魁從古人中求之爲天民先
覺者復踐錦窩之署旋升金掌之班俱以大手筆之
文章兼此小玉堂之詞命中書爲小玉堂豈特盡風雷鼓舞
之妙抑有資日月獻納之忠渙敷十行榮佩兩印藥
階苔砌驚逸思之湧泉霧閣雲牕承恩華而起草書
僮供簡札之不暇藝臣識模範之有歸服在禁聯允
啓雋類函卷六十九

穆僉論宜爲帝誥得常揚元白之全才佇秉國鈞奮
稷契夔龍之遠業某久縻廩粟行解戍瓜雖諸生未
免於私嘲而要人每爲之延譽冗階可脫華闕有歸
逃聞清除頓使懦立念奏記之不敏顧嚮風而敢忘
窺鳳凰五色之文屬慶已久慰燕雀半生之願賀厦
采勤

賀俞中書啓

宋李廷忠

對揚皇指入代帝言共推海內之一人足當朝廷之
大典聞公特拜起我懦衷恭惟某官擢藻之思蛟翔
而虎躍出塵之姿鵠峙以鸞停輔散片言鼓舞群動

上心妙簡自知王某宜爲同寮驚嗟亦曰嶠所不及
三階在望一蹴可登某朝籍有拘宿筵莫旅敢因磨
瘁之舊敬致竿牘之私情之所欣言莫能既

賀除中書舍人啓

宋李廷忠

簡自中宸擢居右掖大哉燕許之筆發揮聖謨雅有
元白之風鼓舞群動朝言胥允禁戶增光恭惟某官
德粹而行方材宏而識茂自唐虞以來之編簡歷歷
蟠胸視漢魏而降之文章軒軒獨步涵蓄既富瞻知
亦深快搏風九萬里之程冠登瀛十八人之選將梯
階於政路資潤色於詞垣氣得中和何止動武夫之
啓雋類函卷六十九

賀施中書啓

宋陸游

伏審達壺清闕早冠群仙之遊詞掖高華旋觀一佛
之出得人之感吾道有光恭惟某官秉德醇明宅心
夷粹高文大冊非復騷人墨客感寓之詞崇論宏言
盡得宗廟朝廷嚴重之體久矣絕世而獨立固難袖
手而旁觀況今聖政之新方建太平之業推明天子
惻怛愛民之指開慰海內奔走嚮化之心德意遠

四夷號令婉乎三代清議所屬匪公而誰且甘泉均號於從臣而西省獨稱於政本國僑潤色雖駢取儒學之長山甫將明必深通天下之務正官名者蓋已百祀稱職業者凡有幾人憂予其難理若有待動心駭目自茲觀大手筆之傳削瀟瀟毫又當慶真學士之拜

賀中書舍人啓

宋周必大代鹽

疏恩禁幄正位綸闈參法從於甘泉豈特妙儒臣之選敷聖謨於寰海又將爲王康之華喜動群工光生四戶恭惟某官詞鋒峻拔學殖崇深冠時旄於談笑啓雋類函卷六十九

之間躋榮路於休明之際自秉螭坳之筆卽裁鸞閣之文紅藥翻堦昔既勞於久假紫微伴值茲果慶於爲真畫三接以方來歲九遷而未艾某外將使指述功美堦雖莫遂於趨陪顧敢稽於贊喜其爲欣懌難盡名言

賀中書舍人啓

宋周必大代鹽

光膺書贊就正詞垣紅藥蒼蒼重詠鳳池之鳴珮青春紫綬共觀淮海之俊人除目遠傳輿情胥悅恭惟某官資卓越器範粹清自擢冠於大廷卽躋登於要路螭坳有記注螭坳凜然廊廟之姿藉其簪紳

之譽五花判事旣久兼寓直之榮六押分員宜寵錫真除之命恩章特異眷簡彌隆綢繆典謨方且上規於姚姒推明德意豈惟近比於常揚諒無歲月之淹亟貳機衡之峻某猥參漕輓實賴庇庥遂聞成煥之頒阻綴賀賓之列其爲欣懌莫究敷陳

代賀葉秘書啓

宋方岳

伏審對敷芝璽論選蓬山楊雄之校秘書恍疑昨夢蘇軾之司著作甚稱上心責然來思升自此矣恭惟某官胸吞雲澤手攬斗魁束三傳而抱遺經合是獲麟之筆不十年而起徒步遄歸浴鳳之池人皆曰然啓雋類函卷六十九

恨見之晚某舊親談塵慨想顧犀文不在茲旣爲吾道之賀君子至止亦寫我心之思

賀黃舍人啓

宋周必大代鹽

親承盾獎入綴從班輟領袖於麟臺振羽儀於螭陛維時在列共慶得人恭惟某官射策宸廷高出群公之右飄飄榮路久遊三館之間旋從封駁之司峻陟師儒之長秋禮絕羣比鄰之好益堅率屬登瀛東壁之星愈煥鸞翔滋久名實具孚爰參黃閣之班進珥赤墀之筆賢人之德賢人之業旣詳試於朝端王言如絲王言如綸卽序陞於詞禁云

賀中書蘇舍人啓

宋陳同父秦觀

光膺中詔進直西垣伏惟慶慰恭以某官當世大儒斯民先覺論議爲四海之輕重出處繫一時之安危蕭夫子之文章靈夷亦慕張使君之威望草木猶知始從記注之嚴爰掌絲綸之重姦邪聞命投七竒以自驚忠義承風引壺觴而相慶某猥緣幸會謬接光儀昔者先生嘗蒙論次茲焉伯氏又獲追攀竊聞進拜之崇倍切欣愉之至

賀除中書舍人啓

宋李劉

裁縫雲霧便眞學士之除鼓舞風雷大展舍人之樣啓雋類函卷六十九

六

紫微炳煥黃道開明恭惟某官清姿秀骨下獨鶴於雲間厚德長材載六鼇於海上心醉六經之醲郁體兼三史之深醞宮室周章宸儀鄭重惟天子之儀範曰制以聖人之情見乎詞扶山東之癯戀漢恩而忍死回河朔之悍存唐祚於幾亡一札可服於隗囂尺書足招於晉普不但取九制一揮之敘亦非專駢四儷六之工俾萬姓咸曰大哉則一字不容易也衣冠盛事夙遵八葉之科翰墨大勛詎止五花之判旣敷華而緯國行迪哲以爽邦文章於道未爲尊風斯在下矣富貴乃吾所自有時來則爲之某頃侍同朝且

依鄉壁韓非老子又當同傳公叔大夫詎望同升聞恥納溝亦當推轂上界足宮府斷不希鷄犬之仙散人拜江湖願徑入魚蝦之侶

賀少卿除中書啓

宋李劉

優詔上卿正班內史比門視草謂當進學士之班西掖拜眞聊復示舍人之樣斯文增氣有識傾心恭惟某官蓄學醇明挾材鉅麗浸沈醲郁蓋下逮於莊騷雅健雄深無足多之崔蔡盡兼兩制已四三年號令鼓舞風雷亦云多矣獻納司存雨露莫若專之濃薰班馬之香高振綺園之翼有倖用儒之效會當東國啓雋類函卷六十九

七

之鈞其假守角見阻陪燕雀碧梧幕府幸稍安雪外之城紅藥主人倘或念天涯之客

賀除中書舍人啓

宋李劉代董制置

中宸渙號內史升賢三神在海上之山久勤攝領一佛出人間之世遂見眞除綸綍甫光紳綬胥慶恭惟某官材猷膚碩學術醇深探周情孔思之微淵源千載發宋艷班香之秘膾炙四方親結龍宸之知事新鳳閣之樣辭達而已矣要必見聖人之情才難不其然蓋欲極天下之選得君爲重緯國以文好對紫微草尺書而招晉普却登黃閣提一筆以福蒼生其

聽除音阻陪賀履千門柳色誰憐芻狗之陳人萬里
草堂遙想槐龍之新影

賀鄒中書啓

宋黃中

申頌鳳詔趣占鰲頭西掖掄材榮哉一佛之出世東
朝輔德賢於四人之從遊虛負以須近比所罕竊惟
中書造命之地與夫元良論道之官必深厚訓辭足
以助風雷之鼓舞端方行誼足以正朝廷之起居非
簡厥修曷兼茲選今得當世揮翰之妙手曾是曩時
執經之舊人肆疏疊組之榮大慙藉紳之論恭惟某
官名推寡二識造函三標履無瑕如大玉夷王之粹
啓雋類函卷六十九

文章有體若黃鍾應鍾之和識者嘆其有前輩之風
望而知其爲遠到之器蚤遊蓬館偏歷筭班不於郡
枉以少卑乃向急流而勇退竹符欽惠聊爲八境之
遊英蕩觀風旋佩六條之寄稽其所至昭哉可書公
心雖無中外之殊輿議則有淹翔之恨屬庶政更張
之日正群髦列布之時匪伊璇魁尚淹玉節綠綈方
底四輩載馳紫微青宮一朝並命上聖虛心於當寧
詳公企足於脩門將大任斯在此行矣某頃以客見
頗蒙心期嘉其街袖之文真知音者報以褒袞之寵
若敵已然觀古人待士之勤蓋今日如公者少與

師門之遠可堪客路之艱舉世悠悠若爲道合壯懷
炯炯端向誰開歟聆命召以來歸殆且喜深而欲舞
敢馳赤牘試問大鈞進遽伯玉而退子瑕已聆盛事
舍皇甫湜而取居易敢有妄心但後南衡之正朝願
留東閣以觀士倦倦有禱縷縷美殫

賀聶舍人啓

宋真德秀

恭審龍墀疏渥螭陛陞華記乘輿言動之微有嚴載
筆察臺省事機之要兼賴舉綱成命一頒歡聲四浹
伏惟某官崑鳳上瑞注驥名流學標古今百里之傳
智料天地萬物之變粵登宰旅久贊王明善化翕然
啓雋類函卷六十九

更張威令爲之振肅果被凝旒之眷晉膺汗簡之司
君舉必書風采采增於柱下朕志先定姓名已覆於
甌中某聳聽除音幾欲舞手屬阻將輸之寄莫與覓
趨敬修固陋之辭用伸燕賀

賀吳中翰啓

宋楊萬里

楓宸渙號玉書聳四海之瞻微省并華奎畫動九重
之賁螭坊出色鷄樹蜚聲恭惟某官手握王綸口含
天語漢廷視草宣鳳藻以騰文唐室制麻潤龍鱗而
動色紫荷望處光搖萬笋之班紅藥翻時香入五花
之判繪天模地超司馬蘭檢浮馨鏤玉雕金軼令狐

芝函發采訓言溫厚崔元翰有典誥遺風詞旨豐腴
許景先得中和雅意進躋左城密侍前旒某智乏挈
瓶藝羞刻篆一行作吏改面孔以向人五斗折腰集
頭塵于懷刺幾欲棄汝南之諾何能脫冀北之群仰
精鴻慈遙將燕賀所願攜羊鼈禁紅雲案近玉皇染
翰虎門白日簾移金管

賀張府判陞秘閣啓

宋李廷忠

望蓬萊五雲之氣來作端寮謀彭澤三徑之資願爲
下走拜履絢而弗遠奏函牘以宜先恭惟某官王閔
崢嶸人流瓌璋以世勲之後不充詘於富貴於吏政
啓雋類函卷六十九

之暇能茹涵於古今帝曰賢哉國之福也啓脩程於
千里之坂寓邃直於群仙之廬七葉在漢而珥貂還
想凌煙之像四年爲齊之別駕謫聞清水之名克紹
故家允歸名胄眷是股肱之郡全資羽翼之英今守
昔賢既平分於風月南樓北檻還盡有於江山聞中
書堂已登其姓名豈外司馬可淹於步武竚聆吉語
進襲真封某鈍不可磨弱惟自植藻宮獨冷初無根
柢之容忝谷成暄誤得吹噓之力脫之七選試以一
同雖閭閻細故之粗諳而綱紀久頽而難振惟不以
小文而見責尚庶幾末技之可施幸遇清明之天能

爲孤拙之地敢因始事自取隆知上而邦國之不空
已誼歌詠下則田疇之甚辟當竭撫摩厥志惟勤有
言莫旣

啓雋類函卷六十九

士

上中書

上裴舍人啓

唐溫庭筠

某自東道無依南風不競如擠井谷若泛滄溟莫知
校足之方不識棲身之所孫高百口繫以存亡王尊
一身困於賢佞伏念濟絕氣者命為神藥起僵屍者
號曰良醫自頃常奉緒言每行中慮猥將瑣質貯在
弘矜今則阮路興悲商歌結恨牛衣哭馬柱晨吟
一笈徘徊九門深阻敢持幽款上訴隆私伏以某官
法上聖之規行古人之道俯敦中外不陋幽沈述在
層霄足有排虛之計身居大牖寧無拯溺之方伏在
啓雋類函卷六十九

庭除希聞聲歎

上蕭舍人啓

唐羅隱

某聞孫登之獎稽康醜茂之逢叔向蓋亦仙凡自隔
豈惟流品相懸雖三秀靈華終難苟得而一言輝發
因此相期曷嘗不仰企前修追懷逸躅豈期陋質偶
竊貞規某器等斗筭居惟嶺嶠徒然折簡非孔門之
詞率爾中科忝劉繇之第頃因同籍遂及論交竊示
衷言奉揚嚴旨張司空汲引先及陸機楊丞相銓衡
竟遺劉炫實亦義同得祿榮甚登門伏以某官川瀆
降靈星辰効祉所冀陶鈞之日不忘簪屨之餘報不

先期竊比齊門座客情非自外欲為顧氏家丞徒自
捐軀安能報德

上杜舍人啓

唐李商隱

某聞物乘其勢則筆記盡塗才戾於時則荷戈入棘
必由賢達之門乃是坦夷之逕是以陸機行止惟繫
張華孔闔文章先授謝朓遂得名高洛下價重江南
惟彼歸夷同於拾芥某弱齡有志患歲多虞模孝綽
之辭方成賤奏竊仰任之論始解言談猶恨日用殊
多天機素少揆牛渚於巨浸持蟻垤於維嵩曾是自
強雅非知量李郢秀奉揚仁旨竊味昌言豈知沈約

啓雋類函卷六十九

十三

扇中猶題拙句孫賓車上欲引凡姿進不自期榮非
始望今者末塗招悵羈宦蕭條陋容須託於媒揚沉
涸宜蠲於醫緩亦嘗懷鉛信史鼓篋遺文頗知甄藻
之規粗達顯微之趣儻使閣中撰述試傳名臣樓上
妍媸暫陪諸諫微迴木鐸便是雲梯散露誠情輒干
牆仞

上吳中書啓

明黃汝亨

披雲漢之天章鳳見舍人之樣勒山林之俗駕來瞻
學士之真極知大匠之門難飾小夫之牘領無藉手
輒用引吭恭惟某官學冠儒縵道航聖牘周情孔思
心傳先聖之不傳宋艷班香文到古人之未到鑿混
沌之手煉成五色石以補天奪造化之機飛上廣寒
宮而修月襟度悠悠不俗文章字字有香頃受華綸
浮膺清秩玉堂草罷又吟紅藥之翻金匱細餘還作
紫微之伴彼智效一官而不足此身兼數器而有餘
人望一條之水其容已肅公傍九霄之月所樂不存
啓雋類函卷六十九

念玉川之句

通

通留舍人啓

宋王邁

挾策兔園早誦詞場之製橫經麟序晚依相閣之華
半生企峻於雲霄不日挹清於水玉語心自質和質
爲容敬惟某官以尊主庇民爲已任以通今博古爲
儒宗文人才士各有偏長鮮兼十體之美大科異等
已爲難事況出三台之門方在青春徧儀華貫鑒坡
揮翰非他學士之可言螭陛濡毫有古良史之遺直
片語不合勇去莫留行吟康樂之池塘選勝鬱孤之
臺謝大節固足起庸夫之懦高名亦能來群兒之謔
啓雋類函卷六十九

壯歲風雲如豪鷹俊鶻之直上中年泉石與曉猿夜
鷓以相從逃名而名自歸避世而世莫拾切窺大賢
之出處以卜世道之汙隆深刻堅珉揭諸葛出師之
一表短章大韻有杜陵戀闕之丹心今日幸公道之
漸開諸賢多卽家而起用伏念某樣不入時癖惟嗜
古學類醢雞之在甕仕如鮎魚之上竿帝城風月之
無邊方思贊畫宦海波濤之叵測噴有煩言不能追
誓墓之風聊復草問鈞之賦竭來倚席寒甚無種所
幸鴻儒之可師一洗鯁生之陋習聆函丈前之教誨
以淑諸生備夾袋內之姓名敢期他日

謝中書

謝崔舍人啓

唐羅隱

某鏤水伎短緣木計疎去年舍人俯念窮迷猥垂慰薦竟以梁危易折氣俗難賢負塵尾之高譚困龍津之駭浪雖懷感激長抱憂慙今月八日見某官伏知德水廻波重霑涸鮒靈丹減粒已救傷蛇當谷驚刷羽之秋是海鷺窺梁之日豈謂舍人未容祈禱遽賜保明樹立孤株栽培弱蔓跪聽而淚霑胸臆仰承而背負丘山而况俗漸輕訛時交勢利或朝遊夕處或貴族華宗至於取事之時與能之際猶須必成桃李啓雋類函卷六十九

十六

方許扶持若某者跡未及蕭階陳榻之嚴目未觀巢閣栖梧之瑞門寒於光逸命薄於黔婁縱饒委曲所私其柰纖毫無取必舍人知其殺青廢業二紀于茲垂白倚門一生願望乃施陰德以慰歸心言念徘徊不知所處

謝陳中書啓

宋鄭厚

厚

璽書勉勵二千石晉錫有三彩筆鋪張五色雲巽申至拜揭帝制之明白取溝木而青黃雖喜而驚以榮爲懼竊以漢號幾於三代唐文追乎六經觀兩都四百餘年循吏之名參四善二十七最治功之課乃知

史氏之實錄皆紀王言之三俞擅翰墨似相如掌絲綸如居易皆極一時之妙選遂成千古之美談昭回雲漢之章華麗春秋之袞一介蒙此終身榮之有若皓紛曷堪繪飾某壯而不武老矣何能無經術可稱况敢比岳牧詞人之用以栗芻爲急烏能逃簿書俗吏之譏職思其憂功非所計愧一錢太守之水潔絡監昌叨少百日制詰之風流錦窠有忝詔季布仍歸於東郡以寇恂姑借於潁川猶玷煥章閣之屢遷重煩舍人樣之二妙相逢出世一佛如有私我二天昔劉莘老入自儀曹有南豐之草詰及許春卿進陞計啓雋類函卷六十九

十七

職乃岐公之命詞顧某何人辱公鉅筆欲還本來面目嘉與着意形容雖曰素知亦幾過予茲者伏遇某官學有根柢言皆典刑抑抑威儀叶贊秩宗之掌禮傳傳德義又培翼子之貽謀帝特嘉清潤穆肅之詞章人共偉獻納論思之事業編摩信史是非定矣品量人物榮辱繫焉某慚非龔召之蕃宣莫稱常楊之黼黻只虞齒宿未必意新如糴足湟中擇此詔增漕臣之重若賦歸林下携斯文爲野老之誇

謝程中書啓

宋劉克莊

克莊

濫長鳩工適當鴻筆寓河洛圖書之直臬事有光揆

卿雲黼黻之文綸言甚寵曾謂至愚之質併加濫美之褒歷觀西掖之雄辭無出東坡之巨筆玄鉞一語風雷四方凡五采之彰施蓋漢口之傳誦侯利建由江左憲臣而進擢范子奇以將作大匠而召還非兩制如金石之不刊則二人與草木而俱腐厥今漢詔復出蜀珍如某者又息影而深藏忽強顏而浪出孔殽負二宜去奚待人言稽康有七不堪懼嬰世患至若躡升華序驟昇隆名身縻壯駕駒轡之間敕今鳳閣鸞臺而下念其江湖流落之久飾以雲漢昭回之光昔靈均自言有衆女之余嫉虞翻遺恨無一人之

啓雋類函

卷六十九

六

已知詎意孤生親逢殊獎良由筆端之予奪當不待身後而議論公驅馳頓覺於光華舞蹈不知其嗚咽茲蓋伏遇某官國之龜玉學者斗山文辭獨行於朝廷言議可著之廊廟威德大業爲歌頌其誰宜瞻馥殘膏被沾丐者多矣緣締初下皓首尤榮然某親年愈高宦情亦薄上書而乞骸骨庶幾得竭力於旨甘函詔以示子孫焉敢委大惠於草莽

謝洪中書啓

舉自

宋劉克莊

訪梅東閣嘗陪度幙之遊起草西垣忽有虞廷之遜惟公此舉非僕所堪竊以斯文之衰至於今日而極

規規制朴類慙作者之風寂寂微花未識舍人之樣方天子屬絲綸於閣下而國人觀衮斧於筆端豈無宜爲詰之才猥舉不能言之士伏念某少狂自喜晚悔莫追謗訾之言盈廷權貴之嗔如屋雪霜質質於麥茂以何傷風雨淒淒獨鷄鳴而不已偶際清明之始稍留剝落之餘頃隨出塞之旌旗獲侍平山之樽俎慕顏淵之附驥寧不思齊歎老子之猶龍居然難企而况有累年之離索無一字之干摩王楊在位貢禹彈冠雖賴故人之引類裨謀爲命子產潤色詎容拙者之措辭謂嘗摘艷以薰香欲使運斤而代斲任

啓雋類函

卷六十九

九

章初上傳說皆驚太白眼高固以掃空於海內浩然肩聳若爲携入於禁中徒感感心恐孤精鑒茲蓋伏遇某官金聲而玉振地負而海涵扶綱常於寶慶之奏篇判忠佞於端平之諫紙修名煇節惟斗南之一人傑作雄文亦江東之獨步尚引扶於後進力吹送於明時而其學既荒蕪材尤衰落惟勉平生之大節妄希執事之餘風非復少年啓夕秀於未振庶幾它日知寒松之後凋

謝內翰啓

宋人

來自遠方驟參要局知其愛閑而多病故爲前俗吏

之塵勇於倬屈而哀窮故使汗清流之末緊禁近吹
噓之過蒙廟堂選拔之優俯仰以思媿懼交至伏念
某歲月供簿領之勞衣食奪山林之志窮雖已甚狂
不自懲性本懦辱輒妄希於骨髓仕由資蔭乃深惡
於膏粱坐此湮阨而莫收未忍依違而少貶比遊輦
轂久困氛埃望見車騎之雍容傳誦文章之閎麗不
勝慕嚮求備使令門牆纔許其一登聲價已增於十
倍夫富貴外物惟事賢可謂至榮父子雖親然相知
猶或不盡曾是疎遠至孤之迹又無瓌奇可喜之能
不自省其何緣乃遽叨於斯遇非常之幸從古罕聞
啓雋類函卷六十九

三

此蓋伏遇某官行著四方之防範文專一代之統盟
勤於教人務傳聖師之道廣於求士用報睿主之知
豈謂孤生亦蒙至意稱於天下曰知已誰復間然雖
使古人而復生未易當此惟誓堅於名節庶不辱於
恩私

謝余中書啓

舉自

宋劉克莊

塞垣草檄嘗論管鮑之交禁掖演綸忽有夔龍之選
本朝之大詔令聿新當世之觀瞻天子用老舍人一
洗斯文之卑陋所謂當仁而不讓夫何有大而能謙
擬非其倫或得以議某粵從少日辱在下風邊地苦

寒共被聽燕城之柝江風甚惡聯鞍登爪步之舟頗
欣鵬鷗之偶同俄歎龍猪之相遠况記室久疎於
札乃公車忽上其姓名豈嘗就梓匠之規欲使代玉
人之琢行人子羽東里子產仰辭令之獨工翰林主
人子墨客卿必才名之相埒乃若蹇蹄非汗血之駿
宿瘤異捧心之妍茲蓋伏遇某官文根義理學泝本
源謀國事瞭若龜愛人才過於珠璧謂拔茅而進
適君子之道亨儻伐木不歌恐友朋之義缺因同袍
之一念借華衮之片言而某舊聞既荒新意絕少立
馬揮制難希作者之餘風附驥顯名徒有平生之壯
啓雋類函卷六十九

三

志

謝中書洪舍人啓

陸全

宋周必大

代

一麾出守方便道以之官十國爲運復茂恩而易鎮
惟金陵之興壤實江表之名藩人物浩繁蓋南北要
衝之地江山佳麗號古今形勢之區孰謂孤蹤可司
留鑰此蓋伏遇某官家傳勁節名冠殊科演詰西垣
全天地中和之氣宣猷右府助聖神道德之威爰於
獻納之餘借以揄揚之助肆容異寵渥及非才殿天
子之邦既仰塵於任使在諸侯之選願追繼於循良

回答中書

答彭舍人啓

進士中書可采用亦是一體

宋蘇軾

伏審顯膺宸命進直掖垣除目播騰輿情欣屬切以
憲臺省闈無預於文詞儒館學宮不關於政理惟此
六押之任要須二者之長非該通經術則不足以代
王言非曉達吏方則不足以分省事是爲文士之極
任豈止時人之美談果有真才來膺妙選伏惟某官
道師古始識造精微學窮游夏之淵源文列馬班之
伯仲自期甚厚所得實多粵從言動之司亟掌絲綸
之美璠璣美質豈獨一時宗廟之華杞梓異材固爲
啓雋類函卷六十九 三十二

答喬舍人啓

宋蘇軾

人才以智術爲後而以識度爲先文章以華采爲末
而以體用爲本國之將興也貴其本而賤其末道之
將廢也取其後而棄其先用舍之間安危攸寄伏惟
某官名重儒林才爲國器深厚爾雅非近世之時文
直諒多聞蓋古人之益友代言未幾華國若稱豈惟
臺省之光抑亦邦家之慶過蒙疏示深服撫謙顧慙
衰病之餘莫究欣承之意

答慈谿張中翰啓

明許以忠

職掌絲綸六合仰代天之績留心桑梓一函施守土
之榮報欲倩夫雀銜懷益殷於蟻慕恭惟某官海上
仙槎斗邊神劔平子稱六經鼓吹偉矣家傳九齡爲
一代詞宗褒然世美蚤登華選出輔明興從學士以
聯班爲舍人而展樣鳳池添翰波流御墨之香齏禁
摘詞句奪奎躔之秀德音盡播恩眷常隆紫薇對日
以翻堦清賞方遊中秘護草頌霜而墜地悲號遂切
北堂暫投讀禮之間佇憇調元之化自揣俗員謬分
仙郡易稱負乘竊名器於非宜詩刺在梁愧朝裳於
啓雋類函卷六十九 三十三

弗稱憑式曲江之故里欲分東壁之餘光未獲投忱
乃承嘉惠翰來心感褒褒寧一字之榮書去神隨章
報乏七襄之美薄言附謝厚冀鑒存

行人部

賀行人初授

賀王行人啓

明喻世卿代

四乘首馳六轡獨攬今日擁旌旄纔識劉郎之面他
年建使節久問終生之名萬里前程始自足下一介
行李告於寡君恭惟某官學純以粹氣大而剛皇華
諮周之詩少勤諷詠當道澄清之志蚤見施行自登
名于龍虎輒騁軟干驂騑蓋惟辭於辭而習於禮豈
至朝受命而夕飲水布漢使絕域之威國有人矣上
虞廷來王之戒帝其俞哉四境來風謠無如潘孟陽

啓雋類函卷六十九

二十四

酣綠蟻于山寺九門思諫諍有若范文正進烏草于
後宮使星芒動人間已兆福臨漢月光垂塞外應知
春到玉節金函夙著光華之重望銀臺繡斧聳觀彈
壓之殊勛某碌碌因人競競守已操刀試割愧俗吏
之約結無奇負弩先驅仰大使之指麾素定慶同榜
之得人爲朝廷而增重永言頌賀罔既私

上行人

上行人譚公啓

考滿

明徐榛

雅望久欽夙注樞趨之想台光伊邇用懷依毗之悰
敬介郵儀薄言展賀恭惟某官仙標上品玉筍名流
三峽詞源筆底波迴粵海千尋壁立胸中氣壓羅浮
歲蕤紅杏之英煨燿皇華之選寶刀吐鏢身隨王事
馳驅銅馬飛靈口代天言出入香生栗里寵結楓宸
某技謝蟲雕職同畜負三年側牧幸逃訶譴之加一
日考成實藉梓桑之庇敢憑介使僭達微忱贊欲無
能佩銜何既

啓雋類函卷六十九

二十五

通彭大行紫岳啓

明方從相代陳

麗象開圖奕奕使星分明宏才通籍駢駢壯駕揚輝
萬里遙瞻五雲高庇恭惟某官震中閭氣嶺表卓英
四千仞羅浮未足方其峻拔九萬程霄漢庶可稱其
飛搏器稱清廟之珍虞敦殷璉道當名世之運麟瑞
鳳祥朝聘會同周禮大行所掌咨詢詠度王人采察
攸先爰自聯捷詞宗膺此皇華妙選觀書署裏絢篇
侈金石之藏作賦輅中彩筆獲江山之助綜博何殊
季札古樂能評修飾未羨孫揮國命纔給手持黃紙
灑雨露於華夷口對彤墀狀凋傷於採樵何但署郎

領袖實占臺省風裁其恭佐虎符久露鸞嶠幸接高
賢之里長歌大國之風比及三年祗規規而守拙儉
於百里且碌碌以無奇荷寵已多沾榮非淺披雲有
待就日方殷想博望之泛槎河源可邇同李邵之候
館益部先知謹勒奏記以自通深懼握片而為獻伏
祈台度俯賜淵涵

啓雋類函卷六十九

二十六

候行人

候林行人啓

明王燁

使華光啓載聯堂陞之交簡命方新爰肅宮寮之望
清議久而後定精鏐煉且益堅衛士歡呼儒紳吐氣
恭惟某官攀躋日月噴薄風雲靈霏微微占天上清
都之籍奇奇怪怪讀人間未見之書文芒與北斗爭
寒花飛片楮襟度與西山競秀挺雙眉聲華擅閩
會之奇掃青天而爛明月吏治逗瀟湘之浦驅酷暑
而歌來陰為龍為光驂翔萬仞漸磐漸陸出入兩都
啓侶山公喚拔極一時碩士功存軍實謳謠滿六郡
啓雋類函卷六十九

良家雖直道偶違於時乃真明旋復其故故淮上之
箋暮下而皇華之使且臨劍遇盤根識剗兇斷蛟之
鏐馬逢險道知過都歷塊之能行將蠹勉新功益隆
舊問帝恩稠疊斯上士之階資亦大臣之津筏也某
衡門賤士幸入筠籠下里巴人時懷藻鑑桃李無言
徒有樞衣之念芷蘋未荐難伸結襪之忱勝一日而
九迴心寸絲而百結恭効先驅之義聊徵勤駕之儀
况夫斗柄初昏辛盤可獻伏覲泰階符運同陽象以
俱開玉燭功名若蟄龍之爭奮

候桂大行啓

商象詔
入閩

明施德政

曉儀冠劍瞻霄漢之五雲氣爽旆旛驛郊原之六轡
命申重巽名震全坤恭惟某官枝吐却林香標月窟
一鳴驚衆摘髭俯拾魏科近侍升班策足遂騰要路
抒才猷于螭陛佇飛簡上之花樹丰采三驚車不際
雲龍之會顧周盛世曰大行人王字燦於日中禮以
慈告堯言布於天下治以孝成母儀蝕清漢之輝天
澤脫赭衣之憲皇瞻使入風動子來某忝竊理戎多
慚負乘瞻履綯以嚮往實惕淵冰申片藻爲起居適
羈海島統祈丙亮不旣寅誠

啓雋類函卷六十九

主人

回答行人

答白大行啓

明蔡復一

皇辛四牡方傳休汝之遊錦字雙魚江之意
何當散梓良憶采蘭恭惟某官情岳抗雲言泉激雪
九歌日月欲追正則之潔芳一記君民不忘希文之
憂樂少年已任魁輔宜加陞以承君天子特遣使臣
爰輶軒而問俗仰宣恩露俯覽物風名山大川旣收
羅五色之筆人情政術亦裁訂一部之書進待前席
之詢允光玄袞藏爲扣關之草預蓄丹葵豈特誇還
越之繡衣寵檄巴之弩矢哉鷄林馳價行高長慶詩
啓雋類函卷六十九

二十九

摘使臣雋語

抗旃修聘以遐征騎屋驟觀而太息 王人下視于
諸侯有嚴天節郎官上應於列宿肯歷土山 田里
愁恨歎息久已周知貨財本末源流尤皆宿講 頃
進摠甚稱之語蓋在咨詢周爰之初 四牡有功八
鑒入觀 周原六轡遣以禮負媿皇華衛公八秩相

于朝請賦綠竹 玉人不微風序諸侯之上臣卿雖
少有光八使之間 乘八月之槎旣瞻隨于斗柄回
三星之部仍典領于參旗 父教之忠敬事每後其
食君使以禮聞言豈宿于家 但懷璧非匹夫之宜
受金實使者所忌終軍建節幸畢事于出關陸賈歸
裝敢効尤于入粵 恩優賓旅義重王人迎勞及郊
設饗遂具顧臨就館授粢兼加 廉慕布囊侈譏紗
帳

附行人約講律令

約行人司講讀律令啓

明唐文燦

凡諸司分辦官書常無少暇惟本署專供使職頗有
餘閑况當公座之期適在盍簪之會尤宜乘閑以講
習未可燕僻而嬉遊竊念老生叨聯僚友擬倫雖慚
於連璧托契實望夫斷金仰誦聖謨知法令爲治已
治人之要俯求精義覺聰明須多聞多見之資幸類
聚而群居謹協盟以定約每日歸私室讀律各限幾
條至期集公堂隨身俱携一冊交相質正疑無弗辦
而辨無弗明合併折衷知必以告而告必以實術業
專攻乎此言談罕及其他倘興趣之相關或詩歌之
互答暫惟游藝慎勿妨功務使學因仕而益優庶幾
授以政而皆達諸公登要路旣能接武乎臯夔小子
附末塵猶足追蹤乎王貢固所願也尚其圖之

啓雋近體卷七十

類函八十三

東吳俞安期羨長齋編

上饒王嗣經曰常宮

諸卿部

太常

元祿

建武鄧羨遠遊訂定

太常

賀太常卿初任

賀商太常卿啓

宋李廷忠

玉書煥寵金掌升班冠柱後之惠文已見朝廷之肅
司野外之綿絕益知皇帝之尊恭惟某官總六學之
要以爲儒秉二代之直而佐主乞麾勇去志則甚高
啓雋類函卷七十

與節復留睽焉獨厚知公素薄於榮利舍公孰強於
本根肆圖三禮之清爰進九卿之上刺經作制聚訟
定儀介珪承雨露之恩華旂增日月之耀一遷即禁
從固知宗伯之班高四輔惟正人行見冢司之命下
某夙有榮遇喜聞清除敢緘小夫之詞用信大厦之
賀鄭太常卿啓

宋王邁

伏寧鴻發宸廷晉陞秩典帝曰茲惟師匠入紬金匱
之書時則有若儒宗無負玉墀之對斯文有慶輿論
交歡忝惟某官文沛江河忠貫金石大馮君小馮君
而維兄弟並居宗社之林南鄭相比鄭相而譜世家

豈侍衣冠之盛老聃衍經中五千字小范蘊胸內百
萬兵親結聖君諗躋宗伯文章宿老寧久法定禮樂
清卿有華儒凡蓋所謂景星鳳凰之瑞夫豈樂極天
鵬鶚之爲乃咨秩宗新我頌典常使文物聲名之盛
無慚太平經制之書上意則然吾道幸甚其出無僅
馬坐革顛犀招諸生齊魯之間則俎豆聞之矣致吾
君堯舜之上豈玉帛云乎哉嗣有綸言奚爲繇絕

賀陳殿院除太常少卿啓

宋李廷忠

渙敷大號晉陟少常法星懸火旻尊矣朝廷之望卿
月昇金掌煥焉禮樂之新十日登瞻一詞贊慶恭惟
啓雋類函卷七十

某官植操孤整受才闕通直道而行以萬乘爲知己
與學有用信六經非空言入裨右轄之司深謁中都
之譽動搖山嶽之任方振肅於朝儀職典天地之司
復簡求于時望峻躋九列允屬多聞蒐舉百代之闕
文粉澤一王之成法凡伯夷降典之治乃周公入相
之階某假守荒陬阻趨崇仰鵬隨天運冀量搏擊之
程雀喜官成庶作震凌之庇

賀婁正言除太常少卿啓

燕中書
告人

宋李廷忠

登冠月聯參司天掖坐東面而設几華崇禮樂之司

專右席以掌綸併屬文章之伯一時清選四海公言
恭惟某官居朝廷之達尊履君子之遺直念夷夔之
典久闕而常揚之誥無聞將以粉澤於皇猷是必淵
源於古學求諸鷺序得我鴻流野外習奉常之儀昔
於丞而不負幕中識舍人之標今既老以宜為爰陞
九列之班仍裁五色之詔勿謂容臺為閒職母曰從
橐非真除三槐位由此徑路五花判特其游戲當知
天子待諫臣之意恩獎甚優必使儒者立廟堂之謀
治平可俟某索居林下絕望日邊聞疏寵之頻煩覺
垂光於幽隱廐駒之廢復起難忘芻秣之恩堂燕之

啓雋類函卷七十


去又來疊致帡幪之賀情為無數言莫能殫

賀太常袁少卿啓

宋方岳

恭審渙恩宸宸晉職容臺命乎一夔甫底和神之績
容于四岳爰分典秩之司朝有真儒野無異議恭惟
某官智周萬物忠貫三辰心即周孔之心曾何求于
紙上道非堯舜之道不以陳于王前方其發諸詞章
初無意于科目九萬里而風在下奚計修程三千字
而日未斜特其餘事出于世欲行所言溺由已溺
饑由已饑乘輅而講荒政仁者謂仁智者謂智駐節
以談聖經頃結明主之知爰擢清卿之任人皆憚汲

黯此聲在江之東上不見賈生有詔自天而下若曰
咸五登三欲帝萬世卿其習六為七作宋一經禮樂
有光縉紳胥賴某過勤校壁愧乏報瓊倘化民與成
俗乎儀圖莫助若授業及解惑也切幸自強



賀邵公陞太常少卿啓賀四 明舒曰敬

鴻猷日麗月卿禮樂之宗駿烈星懸亞旅繁公輔之望門墻借色縣鄙分輝恭惟某官岷嶽鍾奇錦江濯秀抱神虛廓太和諧于天倪植節孤高妙品屹平嶽立冰壺徹鑑朗玉燭于銓曹花綬批霞霓隼印于仙館職侔宗伯望重容臺班紫禁而典奉常法河列署駕赤車而揮提扇枯梅標華文物歲雜鞞譯同心而式化章彙藻節義旃交臂以觀光廷賜孫通之金浮登中軸殿設桓榮之几尋陟上公某分切在三恩銜罔二念存衣鉢同寸草以知懷神遶幃帷盼五雲啓雋類函卷七十 五

尖冀終明惠

賀太常少卿啓賀四

明劉以聚代

紫垣望重大歸儲相之名赤乘階崇式重貳卿之任慶流宗社歡洽華夷恭惟某官斗望高華天才卓越看花躍馬英雄爭五百之先司李行聰明允貫三千之屬璽書下郡榮戟還朝鵷選近龍光爲一人藥石鸞翔同鵠立作百辟儀刑繼夷攝厥聲名天子畏其骨鯁爰覘天文而得星使乃賜霓旌而徃月氏生入玉門關天顏有喜歸授典屬國帝賚無私禮備樂和

上接夔龍之武夷賓王會載司雕鵠之言清卿行且登樞貴秩何須望省此誠光岳億萬年之人瑞而朝家二百禩之國華也某忝在榆鄉復叨棠地鏡水桐溪減澤惟知愛爾衮裳玉笥石簣貞砥敢謂傳公衣鉢顧下吏乃鄉邦後進而明公實先輩典刑敬效蜚鳴聊申燕賀一顧之恩有在二天之覆無窮

摘太常雋語

大祝奉禮之攸司正字校書而相埒 惟王有成績書于日月之常對納 鴻猷日麗月卿闡禮樂之宗

駿烈星懸亞旅係公輔之望 識鐸辨阮昭博雅之啓雋類函卷七十 六

承家窮道難經肅威儀之最野 精誠將裸獻駿奔格九廟英靈寅畏潔粢盛對越昭兩郊降鑒 房博士軒鏡庖刀靈著神蔡 敷聖善于九重宣法儀于百辟 腴潤三雍秉介圭而覲帝昭明五理司繇最以爲卿觀人文而化成陋漢家之楊綰動德容而成紀紹姬室之周公 一卷之書必立師矧紹先朝之舊學七世之廟可觀德宜登列祖之老臣

賀太常卿壽

賀太常卿王塘南八十壽啓

林下

明林繼志

恭惟門下四朝元老三禮鉅卿北斗名高負笈而從者七十士東山望重鑿坏而遁者幾多年桃李成蹊松筠耐歲今逢初度乃在新秋白日羲皇高邁二疏留漢傳青山洛社遠踰九老賦唐詩某馬走偶羈鳥山舊部且上達尊之扁額佇看存問之綸音聞而知之五百歲谷壇之脉常春久而視也八千秋桃實之期未艾

啓雋類函

卷七十

七

上太常卿

上范太常啓

考滿求

明程世奇代

位正容臺典禮漢先于九列秩高清署整儀唐亞于六曹維一念之是虔致百神之常享殊榮罕儷渥寵頻頒恭惟某官明堂瑚璉清廟瑤璋雅量休休天高萬象懿容藹藹日暖三春迨執戟之績既高而奉常之命隨下精誠將裸獻駿奔格九廟英靈寅畏潔粢盛對越感兩郊降鑒宦途屢任公門遠請托之嫵籍通多年政府絕投書之跡華休名于仕譜舉朝稱臺直忠勤赫清議于鄉評到處仰光明正大制節謹度啓雋類函

卷七十

八

龍門肅守家聲悅禮敦詩麟趾恪遵庭訓似此治家之法移爲體國之忠上理何難允升特易某才慚製錦素餐莫掩于仙鄉政憚鳴琴戶位寧逃于梓里惟仁人察于衆惡大開推轂之門在君子矜其不能常塞覆車之路間常入耳定是銘心茲當三載考成恐黜幽之難免仰賴二天覆庇或使過之可期惟施恩益厚于三台則造福自收于七級相糜未報沒齒敢忘

候太常卿

候倪太常啓

明王兆雲

秩聯九列已高曳履之班望峻三台暫借容臺之寄
梓桑增色海宇傾心恭惟某官天挺鉅公人推碩
珠衡玉斗渾涵二酉英華洛緯圖經總括萬靈秘密
胸中謨略人擬爲帝者之師心上經綸自任以天下
之重是以華階薦陟偉績駢臻廼者晉九棘之崇班
膺五禮之重寄豈直在聲容器數之末業已虛舟楫
鹽梅之資某里閑後生簿書俗吏勞心撫字媿結約
而無奇矯首雲霄幸栽培之有賴謹申竿牘之敬用
啓雋類函卷七十

表葵藿之衷伏願帝眷彌隆天禎誕錫接夔龍之武
禮樂休明登調燮之尊乾坤清泰

候太常胡少卿啓

明許以忠

秩峻奉常卿月照巖廊之彩勲齊宗伯皇風揚禮樂
之輝班聯九級以稱尊誠格百神而受享恭惟某官
仙里秦亭相門安定姿凝水雪清名常畏人知文煥
奎婁甲第蚤登魁選爰乘景運大展亨衢赤縣鳴琴
觀化俱稱茂宰黃門補衮升華遂陟清卿咨四岳而
分典朕之司禮卑綿蕞命一夔以底和神之績敬秉
介珪西京獨冠金吾東漢多遷玉鉉爰靈郊廟已徵

至行堂堂執政鈞衡行見勲名赫赫

候項太常啓

明王德乾

雅念相存舊好祗憑黃閣瞻顏孔邇新禧敬問清卿
聊紓麾守之下悰詎答奉常之高誼切惟公生蒼頡
人比青田選儒碩于容臺翊典儀于宗伯絳服而佩
蒼玉誇提筆賦詩之才玄冕以驅赤車適爲華錫錦
之雋晉台衡于指日送皇眷以無涯某未遂登龍有
懷鴻庇自知擢髮妄希長者之能寬或肯垂情曲賜
服官之明誨用馳尺牘遙展寸虔惟是屆此春和調
天倪以順陽令受茲介福分曦末以矚下隅
啓雋類函卷七十

候南奉常啓

明裴應章

齒旬宣之外吏越在行間瞻禮樂之清卿如遊天上
承家經術前後濟美以弓裘許國真心中外注情
于柱石階自爲郎爲牧駿致卿月之高華秩則惟寅
惟清獨係世風之窳會出亦巢許以箕頰佐太陽之
光處乃伊周以江湖懸魏闕之想名高縣寓牘滿公
車九重之聽履方殷四海之瞻岩特重帝曰礪湏汝
作觀紫綽之新民望衮以公歸復青氍之舊惟君
子登庸于一日將治安永奠乎百年安石其如蒼生
何已快東山之小草司馬復升黃閣矣行持北極之

謝太常

謝王麟洲太常啓

明林世吉

聖代儒宗望風隆于作楫衡門下士誼忝附于通家
念久別于門牆長具瞻乎山斗茲緣雕蟲小技偶結
白社以尋盟斥鷃微軀敢魚附青雲于不朽迺許子
襲宋人寶燕喜之見謬取登門而張生忘楊雄覆醬
詭之譏妄求弁首顧謂今時作者實惟東海之儒宗
乃具素書肅白丹懇冀駘立市或逢伯樂以增榮
干湛埋塵倘遇張華而耀景猥蒙台允俯順下情采
葑菲以無遺錫珠璣而不靳藻思倚馬神超袁虎之
啓雋類函卷七十

才彩筆生花秀奪江淹之句頌從霄漢傳及蓬茅字
聯圭壁以騰暉詞映煙雲而絢彩遂俾山靈吐氣豈
特爲下里之光且令藝苑流聲倘或增南閩之重某
學慚刻鵠枝愧屠龍念遊書圃以蹉跎每望詞場而
企竦開函雀躍捧琬琰以顏開展卷霞飛覩琮璜而
眼眩賞音竊歎同調均歡第愧被羊質以虎皮循躬
有懼混蛇珠以魚目揣分奚堪實慶幸于三生合銘
鏤于五內惠而好我敢忘環玖之授中心藏之願效
玉環之報

回答太常

答項少常啓

明王德乾

奮負方殷備上公之桑梓龍登示展米下體之菲葑
灑筆宣心發絨流汗恭惟某官先大夫貽謀令德慶
衍西明聖天子夢登賢臣眷由清閣撫字曾煥數四
蓋熟試夫循良弱違何啻再三因晉加之常貳容署
預聞忠鯁秩宗方翼威儀彼燕晉公不若實于左
右乃輯檻漢后何如列以公卿可知北闕之深需寧
許東山之思乞某一自華亭瞻斗羨縱橫妙用之才
繼隨青瑣使星歛慷慨敢言之氣幸微生而得御矜
啓雋類函卷七十

麾守以相存墨札淋漓感高情之肯問瓊投鄭重慚
寸答之難伸復念體不勝衣迎送疲于孔道才如短
絢有季袖于窮簷仰仗典型俯勤規指

屬官附

賀婁太常丞啓

宋李廷忠

清禁疏恩奉常列職禮云禮云豈專於用玉帛丞哉
丞哉非止平行文書必賴通明道德之儒乃能洽暢
神祇之意恭惟其官學傳聖後才出人先胸中藏三
萬軸之遺言筆下寫五十絃之古調圓冠特立孰云
魯國之多儒壽杖給扶禾許漢庭之用少來登鷺序
能進鯁言秘府仰賢望之高善堂得師資之益結知
宸扆擢贊容臺訪黃鐘而衆樂和已洽聞於議論轉
洪鈞而八荒壽行大究於施爲其倦作西遊幸管北
落雋類函卷七十

賀交代陳太丞啓

宋陸游

撫銅人而歎息方感舊遊拾竹馬之棄遺偶叨新命
曾馳書之未暇愧飛翰之昇來恭惟某官鴻漸賢關
鳳儀朝著傑作紀永和之會邈矣風流清言繼正始
之音超然名勝初叱乘輅之馭已勤側席之思峻陟
容臺履階清禁某自憐末路獲踵後塵君遣使而有
光華即載驅於原野匠誨人而以規矩尚竊望於門

賀太常程博士啓

宋方岳代

伏審擢從學省峻立頌臺八索九丘之書既重講席
五禮六樂之教其佐秩宗均爲極儒者之宗所謂妙
天下之選某屬聞誨範欣覩除編夙夜寅清尚借藩
房之重日月獻納有開禁彙之華於穆緒言等幾
上太常房博士啓

唐羅隱

某聞孫陽以一顧之恩驥驥不爲驚馬宣父以一言
之重夷齊不作餓夫苟吾道之未忘諒斯人而何遠
某也藝新就學閱市成功偶不自量因思妄動拾五
湖之高蹈事九陌之窮遊爲良工不度之才爲要路
啓雋類函卷七十

不容之物所以嵇康奏樂念魑魅以爭光劉子營生
奈鬼神之相笑那官不幸一至於斯恭惟咸通之初
大中之中未故荆南余正字以博士爲軒鏡庖刀今渭
北徐端公以博士爲靈著神蔡但言薄伎合在殊私
其後某則困蹟於龍津博士則徊翔於鵷侶雖心祈
目禱不忘斯須而天上人間憑何訊問寧知此日屬
在明恩豈一旅人之遭遇有時而二作者之語言斯
中永爲負荷適足憂慚况復風訛俗敗之初轍亂旗
奔之際講學則衛刀削樹論文則羸火燒人家無
相保之心處處有自媒之口而博士獨持大旆高坐

危城招既散之師徒復已亡之土地頌茲隆替充屬
尊嚴某也雖賦命以多奇或因人而成事願將所贊
以賀明時

同趙太社啓

宋李劉代

龙司太社賛治奉常含文字旁午之勞共夙夜惟寅
之命恭惟某官九苞威鳳千里名駒毅然料虎之鬚
樂只跋狼之尾徑從禮樂之英入司籩豆之事雖離
肅肅何嫌三百日之齋親親賢賢行有十六相之舉
某未遑旅賀先辱臨存繒綠綺琴愧不辦南金之報
植青藜杖滿期校東壁之書

啓雋類函卷七十

十五

光祿部

賀光祿卿初任

賀方伯淳寰劉公晉南光祿啓

明曾同亨

恭惟某官家傳正學世仰弘才玉潔冰清之操嶽峙
淵涵之器中外敷歷茂著膚功南北驅馳益隆鼎望
茲者榮膺寵命晉陟勳卿三晉禮樂名區夙資屏翰
陪京根本重地偶借儀刑驥足詎久淹於周南鸞詔
且疊頒於闕下出則建牙開府入而論道名邦行圖
姓字於麟閣暫假吟咏於鳳臺自莊靖以左使奉召

啓雋類函卷七十

十六


還朝再見今日蓋廬陵之大僚屈指虛席幾及百年
事固非常時如有待梧州餘慶預知嗣胤之爲卿爲
公定國陰功自是榮名之如携如取鄉閭增色紳邪
騰歡某猥辱通家謬廁知己蚤賴蓬麻之益晚聯瓜
葛之端聞盛事而欣躍逾常望前驅而瞻依倍切恭
陳尺素聊展寸衷

賀吳光祿啓

明游之光

恭惟某官藝萬名家簪纓甲族正氣特鍾樗梓宏才
允作棟梁著履東山出處安危所繫賜環比闕淳澆
世道攸關新恩特晉勳階峻秩驟升祿廕星厨宰膳

三登展揚牌之忠月寺官聯六進試調羹之手開鴻
廳于左个設鼇榻于西華青鞵疏榮彤闈渥春其粉
榆下士槐桂通家從印報獲觀榮除藉郵筒敢申鄙
賀



啓雋類函卷七十

七

賀光祿子登科

賀吳光祿乃孫中式啓

明楊漣

槐庭植德久徵麟趾之祥玉樹揚芬高擢鵷頭之選
福關國祚慶衍家聲恭惟某官奕世簪纓清時往石
孤標岳峙廉貞軼俊義而前理學淵源品望在古人
之上道如矢亦復如砥能爲方不能爲圓自汾陰之
直節相傳爲國禎幹乃柱下之道德彌峻作世楷模
澤永慶餘榮新胤嗣步蓬瀛而吐閭閭獨收海上之
鼇快雲漢而搏扶搖疊翥河東之鳳自是國多閎閣
邁章平父子之榮豈止家有箕裘僅繼董晁天人之
啓雋類函卷七十

七

對某幸託帡幪欣逢勝事驚毛薄效鳬足遠勤伏願
父子祖孫峻起承天之柱朽株散木永依嶠日之輝
賀崔光祿世興子入監啓

明費采

恭諗賢郎夙成粹學榮膺蔭典早入賢科聽伯夔
子之歌立韓愈諸生之館雖延賞恩優乎世祿亦達
材地便於師承多識前言實禮樂詩書之府盡友善
士惟東西南北之人爽競金蘭班聯玉笋雖處囊而
出珍待價以沽外祖外孫在國老擬成宅相是父是
子於家君撞破煙樓素辱交知良深慶願聊陳賀
并致鶴書幸開容駟之門莫拒登龍之客

上光祿卿

上光祿卿吳安節啓

求保

明陳基虞

恭惟其官精神龍馬類萃鳳鸞昂首長衢駒並千金之貴覽輝千仞毛皆五色之奇載追原隰之踪澤流地軸翻繹臺端之議力補天闕臣節本乎性成心印衍傳家之寶賢象得之天合忠猷增奕世之光是宜踐勲祿之崇班大作蒼生霖雨行且副鼎鉉之重任先聲調燮鹽梅聳塵壚以具瞻望槐階而濟美某因緣令子忝竊年家廿載淹沈厚玷金蘭之藉半生軼軻初分銅虎之符任當繕缺圉而撫凋殘跡似投窮啓雋類函卷七十

九

荒而禦鸞魁披荆撥瘴方圖計日之功仰梓瞻橋遠冀連雲之蔭比兒猶子自揣匪伊異人叔兮伯兮其或憐而急我倘逃愆于六察實銜報于千秋薰牘鳴丹流芹表素

回答光祿

回李順衡光祿啓

明萬世德

馬希增價已叨一顧之光燕賀有依又往百朋之賜雖君子愛人之無已而小人報德以何裨恭惟某官直節擎天壯猷敷地向見韋仁約誰不凜然今有管夷吾吾無憂也且也傾心下士每爲刻意憐才以天下之憂爲己憂兼於自任收他人之有爲我有不憚敷揚以故非對之下材乃荷艱難之重任衆多推轂胥從薦寵之臨君實轉鈞獨握鑪錘之柄以茲圖報豈在涓埃乃荷不遺竟勞有賜承筐承筐已充窮海啓雋類函卷七十

三十

之谷虛載玄載黃遂修波臣之廷實損朱提而鏤器出皂隸以分章過期至飲之勳益渙加冠之飾敢不勉承其三錫惟是自矢夫寸長之屏之藩已幸希恩於荏克威克愛行圖定價於松橋肅致謝函難申感臆

光祿屬官附

回周監酒啓

宋李 劉

叨恩試郡正懼曠職聯事為僚幸逢名勝愧陳箋之不敏辱垂問之相先伏惟某官抱負恢宏典刑膺碩暫屈糟丘之隱小試清醇諒知酒誥之篇益加醲郁佇階騰踏即踐高華某老矣倦游冒焉遠戍對北海而促私釀免俗未能交公瑾如飲醇醪同寅是望其為傾僣罔既敷陳

回江監酒啓

宋李 劉

名門諸彥夙欣投分之多計幕一時茲有為寮之幸啓雋類函卷七十

欲修辭而不敏愧報訊之相先恭惟某官材本家傳美由世濟英辭倚馬秀子弟芝蘭之階喜色乘龍隱王孫芙蓉之褥尚何事麴蘖之託居然管糟粕之餘郎君可是笕庫人聊復爾耳碧香竊比王家釀將有望焉苟無平原督郵之嘲會博涼州刺史之任某自安飲水敢望啜醪交公瑾如醇醪將從今始為穆生設醴酒幸勿我忘

回新榮州家監酒啓

宋李 劉

乏蒲萄之博郡既竭吾才累糟粕以築臺徒得君重顧念步兵隱嗣宗之職何勤天王使家父之來恭惟

某官業精于勤學優則仕族庖之刀有餘刃爭自致於功名良弓之子必為箕諒夙精于詩禮少時嘗讀醉鄉記郎君可是管庫人惟此三榮之窮仰於一醉之富旨且多多且旨當辨聖賢私勝公公勝私在權子母惟尊不空而客常滿則人皆醉而我獨醒引勝地於一杯趣朝天於三斗某啜醪何有罰耐是憂爾來三月實無鹽不堪寡助破除萬事何過酒切幸

回李監酒啓

宋李 劉

元辛之號重光天回西顧剛卯之稱單闕日麗東迎草在泰通祥因履考恭惟某官清材族達懿識規圖啓雋類函卷七十

蒼壁絕瑕彌聳旦評之望青旗簇仗行登元會之班諒對於菟顧免之交益介食蛤踞龜之壽某尚稽賀牘過辱頌言尚可歸田正有望土牛之送不堪立仗詎肯希櫪馬之喧

啓雋近體卷七十一

類函八十三

東吳俞安期義長彙編

上饒王嗣經曰堂尚輯

建武鄧羨遠遊訂定

諸卿部

太僕

鴻臚

尚寶

太僕部

賀太僕卿初任

賀陳學憲陞太僕卿啓

明汪若水

望峻儒宗藻鑑重斗山之譽秩隆御伯華綸崇駕馭

之才文衡稔懋乎鴻猷掌廐藉資乎駿烈聲馳寰宇

啓雋類函卷七十一

歡動簪紳恭惟某官天民先覺聖世直儒學貫丘墳

藝漱諸家芳潤胸羅星斗文推百代宗工繡節耀金

陵十四郡奎光以聚英賢群璧水二百年泰運攸禪

久道成隆天心簡注巨卿榮陟帝命優崇建路鼓以

擴宸聰恩新紫綬箴兼輿而紆夙抱步偉彤墀汗血

霜蹄擢袂自叱驪之外方臯伯樂顧瞻空冀野之群

驥材展追電雄風圉府燦映雲錦色驂駟得意芳春

快觀平鶯遷鳥雀鳴私非貺欣將夫燕賀伏惟台紹

俯賜鑒存

賀袁鶴翁侍御權太僕啓

明褚用章

風高多史俄聞綸命之自天秩貳固卿更喜台光之

近日遙盼燕京而拜首俯從楚海以殿言明波芹

薄申賀臆恭惟某官才簡上心聲騰內掖澄東南而

攬西北動搖山岳之尊肅憲度而整王綱坐凜冰霜

之氣慶豐猷之大邕仙班崇進于天階仰鼎鉉之方

升路鼓前鳴於帝駕聽轡儼雲霄之望驚車標劍履

之榮師保在茲揄揚曷旣其本標材而司冷局技乏

三長以驚質而課諸生文非五色惟麟鳳誕生於貴

閭遂珪璋光貴於寒齋佇俟秋風齊翔漢苑詎不增

輝宦籍而復接武鈞衡某念切三秋愧關河之迢遞

啓雋類函卷七十一

心懸千里覺夢寐之徒勞特虔首肯之衷少薦麟鴻

之敬

賀賈師進秩太僕啓

明謝廷諒

鴻漸紫宸炳睿圖而曉燦鳳銜丹詔闢皇綱以星羅

賁玉帛於丘園春回北闕擁蒲輪於塗巷霧霽南山

再入承明之廬快覩亨嘉之會恭惟某官卿雲渥潤

愛日流宣扇暖律之祥風神彩傍映誕命世之深量

襟宇內融道契虛舟注情源於九派基緒茂祉登儀

構於千尋藉甚綺紈已著台衡之望無勞雕琢渾成

琬璣之姿業市駿於燕臺儼乘馳於漢殿風標聞遠

藝海汪洋羽儀宗家振師表人倫之度冠冕宇宙著
國楨民幹之謠帝載誕熙霜湛虬鍾之澈皇華使命
星聯牛斗之間佩雙劍以舒紳表六條而飭憲省方
結課調玉燭於神機問俗陳詩燁瓊葩於儒苑善類
有庇身之所保護循良名流欣鼓翼之津甄提茂彥
蕭疎柏鑾再臨瞻仗鉞之期蔽芾棠陰萬姓跂蹯惟
之候忽耽林壑遂癖煙霞北山之猿鶴彌清南廓之
簪裾自滿琴尊夜適契班尹以綢繆劍履朝懸偕羊
何而唱和頻推白簡用慰蒼生軒墀抑浮競之風社
稷急端良之器佇立禁闥擬班列於儀司暫倚藩垣

啓雋類函卷七十

假名銜於師死趙岐之持節而安慰天下雖星鑒之
揆留羊琇之遜位而特進朝端實帝心之簡在彈冠
雀躍引領鶯遷矧在某等豈借吹噓恩深履露華陰
之士一掬已拭蘇文豫章之生七年始標異質吟眺
成飾次第分華喜結綬以趨陪二天在望嘆群離而
索處十載睽違空荷栽培之榮慚無涓瀝之報夙懷
紆軫方欲獻於葵忱新命寵頒實不勝乎栢悅龍門
咫尺勸駕無繇鵬術瞻依馳神竦息

賀吳太僕啓

明傳宗阜

德重地維鴻望久推乎前席名高天柱龐猷載展乎

皇園中外藉以入安東南繇斯鞏固簪紳具慶桃李
加榮恭惟某官八龍妙選九逸天才衣鉢振家聲後
先濟美文章維國脉述作重光豐錫屬根本之區故
巖廊重牧圉之托躍龍騁驥應凡馬之空群扶藪御
天觀奔蹏之辟易擬勒鴻勳于姦鼎允光駿業于麟
圖某伏在鹽車自知驚蹇夙蒙收錄馳驅謬許于當
年近屬甄陶鞭策正期于今日慶因緣之湊巧祗奉
典刑感眷注之勤渠載登明貺更冀竊末光于韓斗
無間初終尚思霑餘潤于商霖不分久近瞻雲屏迹
拜首馳神

啓雋類函卷七十

賀南太僕卿啓

明林世吉

高懸氷鑑拔茅方倚乎天卿大閱霜蹄索駿復資乎
罔伯蓋峻秩夙稱乎卿執故恩綸特昇乎儒宗環海
騰歡輿情胥慶恭惟某官列緯元精兩儀正氣經文
緯武特鍾吐鳳之奇才齒蘖茹氷獨礪懸魚之雅操
早揚芳于紫極遂繩武于彤墀啓事聖宮夙仰山濤
之品藻題才粉署益新毛玠之風稜望重寰區眷隆
黼康乃升華於僕寺遂晉長乎罔鄉踐閭闔之星辰
茂揚風裁依蓬萊之日月喜近天闈凡荷庇于鵬霄
俱歡騰乎鳧藻某繇木葉材綿蒲末學被龍光于東

閣曾叨國士之知微鴻浪于西江尚冀疲臣之潤茲
初忱于竹素敢申候于藥膏伏願赤舄崇禧黃裳賔
祉長爲柱石光昭奕葉之家聲早和鹽梅茂樹中興
之相業

賀徐海石同卿啓

明林世吉

冠義豸角方瞻執法于內臺綈渙螭頭復簡宣猷于
罔寺快覩正人之彙進式占五道之當亨光被簪纓
福貽宗社恭惟某官九曜元精兩儀正氣學綜緼縵
巍然命世之儒宗才裕絲綸蔚爾奏邦之喆彥德器
鵠瑤璆金鉉貞操凜翠柏蒼松三楚巡方尚沛汪洋
啓雋類函卷七十一

五

之膏澤七閩攬轡茂留蔽芾之棠陰顧赤舄輸忠雖
勵激濁揚清之志而斑衣軫慕每揚難進易退之風
望蔚重于寰區眷稱隆于黼展紫泥滄錫用召起于
田間白筆重簪益蜚聲于柱下飛章瑣闥每批龍頤
之鱗借劍尚方屢褫豺狼之魄直躬守道素心百鍊
以惟貞正色立朝讜論敷陳而無隱標人文之楷範
峙朝宁之華嵩帝念孤忠謂駿烈已昭于柏府恩疏
九列乃龍光特渙于楓墀某伏櫪驚才含香賤品披
三霄之覆露尚銜盼睵之恩瞻萬里之慈雲莫遂樞
趨之願望門牆而增感捐頂踵以難酬茲喜際平鶯

遷敢肅將平燕賀伏願繁禧茂錫景福駢臻牝牡驪
黃暫倚孫陽而品刷鹽梅丹楫佇咨傳說以鈞調

啓雋類函

卷七十一

上太僕卿

上岡卿陳老師啓

考滿

明徐榛

道展經綸四海仰文明之化位隆中外九重資淵塞
之猷樞軸輝流縉紳喜溢恭惟其官天球粹益玉璞
晶瑩厚鍾淑氣于匡廬早振循良于海國柏臺府歷
茂揚且止之風藻鑑獨收益播惟明之譽誕膺駿命
顯陟罔司振神氣于邊圉秉心自遠闡洪稜于廊廟
考牧斯成真解高懸識自超于驪黃牝牡之外玄機
默運顧一空于雍涼燕翼之墟事業貴宣勛猷鼎赫
其猷以監儒叨爲屬吏邈矣無稱三善何當奉路稟
啓雋類函卷七十一

七

焉知畏四知願學楊公竊庇彌深沐恩轉渥以致績
成一考敢忘頂戴二天爰介紹由之役僭申不腆之
儀伏候麾存未央跂矚

上滁州太僕寺啓

明徐榛

恭惟其官孕靈穹皇振彩巖廊德邁羲和參五龍之
舜馭才弘伯岡掌八駿于周丘體國秉塞淵之念敷
猷切無斁之思錦雲並麗技雄中國之長物色交齊
富協天房之瑞快一路之風雲蹀躞康莊逸足當八
埏之盤錯逍遙熟路輕車會膺素軸之權益樹擎天
之烈其附跡青雲身荷孫陽之瞻顧藉光仁日目慙

冀野之驪黃望龍門而舞蹈徒殷伸燕賀而樞承莫
遂敬達一介專捧片函不盡神飛統惟心炤

啓雋類函卷七十一

七十一

候太僕卿

候吳太僕啓

明李邦華

節建霜臺舊握繡衣之斧位隆月寺新聯玉筍之班
列在九卿正于群僕烝絜佳賴蒙海欣瞻恭惟某官
霄漢高標珪璋上質稜心古烈舉世仰爲北斗泰山
直踵聖修朝端倚若黃鐘大呂遂升榮于左馭仍特
眷于舊京依丹陛日月之光鳴珂卿寺攬黃圖江河
之勝開府滁陽建鼓司而蒼佩增輝巾車屬而玉符
交映自周罔伯之命惟用正人于今太僕之司實承
誼辟自登京尹聲滿于宇人陟在清卿寵踰于數馬

啓雋類函卷七十一

九

君臣一德知疑丞輔弼之序登父子同朝看德業聞
望之濟美于今希觀曠古特遭其溝猶督儒誤蒙齒
錄陬滋下吏謬荷栽培成我之德如天直寧生我知
已之銜無地况復感恩夢繞蘭臺神依棘列願言鼎
鉉丹綸卽下楓宸懸注琳瑯紫綬行聯玉佩

候陳蘭臺太僕啓

明諸葛昇

道展經綸夙奮鴻猷于北闕德涵金玉式隆偉望于
東山緬惟埏植之恩積甚居諸之感搖旌所嚮棹筆
難宣恭惟某官岳鎮翹華星躔異稟伊閭道脉直承
洙泗之源奉漢文章迥出馬班之上登殿第存歷

崇階持衡海國拔士類于升沈清濁之間司御天閑
錄材品于驪黃牝牡之外處駘不整勇輟殿廊六一
堂耆英今在茲矣五百年名世舍其誰哉第江湖而
懷廟堂豈久自家康濟邇邇門墻而念鼓鑄每厯何處
陶鎔如彼噓風無從立雪其癖惟好古遇不逢年莫
飾青黃自分溝中之斷豈期翠綠誤加爨下之焦有
隕自天孰爲之地一行作吏適富子牛之衝百里疲
民更值癸庚之慮補葺時爲掣肘撫綏動是剗心幸
隣函丈之光倍切在三之仰敢修無牘薄具荒芹

候唐罔卿請告啓

明樊玉衡

啓雋類函卷七十一

十

台斗依辰灝清光于北闕卿雲歸岫養重望于東山
梓里生榮中朝注念恭惟某官雄文華國敏識際天
鍾三光五嶽未分之氣務養其源讀八索九丘有用
之書莫窮所蘊大道不器易地皆宜簪筆虎門披皂
囊而素裘冠螭陸執白簡以霜飛陸宣公奏議侃侃
平正論回天田拾遺封章噴噴乎直聲動地宸衷簡
注罔寺先收秉心淵塞人歌騁北三千加意園芻世
夷雲錦數萬倘得盡展騏驎允宜調燮鈞衡乃以明
時游心辟穀遂于壯歲銳志餐霞想國家元氣終賴
維扶計閭里沈疴還需藥石物望正隆家居未穩蓋

行赴風雲之會而戴施霖雨之功者也某識面莫先
托身最蚤鉛刀未技荷蒙陶鑄之恩樛櫟散材得藉
栽培之力每懷銜結未效涓埃謹願一介以資緘奉
叩九閤而問候仰冀洪慈俯垂昭鑒

候同卿林年伯啓

時屢推

明金璋

曾香一瓣頌舊德于難酬鄭轂屢推喜新綸之將播
遙睇銀臺而拜手俯從朱邸以颺言恭惟某官有君
子貌兼君子心以聖人徒行聖人政福田翔布于畿
甸玉樹森羅乎堂階爰自太微積星迄於中書行省
其間四難之所陰騰一信之所化成觀察之所澄清
啓雋類函卷七十一

上

蕃宣之所埏埴何者不諸人望赫然著在天庭官愈
久而家愈貧位愈高而心愈下帝將需以和鼎乃特
陟爲奉車肅肅鏘鏘妙駕輕於就熟若卹若失超化
壯與驪黃旣已建路鼓而擴宸聰何難理匭函而司
朕命顧當衆言淆亂之日正獨照折中之秋彼閭閻
之川壅欲其通瓦釜之雷鳴欲其塞震驚之譏說塞
之而反以通喉舌之傳宣通之而反以塞蓋納言所
關者重而允之命豈輕先生自此升我世道其終泰
矣其猥以樛櫟緣孔李昔陷虎口幾至殤身竟藉
龍嘘少延餘喘鼠腸自憐于三易鼯枝誰恤其五窮

所冀始之終之無僭梯於百尺倘云力也器也等持
綆之千尋眷戀緒衷卽九章而莫罄願祈縑藉歛多
福以來同

啓雋類函卷七十一

上

請太僕卿宴

請太僕啓

明許以忠

青絲懸夜月歸來照耀東山錦障帶春風散出吹培
下吏擬歌魚藻恭迓鸞旂寅惟某官房宿儲精渥注
產秉德調良而比驥心淵塞以致駉相得天機六御
藉驪黃之力養充國廐九邊騰汗赤之功頃回逸足
於桃林益重駿聲于花縣某材慙欸段任負鹽車猥
承鞭策之加莫效馳驅之步謹卜吉日竊欲刈藜待
秣仰微一顧之榮伏祈枉駕夙臨不啻千金之市側
耳蕭蕭於柳外望塵踐踐於車前

啓雋類函卷七十一

三

請唐太僕啓

林下

明許以忠

當朝元老暫投休沐之間司牧微員幸慰瞻依之願
擬揚一顰敢迓雙旌恭惟某官樂寄東山望隆北闕
宣麻鳳詔筆花騰奎壁之光補袞黃門諫草吐風霜
之氣寵獨隆於黼座權特總乎圉臺駉牝三千騁帝
驟王馳之略元戎十乘樹銅駝鐵騎之勲奏最罔卿
位宜碩輔詎麒麟入夢遂思種玉於藍田致鵷鷺辭
班乘輿桂冠於綠野謝禁闈之殘漏結泉石之新盟
錦水航歸雖已繫漁人之柳岸形輝詔下恐難辭天
子之蒲輪其舊仰龍光新承鳳彩欲申忱於結襪謹

卜吉以攀轅於某日薇采西山效芻蕘之獻芹曝樽
開北斗酌涓滴以答汪洋傾聽轉音用增曷色

啓雋類函卷七十一

謝太僕卿

謝太僕黃公啓

明馬 朴

熙朝駿譽司與喜近六龍岡寺鸞書推轂光生五馬
憶舊感殷於戀主行驕喜拔於辱人恩出九方報圖
一踊恭惟某官種邁文龍望符德驥翩翩逸氣蚤凌
追電之蹤矯矯雄才遠駕行空之驟風雲邁會高登
龍虎之上游日月得天遂躡騁騮之雋軌驅齊馬以
橫琴百里春融東海乘威馳而珥筆庶司冬凜西臺
抗疏恤民深切駭輿之論持衡察吏常抑泛駕之材
力每回天不顧一鳴而斥仗撫躡維月暫司六廐以
啓雋類函卷七十一

掌輿淵塞秉心駉牝三千再頒牧芻注意雲錦數萬
重誇伯樂過冀而群無留良夷吾爲圉而棧先傳直
桓桓劍珮方嚴乘輿於鸞和節奏之間穆穆珪裳佇
揭階符於豹尾鈎陳之上某才慚歷塊智愧識途叱
馭方州雅志不安于伏櫪負鹽峻坂鬱懷每嘆于舟
轅豈意驚庸屢徵鴻造脩川顧立市之間已增重價
易水索按圖之表更出特恩微矣決捨輒許燕山儀
鳳眇焉欸段猥云汧水神駒睠往績之撫摩曰多遺
愛錄微勞於馴字謂茂賢聲二十名言遠陋子方之
束帛九重偉薦頻輕郭隗之千金但恐薄蹄終或艱

於致遠所欣附尾庶幾藉以求討敢不勉効驅馳仰
酬翦拂御民有道無窮東野之求守已常嚴不詭王
良之遇斯下懷朽索爲馭之志實上酬敝帷不棄之
恩敢乞殷函用塵馬帳城南天近臨風欣晏子之鞭
薊北雲開向日御李膺之駕摧謝靡宣仰瞻倍切

謝費太僕啓

明麗時雍

駿烈巍巍王事藉馳驅之力鴻名赫赫園材資駕馭
之功建路鼓以擴宸聰直追先哲嚴衆輿而回天聽
遠紹前修久矣望徹祥雲神依依于五色頃者親瞻
瑞日心勃勃于一輪感舊德之惟深知新綸之將下
啓雋類函卷七十一

幸遇某官駿骨獨誇聖代鳳毛雅重天池常聞樂變
之才單騎齊驅于郭應知得君之寵九花並駕于唐
濟濟高賢俛首耳居伏櫪庸庸俗吏薄蹄敢望加鞭
鳴之用莫能勝美取方阜之相食之才無可盡何勞
伯樂之觀評品諛聞我思實德難副標題眩目自知
虛譽徒隆策亦難前僅遠驚駘于尺寸激可使進庶
附驥尾于萬千此誠推轂盛心當效勉旃愚分如傷
視赤子時懷寒瘡之憂若免待吾身永絕輕肥之念
卽重疆場之警不費詰戎而恤閭閻之窮敢先富國
動遵明訓不負良言下可展布生平上而圖報知遇

謹緘詞以代結草尚銘心而效銜環

謝太僕陳公啓

旌獎

明徐榛

帝簡儒師房駟荷一人之寄位崇罔伯嚴廊樹百辟之瞻掌舜馭而日麗五龍閱周丘而風生八馬有懷感激莫喙敷宣恭惟其官振藻語于詞峰丹霄約綵探驪珠于秬海碧漢揚波允稱昭代之羽儀信是斯文之領袖光膺露陛寵賁天閑敷猷切無斁之思體國秉塞淵之念馳驅王事妙駕輕旄熟之宜叱御臣工收歷塊過都之用章縫溢喜組紱分榮其鹽車劣品驚乘凡材謬着祖生之鞭僅甦疲邑恪守王良之啓雋類函卷七十一

十七

御不失故常何期一顧于孫陽遂重千金于市馬過厓鼎銑特賜旌嘉後致離臺更頒優獎似此恩同畢岳深惟報之消埃謹消一介以賁緘恭叩九關而奏記仰希相度俯鑒乾容

謝劉太僕啓

賀生

明瞿九思

身繫安危本東山之謝傳名高京國自西洛之耆英方從容耽樂事於龍蛇何辱記賤生於狗馬既蒙錦翰復賜雲篇豈徒對使驚魂未免開楫悚魄感何有極謝不容言筆古俱荒况兩載痿痺之手足神情交動親百朋尊重之奇珍謹滌席以抽言勉依人而作

字肅函顧謝望茲龍靈氣之間拜手臨風述烜燁星垣之下雙城遶驛綠絲野齋堂簡上閣人謝頌謁者

謝唐太僕啓

旌大勵

明夏相虞

一官虛涉方深附驥之慚千里推賢忽荷攀龍之遇喜固多於溢美耻迺在於過情踣地弗容戴恩逾腆竊以向陽之木每易爲春鬱澗之松最難見日地勢之遠近既判人情之取舍亦然况薦舉之選甚艱且職令之負尤狹因循近日奔競成風下之人急于求惟任私情而不恤于公論上之人難于應止及近地而無暇于遠方乃茲破去拘攣之見而一稟以公務啓雋類函卷七十一

十六

求質實之才而不遺于遠此則曠古之希逢于今之獨烈者也恭惟其官名世真儒清朝良弼宏才優于剴劇厚性足以鎮浮秉淵塞而經邦當今久欽其丰采懸永鑑以造士蜀中尤荷其甄陶主春日隆孤卿特陟爰司天閑之駕益宏御伯之勲業牧惟本真誠廣羅夫驍驍駉駉掄材不由請謁盡忘其牝牡驪黃至于頑鈍之質尤非逸足之群菽水是其祇惟謹于修飭藥米自勵初不求于聞知雖當盡心馬政不敢負策勵之仁然亦恪守官常安足尚華袞之譽豈期大人于採訪之中濫及下吏于踈遠之地郵筒飛墜

奏牘光搖獎詞過濫加塗澤于無鹽厚意誠虛費鞭
銜于驚蹇自惟會遇獨邁等夷某敢不勉自激昂仰
圖稱塞愈嚴四知之戒益張九方之明庶幾推轂弗
虛抑或銜環有地

謝李向卿啓

叙薦

明唐文燦

某身淪壑谷跡混塵泥緣驛路之候迎初瞻台範荷
龍門之延接早挹春暉方欣獲上之有遭尚愧守官
之無狀幸寬詞譴受庇既多叨濫叙遷被恩左甚獎
假亟頒夫臺檄榮踰華袞之褒調資兼發夫帑金寵
溢寶刀之贈客非越石父何堪取賞于道傍人異駭

啓雋類函

卷七十一

九

然明乃誤受知于堂下顧盼間光生行色拜承後恨
釋離蹤即擬束裝循水程以趨嚴限末由修贄窺月
署而展爵懷旅遊漫尔匆匆孺慕猶然騰騰姑馳一
騎特捧片函陳銜戴之微忱報奉違之冗緒征途相
左雖嗟跋涉漸遙佐郡自南轉覺憑依孔邇罄提撕
而申約束誠懇望於鉅卿酬眷遇而稱題評豈其同
於棄物

謝同臺吳公啓

題薦

明諸葛昇

朗鑒高懸品騰夙清於法地虛懷廣納甄收濫荷於
鈞臺吹萬功同生三誼切恭惟某官判南開氣斗北

名宗襟冷青冥遠駕行空駿跡家傳終靈通路維月
宗班抗疏卹民每著駭輿之論持衡察吏尤憐範軌
之材驥一過而群芳留良較再推而棧先傳直人心
丕奮頓欽郭隗于千金吏計更新不數田方之束帛
念某才慚歷塊智愧識途叱馭彈丸躑躅不安于伏
櫪負鹽峻坂馳驅敢嘆於局轅豈意驚庸輒微駿眷
皂囊題處榮生一字之褒白簡飛來光踰九遷之寵
惟是感恩戀主懼無地以答栽培所冀努力酬知第
矢天而圖涇勵爰介爪牙之使僭申眉目之書聊布
飯依旦夕更祈翦拂略陳固陋結銜示勒心胸

啓雋類函

卷七十一

二十

謝程太僕啓

明李國祥

拭興起譽初朗月于棘階數馬昭嚴候炳台于槐座
榮彩垂平花綬寵光艷矣葉珪九地弘王二天庇吏
恭惟某官清融氷柱峻峙斗鈞自登龍虎上游輒驟
驂騑軌起曹茂績五材盡飾于中程膳寺飛聲一
飲竟嘉乎至德大駕小駕之奉左馭右馭之寅清矣
次孫儉乎國子垂青下士歡披樂令之天披赤伶才
喜洽表公之地是將大用以竟遠猷某徒窮乎儒不
習于吏僅竊升斗而得郡莫效尺寸以瘡人弱羽自
慚何當天下之雄風朽木咸塵冀望巖頭之湛露匿

瑕藏垢覃施無望之恩去短取長謬頒有試之舉
肝不朽申意有將卽充穎何盡中藏况藉繒殊難仰
對惟明知感總冀垂存

啓雋類函

卷七十一

主

回答太僕卿

答王太僕啓

宋蘇軾

伏審抵奉明綬特膺異選以高才望冊府以令德正
僕臣側聞除書大慰輿論伏惟某官文鳴早歲學配
前人豫章雖老於中林瑚璉終升於清廟萬事不理
問伯始而可知三僊雖亡得安世而何患清塗方踐
遠業難量愧修慶之未遑辱移書之見及感佩之至
但切下懷

啓雋類函

卷七十一

主

回滁州太僕楊少卿啓

明余鍾英代

其自念鹿鹿無奇魚魚自守樞衣承講席曾服膺有道之庭負及園橋門尚混藉庸儒之伍誤蒙識拔猥賜品題不但眼青弟子之班亦當齒錄童穉之列遂使纖微之賤姓濫塵台柱之奚囊揣已何堪感知特甚恭惟某官學貴天人名高館閣拾遺補闕凜氣節于風霜調鼎和羹運折衝于樽俎良符帝賚忠結主知旋以永叔之長才來繼伯安之舊任乃承吾師仰因鸞駕俯寄魚緘又蒙明公篤念舊游不難下訪特遺亭徽之使遠投雲漢之章何物么麼之凡流敢勞啓雋類函卷七十一

答周太僕啓

明

竊惟下御食虎之豪以龍爲友不佞希驥之乘索駿按圖方自媿得粗而忘其精何暇論能顧而增其價辱誨言之倏至竇悚懼而增慚公惟其人伏能止而覆能起愚切有志偶在宣而乘在心行有着鞭之先無負展足之識矢相期其在此惟努力而赴諸臨楮馳神惠公亮我

鴻臚部

上鴻臚卿

上王鴻臚啓

明周仲士

望登雲霄千古並槐陰振彩名高日月兩川資澤鑑掄文報答稱難遭逢獨盛恭惟某官鵬翮圖南鳳輝覽下中天瓊萃望蓬島誕毓精華雙關雲開削芙蓉獨鍾間氣花封幾載梧埤數時暫下鵷班偶臨鳥道捨榆短翼藉海運以凌霄蓬秀孤根附麻生而直上某探囊無智學冶不工日邊桃杏得知湛露栽培江上芙蓉亦領春風噓拂遙憶紫溪仙洞可以絳帳公啓雋類函卷七十一

門何以報桃寄贈媿無玉案缺焉行李歸裝且貯赤霞

候鴻臚卿

候大鴻臚啓

明吳恢

恩洪雨露敷聖善於九重履茂冠裳宣法儀於百辟
聞風胥慶望日增榮恭惟某官德緣道樹法以仁清
腴潤三雍秉介圭而覲帝昭明五禮司綿纒以爲卿
觀人文而化成陋漢家之楊惲動德容而成紀紹姬
室之周公渙恩宸扆之尊晉陟經綸之重某云

啓雋類函

卷七十一

五

答鴻臚卿

答劉鴻臚啓

明張應泰

環橋振珮幸奉周旋同巷聯扉燕聞譽欵方依劉之
在此愧御李之無多一別廿年雅度久疎高士片函
千里清光忽對故人感豈能言喜還生色秦淮煙柳
豪華空憶青春南北風塵宦况轉憐白首儀文鄭重
道義綢繆拜受無名麾舜曷敢璧仍歸趙慚無幾座
連城袍可贈睢用當千間大厦嗣圖願謝伏冀俯原

啓雋類函

卷七十一

六

尚寶部

上尚寶卿

上陸符卿啓

明李良桂

位重中台儀羽近依帝座名高北斗文光遠被海隅
延首五雲馳情萬里恭惟其官人倫領袖藝苑華嵩
鳳閣頒綸暫典虞廷之瑞鸞坡起草佇調商鼎之梅
正笏垂紳廊廟藉珪璋之器持衡懸鑑門墻交桃李
之陰蹕此踈頑夙叨甄錄綰符百里媿凋瘵之初
竊食四年顧考成其何有更羈職守莫展興居瞻象
山一老之尊握趨獨切作鳳閣九重之邃夢寐頻懸
啓雋類函卷七十一

候尚寶卿

候趙尚寶啓

明王兆雲

鳳闕頒綸暫典虞廷之瑞鸞坡起草佇調商鼎之梅
謹展候以齋心敢具函而盟手恭惟其官名高兩制
譽重中朝迥邁時賢經文緯武之略直方前詰璞玉
渾金之標憶昔山城曾蒙怙恃花滿河陽之野棠垂
江表之間蓋惟偉業之昭垂是以膺仕之游陟某曾
蒙睽盼實戴甄陶向爲牛馬之徒遂踈魚雁之候茲
因考績少布問私仰祈鑒涵實深榮藉

啓雋類函卷七十一

三六終

啓雋近體卷七十二

類函八十四

東吳俞安期羨長彙編

上饒王嗣經曰常同輯

建武鄧羨遠遊訂定

司成部京尹部同卷

賀司成初任

賀楊祭酒啓

宋林豈塵

書承三接晨誨諸生帝問嚴安恨見之晚士仰韓愈快觀之先斯文有光吾黨增氣欽惟昭代截若彞章至于拔擢茂異之倫則必度越尋常之外然而由選曹而登文石此至罕傳拔外官而儀璧流近雖間見啓雋類函卷七十二

天其有相道且大行朝暮取一人焉而群遂空東北歸二老者其子焉往置推盛事卓掩前聞恭惟某官負三十年之文聲振一二邦之教鐸數虞庠之人物疇若老成盡漢廷之公卿皆出薦口白見果登于華貫明揚立志于要津某述奉除音喜逾常態陪細雨簷花之酌豈能忘情記瑣牕紅藥之詞今近乎識

賀張中書即真兼祭酒啓

宋李廷忠

升班臺侍正席綸闈大手筆之文章上應紫微之直園橋門之府帶彌瞻北斗之尊式重舊圖載光新命惟皇家任賢之篤極士林稽古之榮妙言語以鼓舞

萬民富道德以淵源四海於今號爲盛選自昔罕遇通才徐舍人推經學之宗未聞並任田祭酒領侍臣之職蓋匪真除疊此殊恩歸於耆哲恭惟某官隆隆偉器鬱鬱清門七十子之肖仲尼爭覩鳳麟之美五百年而得韓愈競傳龍虎之文讀盡唐虞以來之簡編發爲稷契無前之事業久矣在帝心之簡翕然爲天下之師潤色紫泥旋躋華於西省佩服蒼玉賈增煥於東庠然命令之地匪輕而盤詰之風已遠追還古作喜得老成秀出一時稀有峻峰激流之勢貴傾同列知是凌霄聳壑之材顙面非遙跬步可至某起啓雋類函卷七十二

身龍竊食鴉林顧佔畢小子豈足以模人惟禮樂先進實爲之盟主雖阻拜履絢之耀已屬囊翰墨之香迭聞除音喜至舞手五色天瑞下臨醜類之增一紙春風尚到採芹之水永言向慕未易占陳

賀習司成啓

左遷

明王家屏

門下淵源正學砥柱高標本期披闔以呈珍幾于落井而下石雖諸艱其歷試更百折以不回泰運既新端人彙進稍遷郎署吾儕已幸於彈冠再擢冒筵其道大伸於振鐸菁莪中泚允孚樂育之懷豐芭舊京茂衍燕詒之澤彼陽亢宗之惇行未喻師模卽孔穎達之傳經何裨皇化詎如門下望隆山斗士心素切於依歸會啓風雲帝眷薦隆於簡任竊念公爲先知先覺方將自任以天民而况爾有嘉謀嘉猷能無入告於我后特茲延佇不盡勤悵

承按處稱
變體勢

啓雋類函

卷七十二

賀范司成啓

明

天子之學曰辟雍地崇首善大師之席爲函丈道重躬行必造士之得人斯化民而成俗恭惟某官兩朝厚史一代真儒東觀紬書炳青藜而餘照西垣傑直哦紅藥以猶芬自輟承明別啓蓬瀛之署遂遵養晦薄遊豐芭之鄉不朞月而晁消會九重其天定人之有道舜命契以陳常汝其往諧夷讓夔而典樂緋袍蒼佩聿新法座之儀鼓鼓華鏞頓肅園橋之聽衆生三而共戴工吹萬以方熙新樞可材詎止奏場師之効參苓預蓄行且充國手之需翊文運以昌融兆泰

符而朗耀詞林生色吾黨伸眉敬託魚牋聊申燕賀

賀范屏麓座師啓

請告歸
壽太翁

明焦竑

伏審予告歸榮過家上壽詞林休沐下萬石之里門郡守乞言授五更之几杖勝傳遠道歡劇負牆恭惟老師逢時休明爲國俊乂金雉琳瑯之貴作爲文章玉壺風露之清雅推氣運雖丹霄之去尺五身到鳳池而白雲之望迢遙心懸鶴髮省覲少紆干日月論思暫輟于班聯頃璧津山水之間知賀客簪纓之盛地靈人秀有來鸞鶴之續紛錦席高堂坐想魚龍之曼衍芬若干金之酒翩其五色之衣問絳縣老人之

啓雋類函

卷七十二

四

年遐筭存增於甲子續益部耆舊之傳賢聲彌重於粉榆某等以毛髮絲粟之材在權度錙銖之內豕苓雞壘幸勤藥籠之收蟲臂鼠肝敢忘化鑪之自顧介有嚴之眉壽何辭不腆之溪毛廣成千二百春直並仙齡於上古汾陽二十四考更觀相業於中書祝頌之私揆裁莫旣

賀陸司成尊師啓

明林煥

恭審熙明化洽育才特重於賢關耆德望隆敷教遂專乎師席伏惟我師直方而大純粹以精德誼素爲儒者之宗進退動合古人之節雖雅志每棲遲乎林

堅而盛名恒注想於朝廷式瞻吾道之亨咸謂斯文之慶以今準古由已及人或經授門徒柄匪警聞之鐸或位尊國胄具非待叩之鐘未有遭逢盛時表儀當世獨全三樂允愜群情者也某夙侍門墻久違模範大恩未報空慚桃李之栽培盛業方張彌想菁莪之長育敬申薄賀惟冀鑒存

賀孫正峰司成啓

明林 燦

恭惟某官眷深啓沃道重儀刑特膺師席之新恩光復德門之舊物論世者式瞻於喬木達才者樂育乎菁莪縉紳美談簡冊咸事某詞館追隨校膠漆而在啓雋類函卷七十二

昔賢關叨忝愧糠粃以居前謁賀無由欣慰曷旣

賀大司成劉公啓

明喻世卿

敷教東序流化上庠天作之師式儼儀刑之望士典於學快瞻斧藻之輝寵溢縉紳光生俎豆恭惟某官間世真儒中原大雅詞源逸發吞吐江漢之奇道範峻標攬結泰華之秀姓字香于鼎甲敷名起自史垣金華進講經綸義理以並陳玉局攸司輔養開導之有具乃藉聖皇簡注爰推斯文主盟範終古之鑪而鑄九牧賢愚悉就甄陶張彌天之網以掩八紘遠近咸歸羅致佩蒼玉服朱衣偉矣一位元長擴聰明凝

威重巍然總領紀綱時雨零滋芝蘭爲之長秀春風鼓煦槐棘于此敷榮臯比延上道之光函丈動中朝之承信文章之司命卜台鼎其虛階其樛櫟散材梓桑末品幸續食于偕計叨廁跡于宮墻大治咸銘或躍金之不棄羽儀盡飾雖弱矢而燕收莫勝雀躍之私用申燕賀之敬

啓雋類函卷七十二

六

賀誕辰

示延辰啓

明唐文燦

兩載佐成均教澤尚流於棧樸三秋臨試院藝林方
集夫梗楠欣逢祝聖之辰巧會生賢之月時非偶爾
事有由然蓋夔典樂龍納言德業連扶乎帝日故樞
搖精虹呈象光華早映乎輔星某雅蒙知己洪恩恒
抱隆師微悃慨一方繁役阻候門墻欣千里歸程過
臻京闕豆觴夙具恭寓進以追補賀儀圖軸新成強
標題而盡摠懷憶焚香拜送抽牘叩祈仰嵩嶽之鍾
英作誦雖慚肆好占斗垣之應瑞陳謨更願惟諧

啓雋類函卷七十二

七

壽余少司成六奏啓

明吳守道

鳳曆紀元開明時之壽域麟書吐瑞協孔聖之誕辰
行近日至之添長已兆年所之多歷歡騰璧水喜溢
瀾濱恭惟其官世德發祥孕白岳黃山淑氣地靈毓
秀欽龍盤虎踞元精家傳問學淵源人仰文章山斗
嗣極史以登第兩世傳臚魏公之唱名五色雲見
天子占太平之相貯以玉堂識者知大用之才期以
台鼎鑾坡視草口代王綸翫禁抽毫手裁帝紀橫經
侍講幄積至誠以悟君心持鑑典文衡抑險語以正
士習流翰墨于海宇倒陳遵尺牘之書藏編摩于石

崇聯文考兩都之賦比振澤宮之教鐸冠帶園橋燕
掌留省之詞林斗魁高枕惟茲一陽之復會逢初度
之臨甫歷花甲之週期願發軔羣祝椿齡爽氣用迓
仙林瓊簫奏而鳳凰來方爲計日玉衡掣而麒麟至
正在此時則蓬瀛新進均叨時雨之零而館閣雄觀
共詫德星之聚

啓雋類函卷七十二

上司成

上黃大司成啓

請書

明黃道日

某以駑鈍叨入成均愧學失於垂髫尚心殷於立雪
懸懸千古誰與驅馳勃勃一家自慚孤陋屢垂延於
充棟竟隳志于空囊堂給饗殮登遑載籍既焚膏之
無地縱曝日以何由仰觀明珠俯投暗室伏乞嘉孺
子之可教足備參苓念大道之無私不遺瓦礫壯其
志不究其妄深責以立言激之前罔抑之後全期以
不朽或擲案上殘編或錫藏中餘蠹果其枵腹可以
窺豹一斑啓其蓬心易于刮目三日庶公門桃李自
啓雋類函卷七十三
九

此成林清廟瑚璉從今增價得就兩都之賦敢忘五

車之恩

上許穎陽司成啓

明徐州牧代

南國名儒蚤陟清華之選北門內相兼收教育之功
昔枉高軒欣承光霽適司下邑竟隔寒暄耿耿爲懷
优优在望恭惟某官登臺文帥入室經神荷三聖之
隆知瀛洲獨步樹兩雍之懿範璧水雙清豈惟化洽
橋門亦且光流梓里藐茲下吏實席餘休屬當考績
之期敬陳卑悃懸憶泰交之會薦集嘉禎倘草茅少
獲以沾春斯葵藿敢忘于向日極知喧瀆伏乞宥原

上南雍大司成啓

明敖鳳翼

昨蒙寬試未遂題名自分疎庸敢圖顯達顧奇年抱
璧已刖足于當時皓首窮經覲拔茅于今日豈期命
薄復邁文荒千人之內獨遺終身之業安在伏願垂
憐日暮過此無期俯視道窮適茲何濟少寬筆硯之
謬大同桃李之滋舒手雲霄提人岩穴或暫續之貂
後或再試之几前倘同曳白敢望垂青不然低眉比
上豈不欲于微官昂首南來竟克艱于一第敝裘在
道生辛之太志堪悲彈缺歸家暮年之壯心何已狂
言冒昧仰塵聽覽收之籠中聊當馬泮

啓雋類函卷七十三

十

候司成

候姜鳳阿大司成啓

明郭子章

山中宰相常懷捧日之心地上神仙惟抱擎天之志
身雖遊于綠野望實繫乎蒼生久切瞻依可勝戀慕
恭惟某官三吳間氣百代殊才麗藻燦銀河直織天
孫之雲錦詞源翻玉浪橫吐明月之驪珠魁薦賢書
金闕麟經獨步英遊藝苑玉堂鳳羽高騰出司兩浙
之文衡培植宮墻桃李陶鑄三千之禮樂玉成廊廟
珪璋晉陞太常旋登師席園橋璧水盡羅四海之髦
英錦軸牙籤泛覽千箱之圖籍譽徹九重天子望推
啓雋類函卷七十二

輔弼元臣忽被流言遽興歸思日逍遙乎繡里每潦
倒乎綺園琴鶴雙清秋月春花爲侶詩書數篋高山
流水知音堪云海上蓬萊僉謂人間閭苑况鳳凰巢
于阿閣久誇八極之羽儀乃驚驚縱于丹丘復修一
方之人瑞父有作子有述文章經學淵源家爲孝國
爲忠德業世傳汗簡其爲祝頌曷罄名言念先君夙
忝同袍曾挹星標于都下顧孺子濫叨後進久瞻風
采于詞垣數年萍梗參商終日斗山仰企久稽候悃
未遂鄙私謹以鴻翔聊將驚臆伏願純禧薦至介祉
日新鶴表出塵佇蒲輪來于早暮龜齡長歲祝椿樹

紀于春秋揖司馬於耆英不數金莖玉蕙幸路公之
豐饒但看綠鬢朱顏蒼赤傾心冠裳引領統祈珍攝
百拜琅函

候教司成啓

平次失粘
稍爲移易

明王演疇

恩加東觀千秋呈五鳳之祥名起西清萬里慶一龍
之瑞斯文大幸儒道重光恭惟某官三台薦祉五嶽
凝符率道德以經邦燦典謨而華國羽儀肅穆應圖
書東壁之輝師表雍容重禮樂司成之任士類倚持
衡之力宸衷賔借箸之謀視昔加榮由今益美濟濟
漢庭群彥竟成玉筍崇班恂恂魯國諸生盡屬甄陶
啓雋類函卷七十二

鴻冶鏗錡乎辟雍之頌烜赫乎廊廟之歌由涉杏壇
佇登楓陛其最爾陳人眇焉豎子久跼伏于隼麋徒
勤向日謬跂昂于衡泰未愜披雲欲覲作聖之宮墻
尚隔封侯于山斗龍門咫尺敢攜問字之樽虎觀迢
遙願躡執經之履以茲羈縻下邑未能展謁崇階絲
綸渙發快景星彩鳳之呈桑梓瞻依效雀躍蛙鳴之
貢沐手荒箋愧心薄贊

候朱夢水少司成啓

明吳明郊

漢代重辟雍之化學講橋門留都興樸棧之歌聲騰
于萬國士歸陶冶一時名動簪纓恭惟宗師精鍾

漢水秀發姚墟家學遠紹于文公直接聖賢正脉科
名蚤登于天府洵為廊廟奇英三策射鰐堦輝聯霄
漢五雲龍鳳闕名綴詞林旋泛講幄以談經更向棘
闈而校士葩鮮玉映允司東壁圖書鳳翥龍盤借作
南都模範彩毫揮而波翻玄武絳帳開而氣壯鍾陵
禮樂三千為珪為璋總歸雕琢聖明九五曰疏曰附
佇見裁成皇鑒揆留士林歡躍其圭華寒儒簪紳末
品何意管中愚見竊祿于明時更喜斗下文星分光
于寒暑縱投歡臭味難言草木之同恨無幾睽離漸
見雲泥之隔自知疎賤敢溷清嚴特遣一介行人奉
啟雋類函卷七十二

候九閣福履侑函另具如鑒是祈

十三

請司成宴

請呂大司成宴啓

明羅棟

大儒華國昂藏碧落之林前哲垂謨趨步翠華之府
震雷初動值漢伏以俱驚杲日中懸喜光明而並耀
敷春暉于縫掖透秋簫于蓬萊久矣心齋愧非珍列
依然側席願聽玉談恭惟某官聲摩奎壁瑞應璣衡
騰騫嶺外之元凝厚朝中之望得扶輿間值之氣蓋
世推第一名流讀秘省有用之書滿腹窺函三異典
掃千軍于文陣茹古鎔今濬百聖于道源出神入化
祛儒家之障蔽培性學之根苗禮闈收入穀之英有
啓雋類函卷七十二

十四

作斯觀御策臨園橋之士吾道益尊某伏處重門獲
隨禁苑文在茲矣記瑣窓紅藥之詞禮由舉之設細
雨簷花之酌敬諏某日候茲爽氣用迂仙杯瑯蕭奏
而鳳凰來方為計日玉衡掣而麒麟至正在此時館
閣雄觀共詫德星之聚蓬瀛新筵均叨時雨之零

謝司成

謝喬司業改官

宋李 劉

伏遇某官道航聖漬材棟儒林左史讀五典三墳蓋將倚相國子學九德六舞暫假司成當江濤如此之時軫根本眇然之慮欲作成於六館以表屬於四方有淮者淵不嫌葭葦之衆言刈其楚蓋爲薪樗之儲况素出於門墻尤願承其模範某敢不尊其瞻視識所步趨雖漂火粉米之不同貴賤別矣倘藉繫錡金之可薦左右毛之

謝葛祭酒啓除國

宋李 劉

啓雋類函卷七十二

十五

掌故無文學之實正覺觀顏首善蓋風化之原猥容箝尾環顧其中未見可者先達之士爲之前焉欣然小官之不辭樂在君子之易事竊以授業傳道解惑也既立之師同寅協恭和衷哉必率其屬思昔呂正獻長成均之日實舉張橫渠居正錄之官今茲尋墜緒之茫茫詎宜用餘子之錄錄阜蠡草蟲非得其類奔蜂蠶蠋難奏爾庸如某者鹿鹿凡材魚魚末學賦資蹇淺迷高明廣大之天淵涉世坎艱多患難賤貧之日月漫焉未能信之仕淒其不足畏之年茲由几閣之文書躡綴橋門之冠帶出義皇過屈宋猶曰儒

術於我何有哉規姚姒逮莊騷尚聞諸生有笑干列者况無所挾何恃而前亦惟親大司函丈之間可以習小雅隸三之業伏遇某官以耆壽俊爲社稷臣天下之達尊三公難他遜君子之所教五帝曰汝諸資自治治人之準繩垂先覺覺後之矩矱天之高也星辰之遠也今幸立弟子之行陽以暴之江漢以濯之初何畏官長之罵某敢不尊其瞻視審所步趨商賄之有無計班資之崇庠殿不謂矣觀道德於後前願卒成之聽教誨於左右

謝劉祭酒啓

明徐 燏代

啓雋類函卷七十二

十六

望洋涯涘宜動出蒙之思就蔭扶疎應迦托根之始盈車旣得嚳敢忘筌炙背方暄彌慚負日恭惟某官清朝聞望昭代典刑吞雲夢八九于胸中搏扶搖千里而直上氣象汪洋浩瀚蠡澤爲襟丰標峻絕清高匡廬奪秀天葩雲錦絲綸馳翰苑之聲博帶褒衣師表重成均之望偶因讀禮才許過家雖楚留謝聖之基怡情玉局會卽兆商巖之夢注籍金甌其窮髮編氓逃虛曲士偶遭大冶值際昌期策蹕駟敢騁長途獲驪珠適當渴睡蓋免葵蕪麥幸逢雨露之發舒乃馬淳牛溲遂與參苓而並采洪恩鑄腎愧鉛錫之非

銘明訓在紳假鑪錘而自鍛困苦日窮途遠故三年
獨困寒蟻今知識淺才疎在百里維堪嚴邑蓋卑棲
小鳥掣肘難飛而涸轍枯鱗微汲易活伏願養鷺聲
之噓高揚岐嶽之鳴念蠅翼之微許附渠黃之尾庶
甄陶有賴不置顛越千眼前矩矱堪循或免椰榆千
道左聊將螳螂敬托鴈翎淵澤難酬寸衷莫罄

啓馬類函卷七十二

七

回答司成

答司成啓

明方應選

石鼓興歌名列鴻都之彥橋門環聽才空塵水之群
士類趨班吾曹推轂恭惟某官芳桂五枝明珠萬斛
摘華詞競看黃絹仰家抱曾綴青衿神龍不處牛溲
鱉序豈羈賢之地紫鸞高翔鳳閣成均乃奮迹之門
南省借光北闡得雋擬拜台儀而未酬夙志幸叨末
契而謬辱通家既莫逆于羣峰因見重于篁老雷陳
世講臨風相與論心孔李故交落月猶疑覲而茲承
腆餽輝騰肯藉之盤謹對尊俎香過茅片之澤退而
啓馬類函卷七十二

九

自愧受以爲榮

司成屬官附

答陳國正啓

宋人

昔年幸會親觀淡墨之名晚歲倦遊坐遠金閨之彥
豈謂不遺衰朽遠貺絨縑方塵容俗狀之可憎驚墨
妙筆精之創見執謙良甚懷感至深伏惟某官道本
師傳詞皆已出豹澤靡容於隱霧鴻毛果見於遇風
帝席夜前對宣室鬼神之間學宮晨入誨諸生行業
之勤諒無歲月之淹別奉絲綸之渥蘭臺撰著固將
平地以登焉玉殿論思蓋亦歷階而升耳願慎寶調
之術式符頌望之私其在惓惓曷勝言喻

啓雋類函卷七十二

九

回曾國正啓

學田

宋楊誠齋代

晉司樂正益重儒官盈几閣之文書久勤作主申庠
序之孝悌茲遂得師恭惟某官賦敵凌雲文成翻水
排空直上合登之白玉之堂取勢斜飛亦宜在青藜
之館茲以文學之掌故入爲國子之先生佇德成而
教尊必言揚而事舉某過勤投璧愧乏報瓊化民成
俗由學乎儀圖莫助傳道授業解惑也切幸自強

回李國錄啓

宋李劉代

知賢不早聊刻需章投轄相先足鳴謙德不知所報
藏去爲榮恭惟某官殖學精深摘文鉅麗早蜚英于

學省卽中雋于儒科固知几閣之文書難屈朝廷之
翰墨爲數旬客已光文學掌故之聯無幾何時果見
國子先生之入比者公車之牘豈其私室之恩過辱
臨存更勤異謝某無能報國惟有薦賢憑豐隆邇飛
廉雖寄聲之已晚登聞風歷闔闔猶刮目以相期

回丁學錄啓

宋方岳

得劉公一紙書知爲畏友笑邊生五經竒敢曰吾師
願從山水之間共尋文字之樂伏惟某官刊落訓故
深繹典墳歲貢鄉曲英已快雲天之橫鸚妙在言語
外當爲學海之老龍若徒擷其葩華恐自枯於根本

啓雋類函卷七十二

十

正不必泥古人之糟粕甚至於以箕子爲芟滋言觀
訓誥誓命之文要識唐虞成周之際庶乎有得奚患
無聞某枝止黔驢朴如鄭鼠鏘晦庵之遺響敬佩贈
言訪醉翁之舊遊倚需投分尚邀傾倒相與發揮

回丁學錄啓

宋方岳

某薄言采藻甚慚北斗之魁孰與藝芳乃得易東之
彥於樂泮水美哉儒風伏惟某官孤鏘雅頌之音過
佩文章之印秋天薦鷄行葦終無以易堯寒夜聚螢
問學當期於肖孔如曰咕畢而已何啻淫哇之爲詩
正而葩言綴其實溢爲翰墨豈瑣瑣於蟲魚深入性

情勿冥冥於蠅蠹審爾則一第之濶子將又有三年
之驚人某奚有師資喜於友直胸中國子監此言何
為及我哉心在醉翁亭暇日相與談經耳報瓊為禱
母玉爾音

啓雋類函卷七十二

三

京尹部

賀京尹初擢

賀趙京尹啓

宋王邁

羽儀卿寺彈壓帝城人望翕然知京尹之有趙上心
簡在果弄印以授堯輦轂肅清紳綬交賀恭惟某官
學精六典名冠兩科肘後有醫國方舌底出冰人語
不能枉尺為清要地而少留甘請一麾指瀟灑亭而
徑去隨上輔畿之最入陞台佐之華振領挈表糾正
列曹之淑慝調肺腑助鼎習為宰相之經綸明主居然
器之先皇留以遺我眷王畿之千里界帥閫之十連
啓雋類函卷七十二

少尹舊遊回首平分於風月神京新領致身已逼於
雲霄行將懾鴈鷺之玩而以威繩狐鼠之奸而以法
寬一分之民力散八郡之陽和簫鼓行春歡迓碧油
之元帥鈞衡虛左佇看綠鬢之中書伏念某淺學得
皮赤窮到骨初筮經行於湘水聊爾棲身至今悵望
於衡雲不堪回首十二載未書於三考兩千里來效
於微官受容受察之方新一喜一懼之交集竊傾心
於教誨更借力於提撕莫為之先儻少異衆人之待
當忠於主其忍效妾婦之容

賀趙尚書再留京尹啓

宋危昭德

伏審輟臨邊閫留衛神臯蓋京師諸夏之本根所宜
先固而公族王室之枝葉當務親承故府屈於一簞
以內資於經理青璫復舊紫橐增榮恭惟某官振振
之英溫溫其德言語妙天下機軸一家風采動朝端
羽儀百辟氣吞八九雲夢腹有數萬甲兵惟冕旒獨
厚於春知故輦轂夙資於彈壓方其始至已知游刃
之有餘比及重來尤覺輕車之就熟惠極羽鱗之及
茲無毫髮之容清不可干寧免求全之毀久而自定
益彰難掩之名况當規恢大業之秋可乏經濟中原
之手果膺異數往控上流然大臣不可暑行未容遠

啓雋類函

卷七十二

三十三

役知淮陽徒得君重孰與內寧因存司雨露之邊而
聽履星辰之上歡傳三輔豈惟竹馬之爭迎職復司
空允謂承明之三入展儒者已試之效佐君王內治
之規國本一強皇威自遠某謏焉故吏凄其冷官昔
一見遽違有負千里投公之意今已睽再遇豈無三
語爲掾之階信幸會之自天知命通之有日

賀袁京尹啓

宋王邁

听庭對策濫陪玉筍之門生畿甸效官復玷紅蓮之
幕府三熏子墨百拜帥籤恭惟某官一代宗師四海
英德挺身任重六轡背上之擎山定力鎮浮萬馬羣

中而駐足自任京國至位文昌華途清要者幾何英
轍周旋之殆徧贊壽台佐異時相業之胚胎臻美仙
源一代帝墳之潤色容與功名之會更閱理義之多
遠暑濟時振起過江諸賢之弱精忠許國對越在天
列聖之靈尹正神京榮躋版使東南之力竭矣帑藏
焦熬西北之事紛然待移旁午戚畹貴臣之盤據豪
民巨姓之根連得地大而雖可回旋去天近而尤難
展布任國重寄如公幾人當紛紜傾洞之衝每開暇
笑談而辦輦轂之下必先彈壓與列郡殊錢穀之間
不至廟堂有地官在若劉沆自尹而入爲相然張敞

啓雋類函

卷七十二

三十四

繼後者難其人屈壯猷旬月之間積蒼生霖雨之望
世道隘甚人物眇然首揆久虛行看黃麻之宣布修
名不朽要垂汗竹之芬芳伏念某殖學代耕賣文爲
活比奉槐風之對空臆盡言不知草茅之踈轉喉觸
諱向非借九鼎之力當不止三籌之輸副本既不上
於中書賤刺亦羞通於知己及星沙之贊畫俄風木
之銜憂年踰四十以無聞於顏有覩祿縱三千而弗
及此恨何窮人憐十載之棲遲天畀一朝之遭遇低
頭入幕教條必惟命之恭觸事面墻宦學賴得師之
益寬爲程而督責大出力以提撕不幾遺簪墮履之

微或有大呂黃鍾之重橫寶在道敢祈哀相國之知
倒屣出門自賀王仲宣之遇

賀趙京尹啓

宋鄭厚

鳴武城之絃歌昔棲燕厦被皇華之禮樂今傍麟符
密借吹噓再諧際遇十連作帥一道登車相望帝畿
實同王事賢者在上升其類協恭和果使臣受命周
於詢以小比大雖由熟路實乞餘波恭惟某官聖代
吏師宗盟元老同國姓故春生秋肅藏神武於不殺
之中乾轉坤旋杜禍患於未形之始鉅觴不設而情
得鈞距無施而姦銷權衡百物之低昂準則九農之
啓雋類函卷七十二

三五

賦歛人謂多多而益辨帝嘉休休而有容歷數京兆
尹以來誰能並美只恐大常伯之任未足酬勞某久
尋眷知游蒙汲引逢人說項更何取於師門爲國舉
張曾不移於薦藁方常平之弄印合僉論以廷敷思
不復見壽昌公私多病謂莫如召杜杞咨度非難顧
有忝於甄收偶不期而符合雖大造弗私於小物亦
先生垂意於舊僚念激濁揚清固京畿之甚急然移
風易俗豈庸儒之所能幸召公之燕棠尚存而潘令
之種花未遠得所依矣廣而充之有光於原隰間備
宣上意流化自京師始敬拜下風輒貢謝書莫酬賀

賀戶侍袁京尹啓

宋王邁

申命地官正名法從審國家之大計獨任剽裁因都
會之奧區增嚴彈壓南渙先皇之雨露亟開聖代之
風雲兩襟歡榮三輔燕喜恭惟某官神機而傑識風
裁以威儀不動如山法古大臣之魁壘至明似鏡燭
今天下之隱幽推京兆之無雙總苞農之至劇不移
尹正竟貳民曹莫窺泛應之奇爰被真除之寵竊觀
前代間得真才將大用以成格天之功必歷試而觀
醫國之手惟撥煩暇預有無不治之規模則康濟恢
洪皆可與權之事業是以經綸宰相不干章句書生
啓雋類函卷七十二

三十六

故元和之崔由戶侍而登天聖之劉自開封以拜然
特一器匪兼二難惟公幸省府以並爲其事蓋古今
之罕儔問三司則使副之職兼舉參十國則豪強之
風自衰賢君方需於賢臣聖王留遺於聖子攀鱗附
翼儼爲天緯之儲作用濟川佇副巖瞻之祝某微蹤
並塞頻歲驅輶良由托萬間而鎮凌雨之搖吹六律
以鼓潛陽之動自傳命綽如擢心旌知公望之皆歸
上疇庸而預喜松岳之函萬象或免伶俜泰階之正
六符終依造化

賀袁京尹卽真啓

宋王邁

民曹奏最卿貳為真經賦獨裁裕三司之大計神京
仍領寧十國之奧區廟朝一倚於論思省府兩優於
煩劇師言交暢天寵又新恭惟某官以嚴廊之材恢
山岳之望抽關啓鑰會融千古之經綸率領提綱神
妙百為之操縱用明以恕濟正於權通禮樂之淵微
贊謀謨之宥密範圍群玉犀利五兵推京兆之無雙
總扈農而有要不移尹正就亞司徒欲酬甚偉之功
姑拜直除之渥蓋縱橫泛應事幾者難為智而雍容
坐鎮雅俗者易為賢夫孰無堂上之書緋或中經首
之會惟批卻導窾之際遊天發矟則臨機制變之秋

格雋類函

卷七十二

三十七

決河注海所以斷大疑立大務必非取常士用常謀
你窺責實之規摹預卜濟時之勲業用流罔滯安靖
不移內如千仞之轉圜外若百雉之按堵一洗清談
廢事之弊盡革叔世好名之風聽履上星辰不能以
寸濟旱作霖雨惟乃之休其樗櫟無庸節麾久寄其
如杖竭不勝務殷雖故步之可尋豈後艱之必濟瞻
雲霄望河漢倘終履露之私貫歲月傲冰霜誓守堅
凝之操

賀張方伯進升京兆啓

明趙秉忠

神臯共極翼三輔之皇圖天府維京管九牧之青社
肅清輦轂眷言宣銅虎之符儀羽寺卿申命重玉麟
之篆自靡篤誠忠亮曷綜禮樂政刑恭惟某官嶽誕
斗樞地聯台象雲護邯鄲之璧鳴珂而聲振京華星
移博望之槎擁節而化行方岳甘棠帝日正騰南國
之歡鄉柳扶風入捧北辰之御紫駟上道光奉贊書
蒼佩還朝之釐神甸帝心簡在將弄印以授堯人望
翕然識鉅篇之有趙謁秉驂駕寧須鷹擊之雄聽徹
鳴鈴不改雉馴之化望三王而迭拜莫皇皇千里之
啓雋類函

卷七十二

三十八

畿齊二鮑以相承表翼翼四方之則某遙瞻旌節北
斗霄中祗畏簡書南雲天末踏紅輦路莫修燕賀之
儀望碧油幢姑致魚封之慶

賀遷京兆丞啓

江西方伯
陞應天尹

明吳恢

洪恩深被慶流飛鶩之區寵命新膺喜鎮蟠龍之地
歡傳三輔思切一州恭惟某官濟世才雄立朝人傑
文擅西崑之氣象學窮東海之淵源蔚懋棠而未翦
南浦雲飛紛騎竹以爭迎上京雷動仰夷吾之起江
左迂蕭何而入關中凡茲奉職之儔並有彈冠之慶

賀劉岡臺陞京尹啓

明諸葛昇

譽起雲屯扈六飛之清蹕寵疏天府莫三輔之黃圖
異命星馳坤垠雷動恭惟某官人寰冠冕卿寺羽儀
誕文章節義之鄉立道德功名之地是以明刑則覆
盆必照司銓則懸鏡無私典瑞虞廷輝金玉而爭皎
宣臚漢殿陋綿蕞以成文初擢貳於圉臺塞淵歌牝
繼大正乎罔御孰路駕輕人望翕然既見夷吾之在
江左帝心簡注特留蕭相以鎮關中壯皇皇千里之
畿作翼翼四方之則鉤簞不設高枕無憂發奸如神
謾譜漢興之趙由尹而相重逢天聖之劉某兩足薪
勞一心茅塞自慚驚質莫鳴噴於孫轅軹愧梓金真
啓雋類函卷七十二

受鑄於歐冶况既蒙寬其鞭策幸不即置之塹坑此
皆大造之曲成實亦微生之良邁謹隨燕賀用飾蟻
悰

賀陸大京兆啓

以方伯陸

明樊王家

澤深彭蠡雄藩夙重於西吳山擁秣陵師尹特尊於
南國高帝之寵靈猶在號曰陪京聖明之眷注方殷
戎有良翰國以人重民具爾瞻恭惟某官羽可爲儀
星分太白存者神而過者化舉楚江桂水到處甘棠
武爲緯而文爲經雖女子婦人亦知君實至於三江
五湖之地猶屬父道觀成惟是西山南浦之間不啻

聖公如歲憶數年之綱紀坐鎮凡我多方多士真所
謂推赤心而置之嗟兩載之水旱焦勞若茲匹夫匹
婦其誰非起白骨而肉者德莫大矣功孰高焉即今
京兆晉階未足酌价人維屏大邦維翰之績維昔江
干下吏烏能已高山仰止景行行止之私吊六代之
繁華典刑不遠荷一人之寵渥福祉攸同某力不從
心罪難擢髮獲藉二天之厚蔭倖逃三載之黜幽瞻
此殊恩真成再造身非木石敢忘履載之功誓此髮
膚不負乾坤之大忽聞新命曷已私悰喜坐鎮之有
人不須假黃金厭氣感曲成於知已更難將白璧投
啓雋類函卷七十二

時薄抒燕賀之忱長盼龍蟠之時心有懷而莫諭儀
及物以何能倘此生尚存頃刻荷台臺之賜祈寸衷
見納始終銜國士之知不盡揆裁統惟鑒炤

摘京尹雋語

珣戈錫盾聊分幾節之榮簞弗錯衡爰促介圭之觀
謂游刃解牛輦轂之下先彈壓想虛弦落鴈樽俎
之間可折衝以長安諸夏之原視商邑四方之極
必得翁歸之公潔仍垂廣漢之聰明眷王畿之千
里口帥閫之十連神臬共極翌三輔之黃圖天府
維京管九牧之青社

上京兆

上江東張帥啓太守上應天 宋周必大

三逕就荒未決歸田之計一麾出守誤叨乘障之恩
已詎龜卜之良祗佩魚符之寵伏念其學雖有志才
不適人少也孜孜翼翼事功之立老而碌碌但慚廩
稍之糜昨忝風憲之糾繩謬替露門之誦說自知無
補力乞投閑荷上聖之曲憐假附庸而共理幸居巡
管庶道譴訶恭惟其官蚤繇一德歷事三朝紫微屢
告於辰猷青瑣旋升於夕拜雞翹豹尾六卿居法從
之先井鉞參旗萬里折遐衝之侮久袖經綸之手益

啓雋類函卷七十一

又三十

勤啓沃之心符刻玉麟暫付陪都之簪鼎調金鉉即
遊揆路之沙其猥以孤蹤仰依巨蔭惟是桐川之偏
壘號爲江表之陋邦財賦匱窮封沂徧小絕長補短
尚不足于平時送故迎新矧數更於長吏深虞謝薄
坐致顛躋正資大府之教條用作屬城之矜式居如
何武諒無赫赫之稱疎若班超願展平平之策旣依
之至數述奚周

上陳五岳京兆啓平久不諧 明成於思

東風一道喜鵲錦之生花元日十行慶麟袍之疊繡
德星拱照台宿流輝拊洪熙建業之神京恩光赫奕
樹慶曆循良之偉績人品巍峩一介施先七襄恐後
恭惟其官文江燦爛學海澄清負宇宙之志爰重中
權演洙泗之流式光前轍瑞編玉牒參天上之神仙
紫界粉牆隔人間之風雨司牧典在循良之文獻可
徵宣詔時乘昭穆之聲猷孔邇瓊基累秀續遺響於
先秦兩漢之間玉翰驚鸞挺雄姿於泰山黃河之上
荆俗相傳於佳話蕭規幸續於前修名追漢郡之三

啓雋類函卷七十一

三十一

公惠鮮神州之八邑高山蓄洩有潤澤萬物之功太
極渾融無運用一陶之迹仲舉之軾廬愛士次公之
投轄留賓入境則風動鍾山下車則惠流滄海雲閣
森嚴上接神虛之府天困明概下臨牛女之墟遂晉
駕行特超居於紫府遴參京尹姑借重於白門陽翟
歸耕徂來作頌廟廊比笏相賀都鄙遮道具瞻其張
塵馳轡強赴賀牀載醺醪之清指玉麟而爲壽翹斗
樞之紫篋金鵲於方來久矣望歲際此行春偶懷執
鞭之慚曷勝循牆之懼賦雲山之江樹向日追隨磨
石室之蒼苔不勝持贈

候京兆

候汪京兆座師啓

明蔡復一

一違立雪遂失坐風桃李無言既慚榮木門墻數仞遙隔升堂惟是憂草之可懷不與曆賞而俱落其間葵之在陰也心必傾旭川之阻坎也勢必赴東豈以生三之義敢護終身之戴所恃老師銅山母鍾在遠猶應其聲靈磁孕鐵雖岐固吸其氣自可於疎而鑑密積久而彌親矣太乙蓮花逃矣天上渚蘭汀正悵焉騷人長江直接金陵明月遙懸澧水諗知我師京兆之政遠掩三王謝公之墩近招太傅帝瞻舊都同

啓雋類函

卷七十二

三十一

洛誥之留後人依赤舄歌九戩之歸朝其所為佇日月以繪常徵星辰而聽屢者也若乃探竒牛首懷古鳳臺雅亦表名尹之多閒未足揚大臣之鉅畧矣其拙無適俗之韻陋乏緯世之才蛟負易齊颺窮何補恐速官謗以泰師門伏惟軫其迷方賜以發藥有造之德匪所望於他人惟疾之憂想倍勤於弱子

候王京兆啓

由方伯

明王德純代張太守

帝里維巖陟周師于四岳公門如水同禹室于三經甫欣蒲馭之來又悵袞衣之隔懸神北斗瞻美西方恭惟某官苞秀仙江槎光二千石公清白標竒天岡

柱似六一居士文章遂褒歷試之賢寄崇班于牧伯更念首藩之重煩專轄于保釐宇中惟京兆作具瞻天下以留都為根本乃宣屏翰爰鎮金湯六遂無雙堪卜彤庭之稷契三王可四何稱青史之趙張端亮清強豪右會須欽手恩威愛訓間左應知慚心其自慚抱拙懼孤約束之勤誰意包荒過沐吹噓之愛是以私衷雀躍真托質乎二天旣而榮遇鶯遷頓違顏于兩地有懷軫結無限馳皇盼度紫以迢遙冀垂青而終始

候王京尹啓

由方伯

明金璋

啓雋類函

卷七十一

三十二

神都領四方布宣是賴內史冠羣牧表則攸司詎銀章幢蓋之增榮繁公正方嚴而愉快驚飛悵望燕輔渠軒恭惟某官間出異才殊倫爽氣鳬鳥幾壞天下鳳書始捧日邊邇自靈雨于冶城隨瞻福星于載路某嘗竊餘光于東壁爾乃濡飛沫於西江盱眙省之旬宣家家畏壘槩桐封而泳德噴噴川陵政聲溢乎江聲天聽自我民聽輟茲行省尹彼維京假之恩威代銅虎以待玉神于發摘洞採難乎挽鈴市無稽質之緡圖有生桃之櫓三輔之最未課四如之謳已翔視所稱經術之與和顏嚴霜之與冬日此數人者猶

一快乎真前尹之無雙而後王不足四也凡屬卵翼
莫不瞻依璋璽則吹竽人業置之瓦礫猶然誦治我
且必爲鎬鈇是誠不祥之金誰享既散之帚所巧齒
牙餘論始克有終庶幾拂拭承恩澀能轉利豈鞭長
徒以策馬而井舊遂應无禽伏願玉鉉蚤調沙堤新
築軼參知之京府几几休休繩盛事于開封振振

啓雋類函卷七十二

三五

請京尹宴

請林太師京兆啓

明謝廷諒

紫曜禎符聖王啓雲蒸之會華封慶祝真人應星聚
之占陳桂醕以駢羅染蘭襟而馥郁快瞻熊軾喜洽
龍門恭惟其官驪穴騰輝鳬鍾警曙吐榮光於貝闕
業綜人倫振麗藻於瓊筵學探帝載經傳東魯瓌林
推載牘之繁教演南雍璧沼擅講帷之富士切斗山
之望靡不歸依人叨月旦之評多所成就惟寒孤竹
澤覆耳棠國課循良價重盧龍之塞家傳藻績譽高
金馬之庭桂靄連雲族成羔鴈蘭芬裊露世覩鳳凰
啓雋類函卷七十二


三五

請石京兆啓

明顧允元

樞筦神京瞻鼎鉉之在望錦騰故里聳斗山之具瞻
廊廟懸尚書之履聲仙駟遄發粉榆獻野人之芹悃
賓席肅陳龜告吉于廿辰燕預則于八簋殷勤掃茅

徑開天上三台薰沐啓儒珍奏雲間五色揭星辰于
俎豆鎮泰岳于宮牆竦爾駿迎賁然鴻漸



啓雋類函卷七十二

三六

謝京尹

謝京兆公答

爲柳

唐李商隱

師襄鼓缶或近觀人和氏搜珉能無驚物跪受高命
莫知所裁某藏豹不堅雕龍未巧徒承庭訓遂廁人
曹比衛家之一兒天懸鵬鷁望鄴中之七子風逸馬
牛已忝決科敢思筮仕伏惟相公以仁義禮智信爲
基構用溫良恭儉讓爲藩籬堯時則業貫夔龍殷代
則道符尹說入秉文教出曜兵權揮神鋒而劍合陰
陽述雅詰而筆開造化況天有井絡地稱坤維控三
巴百濮之雄帶南詔西山之險人稱奧府帝謂殊藩
啓雋類函卷七十二
三十七
固已廣集豪英用資參佐玳簪珠履綠水紅蓮成籍
籍於淮山致憧憧於燕路若某者徒將慕藺何足望
回又安敢拂其塵埃加以冠履伏思相公直以大人
頃居班列獲奉恩私羅照葉於驪淵覲歸昌於鳳穴
未見其可處之不疑曾不念木朽石頑雕鐫莫就揄
暝豆重性分難移古人所以有以榮爲憂受恩如敵
斯言之作珪也有焉今月六日辰時輒奉辟書具聞
晨省仰承嚴旨便定行期而又內奮弟兄外誘交友
傅翼類虎生角如麟事誠實於顯榮勢莫知其報効
尚須旬日方拜旌旄唯當洗心爲齋延頸以望持干

尋之建木想像環姿周萬頃之澄波比量曠度載恩
揣已授命依仁神之聽之百生如一

謝趙京兆啓

辟準

宋方雲翼

贊員唐府倏逾瓜及之期辟屬漢庭遂玷連遊之衆
最訝謀身之巧獨銜知己之深亟奉贊以趨庭仍低
頭而入幕伏念某賦姿不韻殖學又荒折桂未償固
已負先君之訓負米求任尚不免慈母之懷荷大尹
之兼收憐小人之爲養以龍斷之賤役廁烏府之後
塵庸庸效紙尾之書寂寂無幕中之辨辱灼知其底
蘊似蓋喜其靖共審臬事虛席之餘俾謫材越俎而
啓雋類函卷七十二

啓雋類函

卷七十二

三六

越格之理安能效國士之報所願死執事之門茲蓋
伏遇某官有召畢之元勳兼尹張之能事宰司徒
之重印繫繫其相摩扶風馮翊之雄刀恢恢而不頓
豈有出其右者乃欲擇而使之遂使孤生得陪下客
某敢不仰師萬一期補毫分甘旨所以慰倚門之思
醜拙想不招入官之妬幸甚三爲屬吏矣似是結宿
生之緣勤子至一他人乎固恃爲終身之託感深言
淺詞拙情真

謝京尹啓

薦舉

宋王邁

啓雋類函

卷七十二

三五

垂登政途預聞大計回顧幕府猶有遺賢乃亟上於
薦書頗見駭於衆聽謂如某者獨何人斯技旣背時
宦又無譜盡忠所事妄希一鴈之鳴直情而行久犯
羣狙之怒才疎而意廣位卑而言高徒恃方寸之無
他不枉尺尋而苟合直鈞落洛分甘月滿於空船翠
袖怲怲誰念天寒而倚竹寧人不顧耻已自媒此心
常質之神明一語不謀之妻子敢謂袁公篋櫝之寶
尚歎未盈顧如王儉豫樟之材忍令終棄不求而獲
如聞爲疑及觀寵譽之過情乃謂持論之不懾伏讀
至此感嘆久之昔嘗以子大夫之對而見褒茲又以
老門生之名而併錄裴度賢相猶忌劉蕡之直言曲

江名臣且嫌嚴挺之苦勁今執事屢優容於一介其德量殆遠過於二公茲蓋伏遇某官昔大臣之盛心新天子之良弼八年京兆棠蔭正濃一時門人李蹊幾滿懸鏡於此妍醜凡閱幾人落筆之餘精神在末一點不必論非聃之同傳姑自喜晏范之全交某力尊所聞自許不叛敢望先華而後實惟當老壯以窮堅三十年讀書幸已入士林之目千百人執贄毋忘下白屋之心

謝京尹啓

署京教

宋王邁

隨羣幕府愧無贊長之謀共貳京庠冒犯爲師之戒

啓雋類函

卷七十二

四

十載李蹊之猶舊一朝片水之復春士論榮之德念深矣惟王畿之學校近天子之辟雍爰自邇年允爲遴選矧富大比尤異常時英俊滿門皆願卿大夫之勸駕師儒有闕詎容妄男子之代庖如某者位置最卑迂踈尤甚十一載未盈於兩考二千里來效於微官碧油幢下之多才如麟斯集白面書生之不武乃蠲其間累月于茲一籌莫畫燕然休息豈不謂之素餐斷斷無他正宜束之高閣獨於朱墨應酬之暇猶及卅鉛校勘之功忽蒙金管之特書俾卽贊官而代匱豈以遺簪之與墮履曾出門牆故由濁渭而入清

涇獨私造化嘉與吾黨獲預斯文兜園活計之久踈依然入夢鴉泮好音之見遺應者同聲靜言思之孰主張是茲蓋伏遇某官經綸道大康濟功高七八年尹衆大之都幾萬戶拜生全之德拯饑救溺善推禹稷之盛心摘伏發姦不用趙張之小智虛懷以接僚屬刮眼而念孤寒致使么微屢經題品某敢不誓堅素履用答洪知人之惠在好爲師自知過分友旣信乃可獲上益務盡心

啓雋類函

卷七十三

四

謝張京兆餽年禮啓

明張沛

上日載臨曝背方依夫煖暖下風爰處開襟佇受夫
微和忽承行李之傳猥答獻芹之舉美分臘肉空庖
喜得肥豚芳播春醪破甕驚添新蟻匪直滌沾于匹
士且因飮及于群人敬託歸伴聊通謝狀醉心莫報
願移柏酒以近傍御筵引領奚勝析揭桃符而高懸
省闕

啓集類函

卷七十二

四

京尹屬官附

賀袁貳守權南治中啓

明王德乾代

詰戎司馬棠垂寶婺之陰翼尹蟠龍竹擁金陵之騎
時雨旣霑仙窟春風先到皇都恭惟某官楚有材而
獨冠文標石鼓之奇燕始築以崇登名燁金沙之雋
幹局冠江南監刺威稜雄海內蒐兵迺根本留畿莫
劇于居中治事而贊襄京兆尤難于爲衆掌書厥任
匪輕遴公獨稱拔人識朗當符柳伯騫一謠作史才
高何待習荊州三轉忠心匡闕正色當朝某結蘭汝
上斗仰殷懷叨李柯中天緣數侍或鄙人趨叩開尊
啓集類函卷七十二

四

吏日月緘存

宴蕭京推啓

明吳守道代

恭惟某官儲精當射斗之域發跡應聚奎之期執憲
留京夙起烏臺重望觀風行部不揚多繡先聲儼
駁之躬臨霜威凜凜宛驚軍之明察風度昂昂擢
道之憲符振百司之綱紀綜名核實嚴案牘之勾稽
問俗采謠悉閭閻之情狀文星聯福星並耀一路衣
被清光甘雨與化雨均施四民胥沾潤澤允矣存神

過化亶乎良邁奇逢者也其猥忝山城之職守久欽
京兆之聲華仰三瑞於上台執鞭無自導雙旌於下
邑負轡有緣獻簿書以質成僭千雷覽守管籥以待
命幸賜海涵心切葵傾願言芹獻緬裊身貞肅莫罄
私覲之儀而爲國賢勞式舉公筵之典謹洎某日薄
潔鶴觴祗攀鳳轄拜稽上壽效素悃之微茂對怡情
撫朱明之運庶幾聆金玉之誨匪直增俎豆之輝

啓雋類函

卷七十三

四十五

啓雋近體卷七十三

類函八下五

東吳俞安期羨長彙編

上饒王嗣經曰常同輯

建武鄧羨遠遊訂定

藩司部

賀布政初任

賀辛福州啓

宋周必大

擢從藩郡盡委連城尺籍伍符新元戎之節制油幢
畫戟增舊履之光華恭惟某官浩氣積中懿文彪外
早以剛方之操揚于諫諍之聯疏屢紀於皂囊歲尚
留於丹宸仲山補袞惓惓惟王道之陳佐治辛毗引

啓雋類函卷七十三

裾挺挺有祖風之繼久抱江湖之興比陪簪纓之遊
方觀接武於夔龍乃復希蹤於召杜謂一圻敷政飛
黃蓋於重藩故八郡宣威分紫薇於外省事權加重
眷獎彌隆惟望實之素孚諒撫綏之有裕民之攸暨
既興豈弟之謠王曰遄歸卽造弼諧之列某傾風惟
舊託庇在茲幕府弘開悵莫陪於賓謁緘書遠致姑
自竭於誠心瞻詠于中敷陳奚究

賀韓安撫啓

若令方伯

宋李廷忠

輟自計部易昇帥權天上隆名已近三臺之日月淮
邊巨鎮實雄九郡之山川建令聿新提封罕廣恭惟

某官量陂宏深氣岸高雅胡中召之弗就惟外勞之
是宜方聞駒轡之及郊又被麟符而分闕帝亦念馳
驅之爰備見長才公其當屏翰之雄庶觀遠略父老
毋煩於瞻悵土疆復在於按臨大府肇開殊邦震竦
云是軍中一韓之後足當淝口萬師之強隱然金湯
照乎草木使邊民高枕而卧宜天子側席以思高牙
大纛未足爲公榮喜家風之故在玄衮赤舄入趨於
王覲知相業之有傳某初匪師模久茲客食守與突
而稀白日方切照臨哀窮涸而轉清波遽蒙援引既
千載之見遇忽二天之寢遙雖難忘戀軒之情其敢

啓雋類函卷七十一

二

廢賀厦之禮惠沾丹鼎幸已令鷄犬之皆僊誠寓素
書悵莫與馬牛之下走永言傾向未易占陳

賀京西柴安撫啓

宋

出綽疏恩建麾作牧整皇華六轡之馭績用有成繼
元戎十乘之車部封如故隣光所照邊瑣不驚恭惟
某官特立之儒間生於世斯道拔俗雖泰山不足以
爲高以才濟時如大海莫知其所止涉筆清嚴之署
剖符險要之區居邊方何異於立朝察郡最允宜於
刺部公之素蘊帝所深知總獄訟財賦之司多多益
辦任禮樂詩書之帥綽綽有餘華之以延閣之名重

之以遠城之寄且召公開國分西陲而有稱使孔子
相王爲東周而亦可其阻陪前武喜聽先庚紀登臨
峴首之碑名流相繼詠控帶荊門之句大庇焉依其
爲欣翹罔罄敷叙

賀辛給事出鎮啓

宋

恭審先奉制書就升鉅鎮雖殿藩猶屈於經綸然親
擢益知於眷注道路歡欣縉紳頌歎伏聞先王相我
後人上天爲生賢佐若時大任之降將啓非常之元
周公居東歸相成王之善治謝傳高卧晚爲江表之
宗臣勲名卒至於偉然物理殆非其偶爾恭惟某官

啓雋類函卷七十三

三

氣守剛大性資方嚴其在朝廷有金玉王度之益其
位岳牧有股肱帝室之勞指朋黨於蔽蒙膠漆之時
發姦蠹於潛伏機牙之始庭叱義府面折公孫可否
一語而不移利害十年而後驗人服其識家誦其言
皓首來朝方共推於宿望丹心自信寧少貶於諸公
洗鄙夫患失之風增善類敢言之氣俯仰無愧進退
兩高自昔論世之盛衰莫如置相之當否譬猶震風
凌雨之動地夏屋愈安鴻流巨浸之稽天方舟獨濟
人望所屬國體自尊今者大明弼亮之勲正席辨章
之任守文致理將見隆古極治之時應變制宜必有

仁人無敵之勇聖主以此屬元輔學者以此望真儒
行或使之天所命也其猥以孤遠辱在記隣如其少
道衣食之憂猶能領中興之盛德必也遂老江湖之
外亦自號太平之幸民窮達皆出於恩私生死不忘
於報稱

賀朱丞相起帥紹興啓

前任

宋汪應辰

輟從經幄就領帥藩還秘殿之隆名建行朝之巨屏
逃聞新命同極歡心恭惟其官德茂儒宗才優王佐
高明淵懿之學素博極於羣書疏通雄傑之文獨兼
全於數器名宣宇宙會感風雲偏敷警彙之華亟拜
啓雋類函卷七十三

四

鈞衡之重遭時多故能人所難夷狄長驅而談笑救
寧當匹馬渡江之日兇渠作逆而從容處決成五龍
夾日之功忠嘉昭宣識量宏廓又淹留於湖海實注
想於宸旒衮衣繡裳方趣還於北闕朱轡早蓋聊惜
重於東郊諒亦假途即還揆路某受知頃歲阻濶有
年蚤荷鈞陶采及非封之下比交印綬實慙棟樑之
前承教匪遙向風竊并方炎職之在候屬旌騎之戒
塗跋履之間節宣是禱

賀衛參帥啓

宋李

劉代

壽咨舊鼎出牧价藩泰階六符下照星沙之地元戎

十乘大開天柱之雲前茅甫臨全楚底豫恭惟某官
洪深而肅括明允而篤誠魁下三台付榮進於素定
胷中五色補造化而不言由陋地以養恬爲二天而
出守辰猷定命聯漢殿以通班甲令著忠盡衡山而
賜履玉麟訢合竹馬歡迎令湘安流使獄修貢政平
訟理而無愁歎聊寬南顧之宵衣國小地狹不足回
旋即徯東歸之畫錦某濫揚前批幸及戎爪以望君
如歲之心願言叱馭然用汝作霖之命猶恐追鋒

賀聶侍郎除制置啓

宋李 劉

躋班禹閣宅牧蜀都輟言語侍從之臣盡護諸將藉
啓雋類函卷七十三

五

文武威風之帥式遏四夷渙號風行坤垠雷動恭惟
某官氣噓海岱胸湛水霜善刁遊肯綮之間金牛立
解意匠淡經營之表凡馬坐空惟其日千里而有餘
是以歲九遷而無憊鸞臺鳳閣積彌綏輔贊之功
陛雞翹弘獻納論思之益上矜遠服中遣近臣弄印
無以易堯爰峻西清之職披圖指以示禹俾圖比伐
之功惟真學士象十二月之班而大府帥總六十州
之重徽猷匪茹須方叔之壯猷皇帝曰嘻命崇文而
奉詔不但洗岷峨之愴又將蕩秦隴之妖玉壘既安
金甌必啓某五年承乏百伎已窮賴公爲父老而來

許我託子孫之契田間索粟看即騰新尹之誇門外
種瓜便可遂故侯之隱

賀泉州陳尚書啓

林下召起牧伯

宋人

恭審顯奉璽書起臨藩府廟堂虛位固宜大老之遂
歸岳牧得人聊見太平之有象恭惟某官道參聖域
德貫民彝下視諸公負元龍湖海之豪氣獨尊九牧
擅諸葛宇宙之大名風雲自際於明時金石靡渝於
素履超然去國之久綽有高世之風雖力避寵名亟
欲急流而勇退顧眷求舊德未容袖手以旁觀姑暫
起於名邦即延登於政路某久達德宇喜聽除音承

啓雋類函卷七十三

六

顏接辭恍不殊於曩日質疑問道尚自慰於窮途

賀王藩伯啓

由樞密使出藩司

宋人

起西掖之舊圖南紀之安榮戟一臨旄倪胥慶眷言
下國本隸大邦山帶衡陽倚荊州而成賦地瀕湘浦
浹湖水以朝宗盍通執訊之書少展附庸之敬恭惟
某官德尊一世學貫六經正大規模由家傳而自得
剛方節槩逢主聖以彌彰言揚於侍從之時弼直於
贊襄之日宜其入相何乃出藩昔爲吳蜀之必爭今
距京畿而甚邇他人蒞此惟平政訟理以安民宿望
臨之諒器備車修而復古佇聽晉公之伐蔡豈徒王

聚之依劉某自歎衰殘正斬歸老譬諸西燕久寄興
於東流曾是南貧暫分光於北富瞻依依備極頌詠難

周

啓雋類函卷七十三

七

賀張方伯啓

江西

明王世懋

門下文武兼資才誠兩合經濟之略既顯敷歷之望亦深識者謂當擢擁旌旄入亞貽茲而歷自外虞之長序爲右伯之遷此但可爲大邦之梯豈便足稱優異之數所可爲邦人賀者藩臬三命不出豫章之城而尤爲下情賀者首尾兩年再奉同寅之末實斯民之多幸爲知己之餘光心竊鳬藻而歡身當雀躍以賀顧封疆之是限僅篚篚之代將

賀梁方伯轉浙江啓

明蔡復一

鳥集外臺獨坐澄清江漢鳳輝行省先聲鼓舞湖山

啓爲類函卷七十三

九

奮袖而升彈冠相慶恭惟某官鴻濛宰紫象罔探玄襟期與秋月齊明意消鄙吝音吐將春雲比潤風動敦寬孤鶴摩霄則纖塵自遠六齋戴嶠則萬波不搖中秘讀必有用之書掖垣言皆可行之疏善人生氣直士動容百粵之英人倫推其鶚表三韓之使文價重於鷄林簡旬服以立監終荆邦而陳臬騷歌蘭芷草木皆芳楚貢苞茅衡湘受職孟方圓而水肖聖治群僚日夕夏以景殊陰陽百物卿材無右何地之足煩公望特崇乃崇藩之更試冠猶我多帶已橫屏觀浙水之潮應歌二伯攬吳山之勝盡領諸侯翠羽

列屏方梁雲霞之彩紫微護署即開旌節之花讀牧之虞書兼增楚重詠价人之周雅可卜越肥其駘斬朱方墟虎素約聆出綸之甚寵覺捲書而欲狂雖鵬運垂天頓失榆枋之翼然鷄壇除地詎爽車豈之盟敢托江魚聊旌簾燕

賀浙江廉使轉本省右轄啓

明王德乾

首藩寄重魚圖稱海國之雄秉憲功高鳳詔陟岳索之貴知天心所特眷仰地位以逾尊敬聽新綸歡騰舊部恭惟老師道攬江山之勝文彪日月之華潤澤七閩拔茅茹而連彙緣偏二浙慈棠樹以綿陰度崇

啓爲類函卷七十三

九

臺有浩蕩恩波本挹無涯而酌無盡恐當宁且褒遷卓政難卧其轍而攀其轅何幸高天之聽能卑階峻而旨不易窮部之幽見燭署更而惠乃常淪爰登訪之賢即俾保釐茲土撫龍飛鳳舞長中書統轄之司綰鶴繡犀鑾據百辟承流之上大小臣將載霜其兩東西郡遂相慶如雷三命三加未艾元公之寵萬情萬里爭呼聖主之明某義激在三仁衡寡二成我等生我托桃李于公門恩斯復勤斯未非封于下體長居虎守之下曲賜溫噓諸列負璫之中獨叨異數是以送朝天而戀戀聞接畫以欣欣肅馳行李以

樞府敢迓棲梧而指顧

賀張道尊陞本省方伯啓 明楊天清

夢延魏闕使星拱辰極之輝恩重宸旒卿月荷敷階
之寵泰交運啓晉錫時隆恭惟某官東甌挺瑞華蓋
鍾靈二酉胸羅濟文流以接蜃川之水三冬學富綴
甲第而蜚歸視之聲歷任筆太史之循良榮遷膺臬
司之重寄治以不治刑罰之教化彌深爲而無爲淵
衷之經綸妙運有功平恕時賀秉憲之祥鸞定國寬
慈適觀大門之氣象衣冠萬國班行頌帝日之華繡
憲雙輪自粵望皇都之境非曰賢勞我獨將謂陳力
啓雋類函卷七十三

賀吳臬司轉本省右轄啓 明許以忠

天下治平第一虞廷覃寵異之恩主上錫命惟三越
國進旬宣之爵棠陰仍龍舊座薇垣重飭新綢綢戶
歡呼屬員慶躍恭惟某官精神旣水閣閱延陵心不
易千金清著詠泉之句誼惟重一諾芳傳挂劍之名

助因賞鑒於重瞳秩遂轉遷於方面蒞屏藩而增壯
環品彙以歸靈峰從天外飛來擎作一方保障潮向
海邊射去潛消兩浙狂瀾騎竹迎來快覩寇公之再
借宣麻召處還看裴相之榮登某維梓時人求芻屬
吏嘉音邸報歡聲隨燕十呢喃錦里書旋春色絢桃
花燦爛瞻依孔邇馳戀殊深顧拙計全實頌驪陶
之德而薄言獻少申稱賀之私

賀周達菴右方伯啓 湖廣 明蔡復一

王風漢廣侯績崇耳化皆自西而南行人則以周爲
楚重惟此介藩屏翰真同雅什旬宣奉帝曰咨率僚

啓雋類函卷七十三

咸式恭惟某官宇宙在手造化生心太乙標地肺之
靈文吞精而盈緯巨靈拓仙掌之武才擎嶽以經河
棘聽盡雪民冤版輸力清國計保釐宅洛陳臬方振
干東郊文武憲申揀邦重綏乎南土兩赤畿而外湯
沐兼賦三都五神山之中衡和更羸一獻自非道光
豐鎬總百一之秦關何以望震荆江吞八九之雲夢
况乃新履實惟舊遊鶴繡屏璽環擁扶節之父老熊
旗隼軾猶認騎竹之兒童百辟自喜事我公兮分暉
蔽旭兆黎相告果吾父也待澆黍膏先聲攝湘澧以
澄波餘采被芷蘭而生色某欣依化冶阻綴賀裾盼

移鎮於梁園遲披秦鏡想登樓於鄂渚渴飲周醇敦
云和伯氏之填竊顧師大匠之矩非中郎之流水孰
發響於梧桐汎濂溪之光風但馳誠於登笈

賀劉陶字方伯啓

湖廣

明蔡復一

長江經楚岷峨邈天漢之精名世翰周方召振雅歌
之業新牙壯色舊部騰歡恭惟某官華胄連天玄聰
啓日夜光吹杖秘枕皆子政之書春岫凌雲藏山即
長卿之賦指桃葩而問洞欲出秦人歷金碧以探奇
真誇漢使楚南滇北香火堪壽於萬家銅柱在甘棠恩
波不讓乎千古入歌介圭入觀宜留康國之侯帝睠
啓雋類函卷七十三

十二

湯沐名都猶崇處外之相天臨四嶽伯長諸邦蔽省
總中書寧止操邦之申甫花源尋賜履相傳前度之
仙郎擁竹馬於并州果吾父至瞻遵鴻於渚陸以我
公歸赴劉郎十部未煩歌陶使重來相慶某欣依化
冶阻綴賀裾儻孤踪可托依劉或一字未嫌拔蔡螭
螭辨雅逢博物而自嗤驪頤得珠冀餘光之分照

賀柴右方伯啓

湖廣

明蔡復一

群后肆觀天嘉獨坐之臺介人維藩星照南巡之岳
舊知合劍新寵彈冠恭惟某官靈擅八區才雄九與
儀峯玉立巍然運嶽崢嶸唾霧珠流沛矣龍門浩瀚

探道樞於太乙望震關西扛彩筆於巨靈聲摩殿上
經綸駿發皆胸中有用文章謀斷鴻施真服底無全
批擣國計民生在念版曹已抱先憂岱雲重嶺重裁
行車即爲管澤總三義之綱紀入奏垂旒念七澤之
宜特煩摯領俾倡炎方之群牧蓋統全楚之諸侯
賜宴方新選帶金莖之露題綸借濕親披香案之雲
懷音而江漢參衡爭翔雀踊奉令則軍民將吏相樂
騶言况鴉尾原接鴉首之驪而迴鴈即通落鴈之氣
秦關百二果吞八九雲夢以無餘翼軫光輝行正三
兩階符而有耀某附欣尾驥別悵爪鴻惟喬遷爲率
啓雋類函卷七十三

十三

屬元僚廁同事寅恭之末在故典實中書行省慶異
姓兄弟之榮右之惟其有之敢歌采菽愛矣遐不謂
矣冀念隔桑未忘聽樂之遊何幸聞香之化提衡未
矢於隨斬紉佩聊托於吹簫

賀劉左轄晉川啓

湖廣

明

楚都地重連七澤而控三湘岳牧位尊率群僚以貞
百度新綸特簡舊屬騰歡恭惟某官才優經濟學貫
天人初依龍象之光嘗握螭頭之筆北門東觀既蜚
卓犖之聲青瑣黃門載騰直諫之譽振文鐸多士悉
歸模楷持漕運少府忽觀克盈帝思江漢名藩實爲

湯沐重地五熊開
若耄若倪冀登祗席其心實
趨敬將尺疏聊表寸虔

賀楊方伯啓

明王兆雲

崇舍覃恩方茂保釐之績徽垣正位益崇屏翰之勛
九重之綸渙鼎新三楚之屬員豫躍恭惟某官醇忠
勁節貫金石而通神明雅度冲襟涵日畿而包月蟠
光奉宸恩榮膺簡命三湘七澤長中書統轄之司鶴
繡犀輦據百辟承流之上就熟道而駕輕車瞬息自
騰於萬里遇盤根而別利器光芒立煥于層霄某備
啓馬類函卷七十三
員屬吏溷跡簿書併蒙恩渥雖同雀躍而歡堂陞分
懸未敢息趨而謁敬申竿牘用表芹葵仰冀游涵曷
勝淵惕

賀陳志寰右方伯啓

明蔡復一

舊部榕青思借漢江之膏雨新綸徽紫忽還牛女之
歲星望氣知榮占風欲并恭惟某官霞標國舉嶽立
功宗仲舉之格自高峯匪絕岸太丘之道雖廣海無
維流孔門四科顏冉之去人何遠虞廷八伯稷禹之
自許非愚方閩越之得天是价藩之當日吏皆芳草
競懷暑月之水民有甘棠獲饒餘年之穀建牙虛待

拔綬勇歸笑蠅止之在樊可傷白璧歌鴻飛之遵陸
庶見衮衣鴈戶蛟宮輿誦流鼓山之鼓犀輦鶴繡天
書照松石之松旣特簡於上心胡尚煩於外補蓋青
檀故物示圖南國之功然赤烏登朝行映中台之象
張乖崖再持蜀節繪象家傳閩士行重撫荆門謳謠
路泐昔所載者今始見之幔亭雲君吹洞簫而下鶴
鐔津淵客搖寶劍以成龍雖作霖之命別有追鋒而
望歲之殷恐遲驛騎誠得一日擁吾父之至然九
戩迎我公之還某宿庇受塵欣言勸駕公儀瑞世詎
桑梓之可私帝意念閩若粉榆之偏厚鯢鵬變化看

啓馬類函卷七十三

五

先徙於南漠燕雀歸依佇賀成於北闕

賀寶淮南方伯啓

福建

明蔡復一

八公之山大小指挂高吟越王之城古今因榕作宇
道貞則衡潔芳草蔭茂則絜蒂甘棠欣此閭肥寄之
楚奏恭惟某官神淵涵月情嶽千霄李元禮之松
謨謨高引王佛大之桐露濯濯晨旒品士有三雅志
在功名之上號物爲萬橫襟於胞與之間霞蔚文藻
之林坐澄水鏡風寒錢穀之地彌瞻水壺鞭石成橋
忠惠之規未遠酌泉爲酒西山之政如新雖遠志有
壞寧低眉於小草然明堂方構自動色於高樛俾領

南國之諸侯依然溫陵之福曜恭由仰雨歌舞相率
扶筇躑躅消霜澄清定知解綬想士依常袞觀祭百
拔人龍矧童迎郭後并州詎忘竹馬雙鹿夾轂昔已
占吾守之拜公一鶴伴琴今重喜介人之出牧觀繡
暫承於信宿借被即履乎九州者矣某榻憶豫章更
托受廬之庇襟遺澧浦尚傳紉佩之芬企大厦以知
歸仰高山而欲賦式陳汁雀遙贊遵鴻

賀盛方伯赴陝啓

陝西

明王家屏

伏念戎馬之鄉久屈節旄之重經營數載備闡忠猷
綏輯多方需宣閭澤措生靈於衽席莫疆圉如覆孟
啓雋類函卷七十三

十六

方欣大厦之容會拜介藩之命謬期借寇公於河內
可即允留何圖分召伯以周南特專簡任皇華原隰
佇觀使節之馳紫氣關門預卜仙幢之過轄十連而
爲帥總領諸侯帳一路之遺氓若違父母攀轅莫遂
戀袞徒殷敢庀篚筐兼備邊豆儻蒙亮納不鄙夷燕
賀之悰兼許惠臨獲快觀鴻達之羽庶少紓其繡綬
可俯慰其企翹

賀陝西方伯啓

明張泰徵

望崇左轄位正薇垣撫秦漢之故都山河增百二之
勝環雍岐之沃壤人民擅陸海之風首牧伯以荷新

恩休聲遐揚奉旬宣而膺重寄國計兼權肯用侯翰
周四國仰于蕃之烈若召公分陝萬年推屏翰之猷
維是要樞匪老成其孰與瞻茲明德始簡命之攸歸
某忝臬臬方每勤登龍之念遙聯寅末附申燕賀之
私悃布篚筐懇裁竿牘伏祈淵納倍任光榮

賀侯澹軒轉左方伯啓

四川

明蔡復一

雄風荆甸耳棠繁南國之思明月巴天紫薇正中書
之省神方建福我與割榮恭惟某官光嶽元精扶輿
正氣心懸午日立表而照無斜陰政作春霖應輦則
枯皆立起惟郢鄢之得歲三命彌尊如霜露之行時

啓雋類函卷七十三

十七

七年溥被凡吏民有造均鼓舞於威懷卽水旱無情
亦匡扶於燥濕宜亟開重臣之府何更奠介人之蒸
蓋上念逃矣西土之人因以師旅謂公實哀然中原
之彥總此旬宣右有左宜歌裳華而永譽小廉大法
溯江漢以澄源况朝白帝暮江陵猶斟酌建瓴之潤
想發矍鑠陳賓舞新形容樂職之詩地是并州倍殷
騎竹星維益部詎減昭隣顧琴鶴於趙公暫經井絡
規木牛於葛相行壯參旗者也某曩聽九歌共具蘭
紉之味今探二酉忽傳芝檢之書有喜彈冠無階襟
袂青天世外難騎訪丹喜之青羊白雪光中恍攀現

峨眉之白象沅澧之思公子拍佩何期榛苓之喻美人既驚可托敢修賀燕并寫騰魚

賀柴右伯陞廣東左伯啓 明蔡復一

荆甸風清共詠二南之一伯嶺雲天接首臨百越之諸侯福曜彌高其霖詎歇恭惟其官元精間氣大雅希音黃叔度之汪陂悠然難挹山巨源之璞玉寶者莫名劍在室而燈在帷未嘗露光鉉之色海能涵而嶽能潤蓋已全流峙之才故入則望郎出爲膚使兩隨膏於泰岱江猶照於錦官在人僅能吏之有聲而公果大臣之不器屬熊湘之得歲遵鴻渚而來臨左啓雋類函卷七十三

芄忝苗感豐年於萬寶滄滔江漢澄清脉於百流將瑚璉九成之堂孰能右者猶藩屏四方之岳帝曰左之崇蔭浮青正希邵公之樹薇香陪紫行上越王之臺客撫鶴以孤飛仙騎羊而五色彼上林之吞雲夢游合壯於三都若粵鍾之並秦廬覽更周於萬里屈原何意芳草賦其將離陸賈有靈錦山粲如獨笑想旌節花之開非遠卽蘭芷佩之結可期其巢幕舊依彈冠新喜鳳綸從北方看爲吾榜之光鵬運圖南寧免奪我公之歎玄珠之探赤水師象罔以無從衡嶠之通羅浮媒軒轅而復合我懷騎魚至再訪冊砂君

夫聖母忘車笠

賀某方伯啓

明

周官作牧爰同四岳之尊漢使真除名爲萬邦之憲瓊授惟腆河潤以沾恭惟某官精儲列緯秀毓兩儀景元聖之忠勤心存王室循素王之軌轍學冠儒紳簡在宸衷有茲藩政端模範以表率風裁獨持奉德意以旬宣陽春有脚五熊開道雙隼拂雲湛霜破仁將義以均布雨濡雷震恩與威而並施洵文武之兩資乃屏翰乎一省百寮貞度萬姓騰歡其濫承簡命方興祖述之思夙仰斗山未遂荊州之識惟臨緘啓雋類函卷七十三

之向往希澄鑑之亮原

賀沈糧儲陞左轄啓

明金璋

承宣爲皇家蕃扞積貯實軍國玄根甫藉濟川軼材忽驚總轄新命羨中州之連有帥奚西土之離阿翁恭惟某官清白世有顯人縱橫累爲盛則才堪良史借粉署以增妍簡在文雄陞容臺而起草於是登壇振鐸則以不言之桃李而桃李自爾盈門陳臬對薇則以寡和之陽春而陽春翛然有脚蓋自君之出矣東南半壁之天下幾屬履綦卽迎公以歸乎左右一人于宅中不稱鼎足顧汴梁玉銜璇分之數曾帝子

素與直白之初脫庚癸有呼假威爲崇者僉云上
至尊下告方伯須申重望借箸而籌之帝曰爾雅
直操亦惟保釐瞻洛龜兮隱隱呈祥逐霞驚兮仙
擁轍徒托諸此與諸彼難禁一路嘉聲然江以西河
以南總爲三台遽宿倘孔席未暇煖而商霖且同沾
也其憚事賤儒通家豎子正殺青而薰沐儵飛白以
况施崑玉入懷金錢增而離防風後夫之網惟禱下
車竊肅慎楮矢之將敢希銘枯

賀參政初任 少參併入

賀衛參政除江西帥啓

宋李 劉

九重圖任起東府之元勳十乘申容撫南昌之故郡
蔚懋棠之未翦紛騎竹以爭迎四履歡然重臨幸甚
恭惟某官哲仁且勇直大而方崑山片玉之挺生天
寧無意虎丘一輪之未滿公亦何心然夷狄之問寇
公與兒童之誦君實是關國體難久家居與我處猷
畝之中只成歸潔使人得湖山之外盍慰去思宜煩
熊旂犀節之嚴更借鶴嶺鸞峰之重軍民雷動共欣
吾道之重來道路風傳仍喜我公之未老凡自卯至
啓雋類函 卷七十三 三
酉之交說蓋先庚後甲之素李善人七年流秋殺春
生之惠長天一色洗星移物換之悲昔黃霸之於潁
川及馬總之於鄆鎮雖云再涖詎足並言蓋申命宅
南之咨乃歸公于東之漸魁台齊色益足光牛斗之
墟霖雨思賢會即騎尾箕而上某一違材館四候觀
臺造舟爲梁費已達於艷瀨荷戈與後骨幾爇於廢
斜雖爭汗馬之功徑返屠羊之肆忽聞悅禮樂之有
帥喜至捲詩書而欲狂偶見苦於小兒未得請於大
府下榻而延孺子詎敢希舊物之收踵門而告文公
惟當致新甿之敬

賀于子冲陞大參啓

河南

明于慎行

恭惟某官一代人豪三齊物望垂髻振藻夙蜚海嶽之英結髮升朝允擅嚴廊之器文武萬邦之是憲精神千里以折衝攬雲夢於胸中若將吞八九獵上林於筆下不但躡二三鶴列登壇方繕漁陽之甲熊羆問俗聊爲洛下之吟蓋將掃幕之南而空大開戟府且使分陝以東而治小屈油幢某也誼稱同舍契合知心割華管之瓊應爲龍尾結蕭朱之綬愧竊鵬行方依東壁之餘光忽感河梁之別緒敢致烹魚之問粗伸燕賀之忱

啓雋類函

卷七十三

五

賀上湖南十大參啓

湖廣

明蔡復一

輟宰士而臨藩帝重旬宣之選借蜀才以張楚人歸詞賦之宗明月纔下於渝州春風俄披於蒸水恭惟某官精述井絡德配坤裳鍊質神丹收軒后緡雲之氣組脩芬佩居異人香草之樓洙泗品其升堂兼優室入陵陽推其鑒璞英許城連固宜律呂八風挈鸞鸞之冕領璇璣萬象提燕雀之權衡何啓事勇謝於山公而輕裘妙簡乎羊傳桃花峽路點綴寒帷黃鳥荆隄喧譁迎誠訪禹碑而讀奇字霞標一柱之峰疏舜水以醺仁波露洗九疑之岫卽伯載歌其音

公重見乎懋棠惟銓部之丰采迥殊使漢江之紀綱更重朱陵道院新增翠岳之輝碧落仙居卽侍紅雲之近某偶乘一障獲托千間香國誇棠正蘭已耳於色讓果園圖荔閩蜀私喜其味投路隔登門巢依賀厦醉鄱湖之醪想倒元子宸鐫寫柳州之文思磨素公池墨

賀上荆南道張華岑啓

湖廣

明蔡復一

山川晉問久知狎主之有人膏雨南行新喜來宣之在楚礫得珠而形穢席隣燭以分光跡憑驅文欣鮮佩恭惟某官笙黃張仲弓冶巫賢化石一編略雅

啓雋類函

卷七十三

五

推於神授理貂七葉猷逾壯於家聲鳴珂望畫省之郎池毛起鳳建牙雄价藩之使劍氣成龍悅禮敦詩詎數輕裘之閣先憂後樂方登作記之樓控七澤之上游洞庭偃浪制九谿之要害蠻部沈煙陽氣至則宛草皆芳樹人無待伐枳福星臨而波臣亦避醫地徧爲芄苗想士女騰鼓舞於來荆兼江山助文章於居岳蘭香水秀始得主人唱雪賦風彌張楚客自周受命于召祖命已播江漢之詩西平有子惟我有臣更欣將相之業某仰高在昔慮覆方新何幸墮簞通唱之緣適當驂斬相隨之際車之鑒後雖莫解於值

轅基之救前猶佇觀於勝着既私二天之庇實倍三
戶之歡枯枿逢春改觀果仗於元氣荒田待耨貽肆
尚寬於情農豈曰待蓋公之堂屬君獄市庶幾依臨
淮之節變我壘旗

賀陳昶谷少參啓

湖廣

明蔡復一

丹井桃源舊表仙人窟宅隼旌能賦新高使者威儀
攜來鑾坡五色之雲散作荆甸萬家之雨師虞允穆
隣照彌光恭惟某官參井精英岷峨秀傑木天視草
筆下灑瀟瞿塘熬火校書胸中石渠東觀賈生之傳
梁苑文特妙乎漢臣長卿之奏上林賦必先於雲夢

啓雋類函

卷七十三

二十四

惟著作賴此江山之助抑公卿練其政事之材遂輟
周行俾陳時臬三湘七澤履文正江湖廊廟之懷二
酉五溪壯司馬石室山之業青蘋閭闔帷拂雄風
丹桂水輪戶懸秋月滄浪歌則官清堪比橘洲熟而
民樂有餘回首蓬萊猶自御香在袖受釐宣室居然
天詔賜環真逢太史之浮湘詎止大夫之張楚某瞻
輝斗北襲澗河傍草木味同想三生之欸欸樓臺水
近望百里以依依儻蔡邕琴焦賞音未乏則陳蕃榻
下大雅可憑敢修慶典典籤祈鑒悰于結素

賀劉彬予少參啓

明蔡復一

鳳綸綯畫特光四岳之咨熊賦乘秋快親雙符之燭
樓瞻來鴈臺詠集鳥恭惟某官岱嶽直接天門齊風
雅吞雲夢方情林綴綺獨燃子政之夜黎多曙霧成
珠共挹真長之淵鏡粉曹之香未沫淮淝之麥自岐
帝曉全荆公來陳臬二廣久厓於戎籍俾餘授甲之
名四達交驚於天衢誰念獲新之戰治軍色壯望綏
帶而變旌旗傳命德行想成蹊之依桃李果得若重
能使楚張南至穆陵合歸太公之履清濯淪水堪經
孺子之歌江漢參衡已氣增於燭照軍民將吏更潤
抱於波餘上參歸靈須席暖某識韓自肯徒贊草
啓雋類函

卷七十三

二十五

戶之心御李欲仙猶遲一交之臂敢先馳於慶曆

趨拜於光儀

明蔡復一

丹樓如霞特盛東南之王氣紫微開省其雅文武之
憲邦一鶴在空九龍並舞恭惟某官天球有韻水鏡
無塵神劔冲霄是博物三公之佩豫章拔擢即明堂
九室之梁才子門直撞七劉循吏傳播肩輿漢馬化
鳧而會日製錦偏奇鹿夾轂以班春舉帷幄遠三輔
高等已續來鳳之編六月徙漢遂借化鯁之習蘇湖
赤嶼供綏帶之雍容控嶺襟江抒折衝之望書民前

海山使者吏瞻霄漢異人舉扇風生蒲葵之關目
行車隨兩耳棠之驛如新蓋旌節與星偕臨使爲
采而斧鉞從天而授又下青冥矣其聽捷卿之清
雅盡皇王之理依劉公之部曲轉深鄉土之思惟四
履之同歸想二天之偏覆何辭擊缶仰贊得與

賀陳赤石大參啓

福建海道

明蔡復一

海爲最大讀遺記於昌黎伯有來宣跡膚功於江漢
幸哉閭嶠壯此長城蓋禦夷之堞在波使船如馬而
詰奸之堦于水漏網惟魚兵多竄籍之市人盜始齎
糧之內間白雉之贊雖久寢於越蒙烏鰂之帆每私

啓雋類函

卷七十三

二十六

揚於影國丹服前民用爭吃劍以味慈舶課佐軍興
孰廢餐而懲噎利乃害之攸伏寬與嚴之難調苟立
武有常師可比之堂上則惠文能治君其問諸水濱
庇霍既仰威名吹壘何須變色恭惟其官貞標砥柱
勁力射潮秋水談天笑望洋於河伯長風破浪叱開
道於陽侯方開壇席以鑄人獨範馳驅而縶士法伸
情誦冶靡自躍之金道勝習移林皆可撫之樸人謂
霜中肅艾凜氣難逢吾知雪際檜松篤材更厚羅莫
窺於鴻廓劍忽躍於龍津彼潛鱷之淵當望星辰而
遙徙卽飛蛾之燭亦庇帷幕以俱全澤鴈寧居兼冀

魚鱗之屋水犀壯氣不驚蜃市之樓想鵬翼之擊溟
魚龍皆爲震動如鼇冠之戴岫仙聖賴以婆娑矣其
杏苑舊遊粉鄉新陰波臣効順佇崇龜鼈之梁越王
式靈行傳鯨鯢之記遠若朱中丞之弭鱗身跨世而
名愈尊近則石開府之建牙貴逼人而猷未竟期公
適上於國榮懷弓將樹於扶桑佩試紉夫芳草

賀畢見素大參啓

福建

明蔡復一

軒后仙宅鑄異氣以生才越王與區雄价藩而作使
鳥山沛雨鴈戶歸風恭惟某官道韻天悠神峯霞聳
芝九莖而有馥燁燁流光桐百尺以無枝亭亭直上

啓雋類函

卷七十三

二十七

鷄群標鶴意遊天地之間龍伯釣鼇手挈海山之重
柱金陵之笏千峯朝爽自來傳浙水之經七曜天章
重朗薪樞之林旣茂岳牧之履逾遙撫紫陽之故都
來尋講席挾黃山之勝覽更賞幔亭型吏歸廉海霧
開而石見庇民咸若城榕古而露深始知常袞觀察
之聲未若畢公保釐之業當年述職已書甲於帝屏
指日筦樞卽由庚乎皇路某二十年之譜夢駕頻迷
四千里之家受廬自喜紫微方燦更占旌節之花青
桂未寒欲寄椒薦之草倘荔枝之有味豈永黍之不
膏過略形骸仰攀意氣

賀費唐衢參知啓

福建 明唐堯欽

恭惟其官昌朝王謝昭代富韓有府籌遠畫萬里長
城于掌上臬司秉憲布千間廣廈于寰中允稱匡濟
雄才大是經綸妙手睠茲濱國故號炎荒早濫類仍
無蓋之民猶露田廬未復忍饑之腹尚雷惟懷獎急
於救焚而望公甚於望歲特屢蒙簡遂借台左角
星暉占回春之伊邇南頭風動知其雨之隨來且以
不肖極陋之軀謬叨夙昔綢繆之雅父今生我藉庇
覆于二天公惟其人幸遭逢于一日雀躍更倍燕賴
繇通修竿牘之恭敬致手額之喜

啓雋類函卷七十三

三十八

賀薛通衢少參啓

山東 明馬 朴代

恩宣北闕秩晉東藩閭里光華簪紳暢條恭惟其官
才隆梁棟器重珪璋本地靈以挺生分天章以間出
五車蘊藉列秀嶺於學山八斗才華傾雄瀾於筆海
勤高民部勛茂戎曹清規湛若水壺人倫冠冕玄鑒
朗如水鏡士類權衡頃者績著作人忠孚簡帝鳳吐
絲綸之命鶯遷屏翰之司焜耀福星遙煥祥光於泰
麓滂沱德雨普霑膏潤於海濱洪伐預占雄名畢播
其起家素賤受質朱愚濫分虎篆於名邦竊庇鴻庥
於廣廈茲聞峻陟暫過上仁御李情殷株守阻危趨

之路獻芹意切幣交申燕賀之儀伏乞廓大人容物
之衷鑒俗吏事賢之敬靡存不外則榮鴻於九遷盼
睽或垂更增價於一顧其爲歡抃罔既敷宣

賀鄧道尊啓

廣東 明夏守成

化洽承宣南國當年召伯忠先釐保東藩今日君陳
遙瞻福曜之新升咸祝恩天之永戴恭惟其官儒宗
碩望王佐鴻才真名武而允文蔚乎著萬邦之憲爰
足兵而足食巍然專百粵之符控制雄藩爲棟梁而
樹礎枕襟巨海作舟楫以濟川撫五羊而五雄開道
經綸出衡鑑之中總列郡而列署交儀造就入鑑鍾

啓雋類函卷七十三

三十九

之內風清嶺嶠紛紛嵐氣潛消日朗羅浮燦燦霞光
爭耀其馳情燕喜恭賀鶯遷仰北斗以矧忱望西轅
而干澤

賀瞿達觀轉粵東少參啓

明蔡復一

樂育登壇楚雲仰孤鶩之鶴澄清攬轡粵海騎五色
之羊宦跡皆仙邦榮及友恭惟其官舟航聖濟旌幟
詞林選梗梓之材供天八柱治圭琮之璞佐國四郊
北學陳良教中直接周孔南音屈子刪後更變雅風
蓋羽獵七澤之殊毛真木鐸千年之重寐乃嘉儒効
欲練卿才文星卽爲福星頓改湖湘之曜化雨翻成

雷雨行飛嶺嶠之霧千竈萬屯總軍興以仰給邵
正策豈霸術所能侔理財必首理心用真需六經之
學問求法不如求道觀家宰九賦之規模既白璧以
辨荆兼玄珠而探海紉蘭頌橘東去壓騷客之囊茱
荊檳榔南行續大夫之錄是雖餘緒亦足壯遊某附
驂靳者再年阻琴鐔於千里寄心鯉素一交臂而未
由隔夢龍門萬戶侯之難偶驟聞結綬狂喜捲書脉
脉去住之懷已縈絃軫欣欣君民之賀敢譟鼓旗惟
明月之可同即清風之無斂

賀鄧虛舟轉蜀中少參啓

兩臺疏留明蔡復一

啓雋類函卷七十三

三十

開衡嶽之雲文心能賦看峨眉之雪宦蹟愈奇顧熟
地願借於輕車而輿情難麾於卧轍與其蜀重奚若
楚張恭惟其官清氣稜稜慧思月脇揖聖賢於六經
之上尤邃四詩通宇宙爲一石之才獨贏八斗澄清
激濁風高拂以霧披表勝章靈霞四垂而天爛起祝
融而拜賜色壯朱陵詔西皇使步余聲馳白顙坤維
井絡固會昌建福之區玄室琴臺亦文采楓之宅可
以慰懷逸少賡詠蠶叢上意深哉公宜當此然而馬
卿合組遡正則以爲宗錦水濫觴至荊江而始大則
蜀之美已盡楚而楚之勝足留賢所以方拜頌綸旋

聞擁節信宿同聲於鴻渚繁維思永於駒場者也其
劇喜彈冠豫愁分劍聽遷鶯而相問冀踟馬以未行
想汝嶺之壯遊何妨勸駕紉澧蘭兮延佇倍念操裾

賀湖東胡守道啓

出黃門出

明金璋

鵷鴻路得正資耳目于日中屏翰虛亟借環玕于
斗下白馬經綸彌顯紫微內外交輝吏懷先聲民謳
後我恭惟其官二十四洞鐘靈五百餘年名世始以
鳳毛而簡司鳳藻風翻紅藥之階既隨天仗而犯天
顏霜凜青蒲之閣由來破的孰敢爭鋒然與其目擊
時轄而排雲于閭闔何似身爲宣化而納世于華胥

啓雋類函卷七十三

三十

與其入而未必行其言何似出而得以行其道况雄
藩如江右重鎮如湖東非君陳之保障吉甫之文武
若而公者曷以克之於是辭諤諤之錦班僉曰福星
從茲往矣建央央之髦節共瞻諫議致太平焉蓋堯
舜其君者斯堯舜其民而真能補助者乃真能補助
者也其鉛刀自貽傷手蹇乘徒詠匪躬欣負簪於臺
端率同獸舞素繁匏於王所莫遂鳬馳伏願時雨來
蘇太陽均照附此方之引領實卑吏所同心謹汗竹
以三薰肅傾葵而九頓千祈澤納百倍春榮

賀沈何山守道啓

公先擢閩參請告

明金璋


維翰設參嶽氣久孚于辰北徵書將至文星移照
天西下車陰映光風連袂鼓譟德爾恭惟其官崑山
片玉卅穴九苞方振鷺于齊飛鳳還驚以更直所為
程百工而襄六職典三禮而耀五兵者功固題柱名難
秩廼征蓬易轉武文為憲政事參知惟江右甲區夙
控匡彭之險而湖東午道適當彫瘵之秋特起東山
代膺北鑰英蕩憮西茗之水沛為萬姓甘霖旌旄拂
南浦之雲屹作一方保障從此以其參蕃宣者而參
廟算以其司表率者而司平章公也叩囊底而饒仲
氏草制麻以待洵所謂無是父無是子難為弟難為
啓雋類函卷七十三

賀盛大參啓

明董應舉

蔽省承流典一方之政本价藩作輔宣五位之詔條
地峻而望尊無有中外遠邇青隆而任重乃在夷夏
藩籬迭彼羅施包乎番裔孔明雖智僅七縱以明威
莊躋何人拓一區而遺跡非兼資於文武曷克輦於
華夷恭惟某官名高北斗價重南金義震仁懷道中
存而時出左經右緯授外寄以咸宜惟帝顧於邊方

特簡茲於良岳山回鳳嶺故得耀於九苞地出龍駒
行立驂於六御試看一琴之風采定興九罭之歌謠
某夙承教鐸幸潤道淵學不進而位加能無悚惕知
未酬而日迫獨有捐糜



啓雋近體卷七十四

類函八十六

東吳俞安期羨長壽編

上饒王嗣經曰常同輯

建武鄧羨遠遊訂定

潘司部二

賀司道加銜

賀于少參晉秩啓

明于慎行

門下載奏膚公光膺大命朱轡畫轂進方岳之新階
玉印雕弧領兵戎之舊任從容而制廟勝竹聞秉鉞
之謨談笑以靜胡沙未數請纓之事一軍動色九塞
生輝某碌碌賤儒依依故侶積薪避世方執戟以浮
啓雋類函卷七十四

沈伐木興歌輒彈冠而距躍重北門之鎖鑰暫假拆
衝光東壁之圖書早期回照

明萬世德

恭惟某官正大光明公忠直諒歷掌北門之鏡豈徒
增重麟符上紓西顧之憂久爾申威虎落息邊亭之
烽鼓壯華域之藩籬精誠上格雲霄震衷悅豫公道
昭垂物表帝命綢繆始知羊叔子緩帶輕裘何須城
府趙閱道清琴素鶴可對穹蒼某久服儀刑期砥名
行而智術短淺問學粗疎仰泰岱之崔嵬功素虧于
累塊瞻溟渤之浩蕩神遽失于望洋是惟投分最殷

乃爾聞音切喜謹函咫尺于台座敬陳慙款于春臺
望賜莞存奚勝榮藉

賀侯澹軒進秩還任啓

明蔡復一

霓節還臨星垣益峻犀輦鶴繡長中書統轄之司荆
嶺洞湖專南國菴宣之寄花鳥聲中相賀未改提封
山川氣外倍增遙崇節制帝隆增秩守官之眷人歌
舊邦新命之詩況日月依楓陛之光來開福曜雨露
沐金莖之渥灑作甘霖驚鼓風薰愜舒梅夏龍山晝
永岐頌麥秋地得人以並雄事應時而偕勝矣郭賀
三公之服盛典復見茲方寇恂一歲之留歸朝行聞
啓雋類函卷七十四

別詔豈特變臨淮之幟如發初礪賜黃霸之金載馳
熟路哉某渴懷仰斗歡托同舟設倚玉以堪嘲餅乞
疊而資罄門有此客敢比謝安之始來公即其人或
收韓愈之後進識荆之願在近彌懸依劉之緣于今
可賦尚遲倒蔡邕之屣聊先通李白之書



智布政入觀

賀藩司入觀啓

明蔡復一

殿楚龍飛之邦功昭倡牧摩燕鳥集之闕典應親侯
五成劍佩雲高二接衣冠日近恭惟某官四時合曆
八柱承天禹蹟荆多作又方修于禹貢周風南被殷
同載率于周官領翼軫以歸辰星偕拱極導江漢而
輪海水擅朝宗當四裘更始之春述三年有成之績
奉壁上殿輯瑞既咸給筆臨軒闢門無諱上不忘湯
沐之地先軫樂憂公尤切饑溺之思具陳水旱恤民
所苦條給復于司徒弊吏惟廉贊幽明于冢宰集露
啓馬類函卷七十四

賀洪方伯再觀啓

明王德乾

天朝課最九重依日月之光元序迎禧四岳曳星辰

之履龍瞻邇發無賀遙賡恭惟某官道德真儒文章
宗碩保釐半壁十一郡歸掌土之鑑鉞旬宣首藩百
千官聽胸中之衡鑑儼微垣而獨正風猷以再朝
鳳頒綿有道之長又見青陽轉泰虎拜降更新之威
快逢紫極尊臨天顏式喜于萬呼日接輝煌于軒問
敷言聿奏冠猷屏翰之先寵錫蕃藎虛席上之
某粉鄉承學李署叨陪沐異數之恩波正懷鴻造直
對揚之榮遇愧阻鳬趨每思寡術平反懼危全而無
地所幸多方盼睽垂憐冒以知天戀甚轅攀感深環
報

啓馬類函卷七十四

賀司道賞捧

賀司道進表格

明蔡復一

鑑陳捧日環楚同謁帝之心槎遠浮天望君若登仙
之舉榴照旌干鄂渚蘭寄佩干澧陽恭惟某官壽國
靈著承曦忠藹以順而麗即晉之康侯在遠不忘如
魏之公子望推群僚之冠勳結五位之知惟華渚將
秋戒嵩嶽而傳響乃介圭遣使溯明河以問津龜貢
九江何煩雲夢之賦虎拜萬壽正叶江漢之詩進而
奉天保之觴自此前宣室之席固當因時以規主聖
條地而達民艱訓無逸之永年則朝嬰夕側以訪政

啓雋類函卷七十四

五

詠作人之壽考則南金荆璞以寶賢渙彼屯膏流朱
陵之甕露宜茲爵氣張洞浦之樂風况前星並燦于
升恒將南極彌光于翼軫蓋四袞御曆五袞介祺受
帝王之備福而君德清明君身強固寫臣子之極思
方可衍八伯慶雲之歌伴五老河圖之獻豈特蓬萊
誇其五色桃實侈以千年哉某想駟轡之既濡神隨
北向盼龍光之敞起色壯前驅聊抒欲告之言莫由
臨岐之贈國人望歲猶冀過日月于歸鞭良弼作霖
佇留直星辰而聽履其爲跂抃莫罄鋪敘

賀藩司膏捧啓

明朱錦

帝算延昌北極艷虹流之會皇華務切南天覲星
之祥祝聖祚于萬年臣黎稽角擁公車于千里士庶
攀轅恭惟某官粹液凝華玄黃毓彩嘉聲野蕢威名
凜振于吳西茂績川冲灝氣蕭嚴于江右霜寒六月
露灑三天喜茲繡節遐飛花駟北嚮拜瞻仙仗祝此
五百禩之春秋伏謂君顏獻彼三千年之花實忠冠
群衆眷渥重瞻某秉性匪靈素職無狀荷化工之覆
育義切在三深盼睽之恩光情衡寡二歧望駟輶之
發莫罄懸瞻肅抒免管之勤聊申下悃

啓雋類函卷七十四

六

賀藩司考滿

賀劉方伯考滿啓

明王世懋

四岳咨謀三載考績此虞廷至公之典爲今日極盛之榮恭惟某官助德兼隆民譽久擅文武爲憲公望攸歸而台位尚虛節鉞未至蓋以九齡之聖善正須二品之褒崇此銓衡所以侈岳伯之隆施真宰所以成我公之巨孝數誠有待事豈偶然某官備未僚鄉叨同舉竊有升堂之誼尤添前席之歡職限封疆心馳行省敬陳篚筐代叩門庭

賀姚道尊啓

明

啓雋類函卷七十四

緬惟人子盡忠而實亦盡孝明王尊老而端以尊賢交相報以成功兼得壽以延家慶事本全昌喜符同類恭惟某官鍾廬岳五峰之秀具豫章千仞之標展采於洱蒼金聲而王振持衡於潘臬日照而霜嚴政成因而奏報鑒在宸聰典重推及本原竄論孝始故龍章煥彤管之文絃服表素絲之節必於是而人子尊親之仕不爲身榮賴有此而國典報績之章不爲爵聲某等微堂共濟忝稱於王季金昆壽域殊恩有契於德祥景福聊申竿櫓之儀結誠於賀燕承此斑衣之樂致美於慈烏

賀洪方伯考滿啓

明王德乾代

伏審望重名藩勛高牧伯率群工以貞百度周典攸崇躋元秩而告成功虞廷特最新綸渥眷下屬彌欣恭惟某官才冠唱臚映五雲端之瑞色識超秉鑑發兩天目之文光自茲層累膚功遂陟保釐首省朝元敷奏譙臨軒玉體之厨閱世推馳膺冊府琳函之札迨鴻碩旬宜罕並而魚圖統轄斯專薇垣寢以崇隆棠蔭增其蔽芾時平則謀同防患爭半壁之揚氛歲歉則力志濟艱甦萬枵之填壑慈謨三載報政九閭徽猷雅托于樞謀冲懷靡伐優詔勤渠于重巽殷注

啓雋類函卷七十四

賀洪大參考滿加恩啓

明王德乾代

伏審寵錫元勛推馳三代緯武經文襲王鉉表樹高奇報功崇德燦金童遭逢希闊流輝有赫贊喜何勝恭惟某官命世才華臚唱映五雲之彩鑑英神藻

保持雙浙之衡累績以牧首藩元寮而告滿秩頒
由身而上逮品流並入座之尊疏恩率祖而均霑光
彩來七閩之耀此一榜賜第登四岳者已為不次超
階以三載考成受重封者尤是無前慈與匪風猷之
特最曷資數之非常職其繁發柯塵縈懷微閣乍聽
好音而忻躍中臆遙馳亟憑代羽以喧鳴下情略展
羨華綸于先廟祝駢祉于宗臺從茲為上相為上公
不但占旬宣之高步自今及遠宗及遠裔皆將沐延
賞之殊榮

賀李孟白方伯考滿啓

明費元祿

啓雋類函卷七十四

九

洪鍾在奏鏗銅聞霄漢之高束帛錯陳炫爛盼玄黃
之極何者器大則聲必弘色炳而文以著是以鳳凰
九彩必集梧桐之枝龍馬五花爰薦渥洼之瑞恭惟
某官衡山標峻丹穴振儀玉樹凌雲冰壺鑒雪讀九
丘八索之書隆第一無雙之望東南分陝風將彭蠡
俱清出入褰帷氣與匡廬並秀公平譽號燕叔度之
當官清潔名流吳隱之之秉操沈碑漢不功足千秋
作賦東陽詞稱八詠聞片言而撤俎見一善而肝衡
士悉奮揚民無疾苦奏績累冊上考司銓欲轉中丞
憲府風霜獲庇併懷者久聖朝台輔應知節鉞將行

某芻蕘小子齒腐庸人乃藉吹噓更蒙蒞被再顧於
康莊之道先容於父母之邦縷蟻或尚有情鸚鵡能
忘報德所願西江不遠汲勺水於枯魚東閣弘開效
蓬心於飛燕一經繼相韋賢之子玄成五世為官楊
氏之先伯起謹陳薄獻聊表下忱

啓雋類函卷七十四

又九

賀藩司壽

賀徐子與方伯壽啓

明王世懋

川渟嶽峙肇錫偉人天高日晶乃鍾文秀凡我同聲
二三之友實公先踰六十之年自昔稱觴于七閩於
今增籌者二禩大夫能賦歸然枕死之靈光君子得
輿卓爲吾道之碩果唯是故人之幼弟今參藩伯之
末行倚玉樹而披清風敢獻兼葭之露望金天而思
浩月願同沆瀣之杯雙鶴織成尚緱山之仙吟五雲
而期東海之專征酒海之藏吳公仙家日月詩郵
之畫白傳名士風流竊比美芹敢希采菲

啓雋類函卷七十四

賀劉陶宇方伯壽啓

明蔡復一

星占主壽應福地於南弧月報履長鑄異人於北斗
翰周維岳張楚有材恭惟某官手酌太和身調玄化
蛾眉問道因常少而著小子之名方叔壯猷以獨尊
則歌元老之烈先覺覺後智成物曰靈丹天壽壽民
仁予齡爲大藥嘉茲初度慶際升辰黃鍾十二律之
元妙司氣毋朱陵五千里之望神獻長生參歲成純
詎積籌之能筭在冬可愛果引線以彌添狼駿之馭
未央霞開赤甲寶鼎之策方始雪吐黃芽此湘中父
老之言卽宇下具僚之祀某偶探小酉欣附長庚鷄

犬之從八公未知何日鴈鵠之正四國遐不萬年敢
援此詩以爲君頌參天二千尺既獨誇蜀柏之凌霄
紀曆五百春寧足窮古椿之閱世

賀董誼臺方伯壽啓

明蔡復一

陽居大夏召公徧遊暑之甘棠式是南邦申伯推降
神於嵩嶽人占平格之壽僚揚孔碩之風威矣鑒周
昭哉張楚恭惟某官網緼四氣吐翁萬流胤翬翬
之遙誕而玉立學感懷蛟之夢賦必金聲岳倡侯功
醴漢江而作雨碑觀禹蹟劃天柱以開雲象求宜畧
於一星燕喜載歌於六月化日方永彌光朱緯之展

啓雋類函卷七十四

薰風自來盡解蒼生之愠以七澤三湘爲壽域何殊
東島西池以施仁發政爲大年不假丹牀藥火衡和
有氣來篆采於筵中湘豐無波化酒香於樽外葵荷
迎日以開合景寫歡心瓜李應水而浮沈物供樂事
允朋三而難老兼歛五以錫民者也某路隔捧觴悰
懸紙瞻瞻南極炳長生之曜祝北斗納恢台之祥笑
曼倩之偷桃欲侑廬山之杏命湘靈兮鼓瑟試和雙
成之墩琴高之訪葛仙石慚鯉化李謨之壽蘇子曲
奏鶴飛伏惟冥靈五百春楚樹配莊椿而並茂中書
廿四考行省還內席以持衡

賀周達菴潘司壽啓

明蔡復一

以叔監周誕嶽神而名世精符臨楚擢軫宿以長秋
桃實步來薇花益燦恭惟某官直含生德仁濬慶源
价藩之德澤紀綱皆堪久大南國之昆蟲草木罔不
昭蘇江漢無波泳四生而宗海參衡求莫屹三壽以
朋陵惟鴻翼會高風曾表得賢之頌乃能夢占玄月
適開命哲之辰升東井之晨鳥光浮泰鏡來西池之
禽鳥喜報仙籌星虛應槐直月表三公之位日精練
菊駐齡添九轉之丹蓋引祝融以致詞圖松栢龜鶴
之顏未稱善禱然摩岫嶠而紀烈碑將吏軍民之口

啓雋類函卷七十四

十三

卽爲大年其觀萬寶之成欣五福之介其棠召伯允
光平格之書蘭草騷人敬充攬揆之宴華運在望雉
關百二並崇椿樹有徵秋色八千未老平六符而祚
國以身固不壞之基荷百禄而宜民在周有無窮之
聞

賀侯澹軒壽啓

月十二

明蔡復一

丑爲殷正大呂司命德之祥申作周翰南邦式建侯
之業軫中垂象宇下騰歡恭惟某官心握慧珠道高
豐玉惟松栢獨表正氣於歲寒當貞元交應昌符於
名世誕奇徵而指李星昭毫宮開平格以蒂棠風行

江漢雙龍自佩神物壽于將之鐔八蜡咸通耆年歌

應后之社鄒衍之吹玄忝將寒谷以回春茅濠之戲
赤城宜嘉平而改臘日猶隣於祀竈丹鼎蒸雲節欲
遷於獻盤觥壽醉雪授方有仙人却老占夢曰新歲
長斯乃良幹終始之機旦而復旦楚紀春秋之樹年
則大年者也華祝多男萱草兼桂陵之詠節商巖耆
帝梅花卽傳說之生辰某雅托同心嘉逢初度想賓
筵致語咸遡二室之靈看斗極流光遙懸一柱之觀
惟有徵綵戲於萊子蒐實商丘替醉吟於吕仙泳仁
天岳昭茲忠孝旣家國之兼肥俾爾熾昌爰身民以
啓雋類函卷七十四

十三

並保時方備四頌乃得千沔酌可將崧高是仰

賀靖道尊壽啓

五月

明曾光魯

恭惟某官蒼佩載臨綠葡正熟披薰風而奏響騰衡
岳以歡呼運際熙明培飛龍之景祚時逢端午叶夢
鳳之芳辰伊洛開源賀豪杰生符五百瀟湘被澤願
春秋瑞應八千望重長城光浮南極蓋大人以一身
事國不煩于鳴鶴熊經而天子以六合倚公自致平
竹苞松茂其居下乘勢隔稱觴遙懷衡斗之瞻敬獻
如岡之祝

賀徐大參壽啓

六月

明連繼芳

日行南陸人謳化日之長公鑰北門詩獻如山之壽
佳氣浮乎玉帳賀尊啓於瑤池恭惟某官九德備
百齡應運懋著聲華之峻結慈珮於朝行敷歷中外
之猷耀金麾於旬服夏曦赫赫離明之象盡舒宵魄
團團豐滿之禧咸集用作霖雨是生朱緯之辰穆如
清風盡解蒼生之愠威武屏封豕長蛇之跡此間即
是春臺旬宣無黃鳥碩鼠之歌何處更開壽域軍中
人呼范老錄上仙有徐公某覆露優承高松引領喜
眉鬚有如此老同龜鶴羨其長年所願神遊羲皇之
前手探根窟之外八千歲為春為秋莊周之言有驗
啓雋類函卷七十四

五百里揆文奮武吉甫之憲無疆

賀分守道寧公壽啓

明戴新

崧嶽誕神景運啓貞元之會璣璇拱極芳時屬道長
之期頌嘉祉于長春仰弘庥于恒德恭惟某官九霄
鳴鳳百代流鴻多綉輝煌炤仁風而開壽域微垣屹
峙靜巨海而冷恩波用襄有道之長松栢岡陵共綿
延于日月上引無疆之曆山龍火藻欣際會于風雲
蓋天篤生乎偉人斯帝夢賚以良弼卿雲爛熳花朝
添海屋之籌綠柳芳菲弧旦起長庚之耀儒紳踴躍
士庶謳歌職竊觀遙天未遂登龍之願快瞻紫氣俯

懷祝鵠之悅八千歲為春不數王桃三熟五百年名
世會看堯堂常榮

賀方伯壽啓

明楊天清

元和紼會微垣樹槐閣之芳瑞氣駢驂麟趾迂鶴齡
之筭惟懋昭了一德斯誕受夫多祥恭惟某官志在
春秋而以孝為行材堪柱石而以忠為經露復粵東
保障推外藩之重風濤嶺表聲威徹南徼之墟名答
主知宜深帝眷權持制閫端由屏翰以升階掌握樞
衡迥自卿曹而進履顯瞻初度適值孟冬天乃利貞
宇內覺神功之浩蕩日滋可愛民間樂正氣之和平

啓雋類函卷七十四

十五

時觀翠栢蒼松松盤天地而更見洪爐大冶化機
轉日月以長所願曆叶成期斗魁燦景輝南極兼稱
勛崇黃卓台座紆光映北辰郁郁桂華榮傳衣鉢森
森蘭畹歲舉椒觴某廣文樗散樸邀奚取於文模下
里榆思祝詞僅據乎里語聞上德每延彭筭惟壽國
而卽壽身迺至仁特妙洪丹只久道自然久視瞻溫
溫恭靖無穀知秩秩福釐永綏敢頌海壽膺揚天保

賀蔡方伯壽啓

明楊天清

東藩錫履撫安堯曆之圖南極呈祥茂衍箕疇之福
冠紳溢喜士庶均歡恭惟某官申嶽凝精說星薦瑞

吐鳳掇長揚之賦藻麗天葩見龍騰歷試之才勛昭
屏翰陽春有脚履露無涯中書省書景炎之輝紫微
垣鎔懿鑠之器孫碩膚而几几愛國之髮成絲數大
政而優優行仙之客似玉不烈爰奏圭于五位明謨
再輔系于三台時維孟冬躔次初度太和保合適當
玄亥以貞成陽德方亨旋轉黃鍾而元宰某粉榆戚
里封非廣文近庇二天宗依四嶽宜民人以受祿式
賡假樂之章使富壽而多男尚效華封之祝

賀湖西鄔守道壽啓

建昌守擢

明金璋

人生於寅上賢紱麟應瑞極見乎丙下走籠鳴承歡
啓雋類函卷七十四

其

歌梗北以飛觥望湖西而祝嶽祐斯有秩錫且無疆
恭惟某官華春日月筆湧江山東魁梧而分竹盱江
晉蕃臬而建旄碧璋不曰以仁爲地則曰以福爲田
不曰能訓末年則曰作人壽考此實朱顏之妙藥奚
須白日之長繩故大德者必得全而有童者來多慶
既酌以大斗閔死復進霞觴既申以添壽康侯更有
晝接蓋五百年而名世於古有光八千歲以爲春從
今伊始况麻仙之璧脯業已奉嘗靈柱史之繪圖足
揚盛美

賀舒玄渚大參誕辰啓

明費元祿

德星聚緯人占五百之符卿月騰輝戶有萬千之數
賢才鬱廟廊之望律度維壽考之祺恭惟某官遂學
世師篤生人瑞南衡之聳干雲雲夢之荒內日下筆
成章騷雅作時領袖爲政以德撫循寄帝股肱建牙
當三楚之衝彭蠡蘓蒲不警弭節跨九江之介石鍾
璫貴收聲數千里幅輳仰桑麻之雨露十三邦冠蓋
肅松柏之風霜茲值恢貞盛夏長臨元吉騎箕而下
傳說允矣商衡降岳而生申侯宜爲周輔酒進麻姑
隣堪作脯花開嵩少鹿解扶車壽考徵貞白洞章實
從曳方平履跡經綸在抱咸稱赤舄公孫膂力方剛
啓雋類函卷七十四

又

快靚黑頭卿相某斗筭小器樗櫟末材窺豹徒見其
一斑逐兔未營乎三窟乃蒙蒨夜暫停道左

賀子登科

賀劉少參啓

明馬朴

雄藩借重顯膺鎖鑰之司末郡邀榮濫藉旂幟之庇
遭逢詎偶慶幸殊深恭惟某官玉樹扶疎冰壺瑩徹
鍾海岱秀靈之氣爲昭代偉人生鄒魯賢聖之鄉作
斯文盟主翩翩學府羅象緯於心胸滾滾詞源吐珠
璣於咳唾聲望獨高於嵇鶴才猷屢試平庖牛正色
諫垣凜凜牽裾之勁節直躬憲府英英攬轡之雄風
尋以長才殿茲重地澤流巨浸兩河沾潤溉之恩勲
時大行三晉仗屏藩之賜薙旒注眷獎鼎流光且喜

啓雋類函卷七十四

十七

象賢蚤騰燕譽冲天瑞鳳咸推丹穴之奇逐電神駒
益見渥注之秀此蓋簪紳所共美而非鉛槧之私阿
也某陸陸有慚萬萬無取鄉舉同曲江之宴竊比附
蚊宦遊依近水之臺尤深躍雀顧恪遵官守願莫遂
於披雲而竦踊台光情實殷於仰斗是緘尺素庸布
寸丹水激西江涸轡有枯魚之望火分東壁窮鄉依
餘曠之輝

賀藩司元旦附答

賀兩司年啓

明蔡復一

麟筆書正羲父畫泰四十二祀惟聖主方歛無疆之
春三百六旬有名臣共布始和之化况紀祥於歲旦
適成秩干甲寅寅曰陽宗事發本中之威甲爲干始
肇開貞下之元爰操南邦平秩東作虎年逢吉漢臣
所以酌內殿之樽鷄朔占昌杜陵於焉歌太歲之日
啓鵷分之初淑誰幹玉衡綏熊土之屢豐先萌甘草
方城漢水競鼓舞於條風栢葉椒花倍輝煌於萱曆
旣流膏而奮地宜錫福以從天某閱郢樹之新忽訝

啓雋類函卷七十四

十六

梅將雪換讀屠蘇之記乃知酒是菴名欲寄春心猶
憑臘色折松枝於仙苑莫陪代塵之談拜袞冕於蓬
萊佇飛化鶴之履

賀司道元旦啓

明蔡復一

星從軫起朱甸春先歲叶卯占蒼精氣暢惟三陽道
長歸太乙之真人故九扈農祥欣五辛之勝賞斗轉
蒼龍之角獨妙幹旋庭香白獸之樽于肯愜樂風來
夾歲江漢定膏肓苗雲采成卿召公行釐秬鬯某詩
嗟集杞守窮邊暗換歲年易筮拔茅吹暖律方知甲
子屠蘇居老少之半笑裁勝之無男桃符閱新故之

頻似移家之僑楚春於我乎何有社在君以獨離所
望促觀紫宸首朝元於左个庶幾分光青道猗病木
之南枝敢以頌椒仰千剪燕舊梅如夢化鵲猶依於
故人新栢彌青詠烏佇開於幕府

回司道年啓

明蔡復一

三見東風感楚詞之獻歲獨提北斗嘉名世之逢年
歛百福於載陽既收和煦固八荒於元氣更妙吹噓
薰然暄旭以被人藹若條颺之扇物帖傳儀月椒花
映逸少之書節慶開雲栢葉頒岳陽之酒遂使米衙
小飲粗具辛盤何戒仙闕大宮新分醪醖某詩無試

啓雋類函

卷七十四

九

筆慚看白雪之春食有素餐驚換青絲之節心惟葵
向律已黍吹然炬歌杜陵詎喧樞馬贈梅謝陸凱聊
托素鴻年與時馳老我追舊愆於癸丑日符歲德期
君拜新寵於甲寅

回藩司賀正啓

明萬世德

視朔開年已協履端之吉測辰應候聿新泰始之祥
德茂道亨福隆時至闢山色麗和風宣虎豹之威河
海揚威淑氣蕩鯨鯢之魄方共倚春旗簇仗忽驚來
明貺承筐媿我陳陳又見桃符之換羨公衮衮行參
栢府之班聊布謝私恪申賀雅

答各道送年啓

明吳國倫

恭惟某官海嶽巨靈廟堂重器經文緯武貫古綜今
建節天中坐見五都弦誦分猷洛下居然萬里金湯
某猥廁末寮夙欽明德屬當除歲感萍跡之難齊卽
且探春悵栢尊之未偶豈期高義先卹下私節物頒
來珍重五辛之助華絨啓玩輝騰三朔之祥祗含愧
以登嘉聊披忱而寓謝伏願道從陽泰福與時臻蚤
膺鈞軸之司懋建規調之績

啓雋類函

卷七十四

十

賀潘司端午附答

賀兩司午節啓

明蔡復一

浴蘭在楚已三見於芳辰采艾懷人復孤吟於永日
當此珍絺之暑懷哉揚扇之仁繡虎雄文綵綾新繁
五色羹臬壯略靈符堪辟七兵惟贊虞瑟以迎薰能
收千舞故環蠻山而洗瘴暫解笛愁炊黍煙清獨感
讀騷之節泛蒲尊綠莫陪嬉水之歡敢以遠誠修其
常獻難招屈子倍憶楮公俾壽而臧續命無煩於結
佩既安且吉承恩佇詠於賜衣

賀郭方伯端午節啓

明馬天錦

啓雋類函卷七十四

廿一

日末火星躔賓應律呂之和節居天中遺俗慶蘭芳
之會六合欣景風時至八閩荷化日舒長恭惟某官
鑄寶鑑于丹臺洞燭八方幽隱播清風于微院盡驅
萬井炎氛茲端午之屆期適昌辰之應候冰壺頌于
綸綍而朝有深仁繡帖獻及尊親而野成厚俗青蒲
泛酒太和醞釀于民間紫艾揚芬順氣流通于里閭
家傳繡篆之歡俗尚贈遺之敬矧其備員下吏幸際
良期職役拘攣莫效粉團之獻野芹馳貢少供角黍
之需尚願符勒雙扉順四時而享康寧之祉更祈絲
縈五彩介千歲而躋龜鶴之齡

賀方伯午節啓

明戴新

蒲節生香芳氣飛纏於蒼玉榴花綴錦赤光掄映於
紫微仰觀日永天中快觀波恬海上式申蟻悃願祝
鴻禧恭惟某官天寶發祥地靈挺秀學通三極日星
河嶽文章功配重玄雨露風雷惠澤救晴涼而撫綺
陌百城之棠蔭常濃揮蜀扇而奏虞絃兩浙之薰風
徧拂越裳已格辟兵靈假靈符舜日方升延筭偏宜
綵縷茲者日逢重午節屆一陰寒景初中凡叨臨照
於龍光共爾馳情於燕賀某猥以謏材叨承劇郡仰
台躔之焜耀恍江心百鍊精金微上哲之帡幪若日
下萬竿修竹擬鵲趨而莫遂勤馬走以遙申報德無
從投誠彌切伏願濠火榮施槐風盡靜調羹御鼎初
乘梅子之黃拜賜金鑾早捧麻音之白

啓雋類函卷七十四

廿二

答兩司端午啓

明蔡復一

讀漣蘭沅芷之歌三載思深吊屈到山窮水極之處
一官跡類沈舟渡無競心見蒲獨笑新有勞色問父
相憐何來雲外之音惠以天中之貺辟兵符安在佩
篆自慚益智粽方來顧名知勉儻非苕霅豈遽投繯
命之絲如彼榴丹願永照同心之結引壺觴以送節
想水鏡於披雲

答司道午節啓

明蔡復一

鷄火司節宿正楚分龍鵠競標俗惟荆舊撫辰不同
於他處覽物亦覺其相關况日下之景偏長而天中
之名甚美時偕地勝在長者宜納百靈之祥人與事
違獨鄙生頗懷孤吟之感辟五兵而無術空繫絲絲
對九子以多慙尚虛弧矢千忱意於先後一杯莫
辨其醉醒丹水出魚何來遠方之素赤雲連馬兼照
上醞之樽真如動軫薰風穆然解愠更使沈騷流水
道爾開顏服以除疴堪比三年艾佩浴而取潔瀾思
九畹蘭莖惟有中藏不知仰報所願常居大夏益蒂
啓雋類函卷七十四 廿三

鮮暑之棠庶幾茂衍長春托此具蕃之草

賀潘司中秋

附 答

賀司道中秋啓

明蔡復一

何時無圓魄獨擅中秋此興有南樓雅張三楚秋澄
天宇鏡磨翳而發其晶英楚足水雲珠漾波而增其
漱艷遙空如畫仰數瞻兔秋毫銀河無聲平分江漢
素練桂子香而暗落影接青鸞梧葉舞以生瀾光浮
白鳳嘉此月華之端正美哉台憲之澄清閔死氛消
虛懷共瑩璧鑑瑤臺輪浦渥澤相湛水壺露濯助輝
颺和進爽洞庭四望無待遠觀枚乘之齋美人一方
爭傳再出謝莊之賦持杯相問長嘯卽天柱峰頭徹
啓雋類函卷七十四 廿四

燭含情共遊是廣寒樹下素韻堪招於警鵠流光倍

逶於栖鴉其驚神女之弄珠想仙人之修齊閩山勝
事猶憶幔亭之觴楚客羈懷欲追牛渚之詠雖攬不
盈手寄遠緒以飄飄而清可知心挹餘光而耿耿馳
惊浮蟻托字初鴻惟明德之可親卽關山其何隔

賀司道中秋啓

明蔡復一

兩度看洞庭之月秋滿楚天千里懷君子之風情深
良夜欣惟光霽挹此清輝智府澄空澹銀河而皎皎
恩波際漢零玉露以灑灑身在瓊宇之中纖塵不到
人遊水壺之境萬戶皆圓桂闕落香衣芬撲天中金

粟連芳墜粉酒氣收江上芙蓉蟬集朱舄之冠已頽
占開牙之佳兆蟾照蘇頌之宴思往從撤燭之良
某際秋色九十平分撩懷宋玉嘉月華三五初滿托
賦漢人疑見屋梁莫陪觴詠凡心未洗愧無袁舫玄
譚清夢長懸如在庾樓雅集敢因鵲羽往致鶴杯

回兩司中秋啓

明蔡復一

一碧當空正值九秋之半雙清此夕皆言四海之同
宜理屐於南樓遽傾漿於北斗對嬋娟而人千里同
驚照地之霜溯兼葭兮水一方倍感流衣之露想武
夷之會既行樂於寶座雲霞迺廣陵之觀猶托懷於

啓雋類函卷七十四

廿五

交遊兄弟篇章與星河而爭爛命使隨鴻鴈以偕來
某懷牛斗之泛槎憑虛莫到喜樓臺之近水得照偏
多忽裏金盤沆瀣直分白璧瑞毫恨不得邀素娥而
游清虛中恍已覺棄彩鸞而舞桂樹下曷勝弄
矢蛩鳴

賀藩司冬至附回答

賀安岳牧啓陝西

宋王格齋代

弱線五紋方驗漢宮之日洪鈞一氣併融魯觀之雲
惟時備福之來不在元臣之外肆哀善頌往候涓人
恭惟某官道大格天權高分陝百揆四岳有州牧方
兼內外以疇庸五更三點出鵷行盍領星辰而顧面
君子已占於道長我公行見於袞歸俾壽俾康時萬
時億某顧詹大幕如在層霄銅駝非故鄉空有感時
之歎珠履皆上客阻陪賀厦之賓頌詠惟勤敷陳莫
究

啓雋類函卷七十四

廿六

賀兩司冬至啓

明蔡復一

五緯珠連定晨星而中軫三雲樹合占祥雲以出箕
惟楚宿得天首標月令乃陽亨應日倍熾台禧景
迎長按義鞭於狼駿段灰浮暖聲伶管於鳳凰書夏
正之荔芸乍分淑氣動荆江之梅柳盡漏陽和謹澡
泄以壽人助閉藏而幹化如冬可愛曝背夾三與時
偕行舉頭尺五登觀臺而紀瑞誰貽熊繹太平遊化
國以舒歡共祝龍光不爽其添窮愁之一線冷獨閉
關探消息於重緹溫同挾續敢將玄酒仰贊剛辰侯
律六日七分已叶京房之易歸朝五更三點更歌杜
啓雋類函卷七十四

廿七

甫之詩

賀兩司冬至啓

明蔡復一

圭表測長轉淑光於亞歲璇臺占瑞書嘉米於五雲
欣此七政之更新允哉一陽之作主玉衡握柄回化
簪以先春華瑱吹薰動氣緹而排溽蓋軫中爲星度
紀是月也在楚得天而鷄尾乃太微庭惟公爲袁荆
欽福復亨可卜泰啓從茲某段律來和知化工之有
自梅簷索笑陪旅進以無從獻野人暄爲君子壽玄
絢進履編珠佇上平星辰繡線補衣合璧長依於日
月

賀司道冬至啓

明蔡復一

昂乃殷冬其儀亞歲子爲周正以踐長年凡南國之
迎暄皆上台之介福湘蘭衡荔啓楚望今甚都鄧雲
江風兆農祥於大美選八能以習樂我非其人釀六
物而飲和公宜既醉履襪成頌雖慙藏酉之書饌粥
追萌聊托賀辰之獻繡紋量日馭狼駿之未央彩筆
書雲登麒麟其何遠

回兩司冬至啓

明蔡復一

楚茅貢節方占荔挺之文鄒黍吹和遠寄梅花之信
折機之材已短若爲履長墜戶之質甘寒胡然得暖
啓雋類函卷七十四

廿八終

惟是其官觀乾坤之會既獨復以亨陽握臨泰之機
更朋來而引物黃鍾渾厚調成嶰竹之音寶鼎網緹
散作杳雲之氣而其持圭測影酌斗飲醇懸炭自昂
頓覺寒威辟易巡簷索笑俄驚春意續紛非隣七曜
之福躔孰聆八能之廣樂出行僊棧九寸律回禹甸
之溫入捧御牀五色雲補舜裳之麗欣瞻壽軫敬載
融風

啓雋近體卷七十五

類函八十七

東吳俞安期美長彙編

上饒王嗣經曰常同輯

潘司部三

建武鄧 羨遠遊訂定

上

上上司公庇啓

宋真德秀

長榜書名誤玷掌誥之選遠方隨牒第深懷祿之情
豈不堪拜揖於上官將以受約束於下執竊以難莫
難千使之爲宰能不能者皆自其人野王之請試長
安薛恭而厯理宋邑盤桓然後別其器朝歌有意於
啓雋類函卷七十五

除姦美稻不可爲之壅表甫惟求於治劇雖事之繁
簡或異亦材之大小不同某誤着青袍濫紆墨綬不
能操刀使之製錦未嘗登車何以獲禽僅若落山陽
以尹飈徠焉可治都昌而化豺虎第綢繆以結果徒
奔走於抗塵河陽號一縣花潘安仁豈於微官而敢
陋彭澤爲五斗米陶淵明或以小兒而見羞矧廢置
之際未免鄰城之嗤而退進之間每遭官長之罵誰
爲之地顧出其門茲蓋伏遇某官氣養之浩然道識
其大者振鵠鸞之翼而鸞翔要路垂虹電之光以耀
耀清朝我馬之惟駒惟騏惟駉惟駟躡躡屈谷詢之問

其棠之勿剪勿伐勿敗勿拜將形聰斷之思賜環行
補於公卿推轂未忘於官屬某敢不班揚明令敬服
常箴惟學道切慕於絃歌而奉法願寬其轡策獻梅
花之賦敢期直指之稱誦木瓜之詩當盡厚報之意
其爲欣忭曷旣敷陳

上浙藩沈左司啓

宋孫應時

捧檄爲親牽絲試邑望望日畿之近皇皇星使之尊
受察受容爲榮爲懼厥今令長視古子男單父武城
常屈孔門之高弟中年密邑固知漢代之名卿惟其
最近於民亦足少行其志然而世道一變吏途多端
啓雋類函卷七十五

責至重而權輕過常多而功少通天下以催科爲急
雖賢者皆束縛其間遂令紆墨綬之人至有蹈火坑
之歎非不得已其誰肯爲如某者蠶鹽寒生鉛槧薄
伎少不自料謂古人爲可師長知其難分此身之無
用獨計潘輿之便謬爲偃室之來礪確窮山荒涼小
聚十年久令百孔千瘡豈復容讀書松竹之林正未
能教民析楊之外區區有意憂憂奈何仰祈大使之
照臨竊載小夫之竿牘恭惟某官德業久大聲名昭
融自結主知蚤膺器使偃息江郡翱翔朝端銓曹推
鑒裁之高宰椽倚彌縫之重陞華中秘督餉京師條

教簡明風采，行動節兼兩道，固應蘇百億之生靈。
更有二天，豈獨方五六十之民社，願寬轡策，少效
驚利害之實，使得以上聞，疑似之言，不憂於先入，斯
爲過幸，矧敢他求，廣厦萬間，從此委身於太庇，故因
三徑，庶幾緩賦於歸來。

啓雋類函 卷七十五

三

通

通侯澹軒方伯啓

明蔡復一

嵩呼萬壽，魁曜移蒼柏之臺岳，長諸侯荆山，開紫微
之署，重侯騎竹，寮喜握蘭，恭惟某官，大河滙精中原，
總粹猶龍，變化則道德，綜其五千命虎，旬宣則雲夢
吞平，八九紀漢江而受職，陰滿慈棠，控吳蜀以提衡，
威存並藹，銅符既式於南國，金鏡爰函於北辰，偕五
老出告帝期，兼流作輔之昂，會四方來賀，天祐因陳
有佐之詩，价人維藩，詔特加乎三命，周邦良翰，許更
借之幾年，照畫繡於商丘，寧誇弩矢行春，花於楚甸，
啓雋類函 卷七十五

通鄒大參視某司空墳啓

明吳國倫

恭諡某官學綜今古，才豫經綸，敝歷四方，風猷茂振，
旬宣三楚，惠澤旁流，竊聞父老謳歌，用卜朝廷倚重，
况忝衣冠之後，久承鞭弭之榮，頌義方殷，望塵彌切，
茲有所請，匪曰私干，興國僻在東隅，人才僅方下里，
惟司空某氏仕爲先帝舊臣，班副六卿，家鮮中人之

產晚離衆口退崇高尚之風屢被薦書人情猶艷其
推轂自甘初服機事寢息於縣與其等雖共鄉閭不
敢過爲褒美頃年下世聞者茹哀今上錄其遺勞單
加恤典有司營其它兆賁自天恩乃少牢之賜已頒
九原何幸而遺諭之文雖布三載未沾敬代諸孤略
陳初悃敢勞法駕特曹荒丘使朝廷之德意不虛卽
草野之幽靈少慰式間封墓古道斯存旌往勸來士
風攸賴

啓雋類函

卷七十五

五

候

候沈文室啓

明趙貞吉

大庭品藻早識龐元三徑桑麻晚思廉叔况藉福星
之耀載沾普雨之和眉嶠騰光衣江滌淨惟門下江
南俊彦青瑣名賢省閣昔同心家通鮑管靖忠相戒
勉國倚范韓何期暗竅發機遂令中途改軸僕轍回
於栗里公麾亦向西川往事傷神新聞動色昔蒙尺
牘歡騰兩及衡門廼謬擬倫援引同躋往哲感茲高
誼如何可忘惟是旬宣又嘉山水留連高詠遙侍隱
侯道情與世法而交參外遊與內觀而同照自具匡
啓雋類函卷七十五

六

候座師王方伯啓

林下

明萬世德

燕臺槐交寄樞筦以安劉楚甸棠陰重藩城而借寇
揆留皇鑒慶溢朝端恭惟某官器範篤誠風猷弘潤
誕英規而熙洪胤蔚矣其姿闊茂緒而渥名流綽乎
其韻萬石君馴謹人咸誦其家聲富平侯醇良望猶
隆于主眷漢室名卿之子濟美端良王氏佩刀之祥

聯躋公輔曩宣九牧擬則三台眷戀庭闈歸耽林壑
綱常事大娛色養以承歡恬退風高望雲栖而感景
琴臺春曉夢矚宸軒劍閣秋深褒嘉綸綽佇頌五王
擢以銓宰之衡暫貢九金假以藩屏之任吞雲夢而
茹納驅江漢以朝宗袞袞英材披雲解榻汪汪雅興
乘月登樓其夙荷栽培曷勝抃躍承恩絳幘通桂籍
于朝紳奉使檀城阻蘭函于天末敬覓公家之客聊
申國士之懷

候左方伯洪公啓

明許以忠

淵繫諸藩之望必需元老以旬宣天生名世之英乃
啓雋類函卷七十五

借長才而保障輝騰方岳慶集員僚恭惟某官上應
昂精獨鍾閭秀吞九鯉于胸中仙氣飄颻霄漢掣六
鼇于掌上神功底定乾坤歷懋奇勳渥承聖眷乃借
三台紫橐總司兩制黃圖方面權尊隱若在山虎豹
高牙望登潛消嘯海鯨鯢將異命重申嘉岳伯無前
之績則鼎階晉陟佐王家不拔之基其智局挈瓶才
疎領郡簿書初試如理絲而莫撮其端駕馬思奔願
加策而常及其腹顧仰虎林之天日時切葵傾奈迷
蜃市之風塵未將芹獻自貽疏節殊屢報衷謹馳役
以資函敬叩闕而申稟伏惟俯鑒實慰仰瞻

候其官亭潘啓

明徐勣

某草茅賤士官劇庸才自甘晦跡于山林幸接光儀
千藩屏車停千騎恒式段干木之虛觴淪九霞特設
楚穆生之醴雀銜莫展鰲戴徒深迴想去年雖臥茅
江之使轍有懷隔歲長瞻薇省之福星啓事殷勤珠
玉寵山公一札韻書博洽琳瑯窺沈約四聲撰著擅
雕龍流芳名于萬古校讐慚帝虎附不朽以千秋讀
細帙便爾快心捧瓊函不忍釋手此明公謬以孺子
爲可教而不肖實由大人以成名者也茲者玉眷方
隆微信寇恂于河内民心殷望思起安石于東山豫
啓雋類函卷七十五

候韓淳寰方伯啓

明馬朴

紫塞元勛夙奮洪猷于北闕清朝名德式隆偉望于
東山凡依斗極之光咸爲引領矧冰天河之潤能不
傾心恭惟某官軌耀儲精岱溟鍾秀氣節與秋霜共
凜襟懷並春旭同和青瑣封章用仲淹而士夫相賀
朱衣衡鑑屬永叔而文體聿更一麾出鎮天雄九矣
北門之鎖鑰載命提兵上谷卓哉右輔之金湯綱紀
肅而一路熙恬野無鴻鴈摩霧明而三關寧謐塵靜

犬羊崇閼升山已勒旂常之最渥綸渙錫存登岳伯
之尊偶因不豫之懷遂動則違之念閉門移疾納組
弓還高翔儀羽之達鴻遠結閒情于清鷺五百年名
世舍其誰哉六一堂者吳今屬公矣雲亭風月弄吟
詩酒之間適軸煙霞嘯傲禽魚之外養惟違時貞匪
利幽處江湖而懷廟廊豈久自家康濟邈關河而望
綦履猶厯何處旻幃其詩禮追蹤簿書下走再領使
符而試吏適逢憲節之肅察才減年荒曾夢囊中之
未見喜深來晚不煩堂下之片言知已遇鍾愧乏高
山之調逢人說項益感深厚之懷頓遠龍光實懸

啓雋類函卷七十五

九

候表方伯啓

明陳翼飛

紫薇清切高開四照之華烏石龍從迥被三台之彩
波澄裨海暄遍編萊恭惟某官名世鹽梅豐年寶玉
蜚英秬圃見觸目之琳琅翹秀文林是宜心之竹箭
人倫南國模楷高標有道東都菁華盡擢江毫已夢
香生画省之蘭羅鳥重吞藻挾明光之草淹中禮樂
會登殊泗之壇嶺北承宣經飲石門之水楓宸特簡
多府頻開下車而肅百城照乘而光千里絳荷紫橐
宜膺弄印之殊榮金版玄珪暫借褰帷之雅望展臺
佳氣乍欣若木之攀荆渚徽音更席維桑之庇五雀

六燕咸共適於平衡乘雁雙鳬且同熙於巨壑靈泉
聖水遙迎鶴馭之賓霞鳩幔亭快覩鳳觀之使其蓬
心已又蒿目徒勞鶴鳴製於荆溪幸側隣乎錦里鵲
鳩之性惟拙敢希借纔之風鼯鼠之技易窮敬砥餘
丹之鼎詎徼天幸辱在民編聊授客子之鯉魚用當
兒童之竹馬婆娑甘棠之下旣縮地以何從汎詠旱
壤之間欲拂衣而未決蓋泉石之痼正合蒲柳之姿
乃松菊之荒莫遂田園之趣驚猿怨鶴慙被移文沒
糾浮龍何堪素食願掃門而無路惟處堂之是虞所
賴翦拂頻加范型在邇歧文峰之未影蟻垤增高披

啓雋類函卷七十五

十

德曜之餘光螢輝益映則驚私竊并奮負何堪者也
謬陳瓦缶之音婉之琅玕之實望瓊麾而惕息魂搖
登畫之溪沂玉塵以皈依心掛錦綺之樹

簡

簡王方伯啓

明謝廷讚

斗山望重桑梓庇深亮和風甘雨到處卽滿宗陰想
介石冰心當宁倚爲水鏡也邇者首藩名壤敷政優
游吏肅民恬衡平會當湖光澹蕩緯文水以俱波潮
信淵回泝彭磯而覺爽履不競不絀之素處多譽多
懼之都玉鉉剛柔朱絃正直霜標柏幹久敷歷于朝
紳永映梅心佇調劑于台鼎某後生末契誼篤弟兄
累世通家盟申王謝忽遊鳳舞之地幸愜龍門之登
况托粉榆匪綠萍梗棠棣可同年而語焉羅亦何說
啓雋類函卷七十五

之辭故敢進燕音丐郢削抱布鼓過雷門云爾

迎

迎洪方伯啓

明王德乾

元老觀天顏三接晉承而有喜首藩瞻日采百寮萃
集以爭迎霑恩尤渥于微生待節爾虔于隔歲念某
菰蘆末品對非下材非冀馬而思騰爲感孫陽之顧
是黔驢而終蹶寧辭子厚之譏壯心雖折于凌霄大
德敢忘乎覆露豈叨斗餽仍庇宇陰曩驚賜札于紫
垣未皇頓謝茲值受成于丹陛全仗吹噓復蒙離臺
稱宜範辟雍獎借本非其質按院謂堪令製錦刻章
殊過乎情匪大宗師之謬與游揚何二直指之交相
啓雋類函卷七十五

迎方伯觀回復任啓

明鄭懷魁

旂鸞北指九重承晝接之榮車馬南旋一道布陽春
之象幸所天之孔邇戀與日而俱深恭惟某宮閭海
真儒熙時碩輔首登甲第瑞應五雲歷陟清曹師表
百世爲忠爲孝立臣綱於清朝于蕃于宣作方岳於

越國茲者介圭入觀眷注重乎楓宸畫錦言旋光輝
被于梓里蒼生望切會見曳履星辰紫氣祥飛久薄
前茅雨露其一麾守郡三載服官頃附驥尾以朝天
自分驚飛而捨地夙荷覆載幸免罪愆感徒切于鏤
銘報未申於銜結仰節越之遙貢宜負弩以先驅緣
絆簿書莫遂趨蹌之願敬將悃款用光脂秣之私伏
願神龍踴躍起於雲間早慰黔黎之望威鳳高翔於海
表欣同將吏之迎

迎陳道尊啓

明夏守成

鳳閣露膏輪軸沛九天之湛渥羊城星福旌旄耀百
啓雋類函卷七十五

粵之光華軍旅與俎豆生輝將吏偕兵民胥慶恭惟
其官儒宗碩望王佐鴻才允武允文吉甫萬邦爲憲
足兵足食君陳三路保釐頃因齋捧之榮旋復膺安
懷之重寄雲瞻有日星駕屆期噓蓬萊之清風風銷
五嶺朗羅浮之皓月光燦三山行睹徵輪暫煩攬轡
其昔忝部民仰翼久依夏屋今叨屬吏吹噓幸際春
臺望紫氣於前茅深慚守免和丹衷於北道謹代

迎徐道尊啓

明劉純仁

方岳旬宣特重監司之任臬臺秉憲幸膺表率之權
百職傾心庶民引領恭惟其官衡岳鴻儀漢江望

惟聲名之夙冠斯綸綍之重申分憲閩疆秉旌泉壤
持綱振領一方之休戚攸資激濁揚清庶衆之權衡
是藉允矣南邦鎖鑰展我海國金城矧某屬吏蒞荷
瞻依拜領魚書愈深雀躍顧官常匏繫無緣躬迓于
隣疆下吏遣迎代護前驅于左右伏願旌輶夙駕上
紆軫念深仁玉節星馳下慰恭懸至望

迎靖道尊按臨啓

明曾光啓

恭惟某官名隆朝宇澤覃蒸湘電布上流播風聲于
江漢星言初下懸日望之雲霓廼駉駉節暫停而威儀
未覩一遊一豫春耕動夏諺之思載馳載驅我馬續

啓雋類函卷七十五

皇華之詠幸不遺乎裨郡將遂覆以萬間舉目蒼生
大造豈恆時雨滿腔惻隱公門自徧和風伏乞早駕
台輶儼臨衡岳某預清道快仰斗山

迎潁州道啓

明諸葛昇

鳳檢疏榮日月光懸衮繡龍鄉秉憲風霜氣凜軒旂
留蕭相于關中深計本根之重借召公于南國實寧
巖石之瞻渙號星馳坤垠雷動恭惟某官兩儀間氣
五緯儲精威名屹若金城德望巍然玉柱一自王人
舒軌固知得鵠不如得言再從使持籌因羨銜雞
光于銜命出麾列岳龔黃之名姓猶香總臬專藩張

范之威稜不著茲者徵靈節制信鼎撫經緯四年五
氣鬱葱爰重翰屏之寄數千里風采除雲雲霓表
之封知遐去豺狐不待乘傳入境看橫來魚鰲還同
露冕行春臺郊後后其虹霓肥水驚先工章示

迎係大參巡道啓

明金 璋

楓陞降瑞章鳳詔新銜于漢表徵垣榮錦標虎符肅
鎮乎湖東遙聘左軺怒先驅之負弩特申側理儼既
見之錫朋寅惟台臺志吞鴻鵠奏迭壇麓皇帝哀矜
清問五刑五教兼明岳牧載光昭谷乃武乃文並懋
爰遷剪珪之雄甸明闡增戟之使威蓋國憲手持則
啓雋類函卷七十五 十五

列城疎震天慈口喻則百姓悅安且緣治禮以治軍
直可折衝千里僉謂楚材而楚用行當爲憲萬邦其
閩制陳人粵江散吏牧民無狀慚曳梁苑長裾事上
有懷願擁霜臺短簪自天六傳先將管子以迎旂動
地三軍預信兩師而灑道瞻依伊邇延佇惟虔

迎吳守道啓

龍樓峻直熊威臨屈天子之貴人壯茲華翰領星
臺之末屬復在嵎嶺受科條倍增舞拜 當鳴玉
立霄漢之間計謨斯遠以紓金鞍山海之望 政令方
新上寬九重南顧之懷行王駕左虛之

迎左轄王公啓

以蜀右轄轉

明樊王家

萬里分綸久重西川之保障三江坐鎮竭來南浦之
藩屏合屬歡呼四民扶躍恭惟某官應泰運生爲聖
人出十年郡邑其棠留衆母之思三峽樓臺綿竹引
使君之節車奔九折坂寧辭蜀道之難劍橫萬仞峰
逾峻天門之險旣敬由獄以長王國旋借本岳以佐
雄邦花重錦城映微垣而燦爛石爲樓閣開棧道之
稜氛所居信三年而成都何幸跨五湖而借轄星分
翼軫忽迴西域之仙槎雲傍馬頭佇待東來之紫氣
此日攀轅臥轍固奉輶魚鳧鳧之域從市如歸只今露
啓雋類函卷七十五 又十五

冕褰帷應念龍沙蠡澤之濱望公若歲其猥以疎庸
謬叨艱劇三年潦倒空慚芻牧於牛羊百孔支吾已
缺芒刃於體解所幸示典刑之不遠庶幾策蹇劣以
爭驅情寔切於傾葵念有踰於騎竹遠效王褒獻頌
請賡聖主之得賢臣即看申伯于蕃共喜周邦之有
良翰願言夙駕祗迓星輶

迎守道潘公啓

以廣東學憲遷

明樊王家

法曜懸霄南海沐文明之化薇垣映斗章藩重彈壓
之司鎮決颺以宣猷撫匡湖而灑潤群生注望下邑
分熙恭惟某官聖世鳳苞清朝麟角殿廷賜對金莖

永湛露於九霄
却邑平反園土掃飛霜於六月江國
思留蔽芾春華
秩晉班聯積德際百年先兩漢尊君
甲臣之習曷過以三重佐一王議禮制度之權爰承
特問於九重乃掌文衡于百粵品題便稱佳士超北
壯驪黃之外以得其神奇豈弟退不作人起海濱鄒
魯之遺而臻之雅化况乃奸釐蠹剔毋令荆棘之長
薈薇即令乎化翼飛盡是公門之裁桃李得人事國
已空南海之明珠惟帝念功暫借西邦之福曜初傳
綸綍凡屬襟江帶湖之境共仰雲霓遙盼干旌何幸
承流宣化之司獲隨鞭弭其瘴海鷓鴣風塵牛馬數
啓雋類函卷七十五
載叨恩於宇下已受一廬而爲民只今執役於臺前
更喜二天之在上肅將下走敬迓先驅凝眸盼珠海
白雲翹首待龍沙紫氣車爲枳不得發攀轅應滿五
羊轡如濡以載馳騎竹爭迎駟馬

送

送胡方伯啓

陝西

明吳國倫

天王眷西土周咨歷試之賢岳牧翊中朝特重旬宣
之命司存藩屏莫華嶽以固金城力寄股肱挽河源
而清玉塞布省方之駿惠勛非衡石可程操經國之
鴻猷慮豈智囊攸測惟茲弼由帝賚適符名世之期
乃爾簡自宸衷益肅在公之義五熊開道鏡中攬秦
地山川雙隼拂雲袞上置漢家民物甘雨以時爲澤
德星所至增輝恭惟其官汾陽具產安定名家丰神
煥彩于九苞文藻探奇于五緯斷輪悟道澄心洙泗
啓雋類函卷七十五
之源迎刃應時奮跡唐虞之際南宮賜第東觀蜚聲
珥白筆於殿中蚤奪三狐之魄鞭青驄于海上更存
一鷺之風尋以別歷懋勳累遷觀察總憲按婁非之
墨吏威名震布于兩河洗桎梏之冤民生氣昭蘇于
列郡寬嚴並濟殊稱青史名臣才量無弘不負蒼生
公望頌聲滋赫譽命載新握分陝之符儀章異等擁
入關之傳徒御騰歡謝棘省以西馳轍臥梁園父老
登薇垣而北顧天懸魏闕星辰體國足民羌壘行無
菜色承流宣化義輪仰對葵心平生海內儒宗此去
關西夫子伏願經綸益究寵遇薦膺皇靈罔而功載

鼎彝人瑞昭而榮生劍履爰采謳歌之意式噉餞送之詞

送鄭方伯啓

明陳 濂

三載昌期來肆朝之群后九重魏闕賴有慶于一人
觀劍佩之祥光瞻衮衣之日近恭惟某官文高山斗
望重華嵩太微二十五星光搖靈漢帝城百千餘里
望入雲霄任重藩垣沛八閩之膏雨意宣勤恤蕩薄
海之仁風茲屆肆覲之期趨蹌載賡况值元春之首
踖躅秉圭勅天顏有喜爲百僚具瞻某分屬下僚竊
雲天遙庇職縻株守依山斗徒懸謹布驚私肅將燕
啓雋類函卷七十五

喜俯垂末炤曷任光榮

送胡方伯啓

明夏守成

兩明繼照潯徵華渚虹流三祝陳詞遙動微垣星駕
馳三千之虎拜頌九五之龍飛環粵臣舞蹈呼嵩
曰無疆聖壽獨恩臺趨蹌佩玉快瞻有喜天顏涉齊
魯之名區豈拱比泰山而朝同北海際姬周之景運
將歌賡天保而觥獻函風寶笈挹春光似玳瑁珠於
合浦瓊章護秋色再上金鑑於曲江顧茲炎微演池
之警已勞台注調停倘蒙合官前席之詢望補宸旒
明見慶自一人歡騰百粵其枌榆未植檮櫟下僚

羊省之雲連鳧翅莫遂聽驪歌之颺發鴈足是將無
已寅恭統祈丙鑒伏願明明天子春秋歷八千歲而
舜壽倍隆更祝翼翼帝臣聞望冠五百年而禹功

送劉方伯進表啓

明應 卿

龍飛金闕鬱葱瑞藹千門虎拜玉階率舞歡呼萬國
動使星之耀彩觀文旆之祥光恭惟某官昂躋商說
岳降周申英風登廬阜高標在度凌彭湖萬頃微垣
重寄爲庶宋具瞻岳牧顯司乃群生倚毗千秋節屆
天開舜箚之符五夜漏催臣頌堯天之祝朝家盛事
海宇歡心某職守徒縻愧孝忠之未盡戀瞻曷極向
啓雋類函卷七十五

送司道入賀啓

明施德政

流虹繞電萬齡聖作之期十雨五風一代昌隆之會
九重欽福四海騰歡恭惟某官誠溢丹墀忠昭璫軸
玉杯闕下爰符再日之中金鑑懷中正值千秋之節
睠茲函表遙獻垂裳使富使壽而多男願上堯封之
祝宜民宜人而受祿長歌周雅之章史冊殊輝子臣
巨美其邊疆執戟輦轂關情瞻極宿之澄霞朝宗有
念望仙槎之上漢脂轄無緣敬致東忱幸垂高視
送道尊入賀啓

明林春華

運際離明主聖 享齊天之筭誼隆泰道臣心抒日月
之丹祝鳳曆以無疆拜龍顏而有喜恭惟某官生於
瀨氣鑒美人倫名高青瑣之班望重金華之地屏翰
功成於侯甸菁莪化擬于周京萬里澄清不肅紀綱
之憲八閩再造於昭岳牧之猷惟茲聖壽天開高呼
靈集奉金函於日下實增上國之光扶玉輦於雲間
更切大觀之慶知湛露之恩必盛而康侯之錫宜多
命珪旣已過程皇華亦且卜日某備貢宇下帟幪之
貺如天具品籠中稟仰之忱若戴片曝之私未展犬
馬之效奚存謹裁尺一之楮敬代萬分之悃伏願恢

啓雋類函卷七十五

九

平雅度示以司南羽植賴沾濡幸假碧梧之露孤枝
蒙將耀庶依紅杏之雲延結下悃懇祈崇炤

送張方伯致仕啓

明王兆雲

南國寒帷克繼召公之闡澤東門祖帳遠追疏傳之
榮光荆湖花鳥含情負屬簪紳戀別恭惟某官百代
偉人兩朝碩輔帝念荆楚名區實爲湯沐重地借命
世之巨材建匡時之偉績聽采芣於江漢士女嬉春
而歌太平挹洞酌於餽餽耄稚忘年而樂順治六二
爰中偶契見幾之旨五千言內遂遵知足之文雖樂
散投閒欲暫作江山風月之主而望

隆眷渥即看爲
鹽梅舟楫之旨

鹽梅舟楫之資某素荷栽培曷勝依注謹馳竿牘之
私用展芹葵之念

送胡方伯入賀啓

明樊三家

國家列爵惟五出推岳牧之尊嵩岱聞呼者三入效
華封之祝王母獻千年之實張鸞乘八月之槎休哉
喜近龍顏行矣光生馬首恭惟某官清朝碩輔環海
具瞻手提地軸天綱應光岳五百年間氣胸襟文經
武緯作當代第一等人流諸艱歷試者多年厚德弘
施者列國至如鄒里充荷殊恩曩樽俎以談兵氛稜
全消靜矣鯨鯢不浪茲藩屏而作帥聖明南顧隱然

啓雋類函卷七十五

三

虎豹在山信過化而全神豈啍濕而濡沫久注楓宸
之眷暨棲微省之司適當華渚之流虹爰厪台臺之
捧日衆謂邦伯百僚是長誰寔居守寧其以歲事而
廢旬宣公曰天子萬壽無疆臣職當行敢或後諸藩
而疎展賀民留公而不得敬歌九罌之章忠在遠以
不忘應上千秋之鑑蓋臣子事君猶事親也用輸愛
日之忱惟國人望公如望歲焉遄返朝天之馭某叨
承宇下辱在教中十年燈火何功夙荷拔茅之遇此
日科名非偶深銜結草之思更分一命於比隣益仰
二天而藉庇盼龍光之伊邇肅虎拜以將行未效鳬

趨聊申鐵咽一官羈絆空從數千里外遠禱堯年萬
國衣冠知向尺五天頭分承漢露

啓雋類函卷七十五

三

謝

謝帥座啓

鄧守到任

宋危昭德

幕泛紅蓮初何裨于帥閫樓高白雪忽外寄于州麾
拜命之隆闔端有自竊以物雖有異情皆欲榮秋菊
春蘭固隨時而成色露螢霜葉亦照夜以爲明豈伊
人之最靈耳微材之自棄如某者長而無進老亦奚
爲然竊從并底之觀亦時有管中之見自筌蹄於場
屋常夢想於事功僥冒入朝謂蓬萊之已近倉皇去
國望閭闔以何深投明月以無因撫凌雲而自惜瘠
耕寒釣豈無卒歲之謀晚學衰耄未有報君之日遂
啓雋類函卷七十五

三

謝帥座啓

漳州到任

宋危昭德

一麾出守已臨漳水之濱十國爲連遠庇閩山之底
敬飛鴈信仰謝鴻私伏念某雅類書癡自知性朴蠅

成紙上第偶得於丁年雪滿鬢數已踰於甲子頃
逢更化濫升本朝小才莫應於時需末議無裨於國
論學始知而不足欲寡過而未能積習寵榮浸成罪
戾驅藍關之馬方恨其不前奪墜田之牛恍驚於已
遽久矣投閑而置散適茲宣化以承流繫古漳州爲
今道院僉謂民淳事簡或可偷安自惟政拙心勞未
知攸濟况窘者欲紓而什者欲植猶痿焉求起而僂
焉求伸曾是踈庸所能堪副茲蓋伏遇某官西清曳
履南國維垣居玉帳之深嚴總臨侯甸念銅符之分
遣真匪王臣不吝吹噓遂容忝冒其敢不肅恭布政
啓雋類函卷七十五

和平宅心有社稷有民人當體皇家之矜恤無小大
無衆寡悉歸帥府之涵容

謝帥座啓

還職

宋王

邁代節

效官弗謹莫逃貝錦之譏薄罰不懲隨許舊轡之復
方嘆宦海風波之洶湧賴有使天日月之清明愧見
于顏感極而涕伏念某名爲族屬實則書生過庭聞
詩禮之緒餘從仕守命義之大戒坐曹督畫深慚不
稼而取禾被檄董輸敢憚折腰而爲米適大帥開落
之始軫細民艱食之憂旣減蠲斛面以寬民力之一
分又督責關頭以防吏姦之百出凡編戶皆合詞而

鼓躍在末僚當極力以遵承其奈此邦素瘠薄俗凡
爲攬子半是假儒輟而揚前有批糠欺公太甚穀不
熟弗如黃稗夕積何堪則爲出納之有司可不隄防
於始入以此歛怨宜其速尤至於黠胥有鼠雀之求
衆卒爭鷄蟲之得是則監臨之有罪方將兢惕以省
愆敢謂仁私遽加恕宥初亦察詞家之無對疑且從
輕終又喜小己之自新不爲已甚茲蓋伏遇某官名
節霜明而雪白德量山負而海涵一飯念民推赤心
而起廢萬間庇士赦小過而舉賢致使斗筭之微才
不爲天地之棄物某敢不澡身浴德息劓補黥正已
啓雋類函卷七十五

所以正人已佩書紳之訓使功不如使過幸無

之嫌

謝胡帥啓

西辟

宋劉克莊

山澤之懼何心於進丘園之聘無德以堪未報舊知
更銜新惠伏念某粗聞理道亦喜功名當聖哲之驚
馳紛侯王之變化歲年將晚寧無老驥之心時命不
諧遂有冥鴻之志浮沈間巷交侶漁樵散髮採薇以
養生灌園織屨以自食敢期辟召誤及沈淪既餽金
以治任復析簡以諭指念高堂乏滸髓之奉謂陋巷
有簞瓢之憂不其餒而可以出矣然而謀之妻子誠
寂寂以難堪畏我友朋蓋遲遲而未往及申再命始

勇一行昔夢六山川今身遊於國道臨川之望望玉笥丹霞之雲吊賦鵬之故墟覽鯉魚之遺跡涉江而賓帝子登岳而款祝融窮詭異瑰奇之觀忘羈旅飄泊之感此生何幸所得已多茲蓋伏遇某官鈇鉞一臨弓旌四出豈無勝彥聚幙下而謀焉尚有幽人自水涯而起者顧方遠引亦忝旁招某敢不懷此深恩竭其淺慮共遊兔苑雖慚蜀客之才不省馬曹當矯晉人之弊

謝越帥王尚書啓

開

宋孫應時

遐邇試吏仰未照以自安會府薦賢膏餘波而下及啓雋類函卷七十五

二

退省泥塗之陋顧塵風裁之高非分所蒙雖榮而懼竊念某天資底滯人事濶疎守父兄之樸學而錮其愚習師友之緒言而膠於用擁書自嘆徒妄意於古人拊已悉知亦何取於斯世悵田廬之無有曾水菽之不謀猥以諸生進于禮部上汗衡鑒謬齒簪紳獲又逃於空虛亦竟忘於贊謝低徊巡徼怵迫簡書草澤漁樵作封丘之清夢江湖歲月媿彭澤之高蹤粵聞帥轂之東維喜師門之舊雲天勢遠際戰難焦崔情卑絨勝莫訴託幘幘之甚大寬簪楚其已多云何驚散之流勿昇鶚書之重所施過甚自

蓋伏遇某官宗社名臣乾坤間氣垂紳入侍朝廷九鼎之安授鉞開藩京師蒙千里之潤紀綱一面帶列城居天下之望而寬以待人位方伯之尊而急於下士明足以周庶物之情偽大足以器群生之短長雖是瑣微盡從甄別原選舉之初意慨風流之衰權門爲之摩肩市道幾於攘臂焚券至此耿耿何言敢圖後生復見前輩冶金不躍寒谷自春洋洋乎愛惜人物之風長焉扶持善類之力慚所取之非稱尚有傷於至公敢不砥礪前修激昂壯節流行坎止聽造物之何如松堅剛庶酬知於未老啓雋類函卷七十五

三

謝徐方伯啓

明鄭懷魁

使過榕城獲親芝宇便番蕪錫慰誨交并聆座右之高談關衷中之重計仰尺籍勾稽之錄十載爲期窺寸心節愛之仁七閩褫福豈徒書而佩服蕪可奉以周旋旣攜家而北征侍登樓以四望六鼇挂海五虎浮江珠玉之咳雲飛琳瑯之雅日洽人苟有胸誰能無懷哉恭惟某官以周召之蕪材都岳牧之重寄文雄千古而胸裕經綸譽滿人寰而懷虛吐握噓陽和於澤國則枯朽爲春大布濩於海邦則煦濡自潤四時之氣以備霖雨之望彌隆斯實末學之所皈依朝啓雋類函卷七十五

謝梁方伯啓

明王兆雲

荆湖總岳夙高保障之勲江漢襄帷益懋旬宣之績列郡咸沾乎甘雨三楚快覩乎福星倚重熙朝騰歡末屬恭惟某官祥發玉陽瑞鍾瓊海文武兼資媲美壯猷之元老誠才兩合信爲命世之鉅公杞梓梗楠典試而棟梁入選風雲龍虎飭兵而烽燧全消秦關

仰總憲之風裁楚岳賴撫綏之庥澤廼者白雲黃鶴之上都得借玄袞赤舄而下邁振綱飭紀五雲曜朗薇垣春育海涵萬雉曉垂棠蔭在合屬實黔黎之共欣在卑職尤忝瞻之是賴敷奏幸道削書綜覈得叨薦剡未遑樞趨以展謝敢忘培植而銘衷肅具尺函用申寸悃

謝布政司薦啓

明戴新

駁伐崔魏躋海國於堯天舜日玄功浩蕩網纓綏於惠日薰風瞻薇省以馳神有懷佩德奏魚箋而布悃無語罄衷恭惟某官應運真儒匡時上哲望高山斗啓雋類函卷七十五

合九有而仰止依光度渺滄溟盡百川而朝宗赴壑龍袞騰懷夫吳越麟符久佩於東南絃管遍晴原二百年蒼黔增色荏苒銷綠野十一郡到處生春當茲清晏之秋爰重激揚之典匪直江城銅墨稟月旦而凜霜威即今繡谷皂囊亦借永壺而分袞鉞凡末貢共微雲莖在下走更藉數容某猥以庸流誤當劇郡處兵民之膠輿旦夕攢眉對文武之錯綜夙宵搔首瘵官三載負罪萬端何當岳鎮之吹噓致厠按臺之華袞盼睠成飾增馬骨以千金獎借過情寶燕石以十襲受此生成之德敢忘銜結之思翹首龍光喜瞻

天而有素羈身屢海悵縮地以無從肅布一函代申寸隔仰惟汪度特賜淵涵

謝劉晉川右轄啓

明樊煒

清寧正位久蒙覆育之恩膏液遐沾忽拜鮮推之賜捫心知感揣分奚堪恭惟某官西華毓秀北斗齊名鳳池日麗敲金戛玉文章螭陛風高補衮批鱗事業文星臨兩浙鳳麟呈入穀之祥薇宿昃三湘江漢起澄清之譽台衡望重吐握施勤下逮首肯之微濫與玖璫之錫某棲身林壑拭目雲霄長男承乏徒懷嚮往之私仲子何知復荷鈞陶之力感切由衷禮隆望啓雋類函卷七十五

謝司道賀生日啓

明蔡復一

孤露慨然永懷慚於立稿仁風穆若何垂德於嗟枯長無述以奚爲愛欲生而未已惟上台恩無棄物憐下走壯不如人華衰飾文則波傾七澤青玉投案則貺重雙金漏春信之梅花使荔芸有並時之幸結歲寒於松栢在草木忘同腐之虞夫被方平之鞭者猶能度世書玄卿之篆者亦詫遇真苟許鼎藥以永雞

未妨山人之呼鼠況乎生成再造獎飾半殘題蘭質以冥靈變忝崖於陽律雖夙興夜寐難酬罔極之君親而日邁月征敢負見收之師友聊塞蘭浦仰答槐階少杼輦戴之悚祈鑒雀銜之悃

謝張道尊賀生子啓

明吳振英

恭惟某官金源玉裔遠紹清河桂馥蘭馨獨標衡嶽上天所以錫胤錫羨台臺所以保世亢宗固宜謝庭琪樹無以踰斯王氏槐陰方斯茂矣某素乏訐謏遠猷以爲先業之光猶賴晚年舉息以邀彼蒼之眷苟延未墜之緒已逾望於無涯至勤遐貺之頒益占情於如結但今日之襁褓卽他日之屋烏撫呱泣以續箕裘聊娛末節提干戈而衛社稷深藉相成

謝周方伯啓

明王家屏

昔嚴中丞以小隊出郊杜少陵之野亭斯重魏觀察以玄真表宅張志和之釣隱彌高自非盛德之光孰闡幽人之貴如某陋質廢處窮陬控地鷄鷄卑伏榆枋之下入山麋鹿長逃蓬藿之中幸託庇以安居數屈尊而臨顧猥希非望之寵冀沾不朽之施得一字兩字以爲榮乃大書特書而見貺璇題昭揭炳焉奎壁之章瑰製聯翩鏗若琳瑯之律槐堂綠野功各總

愧於裴王北海南山德福敢蕪平仁壽至蒙慶賚愈
溢分涯回視杜少陵之野亭殆无增色以方張志和
之釣隱詎止成名奉爲鎮宅之符期朝夕瞻顏於咫尺
遺作傳家之寶俾子孫誦德於無疆肅附謝言不
勝銘戴

謝鄧道尊啓

明王兆雲

閭澤旁敷行省望隆於三楚幘幘下逮屬寮无戴平
二天望薇垣而馳戀托竹簡以將忱恭惟某官天挺
異材人推碩望探源聖閭洞歷液於群言採藻詞壇
妙縱橫於諸體西京東漢遊戲翰墨之場兩晉三唐
啓雋類函卷七十五

變化風雲之態惟其譽望日崇於寰宇是以簡在獨
注於聖衷五能開道荆楚之惠澤旁流雙隼拂雲父
老之謳歌橫溢豈惟擅燕許之筆發揮天地之精華
抑且展周召之猷保乂江漢之民物台衡正爾虛席
爰鼎待以勒功某樸樸微材簿書俗品偶叨薦剡實
仗恩埏恍驚華袞之加莫罄瓊琚之報修尺牘聊表
寸心冀海涵曷勝淵惕

謝曹能始潘參惠扇啓

明謝肇淛

眷彼齊紈來茲蜀土峨眉翠色裁成半月之輪錦水
香紋處出微波之彩側聞天府夙珍筐篚之陳何意

臂叨被瑤華之及蒲葵聲價浪湧於前朝京洛
塵頓消於今日物因人重情與文俱敢不揚此仁風
將之永日挹清芬之面如對故人散游飄之魂自涼
俗骨勒械致謝無任懸馳

啓雋類函卷七十五

三十一

同答

回福州賈帥啓

侍郎出藩

宋周必大

簡求禁橐擢領藩符消日之良殿拜茲始恭惟某官
家傳學術世號吏師典郡著廉平之稱登畿馳休顯
之譽震厚宸知之渥越躋法從之華適謀帥於七閩
肆出綸於九陞海山環境古稱富盛之鄉冠蓋盈城
今日詩書之國佇報中和之政即還嚴近之班某過
辱書函備形謙柄其如悚感未易敷陳

啓傳類函

卷七十五

三十三

答張東沙方伯啓

明王廷陳

恭惟明公鵬圖學海鳳覽儒林談藝則沃抵以敷華
議政則具儒以本吏獎恬抑競故亢矯之士以褒略
迹求心故流俗之言不入近習則胥吏以及輿臺遠
聽則州郡以逮邊徼多歷則父老能評則縉紳皆謂
明公敏作能精寬大無漏誠百司之偉程連帥之攸
準也至於觚翰必操圖書在案誰知方伯乃屬文儒
其或游矚故墟感慨陳跡酌鸚鵡則傷心處士之遭
醉黃鶴則引領仙靈之駕憫旱則企沾神女之雨若
熱則願當大王之風軌羊公之政則殘碣旌思踪周
啓傳類函 卷七十五 三十三

郎之策則斷岸表烈近寓堂序遐盡封疆信江山誠
詞賦之資弛張乃文武之道念僕禱如無用灰似不
然蒲柳先秋桑榆易暮泥塗曳尾霜霰被顧壯圖已
墮老徵遂著豈意蟠木厠萬乘之器朽骨辱千金之
求愧乏先容諒慳晚至長夜難旦每悲甯氏之吟寒
谷雖春莫報鄒生之律縱負嘲于尚白終望教于思
玄

答丁藩伯啓

明董應舉

唐咨四岳師錫用革周恃价藩天基永奠矧海邦之
僻壤接弁服於重溟地側民窮席風濤而待命稅煩

商因驅夷島以爲生宜帝肝之不忘恐人憂之方大
昔東南多故本起細微而約制不時過滋慘毒出師
命將竭衆力而誰何收燼焦原經年而始定蓋撲於
既亂者禍烈而力勞圖於未然者事半而功倍非識
周桑土併家國以爲心道契象玄先乾坤而獨照安
能豫弭亂萌克完蒼庶哉恭惟某官眉宇天人經緯
文武召棠有意隨友舍以搖青白鹿何心夾行車而
獻兆暫借薇垣之主行邀節鉞之榮某辱在幘幘慶
同桑梓方圖新於燕賀忽先被於鴻私感入五中拜
而三陌聊將芹敬願備藥龍伏乞俯垂委照榮荷勝
啓雋類函卷七十五 三十四

答萬方伯啓

明王家屏

某向廁禁垣忝私氣誼固冀勉分猷念其佐休明而
用世非才致君無術祗因冊儲之議有失阿承遂罹
冒上之愆致干譴斥蠟栖穴伏惟影響之不幽日照
月臨豈夢魂之敢覲猥微天幸台光直參并之分利
見大人鼎重作河山之鎮總十連而有帥吉叶師中
受一屢以爲珉歡騰部下如其朽憊倍慶遭逢第慚
不肖之踪有玷維新之治阻修竿牘正此逡巡乃辱
書使賁臨珍儀駢錫飾青黃於棄斷被宮徵於焦桐
情溢乎詞良荷軫存之厚寵違其質庸知愧負之深

答洪方伯啓

明田一儔

某百不如人一無知已偶緣天幸濫列春曹每自省
循若在水谷近乃較寅清之直還佔畢之司雖職冗
官閒似於鄙拙爲便而行迂殖落覺於模範非宜也
恭惟某官德爲世重才乃時須施雨露於滇南位已
尊於一岳履星辰於天上道將回於四維輿論攸歸
綸音可待某情尤殷於里誼志益切於承風輒因來
仵敬布中悃

答方伯念橋史公啓

明曾同亨

某品望最卑行能無取念進退之無補久負乾坤嗟
啓雋類函卷七十五 三十五

齒髮之徒存空糜歲月偶承人乏過忝恩私不出三
年之間謬叨兩起之命况留京根本之地而銓曹表
率之司驅駕足於長衢祗貽負乘之誚拾遺替於棄
地深慙求舊之仁業具疏以辭榮將披褐以終老不
惟止足之當戒抑亦衰病之難前伏荷高明特加存
注緘書鄭重使惠勤拳篤并州之情愛忘其陋推通
家之分擬非其倫戴高誼而感切於心誦華詞而媿
形於色惟當益堅難進之節庶幾少免妨賢之譏砥
行桑榆無干鄉閭之清論躬耕畝畝長爲聖世之逸
民用副門下特達之知且報主上生成之德不盡觀

縷仰祈垂鑒

答孟方伯啓

考滿

明陶望齡

戈船宣武海邦申萬里之威弓矢專征方伯重十連之寄柏臺望高於朝野芝綸光動乎吏民晉書方殷需雲同慶恭惟某官道協弛張文成經緯博綜文典之華曲邕毀鈴之秘青總步武飛嚴霜皎日之聲白貴堅貞矢河上墻東之操追賜環而作牧遂仗節以視師威鬯餘皇稟成算三軍之士氣吞丹服伐狡謀日出之邦屬以杼軸告空征求沓至室云如燬瞻依父母之非遙早旣靡遺膏澤雲雷之在望已周歲閱啓雋類函卷七十五 三十六

答方伯啓

明陶望齡

八命作牧榮分滄海之符三載陟明寵溢紫微之署芝綸崇追於祖禰璽書歡動於吏民晉書方殷需雲同慶恭惟某官誠明格物雅量邁時博綜墳典之華玄覽天人之奧木天丹地譽冠充朝熊軾隼輿惠敷四國二伯領周官之重百城瞻漢節之尊屬東南杼

柚之幾空蕪山海征求之沓至室云如燬瞻依父母之非遙早旣靡遺膏澤雲雷之在望物無疵厲宜居畏壘之鄉郊有繁陰共識召公之爰生南海潛夫東朝散吏愧演綸之未稱歌樂職以徒勤長跪而讀素書拜稽以登華貺疏麻敬報木李難酬覲縷微誠杼宣未竟

答侯澹軒藩伯啓

明蔡復一

右之無不有之政方邁於百祿報也以爲好也米遽輟於七襄佩德實多拜命之辱恭惟某官清融氷柱峻拔斗杓璞玉渾金欽寶而莫名其器含光宵練解啓雋類函卷七十五 三十七

啓雋類函

卷七十五

三十七

物若新發於硯將吏承偃草之風符八音之從律黔黎沐膏苗之雨歌四岳以興雲蓋行省中書階崇處外一相而旬宣舊部聲溢名使重來美南國之棠依然召蔭賞清夜之月不淺庾樓何期江漢之朝宗盡歸雲夢之茹納鳳輝巢閣宜騰毛羽之歡燕賀依梁深愧稻粱之意某傍徐吾之燭自喜有緣傾瑯琊之篴人疑太過芘宇下而忘寒暑寧知氣索小巫憑絃裏以發官商尚冀迷開先覺遙瞻薇旭欲托蘭颺

答卜惺銘參藩啓

明蔡復一

雲開衡嶽甫瞻鳳彩之新風送天香重荷魚緘之辱

瓊真報李佩欲紉蘭恭惟某官參井述精卿雲絢
徐寧佳吏部清簡不讓裴王申伯降嶽神旬宣兼
方召祥已占于卯五令遂布干庚三吏偃草而傾心
如金在治民膏苗之起色有雨隨車共瞻龍劍冲天
何啻牛刀委地岫嶼有屹勒勳平壓峴碑湘水無波
流清遠接澧浦某夙懷仰斗咀西望之岷峨厚幸依
星同南紀之江漢惟是美人在念天各一方何意友
生相求神通千里燕巢方定於賀厦鼙腹遽飽於飲
河雖則七襄莫酬瑯玕之贈猶懸兩地惟賦唐棣詩
答蜀布政送歲例扇啓 明董應舉

啓雋類函卷七十五

三八

恭惟某官唐岳揚休价藩作輔仁風遠暢已寬西顧
之思扇影徐開尚想五明之治伏承篤念旁被清陰
第見蜀道之艱難皆緣班統之作崇嘗讀疏而痛心
欲拜嘉而惕念禮有因時在長者固難破已成之例
民不堪命在應舉或可體節愛之心故寧冒跡於不
恭少用分憂於難繼恃有照原遂忘固滯

答侯參政啓

明唐堯欽

竊念某謬叨省闈交職無裨于絲毫尸素歲時國是
未諳其梗槩此言何至于我自省惟愧于心仰惟臺
下掌書數萬甲兵胸羅千間廣厦江之永矣人懷去

後之恩與之東今誰建平定之蹟不謂大才忌至方
且無妄炎生然而評議理屈而窮聞望事久而著皆
公論之不昧于生言乎何爲修讀賜書重增惶汗士
有抱奇畫而不售公惟其人人有不識面而相知愚
竊有志

答史念橋方伯啓

明裴應章

青瑣舊垣夙著牽裾之節紫微行省載隆作翰之勲
慶洽八閩簡崇九陛恭惟某官宏天學術命世經綸
秘室摘詞清夜光分太乙掖垣抗疏明時慮抱先庚
昭昭白下祥麟翩翩丹山威鳳詎期荒徼枉辱台星
啓雋類函卷七十五 三五

華轂甫來臨佇見波澄九曲文茵尚未煖俄觀霧淨
三山白有叟黃有童遮道擁壺漿單食山之陬海之
嶠擊壤歌章甫衮衣某也曩叨寅宋今附子民翹望
軒旌扶杖徒懷雀躍侵尋牀蓐握衣末效鳬趨不謂
陳人先厓台眷琳瑯燦爛頓甦病骨顏齡筐篚輝煌
掩映繩樞甕牖桃投莫報草結何從肅附來忝聊申
謝悃伏惟台鑒無任神馳

答某藩司啓

明陶望齡

伏惟某官雅道匡時素心映物朱轡是蓋行春蔽芾
之中画戟凝香坐嘯燕清之表況地屬股肱之要劇

時丁瑣尾以流離絢惟山陰之政浸濯民心其常之
歌洋溢里耳思深去後望切來遲又聞恩命新下節
鉞再臨俾越人士快睹光儀如嬰兒子復見父母鏡
湖春近猶看縣裏之花裨海波澄長貢島中之卉飛
清霜於此日霑霖雨於舊郊昔黃霸之賴川寇恂之
河內官仍再守借僅一時方之於今詎足云喻況如
生者素叨厚雅尤倍恒情心搖蔡戟之前神往甬句
之境末由瞻對曷任怔營謹勒短箋薄陳菲物

答梅大參啓

明吳士鴻代

啟雋類函卷七十五

四

恭惟其官童天奎璧鎮地嵩恒吐藻而金玉琅璫片
詞貴洛陽之紙規恢而雲龍沛父弘猷聳華夏之瞻
是以兩榜魁名姓字飛香于董賈一朝衡鑑亮直邁
譽於山裴拔茅茹以開衆正之途剪棘荆以杜倖佞
之實玉衡之平伊賴金甌之卜非遙顧愛憎巨測膏
人不以獲麟爲祥抑倚伏何常塞翁反受失馬之福
巖廊疆場總藉隆勲出憲整戎靡匪雄略聖主不以
內治而忘威嚴明公豈得經文而廢緯武霓旌夜捲
色動峭函之草木獬豸日奮氣銷百二之山河穉圭
居外而望彌尊長孺去國而聲左烈暫爾初分節鉞
勲勒邊陲行看前席禁廬功收鼎鉉其浮沈瑣闥拓

落諫垣開鑿非無事之秋而力難回於口舌論詳豈
養拙之地而志靡遂於披鱗竊喜桑梓澄清會有其
崇之在部更祈垓埏肅穆佇瞻柱石之還朝


復畢見素參政啓

明施德政

忠昭璫軸呼嵩嶽以揚休望聳多冠仰皇華而載驟
情欣積素簡藉披丹恭惟其官學貫天人才通世務
飭躬慎行綽有古人之風協恭和衷夙具大臣之度
退食以嚴見重居官以廉見稱龍綬垂光戢兩星而
開照鶴蓋浮影翼五雲以連陰是以內懷外安動清
風於舜海允惟經文緯武需甘雨於堯天政布更新
恩深求舊某席門賤品甕牖輕生茲逢一貴花廳何
幸載塵清矚恍幽禽遷木侶丹山于帝梧如鳴石在
懸應黃鍾于仙管方慚賀燕遽辱報瓊鄭重拜嘉周
童鳴謝

啟雋類函卷七十五

四



啓雋近體卷七十六

類函八十八

東吳俞安期羨長集編

上饒王嗣經曰帝同輯

臬司部

建武郢 漢遠遊訂定

賀按察初任

賀提刑葉大卿啓

宋李廷忠

伏審揚庭渙號分道詳刑當繡衣立霄漢之春聿新
觀聽用金節行山澤之國益遠照臨百里被符三重
奏記恭惟某官挺挺然繼風烈之極炳炳乎爲文雅
之宗其天材實茂而聲宏其世學源濂而流遠形瞻
啓雋類函卷七十六

布化兩邦誦師帥之賢赤管疏恩九陞議承郎之貴
任台佐則中臺稱治升月聯則外府增輝帶方軫欽
恤之懷公乃奉周詢之指獄文來上已觀畿日之開
明驛傳再馳又見江波之澄靜寵之以圖書之直送
之以禮樂之光使窮川僻谷知上意之好生宜老姦
宿猾聽先聲而懼退平反惠廣豈專用司空城旦之
書調燮才高行卽正上相朝天之位某塵疎潦倒詰
屈離奇粗有濟時之心未蒙稽古之力思泮泮之水
清兮嘗與於濯纓戴嚴邑之星勞矣莫知於稅駕
書吏考婁見年豐方二十縣之皆蝗我田無害當

五月而不雨爾賤自銷用是免推擠於庶民幸今受
廉察於膚使督殫末力恪奉初條技有五窮固已冊
操刀之手政無一異尚少寬持斧之威躍舞以還漢
濡莫旣

賀西浙王觀察啓

宋洪适

伏審文奎寓直憲節升華江上權麾已見波濤之恬
息日邊衣繡更觀山岳之動搖一道生風萬珠吐氣
伏惟某官學高柱史望重甘泉丰欲擘崑崙泰華之
山氣可吞洞庭彭蠡之水凜凜挺松筠操錚錚有金
鐵聲東坡六君子之遊恨不全於此世慶曆三諫官
啓雋類函卷七十六

之列記曾見於斯人迅雷破柱不驚秋月照潭自許
雖時移而多變終道大以難容付萬事於醉眼之中
發一笑於塵容之外靜觀頽浪獨能立砥柱于中流
出鎮要津但見橫孤舟於野渡有非常之人物弘莫
大之聲名諸公包血指之羞而天子思沃心之助拔
援自近臨遣有光紫甸指平要使星沈于貫索清朝
振武已看雲集于蓬萊少焉歸奉萬年之觴自此遂
前半夜之席徑煩補衮坐底迂衡某塵冗埋頭文移
掣肘化金無策五銖未及之幾何舐鼎有緣一粒丹
砂而已足彈冠自喜削積難宣

賀范提刑啓

宋陳傳良

握別吳門未知後會來宣楚旬乃與旁觀爰方拂簪之祔不任盍簪之喜恭惟某官清朝聞望昭代典刑富貴功名雖今多士風流蘊藉如公幾人蚤結聖明之知寢躋華要之路過家上冢陳義固高攬轡登車須賢爲急言念江湖之阻嘗煩廊廟之憂茲惟祥刑可以弭盜苟吾使無訟用能鞠草於園扉則人自不寃安得弄兵之赤子少屈以此端歸有期某嘗託下風又聯小事平生久要誠知不遐棄之心世事多違恐有毋疾驅之詔

啓雋類函卷七十六

賀提刑啓

轉運使

宋孫應時

湖

疊奉明綸亟更華節江關轉漕本優治郡之勞甸服詳刑更厯留賢之意旌旗不動風采一新併深慶慰恭惟某官精神天人事業王佐策名三紀見器累朝霜簡中臺最有排姦之力星軺東部夙多空園之功迺煩一麾歷典三輔陽春有脚民鼓舞而相歡秋月無心物隱幽而畢照茲上吳門之最具形漢璽之褒肆延閣之陞華復南方之將指人爭父母不勝卧轍之多帝謂公卿毋使賜環之遠是收成渙就董臬司靡勞跬步之登車坐見列城之趨令然而質以公論

得諸裏言知宣室之興懷卽甘泉之趣侍蓋將大福於四海豈獨久私於一方某爲隸以來痼疾是懼賴帡幪之獨厚豈木石而無知屬深戀眷之中再竊照臨之末繼今以往長祝公爲一日之淹外此何求惟使我有二天之託

賀新慶路王提刑啓

宋孫應時

專城著績出節疏恩明清五辭糾按一道蓋以老成詳練之望必存惻怛哀矜之心是資平反用慰遐遠伏惟某官聲稱藉甚議論偉然以博學多識有聞於諸儒以勤事愛民見紀於當世日解龜而去郡當浮啓雋類函卷七十六

啓雋類函

四

鷄以造朝忽自丘園徑持旌節意曰公卿之薦有味其言居然禮樂之光自天而下已見星華之明煥坐觀風采之澄清某近接名談驟聞新渥洗寃澤物之任公留意焉同寅協恭之間吾知免矣

賀陳提刑兼安撫啓

宋王邁

龍門高峻屢容寒峻之攀麟序荒涼復受使華之察豈造物憐其困躋使末路有此遭逢敬飭墨卿晉干籤帥恭惟某官清融水柱峻拔斗杓當臬日未東之時有伊吳以比之志披肝許國掉舌籌邊雪衣貂裘慷慨辦太原之檄風聲鶴唳笑談却淮南之兵草木

知其威名夷狄問其年貌屬當黽勉之爲梗群然鴻
鴈之離居嗟儒俗之脂韋仗元戎之斧鉞毅然以身
任朝廷責誓不以賊爲君父憂卯受命晨即行有崇
文之勇決申上奏寅報可從充國之便宜南丹嚴保
障之雄西帥習號令之素如醫師之治廢疾半劑而
蘇如國手之救危棋一着卽活亂奏紛紜而載路魏
祠突兀以連雲上甚念功就昇以繡衣之命時方謀
帥復假之牙纛之權兵刑之脉絡相通臺府之風稜
益壯所以寬宵衣之顧慮豈徒誇畫錦之榮煌伏念
其老之將至銳者已磨一催語筭以來三閱歲壽之

啓雋類函卷七十六

五

久士不得志宜追晉墓之風貧能驅人至草間鈞之
賦無力可營於熱屬抗顏耳就於冷官若何免蜀雪
之嘲所恃有蘇天之庇腐儒無用宜束高閣以待大
平來事可爲敬磨石崖而頌大業

賀寺丞陳提刑啓

宋鄭厚

肅膺褒制來按祥刑內通玉筍之班丞聯月寺外秉
繡衣之斧節建霜臺方一道福星之臨如六月甘雨
之降先聲所至僉望已蘇恭惟某官清冷似冰量寬
如海六奇贊畫追戶牖之密謀九葉流芳踵古靈之
舊學不求梯援獨立巖稜涉歷江淮表裏之區諳究

荆襄便宜之奏功成制幕憂發州刀就加按察之權
將底輯寧之効豈但咨詢而已正觀方略所先蔓固
貴於預圖器亦虞於所忌子孔欲著載籍國僑去之
而衆心向安裴豹將焚丹書宣子從之而勇夫竭節
必參權義可正紀綱馬首是瞻狙詐作孽惟沈幾於
掌運之際自消患於指顧之間昌黎一入而鎮州平
令公載驅而回紇拜不有君子其能國乎必用真儒
斯無敵者茂凝績用益固簡知如某本是書生豈開
武事未除鴉集良難木鐸之宣適值鴟張寧顧席瓊
之冷不免孤矢之爲備敢云玆豆則嘗聞所幸六轡

啓雋類函卷七十六

六

啓途萬物吐氣登車澄清天下請自近邦行部課試
諸生首迎都騎心之所蘊言則難宣

賀李潼川夔路提刑啓

宋洪适

自天出綽易地褰帷家人有嚴君焉舊膺此選皇華
遣使臣也今世其官雖曰因避親之嫌亦見善繼人
之志夔藩幸甚梓部歡然恭惟某官器重以周材弘
且毅與人忠而執事敬見善明而用心剛四國于蕃
茂甘棠之蔽芾六轡如組訝苞栩之逶遲曾未暖席
之間倏有改轍之命惟四蜀之門戶倚三峽爲咽喉
昔先正保衡於此展澄清之志今命汝大正庶乎體

欽恤之心遙知叱馭而驅之會有解印而去者忠信
缺矣蓄積缺矣暫勞雙節之馳錢穀幾何刑獄幾何
佇對几宸之間某方依雲覆忽報星移維難留有脚
之思春然尚冀歡顏於廣厦送我而入楚澤固猶恨
遠水之遮思君而下渝州會問訊清溪之發其爲歡
懌既編摩

賀提刑上官啓

宋曾子開

審奉詔書改臨淮甸端人所至善類交歡竊以其官
學有本原行無滯濕鴻筆麗藻兼大夫之九能直道
正言過士師之三黜少緩追鋒之召復爲攬轡之行
啓雋類函卷七十六

內顧缺然居常仰止意意偷安之跡獲依善貸之仁

未卽趨風實深企德

賀江東譙憲啓

宋真德秀

中詔起家外臺抗節民懷遺愛昔嘗敷惠澤於畿東
帝睠舊人茲俾按祥刑於江左寬條一布屬部交欣
恭惟其官敏識造微矣猷邁往班香宋艷文推行遠
之工夷清惠和行有適中之懿自適巍義之第取儀
清切之聯七寺爲永朝論稱其端靖九江作牧政聲
播於歌謠自陞蘭省之高華旋總瑤編之筆削禁遙
甚邇方共徯於平登風操獨高乃徑成於勇退蓋志

本及人而謀身則緩故官雖在外而行道則同星輝
婺女之躔霜肅會稽之野暫奉真祠之佚良深富寧
之思吳越之壤八九州咸屬按臨之會雲漢之章千
萬軸重新寓直之光顧無緩於平反庶不妨於趨覲
其揆能甚下席寵過隆八年鵷序之遊六稔鰲波之
直愧大恩之難報乞偏郡以自程敢謂綸音驟頒使
指外庸何有內省靡寧同夢鈞天曾未忘於羹契並
驅原隰願無靳於良規

賀范提刑啓

宋孫應時

疏恩天上改使漢中世祚益光官襲榮公之舊鄉關
啓雋類函卷七十六

未遠地志蜀道之難茲受任之實宜於遠嫌而何有
伏惟其官以家學之正大輔天資之英明闊步一時
希蹤諸老當年聯璧人稱二陸之俱來今世一夔天
俾少公之更達業登華貫勇退急流未嘗忘許國之
忠是以不擇地而處輟梓潼之撫字勞劬比之將輸
曾坐席之未溫復抗章而自列肆膺天詔改駕星輶
受王嘉師監祥刑上非輕畀以古法議決疑獄民用
不寃行矣賜環歸其持橐某誤叨重寄實賴同寅幸
勿遐遺益勤忠告吾二人之心事當不帝於弟兄四
世之典刑終有辭於家國

賀豐憲啓

科陞

宋危昭德

恭惟某官學造淵深氣全剛大照人清德炯然迎風
寒露之玉壺濟世長材所謂盤根錯節之利器蓄川
風力不減毗陵閩地聲稱益高郎省寧屢削而抱璞
無枉尺以從禽人言徐公之介而不知其爲通自信
沒黯之直而不恤其爲憂思者衆矣名亦隨之念茲
之來士論益偉某茲因賀上敢布由衷昔嘗廁於班
聯行益馳於原隰莫非王事願推共濟之心毋玉爾
音時賜免矣之教

賀江東譙提刑啓

宋李 劉

啓雋類函

卷七十六

九

寶廬寓直玉節按刑江淮草木之威名亶孚有衆河
洛圖書之經緯爰寵此行恭惟某官與閎刺天修名
拔地胸吞雲夢何小者之足言舟近蓬萊又悠然而
引去萬牛莫挽四牡載馳禮樂有光公不負澄清之
志哀矜勿喜吏何敢輕重其心有功見知不遠伊邇
某民庸索莫歸夢飛騰望南浦之朝雲未能捲雨懷
江東之暮日正阻論文

賀徐憲使啓

源德

宋周必大

恭惟某官與學邁倫清徽表世奮勵才猷之茂踐揚
中外之多卿寺郎曹最爲舊德州麾使驛迭奏新功

茲圖壽俊之賢暫付祥刑之寄綠扉鞠草既仰助于
好生紫橐持荷諒旋膺于促召亶爲公論匪曰諛言

賀交代張提刑啓

并請
交代

宋張 綱

伏審寵拜宸恩榮持使節將有光於前政用深慶於
得人恭惟某官問學得之淵源才猷稟乎粹粹論篤
古人之事力行憂國之言含香臺蘭謂卽升於華近
登車攬轡暫屈於澄清簡自淵衷惠茲江左兼六
條而並舉聳一路之遐觀滯訟將平反而出之巨姦
有投効而去者眷言孱陋夙仰聲華未修望履之勤
遽有交符之契簞穰揚秕不自意於居前藏垢匿瑕
尚卒叨於餘蔭嚴冬屆候行李在途緬惟跋履之勞
默有神明之佑

賀湖南胡提刑啓

兄弟
交代

宋李 劉

還節荆襄按行湘楚父老迎嘆見百年之故家叔侄
交承侈一門之盛事賢勞何憚聖眷方深恭惟某官
擇乎中庸好是正直一經教子諳機寧觸於屏風萬
里隨翁直氣早鏘於門限忠無不報孝可以移何周
道之馳驅忘漢闡之補拾天高蜀道甫休捫歷之嗟
地褊長沙又作回旋之舞蓋今塞帷之所自昔統駕
其間嶺北長蛇無復元城之迎侍遼東孤鶴是榮華

之來歸其視螺川爲近隣恍覺襲門之達別滿期
召璽猶可盍簪

賀夔路毋丘提刑交代啓 宋孫應時

使來萬里道入三巴佩漢印章仰體九重之憂顧見
蜀父老爰咨四路之威休凜非據以自驚匪同寅其
曷濟時維高誼幸借餘輝伏惟某官識治才高尊君
慮遠文章固其餘事功業未可小知耳目紛綸之邦
掌握英蕩之節其必熟見形勢深思本根縈絲保障
之分將何善後牛羊牧芻之責孰是急先不與我言
抑惟君耻顧於社後惠文之外一授囊中起死之方
啓雋類函卷七十六

賀丘提刑啓

由本省
官改陞

宋方岳

伏審誕將繡斧仍在錦鄉諗已滌龜敢忘傳鯉恭惟
其官珠寒甕社玉潤秦郵有胸中百萬兵蚤煩漕輓
畫河朔十三策妙有帷籌惟帝思祖宗立國之仁謂
誰識天地好生之德還觀當世無若名儒趣六轡而
東之聳兩臺之屹爾山川如故不移前日之棠陰歲
月幾何遡下春風之芝詔某誼同手足喜見吾類願
言快着於祖鞭已戒先馳於鄭驛心之所蘊言莫能

賀黃憲使啓

明王家屏

烽煙絕徼烏鹵荒鄉幸藉名世之賢來任專城之寄
輕徭省賦閭閻之積困潛甦剔蠹釐姦州邑之宿弊
如埽播仁聲於千里徧興襦袴之謠奏最課於九重
特荷璽書之賜天子亟嘉其治行之異士民惟恐其
徵拜以歸方擬叩闕下而借轡適值卽軍中而命范
鵬冠豸服具嚴觀察之新儀鴈塞龍沙尚按旬宣之
舊部瞻依孔邇欣戴惟均允也人願而天從寧止家
謳而戶誦某浹沾慈澤倍切歡悰託大厦以援身永
獲帡幪之庇仰台階而引領佇需鼎鉉之升跡莫遂

啓雋類函卷七十六

十二

於鳬趨意少將於燕賀伏希鑒納曷任神馳

賀胡按察使啓

明董應舉

升華秋憲賜履炎方帝曰此邦當稅枕之時勉爲貞
度民思昔日撫瓊崖之政翕喜來蘇烟彼法星臨于
裔土豈獨地方之多幸蓋亦僚屬之榮懷恭惟某官
五峰家學三楚宗盟執牛耳於洙泗之壇與人爲善
攬鳳苞於虞周之世達其可行益嘗聽棘古抗握蘭
右府聲齊若水譽起田郎南持百粵之文衡東表三
齊之行省中參楚政歷最虞書何意舊臬之棠復儼
新行之栢青羊白鶴仍邀寵於仙踪繡豸三麟兼秉

權於戎索惟天欲滄海息波瀾之險故再使福星出
牛女之分黔庶夾道以慰心墨更望風而破膽馬人
龍戶時有蓋天社鼠舟蛟消於見日凡受紀綱皆爲
鼓舞矧其舊叨隣壤之諸生新屬崇臺之末吏高山
可仰久知孔原魯之威名責節前驅喜近李德裕之
風采苦緣行役重阻參承敢紆微忱自寫照臨之慶
所希大造不私吹育之仁

賀王柱明憲長啓

明蔡復一

外臺肅吏風遙振於湖山南國宗賢星倍明於翼軫
宿同臭味今詫遶逢恭惟某官絮韻春雲規襟秋月
啓雋類函卷七十六

十三

劉其清矣湛承露之水壺溫而理焉油映虹之藍壁
間定若獄而出萬變莫能窮之才落穆無畦而藏百
折不可回之氣桂成林以蔭地既來旬而來宜相逵
署以凌霜爰之綱而之紀碑留象郡轡攢鵠磯江漢
澄波萬流果宗東海參衡動色諸嶺盡導南條使大
法小廉之風凜師冠豸而好生止殺之教默化囹圜
所以晦晚烈而草芳析楊卧而苔滿者也降爾民命
豈特三戶戴天式我官方允茲百僚仰斗某計盟鴈
塔久矢友聲尋好馬曹相依社事憶班荆於滕野坐
判五年幸合劍於楚邦猶懸千里惟鴻泥之跡偶共

乃燕屢之心曷忘詠如兄弟之詩塹麓可和托思公
子之句蘭正是將願以流光昭茲遠夢

賀沈仁庵憲長啓

福建

明蔡復一

中陛簡知外臺建節匪獨司一方之民命蓋實總全
省之官評牛女星輝曉閩霜肅某聞紀綱之地不可
離于正人嘉肺之必使在于君子惟正人有虎比
黎藿之勢惟君子有麟護生物之心矧萬里去天三
垂邇海農無恒業而政無恒官或吏網稍疎而民綱
稍密自非攬轡慨思於激濁闕牘歎息於求生則何
以使解綬成自引之風覆盆與不寬之頌華采所照
啓雋類函卷七十六

十四

歡喜同然恭惟某官錦裳織雲玉斧修月精神滿腹
晏平仲之念甚深談笑生春展士師之和有介兩曹
之望著香滌二浙之愛留楚棠何幸滋暇惠徼旌蓋
邇者潦災爲雲溝中之失職者多圭觀將臨宇下之
待察者竦泰山屹其壁立人遐望而知嚴甘雨霈乎
泉流物有生而自遂倚城之山曰鼓行振樂聲連郭
之樹交榕并歸屢陰矣其愧沈白水賴識紫芝結綬
與鳩言宴汪波之可絕踵塵司馬範烈景行之何適
江許蘭舟綈袍存故雲邊竹馬梓里承光私厚託於
勝緣冀少廻於宿睽

賀表文海轉雲南憲長啓

明蔡復一

節建上庸滄浪水清無恙詔移益部昆明霜降維新
先聲掃瘴雨蠻煙盡氣開堯天舜日在滇基寵於楚
彌光恭惟某官玉吐成虹劍飛遠雲清標計洛陽之
雪匡漢道同高吟動牛渚之風交謝名振雄四明而
色壯收八夢以胸吞唐藻之檀錢郎詩堪霸社峴碑
之失羊杜政妙登壇四國于蕃蔚彼甘棠蔽芾六轡
如組訝茲苞初透遶方卧轍以依仁遂改轍而棄憲
蓋緣六詔之重地展炎天執持三尺之平雲成文露
皇斷于志公壯其猷金馬碧鷄精爽迂王褒之獻頌
啓雋類函卷七十六 五

點蒼洱海峯濤助諸葛之神威苔痕綠滿桁楊須信
懷民化洽茲誦聲諸鄒魯更占霸教風從今日之綏
帶輕裘思留鈴閣他時之高牙大纛銘勒銅標某泝
彥伯之流風推表久矣訊子尼之人物拔祭何爲海
運而南彌展大鵬之翼屢成則賀寧忘棲燕之心如
貫敢附於彈冠先登竊同於譟鼓

賀管彥懷觀察蒞閩啓

明張燮

恭惟明公神崖嶽立道岸霞明玄理析微擅公明之
講易長才御世得敬仲之牧民袖裏隋珠光標昭采
懷間趙璧價重連城既剖武安之符疊縮霞山之綬

製來美錦別成吐鳳之文章是小鮮爰有生魚之金
人倫宗爲師表黔首戴其神君仁風斯翔平星暫借
彼定國之在棘寺民以不寃迨張綱之埋都亭問誰
當道觸試神羊之角䟽旣入而留中歸結野鶴之群
官何妨於補外蓋風煙北闕耻汚元規之塵而雨露
南天尚尸庚桑之壘隼橫飛而籠日竹馬迎歡龍劍
拭而干雲斗牛射朗知四顧導窾新發者已十九年
而六月徙溟直上者又幾萬里矣其翰墨剝人煙嵐
小隱馬卿重客徒受臨叩之知王生細人曷增廷尉
之寵

啓雋類函卷七十六

十六

賀蔡憲長啓

明劉仕義代

振肅人羣朝廷隆藩臬之選糾廉族類國家簡風紀
之司鼎任胥賴元賢魏階允歸碩望恭惟某官風裁
特立醞藉夙成毓俊八閩紅玉絢荆巖之美磨鋒三
秀碧鐔朗霜匣之光風雲際會於熙朝甲第崢嶸於
昭代計曹選妙帝柱留丹畫省宣猷乾緯呈瑞專城
寧越擅五馬以蜚聲分閩貴藩控三巴而攬轡暨風
清臬府以融和恩來天寵粵日麗藩封而瑾璫銜晉
參知屏翰揚休蕃宣奏績迺者佩九重之嚴命綰兩
浙之臬符奉天憲而維風不嚴旌別宣明威而勅法

大振激揚行見大明中天江海氛祲盡條迅震震地
郊原豺虎深藏風度燁美於埋輪英毅聯休於破柱
某叨守一方祗輸寸赤斗山在望葵藿興懷告虔爰
展寸山遣賀特顯下吏颺言致頌敢效蛙鳴稽首承
禮惟深雀躍

賀高廉憲啟

明馬 朴

渙號宸廷晉增憲府經以文緯以武壯猷夙著於保
釐貞其度肅其察峻秩特膺平廉訪輿情交并朝論
命孚恭惟其官瑞龍人龍行空天馬鍾海岱一方之
秀近聖人居應明良千載之期為王者佐摘髭科第
啟雋類函卷七十六

運掌經綸巖邑承流花爛琴堂之錦地曹主計蘭騰
粉署之香守南郡而分玉麟龔黃播頌鎮北門而擁
鐵騎韓范傳歌鎖鑰三關塞上動旌旗之色併懷南
省畿南歸屏翰之才雅副民瞻渥承帝簡從天而下
遙疏綸綍之榮自陝以西總握紀綱之憲輕重帶雨
爭看草木潤重關飛旆凝霜會見鯨鯢消八水暫煩
攬轡佇赴徵輪某秦輔部民義垣屬吏感雅懷既久
殷葵藿之誠聞命喜遷益切粉榆之慶頃緣兇守莫
效鳬趨謹以寸冊寫之尺素附具芟芟之獻少抒抑
抑之忱

賀升憲長啟

廣東

明夏守成

命世儒宗濟時良弼維屏維翰夙弘撫字之仁之紀
之綱旋昇肅察之命仰九霄之責曜下應法垣頃百
粵之恩天上懸廉訪綵綸新府第無勞歌叔度之來
鎖鑰舊山河不復借寇君之去五熊開道主南嶺而
拱北辰雙隼凌霄握珠藩而禁貝海運經綸於掌上
鴻鴈安羣出兵甲於胸中鯨鯢息浪此百察之稟化
如昨而萬姓之歡呼自今者也某久幸瞻韓今叨御
李盈盈一帶望羊城而舞蹈徒殷耿耿五異鸞瀧水
而振翅莫遂謹陳儀於燕賀竊附喜於鶯遷佇見出
啟雋類函卷七十六

兼召虎膚功迭奏於彤庭更入領夔龍相業增光
於紫閣

賀同年蘇憲使啟

公薦補湖東

明金 璋

余佛籍聲宵衣正無西顧耿君酬願曉詔復覩南來
官兼憲府之雄國倚長城之固恩隆列戟慶溢彈冠
恭惟某官眉山應瑞溫陵之草木盡枯手筆擅奇禁
筦之丹青繁望不圖三千鵬徙忽躡九折羊腸詎製
錦之未工無如貝錦惟著塵而不染乃見無塵寶劍
彌拭則彌芒洪鐘屢桴而屢響題輿佐尹已窺展驥
之班進省聯袂旋謁孤鸞之雅顧名儒非假之州表

則無以襦袴窮簷而重鎮必需之賢侯廼有以蕃屏
王室公之迭牙璋而民爭境上持玉節而瞻赫松高
者蓋以禮樂之緒餘爲武文之張弛誠吾道大行之
日而斯民含哺之秋也兒童但喜迎新政吏實希求
舊如其者猥以蕪葭謬依玉樹同是不龜手之藥頓
隔雲泥豈無攀龍鱗之心孰生毛羽雖因回首而馬
應增價然遇知音而桐已半焦幸大人之速其功俾
小子之克有造寧宋荊者不遺於下體而借樹者友
斬於上林

賀舒玄渚大參晉擢憲長啓 明費元祿

啓雋類函卷七十六

九

恭惟某官四聲風雅三楚人倫繩武與八座後先文
鑑躋百僚師表品藻于風雲月露李想成蹊彈壓于
都會河山徽歌載道借自宣猷之地寄以執憲之權
老稚桑麻不移日影飛潛動植更肅霜威九派三江
藉爲綱而爲紀百城萬戶賴允武而允文蓋惟丹扆
忠箴特重明刑之任故其紫垣碩畫妙遶司臬之才
具瞻方赫于巖師佳氣倍縣于關令其自慚抱拙懼
孤負荷之勤誰意包荒過沐吹噓之愛私衷雀躍真
托庇于二天榮遇鶯遷不違顏子尺地有懷軫結曷
任馳皇荷此幘幘施同

終始鴈魚信使忘唐突於上
公大馬私情効馳驅於異日

公大馬私情効馳驅于異日薄將芹敬少展葵誠不
揣申原統祈丙矚

啓雋類函卷七十六

九

賀兵巡道

賀杜兵備啓

原作制置

宋方岳

伏審進班司府分摑藩垣謝玄成淝水之功彼酋其
遁裴度任淮西之寄我武維揚諒草木之皆兵後關
河之入貢恭惟某官以少陵之詩名而自比於稷契
以阿房之賦手而高論於唐虞精神之折遐衝不愆
於素謀慮之懔敵克壯其猷故能全孤城於百戰
之餘於此見真儒爲萬人之傑既勒銘於丹地乃授
鉞於青冥顧惟風塵瀕洞之秋要有意氣激昂之暇
平居推赤心而置人腹其孰不懷緩急蹈白刃則得
啓雋類函卷七十六

土情何戰弗克矧天意之滅虜適歲星之照吳國豈
賴盟兵毋撤警惟事事備乃其無患願修軍旅之定
規言人人殊則罔成功更極兵僚之高選幸觀偉業
不對殊褒其密邇鄰光歡傳帝眷關以內闌以外喜
盡寄於爪牙陝以東陝以西賴相依於唇齒

賀夔路李憲啓

宋李劉

奏最涪江按刑巫峽千番而歷四國所去見思察州
而奉六條其有所試恭惟某官分輝并絡擅秀岷峨
名父子之天資瓊璫之器難弟兄之家學金玉其相
環轍久之褰帷晚矣惟良折獄何擇非人送以禮樂

而有光既深簡在編之詩書而無媿願益周爰其政
逮莫前賀成已後三巴疏鑿雖莫瞻繡斧之持六轡
馳驅猶願謹衣篝之護

賀閩路監司啓

由浙江陸福建

宋周必大

起家甚寵既察鄉州易節維新不踰鄰境出入按臨
之內光華跋履之間風采聳聞歡欣同浹恭惟某官
炳靈駿嶽尚友先賢遵淵源於禮樂詩書出緒餘於
文章政事駕言東浙固當厚實而貨通旋選南閩可
謂車輕而路熟念觀風之寢廣諒策足之有期率屬
蓬山隔坐當仍於近事問津禁路緇衣遂踵於前規
啓雋類函卷七十六

賀青州陳司憲啓

林下

宋蘇軾

伏審光奉詔書往司留憲漢恩予告暫憂三最之勤
商夢懷人方俟巨川之濟於公自計爲喜可量伏惟
某官文武憲邦忠嘉致主衆謂老成之託孰逾舊學
之賢而乃力謀退安示有疾病揮金故里雖榮疏傳
之歸雅意本朝日望肅公之入無由追餞徒切瞻依

賀王僉憲啓

明趙貞吉

父欽盛名知暫息于外服頃聞榮命欣已漸於亨衢
惟是鑿石之區又覩福星之照恭惟某官著譽譽之
節於中朝收赫赫之光於內視試盤根錯節而別礪
利器知剛柔微顯而作望萬夫正色臺端光懾吾道
某少懷固陋已及衰頽屈蟻藏身停雲思友以好賢
慕善之志值蘭馨鶴韻之同竊在下風寧忘結好

賀王兵憲到任啓

明

繡斧按閩早著澄清之偉烈碧幢臨魏方敷嚴奕之
良猷俄推轂于中朝轉建旄于西土四封競候列署

啓雋類函卷七十六

主一

交瞻恭惟某官學可帝師才堪王佐智周萬物炳著
龜先見之明節貫四時稟公和後凋之操周旋三省
兩省之任練達一日二日之機合文武以兼資佩安
危而注意熙帝載宅百揆民具爾瞻掌邦政統六師
軍刑誰與式端兵本專領使權匈奴款塞五原固出
千羽之舞子房決勝千里正須帷幄之籌行陟台階
特膺天眷某曩屬編氓尚懷遺愛茲聯部吏彌切末
光敬賁一介以遠馳聊捧片牋而上達新兵憲妙運
兵符更使比無虜騎老郎官安接節舍惟誇南有龍人

賀韓璧哉憲副啓

明蔡復一

南國宅陽海接天而垂幰外臺標爽山湧露以成泉

牛女增輝驂童擊柝恭惟某官黃中表慧白下擅英
胸羅三萬軸牙籤真開武庫筆挾五十絃錦瑟獨奏
鈞天鷄舌爲郎倉曹是人物之志鳳觀造士羅甸興
我樸之風傳馬卿之賦心夜郎旣饒盛覽待常袞之
使節石室宜訪歐陽琴奏武夷幔初開而鶴語旌臨
延浦劍忽躍以龍鳴酌寶蓋之清吏皆飲任君之水
靜刺桐之蔭人定歌召伯之棠誦昌黎之詩文有聞
孫不減作者拜稚圭之香火笑生地重見後身惟溫
陵學古之邦兼志秉寓賢之蹟猶君宗於異代况父

啓雋類函

卷七十六

主一

師乎此時所以仰山斗而倍殷今之韓愈播華夷而
方始我有魏公者也某慰談士識荆之心堪誇太白
酬小吏問人之對翻愧子尼兩立迎車想歡言於鄉
樹星文照佩追紉結於澧蘭梓依社以必恭草投懷
而屢憂桑麻漸好差寬越鳥思風松桂倚招亦免村
庖吠月從茲仕隱之皆可總爲仁政之大行慶切得
廬棕深賀厦願惟拊節應此翹襟

賀馮玄岳副憲啓

明蔡復一

斗以南一人提天杓而酌江漢湖而北千里控地軸
以壯金湯玉笥生華緇衣寫喜恭惟某官鏡巖引曜

華瑄吹薰主藝苑之齊盟咸推牛耳擅人倫之英
獨表龍門當吾世而有人果惟天之授楚方聞除命
翼軫爲之光輝及旌旆旌山川望而翔舞青蘋闔闔
帷拂雄風丹桂水輪戶懸秋月黍含膏而競秀草應
氣以皆芳握魁柄於玉衡方占五卯之候藏簡編於
石室更闢二酉之山某借車者馳懷虞於脫輻同
舟而濟今待命於張維瓦礫雖報珠旁皇壤猶霑河
側師大匠之矩庶藏代斷之傷吹伯氏之壘敢矢繼
聲之和懷公子於芷浦聊托鳬縵謁仙客於花源匪
徒信宿已竭小巫之神氣長依大國之靈輓寫此詹
詹伏惟采采

啓雋類函卷七十六

三十五

賀邵守張公擢副憲啓

明曾同亨

螺川典郡循聲卓冠於清時多服承恩寵命特頒於
紫禁遺跡長留九邑法星獨映兩河重地借賢輿情
稱快恭惟某官淵涵嶽峙玉質金相未四十而已領
郡符歷數推而始佐邦憲人高難進之節時稱特立
之操卽今地望已崇自此勳庸益茂大工荒度暫煩
駕輕就熟之才國事惟艱行領肩重荷劇之任允文
允武不日銘功於旂常爲兩爲霖及時登於台鼎
卽父老之板援莫遂喜明公之遇合在茲去矣復來

載歌九罍尸而致祝何啻萬家斯誠衆論敢詒諛言
某夙忝同曹久霑餘潤觀知己之盛事愉快特倍於
尋恒寄緘書於遠念繾綣未罄其百一伏願大德抱
蓄弘濟艱難山中陳人但有播之詩歌以掄揚盛美
天上知己願毋遐棄非詩而時惠德音煩劇不盡私
衷觀縷尚容嗣布

賀樊兵憲啓

明馬朴

保障畿南久茂褰帷之績鞞鈴薊北顯濟攬轡之司
寵渥楓宸光流梓里恭惟某官宏才翊運厚德鎮浮
文章兩漢之間最稱爾雅人物三代以上綽有典刑
序雋類函卷七十六

三十五

奪錦詞場早薦國楨而聯第含香粉署卓殷邦計以
蜚聲民部資深官聯望重帝眷股肱之郡出守一麾
民淪骨髓之仁入深九邑循良最奏九重綸綍專城
文武兼資數萬甲兵憲府行親霜旌之建暫爲書錦
之遊且當木鳳之銜恩又報玉麟之產瑞一時樂事
兩地歡聲某有懷燕賀莫遂登龍聊修不腆之儀以
塵掌記并削無文之牘用代面陳

賀張憲副啓

潼關

明馬朴

典禮清曹蘭省聲高於俎豆節兵雄鎮楓宸寵渥於
鞞鈴輿滿寰中歡馳字下恭惟某官堪輿間氣社稷

世臣橋梓相承同作明堂之棟璠璣競爽無非清廟
之珍庭授韋經家傳馬史文章全五嶽三光之氣口
吐西京典籍窮二酉四庫之藏胸羅東璧紅雲殿上
親承紫鳳恩綸紫氣關前恭訊青牛道術軍民士萬
家覆露秦晉豫三省承風振紀持綱行見扼吭於百二
秉鈞握憲還看肩鉅於九重公論皆然鄙言非佞某
龍門誼舊燕履情深地近披雲株守阻躋堂之拜路
通傾日葵誠申實籩之儀

賀張兵憲到任啓

明戴新

功高治郡誕膺龍索之特知任重握兵不莫麟猷之
啓雋類函卷七十六

二十六

左輔爲粉榆而賀屢企節鎮以依光恭惟某官望峻
龍門儀高鳳羽方擁藩於三郡果標幟於百城帝欲
徵黃秩公孤於紫閣黃扉之上民方借寇留刺史於
龍蟠虎踞之鄉遂以清白使君顯陟皇華使者挈長
江而界之鎖鑰雲間無憾於去思卽舊牧而付以邦
畿輦下不歌夫來暮佇見烽煙帖息壯一道之長城
坐觀綸綍鼎來承九天之異數某學同鸞鶴仕類面
墻側聞簡命自天彌暢歡聲動地謹裁鯉素馳奏駭
門薄言芹藻之將統冀非葑之采

賀張憲副啓

燕謝頌
曆鈞歲

明王家屏

粉署風清暫輟尚書之直烏臺霜肅遙分節使之華
候應大來道欣下濟恭惟某官嶽鍾純淑天挺瑰琦
月璧星珠絢文章之經緯水壺水鑑融道器以澄涵
羽儀蚤漸於鴻達譽望積孚於維省肆膺宸眷擢拜
監司攬六轡以省方法象麗并參之分明五刑而弼
教仁風播晉冀之墟士女見休官節觀化在某朽憊
倍幸遭逢祗緣委頓於嚴阿未敢聞名於左右猥麗
慈軫寵逮陳人願寶曆以授時錫珍筐而慶行衰年
見迫驚看歲月之新歲祝隆施詫觀雲虹之爛熳枯
步以煖律亦自知恩節兼斷以華棧其如省忤肅裁
啓雋類函卷七十六

二十七終

燕牘附布賀忱願祝鴻禧偕升泰道

賀長沙巡道啓

摘錄

明曾光魯

唯茲星沙之域爲古黔中之區納夏汭抗荆門南方
鎖鑰界洞庭限五嶺上國咽喉方指旌旗遂寒草木
開軒整暇步安石之芳蹤閱武餘閑賈生之舊跡
波無巨浪戶有陽春况導渚鴻飛暫云信宿而自天
鳳詔不日銜來

啓雋近體卷七十七

類函八十九

臬司部二

東吳俞安期美長彙編
上饒王嗣經曰常同輯
建武鄧漢遠遊訂定

賀提學初任

賀熊思誠學道啓

明蔡復一

景星絢彩披紫曜於廬峰化雨迴春渙清瀾於閩海
凡推造士皆慶鑄人恭惟某官並寶天球瑋精月斧
胸羅圖象則匡老結其靈丹筆幻煙波則麻仙澄其
絳釀虬鐘蓄韻有待物之希聲鸞鏡鍊曜是分形之
啓雋類函卷七十七

朗鑑藉甚中洲之棘理淵乎上國之蘭郎何意瀛陬
惠徽旌節南州下榻幔設采虹之亭北斗燭鐔劍指
化龍之浦足可辨練光於曳馬未遠吳門鑒紫氣於
連牛預占函谷况乎印懸正學範整淳風寧惟披金
於砂琢壁於璞邁常袞之拔歐陽抑將嚴之立雪溫
之坐風起龜山以接濂洛拭觀感化允藉名賢某宿
御李龍私晞顏驥十年契濶萬里夢思托臭味於同
門有獨幸矣顧翻飛之殊跡如相避焉遙分振鐸之
光倍切維桑之慶願莫伸於縮地棕惟結於附雲吾
黨之童斐然能忘太冶故入之心尚爾敢勒素書

賀陳督學啓

明劉仕義代

竊以操鑪錘以造士教典攸關懸衡鑑以作人司命
胥寄儼茲清華之妙選允資才望之高賢恭惟某官
道洞大原學成實用八閩監臬方朝議之見推兩浙
文宗實帝心之特簡天語誕垂謨訓龍函煥發琳瑯
式廓名藩彬彬人才淵數風猷重望表表士類模型
行見振濂洛關閩之風闡堯舜周孔之緒風行大地
越甌桃李爭妍雷震中天江海魚龍盡奮蓋遠追韓
昌黎之休光而近儼薛文清之茂軌也某發身下里
叨守東甌興學育才每慕文翁治蜀維風振紀恒慚
啓雋類函卷七十七

明道匡時旌旆來臨瞻依注念斗山遙望仰止興懷
肅清裁以展賀忱顙下胥而代躬候

賀李學道啓

明鄭懷魁

文壇建旗鼓時當赤幟之新師範樂甄陶運屬洪鈞
之轉遭逢不易欣藉實隆恭惟某官斗極魁名坤維
文柄派源藏室凝神在雌雄黑白之先鑒朗方臯得
士超牝牡驪黃之外爰從會府游陟宗工天屬文昌
以進賢帝命司徒而敷教梗枿西北方掄晉國之材
竹箭東南仍孽會稽之美惟名世五百自江漢而炳
英靈乃君子六千起貞元而慶際會風清衡鑑日近

鉉台基含雞握蘭色笑幸承於內史登龍御李瞻依
尤切乎表臣湖海榮光越雲仰龍頭之瑞漢池廣運
天風快羊角之高

賀江西沈學憲啓

明朱 錦

光被三千振鐸功弘於三載書馳九五彈冠喜動於
九流仰甄育之大成豫章靈構戴吹噓之無量棘櫟
颺迴恭惟某官龍門巨範鳳沼殊姿襟度繡雲丰規
曙漢鼓雄飛於筆陣驟箭南山燃高艷於詞壇跳左
東海遊戲文章之三昧呈露政事之一班民幹宗靈
人倫師表引墨絲而繩曲節矩步正傳按朱越而諧
啓雋類函 卷七十七

新聲皎依大雅喜茲名藩績滿魏闕章騰幾年發啟
芝堂飽渥光風數歲寒帷霏巷旁霑化雨紫旄跂望
頌徹有成絳帳遙瞻謳傳善誘某塵冗埋頭文移掣
肘揆能甚下虛叨百里之符席祉過隆激荷二天之
惠喜三稔微傾於憲節快一札最奏於明廷廣厦千
層棲梁多慶丹砂九轉舐鼎有緣肅晉牘以颺詞敬
走胥而貢賀雀躍喧如龍光凜若

賀江西查學憲啓


明李國祥代

朝班推薦夙欽雅行之倫江國作人具景文昌之府
雲擁朱幡霄懸絳帳恭惟某官彌天學問映世英華

既以天半朱霞自是風塵表物雲中白鶴猶然河漢
雄才既握蘭以勤官載提衡而造士冰壺炤徹指開
藝苑之迷途木鐸琳瑯喚醒儒林之劫夢仙凡異骨
冲飛藉五色之丹驛驟成群盼節長千金之價想下
里折楊之調難溷齊竿計中原正始之音幸還大雅
某江介散材宦途下品紫氣今瞻浮斗青天向覩披
雲阻接袂以赴賀班謹投箋而宣慶語告虔之念稍
布贊喜之私曷宣願展黼猷長衍菁莪大化佇看鱣
集薦躋槐棘崇階

啓雋類函 卷七十七

四



賀海道初任

賀楊玄蔭海道啓

明蔡復一

持臬節以察吏民制閩符而護將士閩之所邊者海
最需文武爲憲之人國之所仗者賢特膺江漢於蕃
之選嘗米傳聞之輿誦蕪稽習比之地形土陞受耕
故寄生于通舶兵徂息戰故狎戲于援枹乃若漁糴
如織之舟春秋及瓜之汛民所仰給而盜亦以旁行
名曰周防而實未足固圍緩之養雖可患急或虞喉
吭之先焦巖之久痺難除縱則虛手足於莫桿軍實
必計非洗寄占脍削之奸安能厲氣則氣勇教技則

啓雋類函

卷七十七

五

技精商禁宜疏惟重壓冬說引之罰庶乎遠水不勾
夷近水不借寇孰堪司命果有通材恭惟某官元蔡
先知九鼎爲鎮文行風水彩筆繪藏春之湖氣鼓雷
濤雄鋒挾射江之弩連枝競爽望益聳于關西綏帶
來臨聲遙謹于島外凡所延跼於賢者蓋可談笑而
舉之前茲夷艇窺下瀨之軍旋聞威名而遁影遁則
懸災成襄陵之勢猶賴鎮壓以無我何獨知已快二
天之瞻展也蒙福深九重之潤其運鎮市駿附宋爽
鳩數陪樂奕之歡幸依于旄之莖遲奉半面阻病屢
於躬承欲致寸心慚訥詞之舌滿敢徵事於海物聊

托喻於風人鼇冠背而奠諸山者三卽觀壯樹鵬擊
翼而搏萬里者九更待騫翔

賀楊海道啓

明史弼

弓旌高映九重賀雄鎮之威綸綽方新千里重折衝
之寄群生依毗百寮具瞻恭惟某官學飽經綸望巍
簪笏蚤蜚聲於甲第擅家學有淵源橋梓芳聯光映
謝家玉樹閭閻政滿陰濃召氏其棠楚國絃歌無襮
有袴楓宸錫命肅武貞文獨據壯猷仰司天憲快覩
維新號令委心願佐下風念某謬以驚庸誤叨百里
憂深蚊負實望台階影過粉榆已賜登龍之幸繼瞻
啓雋類函

卷七十七

六

賀台州于海道啓

明戴新

拜紫綬於朝端整頓東南之天地建高牙於海上澄
清溟渤之波濤介胄騰歡纓綬起舞恭惟某官勛庸
宇宙望重鈞衡藻思並班揚璀璨霄之星斗沈謀
駕韓范縱橫龍虎之韜鈴帝念海門天限華夷之界
更思台郡地當閩越之交遂起碩德於東山俾奠長
城於溥海朱旂遙指百城負弩矢以瞻輝翠節甫臨
萬校屬囊韃而凜令佇看海息鯨鯢之浪洗甲弢
行見功垂日月之常剖符錫券其自惟末品叨厠

負翹首台光賸有識荆之願羈身甬海未抒御李之懷敢裁魚幅以宣衷遙上轅門而申賀伏願丕胎大武茂樹壯猷獵獵神旗暫鎮晴原于絳節碧幢之下煌煌台鼎永扶龍袞於楓庭玉陛之間

賀石楚陽起海道啓

端錄發

明蔡復一

特起楚材往陳閩臬徹桑陰雨將奠鯨壑於未波葺荷清風俾彈豸冠而新沐稻海作市從昔以然若莽伏戎在今見告負食力易窮之士驅走險如驚之商滌惡外輪時闌出乎禁物狡林旁瞰頗餌釣乎情形始特謀飽以救饑終恐沒利而易患非無扞擻之卒啓雋類函卷七十七

七

一賢果出四境何憂

賀屯鹽道初任

賀屯鹽道張三陽啓

明蔡復一

圻父英猷夙著廟堂之略价人碩望益揚江漢之靈惟璽書移閭節以更頒乃朝袂會郢都而可握光增翼軫芬滿正衡恭惟某官閭氣二儀雄才八斗金聲擲地與探禹穴之奇彩筆驚人勢拔吳峰之峻空萬群而獨標神駿允直上其亭亭翔千仞而下覽德輝羌何依而矯矯歷敷粉署預樽俎之折衝簡在楓宸壯方城之屏翰防天時而修稼政可忘水溢旱乾裕軍實以壯國威亟舉營田鹽筴耕雲之舸走棗祗劉

啓雋類函卷七十七

八

晏於三湘捍水通渠布鄭國白公於十道自非深淺方舟以蕪善曷能方圓左右之並成蓋遴選維精饑溺爰咨禹稷將勳庸茂著都俞賡咏臯夔某蚤挹鮮標幸分餘潤如葭倚玉窺斗紫電清霜警忝仰膏後雲武夷滄水方馳神於鳳采庇宇願殷遽傳喜於鶯聲班荆緣合鸚洲鵲嶺想見風流佩浦蘭江遙懸渴夢以隔年之竹馬卽今日之素鳴

賀屯鹽周憲副啓

明王孫熙

望隆朝野起霖雨於傳巖命重絲綸任風霜於炎海聖恩求舊帝寵維新恭惟某官廬阜鍾英禮闈妙選

拜花封於茂宰仰庶幹之交稱司水鑑於銓曹別薰
舊而靡爽飭兵兩浙海不揚波貞度一方民胥寧宇
顧膚功成於憲府而雅志樂乎林丘十載幽棲縕經
綸於綠野一朝尉渥動夢卜於彤庭九重厯南顧之
懷徽猷特寄五嶺協東人之望袞服遙臨蓋屯畝之
司軍食攸係而醴鹽之政國計斯存簡茲綜理之才
允稱紀綱之任某職叨微屬媿非芹之莫伸祿懼素
餐喜粉榆之有托達雲緘於鴈使徒瞻旌旆於斗南
企日表於羊城未迓車輪於道左揆衡是望鴈雀同
欣

啓雋類函卷七十七

九

賀平寇

賀陳憲平寇啓

宋戴翼

螭坳錫命龍節陸榮奏捷至三喜悉孚於群醜論功
第一宣峻陟於穹班塗詠交歡臺治愈煥恭惟某官
精神秋水談笑春風暗合兵書料賊無如料敵指麾
介士擒寇而必擒王籌策定於樽俎雍容之間號令
行於賞罰嚴明之際風走十八灘之曉鏡淨演池天
回一十郡之春鋤耕綠野捷書來上朝論聳聞更生
幾百萬之窮民冕旒喜動接武八十一之元士繡斧
光增弟師中之錫未償厥功必席前之問始究所學
啓雋類函卷七十七

十

外勞如許寧淹原隰之載馳中召叠來行見朝廷之
大用某身羈留邑心繞霜臺側聆恩褒喜倍倫等合
先馳于慶積愧逸在于偏陬

賀曾憲平賊

宋王邁

疏渥綠綈宣威繡斧清白史君之德政方播湘城皇
華使者之風聲復行閩部敬裁吉楨晉摺賀牀恭惟
某官粹學本於家庭大名垂於宇宙堂堂先正籍籍
二難曩者重湖之濱窘於潢池之警孤城危甚飛書
走檄之載途半刺屹然緩帶輕裘而彌變亦既十萬
家之蒙福居然二千石之卽直節鼓申威嶽后波神

之震疊襦襦詠德裨官野史之流傳惟時七聚之區
正簡五刑之寄乃煩各勝來此平反雷轟電擊于令
下之初風恬雨霽于事定之後况南國之棠陰維舊
而西山之葺蘇方新士民素習于教條臺府相爲于
脉絡馬范之議政如兄弟特姓不同于張以陰德遺
子孫于今復見夜壘頓清于刁斗晝庭可卧于析楊
僕雖至愚竊有過計今之所謂民賊多長惡而不悛
上而苟有仁人蓋知病之所在必欲革帶牛之習當
先懲碩鼠之貪至如白粲之價浸穹牢盆之罔太密
此實召戎之本諒關憂國之懷獻獄幾時還班有日
啓雋類函卷七十七

士

賀加恩進秩

賀鄭道尊奏功欽賞啓

明丘禾實

勲崇嶺表懋昭撥亂之謨惠錫朝端快覩酬功之典
士與民而胥扑寵隨績以俱隆數異一時榮生百粵
恭惟某官學優武庫藝擅詞場鍾淑氣于南閩騰芳
聲于上國龍樓振羽悉陳心上經綸鳳詔宣麻夙富
胸中兵甲試牛刀于一邑琴堂誦絃誦之風展驥足
于南都粉署播清明之譽惟九重帝心簡在斯萬里
使節遙臨耀日旌旌消蠻烟于疊嶂洗天風雨布威
德于遐陬蠹茲反側之奸實肆蕭牆之變始脫巾而
啓雋類函卷七十七

士

烏合繼樹幟以蜂屯萬里之禍幾成賴匡攘之有道
兩山之管如令遂底定以無虞南國惟方叔克壯其
猷信於今而紹美東都非寇君莫綏厥亂祗諸往而
同符慶洽炎邦福隆昭代蓋文事必有武備丕著殊
勛而外寧斯無內憂宜膺崇報恩頒內帑榮同三錫
之加命出尚方寵過十朋之益聲猷增重海宇同符

其才愧理官職叨微屬負明廷之任使荷廣厦以幘
幪未報德于雀銜敬馳神于燕賀詞非碩好乏周士
之贊揚績列鼎羹同粵民而歌頌瞻依孔切并蹈深

賀王豐興驛傳道晉秩啓

公善

明崇復一

渙輪中陞晉秩外臺既長庶訪之司仍專懷柔之政
稽楚有驛於傳可知乘以伐吳則前茅馳乎戰局奔
而問晉則行李閱於置碁至今爲四達之衝交路何
帝十九其勢則兩弊之後著法已歷再三與軍興國
賦而相關欲卹旅蠲徭之不悖故周官之令豐積館
以迎賓而漢室有條戒飾厨而媚客孰觀時爲取舍
以制數之總羸風急覆舟倍念獲薪之載星羅分道
共歸桃李之蹊傳命德行升華歡溢恭惟某官方圓
動靜擅夙慧於人倫進退盈虛參玄機於天度費偉
嚴裝辦賊客歎從容謝安賭墅制秦人推鎮定妙著
啓雋類函卷七十七

爭先以制勝收秤處後而不言拊空軸之民績獨高
乎三楚聽銓衡于宰班遂峻乎一階蓋將試以新硎
俾空牛解不若還之熟軻益樂騶言此日柏署詠烏
猶賒青氍之物他年楓宸銜鳳更書黃閣之勲其隣
羊玄保之郡尚想褰帷羨王仲宣之才曾觀覆奕遠
道空懷倒屣新銜劇喜彈冠楚頌洞庭思剖橘而從
戲仙遊柯斧箕分棗之見遺

賀陽和道劉公晉秩啓

明

恭惟某官胸湛永霜德含河岳懷忠抱義心事可對
白日青天開誠布公德量渾同重淵巨海言出而興

情允服不爽豚魚法行而群奸自消何須鉅簡威名
久著于玄朔精神上洽於紫宸是以命簡專征恩流
長憲康侯屢受錫馬之殊榮周旦必膺秉鉞之重寄
某猥負樛櫟之散幸假臭味之同薰染德義芳規真
若秋蘭春芷佩服玄同風訓何異大呂黃鐘儼日照
而月臨信心悅而誠服觀茲盛事能不爽心敢效芹
甘用表葵赤

賀曹兵憲加方伯啓

明何三畏代

恭惟某官抱犢含靈索盧毓秀英風發乎天骨軼振
鷺以齊飛貞操鑑之人倫指寒松而並茂蜚聲郎署
啓雋類函卷七十七

古

歷居司馬度支之曹著譽郡符重領壽春武始之境
乃視兵于鉅野復按節于彭城望壓臺擁旌旄而
臨兩鎮銜崇方岳鳴佩玉以翰三吳蓋才兼文武之
資難辭鎖鑰故帝重東南之障疊吐絲綸丹詔銜來
丞庶歡呼其欲舞絳騶蒞止下僚謁賀以爭馳某竊
媿凡材幸叨末吏日荷洪鈞之陶鑄願效趨蹌時當
繡斧之逗遛敢離職守敬授文陳于厠役聊將慶臆
于台階覲懼交顏兢惶待命

賀陳兵憲加大參啓

明連繼芳

兵符推憲節龍韜翼尚父之鷹揚王綬貫新銜豸突

驚大人之虎變微垣春曙林洞陰銷恭惟某官多臨
西臬鴻漸右江鎮賓封而倚柳戶鈴橐霜挾楚雲磐
慶甸而柱思城韎幹氣凌灘嶽三尺激揚清濁萬間
蓋載黔黎豈期跋扈之三苗致借運籌千一箸文昌
襄幕府榮戟柄自詩書良翰陟參藩絲綸寵平帷幄
雷霆憑號召雲洞照孤月于連管珩節自雍容皮林
銷苦霧于高壘某心馳執轡才謝請纓在泮獻囚雖
歎臯陶之淑問勒碑紀績竊附班史之敷勲伏願士
倍擒胡之猛星垂滅狄之祥樓船寂一舉之沸騰輝
火絕四連之隱見馬蹄擁飛電既取雋而鳴先戈影
啓雋類函卷七十七
十五

懸落星豈論功而或後印須飲至恭和凱音

賀入覲

賀高憲履任啓

井入

明謝朝佐

秉憲端儀權重外臺之寄介主述職典隆內觀之榮
風紀森嚴朝車炳赫恭惟某官中州秀挺寰宇望尊
天上鳳文久翱翔于霄漢斗邊劍氣夙絢麗于圖書
茲茂簡於宸衷遂持衡于臬府稜稜丰采當纓弁交
慶之時凜凜王程正玉帛會同之日朱衣擁傳法星
帶曉月以宵征丹筆流輝白簡與嚴霜而並肅某備
員末屬欣逢泰宇之方新叨役下陳快覩雲天之有
庇顧脂車遠馭謹當蒲伏於都門而飛蓋遙臨尚阻
啓雋類函卷七十七
十六

鳬趨於憲府僭申稟賀恭布微私伏願宴賜儀曹異
等班先於鸞鷟恩隆文陛上公履曳於星辰

賀唐道尊啓

井省母壽

明裴應章

龍飛三紀皇仁衍必世之餘虎拜萬年臣翰值來旬
之始况瑤池之觴肇舉乃嵩岳之呼匪遙能移孝以
顯忠知維章之有慶恭惟某官胸蟠七澤識洞九流
文昌映少微之州僚依水鏡陽侯靜東甌之海人在
水壺近首藩邦入奉聖誕龍節儼其就日孔蓋輝以
朝天進方岳而詢百工即太宰銓衡之舊屬坐明堂
而朝萬國是會稽玉帛之諸侯效華祝於帝期信登

材而國用維時家慶並會昌齡慈闈應坤策以將中
大年叶神著而倚數昔良弼齊帝傳說久事平高宗
純嘏觴天曾僖長承平壽母如考詩書之勝紀合古
而同符矣某少長漳濱舊縻版曹七經教士久欽洛
陽之風八計辨官夙荷冢司之鑒邇叨下吏幸切清
光倚蓋輿以方新導旌麾而暫遠祇迎馬首行冠鵷
班慕北堂之春暉還瞻帝日拜南端之秋月長繞雲

唐雋卿函
卷七十七

十七

賀考滿

賀浙東譙提刑啓

宋李劉

画戟奏功繡衣疏寵專城作牧既優撫字之材一道
觀風更展澄清之志有嚴星駕增重日嚴恭惟某官
蓄德淵深挺身肅括郎潛甚久不矯世以爲中卿列
彌高忽抗章而請外寄隆名于壁府歛大惠於金華
民欲借君於一年公已報政於五月進之甸服寄以
獄平遠有光華况近長安之日周爰咨度已接蓬萊
之雲其甚慶得與未遑削牘倘無雀角可使園扉之
空似是馬曹亦竊廣厦之庇

唐雋卿函
卷七十七

大

賀陳憲長考滿啓

明龔道立

法星移拱將入奠乎天樞舜日大明普流輝于率土
近龍顏而有喜趨虎拜以楊休恭惟某官心懷雨露
手握風霜臬憲惠持民胥瞿然顧化諏詢寵任刑措
不用爲威暑已政成載陳功伐時當入告賜問從容
細細游絲惹天香于去袖非非官草來春色之逐人
玉珮趨蹌金甌注想某株守下僚心徒懷于忠孝材
庸榜櫟念交切于君親倚日飛旌雲泥相隔擁車負
弩台斗長懸

賀延綏兵道劉厚吉考滿啓

明馬朴

啓雋類函卷七十七

九

憲績三年共仰豐功之奏德音千里載揚膚碩之光
偉績升聞恩綸有待恭惟某官商衡偉望周易膚功
逢苑晨趨揆藻文光燭漢瑣闥夕拜矢謨勁氣回天
洎弘陳臬之猷懋著飭兵之烈頃急北門之鎖鑰爰
移西鎮之干城屬羽書旁午之時值貢市紛紜之際
虜王故而夷情巨測邊備弛而軍實未充人方虞其
貽疆場之憂公甫至而改旌旗之色畫維弼十三策
芒滅機槍出范老數萬兵煙消烽燧助高兩省聲鎮
九邊茲當報最之辰佇見升華之命某恭逢極盛喜
至欲狂詎惟燕賀之恒情實快麟圖之偉望

賀生辰

賀李鑑池學憲生日啓

明瞿九思

曩公壽我已敷宣大衍之文茲我觴公欲呈貢洛書
之數已發揮于絲筆將獻見于華筵豈期有汗漫之
遊遂坐失趨蹌之敬馬蹄何在帆席安之今已當辰
外之辰始徐效祝餘之祝王喬來已去乃我猶爛醉
倒于山中黃石送將歸何爾獨漫翱翔於海上退慚
諸客仰負前秋顧所蒙獨後之辜亦自有非常之說
睠惟今日果屬芳朝倉庚調言偃之絃歌皆遠自湖
西振翩桃李戴梁公之雨露若遙從廣右移杖種種
啓雋類函卷七十七

二十

翩翩形色色雖知公望重固無庸待此物以開樽
然笑我囊空終不免倩群芳而作賀好舉頭看趙魏
天邊之棠棣方妍爲鼓掌告車騎陌上之皇華正茂
一視滇再視粵遂總持林祭酒之成均旣典餉又典
兵復管領呂平章之秘閣大揮灑胸中之興盡發舒
天下之春與物同遊及時茂對今茲四五麥姑從容
陳難老之篇此後八千齡更次第賦攸同之曲空餘
鼓翼莫克登堂望天上三台翹雲共祝指座中南極
浮玉爲歡

賀許鼇宇憲使壽啓

明袁復一

千載勝朝頌周春于曲洛八荒壽域占楚軫于臨弧
沅芷生輝酉書獻錄恭惟某官源深華胄宇穆遠神
四岳功宗甫侯居申伯之右一門仙骨玉斧真長史
之兒玄度之襟領清風人推英格旌陽之羽翰白日
官種福田五卯全昌歲方成於仁北三辰逢吉月正
叶於誕彌表南國之膚功收東皇之盛事金人捧劍
汎觴之葉自浮王母行籌映池之桃欲實田蠶開豐
兆試聽鴛侶織而鳩促耕雲樹吐靈文果然桐始華
而虹始見濯九龍之水訝南澗之添波登八公之山
招仙人以修禊固知石函後記當覓碁石於瞿童真
啓雋類函卷七十七

主

詰前身再訪洞天於秦客丹自轉九無煩鴉井之砂
樹乃紀千卽是棠陰之陌者也某遙瞻佳氣只疑逸
少之風流自哂凡心却迷張果之甲子蓬萊之區難
至舟雖近以尚遙闕花之日倍長鶴徐飛而詎晚薄
言酌醴猶托秉蘭思許良深惟寄皎懷於朗月示鄰
有作冀傳靈韻於絳河倘不爲武仲之棄歟或堪供
玄卿之珥筆

賀陳冲然憲使壽啓

七月辰

明蔡復一

蟋蟀吟秋叶聖主得賢之頌麒麟華旦占名人瑞世
之符惟萬寶之將成乃一星而應象速日畿昌淑之

氣誕有奇徵觀雲夢巨麗之風嘉茲初度月方恒以
幾望斗轉柄而臨申所以如恒可歌生申不爽澄江
濯魄無改受日之光高嶽降神有燁翰周之業者也
况民功既成于執矩賓宴聿踐于烹葵風奏金聲其
樂惟磬露垂珠影在柏可囊恩商律之臣宜平格而
輔國盛秋容之禮燕綱紀以燕朋滌暑生凉恩波盡
開壽域穀登黍獻豐歲卽爲大年豈特修黃鶴之仙
遊誇冥靈之楚樹哉某欣逢懸矢遙憶登樓織女襄
存借裁吉甫之誦浮丘山近如聞子晉之笙節正美
於獻龜驚鴻遙馳於放鶴因秋懷遠一日不見以如三
啓雋類函卷七十七

主

酌酒祈齡百年長春而衍萬想此際潁川陳里倍高
德耀之輝期後來將相恭公更替陶朱之像

賀顧箴吾壽啓

三月

明蔡復一

荆岳占翼軫之輝星堪審象江山被鶯花之麗月正
臨弧玉鶯投懷盡領東陽淑氣石麟摩頂果宣南國
仁風以察吏綏民爲靈丹在伐毛洗髓之外凡耕原
釣水皆壽域卽蓬瀛之中公有大年人思善祝紀
千支而重四演彖象以交初一萬無八百餘循環花
甲之不老四千至九十六伸長著卦之無疆曆筭吏
區方推軒算河圖天老行告堯符蓋惟聖主之得賢

臣南山總歸天保故爲王者而生名世松岳先兆驚
呼源水震化護璇籌而相燦瑤池露實侑金鏡以前
陳合作春秋昭然求應所以龍虎蒼白玄感吟嘯之
風雲烏兇光華長扶升恆之日月者也昔姬書之留
召伯既平格以爲期若尹誦之送仲山兼昭假而邇
誕是云國賀豈特私言啓幕阜之奇文持獻流虹之
篆釀君山之香酒先浮降鶴之觴況澧浦上隣接青
鸞而甚近奈洞庭隔水騎赤鯉以難陪擊抃知己之
歡颺歌宜民之雅遙觥酌兕已坐馳於玳筵餘興升
鷄倘見收於爐火

啓雋類函卷七十七

賀張兵憲壽啓

明馬朴

藩幕虹流寶錄啓千齡之瑞臬臺燕喜離孤騰五色
之輝樽俎榮開弁紳喜動恭惟某官胃聯仙裔學懋
王猷不茹不吐而濟中和均調四序至大至剛而配
道義充塞兩間寶瑟瑤琴湛露瑩冰壺之月朱于繡
斧雄風清玉塞之塵鎮當趙北燕南壯黃圖於鞏固
關扼雲中代左拱紫極以常尊暫借飭兵護北門之
鎖鑰佇看調鼎奠中國于盤盂茲花開四十六日之
春正桃熟萬八千年之候青鸞西至書銜丹篆之文
玄鶴南飛曲度彩雲之響綺筵霞爛玉帳風柔將星

明並壽星兩世光浮椿圃南極輝聯北極千秋色映
瑤圖蓬瀛之樂事無窮綏輔之歡聲丕振某叨依洪
庑慶際昌辰鶴算初增高闕門之紫氣鵲龍欲放望
閭闔之紅雲聊頌九如用申三祝

賀按察司竇公壽啓

明戴新

綺席近蓬萊萬井效岡陵之頌穹階冠徽省百城瞻
屏翰之勛福星聯南極以呈輝方岳峙東方而永鎮
冲飛一雀協兆五熊恭惟某官矯躍仙姿巍峩相望
懸孤熙世應神麟彩鸞之先徵結綬清朝擅周鼎商
葵之美譽煉丹砂而九轉壽國壽民流玄液於八成
啓雋類函卷七十七

啓雋類函卷七十七

惟明惟允時當八月序屬中秋皇覽揆初旬松嶽生

申之度天階渙寵值召公分陝之期碧漢掛銀蟾月
色照霞觴而歛灝廣寒凝桂影天香襲蒼玉以氤氲
濟濟銀黃靚靈椿之滋秋露林林蒼赤瞻台從之駕
金風其自愧凡胎深慚俗吏寄形生于渾水砥鼎無
從叨餽廩于明州依光有自遙瞻臬府知添海屋仙
籌快覩名藩特晉麟符重寄敢比雪藕露桃之獻并
杼執鞭負弩之悚勢阻鵷趨情殷雀躍

賀李憲副壽啓

明連繼芳

帝見乎離清源嘯出一君子丰建平未璇極添成兩

壽星鑰固北門壽添西渚恭惟其官造化爲徒長庚
作孕五熊開崧巒之道人歌夏月初長雙隼飛星獻
之雲詩詠南山上壽時維六月節啓千秋麟披綬而
來啓尼山之日月鳥銜花以獻延漢殿之星辰試問
嶺海薰風是誰紀綱化日卽此蒼生之大造乃爲明
府之遐齡某辱叨粉榆喜頌松柏莫獻幽公之羔羊
僅效羣卿之雀鵠丹青萬古行看閣上麒麟黃白九
還波及閭邊鷄犬

賀兵道劉公壽啓

明許以忠

熊飛玉帳應萬壽聖王之知鵠放金龍効百歲遐齡
啓雋類函卷七十七

三五

之祝光騰雲漢慶洽軍民恭惟某官兩漢宗英三台
公望調元妙手東南暫握兵符簡在帝心日暮卽徵
銓部頃者星明昴度日值申生蓬矢挂轅門影射鯨
鯢而息浪花壽添海屋層隨龜鶴以延年折衝千里
於春臺黃鸞八荒於壽域帡幪所及抃舞同殷某仰
企榮光恭聞華誕遙望長庚之象正映中山欲圖老
子之形莫尋函谷切有心而替喜從底事以申懷惟
願身到鳳池萬國頌太平之元老名先麟閣千秋垂
永賴之奇勲

賀封君壽

壽陳道尊乃翁封君啓

明盧純臣

鶴算日新壽曜並德星而煥彩鴻禧天錫綺筵映命
服以流輝寵賁林中歡騰海上恭惟某官太丘賢胤
閩海人豪托興商山玄圃歌紫芝之曲娛情石野青
霞續綠野之歡真誇陸地神仙不亞香山耆舊八耋
願同尚父宸軒慶典重來千齡願侶安期洞府榮光
正麗筵賓應律壽域初開荔子凝香碩人初度試鯉
庭之畫錦絢金紫于斑斕看鳩杖之春暉揖喬松於
蓬島敬執兕觥以獻丹霞之酒敢申燕賀以調玉屑
啓雋類函卷七十七

三六

壽兵道乃翁封君啓

明諸葛昇

台曜乃陂明一路樛垂凝湛露壽星函谷見千秋桃
實映流霞龍章賁自龍鄉麟紋輝於麟趾歡浮手度
福備箕箒恭惟某官昂宿應圖徽垣據席慶千年而
一角生必明時鳳五色而九苞出則瑞世再明桃洞
架多黃石之經芝采柯山袖有青霞之錄鶴鳴陌曉
會青陽啓旦之辰鶴髮春熙正皇覽揆初之度試鯉
庭之畫錦綺筵絢金紫於斑斕看鳩杖之春暉彩繪

揖喬松于蓬島陶陶春色進兜觥而怡顏洩洩春光
點鶴籌而添算華堂之勝事方傳淮甸之修譚曷極



啓雋類函卷七十七

二十七

賀舉子

賀陳冲然得男啓

明蔡復一

鳳集左肩新聽將雛之曲麟推獨角適叶摩頂之文
降衡嶽之神註生有錄添穎川之曜占緯彌光三戶
騰歡共歌仁人有慶同寮致酌更聯奕世通家此日
母賢憐應子抱他年公貴德豈卿慚蓋玉樹臨秋箕
裘可徵於同物而珠胎在楚茅苴總種於當官况久
誇作父之滔知可慰生兒之濟某遙瞻黃鶴自天訝
集鶴之祥近結紫蘭爲君紀微蘭之夢系孤門左瞻
賀履以無從湯餅筵中獻洗錢而已後難陪綬帶之
啓雋類函卷七十七

三十八

客幾錯弄璋之書

賀胡兵憲公誕子啓

明趙世顯

珠呈合浦光騰奎壁之墟玉產藍田色動山川之秀
時當建卯瑞喜生申恭惟某官三楚璠璣九重柱石
有是父有是子簪組聯輝難爲弟難爲兄雲仍濟美
主度支則出納惟允司邊餉而張弛咸宜茲建節於
三巴更馳聲于萬里投石超距咸思勇猛以先驅綏
帶輕裘恒運神武于不殺群黎薰化日內安外寧百
隊鬯雄風遠來近悅惟不矜而不伐故多壽而多男
二乳徵麟詎羨黃金之百兩雛毓鳳寧誇白璧之雙

瞻此禎祥矧當春月繁桃穠李偕弧矢以爭妍乳燕
嬌鶯與能巖而並育蓋春以生育長養爲事富之者
壽昌抑時丁發榮滋長之期值之者貴盛詎非景福
獲此佳兒基辛叨屬末敢云孔李通家濫廁譜餘涖
慶芝蘭滿室遙思戈印之兆政此其時欲趨湯餅之
筵奈睽遠道聊馳蟬翼用布蟻裘贈匪文犀靡益雙
珠之耀飾非華襖寧供半臂之需特幸無誤于弄璋
而喜更深於附驥伏願漸秀以實旣壽而康敷貴羽
毛矯矯九苞之翮長成頭角昂昂千里之駒邇世德
奚翅槐植乎三祝禎符自此桂森而五述聞詩禮鯉
啓雋類函卷七十七
二十九終

庭伯仲齊趨繼秉鈞衡襲武後先並接

啓雋近體卷七十八

類函九十

臬司部三

東吳俞安期羨長彙編
上饒王嗣經曰常同輯
建武鄧漢遠遊訂定

賀臬司元旦

同答

賀周提刑啓

元旦

宋謝枋得

青帝執規驗三陽之引達繡衣特令新六轡之光辛
諒對端辰益裒純嘏恭惟其官氣鍾溫厚德尚和同
苞栩逶遲又逢梅於嶺驛耳棠蔭蒂還鞠草於園扉
佇有召除亟登要近其罔功分闔有幸爲僚對天地
啓雋類函卷七十八

交泰之時當馳善頌體官師相規之義正賴協恭

賀隣帥及監司正旦啓

宋蘇軾

新曆旣頒蓋履端歸餘之歲群情交泰正替陽出滯
之辰恭惟其官厚德鎮浮高名華國非獨疇咨之用
已簡上心更膺難老之祥以符民望官守所限展慶
無由欣頌之深敷陳罔訢

賀游提刑啓

元旦

宋李劉

九十春光稱霄漢繡衣之立三千夏辟補日月黃道
之明時茲泰內之孚天只咸中之慶恭惟其官臬陶
明允世叔討論發白獸之樽尚存諫紙拜碧雞之使

暫擁節旄對六龍回日之標奏四牡觀風之最修
赴壑已知夕避於長蛇召驛追絳卽作朝來之走馬
其一寒戍雪獨冷漕水傍有一株倘庇無言之苦李
用兼庶獄惟依所爰之甘棠

賀監司啓

正旦

宋李 劉

日月初躔星紀復回爲赤奮地天文泰雲墟益播於
青陽時維六轡之華茂輯百家之慶恭惟某官德潛
剛克道配陽休繡谷淑旅暫勸楚鄉之農事瑤車玉
仗還逢湘水之孟陬仁風轉惠以汎蘭善類拔茅而
連茹某二年黔佐萬斛緇塵破崖岸而爲文丞詎復
啓雋類函

卷七十八

回浙東譙提刑啓

元日

宋李 劉

青帝執規屆始和之吉繡衣持斧夏滋至之休恭惟
某官澄按日畿振揚風采刑者側也以待循夏之姦
欲並生哉乃見先春之意君使如此福祿綏之某濫
司白雲猶趨紫禁履端於始未諧杜老之盍簪式過
其歸敢後臯陶之拜手

回江東葉提刑啓

元日

宋李 劉

青帝執規兆三陽之泰繡衣持斧賓百祿之升恭惟
某官德體冲和氣鍾溫厚勾萌畢出想茂鞠於園扉

楊柳方華應勞旋於牡轡一和所囿多祉是宜某
綴朝行阻陪賀列雲鴻江鯉輒傾削牘之恭樞馬林
鴟尤切盍簪之願

啓雋類函

卷七十八

三

賀詹憲長元旦啓

明馮時可

四選立節新歲序于少陽五府承乾起月律于太族
坎遷玄陸震上青達恭惟某官天和不虧帝則是順
擾群眈而百怨靡蓄秉一德而庶政惟熙當此頌椒
之晨言舉翦燕之禮初釀神水和五辛而並馨乍進
春盤對重精以獨暢其驚馬齒之已長仰龍門而愈
高三素雲飛嘗瞻紫氣于黃鶴九農星正遙看瑞色
于芳洲敬具一緘聊當彩雀之獻薄抒寸悵敢望饒
魚之頒伏願壽如庾開府之杯恩波長酌福若戴侍
中之帝皇眷重加

啓雋類函卷七十八

賀汪臬臺年節啓

明夏守成

嘉平啓候太和早益於粵邦肇歲開祥純嘏備臻於
憲府屬方亨之陽德元日與春日而並臨仰熙鬯之
威稜法曜偕福曜而共彩恭惟某官清時玉筍重地
金城茹和象帝之先在在飫五辛之味布德春王之
首人人酣九醞之醇值茲開泰之三陽宜享是遭之
百祿瓊階宴英迎震出而呈芳玉笋椒花泛屠蘇而
絢色膏從地發寵自天來某末屬備負親炙夙承手
趙日頻年厚植吹噓益仰夫程風謹藉柏葉之觴上
代梅羹之祝伏願百靈效順式金玉而永肅百辟之

刑萬福攸同總文武而長作萬邦之憲

賀學道畢公年啓

明戴新

元運開於蒼陸萬象回春祥光霽于丹霄三陽啓泰
蓋世際文明之令儒紳瞻福履之祺恭惟某官德鬯
玄氷操均玉雪弘敷化雨彌流吞海嶽之精朗耀文
星麗藻盪雲霞之色菁莪泮水春來競吐榮華桃李
東風物色自知絢采花深官路徵淑氣之初添翠鬱
雕輿聽恩綸之繼至某恭承憲度稟仰休嘉躬阻效
于頌椒意實殷于獻柏伏願勲高梅鼎澤渥楓宸玉
曆長延茅茹替裁成之理泰階首藉星杓轉化育之
啓雋類函卷七十八

賀糧儲分司年啓

明諸葛昇

斗杓東指春光繞映於台垣籌畫中持歲計滋流於
泉府欣遇坤乾之泰倍增川阜之休華序端臨頌言
虔致恭惟某官荆南間氣斗北名宗清閑干霄以忠
義爲傳家之學榮名揭日於謀猷見憂國之心倦倦
於水火之民急急乎饑溺由已乃二署更直內陪從
於太微而九計司衡外分節於少府職任昔分而今
合事權滋重以不輕六府時修聿布堯文之煥千倉
高峙用昭漢道之登橋樓百千艘芻粟恍如雨注壁
屯數萬里軍竈惟見日增無事馬木牛金見覩粟紅

賈朽勾萌布令戡穀臻禧其識之縱橫長歎尺寸竿
售已濫徒驚物候之新鞭算無能竊有風霜之舊未
遑望履於幕下遙懷飛舄於雲端圭景浸增翹祝日
升之隆祚水泉方動遐瞻川至之嘉祥

賀驛傳道劉公年節啓

明吳明郊

三陽開泰運卿雲遙達于紫微萬象際熙明淑氣先
歸于蒼用履端協吉靈宇咸欣恭惟某官身依日月
氣吐陽和天祿校書紹靈光于漢代文昌顯象聯甲
第于燕都從雉正而時若帝工稅虎林而惠流商旅
仍借其棠之舊地特分秉鉞之隆權多府鎮天關驛

啓雋類函卷七十八

六

路熄烽烟之警隼煥揚海國樓船消鼓角之喧士庶
沾濡恩洽清涇濁渭關河鞏固威宣鼇柱蛟門闔內
外咸賴綱維斗南北裒爲首舉將見寵命與條風而
共至榮階偕旭日以同升者也某喜頒新曆謬竊餘
光珮虎符而民社無感鴻鈞而歲時遷運塵襟難
罄未申獻曝之虔福履初綏敢上賀正之敬

賀司道年啓

明蔡復一

昭陽協於赤奮當改歲之孔嘉攝提貞於孟陬正讀
騷之可詠杜陵龍飛四十之句惟聖主更得一以周
天漆園冥靈五百之祥有大夫實布春而張楚三微

成朔和德薰人四始開辰晴光煥物轉八荒於吹律
之氣圓萬彙以執規之仁仙木曰符餞餘寒於江漢
農祥是正興嗣歲於荆湘凡熙衆之登臺練五辛而
酣九醞皆化工之轉斗歛百福以調一元耀丹旭於
南邦方慶綿青鳥之曆依青陽於左个卽歸發白獸
之樽某吟赴壑之蛇莫陪守歲附隨陽之雁欲贊新

賀馮慕江念憲啓

元旦

明瞿九思

元日昌辰已旋轉璣衡之柄周公茂宰實操持化理
之權望大地之春來識名臣之道洽敬輸硯石薄簪
天工恭惟某官道大補天功高育物秉符江漢山川

啓雋類函卷七十八

七

排送暖之司聚氣斗牛草樹領開華之運彌綸訓在
參贊恩流漸雪水於池塘青到閭閻起色鞭土牛於
郊野陽回大地生新七澤三湘自此碣磨千丈五風
十雨從今春浸萬家熙熙登萬姓於黃軒皎皎奏成
功於虞夏至如編戶尤最蒙恩頃國中騰花信之風
靡蕪發綠及部下啓椒盤之宴桃李含滋人言由歲
序之推遷我謂出先生之燮理屬縻遠服阻賀嚴臺
拜手齋心敬祝如天之福含香削牘遙添不老之呼
指商鼎之鹽梅佇聽登銜詔下錫虞廷之黼黻立看
補袞公來抱念殷繁興懷激切

賀沈巡道年節啓

明林鳴鳳

臘盡謝玄陰已見星迴鳳曆陽回開泰運頤看氣淑
鴻鈞天時隨氣序更新福履應昌期並懋恭惟某官
勤政塵抱冰之慮弘恩推愛日之仁振紀肅綱閩境
荷帡幪之慶澤生蘇困黎民歌衽席之安凡茲八郡
無虞皆藉一人有慶適捐寒近暖之候正迎新迓福
之期澤既浹于隸氓祉自歸于廊廟某職屬末員幸
逢嘉旦久棲陰庇莫申趨賀之恭遙獻芹忱少效歲
時之餽

賀寧州兵道元旦啓

明舒曰敬

啓雋類函卷七十八

多憲星臨發五兵而從福集興祥擁翊萬曆以迎年
慶與時新道隨陽長恭惟某官才識並運文武兼資
節彌三楚之衝功扶泰運斗轉一元之柄瑞藹履端
仁風梅放與柳舒和氣竹苞而松茂自六轡如絲之
在手覺三軍挾纊以歸心大纛高牙排霜雪而布暖
擁旄仗節掃氛侵以覃和春滿江南陽不愆而陰不
伏恩來極北川方至而日方升某欣邁昌期猥叨厚
植五雲在望同草木以向榮四序惟調睇霓霄而并
舞俯申葵悃遙薦辛盤伏願坐燮六符不建自衡之
業渚登三事允孚地天之交

賀金衢道蕭公年節啓

明戴新

臨亨方泰占首祚之凝和履道其旋介先春之肇祉
龍旂炳曜蛟海流暉恭惟某官四德純元五辰齊政
旬宣南國江城物色都妍藩屏東華屬域陰霾頓掃
恍釋送寒之雪世界方熙試看迎歲之梅祥光蚤到
葦桃猶在芳菲隨太簇以俱開松柏維馨寵命自洪
鈞而誕布某身羈封守願阻樞承竊效倉鳴羨茵陳
之紅縷薄言椒頌羞澗沚之青蒿伏冀福與時隆惠
隨威冒煙花滿目辛盤晉鼎萬之調斗角迴杓綵勝
協絲綸之錫

啓雋類函卷七十八

九

賀汪兵巡正旦啓

明楊百朋

蒼極司辰梅嶺早傳春信青陽布令賞階新改年華
泰運方亨履端均慶恭惟某官心蘊經綸望巍柱石
福星所蒞先播七邑仁風玉杓調和屢沛九天膏雨
民頌有脚陽春世仰泰階咸治晉膺天憲肅秉風裁
欣逢布朔之初莫罄揄揚之頌某叨屬職仰效遺規
徒藉庇於曦春莫名言於大造充間佇瞻瑞氣秉軸
時聽徽聲海宇蒼生共沐雲天之蔭庭除綠草長隨
曉日生芳莫展微誠恭修短語

賀督學公啓

明王兆雲

伏諗風轉青旗天開紫橐江漢之山川生色門墻之桃李更新恭惟某官學淵淵源奎璧聯輝於閩海望隆朝野勛名聳耀於楚陬敷教而範型攸彰較藝而藻鑑不爽其幸備屬員得沾化澤卽今名叨薦剡實由身際奇逢謹因賀節之期并致感庇之悃

庚寅答邊道賀正啓

明于慎行

天回鳳曆同欣吹萬之歡朔布龍荒共迓內三之泰伏惟某官道隨陽長德配春生銷兵氣於漠南布和風於直北望天邊之虎帳方切心馳來塞上之魚書何殊面對捧函增慰拜賜爲榮一路福星尚隔烽烟啓雋類函卷七十八

之道九天卿月行依斗極之垣

賀端午

同答附

賀同僚午節啓

明蔡復一

羲叔宅陽燃榴丹于淑景蕤賓叶律泛蒲綠于昌辰離照適際天中解愠總歸風下清絲繫虎靈文握有道之符寶鏡騰龍玄鑒朗無私之照七兵銷而辟沴波謐水嬉五絃動以阜財戶修黍餉擊撻盪漿兩見荆楚之歲時痛飲讀騷全歸大夫之雅事某紉蘭浴潔因懷芳韻於九莖采艾除疴彌感離悰於三歲含情霞縷寄祝雲羅炎帝執衡儻遠耀蒼龍之火故人在抱願長隨黃雀之風

啓雋類函卷七十八

賀抗嚴道王公午節啓

明戴新

翠節宣風坐掃炎氛於萬里繡衣飭憲時浮爽氣於百城喜逢續纓佳辰敢效刻蒲勝事俯躬獻頌引領祝禧恭惟某官負藻鵬雲儀朝鳳羽文源翻浪織玉漱以韜霞彩筆呈葩映丹榴而耀錦朗鑑高懸於肺石儼化日之當空洪庥遍徹於海壖恍薰風之拂面佳節偶逢地臘良辰政屆天中眺滄海而無波競看龍舟之戲水覽晴原而有慶爭懸艾虎以祈祥惟五福既普於窮簷知三錫自膺於綺署某才慙奪錦遇類浴蘭仰逐扇之和風長叨披拂逢隨車之甘雨時

尚滋培度修烹驚之悰式佐泛蒲之席歡同燕雀
擬岡陵伏願茂對南薰班聯北斗我法冠而躋獨坐
天階歲賜景羹膺之檢以陟三台大內時頒蜀扇

賀張兵道午節啓

明諸葛昇

鳳沼澄煙共靚柳營解甲龍標競彩欣瞻蒲席開樽
瑞動上台歡騰下邑恭惟某官江湘濯秀荆岳翹華
愠解虞薰風靜八公草木庇弘夏屋雲敷千里藩屏
茲令節方屆天中舉純嘏遂歸宇下色絲綵縷式彰
續命禎符溫水香泉聿應時吉象印結雙扉之喜
棕傳九子之黏瞻戴龍光欣同雀躍某朽質難離葵
啓雋類函卷七十八

回同僚端午啓

明蔡復一

日隨化以舒長人占南陸風爲民而解阜重舞東城
紀節正嘉五葢江山照眼讀騷雅擅三楚觴詠同人
乃勤千里聯合之恩特有百索陸離之贈闌颺遠襲
遺佩深味於維嶺梅雨初收開樽倍沾於既醉鑄雙
龍之鏡如奉德輝淵萬鵠之波共揚恩浪其逢茲陽
草感彼泛蒲恭迺遙傳接殷勤於屬翼爰舟競發恍

趨侍於龍標顧赤篆而護躬何殊靈爽親朱絲之約
臂永結綢繆

答于完朴兵憲啓

明田一僑

佩赤靈符忽屆泛蒲之節想青油幕倍深依樹之思
樂以同人惠而好我門下威同畏日德播景風衆方
樂於天中惠適來於輦下飲醇知醉衣德爲榮顯此
布忱統祈垂鑒

啓雋類函卷七十八

賀中秋

賀張江防中秋啓

明王兆雲

金颶應律層霄飄桂闕之香玉鑑澄空大地薦梧階之爽占知秋氣之中遙喜芳辰之對恭惟某官粹抱瑞時瓊材濟世民安物阜鷄鳴犬吠相聞澤渥頌興巷舞途謳不輟矧荆甸之戈鋌不試而柳營之刁斗無驚對此熙時當茲佳節仲秋四序攸分應溥博均平之懿政明月一天正滿符冲虛瑩徹之醇襟屬在照臨實深瞻仰守官遵約未敢躬覲以待清光戒吏飭函猶可代趨而將素悃薄陳俗物妄溷涓人納茲啓雋類函卷七十八

令節之供奉彼良宵之宴仰希崇鑒曷罄下私

賀重陽 同答附

賀許釐宇重陽啓

明蔡復一

日月俱陽答佳辰而載酒江山獨異渺羈緒以懷人鴈影來賓籬香作主不知蔡澤已醜何緣入高適之詩遙想許穆能仙無事求彭祖之術憑高而層霄近氣挾凌雲舒嘯而彩霞飛聲流爽籟餐英引壽咲酈谷之尋泉飲酎導祥叱長房之繫佩今浮沅水真有菊花之杯同宴龍山誰落烏皮之帽某遣他鄉之日著書未能斷登高之腸閉門亦可丹楓兩地如爭寫於醉容紫萸一枝欲仗添於逸興分王江州鼇頭之啓雋類函卷七十八

釀已愧先施贈劉夢得盤中之糕聊供作賦願言謾采庶慰蓬分

明諸葛昇

露應朱絃柏府紫煙山之色霜凝繡谷楓潭清潦水之波喜日逢重荷天有二寅惟某官整聳右扶威隆北鎬弭節講止戈之武愷振蛇營按軍成點水之冰稜消兔窟時維築圃而民已賣刀序值授衣而軍先挾纊正好升高之菊允宜益壽佩莫與逸龍山可想萬年之逸韻臺登戲馬應憐一世以自豪某皂帽難同丹砂莫問鞅掌牛羊之牧希心鷄犬之仙不敢題

糕何異劉郎閣筆有懷送酒僅同杜老哦詩倘羽而
翼之儼委雲於夏屋試味其言也似吟露於秋堦匪
惟唐突芳辰實欲祝增純嘏

九日送分司啓

明諸葛昇

鴻澤徵歌萬寶穰穰玉露鳳郊覽德三珠濯濯金風
喜日之逢重批天於有二睽懷祝嘏莫聲名言恭惟
某官和暢均倪清融沉瀼延西山之爽氣道邈由庚
扶東陸之晞陽神恬太乙對茲佳節暢英高懷華旗
燁燁闔龍山可想桓公彩轡翩翩登戲馬應憐宋祖
某軼掌荒城無裨牛羊之牧棲身法宇常懷鷄犬之

啓雋類函

卷七十八

十六

仙薄獻聊申此素衷俯鑒幸憐其丹悃

答許鼇宇送重陽啓

明蔡復一

三年楚客欲沾崔國輔之裳一紙故人還動白行簡
之詠倚蘭邀黃菊歎霜遲之就荒出門見白衣掃風
軒而欲舞屈原醒而陶潛醉寒香之知已則同孟嘉
落而杜甫扶烏帽之風流各異賞心不殊於戲馬離
色并帶於飛鴻薰葭縱橫托伊人而懷千古茱萸把
翫因兄弟以命友生從此授始寒之衣登山屐健詎
止沾破愁之酒拄杖錢饒以我感秋彌癯病緒賴君
知節恍伴勝招惟自保於歲寒庶不貽於花笑滿城

風雨未必造物之妬遊兩地雲霄能忘謫仙之寄遠

回臬司重九啓


明謝肇淛

序屬季商節臨重九金飈薦爽紫萸與黃菊齊芬玉
露澄空白雁將歸遠恭惟某官起居增勝純嘏
倍臻會紀龍山不數參軍之吹帽賦成滕閣整傳叔
子之輕裘信天上之良辰人間之勝事也某雲霄接
武日月瞻依求先施而未能魏報章之已後踪羈河
畔抽綠棘以馳心神觀高標望紫芝而引脰敬因題
糕之舊事聊伸采藻之薄忱伏冀麾函可勝翹企

啓雋類函

卷七十八

十七



賀冬至 同答附

賀呂提刑冬至啓

宋李 劉

六雄召律觀象見天地之心四牡周咨用龍在山澤之節矧佩纍纍之重宜膺簡簡之祥恭惟其官道與時偕德隨剛長二節三節之趨走詎爵爵於岷峨八命九命之朝宗即浮浮於江漢諒對一陽之復益臻百福之適某席比雲深效官水冷嘆至日之長爲客但切懷歸因風物而暗思親敢伸善頌

賀樂提刑啓 冬至

宋李 劉

緹陽襲筦綫暑延主明謹用刑克廣好生之德靖共啓雋類函 卷七十八

介福諒衷滋至之休恭惟其官清徹冰壺和鍾玉律棠陰晝永訟已息於楚氛葭室灰浮暖自回於嶰谷某偶叨分闔正阻造門端策拂龜七日已占於不遠聽簫鳴鳳九成更佇於來儀

賀鄴帥及監司冬至啓

宋蘇 軾

月臨天統首冠於三正氣兆黃宮復來於七日候微陽之協應知君子之彙征伏惟其官碩德庇民傑才經世踐揚中外之寄益推望實之隆既醉太平實具周詩之福大有上吉允符羲易之占某限以守邊未遑稱慶徒云善頌莫罄鄙虔

回陳提刑賀冬至啓 壬戌

宋周必大

登望闕之臺黃雲徧覆按屬城之獄綠草羅生感戎穫簡之祥時乃平反之報恭惟其官螭階良史虎觀鴻儒曼倩繡衣時當剛長晉卿愛日坐轉冬溫即遄四牡之歸正應一陽之復憶去歲茲辰之禮密近天顏詠明年此會之詩定陪郊祀方圖馳問已辱摘辭感與頌并意非言盡

回監司啓

宋陸 游

六琯雲飛有開亞歲一臺春郁於樂明時恭惟其官哀對初陽遵迎純嘏既書魯史非霧非煙宜布堯仁啓雋類函 卷七十八

如天如日其老驚節物愧見書辭槐位基年屢陳毫矣茅簷愛景終賦歸歟徒負頌言未央感哉

摘句

雷在地而復吉實開泰內之亨天違水而訟清宜介咸中之慶矧壬公之司至趣辰告之遠猶 昔時諫草懶看省砌之花今日判花聊鞠園扉之草

青臺占候肇推三統之元繡斧馳驅茂應一陽之動驗丈三尺餘之日晷既麗牽牛列五六百炬之火城更觀仗馬

賀表憲副啓

冬至

明馮時可

祥迎亞歲初飛緹室之灰慶值先春乍響金山之竹
四野交泰萬物昭蘇恭惟某官才具八能道涵三統
百城南面心如懸壁之中天雙劍西江氣若長虹之
映斗當此全楚侵兵之候適逢三峴薦樂之辰律動
黃鍾出金谷而召暖景添紅線占玉晷以迎和臺滿
芳芸酒香並馥階挺柔荔筆彩同文某接翼有緣和
響稱在陰之鶴銜杯無伴飛心真向日之鴻謹獻酒
貲聊成襪頌伏望名如昴宿之耀位共辰星之升狼
駿之暉未央寶鼎之策方始

啓雋類函

卷七十八

干

賀趙兵道冬至啓

明諸葛昇

周律頒新瑞紀魯雲之麗漢輶倚重祥迎趙日之長
茂對剛辰駢臻純嘏恭惟某官斗山偉望河漢炳靈
按章成點水之水下吏折綿而凜若持節講止戈之
武前軍挾纊以溫然鳳凰遍覽陽輝似鼠盡消陰慝
允矣壽國家之脉復其見天地之心梅放暖枝欲試
調羹之手繡添弱線因催補袞之工履長徑上星辰
壁合永依日月歡聲鼎沸和氣益流某學媿逢時仕
同望歲神遙霜憲寒起栗於玉樓光借火城炫生花
於銀海堂上舉觴悅周母莫奉壽卮堦前進襪效思

王用申慶讀背暄亦獻難忘寸草之暉口角可嗟願
假重緹之芘其爲頌詠罔旣編摩

答表憲副啓

冬至

明馮叔吉

節移陰管初飛河內之灰氣動陽鍾乍響金門之竹
天時協吉物類含輝恭惟某官德與世道共長業隨
天運俱新五色文章映大明而並耀六韜雄略挾清
霜以齊飛茂對泰來之祥益占復亨之盛某情馳三
峴身羈一城媿履襪之敬未修乃饋粥之將忽及仰
如望歲喜若披雲裁書附謝不勝悚然

啓雋類函

卷七十八

王終

啓雋近體卷七十九

類函八十一

東吳俞安期羨長彙編

上饒王嗣經曰常同輯

建武鄧羨遠遊訂定

臬司部四

上

上廉察使啓

唐駱賓王

賓王啓每讀書見古人負米之情捧檄之標未嘗不廢書輟卷流涕傷心何則情蓄於中事符則感形潛於內迹應斯通而悅帝力以栖魂情欣養素仰皇華而息慮敢用披丹伏惟某官源控玉輪激神濤而涵啓雋類函卷七十九

地基疏金闕架飛岳以韜雲泊乎鹿駭周蹕霸越圖於卽墨蛇分沛澤封漢爵於華城福祿攸鍾公侯必復炳靈丹穴習古黃裳若乃峰秀學山列三墳而仰止瀾清筆海委九流以朝宗登小魯之山辨練光於曳馬臨大吳之國識寶氣於連牛垂秋實於翰林絢春花於文苑清規湛秀照月旦於雕談素論凝玄開夜光於妙辯旣而業成麟角引茅茹而彈冠道映鸞池絢桃林而曳綬揆留皇鑒忠簡帝心奉職春官標離光於青殿代工天府明神耀於紫宸故得龍綬垂光戢兩星而開照鶴蓋浮影翼五雲以連陰其大塊

流形小人餘慶幸河神入昴映白榆而流祥江使負圖泛青蓮而薦兆薰風廣扇聖日多暉進不能高議靈臺談社稷之上務退不能銷形地肺揖箕穎之餘芳而出沒風塵湮淪名利十年無祿萬里維桑旣而口遠長安處蓬門而西笑雲飄吳會追松浦以南浮冀塵跡於丘中絕漢機於俗網獲承歡於膝下馭潘輿於家園不悟地絡遐張維白駒於空谷天羅迴布弋黃鶴於高雲顧已以駕鈍合從媒銜力農賤事未免東臯之勞反哺私情遽切南陔之詠少希顧復敢布懇誠雖噬指思歸空軫倚閭之望而鬻臂求仕非啓雋類函卷七十九

圖高蓋之榮明公資孝履忠恕已及物惟幾成務論道經邦庶得顧免離箕動清風於舜海從龍潤礎霽甘雨於堯雲則白羽書生自銘恩於食稻黃衣童子將賽德於餐花拜首迴惶傾心虔肅

上廣帥留郎中

干權

宋王邁代

委巷食貧每作梅仙之夢窮途干祿謾爲蒲澗之遊惟前爲泉壘之附庸而尉隸星臺之奔走庶幾似鄉人而見喜况復援介紹而至前伏惟某官鶴唳青田鳳鳴丹穴經綸敏手五色石之補天爾雅清文萬斛泉之出地淡然無膏粱之習卽之有珪璧之溫入由

農扈以陞華旋陟郎闈而增渥却要津而懶上歛怒翼以斜飛兩節觀風秋月印機之水十連作屏慶雲橫禹穴之山雖去留出處之甚輕柔功名追逐之不舍惟廣重地在天一方起公祥斯道之刑見上重遠人之意鼓十四城而下令肅若風行用三千屬而無冤何庸雪洗乃頒宸綽就昇闔旄誰言五嶺之皆炎我覺二天之獨覆龍戶按堵鯨波昔開元有宋廣平嘗去之而黃閣至元祐則蔣賴叔亦繇是而紫樞行將名字之覆甌端是登庸之傳鉢伏念某五舉省闈幾成畫虎一叨仕版殆甚木雞瓜戍之期尚賒匏

啓雋類函卷七十九

三

繫之謀甚左漆雕開斯之未吾信初筮何堪燭之武老矣無能爲壯心空在百指纍纍之待哺二毛凜凜以迫人爲餓所苦而來稍足亦其於隱知公侯下士不辭三握髮三吐哺之勞如鯁生無奇猶望一垂手一轉足之力寒谷肯回於煖律枯楊可冀於生華雖抱關擊柝且不辭俾越俎代庖則爲過所求易與巢林之鷦不過一枝安敢負知伏櫪之驥猶思千里

上李提刑啓

宋李廷忠

分路澄清毋謂小邦之左僻戴星奔走儼如華使之下臨祇事有初通名敢後恭惟某官以文章紹先世

之學以法令爲群吏之師秋水鏡鑒皆知其清明春風衣被悉歸於憶悌選臯陶於天下之衆遂占大科稱黃霸以廷中之平肯持深憲廣推棘木之心布作甘棠之惠謂措刑空圖俗何不若成康能閱律讀書君可使爲堯舜自任有如此者當今其舍我哉勿拘紫橐之常階卽聽黃麻之異數某抱虛焉用置散是宜說經徒至三萬言笑寒氈之如水爲吏不過六百石驚素髮之已秋知音者謂可字人學製者奚其爲政况一綱衆目之久弛且百孔千瘡之可憂雀鼠之訟滋張鳧鳶之行驚竄方當策純義敢辭難幸有二

啓雋類函卷七十九

四

天之照知信爲千載之會遇遙瞻繡指敬稟玉條惟其轡策之少寬庶圖來效若以脂膏而自潤斷不忍爲惛倒之私言宣罔既

上觀察使啓

通安

宋洪平齋

乘傳西征窺卧龍之事業握衣北面請流馬之規模遙引睇於我垣預微忱於籤府恭惟某官望高熊耳氣壓峨眉節可寄命而托孤志惟忘身而徇國人誰壁立公不波流慷慨北軍左袒之呼談笑匈奴右臂之斷一清井絡重立坤維寢高方面之功增重股肱之寄其收拾人才則號稱小朝廷之盛其鎮撫蠻徼

則知有天可汗之尊功昭日月之旂常名固山河之帶礪官雖兩大德則一謙陝以西召公主之小屈碧幢之駐斗以南仁傑而已卽看黃閣之登某晚景侵尋宦途勃率方折腰就再麾之役又跣足爲萬里之遊喜密拱于使天幸曲成于恩地沂灝瀕之三峽未定驚魂借鄧林之一枝庶安孤影

上傳提刑啓

宋孫應時

星躔所聚均竊照臨之餘幕畫何堪猥從賓客之後凜孤蹤之多懼仰曠度以爲歸恭惟某官學貫天人名標宇宙高詞大筆出文章家而益光直節英風有啓雋類函卷七十九

五

忠義傳之餘烈連兩科之得雋徑三館之先登羽儀積望於中朝襦袴游歌乎南服入掌百官之牋奏出更一道之節旄妙在無心要不計塞翁之馬熟於撫世寧復見庖丁之牛方將左右圖書笑談風月以平刑則下無冤獄以給餉則士無乏饌環觀揚歷之若斯共歎經綸之未試謂其泉之入奏尚馮翊之觀風少須漢皇一見之間卽有說命三篇之作某天資遲鈍門戶蕭條未能忘升斗於饑寒豈足繫毫毛之輕重願以百寮之底旁託二天之仁三沐三薰未敢望逾涯之賜一前一卻庶不爲與進之羞

上浙西提刑啓

宋孫應時

邑弊有年若爲自試地寒無與尤復易危始不善謀尋則雖悔然而密依刺史之治適在明公之時勢小易於上通實無慮於不察庶幾分寸之自竭脫亦萬一之可爲況其平生不勝向風慕義之私乃於今日始有奉令承教之地是殆非常之幸已爲不肖之榮冒昧遂前進退惟命伏惟某官契邦絕識蓋代高名景星慶雲表太平生道之瑞青天白日灼憂國愛民之心屈之州縣而不畀立於朝廷而愈偉憲臺戎多摺紳爲之精明諫省批鱗冕旒深以嘉歎間煩旌節啓雋類函卷七十九

六

歷使江湖歸將獻納於其泉小復咨詢於近甸簡上知其益厚占大任之鼎來平反之下固無毫髮之冤澄清之餘豈有風波之畏六條具舉百敝一空惟是闔廬之邇封實云言偃之故里號亦壯縣偏蒙慈聲珥筆之風爭爲長雄鑿空之賦動遭掇拾豈無健令輒桂微文略計逾二十年善去者不一再見銓曹相指以爲戒走卒亦知其甚難而其初無更能徒迫母養抗顏請試環聽大驚恍然蕉夢之真凜若瓜時之及念非稍獲乎上是必又疎厥官前瞻星臺敬想風采倘可迹其平素非寡廉鮮耻之類觀其表裏無行

險傲倖之情因其願事賢而來取其不擇地而仕誨其未及而赦其小過聽其所為而要其後功豈陛下吏得以盡心竊布九重之德澤抑使此邑漸以易治不為三輔之頑民欲罄依歸之誠彌有僭橫之罪一前一卻如獲伸堂下之言三沐三薰其敢希非分之澤過此以往未知所裁

啓雋類函 卷七十九

七

上張督學啓

明胡植代

涸魴圖存竊潤江漢蛟得奮借勢煙雲材可十尋因匠石而長價足能千里待伯樂以收名觀物且然於人奚惑有薛思成知陳君之壯志無李文德失延子之奇才梅且講器東坡遂為知己李司徒賓北海竟以通家得不得回尸諸命舉不舉實由於人況在坎坷尤宜存恤不遇興辭爵麗眉之都尉數奇見惜挫猿臂之將軍雖右軍不得言勇而劉蕡何可告忠水雪挫殘莫逞英葩於上苑泥沙溺沒父將爛死於江濱試仰首以呼號庶動心而怵惕竊念某朴拙孤踪飄零寒士遊心學海嘆道義之淵源盡力經田涉文字之穠杞妄以聖賢期待銳意入神羞於記誦辭章容心點鬼久在泮宮嘗遇高明而見錄屢登場屋自慚駑鈍之不前曩值宗師為士之楨秉文之柄獎拔遍英才皆允協於輿論刊落獨不肖豈謬迷乎至公唾去猶之巢核鄙夷無異牛溲竭半生十載之苦莫獲上陳雖寸心一得之愚無階自盡予不棄主而主棄予起孟浩然之嘆詩不窮人而人窮詩動歐陽子之思柳宗元遇之當欠紳而垂綆韓昌黎見此且濡手以焦毛有力以當其前無無心以濟其敗恭

遇某官天球秘寶竹箭貞姿既出色於閭閻益私聲
於京第蘊之爲德行以一心會斯道之全發之爲事
功以一身任天下之重昔試士於廣南單風已舊近
掄材於江右被化聿新士習自茲改觀文章於是復
古藻鑑洞開秋毫在照文津旁暢寒谷生輝張綱羅
而挂雲盡收逸翮翬崑岡以取璞無復遺珍公之求
士甚於士之求公矣上不負位敢有下負其能耶某
快日月之貞明肯甘心於曖昧當雨露之饒洽尚引
領於沾濡是以不愧困學之才欲承晉接之寵銛非
干將敢自試於屠龍色實無鹽願分幸於飛燕多見
啓雋類函卷七十九

九

不知量也然亦有自負焉雖不利於王司當亦求其
在我鑿匡衡之壁常分隣炬之光削高子之茅大關
山蹊之路挫愈奮敗愈張失於前救於後范雎張儀
以憤激而攬相權曹沫孟明遇敗亡而熟兵法杜厲
不知疾趨死難狼矐見黜勇敢奔師未可以一青絕
君子之才亦或遭一蹶得天下之便伏願執事寧采
實不采名不使功而使過綴臑肌於朽骨著嫩蔬於
枯枝知李廴重升感子明之好士若劉幾再選議永
叔之崇文矧古人任賢或取諸纖販廝養之賤豈今
日論士廼棄於權折困踣之餘如當斥去不恤門墻

苟可甄收何嫌夷狄幸還聖學俾拭目於化成得列
儒紳務勤心於策勵攄尺寸之長或能報國得升斗
之祿聊可養親昔墜重淵之中今抗九天之上使不
蹈窮餓之水火尚敢忘覆育之乾坤哉况苑馬售而
名駿至怒蛙揖而猛士來鳳凰之雛雛喈喈行且入
穀桃李之穠穠韓韓胥慶在門上不負天子側席之
意下不負儒生許國之忠斯藥籠號稱得人信鄙屋
未嘗無士不惟愚生幸甚而實天下幸甚

上朱兵憲啓

明吳守道

伏審龍綽寵嘉虎符榮馭乘傳來北郡一路快福星
啓雋類函卷七十九

十

之臨鈇鉞鎮河南千里仰仁天之庇所遭幸矣何喜
如之恭惟某官係天派之磐宗紹雲谷之家學顧惟
聖主之慮遠內寧猶厘于外憂特簡明公之才全文
事更兼乎武備假以兵巡管轄屬以官常激揚糾貪
墨之酷吏解印綬者望風化盜賊爲良民持鉤鉏者
遍地兵揚虎視四郊無多壘之虞士奮鷹揚萬里有
長城之倚某仕國猥從于末品故土幸隸于編氓凡
屬提封悉稱按堵俾旅邸無憂桑梓何妨久坐瓊寒
恐帝庭有需棟梁諒不遑于席暖僭申俚牘觸冒尊
台

通

通福建童提刑啓

宋方岳

詳刑霜凜方宣繡指之威將漕暑行誤竊錦遊之寵
敬馳月檣往候星臺恭惟某官濟世豪英康時勝彥
慷慨發奮豈不誠大丈夫清儉潔修居然如古君子
威譽稔於赤壁黃岡之境惠愛深於白蘆綠芷之鄉
繇井絡以召歸仍奎文而出牧方舉世清談之弊胥
溺波流獨執事體國之忠可與天對凡糾結盤根之
處率笑談遊刃其間湖湘方藉於按臨甌越忽聞於
攻擊就移單傳來建行臺棘矜化而鋤犁刀劍易而
啓雋類函卷七十九

牛犢豈其叱馭我獨賢勞或者褰帷徒得君重天下
大矣人物眇然婆娑宮闕之銅人見事無數挺持朝
廷之鐵漢去公幾何少煩彈壓於綠林行即從容於
紫橐某去國三暑鋼身一寒懶再乞於鏡湖欲永尋
於盤谷忽叨予節莫許循牆顧負駑駘久笑相如
之陋而埋輪英發又無孟博之豪徒欣假道之餘得
遂登門之幸人耳人耳豈容不見於異人使乎使乎
所願依光於膚使其爲飯向莫究揆裁

通方提刑啓

宋方岳

繡衣而立重漢聿瞻使者之星墨綬而走塵埃竊嘆

郎官之宰雖迴有天淵之隔方將戴日月而行敢以
名聞通其懷仰恭惟某官周雅壯猷之老唐詩元勳
者流當其揮玉璫於宗藩固已鏘瓊裾於帝展胡爲
猗猗迺輟鷄班曰古者有德惟刑必吾儒然後知此
矧我朝以仁立國於民生若恐傷之徑煩丹筆之春
畫布紫泥之旨然金科奉九重之敬卹而玉山有一
卒之叫謹繫我其崇勤公行李持斧而捕盜賊想聞
暴公子之威名騎竹而走兒童復見郭細侯之故事
少註凝香之寢難稽聽優之朝某徒抱區區見謂碌
碌繫我世父竊意爲生馬之駒許以象賢乃畫成類
啓雋類函卷七十九

徇之虎歸眠詞林之衣鉢無忘家世之箕裘粵自
落南幾於敗北尉溧陽而吟惜家具寧免郊寒令彭
澤而賦歸去來欲從陶隱偶脫瘴煙之澁勒尚驚風
雨之漂搖方自拔於選賢曾何知於縣緡邑而謂之
債邑蓋亦望而駭然民可以爲良民或相安於拙者
亦惟綿薄每懼錦傷一婦不織一夫不耕敢廢農桑
之課五刑有服五流有宅尚邀鞠草之仁

通楊提刑啓

宋文天祥

誤節猷湘載驅上日樞衣過洛伊邇下風望履有期
孽戕告至欽惟某官漢南健翮斗北修名玉尺水堊

灑落絕塵之韻瑤琴錦瑟和平瑞世之音自歛起而
震轟毋徐行而山立提振春陵之風月縱橫周序之
鼓鍾日暖旌旗一麾玉帳春明霄漢三道繡衣驅馳
靡憚於賢勞出入有關於民命方千仞翔而攬下乃
六月息以圖南矧今聖哲馳驚之秋正切英雄經濟
之畧江河如許泉石謂何負賈誼於長沙上心久渴
見夷吾於江左天下何憂其飲菊悠然夢蕉蘆爾起
家乘傳念舊繡之波濤畏道回車想綠簑之風雨幸
近十洲之島嶼沾九里之河滕壤舊廬曾識平反之
諧周原新轡願承鞭辟之方拜下非遙由中莫旣

啓雋類函卷七十九

十三

通李提刑啓

宋鄭厚

錦帆汨洪流已周咨訪繡衣兼畫戟今易澄清天子
弄印匪輕使臣召環適至尤資風采盡滯輦塵一聞
令公宣威無復苗民逆命恭惟某官眼空四海量廣
八荒曰文曰武可以全才學劍學書不為小用百篇
落筆弗減太白風流萬卷填胸宛似鄴侯韻度誠周
雅壯猷之老實唐詩元勳者儔當其揮玉塵於宗藩
固已鏘瓊裾于帝展胡為猗猗輒鵷班曰百者有
德惟刑必吾儒方能弗濫矧我朝以仁立國於民生
若恐有傷是煩丹筆之春盡布紫泥之旨然金科奉

九重之敬卹而玉山有一卒之叫譟繫我其崇勤公
行李持斧而捕盜賊想聞暴公子之威名騎竹而走
兒童復見郭細侯之故事少駐凝香之寢旋躋聽履
之朝某徒抱區區見謂碌碌第以分言則雲泥勢隔
若從道論則草木味同惟大賢之有容庶小夫之自
信已蒙曉履不特設烏大夫之羅雖乏運籌尚冀全
簡相如之璧其為依嚮罔旣編摩

通趙憲啓

宋王邁

衣直指之綸以建臺矧是宗盟之長者從事之衫而
入幕最爲吏屬之卑幾年引脰以仰高一曰澡身而
啓雋類函卷七十九

十四

受察倉皇告至俯偃通名恭惟某官雖生公族全似
布韋謾以緒餘見之施設固嘗馮軾其棠參韓木之
千尋纔一雍轡歸橐無端溪之隻石在我者大而地
無小每官皆清而人推高司印泉南遺愛渺洛陽之
水剖符湖右歡聲開衡嶽之雲方人物之眇然如執
事者有幾歷任三紀而無朝蹟知榮進之心輕連拜
數州而駕使輅况祥刑之寄重與其枉尺直尋其道
屈孰若高牙大纛其志行持論於三尺外而不苛得
情於五覆中而不喜園扉晝掩賈索夜沈漢廷尉活
人者于今視之而倍徙唐宗室爲相者九幾去此以

登庸伏念某祖學代耕賣文爲活大廷對策妄陳慶國之孤忠末第書名何惜避人之三舍及已迫於瓜戎夏方依於蓮池惟知直道以事人不敢苟祿而養母昔居鄰壤猶懷高山仰止之思今歧使華敢作明河可親之想如聞雅量偏喜吾儕儻稍賜以寬容庶苟逃於涖曠莞庫七十家之薦雅知趙文子之憐才厦屋千萬間之依竊喜杜少陵之有托

通周提刑啓

宋李廷忠

分乘一傳愧無佐岳之能受察六條竊有戴天之幸問行臺表儀之適進小夫竿櫓之誠恭惟某官門閥啓雋類函卷七十九

十五

清高品流勝妙標成風之月凡所解數千牛獻明月之珍豈特照十二乘自日邊而發軔至江右以揚鑣卓有最聲徹於上聽且長安爲利名之都府孰不爭趨欲荒畷戴恩德於明廷獨從遠去稠疊雙旌之寄光華六轡之行剔扶吏奸詒諷民病刑一成不變也久矣盡心法三尺安出哉斷之在已繡衣當春雷而立密網無秋荼之傷一路清夷百城震竦持平友之丹筆民以不冤司出納之紫機世其有濟景青燈末學白髮孤官猶持無瓊琰之奇嗜好有鹹酸之異志其靜退誰言懷祖之癡分絕寵榮自信安仁之拙謂

曾試邑強使監州但將精白之心用取察廉之底甫解裝而服役欣叱馭以按臨快觀宜先通名敢後雖云治中別駕之可處終亦非才勿以枉後惠文而見彈尚堪自效

通葉憲使啓

宋戴翼

東壁清輝暫領繡衣之斧南昌小吏喜依玉節之麾誓以身歸大造之陶鎔瀝此膽於細夫之竿牘犯嚴造次埃命凌兢恭惟某官學老而文雄人今而道古真才瑞世炳炳六秦階之昭符勁節凌霄嚴嚴九華峯之鍾秀嘉謀告后鳳鳴于岡而梧桐以生正色立啓雋類函卷七十九

十六

朝虎猛在山而藜藿不採蓋天欲救細民於積年之涸轍故上特畀明公以十道之祥刑除命甫馳列城交疎豪黠私相顧而喪魄聞得一笑以伸眉蘇孺文果不受故人之私范孟博真有清天下之志雖江右總十一州之地願駐蹕寒帷恐朝廷不三五日之間別須褒重某蜚蜚小用芻狗棄才家貧而笑饋粥之無田技拙而藉詩書以爲業衆徒庠序飽二十年學舍之齏鹽負米朝脯奉八十歲親聞之菽水仕不擇祿急於爲親第一尉如綫之微而衆務芬絲之集矧茲劇邑之重尤非謫材所堪倘無歸嚮於中寧免謹

訶之及幸戴二天之在上庶幾一日之能安

通湖南楊提刑啓

宋李 劉

晨入太學之下曾識明師曉行湘水之春今依庸使
禮有嚴於事大書敢廢於恭先恭惟某官守道真儒
庇民正學人皆疑其婉婉公何有于鄙夷園橋億萬
人甫知矜式起家二千石忽有薦揚上憐皖伯之邦
久缺桐君之政徒得君重無俾民憂一札細書朝聞
命而夕引道三年成聚今有禱而昔無禱孰期清絕
之鄉又缺皇華之使爰將隆指出總祥刑德星臨翼
軫之間楚氛已靖仙槎來雲漢之表衡嶽頓開遙知
啓雋類函卷七十九 十七

通劉提刑啓

宋人

丹墀賜對繡斧詳刑君遣使臣固光華於在遠獄爲
司命必明謹而不留一賢觀風萬物吐氣恭惟某官
氣涵方重識抱凌明司長沙千里之平惟良折獄澄
洞庭九州之大何擇非人從知察小大之情必不容
上下其手周爰咨度卽開衡嶽之雲慨然登清何愧

滄浪之水所恐思賢於宣室還當問路於修閭某起
家一寒去國三暑強顏倚席昔漸洛下之生孫尾對
牆今補浴中之佐雖云貳郡正隸六條廉不掩聾敢
嘆永哉之余負慙今成癖亦惟使者之汝谷

啓雋類函卷七十九

候

候利路楊提刑啓

宋孫應時

半生相望雅聞繡衣公子之威名萬里來遊不稱錦
里主人之風采幸倚同寅之助少寬非據之憂可無
素書以抒誠意伏惟某官岷峨間氣窮環偉人王揚
司馬之文步趨千載晁董公孫之對照映一時固當
翔遊石渠天祿之間於以騰蹕金門玉堂之上乃堅
難進之操請試及民之功一麾西州雙節地道平反
之譽藉甚澄清之風凜然顧其泉之頌上所不忘則
宣室之召今其非晚其髮種種而何用壯駢駢而載
啓雋類函卷七十九

九

馳頗惟贊叢之區久困繭絲之事未知着手之處竊
有蒿目之思何以告之當勿替干旄之意遠有光也
庶亦共皇華之詩

候張憲長啓 福建

明劉觀文

紫綬金章海國重藩臣之寄琅函玉簡天朝崇岳牧
之司庶僚具瞻群工胥慶恭惟某官八紘鉅望三楚
雄才太微二十五星光搖江漢稷卨九千餘丈節倚
雲霄出典浙藩旋膺閩臬布德威于八郡冰霜蒞而
貪墨洗心賴全活者萬人雨露濡而蒼黎生色不可
久勞于外固宜亟召居中覆崔相於金甌行掌中書
之令趣鄴侯於銀信暫顯右轄之司屬吏駿奔快覩
維新號令編民雀躍佇看元相風裁某徒縻職守莫
遂趨承黃閣倚雲邊馳驅倍切丹心懸目下仰荷鴻
啓雋類函卷七十九

手

私 候呂孟諸觀察啓

公先爲龍溪令

明張燮

憲府重開忽愜河內之借使星長映彌繫并州之思
屬谷王之効靈偕波臣而仰沐歌惟鼓腹戴且銘心
事讚康哉邦基樂只恭惟某官理源清遠韻宇扶疎
若竿若簫早掇雲條之翼如金如玉高披水鏡之天
濤蕩褰帷兼宏待期之信澄清攬轡徐慰孔邇之懷
被覆九州珠連十乘綠榕南下掃驛路之風清紫貝
斜連叱濤門而氣肅近爲海濱之彈壓實仗豪英遠
採柱後之封章爰敷錫命計帝心之簡在茲久卽選

官之料理方新破浪乘彼長風問俗垂乎零露祖士雅之楫頻擊中流杜元凱之碑宜環深谷將聲實之冠九伯抑文武之憲萬邦者也其釣乏化龍之梭旌却屠羊之肆徘徊丘里長違清編漁獵典墳微成素業曩時挂節比塞辱降階之爲煩今者輪稅東皇悵瞻塵以永隔分絕芳餌未比於陽鱉巢托深林聊群于鷓鴣祝同畏壘高謝豫章青鼠皮裘帝雋唐邑之賜白鷺羽扇人慚修靜之遺伏在幷幪殊深舞抃

候提刑吳公啓

明許以忠

外臺秉憲園扉生鞠草之春下郡備員葑菲藉維桑啓雋類函卷七十九

三

之彩切瞻依於先覺倍踴躍乎下情恭惟某官名世崇標延陵華胄游歷清華於中外借司綱紀於東南爰簡首潘弘開憲府明刑弼教兼據文武之猷貞度肅察茂著澄清之化案無留獄底從棘木以再詳民自不冤頓致蒲鞭而盡措蓋天下治功第一原已頒乎吳公而主上錫命惟三將比隆於崔相某附榮鄉曲藉庇臺端剖領郡符莫識龔黃之路追維年譜謬稱孔李之家竊擬匍匐以常親堂階已隔期賜提撕而弗棄肝膽常傾肅函一介以申懷惟冀九閣之鑒

候馮景貞學憲啓

明蔡復一

地方鄒魯紫陽之鐸代興人得韓歐卅山之苞獨振稽水從崑崙以放海故文滙涑泗而終閩以主敬範身心如築壙之先址由窮理至性命如入室之有階陋儒駭其博而曠士憚其嚴倒瀾於厭繁趨徑之學六藝無所尊而百家失所統植表在起弊維衰之賢偉哉儒宗申此王制其教惟緯經譯聖邇千百載昭明揭日之書則舉必茂樸善莠恢四十年壽考作人之化恭惟某官道風秀世德兩育人鸞鏡懸心澄情源于秋水驪珠耀掌登筆岫於憂雲讀越絕而紀侯功盟推牛耳登金臺而觀帝所價擅駿蹄方春部懸啓雋類函卷七十九

三

薄惠顧許詢倘郁公能辦隱資嘉成安道乎若乃龍
丘濡露子弟承風則固以展轉於肺腸徘徊於寤寐
者也榻名同夫鄉實遲作頌以寄騷人蘭種別乎建
根擬懷香而思公子遙馳素字瀟寫丹誠

候李鵬岳督學

明蔡用明

斗山望重文宗已屬于碩儒廉鎮班高法從遙臨乎
全晉光生鉛槧澤暨菲葑恭惟某官學與際天文章
散漢髫年吐鳳溫陵擅號神童弱冠雕龍閩省遂掄
魁選禮闈宣捷占瓊苑之一枝鉅閱發祥誇棣華之
連萼司戶曹而持界尺酌清水於權關與棘院而綴

啓雋類函

卷七十九

三

珠璣羅真才於滇境程錄一播擲地作金石之聲繕
部甫膺環京騰嶽嵩之譽紫宸隆簡命文旌攸指冀
州絳帳課時髦教鐸聿宣晉國歷三聖人更都之地
若彰常載采咸在甄收抵文中子托跡之墟凡中說
著書總歸採擇章縫動色衿佩怡顏其濡海鄙儒藝
場末品曩陪鄉貢附驥尾而不前茲領贊宮觀龍光
而在望設壇聖阜厭首宿准賜酒錢說劍天涯攜妻
孥難充行囊愁腸如結鬱抱莫舒幸緣構於三生喜
潤沾於九里盼睽增耀鼓鑄爲恩懷切葵芹願候寒
暄之節仰瞻衡鑑佇頒條約之新高範新逢下悰遙

布伏祈電囑曷任水兢

候陳學道啓

明許以忠

清朝崇聖教惟浙存邵魯之風名世掌文衡乃化起
青莪之頌多士彈冠而欲奮騰望履以爭趨恭惟
某官匡彭蠡秀師相經綸氣逼元龜際明時而扶日
月讓追李衡掩漢業以鑄鼎鍾若工藉慰乎九重學
憲特欽於兩浙御王盟而秉鑑傾觀聽者環橋相馬
得神機北壯驪黃總妙天閑之選索珠從罔象蚌胎
龍領舉無滄海之遺造就十一郡之真材四海望風
此地昭揭千百年之彛範六經如日中天某等瓶智

啓雋類函

卷七十九

三

短領郡才踈浪從鯨海以觀濤魂搖無主喜傍鱣堂
而問字意謂得師初試簿書冀詣張弛之法幸頒教
令免罹瘵曠之愆心雖託於葵傾敬未顯乎芹獻

候金衡蕭道尊啓

明許以忠

方面試蕭鼎鉉待調和之力高牙建越軍民歸控制
之權頌聲不沸乎海波餘澤旁流於隣地恭惟某官
鼎星孕秀廬嶽降神圖書博自家傳行繼鄒侯之相
業忠赤獨承帝鑒崇加宗老之徽稱筆花挾奎壁以
揚輝麻宣紫禁諫草帶風霜而吐氣衮補黃門惟是
閩越上游警傳四塞特借范韓重望彈壓一方激水

為池不著澄清之化柯山作鎮聿開屏翰之勛事傳
封豕潛蹤笑指長鯨授首元戎煥十乘業已消西顧
之虞天子卜四隣具謂懷東歸之願輿情交慶宸眷
彌隆某猥自俗員夙欽光範領塵海郡每懷蚊負之
憂翹首轅門頻作登龍之夢願奏金雞傾於向日而
芹忱未致於曝暄茲具尺函伏惟台鑒

候李兵尊啓

明余鍾英

鳳池視草名高供奉之班多府提衡威厲激揚之任
位具瞻乎朝野功首載於旂常榮藉雄藩歡騰率屬
恭惟某官筆走球琳若泉源之行地胸羅象緯補造

啓雋類函卷七十九

三五

化而摩空惟才名冠玉荀之先故峻秩列金華而上
欲效經綸於一試特推藩臬以三遷畫戟遙臨山嶽
盡為之生色朱旂夙駕鼓角亦至於精明儒紳歌挾
纘之仁纓弁洽授醪之惠乃睠興龍之地進觀威鳳
之儀根本帝鄉借重萬年之業股肱名郡增華二輔
之勲不式下僚共陶雅化某嶺南弱質方思政負之
難巖邑具員喜遂龍光之被樂瞻依之孔還覺攀戀
之益深謹陳眉目之書僭布腹心之領仰希齊俯
賜天涵

候陳省崖兵憲啓

明馬若心

某備員下乘稽首崇臺生平願識荊州心懸鳳闕此
口得逢司隸望溢龍門况隣斗極之光欲竊天河之
潤仰惟某官飛騰碧落咫尺風雲銜命丹墀依馮日
月兵民並馭威惠兼施行李惟一鶴自隨清浮驂駕
投醪而三軍共醉暖動戟枝皂蓋拂紅曦掩映湘流
之曙朱旂搖紫氣撥開衡岫之雲佩犢帶牛四民樂
業含哺鼓腹萬戶皆春且加惠于菁莪遂留情于桑
梓階前細雨不嫌緩步蒼苔座上和風恰稱揚眉白
雪津津提示終身比作韋弦浩浩生成報效難忘狗
馬祇修候楮少布謝悰

啓雋類函卷七十九

三五

候梁憲副啓

清軍屯田
傳鹽法

明王霖

王者以飲福福蒼生首資實政君子以美利利天下
尤藉兼材矧中州係綱紀之區惟上德有經綸之妙
恭惟某官河山鍾其碩大廟社恃以衡平慷慨雄深
氣槩獨逢展布之時超軼邁往才華巧濬成風之技
用是釋章纓之業顯奇抱於帝廷因而操會計之籌
分度支於神甸裕民足國休聲騰蘭省之光保障爾
絲擇牧審熊旂之使獵貅萬壘巖為張皇克詰之圖
隴畝千家釀成藏富樂輸之美冠裳輻輳村墟鷄犬
無驚商竈疏通山澤好畎自戢允文允武倍長子之

壯猷正已正人見大人之鴻闊其庇福不費飲源
量挹恢綱橫紘之略叨垂靈囑之庥敢不承靈
忱願吐燕鴻積臆

候清軍劉副使啓

明許以思

北門借寇特司鎖鑰之權東海依劉永奠金湯之績
萬里遙傳露布一函仰叩雲臺義性其官漢室宗英
樊輿靈秀氣衝星斗文昌獨耀於燕山力運天風鵬
鳥遙傳於易水通籍允孚人望言空時差帝工內帑
監榷樽罍錢流地上武林督檣通領濫江南推美
盈廷寵隆當宁乃簡名藩秉憲借來宰相臨戎怒掃
啓雋類函卷七十九

機槍握天樞而旋轉威平島喚扶地軸以奠安海波
無夜嘯之聲驛路絕曉傳之警金符顯授既煩吉甫
於長驅銀信密頒即趣鄴侯於大拜某脫穎無奇領
麾有愧憶昔業同衣鉢况又接踵於芳塵乃今分
堂階詎敢託身於舊雅惟瞻依孔切情傾向日之
幸提誨頻加願附從風之草謹玆八行申候伏寬三
尺優容

候朱衡岳學道啓

明樊王家

名世篤生小鑑操一方之重賢書忝竊靈囑借萬里
之光感化育之自天奉起居之何日徒瞻山三座竭

涓埃恭惟恭官秀儲東海望重中朝偉矣觀國之光
蚤冠周庭髦譽欽哉惟刑之恤式弘虞帝寬仁旋維
渤海之亂繩坐鎮吳門之匹練治平天下第一廊廟
褒嘉學校賢士所關聖明注念特谷師節憲督文衡
總十郡而裁成靡不速肖合三年之簡拔無復留良
蓋超北牡驅黃之外而相其神一洗風雲月露之奇
而還之古即今明盈桃李誰興南國之人文亦知服
製菱荷逾重東山之衆望鳳池眷注未應綠野盤桓
牛斗輝煌載仰青萍氣色某襍線微長繩樞不品誤
辱罷驚之顧價重千金偏憐大鄒之材用疎五石何
啓雋類函卷七十九

以報塞深自刻銘通籍南宮名姓偶題于上苑濫竿
北郭裁成幸托于洪鈞秋毫皆夫子之功膚髮豈門
人之有微啓吾覆孰知天地之高深有待而興竊效
凡民之鼓舞庶幾仰藉玉成之化或奇幸逃瓦解之
虞私念徒勤有懷莫諭所冀時潛時見沛雲雨於飛
龍永言亦步亦趨披風塵而附驥

迎

迎宋提刑啓

宋李綱

慕公之直指之名聲聞已久矣長吏緩步之計取花
何多仰巍巍二天之所臨實參寥子載而後過燕惟
某官韻高物表名滿世間雙鳥爲之真儔同法是似
萬端之冠子之冠蓋言其美之冠也其作古
溟之羽翮加子輔以鳴相之寶鏡而視之其冠於
猷畝之中懦然矣雖大才富而誰舍然道自
古以難行顛方涉太常之筆以齊文容又復懷會稽
之章而歸故里兩川之間觀風已熟重湖之濱易地
啓雋類函卷七十九

何辭當干戈甫定之餘在桴鼓稀鳴之際奉行漢詔
之寬大能使周固之空虛於斯盡君子之心福僅周
於一路若其清天下之志位合正於三階其退惟屏
庸強自修訪笑競趨之末俗其孤寂於外官左琴右
書昔安得字人之最南山北水今乃容司馬之閑在
一介尸素之閒功何二臺薦墨之有味來司臬事復
值仁公領工條教之頒引脰軒轅之至光輝君命豈
惟學督捕之權精白吏心倘可備察廉之數矣爲舞
躍島究編序

迎嶺北道轉臬司尊啓

明林繼志

恭惟某官受天正氣爲國楨臣霜威彈壓於邊陲方
切繡裳之戀風憲總持於中臬又承衣被之恩大江
以西蒼黎實蒙其福屬郡而下冠冕皆與有榮某雖
以羈株有鳬趨而未敢叨乎維梓則雀躍而奚勝故
肅素緘奉迎憲節褰帷暫駐共欣卿月之常輝負弩
新迎咸喜福星之載耀

迎陳道尊上仕啓

明晏守成

象輅遙馳快觀商雲之麗牙冠再御喜開吉日之祥
遙知福曜高升願切感恩天永戴顧茲過化之地倏爾
啓雋類函卷七十九

刁疲仰瞻憲節之臨何殊饑渴良翰鑄北門鎖鑰神
機鼓三路貔貅徭穴振聲揭午夜長明之月龍川沾
大化回週年不到之春鴻鴈安群犬羊破膽雖日月
之明縱闇習而咸耀迺雲霓之望合吏士而同心者
也謹將燕賀敢獻蟻蟻伏願雲中樓閣早微庇於萬
間更祝日下絲綸旋承恩於八座

迎南韶謝巡道啓

明劉如寵

繡斧從天綸綈煥九天之北金麾耀日節鉅重五嶺
之南海甸肅氣以澄清江堞先聲而震動群生倚毗
屬吏具瞻恭惟某官熙朝柱礎名世斗山郎署久植

高標專城茂著偉績望推群僚之冠忠結一人之
新命誕看舊邦分憲重委寇公鎖鑰就執道而駕
車再借范老甲兵按霜劍而揮玉節固南詔一路之
福曜尤東粵諸邑之長城某孺海陳人濱江下吏材
同瓦礫謬叨百里之封分隸紀綱仰藉二天之庇擬
鳬趨于道路緣匏繫乎職司肅具無詞代申候敬伏
願華旄早蒞巨鎮慰黎庶壺漿之迎驄馬俯臨遐方
爲百辟儀刑之式

迎王道尊啓

明賈子佩

眷命楓宸細札煥絲綸之曉視師閩海金章照奎壁
啓雋類函卷七十九

之春飄玉珮以飛來駕朱輪而至止歡騰庶案望引
蒸黎身出河山名將日月眉龍霹靂恬四海之波濤
吐鳳風流橫九州之眉宇藉金閨繡錦天上神仙研
粉署馨香虞廷伯益某才愧理官職叨微屬負朝廷
之任使荷廣廈以帡幪未報德于雀銜敬馳神于燕
賀詞非碩好乏周士之贊揚績列鼎羹同粵民而歌
頌瞻依孔切抃蹈惟深

迎謝兵道啓

明黃道生

楓陛分符鉅鎮借斗山之賁泉臺秉憲群工瞻法
之臨徯來深慰乎吏民慶并先騰乎遐邇輒于

用貢無雙恭惟某官標俊洪都蜚聲魏闕花封初試
循良卓冠平寰區粉署旋躋臺獨超于中外六曹
讓德百辟推賢瞻茲吳越之雄藩實乃東南之重地
矧憲府操一方燭鑑而監司爲兩浙具瞻名位彌崇
事權最重爰膺特簡總握綱維先聲播于遐陬江流
底定前箸傳于沿海山澤綏寧如其係屬最親瞻依
甚切顧羈職守不能縮地以躬迎謹戒微員抵切望
塵而布悃惟夙排榮戟俛承振肅之新猷蚤惠檐帷
頤受澄清之方略則不惟下郡荷帡幪于夏屋而群
黎沾化育于春臺

啓雋類函卷七十九

迎姚兵憲啓

明張應泰

門擬登龍物望三吳久注符謗佩虎福星一路初臨
慶溢茅簷威生榮戟况廁龍中之末能無宇下之榮
恭惟某官生本同申賚還似傳漱六經之芳潤彩筆
雲橫鼓八月之驚濤官袍日麗仙郎起草玉署含香
帝實賴爲股肱且誦望之於歷試時方喻之柱石甕
煩山甫於徂征映日旌幢是處青山借色衡星劍鳥
到來白叟興詩蓋誠有當於維垣是庸暫資手列障
江頭引領杖鳩父老爭先陌首歡迎竹馬兒童恐後
么麼若某瑣尾儔倫蓬在麻中猶幸聖人居近摘生

江左敢言梓里風同繆膺一邑之司倍切二天之仰
伏祈飛騶電發彩鷁星馳春色霽惟蚤慰湖西赤子
恩波錫爵驟開天上黃扉則豈直藉重於粉榆抑亦
增光於海宇

迎湖北馮文所憲副啓

明蔡復一

節鎮滇南蔽芾久繁思於漢廣臬陳楚甸澄清載沐
惠於波恬并州何減故鄉良翰暫煩分陝壺漿愜望
山嶽助歡恭惟其官學海黏天才峯壓世胸次包羅
星斗毫端揮斤垓垓經術更能詩妙句稱清新水部
世家真有譜芳名頌大小馮君郎義爲全省上游夙
啓雋類函卷七十九

三十三

荷柔能之畧南詔屬中天遐壤隨弘綏輯之助仰簡
帝心俯從輿誦謂花源石室境接仙靈宜供作賦之
大夫且盤瓠裔苗勢連黔蜀特畀壯猷之元老先聲
蚤布湘澤已徯志安瀾福曜再臨星躔亦含輝增燦
兒童預騎竹馬寮案倍跂人龍繙二酉之圖書試較
王褒金碧摩五溪之銅柱翻憐諸葛旌旗擬歸贊於
廟謨折衝帷幄助調和於鼎鼐紀烈旂常其久淑楷
模偶隨驂斬代絲麻之匱管蒯何功幸烏鬼之升
火堪慰越樽俎敢知宰夫之妨謹藉吏民以俟
軍之至薄言勸駕願企揚旌

迎下江防朱少參啓

明蔡復一

雙闕鳳鳴自昔壯回天之力九江蛟伏於今資破浪
之籌龍伯傳書湘靈鼓瑟恭惟其官筆高盧阜胸潤
彭湖長孺出入禁中漢帝誇堪社稷太保巡行陌上
周家雅重閭閻妙選而輟諫官人有舍本憂末之議
隨居以報明主公無重內輕外之心卿月高懸物惟
神妖遁跡和風遙扇汀蘭岸芷增香暫從方面徊翔
卽向中台調燮某厚緣御李積慶攀嵇嚮也傳誦封
章已卜巨川舟楫茲焉欣傳簡命再親宗匠措模知
子來之勸駕猶恐後也惠而好我相見得無晚乎敢
啓雋類函卷七十九

三十三

訊鳴騶聊將秣馬望連牛之瑞氣傾倒良勤寫立鵠
之私悰編摩曷罄

迎韓江防啓

明王兆雲

鑾坡視草四裔頌經緯之文虎帳專符三楚後澄清
之烈幸逢元老之猷壯實切員屬之歡騰恭惟某官
天挺鉅公帝賚良弼文武兼資而爲憲誠才兩合以
匡時筆底珠璣永叔之詞華燦爛胸中兵甲范公之
經畧神奇玉署聯班人占公輔之器金華問益公茂
熙亮之勛蓋將作舟楫而爲鹽梅故先觀民風而察
吏治應有振揚之風采自隆屏翰之訐謔某備屬薄

書跋延陶植謹顯下走前伏祈繡斧登臨莫
三相而臨七澤駸駸鳳駕與百度以率群僚

迎海道發汛啓

明戴新

霜威馳日域久恬鯨海之波澤國重春防亟待轅門
之令望龍光而翹首魚腹牘以抒衷恭惟某官經緯
全才鼎鉉雅望握麟符而維翰東南之玉宇常圓建
絳節以觀兵吳越之金甌罔缺千屯虎旅何煩指日
揮戈萬翼樓船不假乘風破浪自昔已落天餘之膽
於今佇獻丹服之琛惟是太白星高時當耀武重以
滄瀛浪暖法在防夷仰遲上台遙臨下國士聯貔虎

啓雋類函卷七十九

三十五

整桓赴之軍容陣列風雲藉指麾之妙算况迎膠挾
續之衆夙叨似海深恩宜援甲荷戈之夫願受如山
節度某誚縵寡志竊祿多慙儲幕府之市租實虔朝
夕望崇臺之榮戟切若雲霓阻負弩矢以躬迎敢飾
輶軒而祗候伏願龍旌迅發鴻恩誕敷身當虎豹之
關功繪麒麟之閣

迎朱海道啓

明吳明郊

望登嚴廊偉抱折衝之畧權分鎖鑰具瞻保障之勲
慶集屬昌聲揚寰海恭惟某官熙朝師相當代親賢
帝嘉逆耳之忠庭留折檻學有傳心之妙家繼考亭

晉秩南宮允矣寅清三禮秉銓文部歸然整肅百僚
佇爲嘆舌以代王言暫作爪牙而司兵柄海濱地重
固爲控吳鎮越之雄藩憲府權尊必需緯武經文之
元老建玉帳而風雲煥彩秉金符而雷電揚威此日
歌賡于楓陛明良會際同心他時位陟于槐階寅亮
何須異姓芳流玉牒寵輝璇璣某素乏吏才久淹郎
署嘗試牧芻之劇政自慙瑣尾庸流欣聞榮戟之遙
臨不覺揚眉色喜匪徒澤流于越地實祈庇藉于蘇
天先謹貢函更圖擁等

迎新任海道啓

明許以忠

啓雋類函卷七十九

三十五

恭惟某官閩嶠元英商衡碩望胸吞烏石蟠爲萬仞
霞標氣吐金鰲鬱作九霄瑞錦駿伐歷隆於吳越鴻
名大震乎華夷惟海警在灌門誰堪鎖鑰借台臺爲
保障坐鎮蓬萊綸綍天開現日月重輪之象旌旗電
掣壯東南半壁之雄號令維新封圻仍舊矧繡斧經
巡之地愛棠白叟猶存而碧幢重省之方騎竹黃童
復集歡騰雷動威肅風行蓋出揚中虎之靈勲既崇
於玉帳則入接夔龍之武名自啓於金甌某素歡吏
才偶承人乏分符試郡力不勝乎負簪愛命飲冰心
實惕於佩虎幸托身有地切引領瞻天莫附遠迎肅

申上稟伏願衣衣夙振牙肅俯臨八月射潮瀚海
澄清之化二天覆露閣閣慰願後之思

迎梁兵道啓

明諸葛昇

出綽自天丹宸墜兩都鎖鑰塞帷易地朱輪壯萬里
金湯文武允藉鴻猷吏庶咸深雀井星馳成命雷動
歡聲恭惟某官榮名揭日爽氣橫秋六翮聯翮蚤迅
圖南之翼千金捷取遂空逐北之群鰲局矚雍容視
黃麻則三春霞綺竭切看峻整端白簡則六月霜凝
撤棘闈而魚目罔收歷騎省而多鋒益厲謂彈壓輦
轂之下旣游刃解牛想折衝樽俎之間自虛弦落雁
格雋類函 卷七十九 三十七

冀之北山之東紫薇星燦河以南淮以右烏柏風清
矧是湯沐之鄉股肱諸郡猶然畿輔之地表裡侯封
借鼎撫綏莫岡陵而永固徽靈控制靖江海以無波
峻晦後后其霓虹雀蓋驚先於風鶴其蟻環下吏犬
馬備員紫氣候開伊邇笑煌之座祥光燭斗彌殷臨
照之私儼節鉞以搖山喜樓臺而近水恭趨繡斧莫
効朱衣

再迎梁兵尊啓

明諸葛昇

劍戟霜凝法曜高躍於麟旬檐帷日近德輝下覽於
鳳鄉溪來大慰冠紳抃躍喧騰士馬肅制官牒載還

台旌恭惟某官秀建羊城名高鴈塔讀書中秘日聯
仙珮於金閨珥筆承明時補舜衣於瑣闥駿烈懋昭
畿輔方儼矛繡以翰神京鴻猷轉試荆塗更賜驚車
而藩帝里朱旛迅擁八公草木生威玉節遙驅千里
川原在賁萬殊吐氣一路迎祥某芻狗棄材蟻蠊下
吏自憐寒地幸托今天望紫氣以候開快披雲之不
遠効朱衣而負弩欣戴斗之在茲瞻嚮恐後於傾葵
趨蹌敢先於騎竹有懷引領實切揚眉

迎柳兵憲新任啓

明許以忠

兩地黃堂不著保障之績九天紫綬式隆觀察之權
威播轅門喜揚屬轄恭惟某官寶婺元精玉衡偉度
承家嚴肅和允含仲郢之香報國忠貞諫筆繼公權
之正蚤翺翔于仕路增煥耀于王廷司馬法頒坐壯
留都之氣佩麟符剖行宣渤海之猷龍渙宸綸榮標
兵柄因試望之于外任暫煩山甫于東征憲節建華
山九疊芙蓉開碧漢先聲聞異域一方保障列金湯
草木已憚威名部屋具瞻恩澤某瓊尾庸人折腰俗
吏松江佐郡幸依御柳之清陰庾嶺受塵獲頌甘棠
之遺愛頃聞新命翻念舊恩漱水生香幸曾入芝蘭
之室潢池竊弄願蚤登虎豹之關

格雋類函 卷七十九

三十七

迎兵道附守道

漢揚帝制榮握憲符詰兵戎察民治資控制於上流
宣德意布王恩登聽聞于遠嶠 形幡布化海邦誦
師帥之賢赤管疏恩水衡識丞郎之貴操成風之刃
凡所解數千牛抱明月之珠豈止照十二乘在省署
翱翔之久宜廟廊眷注之深聯班外臺救寧南服稠
疊雙旌之寄光華六轡之行江左揚鑣海隅促駕望
隆而任重地大而位尊剔抉吏奸咨諏民瘼百城震
懾一路清夷茂安豫之功華夷仰德持平反之筆兆
庶歸心 合二路以建臺式觀光華之遠統六師而
格舊類函卷七十九

迎應雲漢總憲客以九江道遷 明樊王家

原缺

啓雋近體卷八十

類函九十一

東吳俞安期羨長

上饒王嗣經曰常同韻

建武鄧羨遠遊訂定

臬司部五

迎提學道

迎熊宗師按臨啓

明王宇

泰山道重招搖握斗柄之移幽谷春回躡躡望朝暾
之影歡騰睿案慶洽章絳恭惟某官化補乾坤名宣
宇宙尊龍頭而鼓餘勇昔曾冀北之群執牛耳而
主華壇今見推斗南之一雙瞳如炯得人妙北壯驪

啓雋類函卷八十

黃太極無言施教在露雷風雨蓋海邦兆東漸之化
知吾道之將行而多士切北面之心歌公來之何暮
某逖蔭榮煌夙陶塊圪薄言不腆之邑業奉明教以
戴星同冒無私之天將暨餘情以就日獨憐僻壤久
遲台光雖道路之云遙去聖人居不數百里即儒生
之弗類望車塵至何帝一心茲者校館告成杏壇高
設臬比控座神馳關西夫子之風紫氣橫空目極函
谷真人之駕敬陳荒牘奉迓仙旌戒役代肅於臺端
祇躬候迎於道左伏願龍光蚤貴鳳翅高翔斗大秦
川沐化雨春風之浩蕩天高北極增霍重大姥之

迎朱督學啓

明舒曰敬

留都綜吏夙高清要之班江國作人具景文昌之府
瞻帷雲擁絳帳霄懸瞻天仗以鳬趨睇星輅而雀躍
恭惟某官金粟標華鶴湖孕采得三光五嶽未分之
氣務養其原讀八索九丘以來之書莫窮所學道爲
世表覺在民先既典銓以甄流載提衡而造士仙凡
異骨冲飛藉五色之丹驛騷成羣聆節長千金之價
坐員崎而把釣會掣六轡望阿閣以來巢直低三鳳
想下里折楊之調難溷齊等計中原正始之音聿還
大雅壁奎燭地旌節戒途蕭仙飛爽氣以承軒江女
啓雋類函卷八十

淨陽侯而待駕某八閩末品光依漳浦之甘棠百里
末員寵假臬司之廣廈私幸敝邑子弟盡入鍾鑪自
唯下乘駑駘何當鞭策今將躬負弩石擁冠蓋于章
江行且身帥衿裾奉標趨于縣宇謹陳竿牘抵逆

迎胡學道啓

明張叔璽

建節東來驛路布清霜之肅文樞南運夷方逢瞻化
之新喜溢青衿歡騰朱紱恭惟某官中朝師表奕世
名賢珪璋令德久推竹箭之雄才綸綍王言首重薇
垣之妙選靈潮鼓氣信爲神物聯翩丹穴鳴陽自是
吉光片羽含香漢署仙郎執權政於水衡懸鑑夜即

天子愛人文於荒服念牂牁洗甲之餘初開郡邑
蠻夷被髮之俗畫昇冠裳非出安定之門何以呼爲
弟子不學尹公之技豈能料其端人是九重資簡別
以得直才迺百寮式操修而貞雅度某承先世之縹
緲備領遐陬之篆綬職司提調尋在魏陶欣逢台從
將臨曷勝斗山在望敬陳鄙悃用代躬迎願裁桃李
借陽春以發生惟詠菁莪需時雨而樂育仰惟星翰
蚤命開來學以希聖希賢佇覩泰階旋登弼元后而
作師作相

迎王洪州宗師啓

明曾光魯

啓雋類函卷八十

聖真統一同文敷械樸之春祖制修明造士專菁莪
之命人心鼓舞氣運興隆恭惟某官名重清時文鳴
溥海方銜音而出舉朝知江漢之大行自校藝以來
到處如斗山之在望荆金和璧盡識拔於塵中宋賦
屈騷亦生成于筆下楚材稱快廷論推先州郡三十
三已經洪鑄者什九衛邑一百一欲竊餘光者伯千
矧茲土生儒兩月懷鉛引領迺前道案牘仲春聞命
移文衡嶽藉靈泮宮改聽某備員下乘稽首崇臺計
望切雲霓大造豈堅時雨諒春深桃李公門自徧和
風伏乞早駕台輶儼臨裨郡若文正公之抑師德

云崇雅黜浮如七十子之從仲尼允矣心悅誠服預
清道路候觀威儀

迎學憲新任啓

明許以忠

五夜文星輝映鍾山之牛斗三冬愛日暖騰硯水之
龍蛇南國咸歡下寮瞻采恭惟某官瑞應寶符班聯
玉案簪纓祖烈麒麟閣上先登黼黻皇猷鳩鵲觀中
獨步乃謂江南之文習實關天下之儀刑拜捧宸綸
出司學憲披繡衣而開絳帳裁成禮樂三千秉白筆
以約青衿指點鵬鵬九萬道脉啓昌隆之會如日中
天人心興鼓舞之機望風此地聿溥菁莪之雅化游
啓雋類函卷八十

四

躋槐棘之崇階者也某近聞邸報遙聽轡音驄馬出
燕山已播先聲于聖域宮袍露采石爭看錦映千仙
舟捲簾懷燕寢之恩遶座作經堂之兆無事點頭而
目識譽髦喜就提衡有丹煥骨以冲飛凡品妄思祇
鼎顧遵憲令莫隨馬足以趨迎欲達愚衷祇託魚牋
而申候伏願珮搖東壁蚤揚琴鶴之聲幟樹西臺請
試雕龍之技

迎陳督學按衡啓

明

恭惟某官望高伊呂鑑軼韓歐才應世以無窮學造
理之至渺物靡不可範而成也譬泥之在鎔人皆有

所待而興焉猶蠅之附驥蓋二百年述文章之運時
變何啻于三乃十一郡賴題品之神歲校業掄其九
先臨者恆春風之坐後者殷時雨之思壤僻三衢
試稀十載雖風沿闕里猶有循循雅飭之遺幸天賜
文昌正及諄諄陶鈞之化集子衿而跂待介儒秩以
摠迎亟仰龍光翺羅豹蔚

啓雋類函卷八十

五

送

送陳憲長啓

明聞金和

總憲閩邦八郡荷澄清之績考成魏闕九重褒表率
之勲玉帛交陳冠裳雅會恭惟某官德隆柱石望峻
華嵩振紀肅綱百辟樹儀刑之準雪冤平讞群黎荷
欽恤之司凜手法振風霜卓爾功高屏翰將臨獻歲
瑞輯明堂卜曉日以懸旌鵠飛海嶠邁元辰而對仗
虎拜天閣吏計恭承闡望夙高于中外華封載祝忠
葵自眷乎宸旒地天交泰一時譽處承休百世其職
叨屬吏恩荷優容顧役職繁繫乎封疆而負矢有難
啓雋類函卷八十

于躬導敬遜下吏代衛前驅聊具護導之私少展追
隨之悽伏祈崇炤曷任瞻依

送臬司吳公啓

明許以忠

彙爰書而上獻風雲壯萬里之程知溫旨以內留霖
雨沛八荒之澤氣已騰於朝斗行何異乎登仙率土
瞻依屬員踴躍恭惟某官晚邦人傑魏闕帝師清徹
詠泉秋月冰壺交映誼高挂劍泰山喬嶽同懸威嚴
整肅手紀綱刑措光華手禮樂手持繡節將回銀漢
之槎掌握紅雲直捧玉皇之駕頃開萬國朝宗之典
望王當陽正值千官課最之期元公轉泰即啓金闕

而大拜佇司玉燭以永調某謬叨守郡幸屬提衡知
君子之德風已從草偃失臣心之如水悉稟孟形因
遵憲禁夫出疆莫獲躬申乎除道上台顯象已徵晉
陞之祥下吏馳神殊切仰瞻之念

送吳念虔憲副啓

壽表

明唐堯欽

露覆二天夙切三生之感當呼九陞欣逢萬壽之行
不可忘戀父之心無所解愛君之誼兩懷念激一割
詞陳恭惟某官國之名賢人之彥聖惟忠惟孝民譽
久達於宸聰乃武乃文物望素孚於輿誦論漢使者
暫違憲節之間作裴晉公便踐揆階之上某一塵流
啓雋類函卷八十

倒嘆甚矣之吾衰四壁淒其值歸與之天幸燕棲屢
就忽奏驪歌龍登路遙莫伸輟卧佩明德於長者將
微惻於小人伏惟天不棄閩斧鉞重臨于舊國公無
忘我金玉肯責於陳人遂肖資弼之形大溥作霖
壽表

送盛憲副啓

壽表

明胡玠

瑤虹貫月誕聖世之神堯丹旆朝天來虞廷之伯益
梓依北斗光燭上台恭惟某官金闕士望玉宇仙班
羽儀肅鵠序觀瞻精白為楓宸眷顧用持臬憲肅八
郡之風裁分鎮建南新一方之號令爰陳金鑑榮捧
黃封廣天保香惹爐煙鳴劍佩聲隨玉步天顏有喜

眉壽無疆望日下之續紛瞻依徒切覩雲間之璀璨
莫罄追攀肅效蛩鳴俯祈鴻燭

送盛憲使啓

進萬壽表

明李國卿

節擁閩南肅風雷於萬里旌馳薊北依日月於五雲
鳥和驪歌花將牙繡敬共脂秣式表涓涓恭惟某官
鈴閣霜清水壺鑑微之屏之翰歸然師表群寮允武
允文偉矣保釐八聚望獨高於月旦德素簡於宸衷
禮謹嵩呼衆推民譽鴻飛遵渚應知葵赤欲傾虎拜
自庭佇看天顏有喜某叨陪輿隸仰希鈞陶過流旋
盼之殷遇隆國士不靳指迷之誨情洽家人欣瞻履
啓雋類函卷八十

近雲霄可任歡同燕雀肅願一介用備前驅仰企六
符俯垂委照

送溫處道江公啓

捧萬壽表

明戴新

曙色金門萬舞上真人之壽薰風翠節八鸞揚漢使
之光東方玉帛增輝六合衣冠動色恭惟某官珪璋
重器鍾鼎名勛五色江毫嘗對絳雲而作賦下尋玉
署曾燃藜火以校書佩蒼玉而握麟符秩崇徽省莫
晴原而安綺陌功莫長城屬當萬壽之期肅上九如
之頌卽河清以獻祝何須瑤草赤芝借海晏以效符
絕勝露桃雪藕御爐煙裊蚤生袍袖之氣氤槐樹陰

濃佇覆黃扉而翁爵某自惟通籍稔荷台慈射策天
階已附雲霄之翼濫竽郎署更分河漢之波茲叨組
綬於明州益受併懷於岳鎮聞馳四牡彌慶二天永
申祖道之忱遙展脂轄之敬伏願榮當虎拜顯沐龍
綸輕珂鳴御柳之斜式上千秋金鑑清蘋振璇霄之
響獨高一代玄風

送清軍劉道尊啓

部禮過淮

明吳明郊

旌旆千羣向見軍容增壯舳艫萬隊堪令兵國藉充
歡聲不沸于江干荒簡敬申于憲府恭惟某官煥彩
星樞校書天祿祥開龍準衍炎帝之支演寵眷虎闥
啓雋類函卷八十

九

屹清朝之柱石緬自金閨而通籍屢從玉鉉以銘勛
繡節高懸半壁乾坤底定轅門弘闢十連文武綱維
更揚彩鷁千漕渠遙貢畫熊于淮水圯橋停軾堪尋
黃石之遺書韓岳欽風欲振王孫之偉烈三軍不擾
歡聲喧赫以如雷千里生輝瑞彩交騰而耀日某俯
承守越幸仰依劉瓊尾肅流懼貽甬東之瘼曠折腰
才拙謬叨宇下之幘幘今逢台宿暫移雖遠龍光于
指日更欲微忱少罄謹馳魚牘以瞻雲

送馮文所憲副啓

部禮過淮


明蔡復一

以稽呂命駕之高風兼李杜論文之故事待子雲於

後若有知音慕相如於前何如並世榮施夢寐大愜
半生之心持詫豪賢不貽四海之笑會既三朝千古
別乃一日三秋承引新相知生離別之言益動采芷
蘭思公子之念沱沱梅雨坐感舊今寂寂桂蟾猶懸
遠近雖昌黎之贈東野願比雲龍而梁鴻之憶高恢
獨吟嬰鳥矣仙璘璘而謁帝羨獨立於蓬萊魚紛紛
今媵予渺馳情於江水敢役一介往御八騶黃鶴未
飛聊托武昌之官柳青鳬儻發更追湓浦之琵琶意
往之深筆圖難盡

啓雋類函卷八十

十



請宴

請盧憲長啓

以下憲長司道

明李多見

恭惟某官望重康時心厯待旦不下堂士民稱便未
春月政教大行美嶺鹿峰拂紅曦而增色朱幡熊軾
映瑞氣以揚輝象應得輿祥占曳屨某等傾情衝斗
藉庇垂雲春日春盤夙已懷孚野曝采芹采藻茲適
際夫風雲涓某日吉肅儼豆觴仰板台駕環橋流水
預澄洗爵之清歌雨飛花載播隨車之襲伏願早移
騶從俯賁几筵忘分獻酬勝沾雨露開襟談笑若聽
簫韶

啓雋類函卷八十

十一

請周憲使宴啓

明王家屏

天宇秋澄三事就登塲之緒霜臺暇豫一游乘省欽
之期銓文有終式憑保障車旂暫憩庶愜攀依恭惟
某官神挺崧高氣鍾河秀德器鏗然佩玉動則有聲
道心湛若壺氷橈之不濁蟬冠豸服夙雅柱石之風
稜鶴列魚麗兼熟丘家之形勢遂持憲節來視戎行
原隰皇華備涉馳驅之苦留田采芑力紓安攘之猷
肆烽羽之無驚乃倉箱之盡入含哺鼓腹幸同聖世
之民介壽稱觥尚憶幽人之俗時維九月零瑞露于
兼葭地接三雲仰福星于桑梓西巡在即北望殊殷

尊俎夙陳冀發登樓之興千旌枉顧佇瞻在後之儀

請韓登我觀察宴啓

明張 燮

雄風蕩戶高曳綠榕之陰德星照人徐被丹崖之草
薄言掃徑暫駐寒幃恭惟明公文園棟樑清流領袖
前長離使試旆屢耀雲門駢腰裹以服驤遙馳天路
置水拔薤肅憲府之餘清帶犢佩牛望神君而屏跡
治既去乎害馬人尚念夫伏鸞慚元叔之孤寒表逢
別坐異奉高之簡詣文禮顯裳牛斗霄懸龍窺佩而
欲合隼旗曉發鶴望蓋以知迎分敢當夫式廬興聊
同於看竹登高丘而望遠渚目送鴻飛探煙液而窺
啓雋類函卷八十

請管觀察宴啓

明張 燮

海國波澄挽天河而洗甲霞城山曉挾琪樹以隨輿
帷寒花信之風春生懷袖節確來壺之月雲捲簾鏡
敢屈雙旌爰開三徑燕窺人而欲下鶴望氣以知迎
蓋鯨鯢夙消已奮鸞龍之藻而鷹鳩既化或尋鷗鷺
之盟滿目威蕤談種花之舊事關心蔽芾是坐樹之
遺陰雖無絲竹管絃聊借烟霞泉石昔孺子所在陳

蕃式廬以先過仲山爲備巨卿行部而相贖維茲古
誼兼有明公冀無愛乎片日之歡圖共賞夫千秋之

契花驄蹀躞暫移棲鳥之臺玉塵提攜永重屠羊之

答請監司公席啓

明王家屏

繡幃時巡布惠風於四國青旂春擁回嘉氣于群生
事匪空行動惟豫順五兵不試適當燕喜之辰萬畧
新開况應文明之晝蒸惟其官神縱性樞左宜右有
功旋化軸陰慘陽舒及正月之始和爰戴星而夙駕
臨前見泰對時育物以行春地上有風省方觀民而
設教褰帷露冕喜漢官今日之威儀結駟聯鑣慶象

啓雋類函卷八十

十三

傑一時之參合閔文獻不足謂求諸祀求諸宋事或
可徵念咨度當周必遵於邑遵於野謀斯有獲乃乘
按部之便遂疏式廬之榮必躬必親亟問亟餽所至
則重豈惟吾黨之先有開必先蓋實斯文之幸澤特
沾於過化願允愜於樞趨是以有衮衣旨異東山之
愛相從而俎豆何殊畏壘之誠敬懇旌輪庶其永今
朝永今夕醵稱觥解聊以薄言獻薄言嚮望台座以
瞻依掃衙門而延佇

請秦憲副宴啓

明馬 朴

臬臺榮晉泰關仰法曜之明憲節遙臨瀛海幸台星

之昭敢邀榮戟祇薦鞠恭惟某官秋烈春溫
武緯五花驄馬曾令山嶽動搖一角神羊雅並屈軼
指觸茲膺新命重蒞舊遊百二關中草木近隨車之
雨九重門外山川凝飛旆之霜某官邇德鄰家依仁
宇繼茲有日久殷葵藿之誠聞命自天更切枌榆之
慶龍光載賁燕喜式陳仙佩翩翩望春風而入座
賓延秩秩願留明月以侑觴俟玉移預祈金諾

請楊憲副宴啓

明蕭雲舉

策府天開近親衡廬之重憲旌星綬遙瞻山斗之光
志切儀刑心勤仰止恭惟某官寰中神駿江左人龍
啓雋類函卷八十

古

令德勤宣提攝攸同于簡命專城寵渥保釐允列于
鼎羹顧此雄藩特煩勝筭春回貽蕩詎成林總之悵
幪道轄巔蒙尤藉門墻之培植敢忘模倣望切追隨
敬占某日薄治壺觴偕迎祭戟觀寵儀于促席聆矩
誨于承顏仰覲俯從不勝感戴

請董兵備座師宴啓

明管橘

吐納靈潮屬神龍之變化酌量元氣賴斗極之平衡
惟良工不下遺乎寸朽故薄技獲上獻于明廷恭惟
某官天人策士齊魯名儒久登作者之壇號稱水鑑
時操校士之柄立辨淄澠看象罔求珠非詠詠離朱

能索似伯樂相馬豈驪黃牝牡可拘某等伏瞻蓬室
深愧小言詹詹修采樂籠敢云多士濟濟或微福于
造化將欲息黥故特鑄于先生未嘗知兀同人自慶
共赴雲龍風虎之期知已難酬俯誦著我模範之化
兼以聖明塵南顧之憂詔出禁中願牧獨命樞筥
重臣之節去爲郢上金湯遙勤四牡于蒼梧遠諸
生于絳帳情深樂只方踞稱萬壽以告虔義洽孔偕
尚俯容百拜而成禮伏願黃金早諾紫氣朝浮寒入
藜羹猶仰調和之手春生醴酒總歸斟酌之權

請海道宴啓

明戴新

啓雋類函卷八十

古

龍旂飭武澄波遠接蓬瀛蛟海觀兵蒼靄遙連虎帳
欲獻平夷之頌敢稱對月之觴恭惟某官緯武經文
出將入相一編黃石散爲千里金湯四望晴原總是
半天雨露綠暗轅門之柳貔虎雲屯紅銷絕徼之烽
樓船浪緩值此熊軾臨邊之日敢乏兕觥獻壽之誠
某願慰執鞭分叨負弩風翻翠醴慙無岐麥興誥雨
過名園喜有熟梅薦鼎爰諏良日夙戒非筵拔上哲
之軒輶虔祈貢止聽崇臺之霏玉祇奉周旋翹首望
塵俯躬微覲

請巡道林澄洲啓

明張夢鯉

法從遙臨正翰海澄波之日霜旌載止適新秋屆序
之期禮樂興而風俗歸淳憲度嚴而吏民震肅恭惟
某官學咀道真器涵天粹繡斧持而執法殿中止直
忠厚節旌建而綏猷海上惇大精明問俗褰帷豐部
盡霑化育觀風露冕弁紳共式儀刑某受一廬而爲
氓久荷帡幪之德至是邦而得見願傾葵藿之私供
靡履以達誠戒壺漿而授粢効野人之獻冀千旗暫
駐于衡茅近君子之光庶型範瞻承于几席

請司道宴啓

明戴新

雙隼度關紫氣接中天之照五熊臨海福星生滿路

啓雋類函卷八十

六

之輝願既慰於執鞭情擬申於獻掌恭惟某官宗社
綱維縉紳領袖經文緯武不莫吳越之金湯內安外
攘坐息滄瀛之波浪當此塞帷按部之日果值銷鋒
洗甲之秋綠樹陰濃報道薰風新至朱明炳艷政逢
化日初長既翹首以謝龍韜宜奉觴而趨虎帳其幸
叨末屬喜御高軒敢移卜平佳辰敬仰陳乎芳醕俯
躬而領珠玉任教漏永三更忘分而效勸酬不覺風
清五夜伏祈臨責可任欣榮

請觀察陳匡左宴啓

明林世吉

文章凌百代夙推藝苑宗工標格聳千尋茂樹栢臺

風裁四海仰爲山斗百僚尊若耆龜顧慚鼠朴而謬
荷甄陶仰誦鴻私而感深篆刻茲候素絲之清暇暫
攀繡斧以和忱敬焚旃檀爰諏尊筵攀霜壑于碧甕
聊具貧餐湘雷筴于瑤鑑薄陳香供瞻凌雲之索筆
倘過驄轡以尋詩掃積雪之嚴扉擬上犧尊而介壽

請張兵道宴啓

明林世吉

寵錫蘭泥特倚保釐于南國秩超徵省兼資秉憲于
西臺共欣惠露之沾濡快覩福星之普照七閩襲慶
萬姓騰歡恭惟某官命世經綸擎天柱石早揚芬于
粉署遂翺彩于彤墀分虎竹以專城膏澤弘敷于楚

啓雋類函卷八十

十七

甸峩豸冠而分陝膚功尚揭于維揚當宁眷隆特異
絲綸于榕海籌邊望重佇容鎖鑰于蘭臺茲竭片忱
爰諏茅卜仰藉五紵之清暇敢陳三雅以申虔飭芳
藪于瑤盤冀控青驄而枉轡掃碧霞之山徑候揮白
羽以談兵

請沈仲督學宴啓

學道

明謝廷諒

錦軒星駕傳墨令於銀書繡服霞被湛珠衡於寶序
彩綴五峰之嶠振鷺銜花光浮九井之津樓鸞吐潤
歡騰縫掖譽輝簪裾恭惟某官粹觀玄黃家傳青紫
鳳翔南嶽謝關開十步之芳躋化北溟却桂簪一枝

之秀歌調白雪藝晚分華器重青雲竹林濟美卽懸
金於秦市口杜田巴爰刻石於漢京貌憎西子牢籠
羣彥當益友之龍頭鞭弭中原佩封侯之鵲印早遊
西鎬探玄指於千言晚蒞東陽播清徽於八詠時流
望而踴景談士依以揚聲高標月旦之評盤礴江山
之氣驪珠耀掌情源共秋水楊波鸞鏡懸心詞鋒與
夏雲爭長列琳瑯而覲璵璠寶燕石立分陶絲竹而奏
宮商齊音屏退珍函明月寧忌暗投琴號落霞獨精
吟賞某棲皇一壑處不才之間蹢躅四隅之能鳴之
分緣桑作棟青鸞降宿樹之祥支木爲牀白鵲有標

啓馬類函

卷八十

十八

墳之瑞荷千里之嘉獎驚五馬之踟躕見示郊居愧
有難於辨霓光生戶牖喜尤溢於登龍仲叔選征肯
遺安邑之累王猷雅興空作剡溪之遊回桂棹於江
干阻蘭訊於天末許玄度之清風朗月一倍懷人王
逸少之珠井墨池千年樂事顧雙旌之枉賁苦三徑
之無資興洽濠川尊開彭澤野餐二簋園蔬一盤敵
拉畫熊之車旁臨狎鷗之渚青巒雜起雲移華蓋之
巔丹壑爭流堰合文昌之府接光儀於促席朱實垂
帷聆妙論於中筵玄水入菱高臺齊峴擬倒載於習
池勝友如雲共追歡於河朔帥儀部抽簪勇退荀陳

硯星聚之符俞廣文命駕遙臨許郭協風期之會仍
攀嘉樹泛紫猷以掛疎陰卽沐新蘭渥丹滋而臨綺
月映金牛於水郭春滿白渠瞻玉馬於雲林煙浮紫
氣展也掄材之暇猗歟講德之晨

請陳督學啓

貢工
公宴

明賀燦然

聖代掄材深慶遭逢之偶儒宗秉鑑大昭汲引之公
惟是從龍從虎之先貧不謂采菲采葑之下及措躬
無地戴德有天恭惟某官聖世祥麟威鳳士林北斗
泰山典禮南宮夙著風裁之勁校文西晉共推品藻
之精高標方重於清朝簡命特隆於兩浙德巍望重

啓馬類函

卷八十

十九

甫下車而士習聿新師嚴道尊一振鐸而人文丕變
方茲敷教之始遂逼選試之期乃不鄙薄乎諸生顧
特精掄乎多士謂茲係祖宗之曠典實爲科甲先聲
必盡羅郡國之真才庶於朝廷有補極爲隆重大異
尋常雖一再試而不憚其煩令畢效制科之技悉千
餘卷而務精於擇實倍逾典試之勞衡斯平鑑斯空
高懸巨眼河之廣海之大不擇細流誠莫遁其妍媸
廼兼收乎薄劣某等章縫賤品樗櫟凡流幸曾謬譽
於膠庠空糜餼廩愧未觀光于上國莫效涓埃化方
被於菁莪光遂分于桃李殊微非分之獲復叨異數

之榮縱云抽鶚薦於芹宮似非里選之常格何至歌
鹿鳴於徵署幾於鄉舉而並隆蓋四海儒生均微厚
幸而兩浙士子更沐殊恩矣謹消某日祇掃珠宮肅
儼鼎俎雖雲泥分隔不敢薦享於王公而金玉欣聆
伏冀借光於下士

請洪宗師啓

明王德乾

望重春垣掌天下文章之府識高氷鑑慰字中山斗
之瞻賓興叨見一班師誼允同三事薄申燕款顛
鴻光恭惟宗師臺下建鼓中原登壇八郡擅金泥之
世美朱紱星聯驚臚唱之先聲彤輝雲彩秩宗豫典
啓雋類函卷八十

禮教肅雍文衡晉司人倫表率矧浙下尤保釐首藩
乃歲升實觀光鉅舉品題初試聽觀一新談天無取
于雕龍中雋但存乎立鵠西郡三東郡八計邑又七
十五庠拔之省貢之廷標名凡八十六士洪鈞無棄
物羅鷹揚于後乘之中大冶善鎔材采馬智于長途
之外謂某等上堪科目下不失爲師儒且作昂藏勿
太嫌于偃偃溫諭勤勤及此壯心淳淳都生念萬事
尚可爲努力而前未肯推其戰氣卽一命豈虛糜矢
心以効何能負我私恩感激紛紛平生稀邁環依濟
濟良會難齊雖師嚴道尊敢冒瀆雙旌之責而義重

聚樂倘許分半席之榮不自揣量共謀迎集光風霽
月佩名教于杯酒之間碧水青山追勝遊于綠雲之
下虔表伏候命日爲期

請顧道行督學啓

明林世吉

我冠楓陛特勞執法以觀風振鐸杏壇兼倚衡文而
額後多士欣資乎陶冶百僚欽式乎儀刑名重斗山
渙渥佇來紫綬望隆台鼎調元行替黃扉某誼附通
家念叨及屋快覩文星之普照欣沾化雨以滋培敢
諏吉于龜占擬申虔乎燕喜斷丹芝于雪塢敬飭瑤
登楨白葉于烟村聊陳玉璫借乞瓊瓏之嚮冀瞻奎
啓雋類函卷八十

壁之輝迺碧落之柴車倘蒙枉駕燃青煙之熬火擬
聽談經

錢李郡守轉沂州觀察啓 明謝肇淛

北平風暖喜騰九戩之歌東魯雲開色動雙旌之駕
駢駢原隰思枳輒而未能款款洎埃願稱觴而請益
輒忘下吏敢告消人恭惟某官龍文炳世駿略匡時
玉質金相氣度坐空萬馬彫戈皂蓋笑談立解千牛
惟茲最爾一州正當舟車輻輳之會比者得公數載
板之湯火虺蜴之中無以我公歸兮衆方切袞袞之
戀有安社稷臣者帝已錫繡斧之司聊攝以東姑尤

以西共仰折衝千里淮沂其乂蒙羽其藝行看節制
百城某等叨厠末流濫竽半刺陪五馬之後乘父慙
蘭臭之同望千騎於上頭且懼雲泥之隔敬蠲六日
預庀一觴麗日綢旌旗舊帶中天氣色慶雲生几席
競傳動地歡聲知憲節之新分不遑啓處念寅寮之
舊誼慙駐欣顏伏冀貴臨曷勝感豫

餞顧道行學憲

明林世吉

恭惟某官望高北斗允稱百世之師名冠西京雅擅
千秋之業顧多士方資以振鐸詎衆口忽成乎鏤金
攀戀絳紗悵儀刑之遽遠敬搖彩筆賦離別以何堪
啓雋類函卷八十
三
敢攜白獸之樽庸置黃龍之艦仰攀星駕少遂嚴瞻
伏望爲立須斯漫聽青驪之曲冀申縉綬同享黃髮
之期

謝薦舉

謝陳提刑啓

宋王邁

經年夜雨誰憐泮芹之清一日春風忽破庾梅之白
郵筒飛墜奏牘光搖競看大使之文書乃覩小夫之
姓字不爽釘金之記竟叨褒袞之榮品題十六字以
甚嚴銘刻千萬言而不足竊謂先朝立薦舉之法是
乃累聖開功名之塗不謂昔者網羅英物之公轉爲
後來周旋人情之具求而得也弗求則不得也倖途
旣開賢者與之不賢者亦與之濫竽寧免柳下惠之
阨卑官臧文仲不能引絳老人之困泥塗晉趙武弗
啓雋類函卷八十
三
及知養成一世奔競之流遂致四維操履之玷故臨
難無竭節之守而居官多曠位之愆在承平猶以爲
非况艱難烏乎曰可自匪孤風之卓立夫豈頽波之
陽回激揚之間趨嚮所決若某老心固動而德弗進
年齒寢宿而意不揚雖聞先生長者之言粗知古道
然滯經生學士之業猶汨虎文頓懷繡組之慚欲求
耕獵之實偶投足於塵埃之地莫安心於禮義之容
衿佩競趨於城隅絲竹不聞於堂上鄉隣之關猶縷
冠而往救門外之寇敢據席以偷安當同舟遇風之
時出位不顧奮執戈衛社之勇非學而能義有當然

功非所計在泮水獻賦幸依魯僖之賢息潢池弄兵
蓋在龔公之化曾非一介若有寸長寡其過而未能
無所學之可取胡得之於物論併舉以爲已榮伏遇
某官崖畧甚高戶庭無壅登車有天下之志允藉澄
清推轂追古人之風不由請謁元使君當路萬物吐
氣烏大夫秉鉞多士校尤使致妄庸亦蒙收錄其敢
不益加砥礪無負陶鎔拜官公朝謝恩私門敬奉羊
侯之所戒遇非常人待以國士當圖豫子之未能感
激無窮敷宣曷旣

謝浙東張提刑啓

宋孫應時

啓雋類函卷八十

三五

吏役亡堪甫訖三年之課使華所暨復加一顧之榮
睠知己之難酬懼薦賢之非稱敢陳平素以瀆高明
伏念某圭竇寒生辟雍晚學雙親白髮方謀菽水之
供一命青衫敢憚塵埃之役聞關巡徼執掌簿書羈
危幾類於五窮齟齬殆盈於百謫竊守父兄之訓重
聞師友之箴妄意古人戒逢心之不退委身時運悟
蕉夢之俱非紛進取以安能獨迂踈而自笑淒涼江
海俛仰星霜方哦歸去之辭欲尋遂初之賦忽聆蕩
節躬按遐輟攬轡登車旣免澄清之及下堂攜手遽
叨諭薦之先曾非意料之初迺出尋常之外茲蓋伏

遇某官資文武忠孝之德達詩書禮樂之原白日青
天曠若襟期之素清水寒露自然風鑒之高名家百
年早膺帝眷銜命萬里蔚爲國光釋州組於淮壖分
使臺於畿甸六條問事七郡向風汲汲人才悉負九
重之寄恂恂禮貌俯咨一得之愚謂朝家選舉之科
實銓曹進退之本酌權衡而自用洞豪髮以難欺爰
拯頽波以扶公論遂使守株之士初無躍冶之尤華
袞蒙褒縉紳興歎某敢不益堅夙志思勵遠圖桃李
春風或詫公門之盛松蘿歲晚寧忘國士之知

謝臬司啓

宋趙德莊

啓雋類函卷八十

三五

官分縣社初乏吏能書奉公車偶冒名薦荷恩增愧
撫已爲榮伏念某魯鈍少文樸愚乏警志有丘園之
素氣無湖海之豪慕君子有所不爲知古人未嘗乏
仕猥驅俗駕濫綴官曹枉煩愛山未忘餘習折腰爲
米已負初心試縮銅章謬臨花縣鳴琴不韻製錦空
傷政拙催科考宜書於下下誰先傾倒人每見其平
平疲駑絕意於騰驤散木無心於斲削豈謂提衡之
鑒誤加推轂之私伏遇某官盛德表時淵謨經國宏
才優於劇劇厚性足以鎮浮允爲世臣卓備賢業權
衡士類水鑑人才錄箕斗之虛名采非封之下體縱

毛錐之脫穎許由慙以升堂致此凡庸亦加品目功
借風雷之便將化龍梭律調金石之音旁資牛鐸其
敢不勉以未至尊其所聞上答已知下逃官謗

謝曾安撫特薦啓

通判
謝荐

宋李 劉

竊以儀曹論秀舊累殊知帥閭舉能今叨亞選負留
連之藻鑑辱根抵於朽株施重人輕感深言淺伏念
某不堪位置何足控搏少而耻有道之貧賤冒焉干
祿壯欲行所知之學問愚不適時今難望不龜之封
聊爾監無螭之郡由貳攝長無儋石之儲晏然粗廉
且平信蠻貊之邦行矣初無詞藻何有聲名周公欺
啓雋類函卷八十

三六

我哉還贊僅收於三士韓愈亦人耳願忠豈後於百
官濫吹其間循涯而懼茲蓋伏遇某官爽邦良弼命
世元臣暫勤分竹於武安共後聽麻於文德曉行夜
醉已開南嶽之雲暮捲朝飛又作西山之雨雖自湖
入海是亦東歸之兆然望魁與台亟遠北落之樞亦
思向花木之陽詎意入蘋蘩之薦

謝監司薦舉啓

宋蘇 軾

猥以庸虛過蒙知遇既免尤譴復加薦論自省孤危
加之衰病生而賦朴野之性愚不識禍福之機但知
任已以直前不復周防而慮後動觸時忌豈爲身謀

擠而去之則爲有功引而進之亦或招悔自非不以
利祿介意而以仁厚爲心顧茲鈍頑誰肯收錄伏惟
某官時望至重主知已深方將長育乎羣材專務揜
覆於小過憐其謀身之甚拙進絕望而退無歸知其
爲政之雖迂歲有餘而日不足特矯世俗借之齒牙
敢不祗畏簡書益自修飭豈云報德苟不辱知過此
以還未知所措

謝監司啓

薦舉

宋朱廷玉

零落壯心未就求田之計裴回末路猶懷入幕之謀
中愧本心外慚微分戴惠逾腆踴地弗容伏念某數
啓雋類函卷八十

三七

則多奇資惟極陋始遊翰墨謂功名可爲而亦可期
逮涉艱難知時命在彼而不在我雖已周於十載曾
弗旣於一官諒拙疎之有餘故坎壈而未艾進惟聊
爾資升斗以代耕去亦欣然適榆枋而滿志偶參羣
俊俾長諸生會明詔之一新事當責實顧諛聞之已
竭分合投閒懷曠官以自危思欽衽而不敢雖常碑
夙夜之智力曾何補毫髮之事功矧積咎愆久稽竄
斥人皆謂之不祥而弗顧公獨察其甚慙而可哀嗣
加薦論俾適夷途伏遇某官義高乎一世識並於前
人忠厚之風及物而愈廣剛方之氣秉節而弗回其

觀人也遺於短必求其長其薦士也因其才不移乎
勢受知者所以感激而至於太息有識者莫不尊仰
而爲之聳聞顧樗櫟之散才乃門墻之舊物載矜流
落薦使遷陞昔孔融之得禰衡既薦於前而無以濟
之晚節晏嬰之過石父雖脫於難而不能舉於平時
未有一叨顧盼之榮兩被吹噓之德自惟會遇獨絕
等夷而其智跡幾先名編都下駕駘失路固無歷塊
之功烏雀懷恩猶有銜環之報

謝夢路監司啓

宋陸游

意象鬱然揣分自安於下吏寵光異甚交章遽上於
啓雋類函卷八十

公車莫測何由但知難稱伏念某父嬰脊病見謂散
材偶從諸老先生之遊粗得前言往行之略可容今
事少年誤竊於虛名歷洗陳言晚節方慚於大學一
來楚碛再閱王春惟體重於藩方故職均於曹掾占
名惟謹幸逃有蟹之嘲竊祿甚微屢起無魚之歎豈
期僉論驟及孤蹤遂令枯槁之餘漸有敷榮之望此
蓋伏遇某官器涵魁岳議極崇絃雖持秋霜夏日之
嚴每廓滄海洪河之量大呼相和或容醉吏之狂重
聽何傷曲恕聾水之老雖深知其無用亦並采而不
遺其敢不強恕求仁質直好義庶幾夙夜或免小人

之歸猶有鬼神尚圖國士之報

謝監司啓

宋唐庚

命教之始置師惟難既非所堪適足爲愧伏念某一
離國學十閱歲華參兩任之卿軍自云得趣負三年
之令弩未始辭勞止於爲貧無所不可獄訟刑名之
職皆是道場簿書錢穀之間莫非樂地况優游於儒
術復咫尺於鄉粉便於婚姻得以敦學有幸如此歸
恩可知此蓋伏遇某官匠石人材甄陶士類好賢樂
善每推引類之心憂國愛君深軫思皇之念致茲後
學得託下風才地非堪固難勝於重責使天所庇將
啓雋類函卷八十

銘鎖於初心感佩無窮敷宣罔既

謝江西廉鎮啓

明朱錦

福星下曜憲節升華江表旌麾已見波濤之帖息湖東協篆更觀山嶽之動搖一道生風萬殊吐氣恭惟某官清朝聞望昭代典刑迅雷破柱而不驚澄月照潭而目許鏡懸北斗烟銷於魍魎之鄉劍肅南天風淨乎豺狼之窟喜威伸千里弘操秉憲之權茲托重一方再攬澄清之轡黔趾鼓躍袞帶歡呼某姚水書生青田俗吏日月名高夙企靈光之重雲霄身近復偏雨露之恩解帶誰彈冠自喜分當叩謁龍門鳴致賀成之款時輒坐翳見鳥懼膺越境之管敢削牘啓雋類函卷八十

以陳詞敬望旌而稽首

謝江防道丁公啓

明瞿九思

伏念某宇宙遺民衣冠剩物少延性命託久死於盤餐略具形骸寄微吟於薜荔島載堯天舜日列戶編人仰遭盛代昌期叨名繫籍願言擊壤賡時雍風動之歌每想濡毫撰海晏河清之頌資愚質劣字遊言難第閉戶潛形同朽人間草木敢翹雲發夢希瞻天上星辰至若編摩本里鄰之過信何期剪拂感樞路之兼收祇益驚惶率何裨補適天府弘開史局包六合以張羅會大家群集儒紳逞千秋而載筆大公祖

乃遂蒼忘百孔因而毛取一斑既公移通散於諸城復嚴劄特加於本國欲以行潦涓滴送助詞源冀將敝管癡毫吹噓史職連詢博采並札齊批皆榮恭華衮之新並寵錫球鄉之貴以故徐太公祖顯頒溫獎厚餽多儀無何報命戕天果得叨名奏闕手提重垢出之於汚困之中力挽清流濯之自澄源之上海騰地攝鬼怖神恒千百載之好風枯嗟扇景二十年之敝網落燼鎔灰慚悚之餘分毫盡愧悒悒之自尺寸皆思凡一切之栽培得之於辛甲孝廉甚悉每半辭之獎借聞之於江黃父老良多此誼何深比若江湖啓雋類函卷八十

更潤茲恩何大方諸衛岱彌高銜結方新鵲磨燬久幾欲裹糧徒步候旌旗於巡徼之間素緣鑿井耕田限等級於編齊之列既無見禮徒有攻心遲迴於去來進退者三年俯仰於日暮晨昏者數載昨者春風行縣千林草樹迎花曉日鳴鑼萬戶閭閻引項撼搖地動趨走塵飛以結心勞望嶽之畏因具紙上投名之謁蒙施曠典謬荷華恩其深言淺論之多真際古橫今之遇愈深決骨倍切鏤肝竟不敢藏閉殘軀欲藉此數官薄臈屬簫鼓發樓船之會正輪轅攀士女之辰因買扁舟艤浮玉新生磯外爰張短喙立分牙

轉角營邊百拜望尊嚴共父老江頭灑淚萬言條感
激與兒童天外騰呼俾寫為三江泣別之圖用以表
千載得人之盛

謝兵巡道史公啓

推薦

明瞿九思

伏念某槁後頽魂灰餘死燼卽欲書上產靈祠入縹
緗何堪衣結懸鵲凍侵肌骨盤餐黎耳耳目塵根惟
優游此暑刻之生久寂滅彼升沈之夢南村時半北
坂詹丘付歲月於遺丁託家門於弱息百凡望絕一
切魂驚與雞豚犬彘以相安何禮樂詩書之敢問卽
人巷哀憐之舌不妬死灰恐手援汝溺之軀難收剩

啓雋類函

卷八十

三

物大公祖獨恩加白骨爲吹噓窟下之殘魂更手引
清流令洗濯泥中之病骸凡爲禮異總屬非常豈惟
使當之者意罔神迷且足令聞之者心疑膽怖穰玃
未學欲播之於司曹郡縣胡爲轍線微材竟採之於
尺寸錙銖何用彼時戰慄逋遁無由舉國驚惶走藏
曷計既經旬而伏莽復累月以窺園因四三劄使光
臨具一二篇言請罪由呈而搖魂自昔引項而待斧
于今不謂於憐撥塵無於瓦礫何期剪拂收穢敗於
泥沙潛布公移高張德善頃覩徐公祖疏陳閭閻居
於義好士之吳公深慚瞿九思望有齒萊敢問漢多

啓雋類函

卷八十

三

材之賈誼矧小善之抽揚匪易而煩冤之前拔尤難
今既已顯白于朝復何必鮮華于世卽枯魚之不活
已冤網之宏開姑無論仰沐擎颺得洗髻於江漢卽
今已除毛解足獲隨分於江湖便自恩超因而願塞
茫茫宇宙果誰當桃李之材浩浩乾坤竟大破鍾鑪
之格凡茲盛典最荷明恩旣翼蔽口嗟乃復飭光華
於筆舌已心憐目時又別加潤色于談筵河海布帆
必不許逋逃於水籍山林草窟必無容潛伏於柴局
話藻東西遊奇南北此得之傳聞甚悉况承之聽睹
恒多吾乃何知公勤誤愛不然昂之於吳與荆豈賤
子所可能勝不然題之曰某徵君恐斯言若將豫發
迺者復層頒天慶令枝梧牖下之春秋前是數書賜
瑤英使揮黃山中之草木如茲下交知已求之上代
誰人延至于今歲改春王正月追惟自昔心驚天子
新年爰募輕舟波乘浦淑載循前路郡望江門閣牕
晴川從硯底商量七澤樓攀黃鶴自簷隈問訊三山
綠草分毫青霓布紙候立牙門金鼓掉臂難前仰瞻
蓮幕玉旗樞衣恐後山深海大無能方知已之恩坤
轉乾旋請豫奏得人之賀

謝憲司啓

推薦

明游之光

周官六計總嚴察吏之條漢法三章獨運陶鈞之術
蓋表端景正師師唯在一入而濁激清揚象指已均
流品感從愧始媿在廬前恭惟某官氣嗟海岱名列
鼎彝待繡斧以糾群寮霜飛六月采葑非不遺下體
德比二天咳唾爲恩廁砥砭于珪瓚矚增價等驚
馭于駒駉矧嶺表遠隔君門又直宿未聞薦牘行部
之風雷易肅去後之雨露難逢不謂奇逢偶瞻曠典
某烹鮮用拙畫虎名虛吹噓揚賦以上天稱說項詩
於到處俾豕苓鷄雞濫叨狄龍之收蟲臂鼠肝倖與
莊鑪之化雖羊公不圖私謝深荷大造包容而魏客

啓雋類函

卷八十

三十四

肯出他門詎云小可銜結敢不矢心末路勵志飲水

願酌待達之知思報國士之遇肅函叩謝卽冀啓闢

謝查督學啓

推獎

明張應泰

西江故是賢疇誰匪桃李東浙尤稱士數獨重丰山
維茲閱歲春風共挹盈堂冬日士誠吐氣吏更畝心
况承警欬之餘與厠追隨之末能忘倚玉祗愧懷珠
頃當震疊周官正屬巽申漢典方虞醜墮不謂瓦全
凡斯僥倖之逢總賴吹噓之力額宜九頓腸實千迴
竊計環虎帳者三千時方歸於藻鑑遂令眎龍門于
咫尺莫克覲其芝眉肆藉魚羹虔陳螭素伏惟汪涵

海度略塵氛以齊捐浩蕩鴻施并纖芒而畢及則人
世萍浮之日皆華陰環報之年

啓雋類函

卷八十

三十五

啓雋近體卷八十一

類函九十三

東吳俞安期羨長彙編

上饒王嗣經曰常同輯

臬司部

建武鄧漢遠遊訂定

謝陞遷

謝監司啓

宋蘇軾

燕南趙北昔爲百戰之場地利人和今乃四夷之守
觀累朝之命帥皆一代之名臣豈謂寵榮曲加疲陋
顧吏民之易治幸衰拙之少安此蓋伏遇某官碩德
庇民宏才緯世餘膏所燭常分無盡之光蒙霧而行
啓雋類函卷八十一

坐獲不知之潤眷言朽鈍未遂顛躋勉加策勵之勤

少答吹揚之賜

謝虞稭刑啓

宋孫應時

三年試劇惟依六轡之光一旦受知足增九鼎之重
未敢言尺寸之進實已倍尋常之榮伏念某門冷如
冰家窮至骨閉戶映雪少而讀父之書漱石枕流本
無干世之念苦緣升斗浪走西東天日一心星霜再
紀常恐食焉而息事其禍莫逃若云私爾而忘公則
吾豈敢雅不善於負舉非輒求於自高偶然從萬里
之招遂亦換七階之選得邑於此爲計更踈犯天下

之所難取衆人之共棄膏火煎熬而髮白風波洶湧
而迹危不自意全適有天幸久寬銜勒免於百謫之
盈終賜齒牙眷然一顧之寵知憐異其觀聽駭然茲
蓋伏遇某官當代宗工爲國膚使閱人之鑑如月比
士之屢若云駸明雖惡不廢於一言即墨可封無聞
於多毀且使四方知不得罪於君子庶幾他日或能
自及於古人某敢不洗濯塵容激昂素節百里半九
十儻善後之可期一身當三千尚酬知之未晚

謝監司啓

宋陸游

掛洪景之衣冠宜還故里懷買臣之印綬尚冒明恩
觸熱卽途扶衰領郡伏念某身常短褐家本衡門一
官惟妻子之謀萬里極關河之遠景翳翳以將入餘
日幾何芳菲非其彌章素心空在比者竊冰銜於冷
局築雲屋於鏡湖惟俟引年遂將沒齒散地方斬於
因昨除書忽昇於專城官關中天有就日望雲之幸
鄉閭接壤逾過家上冢之榮此蓋伏遇某官學貫經
邦望隆國器繡衣持斧姑小試於使軺豹尾屬車即
趨登於禁路尚容衰悴之迹暫托澄清之餘某敢不
勉效微勤堅持素守吏犯法而法在先務去奸政近
民則民歸敢忘用恕或粗逃於大譴庶少答於深知

啓雋類函卷八十一

謝表文海宗師啓

轉官

明董應舉

負乘鱸幣執御龍門二反受知不卑朽株之用一
宣業總知大治之仁感激難形捐糜轉運竊念其
自鈞徒未除海氣薄才遲達但守樸於行藏多病
衰敢爭衡於力命南來捧檄義取抱關豈意乏趙
之文章乃幸近韓公之山斗頓忘迂腐妄意振矜
痛文風士習奔競之非遠傷聖域賢關侵頽之久
主持之在上何疑畏而不前顧心勤而力難強才
而事多違噬腊生屯脫桎往吝狂瀾莫障空仰歎
蘇湖鞠草未除且久慙於禮樂因循歲月雖首循
啓雋類函卷八十一

見其素餐忽阻山川使緇黃得恣其橫議政恐不免
於過端安敢有心於遷次誰爲培植得並生成茲
伏遇某官命世真儒葵邦哲匠力振吾道之衰曲
廣勵身任天下之重每見堅持談笑寢中使之邪謀
俄頃復百年之舊制面釐雅奏如登堂園絲竹之音
奕煥新宮使入門見宗廟之美凡有裨於蒙養皆作
意於先庚使其下走仰成微見絲毫之績上庠轉秩
都由提挈之恩從黌後而取音越薪前而見徒鞭疲
策蹇已令長價於都門斲散繩踈更望爲禎於王國
不知何修而獲此亦不知何德而可酬爲日無多忽

恨門牆之隔此身尚在敢忘覆載之恩但恐去此
迷途終孤大造遂使獨行而顧影益念鴻私心念之
而愴然悲言及之而零然涕一人知己每感慨於廣
翻孤劍似君輒吟言於賈雋

謝鄭兵尊啓

明王德乾代武職

伏念某介胄末流韜鈴初學匪動遵元老之成畫焉
靜輯兩浙之上游雖堪備緩急之兵今推八婺而凱
旋者多恃勝以生驕若更番巡哨之編向接三衢而
奉行者漸因循以致廢恭遇某官文武爲憲恩威並
行軍令分明士銳拋渠之氣戎除閒習民嬉安堵之
啓雋類函卷八十一

風職雖碌碌無奇使亦赴赴有勇乃蒙施非望報培
不擇栽俾剡獎于前後中丞復瓦全于按鹺直荷追
叨量轉旋允議留永矢餘生敢忘所自且都秩之機
宜未諳徒錯愕于新銜初官之指授曾聞畏迢遙而
終濶固冀玉成于異日左析珍誨于各天庶今後顧
無虞先登力奮而國士之殊遇莫踰高深恩主之洪
波逾爲浩蕩矣

謝祁念東學憲啓

保全

明馬朴代

南宮典禮英聲久懋于寅清西國衡文偉伐益崇于
藻鑑盈門桃李共戴栽培成架醅醅敢忘滋溉故

遙遙之素用攄耿耿之丹赤惟其官永長玉淵雲
鐵壁分天章而間出奎壁涵精鍾地靈以嶺南
毓粹覽德輝翔千仞而下負冠冕人倫之儀迥狂
障百川而東挺砥柱流風之望百年禮樂作人化洽
成周一代紀綱陳臬治隆分陝於皇吾道簡在帝心
其猥以淺中備員屬下仰高華於韓斗藉甚依歸荷
蔭庇于蘇天庶無顛躓即此量移之幸孰非大造之
恩銘心永佩玉成沒齒不忘環報茲先一介代叩九
闕披雲霧以樞衣何日復龍門之御上星辰而瞻履
還期托燕廈之棲樵謝塵宣瞻馳倍切

啓雋類函卷八十一

五

謝祖父祀鄉賢

子得

謝李對南憲長啓

祖從

明馬朴

熙朝重德雅隆勸善之規憲府旌賢光舉彰幽之典
起黃泉之既死肉白骨以回生恩邁前聞感深後烈
恭惟某官嵩邱神降河洛靈鍾駿發膠庠冀北空群
駉駉雄飛科第溟南奮翼鵬鵬漸歷清華晉都燕訪
明五刑弼五教克兼文武之猷貞百度肅百僚茂
澄清之績英聲偉望跨北斗而登泰山厚澤崇勛
西溟而卑華嶽且乾坤並育生成既普於流形而雨
露弘施潤漑不遺於枯朽如先祖者雖有三三潛德
啓雋類函卷八十一

六

謝管督學啓

父祀

明張應泰

百里謳吟見民心于去後一言
幸直道其猶存儼遺踪而益彰之原可作敢言隨
堪從片碣初題已誓延陵不死事于愈識銘切私
恭惟某官妙有儲精神明衍胃播搜珍于玄圃潤
珠機繼制羽於青霄光依日月越中故文章數管
實天下才漢關敷詞奴使兩京班馬虞廷讓德名高
一代夔龍載錫郡待驤臚憲節投戈講稅五溪風淨
妖氛橫槩賦詩二酉雲間靈簡賜環寵近調鼎勲崇
明詰登朝正海宇揚眉之日斗山人望更衣冠拭目
之年詎曰波餘忽沾意外先君子一經卒業少嘗與

啓雋類函卷八十一

七

對乎公車三試拜官晚乃列銜于邊邑孳孳六載自
謂苦心落落千秋誰當知已賢書屢上量移近得長
沙遺愛未忘瞻念真同南國撫棠陰而志感睇覲首
以增歛尸而祝之不翅庚桑之戀民汔勞矣實繫何
武之思方多士之攄忱適明公之在事謂論因久定
誠歲計之有餘卽政以時移諒芳規之未遠斷諸胸
臆爛彼瑤瑤治喻鮮烹推轂意先銅墨價將璧重持
身繆許水壺麗士元百里誠其郭有道一銘無愧義
重褒往意在風來死若有靈應見并州入夢自今乃
莫祗緣宣子知心某徒讀父書莫恢先烈有懷續緒

橐中不問千金何以酬恩口內尚遺寸舌昔叨鯉對
幸與聞詩今仰龍門無從御李祗結思于宛轉猶托
迹于踈違敬役赫蹏願申素抱沉湘蘭芷想瞻丰采
于新秋臺閣綵綸擬備藥籠于異日

謝宗師啓

從祀賢

明王德乾

祀必有茂績在卑官獲與者精學本無近名爲大賢
所稱者貴殊榮到骨曠典驚魂恭惟某官才品道品
俱尊執衡德衡並妙蓋天生輔世宇內斗瞻而帝命
作師浙中水鑑八代之文大起六經之製首撫朱程
晦以仍尊玄扈塵而不熾業追正體墮流之東左表

啓雋類函卷八十一

八

幽光化閭以左豈意閭修先子居然得當名公念自
趨庭習知履道蚤歲服唐師之訓翼良知于討真窮
年發周子之藏貫通書于說極二座薄展九袞彌勤
生逢橫議之多門死不移遊乎二氏然謂工夫作輟
敢附朝聞何叨沒齒吹噓號敦古誼有學有行四字
難當月旦之評慙余慙影兩無肩稱春秋之筆矧忘
與職寵曰先生太守送而雲從翩翩冠蓋子矜拜而
風動噴噴市廛祭鄉代不乏人祠考雅傳盛事其舊
壇偶挾忍睇烏水之鄰良治何承莫範青霞之士下
懼愆乎遺教上恐負乎明條正切水兢耻父書之空

讀俄聞玉允褒翁德于特裡千里一官三衢九頭施

仁不報息將黍稷以齊長激義餘生感共松楸而

謝方督學校士啓

明李國卿代

奎壁祥光八聚人文蔚起門墻化雨一時物色俱新
肆開新猷之途朗揭驪黃之鑑彩分下走輝映上台
恭惟某官吾道主盟斯文先覺胸中谷藻森牙鉞鏘
軸之藏筆下宮商富大呂黃鍾之奏崇名齊於山斗
後學守爲蓍龜衡握全閩采參苓以資藥物按臨屬
郡羅麟鳳以瑞邦家拔滯振淹分涇離渭挽人心於
樸茂爾雅者是登滌士習之澆漓浮華者必黜頃馳
啓雋類函卷八十一

下邑尤荷盛心俯念先儒從出之區宏施樂育曲原
末品冒干之罪不靳兼收彼入殼諸英誠自奇其知
遇而失正多士惟反求諸身心倘非水鏡瑩明能令
賢愚悅服其夙抱識韓之悃今叨御李之榮奉德意
以作人次且不稱循科條以飭教庶與維新感茲陶
鑄之恩莫罄揄揚之意敬申短牘用佈謝悰

雜謝

謝杜按察追索書板啓

宋真德秀

布衣命薄忘繡梓之群書絲繼威行還青氈之舊
誰詰季孫之賞益親逢魯國之真儒吾有二天公如
十日竊以萬形有弊長存道義之名千古在前難
詩書之澤微若書生之議論上關天運之文明秦火
無遺不焚御府之六籍蜀寇已慘尚留石室之九經
未聞孔孟之徒不勝踴躍之煥造化必能爲之主神
明亦自有其人伏念某才愧雕龍學幾刻鵠諸老文
章之印頗有師承三代金石之碑亦嘗編集奈五窮
啓雋類函卷八十一

之難送慨萬卷之空蟠忍尋活計於錐刀寧問生涯
於梓匠簡無編竹似有益於國人書既同文願廣傳
之天下豈期狗鼠左甚豺狼衆隣三篋之盡戶彼得
五車而自喜贖以金而不許毀於櫝則可憂凡爲攘
竊之民恃有遁逃之主仲塗印昌黎之集自知不免
於貧唐僧失蘭亭之文恐抱無涯之戚不逢大造何
有餘生南山之判一傳符澤之姦大窘漢除廉吏盜
牛卽日而來歸皆有素王竊玉踰時而盡得兩載懷
亡方之恨一朝喜去珠之還緬思西蜀之先賢起敬
拾遺之有道物皆吐氣恨無數十輩之使君士盡歎

顏願見千萬間之廣厦當日未酬於素志天必其後人此蓋伏遇其官草堂嫡孫闕里先覺懷西落光風霽月之無邊志慮清明秋水長天之相映自懷轡登車之後有迴川獨航之心貞觀豈無謀謨敦若如晦之善斷慶曆固多按察獨稱杜杞之長才不惟山岳之動搖自覺乾坤之軒豁繼夷不變吳當受罰於春秋文獻足徵宋或可言於殷禮凡一予一奪之際皆衆好衆惡之公治鑑可垂之無窮儒家各傳之不朽幸斯文之未喪知我其天喜喜道之將行以公爲命感激辭短版依心長

啓雋類函

卷八十一

士

謝兵巡道史公啓

索所著書
燕錫金幣

明瞿九思

伏念其驚魂疵骨棄物致民戴鬚眉於河清海晏之朝祇餘耕鑿疆形頗干死沒生還之後幸免淪亡教問雕蟲真成回虎即使搜奇釣古然家貧之口積之書縱令繆簡抽編終病廢鮮扶生之藥殘傷歲月荏苒居諸徒自絕於妻孥竟何關於載籍採芝煉術先臣有托之身閉戶窺園謝往哲無窮之趣甘藏牖戶願畢泥沙自頃年尊信之愈多較前日憂危之更甚如臨淵谷若履春冰不謂高恩上自雲霄賚及詎期特命遠從閭闔頒來除地焚香開闢布席如聞聲

啓雋類函

卷八十一

士

而色怖果接使以魂驚鑿坏無能踰垣未敢謁然溫語榮逾一字之褒爛矣蕪金喜甚百朋之錫贈之以徵君之號豈所能堪隆之以有道之稱尤非敢望徵靈江漢若將慶居里之非遙降趾衡茅又若恨登堂之太晚謙冲已甚獎借爲多所冒蒙典禮之殊皆超絕等倫之外望臺端九頓首有負褒嘉指夏口百戰言何當龍重扶持病骨竟顛隤而靡得嘉言搜檢枯腸愈戰兢而深慚寡學躊躇日暮俯仰乾坤謹掇纖毫納壤泰山之麓敬盤涓滴捧流滄海之濱譬之如硤硤敢貢寶於璠璣方之若燭火尚輪明於日月何

堪決背有類顛心所幸者惟始終效館閣之規模不敢有靡麗浮夸之句所愧者或表裏之齊梁之氣格莫能副慙慙篤厚之知伏想吹噓答報已無腮可曝仰承洗拔鐫磨惟有骨能刊

謝兵巡道史公啓

賜頌

明瞿九思

世變江河虞夏後之尊賢不易人才燕石乾坤內之知己誠難豈期下白屋之明公遂作賦緇衣之盛事入門溫禮奉語歡顏留心於經國匡朝垂意及藏書閉閣品裁人物問訊兒曹千言無隻字非主持河嶽之謨竟坐卽片言盡整頓乾坤之略真顧盼加而春啓傳類函卷八十一

士

生草樹况姓芻備而駭動津關召伯班牙卽親枉棠西之顧江神奉馭至高楊濟外之威何玄冥不收閉其寒飈致屏翳得猖狂爲威凍吾誠有罪風果無知蓋隆典非所宜施殊不意雪中之駕故遙江取其易泛遂未遷郭內之棲旣失於僦近邸以郊迎又失於望前麾而道謁至今戰佈曷任顛躓度當日之夷門彼公子浮稱好士恐茲晨之客路卽周公未耐衝寒比之於海大山崇不過據一朝之遇譬之若日臨月照何如蒙百世之知己甚驚心直堪墮淚

謝駱念憲同年啓

賜書

明謝廷諒

鳳律春回布中和而驛化魚箋日映分藻續以生華喜溢桑樞覆棠陰於几席之上奔趨槐路露闌笑公懷袖之間感激殊深戀慕不已恭惟某官器襟弘闊藝實汪洋義府詞鋒倏風飛而雲起湛思鼎構儼綺合而繡揚寸晷鴻裁自載三千之牘毫端高價兼價十五之城董子傳經毋下帷而息景長卿作賦夸入室以凌雲籍甚玉堂之英燮和台曜展也金閨之秀著述承明未掃齊門耳投吳署爰簡邁乎世局雅尚標襟式谷藻乎人倫清操範俗寅清夜直表一代之委重披閱晴窓檢六朝之逸典名流望而踴景庶士啓傳類函卷八十一

士

翁爾傾風願出公門滋其桃李驚傳帝命眷此豫章緬懷孺子之居重看懸榻徒倚滕王之閣舊是通家按十部以宣風奔塵太息表六條而飭憲妙譽分馳皇鑒揆留晉名銜于樞筦英規誕布飛茂績於鐘鏞知借寇之無繇欲攀嵇而靡及其青雲附驥追陪十里之塵白晝乘驄邂逅三山之驛有懷耿耿爲役勿勿迫於報命之期方違玉倚翻承注念之渥拜辱瑣函蓬草生光蘭階借艷

謝同僚啓

陸官受賀

明蔡復一

竊聞蘭盟易結瓜贈難酬若本諸甄埴之恩焉松

以方其陰申以琅玕之貺若木未足配其華則豈膠漆之所形容瑤玖之可疑議惟酌玄水稍喻丹誠恭惟某官潤有潛通尤無禦照山川不動常出雨以及人桃李何言自成蹊而致物至微者蠅翼附驥尾以偕騰極遠者鵬背乘羊角之可借揆茲量徒實荷曲成曾裁謝之未遑已榮施之前被感其愧色謂進見假於名賢激此懦衷使新圖縫於愆咎藏素書而在袖猶憶剖魚化黃衣以授環敢忘師雀其學山不至果受分之奇窮近水先輝賴植緣之多幸杞包瓜而罔潰蓬托麻以勝扶送鷄犬於雲中方悟丹砂九轉

啓雋類函

卷八十一

五

跂星河於天表莫酬機杆七襄猶恃比榮之未遑私期開茅之有在好而無數時示我周行之言成以有終勿爲君同舟之辱肅將米藻力抒傾葵

謝同寮啓

送生辰以原禮答謝

明蔡復一

養而親往則風木感其飄搖年與時馳斯窮廬歎於枯落每當初度太息此言詎意閱世之慙猶有得朋之幸鮮民銜恤驚顧柳之易秋元老壯猷贈壯椿之餘福捧銅槃而從歎已荷主盟指丹鼎以回枯何殊再造雖摩挲銅狄仙人之約難期而刻畫無鹽君子之心居厚稍寬愁於裁蔚長記好於梅花矣願當日

之掩關敢言酌兕及此時而裁素聊托魚惟是下錫之珍卽爲仰酬之寮瑤池之來三鳥思從仙羽以無階朝菌之望十松或潤流膏而不朽村醪祝歲誠莫答於生成墮戶待春猶有求於造化願垂鑒承永結綢繆

謝司道同寮啓

贈詩

明蔡復一

周雅之紀名臣者著功於江漢楚詞之思公子特寄意於芷蘭段倚有緣虎吹難和恭惟某官璇衡錫羨丹穴揚輝節鉞翼軫之交祥占卯五襟帶湖山之會令布庚三采芒作歌來壯猷之方叔其棠可猗道美

啓雋類函

卷八十一

十六

陰於召公草迎氣而變芳風行將更苗含膏以起瘁露覆兵民衡嶠開嵐先聲檄祝融而應指郢鄢飛雪高唱吞壺夢之賦心南斗避文星共仰南邦之式東風隨暖律更依東壁之光某奮怯戴蠶蠅欣托驥雁迴峯而繫足欲摩禹碑魚鱗沫以揚馨試沿舜水隰桑遐不謂矣堪證周行之詩千旄何以告之敢後我僚之聽鶯鳴伐木同苑惟求於同聲燕認捲簾新絮儻收於新社瑤華先贈玉案何酬有慚瓜報之三羣聊賦唐韻於兩地

謝王豐輿憲使啓

領教

明蔡復一

松郡財棠真同漢南之邵伯鶴樓繫馬始識江左之
勇吾殊愧中郎之琴瑟倒瑯琊之度數日而別千里
以行棠某初旬始稅捐佩之浦梅花兩地通馳作賦
之洲惟識未定於舉棋恐迷難免於當局所望譜傳
國手盡成龍鳳之形自矢聽必專心敢思鴻鵠之至
儻免南風之不競盡賴東壁之垂光

謝戴觀察啓

明謝廷讚

鐵柱惠文水壺建武鎮二姑而坐嘯望三獨以行躋
去後甘棠至今勿翦勿拜道傍苦李具蒙采非采對
銜結寸丹還迴尺素未能投瓊而報玖自愧有胸而
啓雋類函卷八十一

十七

無心惟是徑滿蓬蒿宴其不貸之圃燕之身如桃梗
汎今不繫之舟州有九已歷其三閭有八具遊其六
清漳甫至赤嶼遙瞻天寶十有二峰斟醴泉而擁雷
霞中十有一子交讓木以爲林賴諸公將入青雲豈
賤子能于紫氣每思重席欲覓扁舟神搖姑射之水
興盡山陰之雪忽勤青鳥飛紙上之煙霞更重朱提
貽山中之溝壑曩者留將贈別宜廣芍藥之詩今茲
貴自丘園豈帝木桃之賜長者愛人無已下走揣分
奚堪一報稱之未能再拜嘉其誰敢顧繁芝正延芳
以候蹕而丹霞且望岫而息心盼瓊樹而調饒深清

風朗月之想翼玉體之漸適唱陽春白雪之歌騰鶴
色以愁予豈鴻蒙之忘朕

謝張靈臺憲副啓

明謝廷讚

棲遲錦里契濶瓊枝登吳山輒憶吳陵覽明聖每懷
明德暑蘭理棹息車馬于黃灣日報披函厠姓名于
蘭闥緣公祖之篤年誼收不肖以爲部民曲垂特達
之知頓長渥注之價山光悅禽鳥之性原未動平塵
心鄉黨重月旦之評實有關於士品臺下瓊投不報
之地不肖尾全自好之名亮爲肉骨之恩寧翹齒牙
之賜慚非神物敢云未合之雌雄幸入公門倘似不
啓雋類函卷八十一

十八

言之桃李脫驂豈衆人之畜屈獲獲知已之伸大德
無涯涓涖不腆五體投地拜使于庭

回答

回本路程提刑啓

宋李廷忠

誤恩將漕來護蜀門直指按刑同登漢道請在太室
叙拜之別許分皇華臨遣之光首枉慶絨益崇雅泰
恭惟某官道高伊洛文秀巴岷着功名之先鞭蜚騰
直上操政事之餘刃盤錯皆空由題輿之最以儀中
朝借涉筆之能以替外府固應峨峨當軒墀而立胡
乃業業爲原隰之行蓋孰知上意之好生欲亟使遠
民之蒙惠輶封夙駕貫索夜虛肯用司空城旦之書
惟專彈治合持法從甘泉之橐入備論思某猥自乘
啓雋類函卷八十一

回夔路李提刑啓

宋李 劉

三年和義之郡粗護慈棠再命通德之邦獲依仙李
不謂我入而公出真成室邇而人遐恭惟某官負材
鯁亮蓄德鴻深雪檣霜松凜凜祖風之似公槐卿棘
英英家學之傳四奏郡庸兩將使指巖巖漢沔帳下
之甲多奔往往巴渝舟中之楫可掬去孔伋君誰與
守見王尊吾復何憂共歌四牡之有功行趣八鸞之

入覲某獲通族譜且託交盟勿勞乎勿誨乎尚希思
告同姓也同業也宜不遐遺

回方提刑啓

宋李 劉代

觀風嶺外公遠有於光華易地江湄我但慙於玩惕
鼎來下問益仞高情恭惟某官學與古稽美全世濟
江濤如此惟知戮力於神州人物眇然士頗傾心於
執事久於直指無乃斜飛然小大之獄旣得其情則
澄清之志亦足以展風雲之會朝夕以須某分閭何
功投林是幸叔夜不便於書疏遂緩報章莊周無索
其形骸尚祈終惠

啓雋類函卷八十一

答權提刑啓

宋陸務觀

伏審抗章請外攬轡入東謂宜因對而復留故欲馳
書而未敢遽先垂問莫喻愧心恭惟某官英識造微
宏材經遠學迷得前言往行之要議論有群公先正
之風踐揚蚤歷於清華雖能自見寄任靡辭於叢委
刃每有餘茲乃勇退急流旁觀袖手明刑以弼五教
誦詩而使四方雖暫試於外庸顧豈符於僉囑還節
旄於少府行被詔追司筆橐於甘泉孰居公右某退
依耕隴密邇臺綱躬愷悌以宜民旣蒙賜矣用春秋
而決獄行且見之頌詠惟深敷陳罔旣

答某廉憲啓

昂昂憲節樹東省之表儀燁燁使星瞻外臺之風采
歸萬洵美涼德奚堪恭惟某官清融永柱晬瑩天球
蘊藉經綸吞雲夢其八九峻嶒氣槩峙泰岱之千尋
故維屏軫念于帝心斯巨任得肩于臬憲獨持風紀
竄當道之豺狼明允祥刑雪覆盆于犴狴嚴六察之
繩吏彰其激揚乘四牡以觀風周爰咨度有嘉猷而
入告竚公輔之薦登不佞斗山在望每勤向往之懷
鯉雁未通徒抱阻修之悵適承瓊惠祇覺汗顏附謝
旋仰希垂朗鑒

啓雋類函卷八十一

答王述齋憲使啓

明田一儔

伏念某夙有天緣叨甘載同升之誼頃成日隔厓兩
地企見之思顧茲全秦實湏名世昔者周有二陝經
營尚分於東西乃茲公甫三年名實獨加於上下宜
帝心之簡在竚眷命之維新未占有孚非遠伊邇
躬逢爲快仰羨尤深四十重城况乃位尊於一岳百
二坐鎮共看道莫乎四維惟此瓜期獨膺麻拜關輔
道上遙誇班倩之行長安邸中願作李君之御輶因
來使敬布鄙私報莫伸於瓊瑤音願嗣於金玉統
炤鑒不任凌兢

答袁憲副賀生辰啓

明馮時可

某草土餘生風木永感每當懸弧之候恨無戲綵之
歡方且對松菊而增懷讀我以寄恨伏蒙某官
念鵷鴻之侶俯憶大馬之年厚幣自三峴遙頒瑤童
從五雲飛墮惟申及甫安敢並駕以齊驅乃彭與
遂爾相期以朋壽殷勤雅意信與玄嶽共崇諄切深
衷真同漢水俱秀義難峻拒禮用登嘉破涕爲歡寧
嘗嘉旨因儀作供聊奉几筵敢不日邁月征鞭弭同
晉秦之轍此唱彼和壘虎如伯仲之吹

回馬柳坡兵憲賀啓

明于慎行

啓雋類函卷八十一

某人地非溫器能無取珥形金馬徒竊祿以多年待
漏銅龍愧酬恩之無地偶承時會益竊班行既叨南
省之崇階兼領北門之要秩方切濫竽之愧敢期結
綬之辭乃荷厚慈俯垂遠念望秦川之迢遞如覩容
輝憶隴水之潺湲遙分縑素知心同於萬里愧報乏
於七裏敢附尺函少伸寸悃特麾旄於西塞暫勞秉
鉞之輝映樞斗於北辰行聽賜環之命

復海防萬丘澤啓

明馮琦

恭惟某官久鎮龍荒新懸鵠印回出塞之馬提橫海
之軍屯細柳於師中屹如鐵壁望扶桑於天外行建

銅標遙想霜臺將臨海嶠奉金石之雄覲鯨鯢
於波濤俾草土之餘生燕雀偕安於林幕恍無末議
仰佐中權不廢芻蕘之言蓋爲桑梓之慮其諸委曲
須面披陳佇俟節鉞之一臨以慰雲霓之衆望

答鄧虛舟憲司啓

明蔡復一

曩聞諭蜀之命即致張楚之祈徽猷后之式靈果師
虞之允穆塲虎重奏叶聲氣於德隣漿篚交迎舞恩
暉於仁宇而其猥以菲薄亦從量移蛙處井中贅海
詎窺其涯淚鸚鵡搶地上鵬風竊附於逍遙蓋弓之去
人同爲楚得而劍自神物合有宿緣以我繫馬之心

啓雋類函卷八十一

三三

即君求薦之意顧于澗之采藻雅托無文胡自牧之
歸黃洵美且異章歧雲漢携來織女之襄好咏衛風
報以玉人之玖此弟雖銜知而心刻尤戴重以魂搖
者也武溪毒淫在昔奏馬文淵之曲永山奇絕何時
陪柳子厚之遊比杜甫之南金慚許身於大冶致張
衡之繡段喻縈惻於積絲譬彼觴賓酬仍必酢惟是
遠道往即因來儻有鑒於葵傾庶靡嫌於封陋

答馮文所憲副啓

明蔡復一

盖聞高絕卑隣則岬峽無學山之分大爲小府則渤
瀾有分水之波使羅而附松宜欣得地胡珠之汰礫

無斬照隣真如塵霧之中忽挹仙風之灑恭惟某官
神淵涵月道岸標霞標宇宙一石之才獨處八斗繼
扶桑五色之蘭可被九州隘六合以高舉望氣若神
仙之侶與千古而共語聞名疑周漢之人而乃意汲
後生言提小友微若蠅翼許驥尾之攀翔邈矣鵬霄
垂羊角而接引滅其鷁梁之愧振以鸞吹之音虎鼠
同支詎發長源之笑雲龍相逐竊幾東野之遊贈平
子之琅玕何能報案跋天孫之雲錦思往填橋某馬
力已窮空負慚於執轡鶯聲相問勞送喜於彈冠同
王子之舟欲歌山木爲將軍之地更喻李蹊此日得
啓雋類函卷八十一

三四

劉公書果已賢於從事何時識荊州面亦何美於封

侯正水可旌花源非遠

答王豐興憲副啓

明蔡復一

二十年隣部長苾露棠之陰五千里雄邦共高霜柏
之氣有華林樾施及旅蘆恭惟某官清歸雪瀑秀拔
霞標家學淵源擅箕裘之弓冶世臣閱閱屹岵偶之
樓臺方宿應於郎潛已魁負於公望馬驅六轡鹿夾
雙轡鼓山答樂職之聲歌舞依然父老榕樹連生祠
之蔭來臨重祝君侯諭蜀帖降酋太守當勝兵之三
萬驅夷全屬國都護綏荒服之五千至今箕子之臺

聿有定方之壘功猶辭賞績屢試成惟翼軫偏得歲之星乃漢江足出雲之雨使嶽修貢令湘安流南國經營早追踪乎羊杜中朝獻納旋接武乎夔龍某差曉讀駭何能張楚一墮誤膺於奎負五枝深虞乎鼠窮欣承十部之臨莫報七襄之贈登樓而共明月遙對便公授筆以賦雄風慙非宋玉河留芳潤儻念竹馬之舊迎木就直繩期傾黃鶴之新誨

答張玄中憲副啓

明蔡復一

投桃報李雖在禮以爲常縞贈紆酬則緣人而增重惟君張楚謂蔡吾人我之視兄師也非友銅儀觀象啓雋類函卷八十一

三五

天無可閔之奇神劍燭符地有必搜之寶東京之推平子邕生晚而後身西晉之赴茂先洪入洛以瞻詠燕公文章之助妙得江山釋珪管蕭之評略恢王伯固已望儀知當今無輩聆韻謂此中有人者也而某學誤彭鯁敢妄參於博物瑞徵紫鸞良歎賞於高文聊矢鶯語以求聲遂徵鳳吹之答嘯蓋讀劉荆州之札較從事以猶賢開張長史之書如見人而獨笑詎止琅邪之度倒者不留衛風之瓊得之已泰乎有夢乞景陽之錦何日酌思光之泉竹是留材度五溪之曲而歎我松堪塵代遲七寶之座以待君

答司道賀壽啓

明蔡復一

歲聿云暮時駸駸乎無聞壯弗如人老冉冉其將及當思親劬勞之日計入楚素餐之年恒愧懸庭魚枯銜索已分於世爲棄物何如勿生乃過援騷之揆予錫以難老老唐先業飾成蔡誕之鋤芝珍重朋情貺比安期之賜棗青松相許於焉見歲寒之心朝菌奚知祇足貽太年之笑追生而在子元合爲鼠之人况今也逢寅適當抱虎之地病則深矣顛無日焉雖傍小至之吹葭偷茲暑影其奈半凋之散木怯彼雪霜頽假餘光惠施再造以前幽莽空嗟去日之苦多從啓雋類函卷八十一

三五

答許鼇宇憲副啓

明蔡復一

詠二馬之詩並驅深愧原隰來三鳥之字下逮忽接琅玕倚玉生華飲河知濫恭惟某官澄襟寒月拂袖惠風譽蔚雲香久騰於雞木鈴窮兵略氣自燭乎龍淵特借文昌俾臨楚塞運籌帷帳則八校有士飽馬騰之歌變色壘旗則三苗承清酒黃龍之約霜日嚴而氛祲歛已懽威持雨露節而善氣臻尤提福庇乃車笠不忘於舊坵壠首倡夫新音樓鶴初黃甫滿關門之氣江魚俄赤儼傳滄水之書豈桃李之能

酬果羽商之寡和某方欣附憂遠損贈袍袴之勝雅籍甚邊珉相語徐之照李爛然隣壁分輝况勸八行於倥偬何減南昌之牘乏七裏以組織竟空殷浩之函睠此先施慚其不敏抒心旌以言謝爵情賴而宣

答許鼇宇賀攝巡篆啓

明蔡復一

某窮颺小枝試飛越以貽嘲病鶴短翎感毒淫而增歎价藩如農之有畔猶愧畝荒陳臬則祝之代庖倍譏器假况棲鳥維栢豸何患於無衣若居鵲之巢鳩奚辨於非據曾以讓能之悃發爲量力之言志既不伸顛將無日拙工血指使般倅袖手以旁觀辱于絕啓雋類函卷八十一

筋煩膏獲高聲而邪許雖溺人之必笑詎將伯之能忘乃洵美但見于歸美而來諗未聞於發藥豈癡倅顧凱姑強以宵吟抑質異宋人難施于望斧想同舟誼重過情亦好我之心奈集木稟深滋喜滋棄予之恐何敢以益愆之舉覲爾拜嘉猶幾藉及物之儀盥而求教感藏已厚祈嚮彌殷北山之諷獨賢寧嗟缺掌東野之占將敗尚範馳驅

答馮心石憲副啓

明蔡復一

洞庭問水誼宿結於同舟貴竹占星光遂分於隣壁施者不厭得之若驚恭惟某官道有古風器非今日

雅懷淵永憂在君民遠近之間亮節霜明浩然豐約險夷之外州邑之牧群無敗价藩之畫諾何閒餘年岐麥猶歌身爲豐玉卧閣三禾入夢心簡前旒謂太守得賢已過勝兵三萬俾使者持節何難闢服五千付盛覽之山川供葛侯之經略車邊雨露即淨洗於煙嵐帳裏星辰行指揮於魚鳥新猷甚暇舊客徧存某紉佩豐蘭偏投臭味探書酉室快奉德音東道主如何談讌未酬於契濶南中人已服鼓旗猶式於聲靈立正賴君惠胡好我以清風之作誦受言藏之况東華之先投報曷日矣聊寄聲於尺素永篆德於附啓雋類函卷八十一

答韓兵憲啓

明唐文燦

思昔假王程以經昭郡嘗嗟谿洞之鳴張迫今承人乏而備臬司益懼疆陲之蚤負幸憑令緒利賴洪敷刊木闢途倏爾千村無瘴置營分砦居然萬籟生煙蓋軍聲振而賊膽寒不特遠追忠獻之躡且徭藉清而蠻方定真堪近躡襄毅之蹤某仰斗多年迎薰即日偶縻梓里未能亟聽提撕適啓蓬門不覺忻逢省訪論札則榮踰華袞儀則惠溢蕪金副墨丁寧左見披肝露膽連函繹玩昌勝刻骨銘心敢附駢以呈謝悰更束裝而催行色喜關卿之舊政佇諸良覲于

面談導蕭相之成規期行永圖于躬踐

答馬道尊公祖啓

明劉國縉

恭惟某官道在軻班之間功出韓范之右一腔浩氣
力破朦蔽之奸五載忠肝嘔出焦勞之夕此心苟信
挺百折以不回巨靈可除屣三公而如脫瘡痍幸得
安枕是誰之功麒麟便可圖形在今之日某久藉萬
間之庇適叨一命之榮顯叩未遑瑤華且至惠文柱
後自愧豹尾之雄風旌節榆邊公真魚頭之骨鯁

答某學憲啓

明陶望齡

天挺儒宗三物鬯七閭之化地雄憲寄一尊持六藝
啓雋類函卷八十一

三九

之衡師有作而道隆文在茲而任重光生園壁喜切
斷金恭惟某官道岬崇深德園廣莫比斗岱宗之雅
望蔚矣人倫西山南浦之宏詞褒然舉首契心修正
早得統於河汾用獄明清繼馳聲於梁汴庸禮舍香
之署作人懸鑑之司豈徒衰文八代之餘快月露煙
雲之一變行見聖道千年而下如江淮河漢之盛行
某負牆問道幸托同心判袂歸田久傷離緒逃介山
而奉母方迎寸草之暉遡閭嶠以懷人邇枉尺書之
賜歡言道故披襟轉惠之光風穆若敷詞快目連城
之玉府積疾頓瘳於誦檄陽春忽轉於飛霞所望

島雖遙烟霄何接匠門罔棄南木無改消妙論之
聞益發醯雞之覆庶幾音之游至聊紆翟徑之憂

答沈憲使督學陝西啓

明田一雋

紫氣臨三秦文星與法星而俱耀明珠照千里南土
瞻西土之流輝盖百二之關夙稱材藪况半千之運
宜有主盟植砥柱之龍門允當此地空騰驤於驥野
適際其人入彀中總是射雕之手索形外可知相馬
之心莊捧來書敬誦鉅冊洞心駭耳共看襲六爲七
之雄談興賢舉能詎止拔十得五之盛事輒因來使
敬布謝私伏望鑒函何勝翹注

啓雋類函卷八十一

三九

答方訥菴督學啓

明田一雋

風教至重人師難遭欲使天下一德而同風莫如諸
儒金口而木舌恭惟門下才雄一代學富三餘獨膺
黼展之知特受青衿之寄既新既賴連茹且欣於拔
茅爲棘爲槐踈蓬實願於依樹謹因來使僭布中情
不盡願言伏惟垂鑒

答蘇觀察啓

明謝肇淛

恭惟某官岳岳儲精衛河間氣文起斗山駿譽控溪
壑以朝宗官據靈臺鴻功映魁衡而曜采知東山之
臥已久寧無意於蒼生而北海之尊未空長適情於

綠野當鴻鵠高飛之日正能龍溪夢之秋其久幸識
荆曾叨御李舊遊之山川滿目恒深既往之管尤美
人之雲樹一方彌重別來之契瀝忽驚雲翰恍對芝
眉玄纁與紫氣交臨白雪共瑤槭俱集徒深銜戢莫
既謝私十年為別知後會之何期一水非遙願起居
之加愛附將寸楮仰冀崇涵

答張觀察啓

明謝肇淛

恭惟某官秀孕玄都奇標紫電雙鳬飛鳥姓名久上
御屏四牡驅車風采猶寒鬼國故茲南曹之節鉞顯
借東土之于城兩仕於齊何啻輕車熟路一官如水
啓雋類函卷八十一
益堅烈日秋霜朝野具瞻銓衡側席某昔叨驥附深
慚鞭策之不前今獲登龍祇領教言之恐後忽瑤華
之下賁恍芝宇以遙臨并拜朱提益增潁汗河潤九
里方仰藉沮洳之需我有二天願無斬陶鈞之鑄草
裁布謝無任神馳

啓雋近體卷八十二

類函九十四

東吳俞安期羨長虞編

上饒王嗣經曰常同輯

建武鄧漢遠遊訂定

轉運部

同卷部

賀轉運初任
宋制各省有轉運使今各藩司有糧
儲道是也又江淮專設督理糧儲正
其官

賀江東鍾運使啓

宋李廷忠

光錫贊書易持英蕩凡邦國之使節山國用虎節土
以英蕩輔之注曰英刻書也蕩竹節係兵轉食資控
也刻而書所使之事以助三節之信係兵轉食資控
制於上流班化宣風聳聽聞於遠嶠九重至意百
啓雋類函卷八十一

均恩恭惟某官文緯六經學包千古父子儒科而相
繼士民師表之有歸振鐸鳴絃雅奏徹雲霄之上坐
輿憑軼歡謠傳湖海之間整鸞羽以來歸覽鳳輝而
入對獨當上意捷出朝行方其修器械以修外攘之
功合籌策以成中興之業故武監樞賴其贊貳而樞
司藉以稽參凜然有澄清區宇之懷付之以觀覽民
風之寄二路之平反既廣九年之儲蓄宜先肆圖允
實於關中載命按行於江北千艘漕粟萬竈燧樵屬
縣翕然而景從裔夷聞之而膽落使華所燭若東有
啓明之星兵本攸歸可北取大梁之地其才焉無取

拙則有餘竊一第以僥踰遭兩艱之抑壓寒廳夜宿已勅作於客遊綠野春耕頗習知於農事媿非健令謬使近民最弗能炫飾矯揉以沽名惟專以惠養撫摩而為政比年多苦魃虐何時雨之獨私他邑皆被蝗災惟我田之無害重刑不犯幽園屢空用是未速於譴訶得以少安於孤拙非巍乎二天之能見察雖蕞爾一國之豈易為茲有榮逢敢忘善事新龍虎之節顧莫備於先驅寬牛馬之鞭尚勉供於下走

賀江東徐運使啓

宋李廷忠

渙發制函晉持計節皇華遣使采薇遺戍政方急於啓雋類函卷八十二

外懷斜谷運馬祁山運牛力願殫於下走一雲所庇萬井攸同恭惟基官濯濯環安峨峨碩望駕其所學前拍丘旦之肩筆之於文下結班楊之舌裛然而為舉首飄然而來帝旁音諸九成名震六合遊天子辟雍之海濟多士以舟航登道家蓬萊之山旅群仙而佩玉大扉旋聞於借重雄臺更賴於決平屬邊境之繹騷護上流而轉漕屯壁三千里靈方見於日增連櫓十萬艘粟恍如於天爾翼虎旌騰喪羯戎真如無敵之儒富有太平之業王命載肅仲山甫能奉行之國威既強管夷吾使相可也其起家窮陋行路歎

危好古之眼終青憂時而髮蚤白客游濡滯編簡之香今轉為鋒鏑之腥邑界淳原撫字之勞豈足掩征科之拙一飯每思於報國六條幸遇於觀風不責小文庶恢大義天有二者刺史也罪或貸於此時城不沒者保障乎效可觀於他日

賀淮東林漕啓

宋李廷忠

堯童寓直漢傳趣行司左右而為都公方藉彌綸之益合東西而瞻使節共推將漕之能明命揚旆歡聲載路恭惟基官名懸日月氣塞乾坤儒行之高富貴不能移賢科之美父子而相繼頡頏華路赫奕名門啓雋類函卷八十二

宜上眷之殊倫由外庸而入覲服休鳥位替畫鴻樞文昌董正之權有資宰士皇華臨遣之命輟自朝行海濱楊繡斧之威塞上倚金湯之固臺綱肇建民瘼頻瘳六轡過驅雖暫違於省闈十行迅召宜即正於冢司某欽仰鄉評幸聯邊部聽褒綸而滋喜陪賀屢以莫遑准為財賦之淵期於兼足國有仁隣之寶得以相親

賀曾運使啓

由刑部陞

宋戴翼

光膺宸命榮領計臺兩載欽刑已深種平反之福一朝移節又暫煩飛輓之勞喜之又新豈馳牋之

敢後恭惟某官名貴貴問世鉅賢濟濟侯門迭奏
塤麓之美雍雍仕路俱蒙旒冕之知海宇觀之如景
星慶雲國家寶之猶黃琮蒼璧萬頃胸襟之波量四
時德宇之天和惟平生鄙腐儒之空談故所學極古
人之遠到自司邦憲務合人情吏固多奸自屏聲而
退聽民豈無瘼皆吐氣以獲伸旣施利器於盤根宜
駕輕車於熟路然自顧川而北久陶忠厚之風由洪
都以南尤任轉輸之重載念祥刑之已久緬懷將漕
之尤艱與其以此付之他人孰若舉而屬之已茲按
臨雖舊寵數惟新暫遲校芸視草之功少試飛芻輓

答雋類函卷八十一

四

粟之任欲了邊頭之萬竈須煩馬上之一鞭不妨時
訪西山賡回棟朱簾之句行即詔歸北闕伴紫微紅
藥之吟某備數一同強顏三仕雖繭絲保障粗知當
務之先奈獄訟催科莫道有司之責幸際福星之移
次深懷明月以棲枝即今位牛斗之墟已深歸向非
晚歸鳳池之上尤望陶鈞

賀李運使啓

宋方岳

伏審內班郎潛外將使指參大都督軍諮之重爲小
朝廷人物之英簡在帝心筆寧江面恭惟某官赫矣
龍門之望隱然虎石之威規姚姒而逮莊騷豈但詔

言之妙引夔龍而陳堯舜雅知籌策之良適戎馬之
縱橫賴木牛之飛輓乃進班於武部俾轉餉於兵屯
文之虎人之龍蓋侍玉皇於香案東有制西有虺乃
煩金節於江城言觀竹帛之勲亟下絲綸之詔某切
依襟帶願拜履絢猊宿萬竈之煙敢忘共濟鵬鷺
集九霄之曉政恐端歸仰止高山有如此水

賀王運使啓

再任

宋孫應時

伏審明綸疏寵久任勸功緣蜀父老之心方歌廉叔
之五袴動漢天子之聽特借寇君之一年華節增輝
列城交慶恭惟某官器博大而凝厚識淵深而該通
啓雋類函卷八十二

五

慨然懷當今之憂阜乎出流俗之表肅將使指思廣
帝恩絕憐羣叢之墟久困繭絲之政周爰咨度旣自
東而及西有孚惠心專損上而益下遂令方一二千
里之內頌能損三十萬計之輸自非厲水壺之操以
滌衆人脂膏之污懸水鑑之明以燭群吏毫髮之微
酌盈虛而有制權通變以無傷孰於期年辦此奇事
仁聲歆艷褒詔煒煌有臣若斯上固難於使代祝公
勿去民有恃於將來申即舊儀實昭新渥某聞風自
喜見日匪遐同寅協恭已灼此心之不間愛人節用
更知已事之可師替美之勤編摩莫究

賀呂提刑除運使啓

宋李綱

詳刑奏最轉漕升華統部不移今已季於先甲事權益進命不待於重申六轡借留百城胥并恭惟某官負材鴻碩蓄德駿龐家學淵深擅箕裘之弓冶世臣閱閱屹鼎鼐之樓臺蓋徑歸清切之班顧存屈皇華之寄二節三節俾詳察於風謠特書屢書已茂登於歲績茲峻登於延閣俾專制於計臺地上錢流欲暫煩於鞭笞日邊人至即遄上於橐班其幸甚受容復茲竊陰三熏三沐僅能寓致於雙魚載馳驅行賦勞遠之四牡

啓雋類函卷八十一

六

賀轉運加恩

賀葉漕賜章服啓

宋李廷忠

伏審轉餉日邊拜恩天上肆加三品之服置爲六轡之光恭惟惟慶切以某官見謂通材奮由名閭功名自以身致術業本於家傳以醞藉之姿儀郎曹以清婉之畫登宰榷屬京輦之擇使輟禁班而建臺剗犀之鋒立斷於事叢叱馭之鞭居多於神筭課功爲諸路之最蜚聲達九陛之間睿眷彌隆華褒押至金章綬庸增煥於朝衣篆字盤紅尚復傳於相印其欣聆除目倍激歡悰引賀屢以莫遑致頌言而惟謹

啓雋類函卷八十二

七

賀轉運元旦

賀准西韓運使啓

宋李廷忠

麟筆書春式履王正之始鳳簫奏曉聿觀天令之新
維時鉅人喜逢亨運恭惟某官受材膚敏稟德靖深
襲慶澤於勲門揚芳塵於戚畹望積星間之郎位冀
高鵷鷺之班總半天下之貨權坐給貌貅之餉百枝
寶炬促對春朝七葉金貂穩傳世業某叨乘邊傳遙
睇階符舉眉壽之觴愧莫陪於賓贊飾小智之牘僭
仰賀於涓曹

賀總領運使啓

宋李劉

啓雋類函卷八十二

歲在元辛承以長生之免日維吉戊臨于正旦之雞
載馳四牡之有功定保八鸞而入覲恭惟某官陽休
山立大德川流福星臨參井之墟民無遺便卿月代
房心之次帝有恩言三陽拔茅以連茹百祿竹苞而
松茂其尚棲舊蔭又見新年兩鬢霜濃難望東風之
解凍一犁雨足願從南畝以歸耕

賀轉運冬至 同答附

賀黃運使啓 冬至

宋李劉

斗北中而建子曆肇應於周郊日南至而逢辛書允
符於魯觀維時英節茂擁休祺恭惟某官德配陽剛
氣排冬凜水鮮漕下旣曉行湘水之春雷復地中即
夜對宣室之席諒應四分之牛晷坐齊七政於龍魁
某材乏綫長分甘車副儻憐紫陌看花曾綴於馬蹄
雖在黔山吹黍固希於鳳律

賀李運使啓 冬至

宋李劉

化日舒長共紀魯臺之至卿雲紛郁重行湘水之春
啓雋類函卷八十二

况兼熊旂龍節之華宜介羔酒兕觥之壽恭惟某官
仁排冬凜德配陽休物換星移又復濯滄浪之水漕
下水鮮便當登碧落之天仁風梅放以柳舒和氣竹
苞而松茂某寸材綫短半刺冰寒飯蔬飲水而曲肱
將歸尋於舊物衣繡觀風之直指諒未按於故人

回准西徐運使啓 冬至

宋李劉

緹灰襲候肇基來復之祥繡節臨邊茂介踐長之慶
恭惟某官身兼數器夙駕單車招來鴻鴈之民衆如
雲集餽給貌貅之旅令若霜嚴宜對天統之辰不擁
日來之福某屬拘朝綴莫旅賀約鳴鳳律和知已宣

於九德牽牛暑短聊具報以七襄

回楊總領賀冬啓

宋孫應時

天旋愛日當圭景之丈三地隱初雷在蓍爻之初九
惟德受祉與陽俱亨伏惟某官順履嘉辰導迎叶氣
觀臺曉望已占嗣歲之祥寒谷生春益茂宜民之福
雖暫淹於使節即歸捧於御牀善頌之私報書難究

啓雋類函

卷八十二

十

上轉運

上魏運使啓

宋李劉

聞宇宙之大名如瞻喬嶽抱江湖之渴夢今在下風
乏紹介以爲容修辭誠而求見某聞士之任重固不
止獨善其身儒者道高先覺知有貴於已若靡然斷
趾以適履必至於舐痔以並車操行既卑國家何賴
有能卷舒之際不爲燥濕所移如蘇文忠之達熙豐
亦不苟同於元祐若劉忠肅之惡章蔡然非強附於
伊川是名蜀珍可重趙鼎觀公氣象視古等倫茲故
賦明月烏鵲之詩亟欲快景星鳳凰之觀恭惟某官
啓雋類函卷八十二
眼高四海胸著千年漢相有真宜居蕭曹丙吉之冠
鄭公所願蓋在稷契臯陶之良當炙手可熱之時稟
掉頭不顧之節長卿甫還於巴路元濟已叛於蔡城
神山可巢固自薄蓬萊而不卽機槍未落必欲借荆
楚以同功雖卒成孺子之名然已立懦夫之志一麾
而出十暑于茲回視獨對三千字之人誰肯甘頰十
九年之刃萬牛不能回丘山之重四牡又復勤原隰
之馳要路在前聊養韓忠獻之器榮進素定何必王
文正之門然海內所以屬望於公蓋天下尚有可爲
之事幸昌其志以濟斯民惟功名當久遠之圖則富

貴乃緒餘之事如某者居貧甚肆從仕難任失汗漫
九垓之期分耳控地逐侏儒一囊之俸豈必鑽天乃
遠隨黃鶴之梯蓋願事碧鷄之使雖神索於大巫之
側當氣蘇於君子之前嗟遠道胡爲來哉幸將在此
居是邦事其賢者倘或許之

上趙運使啓

宋 鶴山

池上有鳳毛合世絲綸之業山國用虎節肯棲金碧
之巖六轡昇來四刀增重恭惟某官德光銀筆世載
金羸殷殷聲華真天子門生之子鏗鏘辯說傳中書
舍人之書輟分郡守之左符就畀行人之英蕩循清
啓雋類函卷八十二
三

獻故事而自梓移益付相如使指以定符存叩單車
行而問流馬之程雙節建而寢帶牛之習姑袖補天
之手爲施裕蜀之謀福星西來春風戶到某解龍具
而腰笏對鷺行而面墻假道涪江幸當帶冠劍而謁
使者脫巾錦里廼復褰章服以拜上官公遲禁地之
登我獲恩天之庇輝光凡草旣分甕社湖之珠文采
書生勿惜景陽機之錦誓期驂蹇勉附絕塵

通轉運

通趙總領啓

宋李廷忠

連十萬師而給餉遠揚英蕩之光同二千石以承
近假屏星之庇祇事有日榮遇自天恭惟某官周
趾之遺風唐虬髯之真種所居國重自與人殊高
雋科驚學海文河之浩蕩晉儀要賁觀郎星卿月之
輝煌凡所踐揚妙於裁剴崇牙旣植則藩垣斯固直
指所臨而獄岸以清積三年至九年之儲已著將輸
之效由一路總六路之任更資供億之勞自青海苞
戈之餘而潢池弄兵者衆瘡痍未復饑饉存臻四郊

啓雋類函卷八十二

三

之壁壘固多千里之舳艫弗繼要令民不加賦而用
度足須知國必有人而根本強卓爾蕭曩之才出乎
間平之胄獨持貨柄盡護戎毀實宸旒北顧之憂非
公何恃正揆席左虛之位不晚過歸某居家自修游
世寡與甫脫選坑於獨冷之地又償縣債於多艱之
時好絃歌而不衰魯孔子所願學也歸田園而未遂
陶元亮真何人哉竭來上都阨在逆旅皇天豈無於
老眼公台亦有於知音弗能持矛盾以爭名姑且貪
釜鍾而遠仕當行臺之治所趨別駕之戍期備訪問
於朝夕之間賓筵甚設免震凌於風雨之際國棟

迎轉運

遠迎王運使啓

宋李廷忠

星傳有華來從蜀道雲重寓直改昇淮瀟疊四組以
建臺總六條而察郡幸依宇下喜出顏間恭惟某官
在躬清明有志宏大錦繡川之積慶宅相有成瓊瑤
樹之垂芳風流是似起從碧幕坐致朱軒政自聲華
之益高不必步武之在近乃捫歷參井而上載驅馳
原隰之間羣彼遠民履於平地五千里木牛不絕屢
供左次之師七十城天馬無留爭效右牽之貢外庸
茂矣上思見之又煩加惠於邊氓未許懷歸於故土
啓雋類函卷八十二

五

遠迎韓運使啓

宋李廷忠

蓋今日觀風之使乃前時制閫之賓聽先甲而易孚
覺群山之愈秀煥乎堯閣未足酬澄按之勞藉甚漢
庭正有待論思之益某婆娑一墮荏苒三秋何期曠
弛之餘乃托光華之末僕雖去日之可數公幸來期
之匪遙降此寸心光於十目備弩矢前驅之列爭作
殷勤藉繡衣直指之威少安孤拙其爲林躍未究傾
疏渥朝端觀風准右總萬師而給餉舊依節制之尊
合二路以建臺復觀先華之選偶茲攝事宜有賀書
恭惟某官自天間生爲民司命聲宏而實自茂外和

而中甚剛文章伯之故家學者仰如北斗社稷臣之

遺烈天下措於泰山異氣所鍾清規克紹自登聞五

袴之詠久回旋六轡之行仗節而獲戎弢運籌而足

兵食積星華月交輝鷄鷺之行細柳長榆益壯貌貅

之勢外庸疊奏中召促頒夫何懷故土於會稽之鄉

未肯近白日於長安之道廉於進取久矣眷知陸蓬

萊論譏之班領濡須漕將之寄撫邊封而如舊觀先

甲之載新塞障不驚江峰增峻爲漢使十二人之最

既富有於吏能衍齊邦七百歲之封宜繼登於公位

某素非達學謬得專州三載罔功屢作歸耕之夢九

啓雋類函卷八十二

五

三

天有命忽叨入覲之恩弗許循墻第深維谷偶澄清
堂之虛席俾雙鑾翁而代庖遜聞詔除不覺手舞輶
軒將至適當解戎之期韓袴以迎莫與前驅之列傾
依徒切敷叙奚殫

遠迎趙運使啓

宋李廷忠

易乘驛傳兼剖菟符險要之地惟荆襄併資控禦淺
陋之邦如曹鄴復托按臨阻與前驅敢忘先贊恭惟
某官群紳之望萬乘所知太微星間蓋儲祥之已久
祝融峰下欲養晦以誠難賢者受任於天蒼生思被
其澤且往者屈也來者伸也道實將行苟剛則吐之

柔則茹之政奚以立獨稟清明如神之氣能揚耿介
拔俗之風肅然外臺強此中國三組堂據上流之勝
久著最聲一覽亭俯衆山之卑采增壯觀襟帶有相
聯之勢轉輸皆已試之規仍建崇牙來宣江漢更陸
華秩寓直蓬萊在一人之眷甚隆恐四輩之召非遠
所言利國宜管仲之不足爲以道相君惟孔子則所
願學其素無肖似疊有際逢龍坂同登嘗忝英遊之
舊鴈門遠戍載依使節之光聽易地之榮除動屬城
之歡舞有若小侯事大府惟謹奉承不以公法廢私
尚希全護

兩類函卷八十二

上

請轉運宴

請都運宴啓

宋郊厚

皇帝遣使臣以禮特異常儀弟子事先生有年欣逢
盛事盍簪交賀望履生輝厚意肅將初筵斯秩恭惟
某官卓龔命代老佛前身昌黎伯名重泰山親傳正
學司馬公脚踏實地不務虛聲萬變無越此誠三春
積成一信久稽熊軾坐鎮魚城民遷善與日維新天
助順乃秋亦有塵消渤海人歌二千石之良計上耳
泉帝謂十一州之最爰加撫字就命咨詢不勞原隰
之驅馳已遍山川之跋涉由偏州而升刺史舊典常
啓集類函卷八十二
聞自屬郡而登漕臺此邦昉見况寵以圖書之峻品
益增其廉訪之大權除目一頒頌聲四起南浦飛雲
西山捲雨放懷画棟珠簾北門視草東觀藏雲平步
黃扉青瑣闔座衆官公門桃李匠作梗楠不欲效李
良願效伯高原流有自一舉得石洪再得温造臭味
略同共捧螺盤前趨燕寢謂孔明之器識寧久轉輸
知黃霸之寬和必爲輔相恐攀轅之忽遽冀揮塵之
從容侍琴瑟於席前奏笙簧於堂下橙黃橘綠一年
好景之時梅粉楓丹十月小春之候可謂四難并之
會宜奉三達尊之歡言話雍雍威儀抑抑燒千炬燭

滿泛鸚鵡之杯翻五色雲霓登鸞鳳之閣

請都運并運判啓

宋鄭厚

六轡載馳已戒皇華之禮樂一麾來守以陳祖帳之容儀親莫親兮舊告新樂莫樂兮小庇大賓筵初秩侯度交歡恭惟其官名重如山心清於水康節先生不作雛眉事器量儘寬司馬文正每務顧影行跬步不錯仕宦三紀始終一誠自公南來寬上西顧塵清鄭章陰滿召棠政本慈祥十萬戶陰受其福里無愁嘆二千石真謂惟良乃眷奏功就加督餉福星臨斗牛之分雲漢聯奎壁之儲紅旌提賊黃紙除書聲不啓雋類函卷八十二

謝轉運

謝魏運使啓

宋李劉

據地承顏非有豚蹄之祝爲天啓齒乃蒙蟲臂之收勞軍將之打門發函書而驚座難道今人之不古但虞吾黨之累公伏念其於道無聞甚愚不肖每思名教之樂地何必事功亦知富貴之浮雲不如貧賤徒緣一第之末強爲三釜之謀中罹弗泊之悲甚悔未信之仕以風爲解遂回蓬島之舟幹流而遷徑泛瞿唐之峽既元戎所自辟於天子非先生敢圖利於大夫綴錦城雪嶺之觀未容黔突廁天水祈山之役濫啓雋類函卷八十二

新近功缺然遠業安在初不敢冀繼衣之美何爲過
蒙華袞之褒師曾之從事陝西容有知之而弗薦永
叔之退居賴上乃虞賢者之不聞所欣吾道之有歸
豈獨小人之受賜某不知所報當勉其頑氣象未可
攀但感幽桂榛菅之薦歲月坐成晚向託江梅桃李
之香

謝江東吳漕啓

改官

宋周必大

志在求賢方切緇衣之好名非出衆首膺華袞之褒
心感激而固深顏忸怩而亦厚伏念其生而極陋少
也多屯操行不足以率人詞章不足以名世懶書畫

啓雋類函

卷八十二

三

寐幾爲弟子之嘲騎馬辭歸當畏廣文之罵空縻寸
祿實愧初心誓將砭砭以窮年耻復棲棲而爲佞固
非韞匱有美之玉庶免躍冶不祥之金不汝瑕疵已
爲厚幸在公鑪錘斯亦何名茲蓋伏遇某官粹德尊
朝英辭冠古獻納將歸於邇綴澄清薦試於近畿文
紀埋輪外振使乎之職鄭莊推轂內推長者之心第
漸賈誼之才不稱河南之薦載念其趨風雖晚託契
則深先公聯名允列年家之子南宮試藝又爲門下
之生茲居巡管之中復在推揚之數恩榮參會鷺鉞
增光知我者春秋初靡緣於紹介報之以瓊玖請申
謝於詩書

回答轉運

回湖南陳運使啓

宋真德秀

叨恩分閫將依蕩節之華締好合行仍踵棠陰之愛
方消辰而祗命亟拜手以蜚牋恭惟某官鍾呂參絃
球琳比粹洽聞殫見窮探千古之傳傑筆環辭覺中
兩科之選顧力推其所學而自見於有行銅墨三年
課登乎最絃歌千室民誦于今不爲有力者所移但
欲此心之無愧登學館高華之地人知惟雅望是培
當國家閒暇之時公獨以豫防爲意每賜清閒之對
輒陳正大之言竟辭郎宿之高去作使星之照曉行

啓雋類函

卷八十二

三

湘水四牡駢駢雲霧衡山六條井井以清規而肅吏
以善教而懷民漢使所部十三州咸蒙惠澤湖南之
地二千里如在春風屬帥閫之方虎煩使華之兼領
閱時甫爾報政藹然玉帳輜車雖並隆於委寄赤墀
文石其所貴者精忠會膺當宁之知卽有楊綸之召
其自知其審已適何裨方願適山林之安詎復堪方
面之寄若爲稱職賴有依仁公爾忘私敢自覬刺史
故人之念新惟求舊當一遵令尹忠告之規祈仰方
深敷陳罔旣

鹽運部

賀鹽運初任提舉

賀諸葛提刑除運使啓

宋劉克莊

妙選名儒就陸計使雖三山父老惜郎宿之暫移然
七聚生靈幸福星之未改統臨所暨拊蹈惟均恭惟
某官氣塞兩間名高九牧地負海涵之氣貫穿百家
日光玉潔之文流傳萬口科目足以發身而易退難
進才業足以用世而深藏若虛晚遇先皇慶陪群彥
登車湖嶠凜白芷之風馨回首闕庭悵蒼梧之雲遠
屬者睿明繼照耆舊且思乃從故楚之區來按全閩
啓雋類函卷八十二

之境聞其風旨則善良吐氣挹其標致則鄙暴革心
於和氣祥雲之中有嚴霜烈日之意茲移使指就駕
漕車得非煮摘利饒轉輸權重上於鹽鐵之論有感
方欲變通公於王伯之辨素嚴必知取予深鄙富強
之說痛懲聚斂之人養基本以厚黎元捐錐刀以惠
商賈承風問俗修明此日之皇華足國裕民講貫他
時之相業佇看環召式遄袞歸其復以孤生試茲劇
邑雖終年勞苦無赫赫之可書然一念拊摩有蒼蒼
之在上日者躬負弩矢郊迎繡衣初乏先容頗垂異
顧方念寒蹤之奚托所欣春脚之潛回繫昔教條謹

鹽運屬官

賀京西運判啓

宋陳同父代

伏審光奉睿恩榮膺漕計伏惟慶慰恭以某官道師
古始識造淵微身兼數器而用之以時學備諸家而
守之以約討論不乏嘗編簡以成圖俯仰無心任摘
山之變法屢奉三年之最亟更一道之權舉屬吏以
傾心竚前旌之入境矧是右輔實惟輿區南則控引
於荆揚西則轉輸於秦雍奉嚴陵震備繕河防於措
置以爲難在選掄而左重登車攬轡初承使者之風
結綬懷金行被從官之召
啓雋類函卷八十二

通福建余運管啓

宋劉克莊

光奉睿書來參計幕陪輶軒而問俗咸仰元僚執蒲
穀以臨民叨居屬部敢贊于摩之敬冒塵督察之威
恭惟某官氣稟清英品流高勝勲名事業紹熙丞相
之冢孫文憲典刑嘉定從臣之猶子粵自麒麟之墮
地共期鵬鶚之在天而乃於簡編燈火以究心視鍾
鼎旂常而若苑兩臺贊畫俱爲名公之所知百里承
流殆以寒士而自處已書邑最尚詭民庸蓋全閩煮
摘之利饒而大漕澄清之權重有如上介必疎時
方將持大體於言議風旨之間何至親細務於米鹽

二天之能偏覆察一邑之不易爲假借實已藏孤
拙不圖今日瞻皇皇遣使之華尚許他時書下下催
科之考其爲舞躍曷究編摩

賀某提舉啓

宋李廷忠

恭惟某官先聖人之步趨群進士之冠冕以文瑞世
以道覺民鵬風翼而九霄猶取斜飛之勢驥日馳而
千里莫量遠馭之程乘仙槎問斗牛朗出太清之境
披天章抉雲漢蔚爲廣內之儒屬邊方驚杭之餘乃
聖化更張之始勇去北闕按行東江念國家經費有
常正藉阜通之術而朝廷權制已至務捐苛刻之文
啓雋類函卷八十二

廿四

豈特江左見管仲而無憂要令天下識范滂之有志
簡臺閣之士分諸道既遵用於唐規疇刺史之賢爲
三公即對揚於漢詔某仰高甚切事大必恭雖禮部
同升相懸何止數百舍自修門下拜鬲關幾經三十
年每望塵佩玉之行亦增氣衡茅之底自憐孤影敢
廢長鳴冷逼坐氈已勸作諸侯之客塵生破甑乃強
爲十室之邦整頓頽綱撫摩凋俗頻年登稔闔境晏
熙自知五有枝而易窮安得三不欺之善譽幸輅車
之臨照念踣履之棄沈此地相遭有天足恃言墨綬
者詣治所倘道譴訶開翹館以延故人尚希剪拂搖

旌有喜涉筆難宣

賀鄭提舉啓

宋楊芳集

禮榜聯名長記帝鄉之日月驛輶臨拜其隨宦路之
埃塵倘富貴之無忘亦實緣之有自恭惟某官古人
蘊藉當代老成文章自得於菁華慶量莫窺其湮渙
屢試蕃宣之命游揚華要之途方瞻郎宿之高輝復
喜使星之東指辭漢廷而出帳涉胥水以張旌幹山
海以足國財咄嗟可辦省風俗而遵王制寬厚有餘
豈坐席之久溫宜賜環之趨召某青衫末吏黃甲故
人姓名長借其齒牙道義深銘於肺腑雖尺書久廢
啓雋類函卷八十二

廿五

未嘗忘一日之間而樽酒相逢豈意在十載之後矧
輶車之初下在飛驛以攸聞適杜門正養沈疴然撫
枕不覺大喜手疾未閑於竿牘體慚徒望于羽旌尚
靳李德之有容不以私憂而獲譴猶懼問遲留之狀
故歷陳繾綣之情且桑梓必恭願事大夫之賢者雖
江山之遠將求長者而見之

鹽運摘句

宋人

海濱廣斥禹貢定厥賦之徵鹽筴惟供管仲致齊桓
之富漢除山澤禁猶設衛驪之官唐置中葉供益督
權鹵之務

賀肅都運啓

先任徽
州監郡

明成於思

蓬萊雲氣瞻太祝之裘裳湘水晴波照監州之綬賦
光紆朱紱沃渙紫泥講四子之德已頌美於中和陳
五際之詩尚含情於大雅去思逸調傍晚歲而吟桐
搖落幽情向杪秋而詠麥既沐子產之恩宜飾太丘
之像胥江雪積猶賦甘棠吳嶺春暉載賡貞石恭惟
某官玉河金鑰聯天上之神仙白壁銀濤建清朝之
柱石儀天聳構浸地開源百梅風格羅夷門兵甲于
胸中八貴雲仍漱洙泗淵源于筆下驅馳顯地涉獵
清途嘗膺北闕之綸音出補東吳之監郡七載寅恭
啓肅類函卷八十二

啓肅類函卷八十二

二十六

關中肅相國追憶千屯之牧牛省內富民侯扶搖六
閭之金馬鹽井烟清又見近來而遠懷樓春暖爭
看月計而歲靡灑翠竹蒼梧之韻度流清風明月之
光輝萬家烟火雨籠絃誦之聲千里桑麻雲度袴襦
之曉耳霖未浹迂壘先通泰堦既平倡壽不竭爰茲
國計之饒聿增麾節之重吳關舊隸方興去思楊子
新津又歌來暮其也瞻依有素慕戀惟深海外遺氓
尚思疇昔之風雅夷門故吏再歌今日之太平一壑
棲遲不覺歲華之晚三江飄泊遙瞻雨露之新方拾
薪以煮瀑姑擷草以充庖仰日月之光華執鞭而御
啓肅類函卷八十二

啓肅類函卷八十二

二十七

隨雲龍之上下負笈而從人見歐陽行展樞衣之敬
書上光範先伸賀燕之私振羽沙雞深有慚於負乘
吟秋蟋蟀敢自憚於循牆綠蓑風雨方懷渤海之嘉
舊綉波濤安恤淮南之遠喜追東閩之龍來趣衡陽
之鴈仰駟駱之載馳且先絲轡望雲旌而獨發敢後
驚駘賀賀葵布心草草

賀李斗野權長蘆運長啓

明曾光魯

某叨隸桂庠遙瞻衡岳自明猥淺遽荷包荒空懷狗
馬之私莫效涓埃之末祝六九頻錫命三加適聆某
官新詔甫臨鄙衷轉切第國家財賦須借冰壺秋月

之操乃豪傑經綸頻當錯節盤根之會兒居近地易
達京師尺五播聲始彰公論魁三持柄方副六名騰
下暫承瓜期隨赴蟠桃實矣開三千而結三千松拍
挺然一日而二之日其初聞報即擬叩趨忽傳楚
省之旌旋繼永州之駕用違夙願深負大望憶自得
亭中猶醉醇醪氣味看將來路上誰憐驚馬馳驅萬
幸此心百年之誼敬修候楮聊布別悰萬祈汪度優
青也亮宥

啟雋類函卷八十二

二十八

賀鹽運元旦

賀鹽運司年啓

明馬朴

玉琯陽回寶曆啓履端之慶璿璣斗轉蟠臺迎獻歲
之祥茂對昌辰克綏介祉恭惟其官材隆柱石望重
斗山暫以包孝肅轉運之能隨試管夷吾者熬之筴
濟川舟楫利占渤海多瀛調鼎鹽梅和試天閭之表
茲際三陽之開泰正當萬福之候同其恭厠下僚親
炙夙旒於趙日喜回淑氣披拂益想乎程風顧謫劣
無文不能賦椒花之頌而尊嚴懼酒未敢稱柏葉之
觴九頓徒懷一虔莫效謹裁尺牘附狔寸絲少申無
賀之殷勤統冀鴻慈之鑒納

三十九

啟雋類函卷八十二

通鹽運

通鹽使鄭公啓原以侍講

宋格齋代

伏審輟從朝班出持使節誦文章之爾雅殆疑非近世之人望英蕩之光華乃辱在先驅之役蓋平日精誠之感有今茲幸會之逢不自勝其欣抃之懷輒自見於竿牘之敬恭惟其官彌文作古雅望鎮浮方其遊舉子之場已不為嬾青配白之語及其奉彤庭之對且盡吐薄雲貫日之忠溫然有說命三篇之風歸乎在漢庭諸老之右式是帝心之簡在亟從天祿以校讎厚德有容而不失其高中立不倚而非期於矯

啓雋類函卷八十二

三十一

頽波方靡雖蕭傳亦有非望之慚砥柱不移獨宋璟聿為難致之客深交不願於絳灌為公何有於孫劉旋劇劇於星郎之曹且緡經於春官之席皆主知之自結何治最之弗優大為人望之攸歸僉謂國鈞之伊適奚雲霄之已逼乃原隰之載馳先聲所孚列城自肅羞崑崙而薄負嶠姑遂來臨扶藹道而上紫微終當未免其少而筆硯偶爾紳裳倒指半生之中若為把玩折腰百僚之底乃爾塵勞矧承竭澤之餘尚深頽尾之憫催科撫字莫知何策以兩全嗟濡挽摩尚圖更僕而三請幸焉已甚言亦奚宣

迎鹽運

迎鹽運啓

明徐元陽

恭惟門下衣鉢文章箕裘軒冕佩虎符而臨千里憑熊軾而撫百城計上甘泉聲望與金甌比重波澄漲海勳華共銅柱爭高帝心已眷其惟良公論且頒之大拜豈謂煮海之役終歸調鼎之臣蓋繇鹽筴疏通實係邊防儲待是以雖勤簡命仍煩握筭之弘羊特假漕司尚屈賜金之黃霸天占使入地覺錢流念某涉世至迂承家不競昔於江右曾叨霽化雨之餘今在浙中更獲廟休風之末曷勝慰藉敢闕趨迎敬狂

啓雋類函卷八十二

三十二

回答鹽運

回呂運鹽啓

宋孫應時

從諸公後未諸親鳳之先得君子僚自恨解龜之早
喜騰裝之亟至期傾蓋以爲榮伏惟某官地位清高
風度詳整相家人物承七世之流光聖學淵源熟諸
儒之餘論雖遠業之未試固吾徒之所期不辭煮海
之勞無乃乘田之意諒惟敬事足以見賢佇觀素履
之亨克紹青氈之重某讀書未竟爲吏又癡拊舊夢
以自驚閱瓜時其浸久笑形骸之留滯飽江海之淒
涼欣聞公來乃復忘去蓋平生慕義故知此會之難
啓雋類函卷八十二

如一見寫心豈謂相逢之晚

鹽運屬官

賀京西運判啓

宋陳同父代

伏審光奉睿恩榮膺漕計伏惟慶慰恭以某官道師
古始識造淵微身兼數器而用之以時學備諸家而
守之以約討論不乏管編簡以成圖俯仰無心任商
山之變法屢奉三年之最亟更一道之權舉屬吏以
傾心於前旌之入境矧是右輔實惟輿區南則控引
於荆楊西則轉輸於秦雍奉嚴陵震備繕河防於措
置以爲難在選掄而尤重登車攬轡初承使者之風
結綬懷金行被從官之召

啓雋類函卷八十二

通福建余運簡啓

宋劉克莊

光奉替書來參計幕陪輶軒而問俗咸仰元僚執蒲
穀以臨民叨居屬部敢贊于摩之敬冒塵督察之威
恭惟某官氣稟清英品流高勝勲名事業紹熙丞相
之冢孫文憲典刑嘉定從臣之猶子粵自麒麟之墮
地共期鵬鶚之在天而乃於簡編燈火以究心視鍾
鼎旂常而若免兩臺簪畫俱爲名公之所知百里承
流殆以寒士而自處已書邑最尚詭民庸盖全閩煮
摘之利饒而大漕澄清之權重有如上介必疎時
方將持大體於言議風旨之間何至親細務於米鹽

錢穀之末側聞公子素馳魏闕之心將有神仙共引蓬萊之路其早孤鮮援漫仕不諧偶脫還坑冒當劇邑終年勤苦無赫赫之可書一念撫摩有蒼蒼之在上然命脉實關於離運而主盟全藉於帷籌欣聞名輩之臨倘雋通家之好雖無善政敢希堂上之絃倘有危機尚賴幕中之辯

回趙運幹啓

宋李 劉代

內幕主書濫竊機謀之祿外臺贊畫鼎來禮樂之英盡修同寅之恭適坐旁午之冗高情厚甚下問燁然恭惟其官傑立宗標焯爲儒倡麟振振而一角鳳翽啓雋類函

卷八十一

三函終

翽以九苞太乙吹燈豈特傳五行之學長庚吐焰固宜光萬丈之文吾道非耶公等安在旣低飛於枳棘又屢泛於芙蓉輟天塹之元僚佐星輶之計吏棟簾雲雨似聞曾駐於檐帷庭戶湖山復見重來之賓佐聊副皇華之容度即登清切之司存其濩落東書參差一第不狩不獵豈能談笑於青油爲箕爲裘聊戲斑斕之絲服爾然薄陋安所依歸異事同僚倘憐草木之吾味百聞一見當爲珠玉之修容